


四庫禁燬書叢刊編纂委員會

北京出版社

四庫禁燬書叢刊



集部第一二八冊目次

徧行堂集四十九卷目錄二卷(二)

〔清〕金堡撰
清乾隆五年刻本

一

徧行堂續集十六卷

〔清〕金堡撰
清乾隆五年刻本

三一七

古處齋詩集十三卷(一)

〔清〕陳祖法撰
清康熙刻本

六四三

徧行堂集四十九卷目錄二卷(二)

〔清〕金堡撰

清乾隆五年刻本

上海圖書館藏

徧行堂集詩之四

丹霞今釋澹歸 造

侍者 古踰 古旂 編

五言律

三可菴王以愍大師墨蹟見示蓋贈其祖印宗

老僧者三可亦好客喜文學家風未衰因次

韻以贈

日月倚頽流心期古塔頭未聞山色改猶見墨光浮
祖武如遙集同風續勝遊始知無盡意不外鉢盂求
胡盛賢爲其母八秩乞詩盛賢方爲吾山造佛

徧行堂集

卷二十三

走筆贈之

有兒能作佛是母莫生天不盡莊嚴相長餘清淨錢
斑衣方進酒陸地忽開蓮領取一輪意年年九九圓
崑山別駕施雙鹿爲山中遊侶皆以甘食黃花

失足懸崖感而有作

已遂谿山願猶慳雲水緣聽經離座下逐草到巖邊
遠思會防後忘機卻向前回頭真不易夢斷竹林眠

又

食野群雖失施林德未虛來俱辭網罟去獨免庖厨
淚落雙行外題者無亡解香飄一念餘大衆皆念狐佛號於之

留桃核意一傍使君畢

相江舟次東侯均菴文宗

有約能無踐同懷各自知天空雲落樹石礙月窺池
夢入松風後心融鏡像時海幢清話隔迢遞一年遲

又

薄俗難居厚於公體自然文章開後輩理學起先賢
駿拔驪黃外春深桃李前還聞乘白業一笑失青蓮

又

彷彿仙靈宅依棲長老峯無人遊汗漫盡日自從容
碧落穿千嶂銀濤走萬松誰當玄賞罷拘折一枝筇

徧行堂集

卷三十三

又

不信人間幻安知我法親明珠元在粵禮器不歸秦
畫裏王維句書中房琯身扁舟江上意雲物幾回新
相江舟中風雨

客思渺無寄寒空勢莫分如潮吹急雨非雪擁重雲

短髮難添歲孤篷易失群此中無陸賈那得未聞聞

又

老態寒威切空山歲事侵風連危石怒雨卷晚江深
莫覓三更夢長懸獨照心誰將近川水劃作去來人

又

近市來生客能言江上寒鼓鐘沉野寺舟楫臥荒灘
白髮頻年熟黃蒸舊日酸一憐如幻意了了夢中看
自相江湖流連日陰晦未至平圃風雨大作翌
日抵總舖諸子牽舟把舵凍色可掬爲作四

詩以勉其行

風雨寒如此諸公豈自謀引繩纔百丈舞棹卽巖頭
別用觀空鏡長看逆水舟一竿如失手破碎在隨流

又

不乏江湖客塗中載鬼多蛟龍持殺氣魚鱉赴貪波
一念癡相結于迴業未磨吾儕憑願力此日慰蹉跎

徧行堂集

卷三十三

三

又

如雪落前灘江風接日酸波吒毛髮聽蠻觸齒牙看
我見多慚愧若行各喜歡危途乘此出三界有誰安

又

纜斷繩難續檣傾楫易眠網穿層浪裏箭發積風邊
天意輕來日吾心切暮年晨炊猶未舉莫討雪中龜

十二月二十有六白凌江放舟二日半到山卻

寄孝山并示同學

豈不扁舟便難看孤錫歸櫛膺長汲汲顧影亦隨隨
遠水休緣水空山正立雖同心猶此老一酸起寒灰

又

入舟纔自怯此意有誰知敢說從吾好真難易地思
情長輕一肯願廣得無癡卻笑叢林客空嫌日月遲

又

半生餘福窄與物愧從容碧落有何限孤雲長不同
無人談順子此道問婁公攜得春風至渾忘歲欲窮

又

三日牽舟上都爲一日行危灘聞竿竿黑路看明明
料理煩同任驅馳信畢生此中迴向地深坐答寒更
答陳喬生

徧行堂集

卷三十三

四

訓何朗水

會遇仙城客聞君近益貧有家旅食穩無稅筆耕勻
自覺塵中幻題詩物外親丹霞山水好莫覓武陵春
水月無人管烟雲只自浮回心當逆境觸事信虛舟
高興推何遜凡詞惜貫休多君能好我珠玉間相授

又

尺璧輪危浪明珠出絲雲吏來思按事老去癖論文
磬過雨初歇舟通山漸分此間無諍地不惜倡訓勤
存四重來穗城

六載成相別重看此夢中鬚眉蒼未老行履困潛通

海角誰安枕山椒忽轉蓬寂寥仍一笑稍稍荔支紅

又

一嶺何分別他鄉與故鄉未申存沒問只見合離忙
行色悲春雨歸心怕夕陽誰能無片事傾倒共羲皇

徐萬年江存存楊蓮峯三司李過訪

積雨歡初霽輕風掠嫩苔遙山青獨露近海赤全開
道與祥刑合人攜夙慧來高譚趣方愜野色暗香臺

又

水月舒光遍松風入夢勤觀空隨布地雜草得重雲
苦節回甘別清香到濁分諸公幽訪意信有不聞聞

徧行堂集

卷三十三

五

管鍾石明府同鄭襄孫過訪

結夏依林遠橫江有客來松風隨夢出山色向人開
我見紫芝骨君憐白社才眼前雲海濶何必越王臺

又

宦跡流雲冷僧家落葉輕不妨仙客意相逐野鷗盟
瓢鉢俱堪託龍蛇更莫爭且來盤石上深坐說無生

又

未許閒名謝還將曳尾留官場三日後野趣一時收
錯愛忘賓主高談得倡訓從今休定約好趁腳跟浮

又

闌閣無人識波濤盡日懸詞章來我輩丰骨見先賢

日麗龍山上風生舵石邊何時理烟棹敲火潑寒泉

留別諸護法

秋色託何所孤雲殊未還至今丹嶂影只在碧波間
花落豈無蒂猿啼莫過山憑公一垂手不動灰心關

西南重別阿字首座

白月滿清江孤心影一雙歲寒常此切願大莫能降
暗起難醒析明催欲謝缸事繁兼食少珍重水雲幢

又

烟合人歸市波分懶過魚移舟俱理楫舉燭正裁書

徧行堂集

卷三十三

六

辛苦誰知味憂危更索居淚傾無語地拜罷獨踟躕

同首座訪王力臣明府衙齋夜話有作留別

共載珠江月來看玉鏡花深談低夕樹爽氣蒼朝霞
曲折成三笑艱難信一家人間無可意何處覓丹砂

又

方外結同條古人餘此交入林分寶帶別路贈寒袍
江水來時澗山雲斷處高鵝谿千尺影披寫伴松濤

留贈陳瑕無

十五年前面相驚得此生敬田逢逸少賣卜憶君平
儻弔訓經史鬚眉餞甲兵江山渾不異爲爾一含情

又

六詔輪三戶單絲怯一楓人情連鬼語仙侶雜禪宗
境苦髮添白更深燭滅紅羲皇猶有國且向枕邊通
賀羅紫劍司訓永安

領袖推英絕宮牆借宿儒濯溪成異錦垂露落明珠
桃李隨高下風雲自卷舒朝廷重經術咫尺到徵書
和孝山寄懷丹霞梅花二首

澹雅知誰比寒香性所宜每逢湖上客一寄隴頭枝
不作袁安臥長邀何遜詩露葵新可折幽夢亦相期
又

補行堂集

卷三十三

七

暗香侵坐側殘雪倚山巔烟月留空定松筠助碧鮮
連舟成往事策杖復何年心遠非關境生花又幾篇
乙巳九月十四日阿字首座與予別於胥口時
法門多故予復抱病還山諸護法深加憫念
屬師躬致曲折乃拏扁舟追予於英州不及
遂入丹霞成兩日夕登臨語語之樂失便宜
得便宜非出家人未易受用也師垂示五言
近體十首頃在韶陽歸舟重憶此境追訓雅
什不限韻數各紀一時

及此重相見行藏豈自謀到山疑去住擲水怕沉浮

萬壑存孤影全潮失一漚野人無所戀長嘯對虛舟

又

曲折爲誰吐煩勞祇一肩更無浮海約亦借泛湖船
穴黑狐狸外枝寒鸛鵲邊城隅兼塹角值甚飽鳥鳶

又

拋纜過高樹聯舟宿淺沙師來無几杖我請乏香花
傾倒添殘燭肥甘足嫩茄可憐脫畧意真箇是山家

又

不藉當塗愛寧知擇勝功風輕五色雀雲暖萬年松
山色遙相引溪聲靜有容吾師雄顧盼直上最高峯

補行堂集

卷三十三

八

又

袍袖俱沾草頭毛總映霜雪天消木佛灰壘薄生王
建國爭蝸澗編年過電長吾儕有何恨默立見興亡

又

千峯猶障眼一曲敢謀身苦節非孤傲柔情是隱淪
漁翁雖在晉溪水不逃秦我亦湖山客何嘗別有鄰

又

白足凌危磴天風吹海螺燕居宜在此登座定如何
花落枯巖潤雲興活水多法王垂手罷吾意在烟波

又

伎倆憑山鬼盲聾任老僧哀憐纏弱草慚愧立輕水
此後惟孤掌從今祇服膺下方如仰睇依舊碧峻嶒

又

更莫爲雲去真難自卷舒輕風初裂網薄雨剌隨車
竭力吾從衆長才老不如巖中猶有王深照一燈餘

又

水落石猶怒雲歸風不知掃除應待命擔荷莫成癡
栩栩莊生夢班班猛虎詞兩山輕重異一樣付懸絲

又

不得無離恨香林顧復深幾年同建立何日更登臨

徧行堂集

卷三十三

九

老母城東指常啼市上心海幢波浪濶迴首一長吟

又

各有牽愁地波旬且桀驁射工曾有弩王庫本無刀
豎掃窮三世安危信二毛眼前奚足問秋露託蓬蒿

又

六尺茶條硬乾坤一手擔劒眉纔剔豎墨審便沉酣
到岸泥沾襪歸舟蝨滿衫此行那得似薊北又瓊南

又

今夜韶州月中宵不敢明經過當仄徑關切尚懸旌
急難懷兄弟如初念友生茫茫烟雨內不見古人情

觀音石

太古誰烹煉無情忽現身妙休存混沌樸未損天眞
月面多生琢雲衣幾筆皴不知無盡意瓔珞委何人

又

薄俗信根鮮邊隅佛日怪暫窺岫嶼洞徐出補陀山
悲仰餘三匝慈威露一斑月明江水白拋影不須還

又

背水非營陣爲山且破荒自歸安養內別見妙高旁
童子香花靜行人手眼長無由睹鸚鵡頂後宿神光

掛榜山

徧行堂集

卷三十三

十

壁立千尋在誰傳掛榜名風雲能自致龍虎莫相輕
湏水南來夢梅關北去情細看無一字不敢問前程

又

未覺功名薄休辭雲水寒解空初及第叶妙更彈冠
天闕從容到龍門咫尺看雨花吹又落腳下是長安

又

此榜何年發年年江上懸孫山殘局裏錢起數峯邊
有路攀援絕無名次第傳天門元自闕時對白雲篇

入曹谿訪天拙禪師卽事

廿載曹谿路重來鬢已斑烟疎石角舖雲薄馬鞍山

映樹人相見隨田犬獨還好風吹愈有記得近禪關

又

山水西天古門庭北斗尊九龍開日月四嶺畫乾坤
不藉兒孫力方知宗祖恩留身長說法靚面許誰論

又

衣鉢猶傳信天然一物無但知春米熟休怪學詩疎
堂構虧先世松筠挺萬夫寂寥凝睇久心逐水雲孤

又

卓錫千年後泉源屢不來青鳥空證據白骨浪安排
甘露門休壅金河水白開小亭風葉裏落響有餘哀

編行堂集

卷三十三

三

又

愍公乘願力欲起祖庭秋此日方懷德當年竟結讐
業因魔事盡真骨妙香浮寄語風波客吾今亦自由

又

擔荷爲誰切艱難只自傷百憂支彼此孤注密行藏
忍力存慈定深心覆廣長無由分遠道獨立怪斜陽

送黃二不之富水用見懷元韻

過楚方歸越迢迢路幾千半年蒙作客何日慰樓禪
秋老蘭臺月春殘珠海天丹霞西嶺上銀地赤城烟

又

白雪樓頭夢頻將曲水酤爲尋梅福宅還見莫愁無
遠檝迷芳草微吟倚碧梧盧公分手地念爾旅情孤

訓李爾博司訓留別之瓊州

鵬搏九萬里奮翼動天門不識南溟大誰知北海尊
雄文方駕少清節幾人存眼底無離緒難同斥鴳論

惠州訪葉許山

我夢別豐湖雲帆興未孤疎鐘新客枕深雨昔年圖
密竹連成蔭輕鷗斷欲呼十年華首事珍重念如初

又

法喜日蕭蕭孤筇幾見招十行詞意妙雙屐水雲消

編行堂集

卷三十三

三

過電談空近浮囊涉海遙鏤頭榛子便絕頂挂同條

洪藥倩自嶺外歸過訪海幢

湏水歸舟後禪山息駕初故交多寂寞遷邑久荒蕪
世路網尤密空門跡未疎六年重拜手悲喜更相扶

又

歷變方增識休心不借功君依消作息我逐有爲空
促膝過風雨深燈別鼓鐘連舟尋勝樂一宿最高峯

送姚宣甫歸惠州

得失非所問蕭蕭佛日閒雪窓三載去經筵一舟還
獨鶴深留翮明珠早破關掌中全世界無處落孫山

送若海之端州

督府中權地東西節制存理從人事順德在物情尊
五嶺瞻星表三江到海門憑公一長嘯氣象滿乾坤

又

管內非來去情邊感合離定山初得伴丹壑漸成蹊
佛日常相見仙雲祇自低妙香真不隔一念寶峯齊

壽周伯昌

誰踏毘盧頂真開火宅蓮十輪行自具一點到俱圓
花雨浮珠海衣雲落梵天裴休今已諾千佛許齊年
遊仙

編行堂集

卷三十三

三

鍊骨七金山題名六欲天倒騎牛背穩順帶鶴毛偏
一片青田核三升白玉泉醉呼兒輩看竹馬趁先鞭

贈李翊皇

有客填蒿里無人贈麥舟眼俱穿馬鬣魂已斷孤丘
忍聽枯魚泣難成流水謀俠腸銷百衲爲汝更蒙頭
故人襄城李公歿於高涼其孤翊皇謀歸葬數年
奔走兩燃頂以籲天而未得丁未春至丹霞相對
咨嗟爲題此作世上故不乏氣誼之士豈遂無仁
人成此孝子者其謹俟之

彈子磯

挾彈何人事空留壁上痕春雲寒易墮秋水澗難吞
鷹隼低風穴蛟龍起石根長將無畏觀獨立問乾坤

又

側媚迴幽峭巖巖不可干待誰穿鐵鼓憐汝逐金丸
沉碧兼江靜摩青抱月寒莫存攀仰見流入使君灘

又

不似中宵虎何當東海魚有門關芥子無雀賺明珠
瑣碎羞雷斧顛翻畏日車誰能終一擊薶粉落空虛
同舟諸子有能詩者有不能詩者因爲不能詩
者代作彈子磯詩

編行堂集

卷三十三

四

謹避鏤空手還存破的功忘言對禪客此句逼詩翁
輪轉升沉日帆分上下風不留元字腳千聖若爲通

舟中小睡徑過湓陽

不見湓陽峽空憐夢覺長江山本無待風雨故相妨
轉石魚鱗鈍摩天鳥跡荒往來十六載慚愧鬢邊霜

過清遠峽

雨伏千蹊閉風生一葉開青山終不動古寺復飛來
約束江中石憑陵天半臺暮猿歸已得何事有餘哀

劉長山初度

除日豈無歲詰人方及時長歌百字令屢舞萬年枝

臘至梅先得雲生山不知韶光到何限斟酌滿瑤池

贈張紫巖

寂寞天涯事相看有固窮不知溝壑外錯向道途中
俠骨徒虛語悲心切晚風八旬穿老眼無力到飛蓬
紫巖家貧親老訪舊粵東竟無所遇父子三人困
頓旅舍萬里天涯未有出青之俠士八旬風燭祇
餘垂白之高堂予亦托鉢浴門僅得一盃澆轍率
題此作相對淒然且復寬懷庶慰嚙指

贈王非二少尹

三十年來事相看已白頭勞君重話舊長夏忽如秋

編行堂集

卷三十三

七

月落韓庄夢風輕韶石舟可能頻寄去瀛海一浮漚

端四初度

皓月深秋意長庚喜得朋仙音低穗石佳氣接金陵
潭上全開菊壺邊各映冰莫疑潦水盡更有百川增

又

今日長生社南山見一峯共傳黃僕射把臂葛仙翁
勲業分銅柱年華問燭龍有才過四十遲汝黑頭公

築隄詩和阿字兄韻

輪水通溝洫編籬養樹林不追來者計空抱古人心
力作分幽課移時有獨吟他年蒼翠外只見殿雲深

又

白石如成飯黃金便築隄衲僧無此事側耳聽雲霓
乞塊從人破尋花賺鳥啼莫穿蓬翟過怪我復棲棲

又

負瓢初避客植杖更逢人此月幸無雨鳩工莫到春
疾徐謀自審苦樂夢誰勻斟酌珠川水難消萬斛塵

又

卻笑三霜後都無一寸田竹抽深夜雨柳散半邨烟
槐莢行疎翠荷筒疊小錢滄桑元不定且遣日爲年

又

編行堂集

卷三十三

六

獨坐非無事徐行不問時見誰同夜話何物免晨炊
白眼空三際清風寄一枝護生隄下水搖曳動人思

予於丹霞築三隄其隄江者爲護生

又

到水纔通寺成林又隔山苦心開笑臉白髮上童顏
萬象來如幻孤雲出未閒不知誰好夢鎮日閉松關

又

今日旃檀樹須教荆棘圍軟輪終不到深草卽知歸
未礙朝看槿聊當夕掩扉老饕將得火乞汝筍初肥

王瑞圖初度

威鳳初成穴神駒已出泉卽聞餐玉訣莫負散花天
骨在寧論命心長不計年遙從白雲下一奏紫芝篇

泊界牌山下

坐久語未盡天空月更尊往來同此夢今古各無痕
一鉢歸仍晚前途畏尚存窮民兼餓虎深夜集荒村
過清遠

迢遞過清遠蒼茫共水雲老夫方臥病此意悄無群
月白魚相躍山寒鳥不聞猿啼自清切愁向峽中分

聞雷

攸煥生風雨滇江臘月雷四時誰得序一綫未知歸

徧行堂集

卷二

七

寒

大塊徒摧擊空音漫詭隨炎州無蟄物爾意亦奚爲
昨夜聞雷罷今朝得沍寒玄黃深欲戰冰炭錯相干
欲問歲無恙誰憐民未安風波吾已老敢惜路行難
石吼直歲之羊城予將出庾關托鉢

羅天衢來謁

七載空皮骨誰同行路難子雖疎翰墨卻喜有心肝
穗石春深樹章江雨後灘鶴原相急處一念莫教寬
且有蕭然致風塵未易侵紫雲長挂眼丹嶂忽同心
我法千門敞隨人一路深爲看滿鉢水料撒囊中針

送何節生之棲賢

不續匡君傳誰過招隱泉爲呼楊子水散作洞庭烟
空谷來新喜重雲結淨緣含鄱月下夢一樣嶺頭懸
送人依上座之棲賢

又

華藏吾山水誰當見合離三巖今有主五老更無欺
拄杖雖依壁芒鞋亦過溪遠公會畫斷一笑問醯雞
蕭品石饋桃

徧行堂集

卷二

十一

贈筇崖老宿

巨核難分種何枝得此桃不須三竊至早已一盤餐
雪黍休相競調冰欲自嘲莫思丹荔遠喝吻尚流膏
眼底無他事心休只此身春秋元不涉賓主向誰陳
山骨連雲壯花光過雨新一回眠食罷踟躕舊時人
許堯文郡丞招集期仙廬

又

冰署近多暇僧來仍入林新秋微雨後分我片雲陰
輒預名流坐徒憐老衲心高談知未盡不覺晚風侵
不復聽絲竹於今十九年仙人低易墮古樂澹誰傳

雲石虛堂遠風濤宦海懸使君有高詠真賞問成連

答贈李九洪

夙有雲間夢難從海外歸半生同瘞玉一息異飛灰
國士初相識家風且未虧爲君忘昨夕烟合暮山圍
贈友

儒術尊三老當時有乞言似君富才學畢世臥林泉
心向青原盡書從白鷺傳悲來能作賦蕭颯向秋天
贈姚培公別駕

旅夢一相見沉沉蕭寺鐘朝來分爽氣直欲起孤蹤
錦石春江鯉郎山雪後鴻所思不可得秋色在文峯

編行堂集

卷三十三

九

吉州重賂程大匡

不向孤峯覓還從鬧市逢爲吾勤出入轉眼各西東
玉友雙鵬俊珠兒萬馬空莫嫌身世拙此曲未應工
又

喪亂經吾鄙驅馳亦偶然饑寒須自累知覺倩誰先
雲寫增波石松吹落澗泉平生珍重意不在劫灰邊

贈友

未免人間夢嗟君濟世才遠雖空萬里高不藉層臺
黃字還成飽歌騷且節哀逃禪乘慧業莫受眼光埋

留澹漢禪友

物理元無待吾生亦有時涼風飄一葉好友正相思
決絕山川遠蹉跎日月遲壯夫俱自惜雙影漫參差

訓舟次送別韻

不見平生事搏空且奈何樹猶扶擁腫石且結盤陀
一鉢晨初引疎鐘夜後過紅塵有寒雪着眼莫蹉跎
又

世間窮未足物外許相親我愛周元亮能憐吳野人
晴霞桂山麓秋水壓河濱手把寒雲結飛花片片塵
又

化人難惜別秋氣得先涼湖海浮俱濶松筠老亦香

編行堂集

卷三十三

辛

寒山餘一片白紙儉三張匡嶽憐吾遠題詩好擅場

留別蕭小翽

受君猶靜王只合任深山谷響吾誰逐松風了不開
雙林前世影一鉢幾時還置劍無言後詒人買翠鬟
小翽兩夫人別居盜劫此則小翽在彼劫彼則小翽在此予戲謂人欲避盜卻須多置幾房未語漫經此

留別孟昉

暖眼猶朱夏離懷結素秋自堪乘月往莫作到山留
密坐移丹桂輕帆引白鷗不知歸夢遠一半寄龍洲
又

盛事休凋謝名家憶琢磨鄰偕石老帆影到樓多

靈樹初成蔭澄江未改波時難君不勌展鉢愧如何
孟助近頗枯槁而爲予周旋殊切予甚愧之

又

纔作臨岐話殷勤問十行微風生古道寒雨過橫塘
菜葉溪流淺梅花驛路長雙龍明歲起一憶桂枝香
有明年浴佛一過丹霞之約

洲文可老宿

曾有華亭夢霜天鐵笛前千巖憑瘦竹雙眼徹寒泉
挂角無餘迹追風不受鞭相看晦朔外夜夜月孤圓
又

偏行堂集

卷三十三

三

不得名山意空辜破衲恩家風散聖列詩卷益唐存
海濶孤舟硬雲深半座溫三巖梅未放應許共黃昏
贈朱咸孚畢五至

欲別憶蕭寺叩門披火雲爲吾不請友空谷見斯人
有話能連夕無風解問津此中誰作念記爾挾雙輪

寄荅曹秋岳侍郎

寒月浮初夜梅花點客襟遠懷分老友獨坐見長吟
南海思彌濶東山臥已深誰呼燭龍起一照萬方陰
又

未許閒名謝空憐保社癡千戈餘兩眼丘壑繫單絲

絕壁青如故流雲冷不知疎鐘連急杵憶爾夢回時
歲暮還山

又

一歲盡何處我知人不知雞聲野岸濶驢背夕陽遲
客枕落殘夢村春生遠思分明歸後事愁絕未歸時
衰草結寒原餘灰冷燒痕江流喧地角日勢伏天根
萬象孤行內勞生此夕尊遙憐雲氣半石骨露三門
首春復之凌江

大道本無似如予豈不然莫教言語刺且信路途偏
春溪野客澹江深雲影玄平生師友意未敢息勞肩
偏行堂集 卷三十三 三

又

不得無迢遞其如別恨何望烟分野店息檐共斜坡
暝色浮天遠寒風集木多回瞻絕壁下新月挂藤蘿
送枯吟往佐長慶

春水且未動送君當雨時蛟龍應得此舟楫欲無辭
萬里流堪濯千華潤不知相期三載外灌頂肯嫌遲
又

短袂能無念長途春正寒離人輕折柳法將重登壇
烟雨浮青嶂天風落紫瀾誰持消息返爲我問鹽官
送異行非四侍長慶行

憶爾扶師病相江野寺中遠懷今日慰別恨昔時同
不受詞章轉能知行業空此心都盡處應見古人風

又

祖道宜光大殷勤待此行老來無剩語好去惜浮生
激水孤帆穩循山片笠輕透關還舊業注目看先鳴

作金行乞虔州

此念能無切同流鉢欲空攜鉶梅嶺外挹水鳳池中
闌闌人難識烟霞夢易通殷勤泐山樹輕綠澆晴風

次韻謝曹季子

髣髴西洲夢難追已去緣鶴歸應紫府鵬負卽青天

徧行堂集

卷三十三

七

客舍看栽竹官池憶種蓮不嫌方外冷領取句中玄

又

映室分高視形神一樣清逢緣仍獸立隨地得空行
秋月金蓮意春山玉版情菟枯有何事深坐惜浮生

海幢開雲副寺省親之雲間

十載同悲願三春離恨多思親誠若此爲法重如何
天遠月低樹山深雲湧波珠川凝睇久歸楫莫蹉跎

又

萬事存孤立寒風曉更生過山一鉢簡下水半帆平
觀實惟修幻行空不嗽名天涯無切念此淚向誰傾

留別沈宏度

客夢了無涉相逢亦偶然綠楊深着雨白鳥遠迷烟
秀句懷康樂高風挾魯連疎鐘何處發歸思落雲泉

又

老去仍無賴雙叉泯一尊幻輪終不息灰劫歎誰存
心向塵中盡詩從格外論何人撥深草涼月滿柴門

松雲之仙城

八桂荒唐夢低徊不可尋市朝誰變置山水各登臨
老惜誅茅力閒消擇地心歸來秋未晚松竹有餘陰

又

徧行堂集

卷三十三

七

眼底風烟幻空中不自真半生虛費我有作便還人
石乳清欺雪巖花冷鬪春何方一相念千里識來因

法奏乞米平石

乞食吾家法形勞心自安深山無絕路鬧市亦空觀
秋稼村村足春風面面寬隨機知省力添取一燈寒

贈劉子毅

真龍不擇水一點便爲霖頭角三山勢雲雷萬壑心
蓮花初結瑞皂莢已成陰努力詩書事君家經術深

送文山別駕之粵西

不易成朝夕何當別恨濃爲停深夜雨一送上江風

種樹懷榛子題詩想桂叢南山常照眼把菊儻能同

又

星巖懸兩地江水貫相思得士傳新喜論文慰舊知
歸舟憐夢遠入社怪鐘遲何處頻頻見孤峯月上時

贈徐將軍价人

急雨分秋暑將軍此過存目營兼道器指畫聚乾坤
豈乏搏風翼徒懷剖玉恩誰當推冀缺儒術起轅門

又

混俗頻生感歸山更上書占星憐寶劍登坂怪鹽車
好夢隨人得浮雲過眼虛卻從衣裏覓元是髻中珠

編行堂集

卷三十一

五

移寓

不從蘭若住孤錫冷蒼苔風雨人情隔香華佛面開
半生存泡影一枕落塵埃入夜靜如此相憐早未來

又

轉側依筇杖吾身信自然可知榕樹外更有竹林眠
風腳頻傳磬沙頭罷聽舩清涼饒慰藉曳屣向秋天

苦雨

疾風知自靜伏雨更連宵早覺苦寒近因思歸夢遙
雲多晨覆峽江急夜回潮已是清霜候西來爽莫招

喜晴

披衣初有喜此日見新晴體向金風露光連寶樹清

晚香寒自續壯色暗相傾遙憶空山曉微霜下赤城

留別新菴大理

輒費周旋久相觀一念深何來長者語先得古人心
旭日初冬進微霜短鬢侵所思寒月下時撫獨絃琴

又

白雲猶繼終歲惜淹留再借頻推案三春穩放舟
相江清自壯韶石翠方柔卻恐歸心切難爲一日遊

又

老去成相契名流法社傳種花初識性拈子復通禪

編行堂集

卷三十一

五

棘木期無訟椿庭捧大年端溪流未息爲爾湧青蓮
重別彝初制府

未敢輕言別經營爲此山春風檣座上涼月滿林間
浩劫莊嚴遠名流結構閒摩尼珠殿隱一角露松關

又

慧業多生足元功極地開聲名銅柱表標格玉堂來

璀璨蛟龍榜永惠手嶢嶢殿閣材天文重應處氣象

接三台

又

流水隨黃葉長鑣倚白頭歸帆勤護念勝地足淹留

日下雲霞麗風生鼓角秋還思書畫舫具賞寄滄洲

贈石松入丹霞

掃室存孤影開軒數落花何年留子石垂老識丹霞
絕澗雲生衲浮空月上查爲呼無事客攜手出非家
李廷標別駕攝凌江篆

清淨初論治虛堂見蓋公似君眞長者入座足春風
百里分疆外雙江合派中誰修擊壤譜踟躕節上高松

又

畏壘憶庚桑來知祖德長暖雲垂湛露寒月抱清霜
近覺絲桐遠遙瞻鸞鳳翔欲呼白民氏分道駕乘黃

補行堂集

卷三十三

七

大音乞油信豐

春色寒添雨空階落夜泉暗雲仍未破戴笠是誰先
爲衆吾所切獨勞人共賢劫灰無聖及迢遞一燈懸
柔以至山同登準提閣觀雪

又

虛閣倚危闌天空雪意閒寒光全照裏萬象各無還
崖斷冰千尺沙分玉一灣乾坤尚清壯淺碧逗遙山

又

野老常登處馮高語故人不須逢九日此地絕纖塵
八面皆相似中宵泯一輪爲憐山外勢虛白悄無垠

此會何時續蒼茫萬里中易添三尺盛難見一人逢

野馬群飛淨荒雞對舞空他年忽相憶寒色起千峯

贈祖秀庭都閫

無地尋吾鄙因公見古人雄風長擯楚正論輒移秦
鐘鼓登壇望河山致主身清音生大樹獨坐許誰鄰
贈祖振先

劍氣看間色神光共倚天家聲青海上心事白雲連
風積鵬程壯霜清馬跡圓更呼長嘯客誰定着先鞭

病

老不禁風雨春寒意輒孤短篇輕筆墨高屐重泥塗

補行堂集

卷三十三

天

已覺盤牙盡兼疑右臂枯白髭勤報信消得一錢無

客有覽鏡見白髮者旁人云報信者一錢至矣客以鑷捋去日報信者一錢

又

口舌仍齊虜心肝與衆生此中無歲月何處畫途程
華嶽單絲撲蜉蝣浩劫擎早知如幻意隨分得名

又

未蟄誰先蟄陰凝七七長諺云未蟄先蟄四十九日陰濕塵難棲弱

草日嬾到扶桑卷土風盈室穿簾水近牀地爐紅未
發木佛凜如霜

雷峯敬人典客六十初度

未拊浮丘背休輸寶掌心人間無海嶽此意足登臨
山繞雲衣淺波分月鏡深一生誰好夢隨處得花陰

庸菴寄示邢襄詩志與阿字兄同閱卻寄

暑雨散微涼閒情立短廊素書落金玉詩志得邢襄
一鼓河山應齊吹伯仲長吾家有真契朗詠過斜陽

又

五色雲開處雙珠一月華坐來疑石壁飛下卽天花
雅道存賢守風規識大家崧臺全不隔仙樂遶丹霞

還山留別劉大中丞

聖王柔南服中丞攬繡衣烈風惟返火甘雨不渾溪

徧行堂集

卷三十三

无

道在三台近情輕百慮微偶然值鷗鳥相率共忘機

又

豎掃初無定雲泥不自懸法身分錦水建霞勝地接
珠川海幢正現金輪寶偏開火宅蓮梵音合奏處廣

樂應鈞天

又

心跡俱非我根塵復是誰三因元不續一念卽知歸
月豈波瀾動鐘無扣擊虧全鋒八座上生殺信天威

又

東閣賓常引西方路屢通深經浴義虎衰鬢愧文龍

峻極南山異菁蔥玉樹同公子子卻憐桑梓語彷彿

夢魂中吾鄉方伊
蔣在坐

又

載碑何待石鎮海不關珠出手疏瀧水隨聲徙鱷魚
梯航安五嶺鐘鼓震三車最是眞淳意身心到一如

又

鶴野烟霄淺龍靈水穴清香花三際結風草一齊行
攬轡劉元穎歸朝宋廣平蒲團依至化端坐說無生

又

拔地過雲棧兼天倚石樓幢高千嶂伏燈遠一溪流

徧行堂集

卷三十三

辛

小隊來何日輕帆去早秋此回松竹杪時見瑞光浮

又

江濶全忘水山空故起雲法衰心自苦老去力徒勤
外護祇林重天倫道席分海幢清切地遠夢未離群

阿兄近在屬車幸
可時接清言耳

送李廷標同知曲靖

薄宦移南詔嗟公萬里勞君恩無不在臣誼復何逃
飲德天峯近緘愁珠海遙高齋長隱几時一憶丹青

又

俗向和平轉心從澹薄明臨漪樓下水欲傍使君清

馬廐空張魚龍門尚李膺集虛能遠累不待御風行

送沈嘉令郡丞齋棒北上

萬里朝正使初秋話別心天垂南海濶地迥北辰深
舞綵仍歸路遷喬復好音相當逢五馬乘興一相尋
重送雲從

風落江沙冷銀河入夜清素交從此別老淚逼人傾
世外存肝膽經中得姓名吾門自孤立兩地見君情

又

白下如成約還攜瓢笠來雞聲出風雨春色滿秦淮
拾礫回天眼懸河寫辯才相期應不淺星月繞經臺

補行堂集

卷三十一

五

鍾鶴雨中過訪

各起風中絮相尋雨後泥雲根前浦重樹杪一天低
薄俗悲搏影浮生惜杖藜此門憑利器待爾決虹蜺
悼雲芝侍者

不復能相見相依近十年深更燈畔立遠路杖頭先
慙語堪人怪孤心冷自憐片鱗曾手擘清嘯向誰邊
又

活計餘鋏子山田託耦耕病來吾遠適歸到汝長行
欲覓擎拳影徒聞落葉聲人心薄已甚倚杖一含情
孝山詢近作僅兩詩耳夜坐成短句

無復長吟癖年來老更慵已知才欲盡不說眼俱空
高臥千峯外徐行一步中餘生還自乞相伴獨支筇

又

故人索新句卽事賦無題一葉山蹊水孤燈東院西
草間蟲自語樹杪鵲仍飛庭月下墻角雙眉寒欲低
贈遐歷上人

心自入鄺盡緣從轉物空波痕涵草碧葉影墮霜紅
案有君臣藥囊無子母蟲團瓢深穩在何必到壺中
贈高念祖

三十年前事逢緣見昔人六經留面目四海狎風塵

補行堂集

卷三十一

五

又

未覺吾猶我將知爾愛親倚閭情自切珍重客邊身
旗鼓文壇重金湯法社堅干霄饒紫氣遺業剩青氈
千葉惟心土雙輪勝義天遙憐金色臂長映白雲篇
劉奇功有保全香山一城之德詩以贈之

月滿初傳箭風輕莫破巢二毛猶引領三令卽封刀
殺氣消悲角卿雲覆樂郊蓮華五色社爲爾欲分茅
寄祖德淵總戎

玉帳星垂象金城世策勲山前飲羽石海上伏波軍
座自千華起茅兼五嶺分南天知有侶一穗寄香雲

池儀伯別駕入山

綠玉潭邊路春風換古今使君新策杖猶記舊彈琴
公署此邑有惠政華月窺庭淺涼雲落澗深同心留大雅片
石洗繁音

又

絕磴雲根遠凌虛鳥道長海山收一望松竹儼成行
意到言俱適情深分亦忘泐溪探福地偕此得清涼
樂昌柳溪巖風稱名勝公曾作佛事

送黃伯修歸湘潭

遠夢三秋隔空山一榻懸喜公猶矍鑠困我只沈綿

偏行堂集

卷三十三

五

此道誰成信能窮不問天重來須自決把手意迢然
龍護園坐雨時將之匡廬

枯坐逢寒雨躊躇憶夙心老嫌夔子國病斷越人吟
匡嶽雲猶擁湘江未深浮生如夢裏出入渺難尋

又

騏驥空相逐鷦鷯善自寬刻惟先齒髮賣不貴心肝
黍谷資全律函關落一丸不行行處路休說路行難

又

果結空非樹珠蕪篋是漚事因生不了心到死難休
薄袂穿仍畫疎香冷更浮十年知已累多愧此淹留

又

敝絮悲荆棘孤衾抱雪霜枯魚曾寄東老馬或知方
渴鹿趨陽餒饑鳥下戰場辛酸不說苦一笑正相當

又

秋旱欣垂雨冬寒怯趁風雙眉連隱几一臂罷扶筇
影失千尋壁聲消五夜鐘冰溪兼雪嶺相待各觀空

又

生趣嗟桃梗憂端在索居健曾兼采藥閒只懶攤書
翼剪籠中鳥鱗批濠上魚人間無樂事地下問何如

又

偏行堂集

卷三十三

五

百轉鉤將敗三推禮愈多亂絲填短髮清淚洗長歌
不信人非我安知佛是魔浮名須決絕晚計莫蹉跎

又

本是無根草休將啞夢傳夙奚煩擇地窮豈至呼天
一水留童見千峯碎老拳阿誰密數齒長夜忽如年

次韻訓熊燕西贈別

冷夢連飛雪歸心寄落梅老年無自苦此去可能來
野水春初壯輕帆早便開惜君有佳句欲別更裴回
定一侍者托鉢之粵西

一鉢頻來往風塵奈爾何波濤灘上窄荆棘道旁多

不同休歇勞應獨寤歌白雲半舒卷時復憶松蘿

送石吼院王之仙城

病馬難鞭策徒嘶萬里心索逋顏屢厚幹蠱用彌深
抖擻方資爾驅馳不自今歟邊叅活句斟酌問知音
梅關送別孝山同融谷還當湖

有夢皆無性同流不獨詩仁聞歸物論正氣許天知
冬日從前好春風此後遲白頭看古處曾未落今時

又

已失江山美空悲歲月忙離愁帆外影法喜袖中香
洗鉢無俟使分題有雁行重來吾在否念爾各飛翔

徧行堂集

卷三十三

畫

又

且住爲佳耳干戈未得無一身親所有四海定誰逋
風急江豚拜霜清水客呼許多珍重意安穩祝前途
又

故里帆俱落空山夢未同諷思人去久藥病老來偏
遠道虛騏驥佳音慰杜鵑祇堪林下月相對各依然

徧行堂集詩之五

丹霞今釋澹歸 造

侍者

古踰

編

七言律

遣興 正韻

伯夷非拙惠非工遊戲人間意略同我昔愛嗔不愛
喜而今知塞又知通千波競湧超生殺一線纔移失
始終見說男兒行處是好將青眼哭途窮

又

智鋒纔舉便流癡翻覆雙丸不得辭佛是大人方絮

徧行堂集

卷三十四

七

絮我惟落影尚絲絲火風地水無岐路鼓膈難勞各
一時獨倚闌干喚芳草幾番蝴蝶上花枝

又

越國雞非魯國雞南山薇卽北山薇塵沙自徹摩醯
眼魄壘何消大腹皮芻狗已陳還入夢棘猴未削便
生疑無端一畫參差起畫足添蛇怪伏羲

又

廬傳發冢莊周笑東魯從來祇一儒鴻雁高飛休勒
字蠹魚乾死不知書青黃用豈殊溝斷黑白填難問
屋愚打卻酒糟僧亦散太牢枉煞享爰居

又

死生到此尋常極齒豁驚心痛未蘇上帝何居仍板
板小民非分復吾吾千峯寒色催猿飲十里秋聲吊
蟪蛄不是太平封禪日那教雙鶴穩林逋

又

莫道王侯真沒種應知天地厭生才蓋公獨許曹參
醉卻正全輸劉禪垂雷澤聲高鑄獸骨龍門鬣上暴
魚腮不如准備三條筏活束要支死束柴

又

大千終作一堆灰隨不隨隨老古雖九夏有秋初得

徧行堂集

卷三十四

七

雨三冬入夜忽聞雷霜刀截後方呈指石火飛時已
失鎚萬里無雲須喫棒不繇我卻更繇誰

又

短長誰假復誰真好看熏華笑大椿莫管野雞當丙
午便騎駿馬犯壬申不鞭其後還逢虎或竟於前已
獲麟數縷斷烟橫逝水幾曾留得一分春

又

一憐晉帝問長安亡望吳王索好冠劇可須看低馬
足生憎口腹仰豬肝頑童賓側傭安首壯士軍前喜
弄丸舊譜簇新顛倒看不知燈火暗蒲團

又

哭罷黃塵返碧山莫邪不必斬癡頑一鎗天地無生氣四壁詩書有厚顏土木何憑威赫赫虛空那得骨珊瑚幾莖短髮吾曾老且看兒童鬪赤幡

又

普天沒影尋梅福百口何人訟馬援安石未能終泛海孔明無暇說歸田二疏城外曾揚解三墳前又着鞭暫許玉門迎燕領誰教華屋駐鸞肩

又

食譜醫方疏竹紙筆牀茶竈傍松寮七旬漢將徒披

偏行堂集

卷三十四

三

甲八月吳兒慣弄潮蟬鬢欲凋同載酒魚腸未試獨吹簫百年蒿里人人夢老罷無心續大招

又

轉枝黃鳥又交交淺絳疎生數點桃人在春風忘喜慍詩當漫興略推敲偶然有寄雲過水寂爾無存劒度毛最是一椽天地迴未思策杖到江臯

又

避風黃葉更隨波那討安瀾喚奈何交淺若能讒勝諂路難不敢哭當歌憫懷傲我長爲鬼鬢髮驅人老作魔落得欵門無響合寒巖萬疊挂烟蘿

又

鬧籃好自非吾分絡索猶多兩部蛙夏至飽須尋荔子冬餘忙卽種梅花青松枉去爭春市赤腳休來站晚衙合不成團分不散一般地上水礪砂

又

稱丈稱姑獨脚鬼自生自食兩頭蛇腦門納鐵飛雙劒脊骨抽繩駕一車菩薩心肝何處賣形天口眼不消除立啼公子眞非豕醉殺君王幻作椰

又

半林無夢入羲皇一榻風清枕簟涼草木已牽成劒

偏行堂集

卷三十四

四

戟圖書不動合宮商下池上樹憑雞鶩多角長毛各犬羊莫到前村怪花柳枝枝葉葉總冰霜

又

燈花欲謝百無成祇欠茶毘一箇僧已悔熱官珠彈雀更愁空鉢唾涎蠅路旁病鶴慵添翼壁上癡龍罷點睛不會朽杉枯坐老敢嫌稚子笑相矜

又

劣慚六月不披裘賸得三春春事稠疊石上辭蛇鳥陣操刀乞免鳳麟洲江淹易失生花筆蘇軾難歸遠景樓南北雙高端在眼何須重立段橋頭

又

難收一片白雲心元在山中不待尋午篆半消香泛
泛寒更初動月沉沉饑瘡未補重持鉢破衲堪遮其
把針想到二泉傳廟後松濤和盡故鄉吟

又

夢蝶曾顏舊草菴尺單可借亦伽藍圉人尚有三當
灰鍛客休誇七不堪藥裹幾時寬老病樓船昨歲震
東南冷灰過汗渾無性糞火堆邊放懶饒

又

黃連偏苦蜜偏甜水也會酸木也鹽舍利弗休嫌飯

徧行堂集

卷三十四

五

少婆羅門只在刀尖一群馬過開成軌萬點花飛下
卻簾聽得鷓鴣啼兩岸酒旗歌扇不須拈

又

討天掘地不爲廉厚實高名那得兼歿莫出山看种
放窳仍失火聽陶潛五年列子饑辭粟隔日齊侯飽
病痞好醜輪來都一半何妨長跼納無鹽

又

車脚何辭達阮咸樗蒲有耳信袁耽不知李廣當夷
族又道黃巢會住菴鄺寄轉身追陸賈涉閒回首揖
章耶深源莫怪桓宣武識破虛名祇自慚

又

我見比干纔上竅誰云平仲有三心塵中別隱支離
德海上來移寂寞琴茸母卽隨烟共禁寄生聊得柳
成陰一泓水莫清如泚畏影山犀意自深

又

非時總讓他伸脚此處真堪我縮頭沒用解拈三寸
管至愚錯把百金鉤合將醒眼安清夜觸起寒心赴
濁流剩有相思弔船子玻璃萬頃一漁舟

又

君子未曾分菽麥小人安用辨淄澠黃金臺下何時

徧行堂集

卷三十四

六

表白玉樓前幾箇銘有客共驚三語條還他自詡五
侯鯖青雲裏若客連席把臂無勞說上京

又

岳侯徑醉黃龍府溫尹先燒朱雀桁刀戟叢中騰呂
母笙歌隊裏老周郎荆軻未入扶蘇立武德猶存顏
利降三夜提壺焚董卓一朝持節拜陳湯

又

元規塵到扇須遮焦革春來斗罷賒光掩白毫消一
指風翻黃葉剩三車最憐詩思尖穿袖只怪搔人鈍
隔靴直川直行周道在縱橫十字不曾斜

又

載魚且亂沙丘肉剪絲空驚御苑花石槲造成誰有
祀銅山賜得併無家相公不識溝中飯帝子還爭道
上麻祇見敗荷充鎖鉢未聞翠羽集袈裟

又

自嫌多口維摩詰不怕虛文曳落河天若留情俱飽
滿時常減壽卻蹉跎人荒祇得吾看我路絕方知佛
是魔共住可如相見好漫將短景託長歌

又

伯仁刀下垂金印太白樽前曬錦袍護影也須防水

編行堂集

卷三十四

七

弩詈人不更學山膏幸存郭泰猶知命甘老楊雄莫
解嘲呼馬呼牛原是我青天朗月教誰逃

又

一燈百衲度寒宵水墨雖勻也罷描懶見荒雞催祖
述微聞凍鶴說唐堯可憐上將頭俱銳卽喚中郎尾
盡焦閒卻深林甘折翅茂先何得賦鷓鴣

又

截食劒用侵藤鼠戒傲文看搏矢猿黑子若能依直
道白公亦得與微言肺腸未滌休爲父羽翼雖多莫
上天不說獼猴無古鏡難禁槃瓠有新紱

又

當門種莫詔芝蘭正令如刀付草菅萬里乾坤無定
位一天星斗但隨班于今遷固俱投筆自古巢由不
買山寄語醯雞任流轉疾飛那出甕中間

又

老奸未是王安石大隱都非梁伯鸞唐室自難容李
密隴人時復憶陳安霍光先手圖劉賀曹操何心殺
伏完組上城頭藉父子分羹只被漢高瞞

又

赤日隨潮墜海門亂敲鐘鼓定黃昏漢宮春在王嬙

編行堂集

卷三十四

八

冢楚國秋生宋玉文三族就夷纔相背五絲不接正
招魂年年無物長供汝處處惟堪種此君

又

十萬貔貅羽扇麾秋風五丈錦屏頽狂生輕送漁陽
鼓力士虛傳博浪鎚片紙三更填黑獄斷碑一矢哭
重圍古今幾部離騷恨急檣凌江讀罷歸

又

儘教夢中隨蝶去還從車下識牛來山前有婦曾爲
石火內無兒忽墮胎馬首刺難醫白鶴天壇配或用
黃能爲憐樹耳勤通理莫笑叢神借不材

又

半根折筋纔滄海卷地粘天一滴無大石洞前金菌
蒼亂雲堆裏鐵浮圖長江先後波賓王閣室輪贏着
婦姑十載腳跟隨線斷依然故態得狂奴

又

烈風送火三秋草峻坂留丸九折車強敵最嫌程不
識同僚只愛閭相如舳艫忽斷千尋鎖溝壑長填萬
卷書且自交憐勿交笑屠龍那怕握明珠

又

萬里冠裳踐作泥二陵風雨結成嘶有時舉足開輕

徧行堂集

卷三十四

九

重無數偷心掩合離蠅螟忘情酬客七鴉鳩惜命賺
人啼幻輪助破蘇秦面石女千年懶下機

又

世醫拱手看相送國老將軍總不支亞父已亡三傑
喜孫弘雖在八公喞胡雛反卽追何及賸賊危纔說
又遲那得徙薪無事日一人痛癢各人知

又

肉糜易飽豐年少竈養爭先力戰遲百萬軍誰勻苦
樂三千女各買妍媸同牀作夢猶分路仰面看天枉
費詞欲得居高無衆指各人痛癢一人知

又

陳搏潔未過馮道光武食先愧竇融渭水很還輸老
子尼山癡卽夢周公蕭何猾不知韓信關羽真非怨
呂蒙房琯忠惟傳杜甫楊雄竊又見王通

又

滿徑閒花襯直松數聲哀響發枯桐翦鬚傭亦羞張
儉曬腹書還負郝隆四海六王彈水泡五湖一錫餞
霜鍾幽人自掩雲關睡空谷丸泥不用封

又

橫身臥地不沾泥舉手量天莫布梯着有有誰分夢

徧行堂集

卷三十四

十

鹿窟空空自墮飛狸斷雲漏影山千疊殘月迷痕水
一溪藉草行歌隨處好春光沒樣百花齊

又

剗緱長愧歎無魚桐葉還嫌牧有緒自觸網羅羅辭撥
刺同歸布草失濡需水霜滿鉢依清衆鐘鼓殘更展
素書回首風塵私幸甚阿誰三月得安居

又

漫天水雪暗長塗萬派韶光散給孤總爲君王無兩
大略因人子示雙趺安心祇用誅心劍追命還成活
命符撞着少林閉鼻孔春秋歟出血模糊

又

花發千林且覆堦雪深三尺恰登臺口邊是路身全
入頂上無門眼正開碧海不容明日住青山又把活
人埋芒鞋竹笠偏相稱拄杖過頭獨往來

又

半天寒雨掩空幃點點孤燈笑自吹長夜是誰還喚
起故鄉何地更催歸雙眸未許穿犀革一箭曾經透
鐵圍就裏絲毫消不盡昆明池底劫前灰

又

蜀人自撤陰平戍粵國相驚下瀨軍便遣貂璫除寶

補行堂集

卷三十四

七

武也教雞犬救田文嚴光未覺天王異周勃方知獄
吏尊不得短絃同范蠡那堪長嘯失劉琨

又

磯上和風拂釣竿渡頭寒月滿征鞍平坡任長高低
草深夜隨沾赤黑九祖父不知何面目兒孫俱是鐵
心肝爲收金粟堆前淚猶記千門立馬看

又

一把茅鏹便住山幾般漁火又隨灣眼中無屑都成
病指下生金莫想閒僮僕向非雙縮髭胡盧不是九
還丹空奉正好容疎放戴角披毛值甚難

又

一葉此身輕欲舉野牛錯把鼻頭穿束修何美二三
子起宅無勞千萬錢剃髮遠辭驢耳國裁衣近隔馬
蹄篇比來只讓無功醉那得參禪不學仙

又

獵獵寒雲擊皂鵬蕭蕭敗葉斷黃腰漫誇冰雪埋三
峽誰敢風波撼六橋躑躅饑烏尋宿莽踴躍過燕掠
新條眼前景物無回換水底看山影不搖

又

老安不計年多少自復乾坤識用爻指地指天消一

補行堂集

卷三十四

七

棒同生同殺益三毛如環始末鉤休覓似月偏圓水
不操莫把王宮當奇特片雲隨處得相遭

又

感至猶能讀楚些歡來仍懶看鄉儺非龍那得逃魚
服是樹何絲共烏窠毛鳳羽麟休管蝠母驢父馬卻
生羸自然偶儻秋風客不待尖酸春夢婆

又

藥殘病是再煎粗煉石都難倩女媧夜月忽生芒角
眼晨風欲墮拍浮牙莫營四海喪家狗空叫三更繞
樹鴉上陣提刀堪熟睡幾人錯算海中沙

又

隕海星難依碇石指南針好送飛車破家不在招窮
鬼移毒何勞覓脆蛇下腳總教華頂裂張拳輕把日
輪遮於今寵托浴門鉢七寶隨身有一些

又

入戶妖爭烹穀轆守門牢孰救顛當橫行無地能賒
歿賒撞何時爲發喪聚窟開尊行鳳炙長須掃土進
龍糧雲師雨虎方爐炭鬼伯神君且鑊湯

又

無鈴繫項安能解有酒沾唇且會傾李不代僵桃自

編行堂集

卷三十四

五

受鶴如酬問驚誰生橫財易背盧懷慎好句難留薛
道衡在我在天徒一笑將雛豈爲惜饑鷹

又

海客漫傳君子國山翁閒摘道人頭僧來爲說念黃
檠賊退誰憐元道州玩月聞雷犀與象避風喚雨雀
和鳩卽且逐帶蚶坡至拍手三家一笑休

又

宗澤正傳擊楫諸魯連旁出竊符心采薇不改箕山
操把菊如聞梁父吟突厥渾邪降李霍昆陽鉅鹿走
邯鄲田橫客散王興歔阮藉孟乾滕甫斟

又

且盡杯中魚凍柑莫盛地下雉花衫一堆烈燄開青
嶂萬古知音在碧潭白日離婁方秉燭烏江項羽忽
張帆明年春色還無賴水北山南恣意探

又

折柄深雲一藥鑱好風微病略相兼叩門少到生疎
客脫帽長俛短淺檐沃野敢思饕鳳卵單方且欲辨
稀莢近來筆墨無多興子石春波細細添

又

嘉禾失時變爲草海水多雨不作鹽化工何嘗說種

編行堂集

卷三十四

四

族曲學空自圖廉纖橘南枳比各見用濟清河濁休
相砭鼠肝蟲臂聽顛倒精金大冶無猜嫌

又

百年風雨長相尋一時饑寒愁見侵牛羊看人思薦
草鹿豕先我居豐林粟發鉅橋歌滿路雪深同谷淚
霑襟南閭浮提不愛日愛他光似十成金

又

昨日有夢今日徵病僧元是清浪兵吹開柳眼玉絮
舞打破甕口金衣鳴南華略通西竺徑北海近合東
方生終童老大似李白羞和頸上拖長纓

又

雙瞳遮開還開遮火官頭上飜風車雷電力爭刺客
冢烟花懶妬宮人斜黃漢多惟齎盜賊黑山痛不分
孃耶景公啼罷景嬰笑落得秋來喫嫩茄

又

錯愛投欺雪網貂真饒見偽鳥籠貓子不相殘毒絕
鱧母還自斃慈乳臬樹牽獨腳蜂正穩刀嚮大尾羊
方搖無能亦得似兩鏡蝦來負輦蟹持瓢

又

小人國竝大蟹國共工臺對軒轅臺魃誅蚩尤蒙顯

補行堂集

卷三十四

五

黜危殺狹偷遭生埋狡兔走狗盡一哭螳蜋黃雀旋
相哈夸父逐日亦已矣應龍喜雨胡爲來

又

南溟鳥化北溟魚西家馬作東家驢燕雀弄羽孺鴻
鵠蟻螻脫腳譬螭螭人面頻來市上虎龍頭忽現宮
中豬無脊之心長若此九首而食終何如

又

孟孫愛兒思放麇子卿得妻因收抵眇賓自合怨眇
王老表何辜伴老狸秦人截瘡挂紫蟹楚國中惡椿
烏雞齒焚大象亦安命鴟爭腐鼠無香腓

又

萬機罷後時非時一着當先知不知帝江能歌本無
口司士得子誰爲雌仙人按指出金穴鮫客灑淚成
珠池狡獪長看東郭兔僮侗直弄西余獅

又

桃花杏花爭春風清流濁流挨落紅甘實釀露此枯
樹朽骨坼冰他冶客眼輪轉過晦朔菌耳根撞斷晨
昏鐘兩行淚外峴山石一篇賦裏阿房宮

送韓公嚴之高郵

隨流孰共起家聲佛日微貪世外情白飯飽會推半

補行堂集

卷三十四

六

菽青山住欲伴孤檠冰霜照夜禪心直烟雨橫天客
夢輕耳熱莫與原上歎英雄自昔恥爲名

留別東禪法空院王

歇腳相依又改年寸心如水絕追攀靖深過我蒲團
穩歡喜隨他瓦鉢怪古佛兒孫看未減異時賓王到
須刪燈前有話能同否一曲青螺碧一灣

又

一茆如夢未能酬半榻煩公慰臥遊寶地乞蓮開白
社香林移月照清秋偶看龍藏還垂手但得雲埋莫
出頭最是徹人心骨處玉簾千尺瀑光浮

留別趙止安時止安方挈世鎬讀書船自敘之
活計惟殘一鉢空爲人作父不能終攜家早讓龐公
獨分宅偏遭邱伯竊無故老兄添一累有緣稚子足
三冬阿誰落得便宜去臥聽雲濤萬壑松

擬往玄墓次賀天士贈別韻

記得吾儕未厭兵梅花落殘墨花生十年潦倒西谿
夢每飯裴回東閣情雪影不分香色界山光欲斷水
雲平因君獲遂幽栖志莫忘題詩此日行

訪瞿伯申於虞山

難排悲喜望中顏生面來如故里還感慨一時猶桂

徧衍堂集

卷三十四

七

水留連兩地共虞山

桂林亦
有虞山

桂飄慣習曾懸榻聯省

疑看舊押班未墮傳家忠孝緒好將深念託高閒

宿東臯東壽明

水雲杳靄到名園田去猶憐堂構存榮落更無煩寄
恨歟生真不勝招魂全歸夢裏懷先世小歇塗邊仗
後昆一歎東臯西粵夜秋光刻盡大江痕

潮音閣同印如明上人步東臯池上

露拂柔條萬縷垂明湖時似復奚疑山窺虛閣浮青
遠水度平橋滌碧遲高鳥不飛雲自護晚鐘初罷月
相期未來掩室能先許放下蒲團問所知

又

墮葉隨流未有涯紅塵無地海無槎百王宮闕頻生
棘千佛樓臺獨散華塔影落來分水月櫓聲喚起隔
蕭葭二林何必東西看石徑苔陰總一家

贈汪魏美之洞庭

恬養別後長相憶岑寂琴川又一時喜爾漸無添擔
累於人何有買山癡劍門石上休垂足金粟堂前好
貶翁此去洞庭波浪濶可能落葉寄秋思

又

君雖堂上有慈親養志何慚菽水貧獨鳳兄甘棲槁

徧衍堂集

卷三十四

六

木一麟聊足負遺薪

魏美不上公車貧妻
友惟老母弱子相依耳

去來未

脫無安士呼吸誰操不住身見說人間空寄託肯拚

白業買黃塵

酬錢牧齋宗伯壬辰見寄原韻

蒼江白浪夢初殘遊戲同歸法海濶未謝閒名還熱
客現成公案付秋官雙魚遠韻三年續百感勞生一
曲蟠機盡孤燈猶獨立數聲宿鳥報更闌

又贈牧齋

楸枰局裏畫乾坤萬里遙看一老存峻極儒宗悲茂
嶽大觀義海發朝曦劫灰欲盡丹心出碩果將留黃

髮尊卻許野人無事好不教世諦落寒溫

俞仲欽字畫頗似章侯

未過梅嶺思蓮子

章侯小字

不盡金仙賦玉樓筆墨乍看

人尚在山河已邈淚難收敢教二老風流減欲搏雙鵬氣勢適顛倒老兵尋比海何妨翻案出西州

次韻訓三峯豁堂岳禪師

劫火難將筆硯焚向來黑業不須云長歌漫到三生石盛氣都消八代文滿地風塵悲海客幾重烟水別湘君三峯堂上勞深念未覺山高礙白雲

病中懷徐仲鵬

編行堂集

卷三十四

九

客裏不知身是夢病來纔覺健多癡友生歎我未聞道藥餌因人寬歎期幾箇寒天封鳥獸一雙窮手護須眉最憐東塔徐高士每念野僧僵臥時

壽王太君

有兒萬里奉慈闈辛苦兵中徒步歸自得五芝填玉髓誰將三瑄發珠輝瘦瓢欲向深山老繡闥還憐淑問違記取翦刀原裏淚未妨日日舞斑衣

訪鄭素居病中

貧病來看病與貧不須重此辨疎親雪分花蕊寒非一菜只青黃瘦卻勻且喜還山偏有藥誰憐隔水各

無鄰作家一笑相呈後渠我元來總是真

重九前二日次韻訓楊組玉

未解秋思天亦悲疎風過雨墨雲垂三春賸有懷人句九日能忘把菊詞白雪自推君少偶碧峯常怪世多岐寒山卻也無聊甚木葉題詩和阿誰

贈唐君知

劉四罵人人不恨毘陵唐大亦如斯長江直下偏逾駛老桂單行辣莫支竟捨一官兒子好君知當貢以年卽舉未霑五斗老親慈無端得我憐窮漢窮得無端又有詩

編行堂集

卷三十四

十

王賓卿吳爾玉話別化城菴

好風宜一步秋林地僻天閒客未經松老赤鱗驅軟翠藻寒白鳥下遙青看花晚節霜初降剪草空山夢亦醒惜別會能淹幾日重期莫待短長亭

唐茂弘茶集憶去夏耿公徂徠在坐感而有作疑煞人看一面水高情偏爲別來增嚴霜放出深秋菊執熱長憐遠道蠅我法完塘繩烈祖誰家片芥酌閒僧去年風雨悲何限如見分塗入寺燈

贈別黃子心

子心一家義烈震動三吳父喪未葬硯田自

活性既孤介而又善病聞予還廬山自澄江
來別問其明歲向往蓋將北行意殊愴然好
友多貧好事多不易就雖灰冷世外不能無
感此其一也

慷慨捐生見若翁生妻再歿盡從容僅存骨肉凋零
後不愧才名澹泊中馬鬣未封徒載筆麥舟無分正
飄蓬渾身是病誰操藥念爾塵埃比去風

許衷若初度期往烟城不能赴遙同組玉兄弟
壽之

竹邇重過問昔遊烟城懶去值離愁白嫌病馬徒思

補行堂集

卷三十四

三

秣只許奇鷹不下韝遙應百篇浮大白硬驅九日閨
中秋表若以問莫欺鐵鉢無杯酒一箇鄱陽任拍浮

盤園留別楊廷玉

頗念城隅綠一灣每分清晝半庭閒謝人易得風流
勝讀史難將遊俠刪茗盃隔年添次第藥鐮另日刈
癡頑曠懷應苦離間窄莫被長江截歎關

唐雲客齋看菊爲令子子房之招

寒芳豈欲避人閒江左東籬此日推老衲正憐金寶
相素磁偏映紫霞杯幸爲公子多文到喜見先生刈
林回雲客半生始歸共許歲寒成後勁不會兒戲探春來

又

更休寂寞怨秋殘爛熳名園等一看雨露卽嫌凝富
貴冰霜何必老饑寒舊裁宮錦還乘月新墜天花好
製冠兒說香奩殿重處關心長日共春蘭

贈周容茂三還明州

血流叢底老成慳劣得相看好面顏世界愛人生缺
陷詩書脫俗賴疎頑枯枝掃跡棲賢谷高興牽絲天
井山明州在記取三年無病在凌虛短策共躋攀

又

雞棲鶴舞未曾分早見雙瞳貫白雲天到寒能增氣

補行堂集

卷三十四

三

象人非竊莫論詩文蒼藤白老扶禪客黃獨留甘待
隱君揮手不知消息遠孤峯望處又成群

賀漢年宅觀丁南羽所畫佛菩薩阿羅漢像皆

紫栢大師題讚系之以詩

似向耆闍崛裏還慈光未掩白毫關一真是月天非
水異見同雲谿各山祖德卽今通域外佛心自古在
人間我來法苑悲零落紫栢餘鱗亦借攀

又

筆墨縱橫散智珠古人逸事尚留圖一心欲動神先
告漢年先夜夢有法事盡應諸叢聖日而予與止言開卷索觀聚族而藏德不孤

詩賀族所藏大半歸漢年 潭杯已歸猶擁護廣明雖亂未榛蕪不知樓閣何時現應有高文待大蘇

棲賢苦雨

屋漏聲邊太古牆寸痕無計兌春光懽情忽敗梅花濕閒話且消羅芥香我欲忘緣安病老天方作意續水霜白雲隨地堪舒卷底事峯頭日夜忙

雪中卽事

活埋弓許未應艱生澁雲林處處慳雪壓空牀僧自起風爭破院客求還枯巖獨抱寒千尺弱火同窺煖一斑拄杖難扶雙不借聽人團坐說遊山

補行堂集

卷三十四

雪

書懷呈止言墮閣黎

劈破鄰虛尚有塵無端風雨又三春不知水草還牽我頗覺聰明解送人白髮漸來催懶慢青山未葬莫嶙峋最憐荒莽疎鐘外斟酌蹉跎病裏身

扶病至寶安贈張夢回

寶安春老柚花重碧宇纔開日已空百世豐碑虛岸谷一龕孤磬寄松風抽身卽將緣都息翻案文殊病正濃不覺匡山歸路遠般勤且爲擘輕紅

問訊坡公故居

蓼花洲上水漫漫話到移詩念好官鐵鎖沉江岸帶

絕南堂積草鶴峯寒當年不與瓢俱老此日求爲腹亦難不合時宜多一笑時宜笑我又無端

題惠州瑞開佛閣

不從名字識西湖似向杭州看大蘇明月一灣烟澹蕩朝雲全偈草荒蕪江山隱約存睂目風雨縱橫入畫圖坐久忽然招手起兩峯萬里未曾孤

又

得地凌天傑閣開湖山不動亦飛來毘尼淨已金花現般若弘當白象迴華首和尚施戒於此是佛旌幢留世界何年歌舞失亭臺盛衰各有無窮淚誰灑昆明一寸灰

補行堂集

卷三十四

雪

病中

卻擬秋清出嶺南鷓鴣叫煞縛春蠶山山顚顚緒一片草草蹉跎綠半菴風急不勞吹猛火月明無礙撮深潭憑誰歎後看吾老塌落殘生四十三

大水

江湖一夜勢俱平鼓角聲中濁浪橫突兀定能留象嶺拍浮飛不起穩城山根莫放蛟龍臥屋脊徒兼犬豕行賡有傷心家室外災黎無命荅三征

又

新晴有客蕩扁舟絕叫奇觀淚亦流浮沫敢將蟻子

翼平田不作稻孫謀支離萍梗談孤狂顛倒干戈聽
達憂莫枉水濱人面鳥愁雲高處怕登樓

贈周問公

松風未欲棄支離今見何如昔見時逸事應中三到
約閒情爲寫六猶詩問公眼前青白俱難出局外玄
黃不待辭會說水邊終日坐微涼只許藕花知

葉秀水至芥菴三秋共坐兼有卒歲之約

晨夕相看共一家直心不待裴裴淡風清蓮子香生
飯月白梧枝色到茶有分倫安窳四相未流孤憤說
三過巡簷尚指梅花約難得閒情數落花

編行堂集

卷三十四

五

秀水還惠陽并寄許山

過電誰教眼角安利風破齒亦心酸塵勞倦我難因
熱氣象如公肯附寒南陸交光餘藥餌西湖別恨起
波瀾阿咸應未重來此爲寄孤雲一片看

題水仙梅花卷爲張少文

各自先春競早芳也憐特地闌人忙總能脫卻金銀
相不免捱他水月光鎮日閉門偎石丈休心逐隊拜
花王相看懷抱皆冰雪分得炎州一卷霜

查王望明府過訪

便攜高興過村巷野客無詞避好官嶽瀆才兼兄弟

大山林語瀾王賓寬三生石上緣方始五老峯前興
未開輒有古人今日歎蒼梧杯土七年寒故人董紫
目歎於梧

州王望欲理
其遺散歸葬

送俞右衡還嘉禾有跋

寂寂招提喜數來茫茫別緒各相催君纔擲得葛洪
影我亦還登李白臺荔子不從甜處賞梅花只應冷
邊開荔子若止於甜便是龍眼嶺南
梅花絕疎小香亦劣於嶺北者甬東爲祝周僧
度一樣思量曠世才

右衡東還明歲定在杭州間過黑橋有舊同社陸
秀才聲達字桐鳴者爲問寧波周容茂三安否茂

編行堂集

卷三十四

五

三詩文字盡皆妙絕人品極高并說澹歸無恙若
出匡山尚擬一番傾倒也右衡雄視一世得無治
兵相攻乎倘未見茂三有俞恭次寅者能詩且與
各出鼓旗野僧在五老峯遙作壁上觀耳

送徐長旭還嘉禾

杏廬初見始扶牀多謝相看喜欲狂子好令人知父
好話長念爾別情長讀書種在香彌盛賣藥翁存道
未荒記到毘陵東角問趙家一座小民房

舟過毘陵當一謁趙公止安止安吾同籍摯情古
道今之賢者向來教學近間行醫矣在城東墻下

白家一帶矮屋中相見出此詩共觀之當吾數千里一信並託道與舊日親串

寄曹秋岳方伯

聞道寒帷下粵東故人真不與人同梅關花挾羅山重崇菱枝連道樹濃鴻雁欲看新賣劍豺狼且避舊乘驄多情爲覓閒僧信石上支頤靠短筇

又

塵勞廿載併蒿萊病骨從心等作灰鬚髮自還能老塔風波愁上越王臺黃蕉丹荔隨時熟白石清泉不見猜賺卻廬山歸未得蓮花池好待誰開

補行堂集

卷三十四

七

雨夜有懷張存四

蕭蕭黃葉寄荒林思入高秋許共尋與世只憐真氣少懷君不盡故鄉深雪封金井他年夢雨隔雷峯此夜心便欲燈前同軟語一杯茶到又孤斟

秋岳過訪辱贈新詩是日攜履安萬子垂寄之

什喜而有作

繁霜隕葉復何論自有分條不異根零落山川曾一慟寂寥風雨幸相存鉢聲並寫烟霞色屐齒孤留水月痕底事曲終人未見相期歎歎數晨昏

次韻答履安

不能剪舌遂成詩異口同音此一時去日苦多真戲耳大千俱壞亦隨之深沉智勇歸無用迢遞饑寒忍

莫辭何地良朋堪到眼珠江勝似玉淵濤記同人共集湖上於履安有智深勇沉之目

又

廬山橫側盡吾廬貧病驅人歎索居與汝夢中同栩栩阿誰醒後又蘧蘧棲心半路愁尊宿濯足前溪美老漁天井雲連秦望白不知斟酌穩何如周茂三期山張荷仲期我於秦望我則自期於廬山皆未就也

又

補行堂集

卷三十四

天

落羽江頭喚謝皇悲君顛顚賦同袍豐城有氣休尋劍巴峽無情懶擲騷灰冷爐中堪撥火巢深葉底驗吹毛宗風祖德如能述大海雲音起墨濤今祖大將軍故曾遊戲法門來詩有我欲出家猶未得之語

錢黍谷學憲過訪越一日有詩箋蘭卷之贈賦

答

塵外心期每逸群使君相見復相聞江沙入夢寒成篆蘭谷生香潤吐雲藥盃自寬迎送懶詩筒不惜往來勤風前一笑攢眉叟菊色鐘聲莫浪分

汪漢猗見邀話舊

珍重相尋夙有期雲烟一抹雨絲絲隨身有病攜瓢
懶投足無林荷鑊遲地下客曾留本傳山中人未跋
新詩讀卿山息影傳見示且云高齋有詩寄匡山索子爲序以路左未見也多君顛倒
炎涼用感慨天涯話所思

又

一葦招攜未隔津百年如夢漫沾巾摧殘猶戴君恩
重繾綣徒憐友道親楚客近還逢遠信越鄉絕莫憶
前身爲吟草草公安句不落今時更有人

公綸兄致臥褥荅此

瘦骨支離白板牀勞君殷重紫棉裝溫柔欲壓新紋

補行堂集

卷三十四

元

簞朴實堪隨舊錦囊老去山中添坐臥朝來面上減
冰霜自慚無力消貧病不在蘆花紙被旁

小除生辰止閣黎垂示七律侑以瘦盤黃柑賦

荅

減歲添年此日同今春減到未除冬時已立春黃柑顆作
兼金重丹荔盤成怪石空念我病穿生老歟題詩格
出晚初中愧無深穩安瓢地負煞甘涼嘆面風

又

兜率何心盼電光總憐喚作百年忙支離八字填磨
竭頓挫三毛削夜郎弓折君親生歟上先帝聖節先公諱日皆同

此被穿師友合離旁五載不侍懷賢矣爭如拾得無來處免
受天台限石梁

慰秋岳

不妨執政三遭已若到除書九轉難秋岳頗好玄門借用白傳忠州

去國無詞山獨老窮民有淚海俱寬端州石少歸

舟駛沉水香疎半臂寒遮莫野僧潭上月年年只自
倚闌干

海幢臥病東履安

半日方塘話未忘知君心不異聯牀故人底事賦歸
去秋岳開解任好硯亦難攜滿囊貧入官齋春寂寂病連

補行堂集

卷三十四

辛

僧寺水茫茫海雲有分風吹慣荔子牽衣夢又長

雷峯元夕雨中慰王說作

松聲亦自喚支離永夜寒灰獨撥時高興不隨春草
出韶光欲到雪山遲已將疎雨添吟鉢且爲孤鐘罷
酒卮卻憶長安燈市裏風流負汝老填詞

汪西玉過訪苛林

雨色沉綿苛子林虛廊屐齒破枯吟廿年荆棘過人
少一葉江湖與病深裹藥徑分金石氣論交先得蕨
薇心誰留不合時宜聽茗盃無猜一再斟

寄荅彭晉公

雲歸廬阜還成住潮滿簞簠已復來自作老彭何太
古徑尋寶覺莫相猜新詩欲報瓊瑤乏精舍初逢菡
蓂開肯逐涼風坐蕭爽不須悵望讀書臺

存四索余諫垣舊草簡寄

也知結習未全忘剝得三垣舊諫章灑血有聲供驚
鶚藏身無跡愧羶羊徑投白馬真非枉莫受黃州寄
不祥君欲看時頻看取看吾何似昔年狂

陪本師天和尚遊洞山

荒草啣山一寺深閒陪杖履惜幽尋亂雲作樹爭空
有落日驅濤戰火金老欲住山追蝶夢徐當挾水聽

徧行堂集

卷三十四

三

龍吟蒲團話到無言處片月同懸永夜心

又

憑他舊眼詫新山丘壑難教罷往還誰送白雲風以
外各依碧蘚樹之間腳跟未定登臨澁鼻觀纔通視
聽閒便欲雨華吾不坐已曾付與石頭頑

少文遣人走增城得荔支三種見餉

凝冰花領小華山百里增城費往還晚熟看來過蔗
尾先生念欲出梅關流連楊子盧郎外次第方紅江
綠間若較循州八百顆也無餘憾及吾慳

康之初度

有跋

塵網重重看未收關中閒局漫相酬攜將葛井三生
夢點出簞簠萬古流榛子卽隨居士種蓮花元是老
僧投卻煩認取金剛眼好爲雷峯下一籌

栽菴涉夏經冬又值康之初度借簞簠萬古之流
充蔗餘千春之供當日尼山至聖偶在川上道箇
逝者如斯夫不舍晝夜當知歲月日時刻刻不留
一刹那頃覓箇不逝的了不可得驚嶺如來向波
斯匿王指出觀河之見又道汝面雖皺而此見精
性未曾皺歲月日時刻刻不動一刹那頃覓箇逝
的了不可得簞簠豁豁水日過過也亭下卻請宴坐

徧行堂集

卷三十四

三

此中屏息諸緣看這一灣流水是逝者是不逝者
若道不逝蹉過尼山若道逝蹉過驚嶺若道尼山
自尼山驚嶺白驚嶺蹉過自己於此豁開金剛正
眼千生萬生總不出簞簠一滴水簞簠一滴水滉
作四大海水浴日吞天且無一滴方不負雷峯門
下滿室添籌且置金剛正眼又在什麼處過也過
也

送查伊璜還東山

棋爭半局且歸去眼底誰爲結局人天下才名君獨
步杖頭雲水我無鄰東山怪石盟猶在南海輕裝語

又新爲祝長途休汗漫百年回首只風塵

訓董无休

適從何處慰離情骨見專車老自成一曲向會依豹
隱三更時欲問雞鳴灰淋過亡吾用絕種拈來倩
汝生卻愧相訓無好句半衾殘夢破孤檠

悼袁特丘

白首從王路轉窮三朝徒嚮直臣風登樓作誓還成
罪置獄休惟已報功老不通方宜一死人難過眼莫
重逢誰標格外文無害判入南陽漏網中

又

徧行堂集

卷三十四

差

故國猶難罷繞枝曰歸爭似未歸時蒿萊竟失中郎
里書史誰傳伯業癡別後心胸空自許再來面目不
相知雷峯草率分瓢笠負汝無生共一師

又

十畝松濤構草堂數行攜手意難忘有牋欲去緣先
斷無夢能來恨更長石徑莓苔看老大夜臺鐘鼓聽
微茫不知結習憑誰遣錯恐浮沉太乙光

又

烈火枯桐豈易尋空山師友歎人琴青鞋快着曾傾
倒白眼微開恰靖深敢信典刑還似昔更加幻影只

如今昨來風雨牽愁到十載存亡一夜心時在雷峯
聞計入老

答祝長康

時署訓陽春
關黎公之友也

春雨雖慳漸作泥晴雲過影落池西已耽法味訓尊
宿欲出詩情顧小奚久別江山還到眼暫來桃李卻
成蹊勞君手版兼多病夢入松風獨杖藜

嚴絮菴以憲長轉本省右轄

最難傾蓋一時同定許聞歌宿智通結社自能訓遠
老穿花直得配嚴公風生肅政方投虎惠浹承流已
集鴻春水平疇隨意滿出雲元只頌維嵩

徧行堂集

卷三十四

舊

又

唐人詩不數盧王漢室官還憶趙張大澤流兼開兩
浙奔濤源獨濬三湘西江字濯明砂古南海支分甘
露涼見說一隅猶小試躊躇那得善刀藏

又

謳吟父老錯呼天隻手誰爲解倒懸吏欲食人休說
尹盜非殺我卽歌田星輝一路承宣責領犖諸侯黜
陟權分陝比聞虛左在棠陰早覺召公賢

又

重雲百衲冷承趺欲謝開名敢自呼劣得寶林分大

士謬思銀漢通浮圖雷峯到海稱無異槐火烹泉興
不孤肯續端明當日夢彌天榜作小西湖

柬王崑石學憲

格外呈機豈未同雙眉不結意俱通輞川舊自連摩
詰土室今非遁贊公學士文章垂嶺表上師宮殿蒼
天中菩提樹下曹谿水爲寄頻伽一葉風

送徐文侯方伯之中州

茗盃詩牋喜欲同那堪別緒亂春風甘霖不止題辰
北愛日何緣繫粵東布地數聞黃面老摩天獨見黑
頭公嵩山若問元珪戒識取生生峻極中

徧行堂集

卷二一四

五

送姚榕似憲長之白門

好從別路成相見頗憶江南聽鷓鴣一片沉香休極
溺七重寶樹尚噓枯梅花落影疎靈谷蓮葉分臺滿
後湖莫怪澄清風采峻憲司恰在舊神都

寄黃文園司理

一葉橫江獨渺然海幢風雨入春顛聞君遲我情如
見我亦懷君話未傳蝴蝶翅中三月夢鷓鴣聲裏百
花天粉牋委悉無多意且爲開池湧碧蓮

悼秀水

巫招那得斷魂還同夢如沉明月灣風休下時真蓋

寡性情至處僻難剛手操藥石修三斛指畫軒楹護
一闌岑寂法城悲往事有心人不戀人間

又

半簾寒雨掩殘燈欲不思君亦未能天與直方全近
道人緣孤獨漸如僧興衰有恨填黃裏來往何疎倚
白藤識卽死生無一間誰爲彈指破春冰

憶息影

寄幻人間莫論時花開葉落漫尋思未來鱗甲先相
試不向肝腸早見噲承藥但能逢隱忍吹簫只解喚
參差一衾枕外皆警敵獨許南陽烈漢知

徧行堂集

卷二一四

五

憶稼老

吟肩一拍笑俱新心醉何妨指注親此外風濤渾不
問就中心眼亦生嗔撇開錐子休尋地燒卻皮囊莫
靠人爲念老臣推案日偶然枯坐忽沾巾

編行堂集詩之六

丹霞今釋澹歸 造

侍者 古諭 古庵 編

七言律

奉和老人冬泉之作

涉冬值大旱忽得石泉丈許爲異

雲根裂破驚泉出轉眼琉璃碧一潭濟伏委從河以北惠通直到海之南百源可隱身將老六路雖清意未甘點滴無時波浪湧半尋拄杖莫輕探

又

熟看膚寸雲生慣一滴曹源萬斛藏愁溼水風煎旱

編行堂集

卷三十一

一

魃戲隄石火舞商羊龍身鼠腹緣俱滿夏冷冬溫用獨長爲說林泉幽絕處不會容易闢旗槍

又

是人之境都相似澹且無交那費鹽槐火未新先透石風濤纔定便流蟾莫教龍子歸潭柘不向匡君買谷簾好在雷峯沾一味大家認取舌頭尖

又

菩薩泉生菩薩日

時俗老人誕辰

漫勞井底鎮丹砂金剛輪

出牛千乳甘露池分象六牙祇是冬抽胡地筍卻須春臘仰山茶遙憐病客需甘爛百里龍吟寄一窪

佛堂成呈康之

一盞琉璃佛一龕軸簾相對各相諳匡牀穩密經冬夏曲徑周遮已再三湧水不牽孤月動爭珠只看二龍貪關情最怕歸途晚長嘯何如着短衫

又呈仲遠

卻因落墨賦冬泉覺得堆堆又過年祇爲有人來病鶴竟成無我聽啼鴉每看退步安如地自識歸根懶問天最喜一分頑賴處不衝寒暑到谿邊

示張日生持準提呪

同心應有德如蘭夢眼驚回醒眼看座上一株青菌

編行堂集

卷三十一

三

舊爐中幾縷白旃檀薰猶共器香俱奪冰日當空勢莫干門外三車誰肯御可憐火宅正盤桓

送尹右民孝廉北上

驪珂莫戀別情長萬里瀾翻學海光龍虎文成攜俊傑天人策上冠賢良五雲抱日聲名麗七寶浮春翰墨香踏遍馬蹄花爛熳好緘秀句及滄浪

又

直上危峯釣巨鰲魚龍奔走失波濤群芳自結束皇婚列宿誰爭北斗高八代起衰韓愈筆三公襲吉呂虔刀男兒得意知何極頂族神珠喜獨操

還雷峯後荅藥倩寄示二詩并訂臘月入山之約

借得微風返故山雙魚遠到綠榕灣從來不解悲麟鳳此際何心鬪觸蠻九曲自縈青眼客一生未過白雲關碧峯明月寒如雪好待圍爐話夜闌

次韻謝胡信山

一句相酬夢已通如今真拜古人風暗雲自鎖千巖冷明月同懸萬籟空暫覺高天無復醉卻疑吾道未全窮寂寥僧院論心好肯爲鐘聲避遠公

又有傳余往廬山者信山以詩贈行

補行堂集

卷三十五

三

誰傳廬岳欲重尋踏海應憐境未深有限杯纔消往事無絃琴又發清音山高地大俱隨量鼓寂鐘沉獨見心且喜得君池裏墨不因布水便成霖

靖南王太夫人施禪衣賦謝

最是相看過午夜琉璃添穩襲寒光冰枝鐵幹休拈出玉線金針不覆藏行處秋聲分曲徑坐來春色滿匡牀修行何力堪承此定水無波一炷香

止言閣黎四十初度

白滿中庭夜未央掩星奪月解空祥處胎自不投烟火灑血曾經喋虎狼放下併無千數佛隨來只見兩

重光欲知浩劫難窮處碧海春雲日漸長師之月不粒食不火食師報兄仇率兵剪沙灣叛王者千家故有第三四語

又

生機纔轉失乾坤大法懸絲定一尊雙嶺同懷英邵武單詞獨辨古雲門人天卽擬推難覓龍象焉知踏易翻此日護明元不降東風好爲長兒孫

荅還生果公寄懷

寂寥明月故人心手把新詩斷續吟痛癢爲他搔未徹悲歡類我感逾深墮雲病鶴難遮眼給火枯桐漫發音纔道篋谿看釣穩十年風浪更相侵

補行堂集

卷三十五

四

又

閒關杖笠爲誰來懷抱何方好共開從昔人無多解事至今天不敢憐才土中敗偶聊相慰海上閒鷗忽見猜自愧一椽虛廣被那教三徑免生苔

又

百歲勞勞剩一身攜瓢元不出風塵此門定慧全推汝到處安榮別看人滿地刀鎗三寸鐵彌天冰雪十分春應知祈額柴關裏碧水街山月色新

柴夢霍遠寄長牋此孤山舊同學也感其雅尚

題此奉調

二十年前同學友三千里寄來書開緘欲接西湖
夢辟地非爲北海居迢遞有懷吟若此從容相對興
何如知君擬裂風塵網斟酌休尋領外珠

王恥古給諫過訪海幢

絳節星輶出上方清風兩袖午雲涼霜生伏閣秋俱
凜雨過隨車夏更長砥柱欲支天一半芙蓉仍擷水
中央當年不逐懷沙夢分得金雞百尺光

大洲龍船別有記

物巧神工互欲開沙沉龍骨自浮來波連鰲背三山
立繡錯車盤百戲排天上莊嚴分苑囿雲中的歷起

徧行堂集

卷三十五

五

樓臺可堪零落宣和事不共佳門一例埋

又

絕叫聲塵隔絳雲千年授受只兒孫外人那識機關
巧立地方知節制尊水底蛟曾欺直道眼前花不翳
空門魚龍回首看如電墨海同飜五色文

又

雉堞鷗汀貫絲舟幻輪轉處勢難休兒童不覺今非
古風雨猶憐展復收竿木逢場隨上下清波無路各
沉浮垂垂莫問架柴角錦纜蒲團一片秋

又

廿四年前此一機老來爲法不禁啼六千君子心俱
壯百萬人天眼自迷接袂有情兼地暗揚鬢無力逐
潮低最憐鵲鷁如蠅附鈍置烟光白日西

次韻訓淮安張斗瞻

天際鴻毛不易尋非言響答意俱深誰家荆棘堪衣
絮獨樹旃檀便作林君隱詩瓢成絕調我聽禪板得
無心一堆灰裏真相見分付焦桐漫發音

送丘曙戒太史之瑯州卽用前韻

丘以侍讀外轉別駕

淮海同流更一尋雲埋五指未爲深千秋風雅長相
命一笑烟霞徑入林難道卑官無翰墨不輕遽地卽

徧行堂集

卷三十一

六

身心惠通泉畔坡公在格外聞絃亦賞音

張曲山直指還京過訪

繡衣驄馬越王城甘露初垂栢葉清解網正從天上
落埋輪還向殿中行風生雙樹西來古月靜孤舟北
去輕我見昔賢難似此別離容易不勝情

寄題鄭無傲園亭次諸公韻

名園勝屐得相逢近水何嘗隔一重初日全敷金齒
蒼輕烟半醉水芙蓉鉢音不合晨調唄燭影方搖夕
舉烽莫道畏人成小築簪纓時復話從容

又

儘喚桃花散早春行藏那得百年身儒文俠武分還
合子鶴妻梅假亦真海上釣鰲曾有客園中看竹復
何人晚鐘只欲留僧住寄取香臺覆鉢巾

賦謝說非密公瘦瓢

執杖提籃似也非何消瓦鉢配三衣懸疣樹上身全
脫乞食門前首半低千里賺人還自笑吾宗到此不
相欺無光鏡子分明覩面目依然黑豆皮嶺南呼麻
豆自稱豆皮宗此
縣真吾家物也

送張繼隱還山陰

嶺雲欲破力難追歲歲珠江別恨催况是多年能愛

補行堂集

卷三十一

二

我不知此去更逢誰堂前色養心初慰隴上躬耕願
莫違鏡水泰山饒秀句留題待取一僧歸

送周炳如刺史還北平

塵中底事足留情拂袖彈冠一羽輕澤豹有章何必
用蹇驢多暇亦堪乘安攘早已思張敞婚嫁終難累
向平他日西山冰雪夜爲君分出老人燈

蕭柔以都閩初度

五雲開處見霓旌九日高秋得此生自許金輪飛一
寶共推祇樹築連城威分鎖鑰波濤靜歡合笙歌月
露清不昧宗風繩祖武毘盧頂上試橫行

送足兩巖公說非密公請藏禾中兼爲西湖之

遊巖公歸途便入棲賢

故鄉何地剩相思瓢笠看他笑我遲紫柏餘光輕梵
夾白松昨夜長西枝兩峯插鏡春先得三峽流霜夏
不知怪煞同行人獨返途中卻寄到山詩

送藥倩出嶺

送客逢君又遠行老懷益覺世緣輕蹉跎光景非無
用斟酌波瀾各不停遊罷應嫌天地窄歸來好共水
雲盟祇今屈指重相對世路茫茫恐未平

送陸太守繡公歸吳興

補行堂集

卷三十一

八

丹霞臺畔海茶涼惜別應憐話未長博雅源流推二
陸循良先後配三王嘯歌時自眺丘壑律令逢人感
雪霜爲語同參陳憲副躊躇落得善刀藏繡公案
懷旃書

彭番禹退菴初度

碧落支開百尺桐朱絲第一奏黃鍾五雲日麗鳴威
鳳三峽瀾翻起大龍神化丹青依宰輔升恒朝夕走
兒童長生不在陽春外珍重斯民視聽中

送易通玄都閩之瓊南

奇句風雲壯百蠻伏波重此見登壇寒生擊劍天俱
側春入投醪海共寬舊畫疆固留五指新傳號令失

雙九江千握手勤相祝贏得封侯莫據鞍

送李鑑湖還鄧州

捨山王與住山賓來去曾無第二人十載長懷愁又結三年重到約須申烟霞老帶多生癖霜雪深埋一點春爲佛從前高臥石莫教瓢笠悞風塵

趙韞退大叅過訪紫林時以齋俸便道省覲

半生潭影過飛翰蘭譜還通十夏看未見已知冬日好將離爲念朔風寒書成金鑑千秋永酒合斑衣百歲竟莫遣相思移一線海山白月共長安

除夕郭堯功郡丞茶集紫林同楊永禧太守黃

編行堂集

卷三十五

九

文園司李王百祥大尹侯公安守府

閒尋法意到烟蘿遣化還從香積過雲外事隨禪客減林間風爲使君多暮山換紫留歸興衰草偷青喚踏歌誰道日除無歲在滿郊春色動江波

贈在憐贊律師

金峯閼跡自何年寶地初開屬法賢今在人天俱入座形成龍虎不爭權論傳西域尊僧肇律定南山重道宜爲念末流看砥柱白雲青眼各條然

將之丹霞留別永禧

逢人不出復何求法味相當此獻酬七寶行檀公願

大千峯把定我知休勝情自覺緣難割熟境須防感易流有路豈妨經一宿月明同對海天秋

文園之安陸郡丞

冰霜同潔月同明易地相看去任輕不會陸沉靈石叟何妨吏隱六安丞丹霞百尺辭將決白雪千秋價復增他日幽懷託何許幾回風雨暗春燈

留別退菴

憐澹相期十載心如今真得住山深雪巖水自連雲深松塢風兼帶竹陰萬仞一關當獨立百年雙眼送長吟卻思勝事因良友把臂何由共入林

編行堂集

卷三十五

十一

公安招遊七星巖同永禧堯功文園耀堂諸公

言別

分付晴風拂翠屏好攜勝侶話巖扃地窮積水移三島天落餘光起七星幸有香花通法喜莫教鐘鼓閤幽靈來朝又發乘流興獨喚春潮月下聽

重宿南池留別仲遠

南池池上此重臨猶見當年下榻心每許白蓮開社近偶尋黃獨入山深鳥分曙色聲先滑魚含宵光影未沉斟酌離懷憶今日一簾春碧映遙岑

寄藥倩初度時客廬江

爲倩東風祝此辰短長那得到閒身沉酣名教三千
子寂寞中原五十春華髮滿頭還是我青山照眼不
隨人虛空若會齊年客寶水廬江共一塵

又

想君此夜足悲歌澗絕庭前蘭玉多直道向來餘
塞雄心休去使消磨行藏布策逢屯卦勝負收棋得
爛柯四十九年無處覓好將童兒問觀河

留別夢回

會將衰病託簞簠丘壑招人首便低絕代烟霞知有
癖同壇木石罷相欺松花粒滿歸山鉢荔子絲沾別

編行堂集

卷三十五

十一

路泥珍重素交親切意老來老計各提撕

留別陳岱清司李

微幸寒巖別路通故鄉無分老相從赤城霞借千尋
石青海瀾翻一塢松誰寫金蓮深草外自支鐵塔瑞
雲中懷人不盡冰霜氣絕巘梅花雪夜風

阿字無公爲雷峯第一座寄賀

朱絃又見發新桐傾耳還鄉絕調中最喜扶南鯢獨
化莫愁冀比馬俱空洞山有子推三墮首座無人卽
九峯欲枉金鉞探妙藥丹霞一爲起衰慵

留別陳時夏司李

海螺巖上月蒼蒼羊石城邊水共長林下清言思永
日山中幽夢怯盈牀逸圖未覺遲三笑甘澤先看遍
八荒爲許半間雲出屋卻應分得老僧忙

黎天錫郡守解官歸里

爲官難得說歸山恰似頑僧懶種田若使蕭然君獨
脫何妨率爾我長言星沉日湧誰當了嶽偃波騰物
不遷別後更愁推轂易一枝閒卻遠公蓮

海幢重晤文園

別來更喜珠江見見後踟躕別更難身作道山高又
近心期法海潔逾寬自堪一吏浮沉遠天縱三更夢

編行堂集

卷三十五

三

覺安我不爲君香火切長將古誼借人看

文園舟中邂逅陸雄州孝山

仙舟惜別未恩恩意內誰來意外逢烟雨樓邊神酷
似枌榆社裏話潛通到門不待迎王老入字何消爲
陸公識得野人窮相手相看一展見真風

寄別侯公言總戎請告北歸

右戈左印趁青春玉帳金符此現身錦繡毫端生驚
鷲丹青閣上畫麒麟洗兵蒲類雖殊績掩室毘耶卽
正因我恰住山公請告幾回低首念勞人

留別雷峯同參諸子

鈍棲敢意此爲家拔地支天出女媧枕上不聞同片
析飯餘還啜本山茶老松大竹藏深屋赤石清泉散
彩霞更有月寒清絕處慢煨冬笋看梅花

又

羸得歸山不偶然出門雖晚到還先四時水草隨階
下萬里風雲息眼前峻極藤蘿扶石磴空懸洞壑倚
江船且教莫撞鯨鐘乏恐負深長太古年

留別漢卿

八年青眼剎相思十里丹霞子所遺愛我切如分痛
癢與人化欲入離微塵中祇合收詩料物外何當刻

補行堂集

卷三十一

三

路岐無以酬知憑道業敢將一鉢負三衣漢卿欲我只三二人

接遲林際此正恐增勞累耳然我法無獨喫
自病之理須入丹霞不用其策故有末語

又

雨潑荒原驟作青疾雷雖震意常平柔能護我剛居
骨清不欺他濁在涇此老早堪稱市隱散人并不擅
山僧爲君決絕還低首家在夷門夢未停

又

纔欲題詩意黯黯離情如水接遙天江山不遠一千
里日月須遲三兩年狼狽慣經藤嶺鼠蟬蛸恰值海
成田最憐故友飄零地錯把鐘聲當杜鵑子勸長特出家學

道後歸公安遠後
意常黯黯念之

喜入丹霞

水石相銜進力窮此時親到此山中懸梯已見猶迷
徑老屋雖存不露風近夜蛟龍隨雨去遠人松竹罷
雷同古今多少沈酣夢陵谷高深想未通

又

半生說蜜未知甜好處擡頭恰卷簾壁上何消爭雁
宕袖中已早放師巖月流九曲環三點雲簇千團逗
一尖且喜到家深穩在不妨隨路又莊嚴

訓凌髭放

補行堂集

卷三十一

四

不從相見辨疎親契結烟蘿夙有神幻海翻瀾增上
業法燈分燄再來因浮飄忽得詩中眼落枕方知夢
裏身寂歷空山休坐斷草亭長待種榛人

寄韶州趙雨三太守

偶因一曲慰泥蟠宇下兼聞覆蔭寬韶石薰風開五
馬趙家冬日照三竿全光不動青山穩絕頂相輝白
月寒恰好空林飛片葉敢隨流水寄君看

宿仁化準提閣呈社中諸子

輕雲纔見下空山又到春臺宿半間名士連朝看共
夷野僧入夜話初聞白隨雨暗峯雙落綠倩榕浮水

一灣坐覺勝情難遽割時時計日不知還

南雄留別孝山太守諸公

扁舟直下便歸山一派離情萬疊灣各有白光交鷺嶺能無清夢續梅關人中含碧超雲上物外烟霞滿世間分得零壇甘露水海螺巖昨日潺湲時諸公步禱有霑足應之

同鄭堦臣登九成臺

觀蔣穎叔武溪深碑碑久沒塵土中堦臣表而出之

閒尋往跡共登臨洗出殘碑見此心異日武溪新奏笛一時韶石舊聞琴乾坤定位誰高下魚鳥移情自古今爲語憑闌長望客莫隨逝水動哀吟

編行堂集

卷三十五

五

送王又如少尹北上

天末微官肯獨醒深秋寒衞短袍輕此間水米誰相涉世上金錢各自行長老峯頭調白牯昭王臺畔擊蒼鷹重來坐對無他說多少浮漚當一生

寄別李瑞吾制府北歸

萬古閒心問菊坡千峯寒色動驪珂斷藤永奠西陲石化雨長添南海波救尾押花雖鄭重帶圍留玉木蹉跎大庾嶺上丹霞意春日溫溫比去多

寄韶州傅竹君郡丞

幾重杳渺歎離群千尺簷當憶此君并爲龔黃清一

卻不容管樂失三分風生北道開旗鼓月出西江照典墳猶見雲橫山一抹長扶病客到醫門

贈乳源裘端崖明府

富春江上水同清長老峯頭月正明星列白榆情更重霞分丹嶂夢初成法林風雅誰三到寶地精嚴信一生怪得秦時轆轤鑽浙西老作嶺南燈

溫泉夜浴

遠道難教罷洗塵浴衣着處一盤新川圍暖谷屯香霧碧湧流黃散玉津水火逆行長置鼎地風潛鼓歇傳薪驪山宮殿沂亭草併作閣黎劫外春泉上舊有沂亭今廢

編行堂集

卷三十五

六

又

卽安此水在鞋田不在楊妃繡襪邊笛轉斜陽村老後錫飛殘月野僧先履霜欲至開溫室中暘如扶到酒泉應爲窮民分惠及爲誰卻費洗兒錢

又

紫海纔過土滿裾黃龍三度無餘丹砂入竈長流汞白湏傾盆忽濺珠玄武火中張浴勝祝融水下簇雷車鑊湯頂上蓮花發夢繞竹風不是渠

又

兒童語笑聖僧來挈杖攜燈雨開大地爲杆頻浴

月純金作置免焚槐濕淫不遣隨寒入冷定休教趁
活埋歸囑海螺巖下石也須結取火珠胎

雲門禮偃禪師真身

望入群峯出黛痕古人面目至今存報恩且許留三
語並化何容有二尊威鳳寂寥傳法眼遊魚震蕩失
雲門一回瞻仰成鳴咽誰恤韶陽慧日昏

又

是生是滅漫商量一樹金風透體涼十七年雖藏北
斗三千里卻遇同鄉閉門不管陳尊宿此夢惟傳阮
紹莊珍重目前無異草平田夕夕下牛羊

備行堂集

卷二 一五

詹熒公邂逅英州話舊南山寺

圓笠輕風坐已翻臨波撫樹步還休自分山色無窮
變誰寫江聲不動流荒草姓名空外出夕陽賓王夢
中收十年舊事重重舉一片寒生四月秋

吳尊墮致睡鹿鎮紙乃小英石頭黑身白意態

如生

點墨成峯據案平奇從喜處一時傾蹄深荒草團銀
兔角淺寒雲透黑鷹蕉下欲分看已化殿中隨指失
相爭不知似是誰爲是雪裏崑崙捉象行

又

揮手窮巖亦信緣休心夾道卽安眠漫誇敵體全知
白且喜回頭半守玄山外山俱無寸草塵中塵孰辨
平田三張紙在身將隱八面風來物不遷

寄睢陽趙彥公

卽看令弟爲賢守又記難兄說道民教合東西行有
路地分南北見無因往來白紙方通信彼此丹霞未
隔津卻付吾鄉小范老每當風雨一相親

得王恥古都諫書卻寄

每看薪火笑黃金信有斯人不負心最樂爲開同善
譜深慈長賣獨絃琴四知未見淪楊震三黜何繇動

備行堂集

卷二 一五

六

展禽時日無多俱努力誰將此語一沉吟來書有時
日無多務
之語

盧長華少參過訪

長安花發馬蹄邊疾篴過風廿四年愧我空山兼老
大逢君蕭寺一留連疎香出水聞俱徧密葉交光影
未遷此會那能終不散莫教閒卻渡頭船

陳端菴大尹過訪海幢別後雨作念其歸舟沾

濕卻寄此詩端菴時謫大庾頗有牢落之感
珠川風雨渡應難濕卻衣衫且自寬本不負承余更
好安能免我爾無端山林疎放梅花帳詩酒欹斜竹

簪冠莫枉草堂輕杜甫眼中不着使君灘

程大匡過訪蕭寺聯牀共話

八林文酒夢難尋十載相思挂碧岑有此合離看我
老爲他存歿感人深麥舟易落荒原淚菽水難酬烏
鳥心卻到空門臥風雨滿庭寒色透孤衾

海幢雨中有懷曙戒退菴

烈燄烘雲雙欲辭疑烟霖霖雨絲絲空懸塵榻惟前
夕飛挾仙兒復幾時爽氣連山朝在笏清音繞鉢夜
題詩一重珠海重思不隔虛堂祇自知

史曉瞻大參過訪

徧行堂集

卷三十五

九

明月灣頭月共明光分攬轡益澄清鱸湖眞得陳亮
佐珠海先傳宋廣平名下士來孤磬遠林間風拂斷
雲輕幾時白鶴峯前意一度低回秋水生

紀載之少參過訪

荒林掃葉破莓苔佛日分輝勝客來蓋代典型留石
鼓干霄氣象出金臺塵中識主論先德格外酬機許
逸才底事鐘聲催去早冰堂春色盡船開

時趙霞潛
攜尊舟中

趙霞潛少參過訪

逢人輒問白雲關濟世能常越世間雨稅蒸黎南服
盡三冬愛日趙家還未通蘭譜空門拙不動蓮臺萬

法閒須信摩尼光透頂生緣元在大珠山

東堯功時以病在告

祇爲有官纔有病不須辭藥但辭官半簾雲樹思俱
濶一榻圖書夢亦安五柳先生腰骨硬十年宰相齒
牙寒濟川莫怪停舟楫宦海風波自古難

百祥初度

日麗青山映鶴觴月明紫海舞霓裳論功已換神仙
骨稟德還增師保光一點自天垂雨露五絃巾地應
宮商今朝譜入千秋引高峽端溪歲歲長

次韻謝周鶴田

徧行堂集

卷三十五

十

撥棹歸來落照紅果然開眼失周公穿街直下乾坤
淚伏闕會生臺閣風善賈未酬懷寶客長竿卻對信
天翁買山瓢與開山鉢彷彿休尋雪裏鴻

又

十年乞食懶吹簾鞭影留慚負大慈只有空門添老
友元無長者付貧兒扁舟不覺成三到竿木相隨各
一枝着着可憐餘此着曹山切忌未生時

平子遠再訪海幢

昔夢琴川九載餘穗城今見韻如初誰能清辯酬三
島自許驚才駕雨都紫氣橫分呈寶劍白毫直下散

明珠海幢一葉輕風駛且喜重來慰索居

送大匡歸廬陵

潔身歸卽被饑驅信有人間不易居三十口俱錐此
老二千年後哭殘書虎頭無骨仍穿硯龍項難櫻罷
將珠此去空山勤白業幾回放卻釜生魚

又

金彈驅驅馬後塵西江渺渺轍中鱗儒冠悞汝窮翻
僂故國何人老負薪各被夢難分痛癢自家舌且燕
酸辛歸時莫說風霜盡只恐心傷白髮親

送張萊山貳守辰陽

徧行堂集

卷三 五

主

龍洞書倉二酉靈德重新結使君旌嶺南已擅關中
績湖比應兼河內名訪道誰能招善卷賦詩自足配
昌齡獨憐風雨珠江思日向丹霞天半生

張直甫六十初度

六十年來無一事歲寒剩有後凋松兒孫得力含飴
外名利休心隱几中南極光芒爭獨月西山老大壓
群峯還分寶掌千春記天半霞皴冰雪容

送長華還江南

相見無多又欲行鯨音吼罷一舟輕老年辛苦難尋
夢去日平安好計程不分空山留赤腳可憐火宅餒

蒼生江南絕勝烟花地多半頭須白甲兵

又

兩袖參差納未齊阿誰脫體證無依河山萬里空調
馬風雨三更莫聽雞我卽澹公纔濁浪君雖盧老怯
曹谿途中一句勤相爲珍重橋邊竹拂簷孟郊送澹公詩

清浪遊與余同號成所同名已作空言長華與六祖同姓一箇入嶺一箇出嶺亦非故事借此發笑耳

壽朱南海說梅

九地春回線縷長五雲深處掛蓬桑風郭外傾三
異製錦江邊絢七襄壤接瀛洲來大藥人傳密縣下
天章入朝不用騷鸞翼渺渺飛鳬白一雙

徧行堂集

卷三 一五

主

又

雨灑焦原萬派青鼓鼙聲裏正彈琴數回不盡丹霞
思此日如賡玄鶴吟歡喜因中無量壽莊嚴劫外一
時心知公般若緣將熟肯惜簷簷榔地金說梅於余詩字有嚼

癖之

又

能仁分內種難灰隱顯當時各類隨寶氣欲還珠海
溢仙音初奏玉山頽水雲有子天華結鐘鼎無根佛
果垂爲念蒼生頻斫額扁舟莫作五湖歸

留別曙戒

曙戒亦將還朝

萬里驅車到海濱仙姿顚顚戰餘塵輝毫漫擬空黃
鶴視草何當近紫宸烈火炎炎天外雪清瀾渺渺劫
前春溯洄不盡登臨興長老峯頭一問津

又

瀕海蒸民百萬家瀾天殺氣竟無涯纔聞入市俱成
虎不見投林獨噪鴉三代盛名空玉帛六朝殘夢失
烟花北歸尚有仁人在斟酌應憐八月槎

留別退菴

把袂誰將別恨償丹霞臺下水茫茫器資法喜纔兼
濟文偃山居又一方樸散君師歸衆母星分將相接

偏行堂集

卷三十一

五

文昌側聞春雨堂中事賣劍騎牛得小康

又

便思攜手法王家悲種時生焦穀芽明敏愛君堪八
面廣長爲我簇千華每憐警枕輪蝴蝶一怪專車式
怒蛙撫字於今勞未已禺山強半付蟲沙

留別楊廣州肅如

乞得滇江上峽船思君如日滿晴川望歸質直天人
表韻入和平雅頌篇庭下無爭閒五馬堂前有喜獲
三鱣可能鶴骨長相似鬪取西河繼大年

留別公綸

空際飛鴻喚侶勤江邊風雨疊相聞勞君一手開青
障閒我雙眸弄白雲蘆葉吹霜猶慘澹梅花倚雪正
氤氳還山剩有睂毛結何日重遊鷗鳥群以喻海上
之弄兵者

翔而不下豈盡
其子之過耶

留別黃端四

並末陳季長

知君未早見還遲此去長吟我所思金碧漸開天上
畫松筠勤護雪中枝衣當掛體期千尺海不揚波望
此時卻看孔璋頻草檄莫辜清畫一題詩

留別黃二不

兼東盧公遠

幾日相過一日行孤舟轉處客身輕別懷各念將頭

偏行堂集

卷三十五

五

白來路休忘是國清山水性情逢戰鬪詩書氣象出
休明同方爲語盧居士路人曹谿似砥平二不得危
疏將疾自

言前生爲天
台國清寺僧

東侯筠菴文宗

筠菴期余以病阻
余期筠菴以事阻

病裏難趨公一會忙中易隔我三秋深談豈少今摩
詰率筆何煩古貫休五夜悲笳閒繡虎半天警角起
眠鷗那能擇地長相對兩鏡交光影不留

送載之守制北歸

渺渺珠江別思牽使君載石尚餘船海山自失金鰲
湧松栢新成白雉眠梵網一傳堪立地福星重曜喜

回天何時寄語丹霞上會取龍翁舉索前

次韻訓還覺復公

雙肩重納稱耆年不意相當絕巘邊此地曠如空劫
上與公熟在未生前風飄晚磬三衣冷霜壓晨葵一
箭鮮記得春來譚笑愜半山明月大家圓

築隄

攜筇屢變各相驚勝絕林中師子行舊路漸生新路
熟上方忽密下方明隄成不用黃金築塔湧仍教碧
水擎最喜經營丘壑美弟兄心眼一般清

又

獨行堂集

卷三十一

堂

絕網飛虹事未難眼爲物礙豈能安幾層濃澹深深
出一步高低慢慢看結束山腰雲脚瘦梳通石髮水
頭寬按鋤運脊騰懼地峯頂蓮開白玉團

次韻訓靈知鑑公

渺渺浮雲憐久客遲遲殘夢得深山手中有鉢放未
下澗底無松種亦閒一錫飽參公幸歇三時垂盡我
方還卻慚辜負良朋慣好韻纔從病裏攀

孝山有過訪海幢之作次韻奉酬

不離妙喜現毘耶千頃頗黎一月華特遣化人看展
鉢齊驅瑞鹿聽隨車毫端忽寫空中色雲頂兼談石

上花勝有池塘來秀句漫天春草思無涯

次韻訓沈融谷

霜雪孤根偶一存難招昨夜甲今魂去來忙亦無他
事多少空纔合此門名士風流文苑濶散僧影覆法
幢尊欲訓撮土爲公屈海嶽全歸地勢坤

又

珠玉分光一日行玄亭不枉此逢迎摩天自起雲中
翼勝地難枯物外情八詠傳家看跌宕五絃叶奏聽
和平相期直上丹霞頂卻喜龐翁更後生

上巳前一日茶集古種玉亭觀種蓮同孝山融

獨行堂集

卷三十一

三

谷亦樵分韻再次船字

纔攜柳標破高烟便攬架裝上小船碧藕種當三月
節黃鸝轉在百花天自聞韓愈歌盤谷欲倩王維畫
輞川那得一亭賓王勝彩毫端各現青蓮

又

踞石看低百丈烟穿波行異五湖船文詞沈陸俱名
世政事龔黃獨補天零露一盃浮醉石斷雲幾片落
斜川吾家有景遙相答峯頂分池種白蓮

再次芽字

水半芙蓉嶺半茶明中枝葉暗中芽天峯有王能邀

客地角無鄉忽到家七日未忘香土鉢千篇長伴赤城霞從來不見旗榆展疑煞蒙山石上花

又

此日風輕好試茶來時竹冷未抽芽遙遙白處休迷路黯黯青中莫問家袍角幾曾沾紫海幙頭元不礙丹霞一名二色分明種珍重開花與落花

贈陸亦樵之仙城

種玉亭前調欲同雨華臺畔曲彌工柳條已透凌江綠荔子還思珠海紅萬里登臨供警策兩京鐘鼓發春容興來直上飛雲頂仙骨珊珊想御風

偏行堂集

卷三十一

七

送譚蓮懷歸京口

幾年鄉夢失周旋此別爲君一點然嶺表詩文歸玉局江干風月憶青蓮離情起倒雖依地老景浮沉且信天卻怪金山容走馬暮笳吹斷釣絲烟

楊歷巖重別柔以

柔以將過嶺獨留一日與余遊楊歷巖飯罷登蒲團石老榕蟠絡嵌空直上爲澄公禪師宴坐地一峯峭峙如臺號雨花旁有石龍吐水皆佳境相傳師化後吳三日香三日士民奔走遂建梵宇今真身猶存然巖勢殊逼聞

舊寺在巖前曾集千衆也映山紅盛開命僧攜鋤取植爲柔以江舟之玩因書卽目兼誌別懷

雙手難將別恨排孤留山水駐奇懷榕根便捧蒲團住龍口誰分花雨來香臭漫隨風力轉廢興休把石頭挨過關記得攜鋤事朵朵春紅向北開

題蒲團石

大小蒲團坐未穿十圍榕樹勢蒼然解衣我欲名何等脫帽公知定幾年只放枝條長覆地卻尋門戶暗通天回頭擬共龍潭說一橈寒聲落夜泉時余解衣而登柔以

偏行堂集

卷三十一

七

云他日便是滄歸解衣石矣余云獨不可爲柔以脫帽石耶柔以云咄咄過人

雨中柬來宜公明府

平疇吹綠起秧針春色寒添雨色深獨立不知成水觀相思一爲寄書淫新詩幾日投瓢滿奇字何人載酒尋寂寂公庭烏雀少也宜月面照冰心

邊勒鼎母夫人節壽乞言

百尺懷清結大年重重冰雪映寒泉一從舞綵稱觴後如在和熊畫荻邊苦盡甘來人已老芝蘭玉樹事初傳請看燕子斜飛處繡線春風影未遷

曙戒度嶺雨中過訪

一爐香外水雲屯
隱几沉沉少一人
荒徑破來聞二妙
郭亮功同來朝霞舉欲起
三春安排有夢他
年幻斟酌相逢此日親
莫便長驅梅嶺阪
譬如重問錦溪津

重別曙戒

雲暗離思縷縷浮殘春
柳色澹如秋三年縷縷知誰續
一日從容不自山車畔有微隨
白鹿階前沒興下黃牛趨庭憶爾能趨關
擔得蒼生萬斛憂

又

孤峯未暇慰登臨
此意寥寥自古今
共許旌幢開曠助能無鐘鼓發清音
明珠鎮海難重舉黃葉沿流費

續行堂集

卷三十一

元

獨尋猶喜法城連
法地一重持處一重深

題觀世音菩薩像

收來絕跡放瀾空
甘露楊枝一滴中
莫怪有人撈白月可憐何處捉清風
普陀巖下纔窺影紫竹林邊不露踪
水面樹頭生惡願至今無計避圓通

劉禹陟來遊嶺表
落落無所遇蓋有不遑將母之歎題此慰之

塵中馳騁亦空山
落落雙眸盡日寒
杜甫一鏡徒自託馮驩三缺向誰彈
倚問夢見高堂近投刺歸來行路難
絞水寸絲當此際那將身世倩人安

送介子入都並柬龔芝麓總憲

不分嶺頭重話別
兩江南北月俱圓
七歌未解長鏡冷一句難酬刻燭妍
柏府清風傳海嶽梅關春色間雲烟
那將八載相思字揭在蕭蕭雁影邊

題張寶潭道者梵行居

一塵纔破現精藍
莫向門前豎剎竿
習習香風分石鉢陰陰燈火下蒲團
水雲有伴行藏澗冬夏無期結解寬
最是不分賓主處難將真色借人看

寄寶潭時在穗城

雷雨初驚紫玉芽
滿庭春色映袈裟
誰聽鳥雀喧晨

續行堂集

卷三十一

手

鼓白發鐘魚靜晚衙
不爲人天空作則由來縑素總非家
幾回念爾珠江上潮汐聲中塞外笳

常月生別駕招遊蓮社菴

閉戶猶堪起陸沉
使君高會更相尋
水雲各具彌天勢風雨難回擇地心
野寺蕭蕭孤磬晚方舟泯泯一江深
看問霽月俱輝映不待晴空欲滿林

閔捷宇明府招同宜公元貞弱生哲人茶集龍

護園梅谷長老檢藏於此

何處衣雲繞碧虛
維摩轉手看文殊
隨風辨出聞鐘小指月機來掩卷餘
小隱欲窺惟半豹老饕所將是

三珠卻勞晚色酬良會滿載清涼託後車

寄賀石鑑親兄

岡城紫氣欲橫天珠海垂虹跨玉淵萬里烟銷懸寶劍八音響絕起師絃正宗獨許嵩明教拔俗全超楊大年回首白沙應自失一肩祖道場先賢

寄賀訶衍摩兄

天然尊貴不由人慧表明珠掌上珍真俗貫穿雙父子官家勞破一君臣通身手眼通霄路透頂波瀾透網鱗卻笑羅雲遭鈍置活埋一鉢走風塵

墨江贈楊顯予少尹

徧行堂集

卷三十一

三

不知佛法豈知僧叉手當胸笑轉新每向千山懷白足誰操一鉢在紅塵休心世上吾非我得力途中汝是人最喜疏通楊少尹解從物外更相親

上封寺

我愛上封榕樹下綠波深處纜孤舟亂烟欲破見朝爽疎雨乍橫聞早秋幾處鐘銷警柝何年星月錢浮漚十方一枕莊嚴夢不得人眠已白頭

不寐

長憐乞士百無能半影全遮護法城末劫勝緣思往事古人悲願託今生白雲覆頂來山碧綠樹分條去

水清夢裏不知何意切也隨風雨攪殘更

偶成

時令相兼欲賣愁無誰少卻有誰收若知獻玉原當別自識分羹便索休向下雙叉俱北指最初一點在東流可憐喚盡桃花水片片聞聲只掉頭

玲瓏巖

便攜短策趁朝霞一往窺搜石丈家圓結三珠分道樹倒垂七寶合蓮花鼓鐘絕響來聞見師象成形失爪牙把手忽疑風浪湧此生元不異浮槎

次東坡先生石刻韻

徧行堂集

卷三十一

三

漫隨頭角問癡龍賣卻心肝好餉空我不見珠還象罔人皆有石各玲瓏交光半逗初生月敵體全持浩劫風識得轉身山亦轉腳跟截斷路無窮

再次孝山韻

愧無墨浪洗奇峯赤壁還輸二客從鍾必遠楊一瓚兩文學同遊石角破天纔放眼雲頭出地忽攔胸一聞往事如擔雪數問新詩卽聽松莫覓三休亭落處自然休處不留蹤

永興菴

菴主相招出玲瓏巖卽過之

穿林望卽似還家赤日煎人且闢茶出洞邈如辭鷺

嶺到門錯欲問梅花今鄉西路有永興寺寺有綠萼梅二株絕盛宋時物也
山好逐鄉心斷松竹涼爲客思加自怪不會攜墨汁
幾行雁影忽平沙

塔岡寺贈悉明老宿

山房伏暑未全收高揖沙邊興轉幽便遣截江尋古
寺有人戴笠問扁舟塔前草上閒閒話此夜來朝欸
欸留贏得老僧歡喜意也堪枯寂兩相酬

贈雄州萬松溪司李

玉版留名憶玉京水陵青嶂兩峯擎無刑自結商霖
瑞有物難逃夏鼎成似蓋雲橫瞻一地如標霞起說

偏行堂集

卷三十五

詩

三生我來真過春風嶺伏暑全分香雪清

送程周量舍人還朝用孝山韻

聽得雷峯置一籌凌江又見海幢秋五雲壯采兼天
濶七月輕涼過雨浮清廟明堂君子樂暮筵曉角野
人憂可堪萬斛維桑淚併入離情向北流

又

叱馭樓前響玉珂不成放鉢未蹉跎舍人視草傳三
殿學士談玄冠十科入夜花光分寶火白天膏澤下
銀河卻看馬首青山面一樣松風透綠蘿

中秋獨坐月下

不疑身在廣寒城陰到今宵出格晴獨數同流山一
抹未生已話月三更花輕罔兩虛庭白露重招搖永
夜清卻背金烏看對面豁開天眼地中行

又

千重碧落是誰開一片空明絕點埃鐵篴未吹香水
海金輪忽蹶妙高臺安排宿鳥喧還寂斟酌閒雲去
復來長老峯頭會鈍置曉猿夜鶴莫相猜

又

半醒半醉說三槌全主全賓關一茶客夢入秋纔有
路詩情如水忽無涯黛痕暗鎖低青嶂線影明穿起

偏行堂集

卷三十五

詩

白沙幾欲乘風凌絕島摩娑海底鐵蓮花

又

葉落疎鐘夜氣浮孤情絕待倩誰酬風塵笑我頻開
眼霜雪憐人各點頭萬古盈虛消一指千江吞吐入
層樓憑欄極目知無地錯怪階前水不流

又

碧淺琉璃捧玉深霓裳拍拍自知音爲憐落影長招
客豈惜無絃更撫琴兩字推敲翻上下一九黑白定
升沉蕭齋檢韻雖清絕半臂生寒也不禁

用韻酬孝山中秋見懷

月潔天空徹底清山行江止各無聲幾年沒字填金
屑昨夜全身墮水精有客登樓談未得何人刻燭韻
先成卿雲爛熳詩筒外一對明珠五色擎

啓思孝入山

不知寺入三巖遠卻見溪隨九曲長我住無人封谷
口君來特地破天荒寒蛩似說山中靜獨鶴應憐雲
外忙一片離情相向處峯頭十月起微霜

岱清入山

斷崖荒草不留行話在凌江此踐盟快友到門雙眼
豁孤峯踞頂一身輕逼天更索東山句繫日長操南

補行堂集

卷三十一

五

越縷霹靂聲中傳獨坐也應千佛共題名

又

道在寧煩數問天松梢閒把碧雲穿何年高下仍留
此有伴登臨復悄然到處山頭橫紫氣別來江口罩
蒼烟不堪分手難重舉彷彿空回雪夜船

霞舫道人初度

碧玉山圍白玉屏珠簾寶月共三更學家應法歸無
得佛種從緣示有生二曜東方攜手近一星南極映
眉平不知全壽全光裏只覺琉璃分外明

韶石舟次訪孝山川韻

金山片月放輕舟應有端明一笑酬暖眼逢迎猶昨
日清言間澗在深秋五雲易出還天手四大難分借
座謀到此輒聞遲我久感君此意復何求

和孝山西河曉霧

蠟石灘邊霧氣升我無詩思一憑陵未埋銀海前驅
禾忽煮黃河後至冰日腳漸分迷豹管風頭乍破見
漁舂湘江望裏雲霞吐塔影搖光得幾層

孝山招同岱清融谷至日小集行署用韻

一縷輕風暇有餘良朋此集興何殊伯言德量猶循
吏同甫才名失豎儒長嘯山前聽鶯鶯晚香亭上憶

補行堂集

卷三十一

五

芙蓉莫將詩思消清畫八詠吾難託後車

又

桂角軍持國士筵一回闌入意迢然文濤自欲驅雙
峽義海誰當起十玄只覺清風盈密坐頓忘落日滿
晴川不知苦筍春衫興江口猶能蕩畫船

輓邵水壺司李

兩袖風清遂拂衣長竿欲釣軟琉璃黃金臺遠將訓
價白玉樓高又索題已許一經分派大誰看四句與
看齊片雲自昔多來去莫向高山落是非

徧行堂集詩之七

丹霞今釋澹歸 造

侍者 古諭 編
古旛

七言律

孝山融谷來遊丹霞余以仲冬二十日自相江

同上二日到寺卽周海螺巖一匝而下二十

三日從錦石登舟至瑤塘言別先是岱清入

山有七言近體十首予驚其才艷未敢步韻

二子欲和之如數輒亦効顰得二十首

居官未易說登臨豈乏蒼葭白露心毫素逢時堪整

徧行堂集

卷三十一

一

暇性情隨例失高深何人落落仍丘壑此事寥寥隔古今獨有風流賢太守肯攜名士到祇林

又

祇林車騎遠分光官舍松風入夢長一笑縱橫成醉醒誰能顛倒用閒忙野山靚面容唐突淺水迴心識大方不覺聯舟忘日夕亂雲深樹各蒼蒼

又

凝烟隱隱動難分逝水滔滔靜易聞入夜星辰應失次倚天雞犬亦無群好山自喜迎佳客疎雨相驚落斷雲說向赤松休灑道此中何得受塵氛

又

雨斷雲疎曉勢開嵐光無數鬪船來相呼舟子還如夢獨立村翁忽見猜不意貴人生羽翼似從大士出

胞胎遶山三匝看猶在誰結蓮花七寶臺過銅鶴嶺卽見觀音

石彷彿花冠覆路之相江水環山左右前後遠之三匝者如觀面慈山大師過此曾有造殿之願

又

指點曾城鬱絳霞舟行雲駛又紛拏望窮絕壁元通水投至深林不是家介弟旌旗迴卻月象人弓矢落懸崖御風直上天梯看滿樹寒香笑吐花

又

徧行堂集

卷三十一

二

身輕了不借籃輿轉處能幽復曠如誰遣青山圍紫玉未殊赤水透玄珠來尋舊面疑多變往避危機興有餘似到迷樓無出路凌空更一問南車

又

殿裏空王祇自歸雲山八面坐中催北洲粳米無三毒寶手金錢信一麾特取圖經商位置頻呼茶具畧追隨共看喜色團眉眼學士前身更有誰

又

烟霞爲骨雪爲神不許鄰虛更作塵鏡裏分毫千步磴席間函丈一重皴中山戀棧悲公子西嶽投書笑

婦人春入桃花纔破頰至今無處覓先秦

又

清歌無那影婆娑台蕩休將粉本訛緩步豈知山勢
峻遙觀爭識地形多曲當四水浮雙髻高出三巖擁
一螺最喜先登還後勁日車欲側怕揮戈城口長關扶溪三水合流從右遠前出左與石塘水會於雙髻半下○三巖朝陽錦石海螺惟海螺爲高

又

斷風何意掠高松落日多情照晚鐘金色芙蓉銀世
界綠毛么鳳赤蚪龍石頭路滑渾愁下谷口雲深不
用封編戶有田無賣處使君卻欲買山農

編行堂集

卷二十一

三

又

籠日雲連罩月烟從新刻畫倍生妍斧斤謝客林俱
闕畚鍤愚公海亦填倉廩成形方得地巾靴假號莫
欺天斷崖續雪雖寒瘦依舊靈芽潑冷泉屯軍岩在長老峯左形如倉廩○人面石在雪巖左殊不似頗似儒巾又似靴尖倒懸者

又

是誰信手畫乾坤江楚風烟勢欲吞猶喜將軍銷劍
戟尚憐長老護兒孫當關有虎惟高臥半夜歸猿只
斷魂締構也應支劫盡與君剪燭共評論將軍石名長老峯名

又

宦海催人那得留同群猿鶴各生愁一眞性上開金
地如幻修中結屨樓未免低徊分主客不知奔走幾
春秋三年護念逾多劫特出檀林最上頭

又

餘勇猶堪賈錦巖穿林切骨冷松杉抽泉作雨長承
溜煉石爲天別制龕鐵裹門關曾限鬼繭纏檐石不
留蠶曲肱漫設仙人榻夢覺開頭莫再三錦石巖前旁鐵門僧所以自固者仙人相夢覺開告其勝蹟天如簷前巖中石五色正如龕亦如出城之繭

又

擅絕南荒此大觀卻應傳出與人看高懸一幅山如

編行堂集

卷二十一

四

畫妙入連環谷似盤詔石轉灣仁化水周田對岸建
封灘若知賢者無私樂舞棹瑤塘也不難

又

一字當名不費辭逸群評豈外人知古狂難及其容
肆大拙無方卽用癡夢樸更嫌添足贅畫龍莫怪點
睛遲相看絕倒扁舟上始信君家別有詩

又

別袂相將蕩錦溪磨崖如掌不容梯品題卽有蒲團
石贈蒼還空彈子磯絕遠餘情留半岩最初殘夢繞
三隄恰從斷際看全體象尾獅頭一樣齊蒲團石在楊歷巖下

及之有詩孝山和之孝山與融谷極賞彈子幾
作詩贈之孝山復爲戲作各詩與文俱絕

又

何處仙音滿次寥閑僧無計避推敲鑿空力士輕三
峽印水佳人重六橋先到孔璋飛一鶚同來裴迪博
雙鵬也能呼吸通霄漢落雁休隨太白驕

又

有約能來夏未徂而今索得水雲通相思一夜生春
草自放孤舟浴野鳬咫尺漫將金芍藥躊躇且置鐵
浮圖更攜老友沿江岸髮髭花香憶鷓鴣

又

徧行堂集

卷二十一

五

登舟還寺一般輕礮礮猶憐散帶行怪石供中酬巨
擘黃皮嶠外獲連城二難何必會同姓三絕相煩各
勒銘莫訝飲光牽舞那堪大地作琴聲

是夜詩成故友陳章侯人夢

予藏章侯山水出與孝山融谷觀之

赤石憑陵碧水環白雲終古未曾閒三千里外山中
盡二十年前畫裏山弱草棲塵當處盡空梁落月一
時還老來不復重提起只爲全身在此間

送人之南潯

雨暗凌江欲放舟淺春深臘共離愁風濤自信輕爲
客烟樹相牽獨倚樓勾漏有天通白石繁陰如夢說

花洲廿年相好知無恙雲滿芒鞋雪滿頭

贈韶州林副將軍育長

攀龍附鳳趁青春天語掄元姓字新文德家聲猶玉
樹武功賜服卽金麟樓船軍外分茅嶺霹靂弓邊着
翅人見說眞王饒異姓頭頭第一表宗臣

又

偶因借座襲清風又見彈碁說此宗每爲三乘旋白
馬暫持一劍躍青龍比聞海上收連弩應許雲間起
獨峯便好乘時通法喜還將及第擢心空

出江口聞雨三將還

徧行堂集

卷三十一

六

擬從春日到仙城聽得三瀧破臘迎江上芙蓉寒勢
遠山中柳栗老年輕一時坎壈無他事千里遲回只
此情便欲欵門看兩鬢可曾殘雪點星星

至郡知雨三未歸

破臘三瀧話莫調也從野寺蕩輕舟暗雲忽上兼山
盡寒雨常低切浪浮倚伏有緣誰得馬去來無意復
隨鷗那堪簇起相思結寄取閒心伴客愁

寄壽余心生

與人同地不同行玉骨金胎別有生一卷詩章冰雪
冷百年心事水雲輕名家濟濟烏衣巷前輩堂堂洛

社英南極近來看尚隱全光併作少微星

送石鑑西堂之棲賢

法海初乘萬里風金嶺赤日耀芙蓉規模獨闢天人
外堂構重興父子中震蕩耳邊來嘯虎摩挲眼底失
冥鴻相當一笑三年後七佛峯前五老峯

期至丹霞在戊申歲

送孫斯百刺史綿州

傾蓋無多別恨侵西川東粵共鳴琴九臯唳鶴通霄
遠五指指投香入海深莊嶽到今無異語天池從此作
商霖卽看兩地傳清獻霹靂聲中莫再尋

次韻荅章素往

偏行堂集

卷三十一

七

觀機自愧不能先去惟留歡喜緣豈有清修承寶
月每當爽氣照珠川巖中宴坐期他日鄴下蜚聲繼
昔賢卻憶公家前給事瘦生何處託枯禪

章格菴正宸

彭美門進士來別詩以留之

已近荷香荔熟時那將別緒攪晴絲逸才定許王摩
詰絕學兼歸彭器資比出丹霞憐草草纔聞白雪恨
遲遲請君更問陳家紫亦遣尊羹鱸膾知

題半息軒

曾將三載寄相思誰說新知非舊知揖罷不勞茶具
快談深未覺燭花遲水中水外分蓮座山澹山濃人

柳絲似有嚴城在幽谷小軒風雨客歸時

又

楊字敲詩意未訓三春欲盡雨如秋東家特許黃江
夏西席兼逢陳太丘四座生風無雜語百年如幻有
虛舟卻來分取琉璃影載過珠江月滿頭

赴白巖尚公茶集

誰遣春隨雨露深朱門遙發白雲吟元良有慶看龍
種至化無偏到鹿林共喜流光逢展鉢自慚定水得
投針解攜兩幅丹霞影山水音邊絲竹音

又

偏行堂集

卷三十一

八

貴胤曾同五位排金輪寶月不相猜瀉山未擬辭三
世思大何妨說再來道合東西雙荷擔地分南北一
登臺錯將老眼懸霜雪爲祝韶光遍界開

黃岡萬考叔話舊海幢

烽火支離二十年何來相見各依然固窳未覺詩書
斷急難誰將手足連絕塞傷心青草外他鄉好夢綠
楊邊閒行莫訪司空井滴淚難追海客船

又

朱顏綠酒白睂良面目徒存頂上霜人在客中俱入
夢自憐局外又排場半生不欠梅花冷一鉢應兼荔

子香見說比來當減劫不知合得幾回忙

東李將軍衷純

雨過深江逗淺沙懷人只自憶兼葭
遍天細柳低垂葉映水崇蘭密試花
韜畧舊名傳紫塞旌旗新色綸朱霞
也知白月無分照八將休辭第一家

東饒維新明府

珠江寒雨日添痕篤念頻頻笑語溫
精悍色猶睂際見寂寥人只夢中存
雲深未耜留殘照火暗弓刀接斷魂
莫遣傷心終未了輞川消得向空門

贈蘇商卿憲副

編行堂集

卷三十一

九

迢遞雲林高復低十年空憶舊須麋
青山八面隨今古白月三更絕是非
好友殷勤傳錦字賢侯展轉賦緇衣
卻憐身似羊公鶴禿翅環鐘影不移

願見之意

又

各見津梁信夙因只營肝膽不營身
雙分雷電千巖夜獨抱冰霜萬戶春
纔覺微塵迷剎海忽聞古道關荆榛
何妨直下金山去一笑相逢氣象新

遶丹霞記成夢退菴來遊

昨夜素交曾入夢一輪明月照空山
天梯直上青霞

起龍尾同騎白日環建剎無權輕布置
煮茶有銚重掀翻醒來一笑蒲團穩我
夢雖忙子夢閒

高公武公有過訪

纔說家書抵萬金可憐佛法欠人情
故鄉有一知誰是客路多岐各自行
仁義道中君擅德聖賢籍上我除名
爲言山頂閒田地浩劫拋荒苦未耕

又

聽得疎林一下鐘雙睂忽起兩高峯
垂條密坐深留景踞石雄談淺鑿空
別有山川終汗漫罷撈水月更從容
誰能坐斷人間世千尺丹崖萬樹松

編行堂集

卷三十一

十

次韻荅王平石

日日孤峯送落暉一瓢何必首山薇
泥中拂跡添龜尾事外無心失馬蹄
三楚大風傾耳遠六橋殘夢入詞微
輞川不作緇衣老濃澹俱從此處歸

送管鍾石明府署羅定

誰將爽德振遺風古劒新硎到處同
忽見琴聲來九鶴好攜鳬影度雙龍
山中安石休高臥江左夷吾避小宗
怪煞當年遲借寇卻應重論牧民功

送別鄭襄孫

肯爲將離問野航炎歊雪處水雲涼
攜瓢未覺閒名

累置驛還看古路長半枕河山初落影一聲鐘磬便
回光芙蓉江上丹霞意記得相思草又黃

沈石友釐司過訪

微雨迎秋野日長斷雲罨水藕花香三春有夢真相
見八詠難酬興未忘咳唾卽看名士貴步趨肯爲熱
官忙極天道樹當垂蔭千里濃陰起夕涼

海幢丹霞
皆公護念

又

沁雪兼吹殿角風然犀獨見鏡花重詩文絕叫青山
上姓字孤懸白月中別有廉泉開穗石自超信位憶
靈峯南湖若許成三過石鼎濤聲落萬松

徧行堂集

卷三十一

上

悼右民

淚落繩牀恨未申一杯土上墓門新黃金買骨誰爲
主白玉成樓自作賓此地何人重置驛他時有志未
埋輪只今湖海元龍客尚問東官尹右民

又

憶將深念護簞籬一樹流連日向西十載沉迷悲霧
豹三更牽率舞荒雞彌衡入地休懸榻傳說登天不
用梯懶說無生終負汝幾回錯過杜鵑啼

贈同里任玉書

故鄉聲裏辨來風散帶林間一笑通俠骨健騰金匱

匪詩情秀斲玉玲瓏萬緣無礙行歸一春色牢關坐
守中幾向麻姑山上望紫雲欲接兩高峯

荅鍾二呂孝廉

水映三關見剎竿香消五寸失蒲團名流迭宕龍門
客野叟支離鷹爪蘭句好吟時纖月下雲輕落處萬
峯攢他年韶石山前過把手無辭一再看

贈張葵軒總戎

胸藏丘壑迴離塵筆起烟霞獨露身話裏詩情方跌
宕病餘健骨更嶙峋功分五德登壇久名在千華授
記新我欲築堂傳大雅自憐無力轉雙輪

徧行堂集

卷三十一

三

過夏富悼李不磷

每過逢君一到船於今泉路竟迢然此間棲谷聞音
少天上成樓覺汝賢五夜篝燈窮煮字三巖據石冷
逃禪何方點首觀前夢一笑浮雲幾變遷

英德江舟風雨

四海同吹七日風朔雲邊雪凜相蒙柝沉夜月孤鴻
怯嘯發朝霜萬馬空好友關心衰病後故山開眼夢
魂中不知蕩子成何事白首渾忘歲路窮

又

疎雨層層砌曉寒絮雲如冪壓岡巒旌幢自欲臨危

棧餅錫何繇避急湍怪石拒人猶睥睨孤舟效我只
蹣跚境風不爲輕相阻萬法從來逆用難

又

裂網風過峭似霜幾莖病骨費囊藏山川落影歸空
劫筆墨傳疑寫大荒未免有情飛白鷺不知何事訴
寒蟬早來更一推蓬問咫尺曹源路又長

又

不斷風濤耳後懸安危自信肯由天灘搖獸日迷群
齒岸仄雙窩聽一肩黃土滿原終竊國白雲有路更
投淵海鷗豈是無情物力淺機深怕乞憐

補行堂集

卷三十一

七

又

寸晷空憐擲短梭馬牛無語聽人訶見聞起處忙山
鬼天地窮時耐女媧六尺水雲難頓放一生頂踵易
消磨卻看世界休回首癡福徒勞盼薜蘿

又

萬古沉淪結未開一灣水墨使生理乘潮欲拭金鰲
眼滿地俱投玉兔胎震動千林潛虎豹低迷四嶺失
樓臺鷗鵲且莫相奚落行得哥哥不用來鷗鵲對啼
江岸若云

又

行不得也哥哥此語喚醒多少人予云若
是行得安用哥哥此語亦喚醒多少人

彈子磯前江水清昨年訓唱憶詞英何人更具烟霞
骨此老孤留金石聲半座尚堪分一席偏師那得破
長城我來欲共山靈語千尺冰綃隔翠屏過彈子磯
有懷孝山

又

暗影驚聲夜放舟舛生衣食各沈浮驅馳遠塞輕宜
鶻締構深林懶黠鳩裹飯得人憐槁木望門何計脫
名流一星漁火無消息不信高峯肯出頭

又

塵勞深處敞精藍隱得慈門顯得慚自怪歸舟逢六

補行堂集

卷三十六

七

苦漫誇結界擁三巖分明清濁還河濟顛倒存亡出
楚凡一樣蒙頭過百衲何消洗耳破雙柑一逆風二
苦雨三病

謝羅繡九施田供衆

何年與子結同根共轉雙輪見昔因萬古寂場開勝
地一時檀度豁迷津插鉢有分隨清衆托鉢無勞遣
化人歸對鄉鄰握手看世珠不似此珠真

春中托鉢秋杪還山知四月二十七日大水所

排江形俱變護生隄外向之寒霖利涉者猶

爲深潭凝碧渟泓靜好可愛隄之上下白沙

如雪犬牙相錯蓋生方聚水亦山居之益也
予因目之曰綠玉賦詩志喜

紫玉臺前綠玉潭一谿深戰衆流酣潮音驟落虛生
白嵐影徐添青出藍衲淨百花俱破浪珠明半殼自
張帆雲封畧試天龍手萬丈銀砂九曲緘

又

別來不異舊時身潭影灘聲耳目新九仞未煩鞭石
叟一灣曾付喝河神予作護生院告文有今觀傳語
喝河神這裏有篇持地論之句
點波鷗鷺看無跡出水魚龍聽有因幾向護生隄上
望卓錫何地立紅塵

補行堂集

卷二十六

五

又

一點塵生結四洲海螺倒卓笑浮漚窟深易得龜鼉
穩灘響難爲雀鼠謀選壑藏舟趨夜半隔溪舞棹認
巖頭比來只覺波瀾濶天際無人倚石樓

用韻謝孝山梅花詩十二首

嶺嶠寒香未覺多故園消息近如何山中結素雲流
影湖上浮光月湧波無葉肯隨風綽約有花但許雪
摩娑卽今放鶴亭邊樹閱盡涼炎不改柯

又

雲冷風嚴迴絕塵倚巖照水半藏身千林珠玉還名

士一握冰霜領道人老識寒休問臘生逢日至別
呈春大梅山裏花王曆正言從來不建寅

又

流水高山共此音新詩寄到卽長吟雪中更發剡谿
與菊後重牽栗里心紙帳垂垂留夢覺玉毫粲粲憶
登臨可堪寂寞三巖裏老幹疎花鎖夕陰

又

花發高枝客倚樓關山幾疊暗添愁昭回日月香初
動暝戛風烟色未流不得移舟尋鄧尉何當控鶴過
羅浮指尖劃盡書生袖兩字饑寒一帶收

補行堂集

卷二十六

六

又

南嶺全開北嶺枝舊花新樹費尋思寂寥東閣人猶
在爛熳西谿夢已遲百衲水雲寒又暖半肩風雪點
還癡巡觴勒馬渾如昨快拂冰綃寫軼詩

又

昨歲梅花今歲開人隨花老漫相猜疎枝試暖蜂先
得蜜蕊禁寒蝶未來雪點鸚哥驚換柏烟沉龍腦怯
登臺傷心最是初香候便有飛英臥碧苔

又

幾將毳袖拂罡風萬樹瑤華月下空磬口未緘休寫

蠟燭頭雖露不舒紅解從香裏看成色錯把春前認
作冬天上珠衣浮碧海水晶宮在廣寒宮

又

宦海會同鷗海盟曲籬深澗亞肩行敲詩獨屈林和
靖擲賦兼逢宋廣平舞遍孤山傳鶴立歌緣庾嶺記
冰清開牋爲濯薔薇露一片光搖白玉京

又

春色偏從嶺外傳流沙積雪到何年偃松擁蓋全輸
艷屈鐵交枝鬢比堅玉樹開時纔透石珠簾落處忽
抽泉果然赤腳吞花客羸卻蘇卿一席擅

偏行堂集

卷二一六

三

又

綠玉條垂紫玉根三珠倒影落崑崙脂不借檀雙
暈薔薇初收碧一痕未許香雲成實相誰操水月浣
空門可憐風雨春來夢招得梨花又斷魂

又

補石何難復種花自然尊貴不留鴉丹鉛盡洗開朝
旭水墨全圖失晚霞爲說寒荒元有國未知香夢落
誰家記曾獨木橋邊看幾箇漁舟泊淺沙

又

夢裏蒲團醒後曾松寮竹榻喚常應一餅石乳吹殘

火滿樹霜花剪薄冰未成塵心消白業寫生妙手應
青藤自看梵網交光義香微螺巖最上層

自凌江還山喜梅花未放

不見歸人不競芳此情應與白雲長愧無文采酬珠
玉剩有清癯伴雪霜誰送暗香憐取片每裁春信怕
成章那堪又鼓芙蓉柵贏得相思水一方

取片字
出內典

韶陽歸值梅花盛開

薄霧籠崖欲見難幽姿想也未應殘到來滿地香雲
委不盡空林玉露團一樹凌風偏澹宕九霄傍月更
高寒卻嫌桂子多濃郁借與西溪放白鸞

偏行堂集

卷二一六

六

三峯塔

江銜片石捧浮屠遙映雙虹勢未孤寶蓋斜臨低碧
瓦露盤圓現出金鋪雲霄霽徹全高下烟雨空濛半
有無長老一峯須鐵鑄四王可爲鼓洪爐

都安水擁余待旦

聽得前灘動短檣萬緣閑處耳根忙橫斜沙角烟低
水踏蹬天邊日避霜千指不知心自痛一聲相應意
難忘如今只有凌江路歸夢還如來夢長

蘇渡晚泊

塵分絮解片雲還地潔天清萬象含近水迴風深蕩

碧遙山落日淺拖藍行人路外重開鏡歸鳥林邊一
挂帆此夜夢中疲遠道西湖東去北峯南

始興江口

玲瓏巖下墨江濤曾見名流試絲毫代馬千群驚駭
耳鳴蛙一夜走蓬蒿金山有語貪留帶玉局前身錯
解袍摘取天峯過越水摩青敵得兩山高

雞籠石

纜短篙長不記灘風霜幾歲老江干避人那得呈頭
角逐物休教借羽翰透石飛鳴曾直上穿波飲啄又
深蟠沉吟置此非無意錯恐驪龍夢醒難

徧行堂集

卷三十一

九

感事

不根怨毒起何因此道元無屈與伸易掃水雲生滅
路難留露電去來身清修自失巖中客具信誰當格
外人我便不憂君不惑素心長欲寄松筠

孝山獨無
浮言之惑

相見
益親

又

混俗逃禪總未工限僧立籍得無同老來不許閒名
謝此後真憐吾道窮應馬應牛誰變易選官選佛各
圓通空山獨坐頻低首一樹梅花幾度風

掛榜山

誰從掛榜立螭頭好把塵纓送急流炬列火城雖自
致鳳來韶石亦難留千秋不得無金鑑百歲安知有
玉樓會辯黨碑磨滅字暮雲寡鵠復何求

見峯灘

建封灘改見峯名水背山弦路數清不着芒鞋愁腳
力各攜纜帶莫空行勾消日月餘三世斟酌風波過
一生記得使君曾到處籃輿葉艇正含情

仁化水口

水落其如石出何山川萬古更相磨深林幾處聞樵
響上緯無心倚棹歌路入轉江歸思緩時常卒歲貼

徧行堂集

卷三十六

十

人多可能送老明湖上白榜烏篷一短簑

觀音石

石作觀音匠外玄寶冠華鬘自天然詩成七字誰訓
韻

孝山殿築層城定幾年祇在目前休布指莫窮頂

後絕隨肩憐予欲出三生手刀斧痕空水月邊

到山示同學兄弟

欲尋碎玉恐無花受得悲田愧有家莫倚深池堪放
鼈那教直木穩棲鴉胸中未徹休栽棘眼角將橫漫
撒沙珍重檀那無盡意石泉細啜雪巖茶

初日

誰將赤日喚金盆，陽谷輪湯未易吞。四海不容分地界，一輪長欲耀天門。自然均照能開眼，率爾爭光早斷魂。莫怪寒巖來最晚，老僧背後有餘溫。長老峯西面

三巖月下對梅

巡簷一笑索誰論，疑是羅浮別有村。細煮石泉當白墮，亂飄晴雪正黃昏。留連晚景風吹袖，暗滿香光月到門。不辨螺巖天半樹，烟雲千疊擁孤根。

落梅

疎雨疎花相間飄，舞簷臥砌各無聊。輕冰片片龍鱗起，薄粉層層蝶翅消。落影已空千萬朵，餘香還發兩

編行堂集

卷三十一

三

三梢未來春色先，歸去感慨年年此一朝。

壽葉質生長者

長者於今復幾人，何須揚解祝公卿。自將淳樸留先世，不覺慈和畏後生。領取三多訓福澤，預看八法散光明。仰山原是公家老，曾向龍華備五更。

壽楊英德鄰汝

一片仙音起夕陽，羽衣何處更飛觴。南山報本歸慈母，北闕分輝捧玉皇。金石淵填鐫姓字，雲霞爛熳着衣裳。春回雪後誰先得，分取梅花百里香。

相江喜逢范文逸

片帆不意此相逢，曳屣來看一笑中。石冷韶音虛鷲鷲，雲低金色隱芙蓉。人間弄影乘除事物外，隨機上下風預說明年春水白，玉環無恙對林翁。

送頓修上座還雷峯

鐵壁雲封不易尋，揭來猶識故鄉音。淚枯釋種天中鉢，夢繞成連海上琴。春入三巖同守歲，月沉二水各分襟。遙憐師友深談處，剪燭無忘此夜心。

次韻荅曹谿天拙禪師過訪之作

春入韶陽萬象新，雲關曾不動纖塵。一溪黃葉纔過眼，十里丹霞忽現身。章甫無資終適越，桃源有路輒

編行堂集

卷三十一

三

移秦芒鞋未覺沾泥水，萬仞峯頭尚隔津。

又

徑截門開路逶迤，阿誰真智獲無師。龍潭失影雲中見，螺髻留光月下思。青眼共憐孤立久，白頭自惜遍參遲。只今分手相攜處，記得山椒又水涯。

贈別侯碩膚

野寺荒江不意逢，看間精悍識英雄。乾坤易變人情外，今古難平物理中。曾向疎林看落葉，且依四座聽春風。若知南北無岐路，日日寒濤對晚松。

退菴新擢考功奉柬

沙磬新歸吏部郎山公啓事有輝光疏通民隱聞三
善洗別官評見一匡藻鑑雙懸驅日月水壺獨抱散
風霜欲知萬里爲霖事聽取琴歌春雨堂

孫鶴林以遊僧林連至穗城過訪

灰劫徒憐問老僧浮雲還笑草無根往來幽夢虛同
被酬酢祥刑失覆盆暮景日難周脫粟傷心時復過
空門從今莫論長安道花落花開幾箇存

次韻謝孫戡仲

偶然塵事破春冰懶慢惟留一不能喜得同年攜令
子滿將秀句擲閒僧卽看氣壓三千客欲置霞標百

編行堂集

卷三十一

五

萬層卻幸我無無後相景升豚犬任憑陵

送何鳴玉北上

薰風柔櫓動珠江一段離情惹夢長異績自垂鹽鐵
傳淨綠還到水雲鄉去時每念塵沙熱歸袂徐添橘
柚涼爲問率陀天遠近輕舟莫徑下韶陽

葉許山招集兼園

不知長夏爲誰清步入名園思杳冥開合雙江交几
席縱橫萬井擁池亭差肩爽氣無留盼面薰風不
暇聽看到蒼蚪齊奮鬣從他白鶴自梳翎

又

凭高不待倚層樓塔影凌虛一指酬剩有孝思當陟
屺偶因遠覽得隨流低垂荔子猶申約滿把萱花未
解憂卻許此間過白足也應吾道付滄洲

又

疾雨斜過掠樹風孤行密坐各疎通丹霞卽此分雲
上白雪何由續郢中一徑曲能穿老圃三珠飽不借
癡龍夜來涼月渾無影憶汝摩雲臥水榕

留別雪樵禪師

瑞開閣上此重臨水淺蓬萊草自深不分大聲諸里
耳便勞孤掌結同心虛舟帶月還前浦密竹圍烟蕩

編行堂集

卷三十六

四

遠岑識得楊岐來路正一般屋漏兩知音

又

老大鬚眉映雪霜遠峯仍舊對虛堂淺機莫構雲門
峻深夏徒沾別甌香寶座更高風愈冷衲衣雖厚路
還長五湖不少扁舟興越水吳山約未忘

翟憲申彭鍾鶴龔于天夜話瑞閣上

平湖秀色暮雲邊望入遙山思渺然雜念早能消謝
客移情恰欲到成連千秋龍戰空懷古四壁蟲吟各
問天不覺雞聲催曉月寫將幽夢寄無絃

劉木生明府過訪

暫賦閒居百慮輕好來竹院論無生蓮分火宅全傾
蓋藻發滄浪更濯纓脫穎萬夫推幹畧轉九千仞讓
才名不嫌野寺多疎慢一味清風足遣情

同駱殷郎劉淨菴葉潔吾憲申鍾鶴遊迴龍寺
雨洗雲頭一派青西湖北面問圖經江迴萬馬安馳
驟塔湧三台動杳冥得見古人因此地偶來閒話憶
虛亭最憐深竹無長夏滿耳清音不受聽

同張奇君憲申嚴築公鍾鶴于天夜話嘉祐寺
蘇子昔居嘉祐寺新菴且喜舊名存同人興在歸雲
岫野老身當明月村冷露未侵仍密坐緣心都盡復

偏行堂集

卷三十一

五

何論楞嚴云汝尚以緣心聽法此法亦緣可知塵夢無多久莫負神光

出海門

謝姚水真

湖上薰風漾碧山偶然遊劇暫忘還幾年念我頻持
鉢盡日何人獨掩關半偈欲酬毫素外別峯又插水
雲間相思漫說隨天遠明月從來共一灣

留別惠陽諸公

電轉豐湖過十春迴眸卻似往來頻乾坤有限雙丸
舊今古無窮一念新不少勝情能永日無多遠想欲
分身誰人月下長牋注閣上橋頭夢亦均

又

炎風捲處便知秋珍重臨歧句更酬自愧浮名虛半
世也勞古誼刺歸舟精勤白業君須念顛倒青山我
未休目極江湖烟雨裏金鱗難得一竿收

詩

憲申有詩贈別結云好註逍遙內外篇漫和此
內外南華此一篇逍遙兩字古今傳鯤鵬變化歸何
處南北飛騰體固然自識鸞鵠元不小方知櫟社本
無年我如是物誰齊物纔出吾宗已倒懸

謝許山

偏行堂集

卷三十一

五

天上飛鴻竹下坡念君此念未消磨不辭孤錫清修
短自到兼園勝事多賓王情文花滿樹去來消息水
增波絲牋擲處明珠見載得清光照綠蘿

謝殷郎

一水西流慢起篷幾回離合在薰風不名盛德生何
補更出新詩老愈工面目百年人自異江山千里信
元通卻慚長者頻相顧明月無痕病亦空

謝淨菴

伏雨關風故打腮別愁還與病爭長苦當夢繞山頻
出贏得詩成水亦香萬古悲歌關塞黑一生心事鬢

毛蒼合江樓上思清嘯點點歸鴻欲避霜

酬鍾鶴

底事繁懷日往還西湖門闕不曾閒三巖客去雖分水八桂人歸未隔山鍾鶴將布西粵之行寺通朝烟寒泯泯風尖夜礪薄潄潄待君腳下青蓮起金色頭陀復破顏

訓傳人

知君秀骨擅烟霞肯信瀛洲別有家日麗丹山鳴鶯鶯風清白月靜琵琶別懷欲寄三巖雪好句先飛上苑花金紫行中憑到老透關休潑趙州茶

訓于天

編行堂集六

卷二一六

七

秋清一鏃破賢關五色雲開照玉山慧業三生鍾物外高談連夜割人間江天不似詩情濶卿相安知此夢閒識得殘紅無避處馬蹄何必一朝還春風得意馬蹄疾一日看遍長安花器量故自小宜其受用之不大耳于天傳丈夫再作箇第一人澹然如不會作始知吾輩結契蓋有出于功名之外者也

傳人有霞字韻詩送別以爲未當意復拈遙字

因而和之

咫尺閒情天際遙去非麾得到非招坐來自挹波千頃別後相思月一橋在笏西山朝更爽使人東郭意俱消他年若入丹霞室玉帶仍還學士腰

鍾鶴送別第二詩有入山之約并和來韻奉訂

曠劫溪山不自開一峯深處萬峯埋丹浮蘚暈披霞障紫結松根起玉臺何意海鷗成伴侶恰從雲鶴辨胞胎投林肯發歸歟咏拂拭蘿菴待汝來

次韻訓袁公叔

千里雲濤散鱷湖比鄰寶水正堪呼半林月影詩中盡滿目山光物外圖得道卻須乘慧業灰心元不坐天孤君能後樂纔騎馬我爲先憂更結廬

又

綠水青山約耦耕似君此意亦孤行何來白雪歌堪

編行堂集六

卷二一六

八

老不爲丹霞病莫生守局也知看後着持瓢誰解卜前程憑高攜得驚人句散作松濤萬壑清

訓陳葵菴

嶺海栖遲共此身十年無恙老成人已聞梅市能留漢莫說桃源解避秦各夢尚餘青眼在同歸祇許白雲親不知何地堪重會分與耕天一畝春

訓木生

一縷楊枝別恨生後期未遠漫縈情丹梯石挾雲衣嫩碧澗波分山骨清仙令有鳬應自便野僧無虎莫相驚韶陽江口還能待到得峯頭始放行

訓築公

百丈埋雲結淨因千人未覺一人貪喜君護念推靈
驚絕世才華降石麟月起雙江歸夢切風生七字晤
言親可堪枕上無佳思潦倒擎來病裏身

訓似仲

灼霞亭上荷遺薪香積匙邊識往因醒落夢中千數
佛閒偷忙裏十分春白雲天遠思巖戶丹桂秋高滿
月輪記向王臣了生事爲看示現復何人

訓潔吾

如來藏裏智燈開光奪摩尼此結胎網徹千重分世

編行堂集

宋三一六

元

界方虧一丈湧樓臺吾家山水真天繪汝作丹青稱
妙才百仞雪巖供几席同年同學莫相猜界霞未有
此待
潔吾雪巖在海螺巖後奇峯百數直几席之下予所
欲終老者潔吾與予同歲當置筆硯於此以相俟也

訓奇君

幻作浮雲聽所之歸帆恰與早秋宜水東贏得素交
晚山上愁添白髮遲用世無方憐後覺出纏一路許
深慈我聞長者人人說認取張公似紫芝

訓任厥迪

夢覺關前夢覺僧西湖閒話偶然增到來自擁千巖
月歸去同留一鑑冰夜永榜山紅欲上秋深珠海碧

逾澄雪關當日會傳偈我亦期君最上乘丙子歲
謁雪關問
和尚於妙行堂贈余偈有乘時更拔空王轍選佛場
中及第郎語殆先識也足厥迪茶集曾與諸同人舉
此道流無別
語惟勉旃

訓姚宣甫

萬古驅馳只此人從來難昧劫前因物情融入三更
夢我見忘無半點塵漫掃丹霞門外雪爲看華首塔
中春喜君話到同根處天末金昆忽現身六庚時
令石埭

訓吳禹上

湖上支離別有人一花分得夢中新詩名不獨鄰州
重道力還添丈室親滿把將離同作客半棧恰受豈

編行堂集

宋三一六

手

長貧昨來江水兼天遠萬仞龍門未隔津禹上設帳
惠陽于雪
公門下識之恰受
其自署齊名也

留別雪菴并訂入山度歲

添鉢長吟苦未應多君深坐念饑僧漸收白玉分岐
穗永束黃金界道繩祖父因緣塵剎鏡兒孫姓字百
千燈好來寒月蒲團上剝笋同燒礪底冰

訓鄭季生

湖山一抹澹臨秋想見雲帆倚石樓乍起履聲來鄭
重還驚仙樂下羅浮黃金臺已傳超乘長舌師曾記
勝流季生與何字座元法喜遊
已舊座元時與予稱之何日閒看擎妙喜一

輪世界指尖頭

寄陸麗京

各自餘生絕後甦眼前真得一塵無已聞入嶺思相
見卻爲畚山信亦疎何處十行隨水到不禁三市繞
味呼扁舟直下珠江去莫待追風上瀝湖

贈翟羽儀長者

貴不爲驕老不迂一生心量等空虛賢鄉遙對翟夫
子仙術同方陶隱居誰可解衣當病鶴公眞流水出
枯魚祇林衰病知多少欲向長桑索秘書

尹恒進過訪芥菴卽事并訂月霞之遊

補行堂集

卷三十一

三

機息雲濤更轉蓬存亡多少幻輪空餘心欲送河山
外壯色潛移日月中棹發豐湖憐藥裹客來寶水憶
詩筒三巖若肯消殘臘片片梅花笑晚風

贈張冠雲遊庠

猶記青青賦子衿如今指敝亦聞琴飛騰得汝摩天
翼勞苦而翁望歲心此去龍門纔發軔將來麟閣尚
抽簪墨池漫比贊宮窄一滴須爲四海霖

贈蔡子京

法性無涯事有涯由來作述重光華人間論孝惟三
品物外行檀此一家好夢自開兜率院同根還發寶

蓮花不知半果誰分痛長願兒孫似女媧子京述先

事能繼令先公之志阿育王欲施百億千金未足回
億千而病太子故斷其施僅於半果而得自在遺供
難頭未寺乃知子京不獨世間
孝子尤爲出世間法孝子也

贈劉副將軍煥之

夜來涼雨動珠江雲水初分太乙光四壁生風低寶
樹六經如日起扶桑上卿冀缺誰能敵法將維摩別
有長寂寞投戈還講藝喜君身欲任津梁

又

千秋大業許重論我亦先時出孔門太學斷碑荒
嶺黃河倒峽失崑崙誰行一路當心性卻領三塗換

補行堂集

卷三十一

三

子孫莫道朱絃難入俗高山流水至今存

贈吳錦雯司李

多君種智發能仁霜雪深涵不盡春天下文俱推鶯
鶯路旁草亦愛麒麟談禪白傳宜分座報最吳公定
絕倫閒裏借觀筆妙喜野僧元是掌中人

又

三年纔過黃司李每歲相尋陸郡侯冷地看人常默
立好山驅我忽隨流無條有例還堪舉異口同音未
易求喜極也憐塵滿面愁深不怕雪盈頭文園落任
三載子未
之訪丹霞出而後至端州幸山邂逅於文園序次予
卿以繼護獨累及今五載無歲不持鉢維州孝山未

嘗生倦色蓋有深知吾心者道場木成願力未滿不能不以三人同心望錦雲僧家口直性快不待第二大周旋便呈此作亦引孝山舊例也

偶成

如來已滅世間空齒冷牛呵熱淚中乍見只知皮似虎靜觀方信角非龍烟絲縷縷深江沒雲片層層古洞封習氣至今流未盡漫勞惡水喚鴻蒙

又

活人爭似殺人多殺活同行可奈何入水善財空捉月無風妙德重興波平分藥忌元非病倒用寒溫又着魔愛妾不生騷不歎幾時項羽罷悲歌

編行堂集

卷三十一

詩

又

一線纔移百變生由來王道本人情鼎鐘合量爭銖黍驢馬分群送姓名萬里同風行大饗四夷有事得專征玉關不用思歸切衣錦還鄉卻夜行

魯山孫公來五羊有先施之禮賦謝

雲樹蒼茫莫計程風裁會憶漢公卿心存物外忘前輩力盡纏中失後生已向法門推砥柱還從詩格見長城昨來贏得疎慵愧真有孫嵩不世情

送魯山還桐城

珠海寒濤嶺上霜離愁說不到鳴蜩樓戍上谷名兼

重局罷浮山道未荒誰在定中擎妙喜人從亂後識靈光龍眠他日能相訪一句臨岐話又長

又

喜聞弘誓發曹谿布地重教祇樹齊到海龍門開愈濶過山梅嶺路還低道宣室內迴天眼支遁林邊看馬蹄我未歸菴公已去空將幽夢鎖丹梯

劉敬輿秋捷

七曲山高得幾層每從月窟憶憑陵青藜杖頂纔然火紫玉臺前已設燈筆墨光休輪尺寸鼎鐘銘欲起高曾六龍更借扶輪手着意天中第一乘

編行堂集

卷三十一

詩

訓宜公珠海重晤之作

凌江柳色隨烟折珠海潮聲挾月流不意重逢開老眼何人得句似高秋欲行更讀錢神論未去先期黃鶴樓一帶晴霞橫野寺爲君迢遞望扁舟

惠陽奉懷沈吧菴司李

相聞不得罷相思蕩碧涵空合照時八詠樓高懷沈約千金亭遠夢丘遲魚雖有素還成石鵲豈無巢更繞枝此去莫牽羅帶水爲君搔首一題詩

野臣之桂林予引舊遊爲別序大似白頭宮女

說開元也因躡此語更成一詩

白頭宮女說開元楊柳枝頭響杜鵑落岸每憐魚寄
東到山偏怪鶴求田星巖未受天樞轉丹井仍教地
脉連此別不知誰解語相思江水自年年相思江名

題壽圖六首 日升月恒

肅肅爲陰赫赫陽乾坤萬古兩重光金烏自惜車邊
草玉兔空拈杵上霜天闕照臨長炯炯海門來往各
茫茫若知此外渾無歲八極神遊樂未央

又 山高水深

南嶽松根未及泉北溟魚鬣早摩天一分膏澤方千
里雙送飛光忽萬年絕頂麟遊還鳳集隨流玉折更

編行堂集

卷三十一

五

珠圓崑崙觴裏浮明月今古何人得並肩

又 浦靜珠還

合浦珠還意若何直鉤無餌釣烟波偶成少見元非
少自息多求便覺多水底沉香猶馥郁舟中載石尚
峩峩并將萬姓無疆祝名勒瑤臺永不磨

又 松深鶴老

萬里寒濤響碧空玉毛金骨趁天風眼看海嶽長如
此身在蓬瀛迥不同湛露未晞誰跨鹿蜚雷初動忽
騎龍堯年雪與秦時雨說盡人間午夜鐘

又 海中白石

天際真人地上行形神相映一時清出山還致青精
飯到海惟炊白石羹爛嚼水芝誰得味慢抄雲子不
聞名知君解喫藥巴火咫尺高齋接玉京

又 溪上紫雲

雲母溪邊欲寄家何須勾漏問丹砂心存石髓憐傳
舍夢入松濤散晚衙足下輕風隨劍佩掌中繁露沓
桑麻紫芝一曲遥相和未屑天壇掃落花

送胡豹生司李歸武林

東南海角行將遍每覺浮生不似初此日送君辭穗
石有人無夢到西湖共傾柏葉園兒子獨賦梅花剽

編行堂集

卷三十六

五

老夫記得少年文酒罷夜長燭短更呼盧

送文逸

五載相看意倍親離愁無路豁酸辛蒲團已落稜禪
客蒼耳曾逢范野人舵石逼天猶顧盼硯田倒海未
沉淪孤舟不少西河淚珍重長途莫損神

送陳子厚昆仲扶尊人岱清司李櫬歸海昌

不隨日腳上扶桑月蝕還沉太乙光歸柳中宵雙涕
淚悲筵萬里一冰霜目空仲舉會無榻神似元龍更
有牀爲語江神休鼓浪半生清白見輕裝

又

離合存亡只幾人半悲半慰益酸辛多才李白雖解
命有子蘇瓌亦未貧不分圖書還開府誰將經卷出
微塵前途珍重休回首依舊寒花續早春

相江喜逢孝山聯舟至灣頭夜話

斷岸初開春雨痕扁舟同夢在江村坐消雙蠟雲難
剪歸臥孤篷月易昏萬井征輸憐父子一灣烟水信
乾坤曠懷未冷山靈約長喚松枝掃石根

訓煥之珠江送別之作

明月寒泉共此心會將忘照索知音八荒莫問來時
路一步休賸去矣吟下榻雄談猶跌宕維舟冷夢復

蕭森空山屈指頻相見日夜珠江春水深

徧行堂集詩之八

丹霞今釋澹歸 造

侍者 古踰 古鑪 編

七言律

和天然老人丹霞詩十首 初入丹霞

五年荒草得人鋤捧出天然我亦初曲水屢疑青嶂
奪雄峯不受白雲扶鼓鐘競發螺巖爽龍象群分驚
嶺圖浩劫剖開新世界一鑑鑄盡舊規模

又 法堂

寶鏡高懸萬象低千闌百市一輪齊此峯直下超無

徧行堂集

卷三十七

一

上群水朝東卻向西開口卽知存地位入門何處問
天梯爲看氣宇如王者密密堂堂也不題

又 望長老峯

佇立偏勞眼角長衣雲千尺蔽扶桑支願獨在兒孫
上辟咄同歸祖父旁量到梵宮俱絕望解開王髻忽
分光自然白月中天處迦葉從來不覆藏

又 紫玉臺

更上凌虛百尺臺袈裟左覆掌中開西流大水雲根
決南至薰風日道來便擬明湖飛柳絮漫將滑路委
松釵山川只許人經眼陵谷誰分片石哀

又 晚步松嶺

欲選虬枝結屨樓烟綃輕羃互沉浮海山門下枝枝
秀長老峯邊事事幽已覺鬚眉隨我大未知鱗甲倩
誰收因師識得清風起百頃寒濤挾月流

又 竹坡

負簫數尺墨斜拖清渭千竿忽湧波脫穎定隨零露
上掃壇時見烈風過體非草木方呈異用在東南不
厭多莫遣兒孫嫌地窄彌天看取綠成窩

又 芳泉

石上空明鏡影涵爲人流出澹中甘碾茶未欲成龍

徧行堂集

卷三十七

二

鳳第水休教落二三力盡鏹邊餘白醉夢回枕上益
清酣錦溪千里朝宗勢一滴俱無不用探

又 登海螺巖

一徑空懸意悄然錫聲欲過不還天曾爲白馬封金
塔更遣黃龍負鐵船杖底雲生同倚石籬邊茶熟半
浮烟卻思結宇依巖話吞吐江山得幾年 阿字座元
精舍以奉老人予謂此微聖安禪之地非法王
所宜處今當乞之爲息肩計不妨下簡先手耳

又 龍王閣

誰道龍歸碧海深高巖還有一泓吟雲濤變幻山如
水日月光華地是金貝闕珠宮塵劫夢刀耕火種古

人心爪牙更遠前峯出瀑布須饒五百尋
此山尚少瀑布一畧爲予結想未完輒欲更借神能透頂湧出也

又送丹霞

連波湧作百千峯合勢分形各不同未許秦人求出
路肯容謝客辨來風玉臺起霧趨江左舵石梢雲畧
海東此日隨師三匝後自矜長在翠微中

舟過金雞寺諸子感其荒涼相與聯句予方假

寐聞之不覺成詩品字柴頭籬門晝掩風號

雨怒聞無人聲此中大有佳處但恨難逢售

主耳

編行堂集

卷三十一

三

不見金雞透石飛寺門牢落住僧稀疾風出沒穿江
水宿雨侵凌冷客衣欲嘯鵲思夜永試花蝴蝶怯
春微夢餘涉想還成趣品字柴邊獨掩扉

謝石友

一代風流萬古情香山玉局昔同行疎鐘隔岸人間
夢巨榜新題天上名自許烟雲虛半榻共看雷雨動
三更憑君擺手騎龍去莫鎖長綰說未生

又

高山寂寂水沉沉韶石生波蒼妙音松竹引風人澹
宕江天落月夜蕭森誰家異地堪同調此曲無絃更

有琴收拾梅花花上雪寒香透齒一長吟

又

又向空山結勝緣塵勞卻有淨居天釋迦彌勒俱成
夢天女維摩自出纏寶樹交綏回鹿苑蓮花擁蓋吐
龍泉不會凍倒無生法臘月春風且放顛

楊崑日別駕之桂陽守

湟水遙連瀘水東摩天削出兩芙蓉

韶陽有芙蓉山特陽亦有芙蓉山

使君高潔長如此不見江山有異同折柳適逢春

雨後題牋只寄白雲中每因國事憂民事清夢何由
入九重

編行堂集

卷三十一

四

贈同里陳丹一

顛倒青山已白頭也憐賣斷世間愁可堪說夢還尋
夢自得隨流便絕流故里逢君眞長者新菴忘我是
杭州存亡閱盡澄潭影片片雲如一片浮

題八駿圖

萬里乾坤蹴踏中從來行地卽行空權奇何必頂生
角瘦削無勞肉作驥且莫按圖誇得馬誰知出水便
非龍只今剡有金臺眼駿骨長嘶倚北風

又

芳草平沙好脫韉五花散采發天章入荒且喜開周

道九馬空憐老戰場東海安驪西極早白雲仰秣紫
芝香自從端拱無爲後一幅丹青夢更長

徐翁顯吾七十雙壽

東王公與西王母兩翼長勞希有擎希有鳥名萬里相看
仍密坐大家無事莫單行華分七寶須成族麟肇三
巡併放生幾度蓬萊水清淺老人不用寸田耕

大林初度

不向天壇掃落花自然骨相帶烟霞已知事佛分三
輩更欲題詩見八叉殿上甘霖飛御墨井中金液起
丹砂受生十藏深如海慶爾來從妙德家

編行堂集

卷三十一

五

酬吳吉臣

春光爛熳曳珠川越水吳山憶昔年忽到勝流生遠
夢遂分爽氣破枯禪十洲何處尋吳猛三絕從來擅
鄭虔爲說清秋重過此袖中白石散雲烟

送媒長遊吳越

三千里外夢難齊四百峯頭月未低柔櫓輕風江左
右蹇驢殘雪浙東西探珠不落金陵後伐木仍開雁
宕迷收拾江山歸氣象可能攜笈問丹梯

又

著書無計慰窮愁提劍終當賦遠遊萬里風濤頻條

硯百年心迹一登樓投金嶺下會迴盼問政山前莫

掉頭抗手不須添別恨芒鞋趁我亦難收于德晦刺
其兄方

寄題鶴巢

周鶴田索和

奇毛長欲憂寒空萬仞蒼筠冷一峯每怪荒原生小
草自穿絕壁挂孤松斷雲未往分虛白流水方來餞
落紅莫說令威歸去好人民城郭是非中

寄姚六康明府

黃鶴池前白鶴峯一絲不隔嶺千重波瀾獨許文章
潤鏡像還聞獄訟空時尚到今增夏日此那何得占

編行堂集

卷三十一

六

薰風寄君三句無私祝彷彿旌幢覆鼎鐘

送張穆之還瀧水

收拾虛堂撫碧松平生蹤跡許誰同詩書脫落風塵
外功業消歸農圃中幾度開華休問路不因流水便
知空一丘一壑通勾漏何必羅浮四百峯

寄舊座主薛行塢宗伯

眼底烟雲信手裁十行趨取一帆開多時記得此人
在當日夢從何處來愧我無能陪九老知公元不屑
三台請將少室胡僧影透過丹霞紫玉臺

寄柔以參戎廣海

承聞旌節到丹霞雨過寒癭騰有花海上安危疲轉
粟山中虛實共量沙登臨猶記蒲團石斟酌誰傾仙
掌茶枹鼓不鳴波浪息莫教特地隔天涯

送金景明之都門

匹馬輕風入帝畿白雲青嶂袖中攜刺犀有爾稱雄
劍伏鴟如吾愧越雞歸路莫侵霜雪晚透關不受鼎
鐘迷從今添得南詢意慈氏門前東海西

荅錦雯寄懷

風落空潭響易沉芒鞋迢遞未相尋山家寥廓元無
路官舍蕭疎亦此心千里不知歸夢遠十行猶得寄

編行堂集

卷三十七

七

懷深併將珠海留人意喚起旌幢寫妙音

吳翁靜腑八十初度

白翁偏覆碧瞳方貝葉珠燈細作行高第三千傳傳
與勝兵十萬憶循良梅花自放湖山雪桂子兼分嶺
海香我亦兩峯先後望獨存長願見靈光

余素思朱書思兩明府過訪雨後奉柬

午夢長天未陸沉五分水雪照禪心蘭橈更截珠江
水竹榻兼留寶樹陰野老獨歌惟稿木使君隨地有
甘霖晚來風雨生寒後剩得飛花一院深

寄題東度禪院

為石友尊人墳菴

山不徒高水不寒一輪全傍九霄看低徊祖德松楸
遠馳驟王程歲月寬大樹分條皆密蔭神龍見首亦
深蟠地前更有真迴向燈鏡重重映刹竿

偶題

熱瞞人自堪從宦冷初僧俱說住山祇可老隨無肉
瘦不須歎逐禾薇頑半癡半點乾坤窄全假全真夢
覺閒直得雙瞳寒似雪插天峯在白雲間

又

甘泉底見爲爭汲櫟社枝長只忌才未得負嶠原是
虎不教入水更成能設身處地容人錯反古於今及

編行堂集

卷三十七

八

此裁會讀陰符休刺股十輪一劍舌中來

又

十年筆舌誰藏怒此日干戈我未驚雀到冬俱投作
蛤鳩當春莫想爲鷹緇衣懶不蒙黃甲青瑣汗休釘
白丁海在屍邊餉在手可知線腳斷風箏

佛過去
久矣

偶爲修怨
者發噫古

送葵軒總戎出嶺

玉帳風生四十年如今去在益蕭然食泉自怪非同
量大樹無人祇獨眠海上當時頻破浪雲中何日更
迴天金城尚欲圖方畧莫向烟波理釣船

送野臣歸閩中

來時如葉去如風，取舍何須說異同。
誰信古今纔一念，君看起滅已千重。
白衣蒼狗無雲外，流水桃花各夢中。
我有萬鈞雙不借，至今檣不上高峯。

寄別素思

碧海沉沉夕照低，秋聲如續子規啼。
驚濤已落松間夢，零露仍寒石上衣。
別有山雲縈慧業，誰從鏡影發天機。
寄將一滴龍巖水，他日分明問錦溪。

月下寄懷孝山初度

一點清光萬點流，似聞笙鶴住山頭。
三年不對凌江月，此夕誰傳穗石秋。

編行堂集

卷三十一

九

月此夕誰傳穗石秋，驥驥長鳴猶叱馭。
琉璃無影未操舟，天峯自有驚人句。
渴吻空憐入海求。

又

時令如霜九夏寒，誰將春信透長安。
碧峯似水烟雲靜，紫海兼天島嶼寬。
一室分光生八法，十年按堵攝雙丸。
懷君欲進無疆頌，北斗南山頓面看。

贈楊髯龍

橫江秋雨洗潮痕，氣象猶憐嶽瀆存。
世有軍功追武自，傳詩筆到龍門樸。
心尚可酬天地強，項真堪信孫我欲為君添一句，早知無舌不消吞。

羅學製守府捨宅爲菴報母

寶劍徐收花更枯，文心逸興各相兼。
自憐風水攀號遠，卻喜香雲次第添。
萬古傷情真解脫，三分野色妙莊嚴。
芳洲別有通天路，天上音容試一瞻。

送會水禪者之秋浦

訪姚六康明府還入棲賢即上丹霞省親予附致雄

州陸孝山使君南昌黎博菴先生兩函

九千山開青菡萏，桃花潭映碧琉璃。
千年更把白龍釣，一笑誰乘黃鶴飛。
爲我寄將雙尺素，因人酬與六銖衣。
未虧五老冰霜瘦，來趁三巖筍蕨肥。

大任初度

編行堂集

卷三十一

二

十月寒枝逗小春，嚴霜旭日問誰親。
收來不覺吞東海，放去何知倚北辰。
江上微風吹倒影，山頭片月捧全輪。
莫疑對現堂堂事，一日緣生萬古新。

送陳園公明府歸韓江

韓江珠海各波瀾，歸路仍兼行路難。
若是陳登還臥地，且從貢禹獨彈冠。
百城南面開書幌，一曲春風把釣竿。
烟景卽今知有主，不知部署共誰看。

溪

退菴漢种招同楊蓮峯司李黃君甫都閩李禹門叅戎王震生孝廉海幢阿字首座探梅龍

扁舟一夕趁潮行月滿龍谿夢亦清冷露凝香分蘊
藉暖風浮玉動輕盈使君有意先茶具野老何知殿
墨卿遙語散花天莫散亂拋晴雪下仙城

探梅後泊龍溪口月下同阿字兄樂說弟乘消
覺熏汝得純鑄諸禪分賦得人字

猶見寒香罩眼新更乘寒月臥江濱胸中寥廓有如
此世上蕭疎得幾人烟合遠峯微似夢潮分夜氣迴
無塵何須添入橫斜影墨暈全開劫外春

南海神祠

絕地吞天走化工浮漚盡處得朝宗千秋俎豆烟波

編行堂集

卷三十一

三

上一派虛無雲物中欲辨豐碑頻蝕鮮未摧老樹各
呼風真王不受閒名惑觸諱何曾到祝融洪武制章
王濤但稱

南海之神天
下發蹟皆然

夏園探梅

何處梅花更有村隔山遙見碧烟屯枝條欲出難尋
路空色交光不露痕似到西谿呈舊面未逢南雪有
離魂卻疑造物無偏向留與閒僧細討論此地殊勝
龍谿較之

諸公已爲
泰竊矣

西臺

重攜殘步問西臺海色玄同面面開好月怪人催不

上輕風何意去還來卽成梵刹元多事欲泛星槎莫
取裁浴日亭中無被蓋猿啼虎嘯亦悠哉是夜擬
宿亭上

浴日亭次東坡先生韻

片石孤亭共倚天落星幾點俯前灣已無寸土容三
界尚有全光湧七山蕩滌纖塵還白眼憑陵浩劫饒
紅顏須知隻手扶輪事不在鴻濛一氣間

鷹爪蘭

海幢寺內百餘年物

一樹婆娑半畝陰飲香聊足滌煩襟通天懶逞松杉
力覆地全消枳棘心種異澤蘭仍紉佩名同鷹爪莫
從禽晚來客去風還好片石休辭夜露侵

編行堂集

卷三十一

三

又

花王未解下微書種自圓生降碧虛誰在百年前見
汝每因九夏一憐渠濃香卽遣刪俱盡密葉長教蔭
有餘佛影至今移不動鵲巢那得趁安居開生初利
天中樹名

海幢贈阿字無兄

千秋更展舊袈裟此地爲千秋
寺福地固垂露交風散彩霞不
惜明珠爲鎮海白憐寶鏡得傳家地分南北塵迴轍
水合東西月犯槎一鼓絳絃聞絕唱空生無路覓殘

花

又

博山四世見諸孫洞上真源此地存五指雲霞連白
社三韓氷雪斷黃昏晚鐘未歇龍尾曉殿初開俯
石門最是眼前覓絕處滿江明月探無痕五指三韓
師南北所

經龍尾石門寺
前後勝槩也

海幢地藏閣

偶從高閣一憑闌眼底雲濤物外寬穗石旌旗晴歷
歷花田環珮夜漫漫天邊好夢誰先醒地下悲風自
古寒不向此中消得盡錯將成敗借人看

登海鰲塔

琵琶洲上水連空突出神鰲見一峯百寶生成環日

編行堂集

卷三十一

七

月千艘來往失魚龍天迴地轉人行外蟻穴蜂臺雉
堞中更欲凌風窺頂相無邊身與路俱窮

海珠寺

神珠不隔水中央欲喚驪龍午睡長樹走蛟螭擎作
蓋石穿潮汐暗成梁鼓鐘自發天風響臺殿空涵海
月光一棹卻迴凝立久廿年兵氣鎖斜陽

又

一點曾將蜃市收帆城樓櫓映沙鷗烟雲夾日千門
敞風雨催潮萬籟秋加肘卽堪提海印拍肩何止喚
浮丘登臺忽見丹霞字猿鶴應憐老未休

寺有丹霞
臺與吾山

名同

退菴重建大忠祠

荒草斜陽憶古祠風濤欲落海門遲昔賢大義猶前
日仙令深心起一時潮汐自通川上意亭臺誰寫畫
中詩夜來鶴語空華表如夢江山各不知

又

此後休填一寸苔那將天運壓人才圖形每逐前朝
盡生面偏從異世開報國有心頻蹈海望鄉無事獨
登臺莫吟惶恐灘頭句都向慈元殿裏來

風旛堂

編行堂集

卷三十一

西

剎竿倒卻見風旛三十年前話莫攀月落芳塘誰共
照香消六路客俱還白雲盡日投空谷黃葉尋人趁
隱山近覺津梁疲更甚此門雖設總須關

寄李壺山明府初度

何處烟霞寫夢思因君記起未生時爲官只似雲流
影把酒初逢月到池山色自寒當薄暮梅花相得在
疎枝卽今此曲無誰和連袂曾歌于薦詩

拱北樓

十年未得登樓意此夕臨風望眼開不有衆星皆比
共安知萬派盡南來珊瑚洲外仙槎集閭闔天邊驛

騎迴歸坐月明聞警角授時重憶古靈臺

是夜宿廣居共話

又

四衢八達來重譯萬戶千門控一樓鎖鑰至今連鉅

鹿

南越王與今平南皆真定產

衣冠從昔許靈洲天多春日容常

下地入滄波脉自柔濶絕賦詩高會約白雲黃鶴竟

悠悠

丘縣戒相期集群賢高會此樓以事阻今遠在武昌

送王允調少參北上

靜者機先不易酬使君入坐澹於秋長安盡日看驄

馬砥柱何年脫濁流語嘿對人俱半藏去來隨物亦

虛舟臨岐爲說韶陽路一望奇峯擁石樓

補行堂集

卷三十一

五

訪三水王嘿菴明府登重建譙樓

鐘鼓樓頭靜晚衙月邊舒手接浮槎何年併入雙飛

鶴隔夜催開滿縣花翠疊屏風橫石嶺碧圍帶水動

星沙欲窺壯觀歸舟急負汝長空卷落霞

橫石嶺動星沙皆三

勝水之

觀音巖

海上旌幢駐碧岑山光漠漠水沉沉風雲獨出千尋

壯日月長屯萬歲陰一徑未同成曲折半間相失在

高深不知天眼流慈外誰共無情答妙音

贈李將軍頌年

予舊友劉嗣菴客生觀甲

爽氣猶堪照素襟隔江滯夢亦相尋龍泉不倚麒麟

閣花雨時分蘼薊林故友別來餘宿草閒僧老去只

蓬心期君更說無生話指後聲前一撫琴

贈仞千壁弟

贈予同受嗣法之命

古人有語寄空山百道春雲響夜泉入室與聞尊貴

旨到頭不會祖師禪十年挈杖難居側一日揚粃忽

在前老我只知無事好兒孫須上虎丘船

勸山贈俱非上座

別見峯頭又一溪風生葉謝到應迷上來更度石門

迴落處平窺布水低十歲樹方存遠計三間茅不爲

補行堂集

卷三十一

六

幽棲卽看春雨攜鉏後萬綠抽條一派齊

送旋菴湛都寺還雷峯

親到丹霞意卽休千巖萬壑夢潛留扶筇已放登臨

眼倚棹猶存去住謀十六年來情所切弟兄星散淚

難收片鱗且慰離群恨莫遣青山怨白頭

茶集孝山行署

誰將寒色散春風一葉斜拖烟雨中忽有素髯傳雅

召不虛高屐印孤踪半簾深靜雙江意萬籟蕭疎昨

夜鐘我在世間惟旅泊得公隨地主情濃

阿字座元開法海幢

三春花雨動珠江，山上傳鐘集下方。此座久分多子塔，七年獨豎妙音幢。紫雲更覆香臺外，白拂初交寶几旁。灌頂位中誰第一，喜逢作述賦重光。

寄郁文翰

文翰至凌江甚相念，以予乞食仙城未得謀，贈有詩留孝山所。

聞君念我心，如結我到天。峯君已歸相，見豈能無歲。月此生不合，有鈎錐雲投大壑。纔分影，發寒爐便着灰。何處孤吟同響，各一輪永夜未曾違。

相江贈李集公明府

凌江紫氣接函關，借得雙貂語笑間。席上春濤纔北海，看間朝爽發西山。龍媒共許徠千里，麟閣仍歸第

編行堂集

卷三十一

七

一班會見元辰當，御座天峯薄醉片時還。

鄭魯城學博初度

似在深山對道流，肯迷全海覓浮漚。今朝恰墮無生國，浩劫誰操不繫舟。桃李成蹊連上苑，蛟龍得雨試春疇。夢中醒眼何由着，只覺松風滿石樓。

贈朱貽穀

琴書擁膝迴無塵，桃李成蹊恰有鄰。誰在沈寥留物色，白將寧靜發天真。門前車轍遮蓬席，甕側糟牀冷葛巾。領得春風沂水意，元龍湖海氣俱馴。

又

曾從逸韻見梅花，擬過孤山處士家。一顧乘風當破曉，廿年倚月問悲笳。深春不放人間夢，絕壁仍分天半霞。便有玄亭能載酒，肯將奇字賺侯芭。

寄贈尹振民吏部

獨立峯頭思不禁，爲憐魔外一相侵。何人別展扶輪手，此事平分浴日心。荆棘莫教還下種，旃檀依舊得成林。梵天舉處傳聞異，彈出如雷指上音。

麥昌之父九十一初度持紙乞詩走筆壽之

九十一年成底事，爲傳四代長兒孫。從來不出西樵路，今日須開北海樽。秋色滿山聽有響，春波到水看

編行堂集

卷三十一

二

無痕眼前多少榮枯過，美爾虬龍絆菊根。

大庾嶺

一片青山鑿混蒙，始興此地埒神功。尚憐貢賦天中遠，漫說梯航海外同。分付兩江終不息，交馳五嶺錯相通。客途誰得閒心眼，對現雲濤萬壑風。

訓趙帆青

風塵來往正糾紛，欲上籃輿又識君。鶴影近從天外見，詩名早在昔年聞。螺川畧許觀秋水，穗石遙憐賦綵雲。豫擬重陽青嶂合，夜深一坐動星文。

贈王卜子明府

驚峯此日未離群
栢草栽花昔所聞
到地春風先及我
彌天甘露只隨君
東西各有雙流水
南北俱生一片雲
帝釋早知無說聽
巖中巖外不曾分

贈孔君錫總戎

寶月輪邊一現身
秋霜常爲養春溫
剌犀大用純鉤劍
司馬中權闕里門
南服梯航重驛遠
西江節制上游尊
勝生自勒汾陽券
八將元功欲共論

壽量寺

老到登臨興未闌
十年重得認雙竿
春濃閨闥藏身密
秋淨帆檣過眼寒
不見客塵生自性
那教潭影弄清光

編行堂集

卷三十一

七

飛翰爲憐此地留
人意古道今時畧
借看

古光孝寺

古寺斜垣一帶收
城隈野色望中稠
我來避暑當深夏
殿角驚寒欲送秋
飛錫無聲先憩鶴
有客尚鳴鳩
西江更擇流
廉泉食地誰能辨
爲語

贈胡萬安繼藩

千花落處繞江城
莫訝虛空滿鉢擎
陸亘卻看花似夢
胡威不覺水同清
世情佛法隨官路
石腳溪頭儘客程
便欲爲公拈一句
韶山琴裏最分明

又

積雪敲冰憶語溪
平生清夢此中迷
三千界裏塵初破
十八灘前月漸低
仙令譽垂梅嶺北
衲僧口吸大江西
不須重說東林伴
雙削芙蓉一朵齊

贈康明我守府

獨坐曾傳大樹風
似聞八將下天中
五生報土依慈誓
百代家聲出武功
繞塔至今憐白馬
據橋從昔現青龍
嶺南嶺北無岐路
一葉金檀葉葉同

又

在野誰能辨寶琴
肯從蘭若劇相尋
世間得此先施

編行堂集

卷三十一

三

禮老衲空憐不住心
直路未妨頻展手
鈍飛且許一投林
卻聽滿目悲民事
笑指浮漚盡古今

水月山贈渭南劉菊崖

全身卸卻語難酬
大地平沉腳更浮
不是客途勤護念
豈知人事絕遮留
山城寂寞雲依樹
野寺清深月在樓
一曲聞聲欽慷慨
爲看烟水信虛舟

贈西昌蕭孟昉

曾向虞山識秘書
更從七祖得衣珠
風生九萬非搏翼
雲擁三千各載車
豪氣肯從湖海限
樸心長爲鏡燈輸
欲知隔嶺無岐路
驗取門前舊鉢盂

葉聲閣

高閣臨湖勢隱然參差林樹鎖蒼烟山當起處天縹緲月不流時地蜿蜒燈覆蒲團香自繞花生斑管墨俱鮮如潮一葉雲音動風信無勞取次傳

帆影樓

浮雲過影江天淨點綴時時借一帆誰在春城草木內忽開仙室畫圖絨興來清嘯隨人發事去奇書信手探我愛明明密密處眼前腳下自相諳

青原山贈藥地禪師

永了青原付與誰屢虎同調更相吹笑公重興此山師繼其席蓋法

徧行堂集

卷三十一

三

三

門伯千峯紫氣當關覆十面香雲匝地圍爰象會憐山下火鬚眉且駐劫前灰直釣釣得鯨龍後限作飛流不許歸師任青原得三瀑布

寄題浮山報親菴

別見浮山許報親寒巖過雨百花新爲傳祖澤如遺教得蔭孫枝印正因登爲今先祖所構師得法後廬墓其下夢裏青鴈來較異廬前白雉去還馴此中亦有歌風意一曲歸鄉調最真

逃圃

新成逃圃還閑卻寂寞臨池繞砌花贏得輞川無近

筆儉於金谷是名家雲穿一棹誰聞笛雨散千畦且種瓜似出桃源重回首望中時見落紅霞

過蕭伯玉太常春浮園

春浮不見當年盛駐屐裴徊惹夢思有客眼空雲出岫伴誰影到月通池青山未覺微塵聚白髮徒將浩劫支此樹卻知人老去無人舉起種花時

快閣次魯直先生韻

我來快閣尋山谷恰好風生雨後晴樹杪浮青紫岫遠帆邊沉碧映沙明半肩睥睨天涯濶一角須彌世界橫且喜宜州老歸客至今不負白鷗盟

徧行堂集

卷三十一

三

又次施少參愚山

江山無力記春秋今昔誰從望眼收天外鴻飛繞倚檻潭中龍去忽成洲層樓不逐興亡盡瀛海何妨上下流借取一灣銷夏處涼風吹散百年愁

蕭太君八十壽

月上澄江秋氣新名門示作大家身一生母道兼猶子太君愛而勝兩處天宮報所親太君所爲德善日兄弟甚篤夜呪青蓮開獨茂晨炊白粥散常勻眼前無量光中事玉樹金芝歲歲春

廬陵喜昭曾旅菴憲副

不免離愁十七年雷峯清夢尚依然三千鎖鉢存檀
度八百春秋屬地仙官燭幾分調律呂鶴毛一點散
雲烟石琴堂裏頻相問鴻爪難尋雪月邊

贈吳雙泉城守

庾嶺嵐光接素秋香城烟水暗相酬自當一國推吳
漢中制雙江有吉州花暖日傳千里驛月寒時嘯百
金鈎南天門下今何事實蓋雲衣擁石樓

贈許堯文郡丞

海天浩渺接婁門南國人文此地尊時望汝南分月
旦詞源直北下崑崙朝霞閣下新歌起烟雨樓中舊

編行堂集

卷三十一

德存乞取神螺光五色三巖鐘鼓共晨昏

堯文以鴻雪園詩見示

長街拍背晚涼時冰雪遙分一卷詩秀色不從西子
得清光只有庾公知天壇倚月松舒翫駕水浮烟柳
颺絲好看吟溪橋下客爲君燃斷幾莖髭

贈于廬陵慧男

擬向寒巖學散花場來花縣乞明霞薰風又見琴三
疊膏雨兼聞粒萬家會有金絲紫蘭苗每因玉版憶
袈裟知公般若全經在煉石南山待女媧

又

千里江山一鉢擎耆闍窟裏念同行逸群定許金臺
價奇字爭傳石鼓銘顛倒衣裳情自重支離塵刹意
先傾卻煩借取涼風便白鷺洲前秋水清

張太史幹臣茶集

一錫聊將庾嶺穿素篲爲訂道山緣始興風度應無
忝妙喜波瀾不獨妍東閣巢梁飛白燕西江蘸筆湧
青蓮卽今此會長存處祇在雲衣石骨邊

青原山

隱隱迢迢入梵宮松濤半捲白雲封門臨積翠全開
障徑繞飛花不露蹤且趁月明看臥虎漫隨雨大覓

編行堂集

卷三十一

禪龍目前會得仍包裘祖道於今又一重祖關之外
爲聖域

坐取亭酌金牛泉

問水初能揖取亭此君眼對此山青烟雲物外雖相
識風雨聲邊未易聽畫得方圓非北斗疑他清濁置
銅餅忽然蹄角分明見莫向金牛索典刑亭爲施愚
山所建

宜樓留別白嶽汪舟次

覲面相呈各倚闌西江東望白雲閒盪胸共許宜樓
近洗眼誰呼逝水還薑桂辣能扶健筆簞瓢酸莫點
名山此文與陳遊山志
此子與海山志中語不知抗手重逢處一笑千
盤紫翠間

白鷺書院

竹枝無篙寸寸移橫坡剪草綠難齊樓中白月誰先
竹林外鳥鴉向晚啼尚有詩書循舊典更無桃李落
新蹊昨年盛事優曇見莫怪疎慵太乙藜

留別慧男

不飲還成十日留此情雅亦似新秋夜來急雨涼初
滿曉起空山翠欲浮道里不教拘老馬波瀾卻喜蕩
眠鷗卽今雲水蒼茫意半繞螺川古渡頭

汪節母初度

寒梅又報一枝開琉璃瑤笙域外排擇地似棲無影

編行堂集

卷三十一

七

樹和丸真見出群材此家垂白還登殿有女懷清不
借臺爲語兒孫須記取昔年曾挽鹿車來

隆慶寺

持地長憐結界難法輪轉卽大心安有人攜具登臨
瀾此處投衣坐臥寬十力久惟追影像微塵翻不盡
波瀾誰從雨散金沙後寶鐸吟風一笑看寺久廢於
公諸君子共復之
開禪師塔猶未建

大覺菴

雪山東望化城連野色涼風好欲兼一足翹猶傳勇
猛兩山開未訖莊嚴蹲鴟便起分香積夢蝶難飛借

黑甜回首小池深樹裏片雲覆頂不須拈立禪師常
翹一足先

開人覺後復青原
蓋法苑功臣也

西峯寺

一派秋江曉勢開西峯迢遞爲誰來林中人面碧移
樹階下屐痕青齒苔逗漏尚憐經藏子參差莫覓鳳
凰臺昔賢不似今賢巧一木留爲大厦哀藏經閣爲
未竟之工

鐵佛橋

誰名鐵佛更題橋出土難將塵劫消不遠山林青黯
黯相聞鐘鼓夜迢迢長虹若把清流挽圓鑑還臨翠

編行堂集

卷三十一

七

黛描遲我十年催電影西湖應許博雙鵬此地可滿
爲湖配以
橋亭遠山近林不減吾杭風致聞昔有建此議者以
爲紳先生尼之而止予戲謂遲我十年老豈憚此勞
但恐道學
者切齒耳

能仁寺

嗔火初萌禍水隨誰能念起卽如灰井中欲覓無童
子塔裏來瞻只古錐乞米鉢歸荒草滿寫經石老夕
陽頽爲憐此事凋零久來往人間更幾回寺有碑記
鍾龍事今
井上塔院猶存殿後有趙孟頫書金
剛經石幢殿有羅漢化身乞米像

周埃菴過訪

老來不憶人間事生歎何如夢覺長獨聽每忘壺口

相看各訝鬢毛蒼，喁喁與天同醉鑿。并安知我亦狂，幾向率陀開隻眼，難爲過電一爭光。

留別施偉長

破浪搏霄且未諧，四松五柳費安排。秋空水月看萍聚，寒斷冰霜想雁來。寶劒利從南斗覓，布帆輕向北風開。他時寂寞重相憶，萬壑雲中獨倚臺。

留別大匡

隨風一葉過仙槎，此意無涯路有涯。秋水不深眠白鷺，冷雲猶薄映丹霞。莫疑大隱方沉陸，且信枯椿更着花。最是寸陰難擲處，眼前客裏得忘家。

徧行堂集

卷三十七

留別竣菴

促膝空憐未及旬，十年恨不早相聞。長鑱無力尋黃獨，短髮何心戀白民。自喜餘生能入衆，尚煩此老爲驚群。扁舟莫訝分風駛，到處相逢有片雲。

雲洲重別孟昉

千里秋江雙眼空，那堪別緒又怱怱。誰言上下分風異，我見東西落月同。山色窺窓行易度，灘聲到枕夢難通。勞人不盡纏綿意，寄取春來北去鴻。

贈劉安士

萬里中流不用隨，漫漫烈燄未成灰。玉皇選吏無踰

此鐵匣，緘書欲喚誰入世，心惟從日短報親淚。只肯人垂因君記，起當年夢月下呵冰斷綆歸。

和安士來韻

如見韶陽客，裹身病中結。得任山因數莖短髮難留，俗一片青山且喚貧。欲寄天倫心事，潤幾緇手澤淚痕。新年來零露全成雪，點點無由逗小春。

又

一念低徊鬢已霜，鏡花從不駐行藏。小乘得定非其種，苦節難貞卻見長。天眼放開無地界，水程折合是山鄉。笑看兩處怱怱意，同作閒人獨自忙。

徧行堂集

卷三十七

嶺上古松

簡於立幹與分枝，秋暖風輕落響遲。直北冰霜曾不異，盛唐烟月有誰知。未成石骨生當化，每怪龍鱗蛻莫辭。欲喚後來憐已老，天根掩地待何時。

九日庾嶺東孝山融谷

大庾嶺上逢重九，回首西江意廓然。不爲登臨勞節序，每多離合隔風烟。秋空嘹唳初聞雁，雲海扶搖一放鳶。卻憶故人有佳句，此心已落晚霞邊。

贈朱廉齋明府

每見今人憶古人，於君不覺間相親。眼前雲海天涯

客物外松筠屋角鄰便有千秋仍是夢更無一字可
爲因卻憐三十年前話各爲吾儕現此身

贈熊仁化東祥

鳬鳥翩翩落影齊晴光時爲薄寒低生當間氣來雲
夢流出千華作錦溪雅頌尚留田峻喜聲名好向御
屏題春衫苦筍無岐路莫惜輕風慰杖藜

賀樂說辯弟嗣法

片雲絕壁古猶今纔得明心卽負心有樣不傳無縫
塔八音齊鼓獨絃琴翠巖石上迷雙礫龍猛孟中契
一針卻怪螺巖全布水煩君特地作龍吟

偏行堂集

卷三十一

三

奉和天老人尋靈樹遺址

靈樹枝條何處尋高松落影沉沉屏山層疊還如
昔徑草橫斜直至今荒穴誰家侵寶界斷碑無字發
雷音昨年我亦低徊久應有吾師一念深

奉和龍護園留題

擬分香國半林安得傍高齋結淨壇析義已知心地
密論詩更許法流寬曉風蕩影霜花冷夜析銷聲月
露殘不見剎塵無大小十方驗取一毫端

奉和孝山華林開戒喜值初晴之作

衣雲到處擁香臺皂蓋朱旛次第來道樹忽分涼蔭

滿戒珠重見瑞光開使君自握金輪寶法地還生王
殿苔旭日正當新雨後微風真不動纖埃

丁聖襄明府招同鄭魯城學博石鑑西堂啜洞

山芥片

茗戰曾爲秋芥降肯招野客試旗槍驚看逸調傳風
雅疑有名花醞色香落日桂林猶散帶殘年失水厭
歸航愛君解脫心期遠荒圃無勞種白楊

訓陳石人

孤峯長抱碧雲閒展齒誰能一破關每向客邊逢勝
友各從句裏得名山芒鞋草草餘三宿板屋沉沉割

偏行堂集

卷三十一

三

半間月上秋空頻斫額橫江片葉待君還

石鑑覓兄之長慶寄荅孫鶴林

扁舟韶石話仍違一鉢螺川客未歸便減十年人已
老更逾千里夢難追溪中流葉看無我壁上橫雲寄
有誰卻借怡山持片語長戈落日正堪麾

送非影電公乞米信豐

托鉢人間卽轉輪誰從香土別呈春有心自逐三青
鳥不意會煩大黑神善愛掌中全飲食懶融腳下半
風塵憑公十字街頭去把手孤峯日兩巡

次韻訓沈宏度

老去欣逢曠代才，豁如浮海得蓬萊。照人秀句分初日，起我餘心到劫灰。今古無私長論世，乾坤何恨獨登臺。尚憐八詠樓中事，不遣葵花取次開。

廉齋池亭茶集

幾日相思在小亭，石泉槐火共閒僧。自忘隔歲池邊草，欲送深春柳外鶯。好句纏綿千里路，餘生孤負一枝藤。莫愁人比羲皇遠，醒後松風夢裏清。宋東有片刻羲皇上人之語

陸仲侯畫羅漢爲供

如畫青山咽杜鵑，凌江春色半蒼烟。何來應夢驚禪

編行堂集

卷三十一

月記得銜盃共老蓮。侯章夜擁疎星開貝葉，曉分清露出方泉。振衣濯足知誰事，十里丹霞一釣船。

示融谷內子

不調螺黛畫春山，兩點秋波萬境閒。學士聲名馳域外，夫人風度滿林間。古今未出青鏤管，首尾誰尋白玉環。莫笑毘耶還杜口，果然除卻是非難。

張天覺及弟後擬作無佛論，向夫人曰：「若是無佛，何論之有？」須作有佛論，始得天覺後閨維摩夫人曰：「熟讀此經，始可作無佛論。試看他來處不同，出語自別。」即今融谷還作有佛論，是作無佛論，是卻

請問取英輔道人

陳蘇潛明府初度

鶴澤騫雲舞未休，凌江春在山江頭。新詩更出高常侍，至德兼聞陳太丘。兩袖清風傳魏闕，萬家膏雨落平疇。爲將童叟謳歌意，背拍洪崖到十洲。洪崖山在保昌

訓陸匡山來韻

鶴無近喙應難見，龍有高吟亦共聞。每愛大蘇堪入道，揭逢小陸又能文。春深墨雨浮青嶂，秋老巖花散碧雲。未得濠梁攜惠子，可容廬阜待匡君。

次韻寄訓陸贛菴

編行堂集

卷三十七

碧尖半露連雲影，墨暈渾圓透月華。名字豈能充碩果，身心祇見落空花。新詩好我來天外，遠夢尋君到水涯。寄語相思易相見，已將一鉢許千家。

移坐會龍書院呈育長

借與虛庭一片涼，江山各欲薦冰霜。不因大樹分條密，誰識清風落韻長。客去有懷行灑墨，僧來無語坐焚香。杖頭莫探玻璃影，夜氣橫空月未央。

曲江署中茶集贈周退山明府

懶向玉堂歸齒舊，自舒仙掌擷芙蓉。地當凋敝心俱盡，時尚逢迎力未工。且聽野人餘感慨，更留茶具略

從容卻看爽色江山外不出名流氣象中

漢壽亭侯祠祠在丹徒山門

後轍也應憐晉魏前車不覺過周秦人間山水尋如故曆上春秋看愈新漢壽已沉當日印玉泉仍現舊時身方生未盡無生意漫向丹霞說正因

又

雲旗風馬駐天梯石爛江枯性不迷頗怪修羅頻戰鬪尚思婁至續提攜鬚眉刻畫無今古肝腦支分有是非誰信劫灰難頓放萬山深照一琉璃

又

編行堂集

卷二二

七

白帝城高赤帝歿閭浮天子電光中刀頭且自酬來往鏡裏憑誰泯異同頻采梅花還嚼雪暫敲槁木亦歌風將軍會見蓬萊淺肯抱柔枝數落紅

已酉奉和天老人送別兼寄首座元韻

辛苦頻煩錦水船離情如月未離天思歸肯落秋鴻

後話別曾經春燕前正月與石盛事難追憐隔歲人老

壯心易息愛餘年白雲到處堪回望一

片亭亭紫玉邊

又

暫得開眉是說愁無衣不避戀南州山雲未起先呵

硯海月方生更倚樓種粟莫鄰松栢葉騎牛偏踏鳳

麟洲卻憐滿面灰塵際笑指幽蘭恰竝頭

海幢竝頭蘭同諸子賦

國香重見發幽居華萼相輝意更殊共命卽知無二我同心那得不如渠薰風一笑睂俱亞涼月雙浮影亦虛不是塤箎憐合拍靈苗誰爲作先驅

又

昨年迢遞隔珠江雲影雖孤月影雙持贈卻應思往事聯吟會不換虛牕西午會有此花時知交同集因歸之退筆餘部予與阿兄各有詩離魂合體留重禰共座殊尊覆一幢暗揭兩岐垂

編行堂集

卷二二

七

字譜花間鳥跡映銀缸

次韻寄荅陳謫公

歷落如論七不堪難將昨夢駐優曇才名自愛陳同甫心事徒憐鄭所南出火三車猶曲徑垂絲千尺在深潭憑公透過東西路昧卻紅塵是碧嵐

次韻荅宋潛夫

昨夢疑真雨未然羽聲雖壯不存燕長憐逐物尋方外暫得移情到海邊老我豈堪追去日留公更欲禮高年北歸尚有南來信鑑水晴風問釣船

同朱新菴大理舟中坐話

是誰心跡付同流
人外閒情海上鷗
不見河山鐫寶鏡
恰當風雨傍仙舟
波翻永劫消長晝
水解全身置一籌
各自水雲無着相
寒生六月片帆秋

訪史端州庸菴

扁舟誰載白雲來
高峽晴光面面開
尚覺清風縈鏡水
長瞻旭日起崧臺
慈分鹿苑無岐路
峻出龍門有獨裁
見說郊行宜露冕
福星一道貫三台

又

十年清夢憶毘陵
矯首摩雲隔萬層
聞所未聞因陸賈
遇之不遇得盧能
烟霞到地垂千尺
宮闕彌天引

補行堂集

卷三十七

一繩莫怪相逢須
展手憑公分出老人燈

贈當湖沈存西

聞公肯愛端州好
我亦扶筇更一遊
已過輕風高峽櫓
誰當長嘯定山樓
清瀾到海天方闊
壯色窺雲石未流
倘爲登臨念公子
相期共蕩錦溪舟

周文山別駕過訪

萬頃飛濤割一灣
遠分晴翠撲蒼顏
名流更喜尋方外
餘論猶能壓世間
秋水連空迴北斗
春風吹雨起東山
并歸四海金甌裏
長爲雲松定此關

投贈周舜初制府

頗牧仍聞出禁中
鯨山鯨海息飄風
地分南北梯航遠
天合東西節制雄
寶網不搖珠浦白
金蓮曾照土堂紅
會看梵輔乘權日
五色雲端夾六龍

贈諸葛郡丞鑄九

雪痕月印問飛鴻
千載心期古臥龍
敢信六安非小試
不知三竺是重逢
倚橈聊泊靈洲水
隱几惟看石室松
便欲乞公金粟洞
蒼崖長借白雲封

韓天生明府寄示詩刻賦謝

寒空銷光鎖夜泉
明珠何日照雲關
青天落雁看俱逸
碧淵遊魚聽不還
篆籀成文連水月
絲桐合響動

補行堂集

卷三十七

河山芒鞋無着千峯外
時有仙音繞半間

次韻荅存西

眼前自覺無岐路
物外徒操不住心
鹿苑知歸長似此
鴿原流勸各從今
一酬詩格烟霞變
更坐江樓風雨侵
識取曉來寥廓地
枕邊宿夢喚誰尋

賀鮑雲從得子

九日山前復現身
充間喜氣一時新
長鳴便欲空金馬
摩頂遙憐下石麟
堂構千年開父子
風雲萬里合君臣
明珠不用旁人指
掌上衣中處處親

徧行堂集詩之九

丹霞今釋澹歸 造

侍者 古諭 古廉 編

七言律

贈苗總戎吐華

八將天中復現身臨淮壁壘一時新伏波更欲標銅
柱推轂初聞重紫宸瘴海風清蛟鱷遠仙洲花遶鳳
鸞馴爲公感激金臺路格外相逢得幾人

公開鎮出
制府詳請

送陳子震守吳川

雄劍誰將寶氣收令懸明月正高秋平沙較獵同調

徧行堂集

卷三十八

馬深夜籌邊獨倚樓大海風濤迷極浦嚴城刁斗憶
羅州卽今小試知長駕肯讓元公過黑頭

送張槎隱之都門

此別應名萬里橋扁舟落日水迢迢舉群自比黃庭
妙得劍初憐紫氣消欲往西山勤策蹇瀕行南海更
題餽金臺獨壓千人座醉後重聞奪錦袍

贈開建張栗巖明府

目擊應知吾道存今人古事許誰論五生上誓留三
善萬里同流信一尊不遣深山眠虎豹且從空劫長
兒孫百花各得東皇意閒遍春風解報恩

鑄九新堂告成

幸非傳舍其官者輪奐新堂此日開公爾忘私無宅
任一勞永逸待人來風清燕雀俱相賀用大棟楠各
見材五鳳樓高誰作手好將規矩問崧臺

次韻謝黎堯民

寶閣金風九月涼誰從寂歷訂同方知君得句生春
草隨地投珠出夜光色映丹砂神漸遠骨分紫玉用
還長卻疑身在流霞島夾路松篁遞晚香

題法華菴贈石肯院王

何處秋聲寄耳聽恰因同道得虛庭往來獨立誰添

徧行堂集

卷三十八

鉢出入中交自轉經香菴綠榕留半影雲過碧沼散
疎星有人戶外輕彈指彷彿天花動杳冥

九日

高閣尋常不費登偶隨佳節更憑陵好風且解吹黃
葉宿雨安知阻白藤北海春波仍浩蕩南山秋氣漫
峻嶒眼前誰是滔滔者一錫排空歎後乘

贈別劉岵瞻明府

兩年契濶從來夢不意重逢此一時且喜挂鉤君漸
脫尚憐垂手我仍癡風傾大麓誰相試月落寒潭自
不知他日懷人更何所春雲澹澹日遲遲

沈文昌詹山特過法華共話

獨坐頓忘身已老春光纔動百花開不知心向此時
盡更問我從何處來仙令忽飛鳬作鳥閒僧且住玉
爲臺和雲放倒追風帚滿目青山一點埃

次詹山閱江樓韻

擎空更出一重看洗耳秋聲四面寒卻倚沈寥人漸
遠不存碑壘地常寬未來獨月勤窺峽已作三江懶
上灘二十年前風景在難將落影寄飛翰

贈孫道宣明府卽次海幢元韻

石泉如夢得參寥不隔雲鴻是九霄幸有高風來北

徧行堂集

卷三十八

三

海能無殘雪憶唐堯珠川樓閣開蓮社錦水松篁隱
藥寮分取瑞靈春一點長看東郭意俱消

送陳靜公儀部典試還朝

未覺冰霜北去寒南來擎出火珠看居官何必清兼
要辭公以庶常得
銓部轉儀部此道相應直且寬曲水流將黃葉

易空山寄取白雲難知公不少松風夢長爲清音遶
石闌

送鮑席陳之蒼梧

蒼梧西去白雲深猶憶南冠動越吟一角可憐蟻鬪
穴百年何似電穿針鱸魚有道兼留肉冰井無波獨

照心爲語臥龍山下客業風禁得幾回侵

蒼梧子舊
時鍛鍊地

送沈甸華歸武林

千尺高枝百尺臺相將喚得歲寒來冰霜覆頂消頑
肉雲物成文託異材屈注三江今未止綿延五嶺昔
曾開憐君卻載厓門水歸向錢塘寫一哀

送宏度

迢遞趨庭念已違江干別淚不禁揮老親寄取尊鱸
夢稚子懷從冰雪歸此去白雲終日遠春來黃鶴片
帆催勞生出處知誰是斟酌風塵百慮灰

次韻荅何行大

徧行堂集

卷三十八

四

浮生何處定疎親鷗海相忘共此身作畫不存山外
意住山如見畫中人百年已半邀空果一字俱無得
正因峯頂月明思啞夢幾回錯認是知津

寄西寧王仲威明府

瀧水西來接混茫王喬仙骨更殊常白雲委地虛扶
杖紫玉爲臺別炷香格外已留金粟影箇中仍對蓋
公堂何時深夜相酬獻一座千華月未央

重別庸菴文山

幾回欲別還成住繾綣將無彼此同好去片帆歸錦
水向來一座憶靈峯補天石上情文足照乘珠邊內

外融十六年前今昔異客心長傍郡城東

憶昔寓天寧之東禪

晉陵諸君子顧視殊厚今老矣一鉢留連庸卷與文山共相護持尤切豈非多士襟懷於此地爲深耶

韶石謝別吳其階總戎兼柬孝山

雪巢未得倚孤筇鐵鉢何由制毒龍敢說六人成大器幸因八面借威風旌旗影靜魚吹浪鼓角聲清鶴唳松最是夜寒天水濶劒光月色各橫空

又

十行無路慰空山卻趁樓船共載還已報先聲開石室更欣舊好鎮雄關沿途噩夢成安隱歷劫癡心剩軟頑爲問天峯同道者露葵飽得似林間

偏行堂集

卷二十八

五

陳伯恭五旬初度予在端州未得稱慶庚戌新

正值其內子設帨之辰卻贈此作

廣樂仍聞動九天仙雲覆作錦溪烟春波北海當正

月秋色南山憶舊年華氣發隨麟脯下彩衣舞向鳳

毛遍野入頌到遲邊得恰好東西兩翼圓

希有之鳥舒左翼以

覆東王公舒右翼以覆西王母十萬里祝是

一座則二時內作一時雙壽未爲分外也

寄展巴古

松上雲流石上泉空山懷抱各條然誰同消息寒梅裏更得將迎春柳邊物外玄同思展季精神寂寞待成連催人底事風塵遠想殺沿溪蕩小船

寄永安并存士明府

偶到海幢論隔歲座元一指屈君侯中秋好句吾曾得錦水先生語未休紫玉山頭新佛事辟支巖畔舊清修卻看三善無虧地忍土塵塵化沃州

送作金上座乞米永安并寄羅紫劍廣文

微風片葉過循州不爲登臨賦遠遊驗取空山傳此鉢好從丈室問同流移將五秉來周急空得三輪未解憂攀側攀條語賢宰一家推處各家收

五秉也少尤百也

不多山中無公西氏老母然原先生鄰里鄉黨御有一篇子也

葉御題初度

偏行堂集

卷三十一

六

九霄瑞氣籠廉石奕葉醇風動錦江綠酒從容傾北海黃花爛熳到重陽千秋引裏斑衣舞萬石堂前玉

樹長爲報龍門騰角鯉會聞象輦載明璫

送姜山加公之江南

千山吹雨過田家一片離情託水涯薄力未能當藥草遠思且得寄蒹葭雲開春澗流新月風落寒巖挂晚霞賸有金陵懷古句攜歸散作錦溪花

寄贈石鑑規兄退長慶院還棲賢

隨肩柳櫟去留輕到處青山足送迎驗取銅頭鐵額老洗教金井玉淵清千華座下衣還繞七佛峯前鼓

自鳴誰道紅塵曾有路從來不見一人行

題戴文峯像

從前汗馬不須論識得休心便杜門十萬戶難消喜
怒八千歲不越朝昏勝緣自結空王殿薄醉仍敲老
瓦盆天鼓音中曾說法滿園春色付兒孫

奉和天老人送行兼示首座韻

留冬無計便逢春石冷風高依舊貧來去祇消遊子
夢行藏莫辨此翁真輕舟下峽頻添雨密坐闌爐一
破塵回首晨昏多闕地團圞空負自由身

謝李鏡月

徧行堂集

卷三十八

七

海日初收積雨昏勝流高屐過相存餘生自覺虛名
累此道相期慧業尊經術尚堪追鹿洞史裁兼欲配
龍門何當墨浪翻雲白卷盡青峯不露痕

又

十年面目全盧岳偶過相江割一灣天遠不知雲浩
浩山空祇許月潏潏卻看金石隨聲落如聽璫簾合
調還纔到離思難寫處珠川早不似人間

送別新菴之北廷評

片帆西轉浙江東蒼嶺摩崖逼太空近憶松臺懸皓
月遙聞燕市借薰風橫經舊許程明道折獄新推徐

有功面目不從相見得雲中獨鶴下深松

周彝初制府終制得請

漫道行藏俱得妙須知忠孝兩全難聞公已遂終喪
請此道當從盛世看邊計不因朝論緩君恩亦欲子
情安千秋名教干城意肯薄天倫厚一官

史子孺乘龍

繡幙銀鐙繞洞房珠兒玉女共黃堂五仙夾道分蘭
蕙一夜吹簫集鳳凰有日宮花開射策何人綵筆賦
催粧明年爲報春光好拔地孫枝識豫章

沈嘉令郡丞過訪寓中

徧行堂集

卷三十八

八

宦情野水只蒼涼蕭寺尋僧路未荒卷盡溪邊詩思
遠擎雷山畔德音長行雲不覺歸如幻各夢何知共
一方卻歎昔年朋好盡君家猶見魯靈光德在都門
與陳章侯
從今所有者尊甫先生可言大慨然

雲從初度

五色芝絨百丈松六鉢衣拂七金峯玄音更發雷門
鼓雅步仍看鮑氏聰北海尊前風浩渺南山座上月
穹窿莫疑萬古韶光遠不出方生一念中

送鍾石之崇安令

此行不擬惜離群花裏鳴琴弄白雲雨過麥禾風蘊

藉露垂松竹月纈紛獨枯秀句還山水更出仁言佐
典墳高臥紫霞誰試茗爲吾問取武夷君

示石吼直歲四十初度

誰呼白象載明珠火樹枝邊月影虛共許直心酬淨
土還將密行駕鋒車八風不動吾何取一滴俱無爾
自殊三寸鋤頭三尺柄喚人深掘竹篙蘂

寄贈李潛夫八袞

片影深留丘壑中黃農虞夏意潛通出門未覺詩書
重隱几徒憐宇宙空盡日盤餐親苜蓿一生心事薄
梧桐會聞帶索行歌處似有餘音起臥龍

徧行堂集

卷三十八

九

文山過宿海幢

清涼世界水雲幢吹落天風湧石淙爽氣全開山滿
閣晚晴最好客橫江再來人欲輪師備三到亭須記
老龐雪峯與玄沙爲兄弟稱其
再來三到則芙蓉遺事也飲卻一桮尋枕上天
家不見月窺牕文山以棋自娛
結語特爲敗興

制府過訪海幢

戟門小隊出珠江十地風清五月涼斑管生花分棣
萼寶琴合調應宮商樂堂更欲題三過在水會勞賦
一方識得引人忘分意知公隨處現津梁

又

肯作招提汗漫遊勝情元自寄滄洲旌麾映日烟雲
暖殿閣來風松竹秋格外事從賢者出天邊語對道
人留恰當解帶酬衣上四大禪牀一坐收

贈劉持平中丞

南斗全回北極春由來節鉞貴儒臣劉寬至德幾忘
我李勉清標只愛民使相趨朝綸閣重河山錫社鼎
銘新海波自古無偏向萬里安瀾聽一人

寄壽連恕菴明府

政成自欲歌天保嶽降誰能屬地仙一鼓希聲飛白
鶴如椽長檠發青蓮御屏已覺題名重綸閣仍看押

徧行堂集

卷三十八

一

字妍識取豐湖一勺水好將霖雨萬方傳

南寧顧象三別駕初度

豪氣全開百尺樓薰風偏醉五花洲人間愷悌如公
等夢裏升平不用求甘露近兼珠海濶異香曾傍玉
皇浮維摩一筆圓光就何似當年顧虎頭

送席梅臣北還

涼雲如蓋擁新秋萬斛離情寄一舟老我無能初近
道似君有相得封侯鳴弓更上分茅嶺試馬重過叱
馭樓各自男兒雄顧盼幾時閒得憶丹丘

三水秋泊

此地最能銷客夢片帆恰又挂離愁十洲莫辨三江
水雙眼何來一海鷗別有風清供早晚更無山翠落
沉浮可堪九載歸雲意往復催人到白頭

月下獨坐

月下空江思渺然故人話隔晚涼邊潮輕易入癡龍
定天濶方知北斗偏鶴夢更從雲外落秋聲何必樹
間傳寂寥夜氣渾無朕誰識雷門耳後懸

奉同周大司馬發舟

新秋畫舫約同行分與江風不世情一洗火雲還澹
遠卻看水月倍虛明聞絃自足松篁韻倚劒相當海

徧行堂集

卷二十八

七

嶽清拍拍紫霞能合調青山那得倦將迎

蘆苞水口

行人共指蘆苞口此路當年出石門鼓角尚能開使
節豺狼何得嘯荒村歷朝通塞存天意四序安危驗
水痕不爲沙頭乾似雪幾船漁火對黃昏

此地盜所出沒水大

益不
可制

飛來寺

峽山不返飛來寺洞口呼猿卻喚歸相對未知誰作
主一提往事意如灰水穿石角無留矢風擘雲頭有
立錫只向亭中討消息綠楊枝上不須催

江岸見垂虹

瀟瀟晨雨淨江濤兩岸垂虹跨一橋飲釜可能逢薛
願驚筵想欲待章臯天門已闕誰調象月線初沉莫
釣鰲我不凌風逼霄漢腳跟豈受眼光饒

連州江口

連州江口入含涯楚粵由來合漢唐北望未能窺碧
落南行自解挾滇陽一繩鳥道穿猿狖千尺蛟門下
雪霜傳役已隨分界盡不知此岸爲誰長

觀音巖

稽首圓通無等慈爲憐老去入門遲卽登彼岸先成

徧行堂集

卷二十八

三

異欲訴當機苦不知卻把耳來移眼處更尋月未照
江時何如風水相吞吐暗寫愁腸與畫師

彈子磯

陽朔曾經看畫山此圖不再落人間畫窺月影無增
減夜發雞聲絕往還頻抹錦牋思好友罷磨石鏡慰
衰顏也愁狹路難迴避欲結重雲護一關

月華灘

月華灘接曹溪近智藥先來導祖風南海肉身從此
數西天香水到今同一爐宿火游絲繞夾岸荒煙落
照空冷暖望中休比擬至人自古不存功

韶陽奉送周大司馬

皇岡北去開韶石錦水西流絢赤霞五馬徑歸頻喚
客三巖直上便無家欲尋陶令全成社不坐空生亦
散花此別敢輕留世諦一灣烟棹卽天涯

贈李雲浦明府時攝仁化

平石聲傳仙令遠百花分發借春風晝看白鶴照江
水夜聽朱絃起礪松萬井暖雲耕野濶一簾寒月訟
庭空御屏題處天香濕好爲蒼生點化工

又

纔攜爽氣對西山更落英詞慰素顏感慨事存今古

徧行堂集

卷三十八

三

外留連情在後先間高山流水成三疊石壁金繩透
一關預喜秋宵深夜語黃花清露共追攀

贈黃挺木擢國博

聞道辟離開至化清曹莫把冷曹看怪人肯作麒麟
植省已長親首荷盛稽古桓榮會赫奕起衰韓愈未
蹣跚併驅末俗歸文德努力重新魯杏壇

喜得蒙聖功書卻寄

半枕虛庭夢有餘閒緘忽得故人書嶽雲尚帶峯迴
雁瀧水頻驚海大魚白髮滿頭心易盡黃花照眼興
何如芒鞋筇笠猶堪借石磴松陰話索居

會龍書院秋宵獨坐

纔得秋來萬竅號穿旛間析到中宵雲生未解全成
雨風落猶能半捲潮山鬼嘯殘三點火漁翁睡穩一
枝篙欲呵四壁無人荅留與虛堂問次寥

又

幾疊關山碧未沉數莖毛髮白還侵勞勞熱客羞高
枕切切寒蛩戀苦吟曉露漸流孤磬遠暗雲初墮一
簾深空庭踏遍頻惆悵無地堪傳此夜心

又

半肩斜倚映殘釭後佛前魔總受降林果結花都不

徧行堂集

卷三十八

古

見山禽着翅便成雙鐘眠破寺曾饒杵船泊危灘且
下椿不是夜來人失曉誰家曙色少虛牕

又

一椽穩去小西天三盃平來大有年帽子峯前偏露
頂蒲團石上罷安禪聰明賺我還如舊忠厚拋人只
在先笑煞麻姑空眼慢剎那不信海成田

又

山外重雲照晚晴非光非色畫難成前途安隱猶今
日萬古蕭條又一生玉磻潄潄聲勢緩金風淅淅夢
魂清不知何事堪回首莫上隨年兩度名

又

暮景澄清月影空
朝光爛熳日華重
江山有待人先老
雲水無私路未窮
過嶺自移紅芍藥
臨階誰倚碧梧桐
卻思幾樹清陰合
貞實垂垂小苑東

又

老去無能萬慮休
風塵閒喚夕陽收
閉門只似深圍雪
展席兼疑側枕流
竹懶未栽王子寓
月明如庾公樓
五湖倘得長攀例
領取浮生不繫舟

劉直生太守過訪

野外孤蹤許獨尋
兩家心事一雲岑
蓋公堂下初醺

徧行堂集

卷三十八

五

酒韶石峯前更鼓琴
蔬笋清談兼曠遠
江天秋色對高深
因公記得樓中句
薄暮青山未陸沉

外青山薄暮多之句

許渾燕語陽樓有鑑

八月十四夜對月

今夜豈知來夜月
不教錯過卽中秋
碧山影靜兼天遠
銀海光多掠地浮
玉笛譜殘橋忽斷
錦袍狂煞纜徐收
可憐眼底圓明極
澹墨誰描一點漚

又

一輪欲滿看無盡
落盡空中幾片花
勞汝天邊七萬戶
更誰此外兩三家
已拚破衲霜清露
何處孤舟倚

白沙最是邀歡隨地足
不將華髮問胡麻

十五夜

昨宵已借今宵節
今月還勝昨日圓
好景便如叨分外
老夫恰值在江邊
雲開未欲欺丹桂
風軟仍能護白蓮
人定莫愁天不定
雙鵬一箭意悠然

又

點點暗塵留不得
碧玻璃與翠芙蓉
八方澄徹珠浮海
萬里高寒鶴唳空
茶熟共圍秋草上
香飄獨脫暮烟中
來朝更乞漁家笠
層疊谿山一短篷

帽峯遠眺

徧行堂集

卷三十八

六

兩江一線挂胡盧
萬古浮沉定有無
誰遣東西波浪遠
不教南北閭閻孤
綠陰漾日低樓閣
紫氣連山起舳艫
我亦借觀成一夢
何妨垂老失三吳

辰大水兩江通城脚至今人事蕭條矣

地形如胡盧萬曆丙

書倦戲作

長條短幅筆難齊
日未吞山月吐溪
粉署卽懸天上榜
茅簷猶賸壁間題
兩行輕掠斜迴雁
一點濃垂側駭犀
羊肆總籠都不換
院僧恰好訴朝饑

棲賢覓兄初度

桂子生香月滿庭
真人念起便流形
鶴毛未退知楊

億鷹夢初回得義青高臥卽消增滅劫經行更置短
長亭踢翻五老誰扶起漁火樵風一畫屏

十六夜雨

院中對月見江水江上月明思棹歌野雨野風忽相
妬一絲一點冷漁簑不分浮槎蕩天漢便教甘澤起
秋禾汝無汝有皆我得非我有無誰奈何

孝山融谷同下仙城扁舟奉候於見峰灘上夜泊有作

太守自居南海北沈郎昨返浙江西人間好友不常
聚落葉斷雲連竹雞欲往天峯竟留滯暫過湏水卽

補行堂集

卷三十八

七

分攜不如演作長途去話盡急灘方轉溪

又

木不抽青草漸黃幾般離合鬢邊霜生來未解碧山
盡望去每憐秋水長舊友新篇誰歷落官情野興各
蒼涼祇應別後回幽夢細雨孤篷淺岸旁

江口夜泊雨

一句吟殘如踐夢寒風吹雨送孤篷醒來野水生敗
席簇起亂雲埋遠鐘分手始知言未盡還山頗怪路
相同長歲更欲寄之子何似直鉤隨釣翁

惜別圖一留孝山一留融谷一留丹霞曹方伯

秋岳有跋

圖成已見傳神手題後兼作賦才不爲此翁藏老
醜總教玉樹配蒿萊春風共坐三生石寒月曾臨七
寶臺寄語扁舟巖上客馬蹄何處覓塵埃

又

我惜別君君惜我此情不在合離間丈夫各有一往
志人事更無三日閒金石盟休渝白業松風夢只遶
青山卽今上馬登舟地樹冷烟荒一水灣

陳長卿還三山過訪丹霞卽事有作

清秋有約望來頻策杖初聞一笑新自許谿山能待

補行堂集

卷三十八

大

客誰教風雨不知人荒村暗失雲中路矮榻驚回夢

裏身抖擻幾多傾倒意可堪鈍置錦溪濱

雨抵夜不至

又

雙槩飛流一葉回千峯寒色四天垂泥塗涉夜憂何
及茶話連朝幸未違彷彿武夷君便到參差雁宕我
須歸指竄閩越三千里冒雨尋僧剩有誰

山頗似武夷往時遊者或謂爭奇雁宕予居
此九年冒雨來者孝山融谷與長卿三人可

又

可是經傳道未荒愛君身隱德彌章客邊悵望松楸

遠物外疏觀歲月長此別恰當梅漸白重來莫過菊
初黃題詩怪得無新語舊慣顛毛十載霜

次韻訓直生志別

閒看頑石繞生公放下看毛四海空太守至今猶秉
直古人何事不迎窮別當春水波瀾健歸對西山氣
象雄喚取羲皇來夢我大家跛腳北窓風

贈張英德石舟

近水遙山關眼青春光醉處百花醒何難報續成三
異更好談空置一亭紫海未馴龍骨性白雲初下鶴
儀形門前彷彿來時路萬斛松風夢裏聽

賀角子龜弟得法

千雷萬電激龍門燒尾全擎頭角尊天上弄珠鸞黑
海潭中吹竹起紅雲英靈讓爾追先德老病憐予悞
後昆恰好眼前無一事牛羊日夕下荒村

鹿君符明府初度

獨鶴歸飛下碧空微聞仙樂度前峯冰壺更濯南江
月雲錦兼皴比岳松舊勒歌謠銅柱上新題名姓玉
屏中薰風不出梅花信冬日春光一倍濃

壽麗農山人

未脫龍鱗穿壁去已梳鳳翅嘯風還桃花源內衣冠

古雪浪齋中筆墨閒獨抱壯心留歲月長分冷眼照
溪山卻教流水逢人問誰住連雲屋半間

珠江送雲浦

上水飛帆下水樁朔風膏雨伴珠江龍無滄海應難
臥鶴有烟霄未易降直道至今還九折清風此後憶
三瀧爲看鐵鎖穿雲處一塢松陰覆石幢

陶維翰入山

不爲尋山惜筭輿數峯拔地更鄰虛揮毫攜得驚人
句插箸呈爲照乘珠脫粟也隨僧共飽深經未覺意
全殊六根通敏如君少莫遣松關賦索居

送別陸馭之權使

相江帆影消同夢庾嶺松濤起別愁權使每存關外
意閒僧時泛海中鷗素光未隔千山月寒谷初生一
夜秋持地卽今憑道力林間且莫繫歸舟

訓詹巖士

眼倦春山翠不流偶逢勝客一開眸霞飛驚鷺毫端
艷露擢芙蓉劍脊秋便欲問天攜好句卻憐發櫝驗
浮漚呈君殘錦知無幾借取卿雲蓋石樓

次韻訓翁山長老

是誰易見還難識江上相逢欲買鄰一種平懷無事

客十年本色住山人，且呼小艇尋常去。更酌枯茶三兩巡，爲問祖關名利者。此中何處着疎親。

自韶陽以上不得荔支壬子休夏龍護承孝山分惠呈此

意中不似嶺南人，何處輕紅照眼新。伏日正長初病肺，華池欲涸更生津。分甘儻得三危露，濯水元無九陌塵。橘裏會聞棋子落，滿盤莫有自由身。

魚遊松頂鶴棲波

寶鏡一泓分泡影，澄潭幾疊幻丹青。隨流忽露吞天勢，辟地都成負嶽名。海底琴高新跨鶴，山頭李白舊

補行堂集

卷三十八

三

騎鯨不知洗到松根下，誰見千年古茯苓。

上樓僧踏一梯雲

絕頂老僧趺坐處，白雲生長幾春秋。千重隱霧俱迷谷，一片乘風獨上樓。把杖撥開分復合，臨崖飛去墮還浮。九州不少爲霖客，且護禪龍莫出頭。

破窓漏月

破紙敲窓韻亦清，披衣危坐月三更。光同影異知誰定，少減多添各自明。疎豁莫愁天不見，密移卻怪地難擎。且教併入虛庭去，好與星河細細傾。

石牀春夢

閒呼片石作匡牀，爰爰松風透腋涼。面上一消青白眼，枕中再闢水雲鄉。前緣落處還成境，遠路擎來不到方。莫怪春山春夢穩，人間醒得太茫茫。

將之五羊留別孝山

兩年畫斷帆城夢，底事聯翩復往來。未有浮名容我謝，已無餘錦向人裁。齧殘水草心全苦，照破山河眼半開。熱客登舟自嘲罷，乘秋且上越王臺。

又

戢翼頻煩九夏心，過關消息尚沉吟。大天不意長持蓋，小隱何緣重鼓琴。食少每思人事減，官貪卻費王

補行堂集

卷三十八

三

情深相憐漫說前行路，腳下茫茫共古今。

王仲錫僉憲攝方伯事

刁斗自行衽席上，耕桑仍在畫圖中。不驚一字籬邊大，獨寫千篇雨後桐。鏡影重重涵夏鼎，繭絲縷縷散虞風。卽真公塋開薇省，丘壑清聲應鼓鐘。

喜育長還鎮

致身不得自由身，南北東西聽一人。間外冰霜清瘴海，天邊雨露挾歸輪。成都再喜臨嚴武，河內初歡許寇恂。未惜分茅遲日月，連營柳色各回春。

次韻荅張介菴

傍柳移舟不繫身，便從張緒得丰神。
清涼隨地一銷夏，蕭颯由天屢送春。
何意生花呈玉管，有時透網識金鱗。
相當只在秋深處，木落霜飛說正因。

代壽平南尚王

手捧金輪問老臣，曾瞻紫氣識真人。
小侯帶印知爲善，大樹忘言歎絕塵。
名世獨當五百載，裁民同享二千春。
海波不爲天風動，洲島卿雲日日新。

趙叔文憲副過訪

雲外野僧勞下訪，眼前突兀兩峯高。
金山卻有先施禮，劉峻應無廣絕交。
濃色漸消墻角影，鄉音重發海

箱行堂集

卷三十一

三

門潮從公領取冬之日，木落霜清照毳袍。

許無功太守相期話別，予適暴下不及赴枕上。

奉東

好友良宵同話別，老僧不至獨何哉。
題詩自怪才將盡，見藥誰知病即來。
先夜上立總表以藥局牌見示，戲謂有此好藥局不妨乘機同也。
秋色已先江柳得春光，莫後嶺梅開爲擎一葉。
天南北立徧蒼涼，紫玉臺。

送徐允吉之楚

落落珠江二十年，扁舟此別意迢然。
人間有地堪埋劍，局外無心更着鞭。
雲夢氣須吞八九，南溟水漫擊

二千爲塞鸚鵡洲前草，月淺樓深穩繫船。

大佛寺

海日曠瞻捧瑞烟，千年龍藏此重宣。
舊爲古龍藏寺地無言

自入維摩室有道，仍開觀史天鉢底。
氤氳驚玉粒筆端搖落愧青蓮，卻聞正令全提處。
鐘鼓如霆更悄然。

送朱子蓉歸東溪

颯颯西風吹雁行，半江沉碧草新黃。
探珠留有東溪句，弄石移爲南海裝。
一路雲山如舊好，三年松菊未全荒。
卻憐攜得羅浮夢，十月先分梅嶺香。

彭退菴銓部典試粵東

箱行堂集

卷三十一

四

寫得相思珠海深，偶聞佳話復長吟。
共看製錦新衣錦，獨許聞琴舊鼓琴。
千里屯雲騰驥足，一輪行月照冰心。
知公更有賢臣頌，滿載春光到上林。

送郭介繁民部典試還朝

寒入晴峯遠更明，子潮落又午潮平。
沙丘馬外玄黃隱，鎮海珠邊黑白生。
世事且從增處減，客心都向濁中清。
鬱林不用陪舟石，滿篋高文亦未輕。

壽端四

秋氣遙連南極清，月輪南傍帝珠明。
女華爛熳開三徑，藜火瓏瓏照百城。
紫海泥深濡曼倩，白石淺昧

初平爲公擲下岡陵須獨向須彌頂上行

亦樵丹霞圖成

君家太守來遊日爲目丹霞一字癡朝旭乍浮龍尾
動晚雲徐墮鶴毛遲共尋昨夢無生客自怪前身不
盡師此內有人呼未出誰從此外寄相思

又

一片輕雲到碧山不知飛去此方還便攜粉本烟霞
上更得天機筆墨間生面卽看臨寶鏡瘦筇何事破
柴關他年別有思君處眞賞無勞託半閒

張斗震協鎮入山

徧行堂集

卷三十八

七

元戎小隊入林中草木全分玉帳風綏是伏波輕灑
潁山當作鏐瑩芙蓉雙燈照夜難辭貴大樹垂陰恥
論功獨有素心容脫畧肯將形跡混魚龍

世鐸來省題此送之

虛堂兀坐意如灰日落群峯黯欲垂二十年前曾喪
我三千里外更尋誰儒寒自喜生冰硯僧老還嫌立
地雖珍重嶺頭看撒網一回舉起得眞歸

又

幻人呈幻事無多力盡空憐生歟魔明月未能招綠
水孤松那得戀青蘿藏身自愧如菴王誠子相傳馬

侯波他日一堆紅燄足莫隨妄想見山河

荅楊若未孝廉

此性從來混異同祇因見起便分宗若知絕四還非
絕方信空三不是空便有心肝連水旱莫將鱗甲當
蛇龍爲看偏正俱消處箭箭齊穿柳葉風

儒道佛法皆以心性爲指歸然其見處實有不同
論語云子絕四毋意毋必毋固毋毋我欲與金剛和
會且不相似蓋不絕意必固我自是意必固我若
絕意必固我又是意必固我直饒絕之一字混到
無痕猶是真常流注豈况說箇毋爲禁止之詞耶

徧行堂集

卷三十八

七

三輪等空是有三輪故空是無三輪故空若有三
輪爭得空若無三輪又空箇甚麼便是菩薩當體
卽空已隔羅縠更說箇空亦空俱爲分外向什麼
時節着得這屢字所以見性的人一直到底無邊
刹海十世古今都盧是當人一片心光更無留礙
若論饑溺由已知覺開人則儒者用世之熱腸卽
菩薩度生之悲願初無二致但打頭一着不可不
辨明耳此着辨明了纔識得金剛云滅度一切衆
生而無衆生得滅度者無得阿耨多羅三藐三菩
提者無發阿耨多羅三藐三菩提心者無有法名

阿耨多羅三藐三菩提者到這箇田地何處着意
必固我何處着毋意必固我何處着有何處着空
空有不着何處着中中既不着不可將已發未發
打成兩截去也喜怒哀樂順性起用着珍御服穿
敝垢衣建立掃蕩於法自在位天地育萬物是什
麼破草鞋於此不明卽有過人學問蓋世功名皆
剪絲爲花蒸砂作飯無有是處頃和詩已竟意有
未竟不覺題此

海幢阿字無兄初度

劫外全回大地春塵中又見一輪新九枝秀草生來

編行堂集

卷三十八

七

異兩道飛流落處親震蕩聲光消霹靂摩娑頭角湧
麒麟會開正覺山前眼不向星邊覓老人

馬子貞太守初度

總向清和月今安繡屏開處酒波寬已聞天上酬千
策未見塵中探一九勒鼎自應頻授簡懸魚何必更
投竿百年春滿韶陽律不羨芙蓉石匣丹

又

綠筆成峯配大文下垂甘露上卿雲萬羊籍內無勾
籍五馬群中又逸群拂石風清虞帝樂如膏雨洗伏
波軍憑公手畫垂棠理七寶飛輪重策勳

送閔山紆樵使北還

玉結雙江共此心松風元不隔遙岑兩枝赤管千華
秀一樹甘棠萬里陰別夢頓忘晨露溼老懷長覺暮
雲深爲從竹院經過地借得朱絲寫破琴

送純鑄禪者出嶺

秋色連山冷夕暉左將芍藥右當歸半生湖海心難
久獨臥冰霜願屢違絕壑留雲看聚散飛花到水聽
鉤錐眼前自昔無岐路誰解空梁一斗灰

融谷至凌江寄柬

無力相尋一晤言疎林危石響流泉筆枯自信才俱

編行堂集

卷三十八

天

盡枕落安知夢未圓月滿金臺猶萬里雨深湘水又
三年可堪惜別重圖處半面軒渠不似前

停舟總舖訪靈樹遺址贈華鄧諸子

停舟爲訪真靈樹長短枝條念本根要路未經心已
到盛時雖去意長存畚田難得千年王建剎全歸寸
草思他日鯨音重吼處不教孤負古雲門

次韻謝趙國子

過關恰值小春天誰得梅花一笑先落筆有人疑太
白刺船何處覓成連漫操窮子三年艾且聽諸方五
味禪細抹廬山投海盡此回消息倩君傳

送姚紹嗣別駕入覲

獨坐惟焚柏子香同心又見蓋公堂勢分韶石來山
峻波委凌江入海長我夢欲歸三疊上君行恰在五
雲旁爲看冬日全擎處裘馬渾無一點霜

送夏尊五歸洞庭

往跡來思路畧同瘦筇曾傍莫釐峯多君兩世炎涼
外對我三生夢覺中雁背斜陽橫逝水梅梢殘雪起
迴風相期不必論時地破笠猶堪挂短篷

之匡廬留別孝山

匡山欲赴前途約韶石誰陪後乘遊雁字十行愁莫

偏行堂集

卷三十八

七

寫鵠原千里急難訓秋風又逐尊羹起義海先通法

苑流明歲重逢應笑問可能提笠趁扁舟孝山有意乞休兼爲

子請藏

戴怡濤池儀伯同訪龍護園

又是瞻天北去遙馬蹄冰雪碎寒霄窮簷暫失三冬
照怪石同看五馬朝恰值驪歌逢叱馭還聞客夢寄
含鄱晚風二妙憑誰寫破席尋僧韻更超時在孝山席間停觴

步履未停

贈張螺浮給諫

折地非塵共此身天涯一笑開相親風生瑣闥看批

枚月落衡門想種榛四百峯頭前日事三千里外故

鄉人西江劈箭無遲疾雪湧含鄱更問津

留寄遲默生學憲

地大山高氣象同姓名刻畫月輪中芙蓉照水東懸
日騏驎爭塗北嘯風欲倚九成聽泰雅忽從五老得
觀空爲憑庾嶺蒼龍爪寫出螺巖絕頂松

董舜民孝廉過訪

龍圖誰教病眼明雙龍化作紫烟輕傳家獨許高三
策問鼎相期下五城丘壑懶隨帆影動雲霞勤繞墨
華生一枝香雪能如約十箇筠霜更乞盟是日思思別去期以

偏行堂集

卷三十八

辛

明歲來遊丹霞然予早負素人之約卽以此語爲息壤也

送方遠還禾中時予亦有匡山之行

鳳質麟文見未嘗漫從隱顯說行藏賦詩那得逢人
出觸事方知用意長歸路梅花連暗雪來期柳葉泛
新黃臨岐各是臨岐客爲問閒雲有許忙孝山數稱方遠能詩索之竟不出

索之竟不出

將出梅關寄劉中丞

藥病連年攜杖懶風霜匝地放舟難夢中有路行誰
了天上無瘡補未完珠海春回鈴閣暖廬山臘盡墨
池寒南枝折罷沉吟久一樣梅花隔嶺看

蓼洲奉謁黎公博菴

魯殿依然聳碧霄，懸知劫火不全燒。文心未許王摩詰，道眼還追張子韶。怪我龍門成宿客，效他松子落危巢。可堪老大重相見，猶待提攜過木橋。

謝楊祝一總戎

卷地飛濤蕩客愁，元戎深念及扁舟。風生砥柱千尋壯，雲委西江萬古流。幕下開蓮懸寶印，筵前奪月看吳鉤。金燈自向雙旌照，不數凌烟第一侯。

輓韓天生明府

韓子天生蒞東安，寄詩丹霞寸心識。其爲人

已而相見於端溪，未幾星吏議復相見於珠江。爲題其真真蓋僧相韓子自云從僧中來，予所謂前身風骨今如故者也。久之還東安，遂化去。人以化去爲韓子惜，不聞韓子之自笑化而去化而來，豈於韓子有得失耶？雷峯雙榕甚古，一日無方應公夢老僧着木屐來別應公，再三留之不可執手。丁寧大聲摧塌，驚寤間左榕仆矣。老僧化而來爲榕榕化而去，亦不失老僧雷峯老僧着木屐溜川老僧一緇皮鞋當韓子化去時自笑其來之悞則

予所以悲韓子故不在於三世去來之際，况

一官得喪乎？雖然韓子一緇皮鞋脫去稍快

雷峯右掖之榕，且被木屐釘定，腳跟將復爲

韓子所笑，猶可喜也。或謂彼無情此有情，烏

得相比？彼老僧化爲榕，此老僧化爲東安令

相去多少？且置更有一箇化作老僧者，畢竟

是誰

莫向無生路上尋，滿頭白髮少年心。窮魚暫想風波

險，獨鶴長懷烟島深。半枕黃梁全水月，一山紅葉碎

人琴。相期撒手頻來往，重疊關河自古今。

贈廖昆湖太守

何得相思不相見，衝波應許片帆來。妙因本自青蓮

結理窟，重爲白鹿開。此外恐無循吏傳，其中真有讀

書臺。卽今後輩淳風滅，輒憶龍門舊體裁。

東鼓雲悟禪師至棲賢連夕共話

獨立無由近結鄰，同行不覺闇相親。兩條眉下心先

得，三箇柴邊語轉新。風俗可堪流似水，精神何止大

於身。老來一指爲公屈，坐斷金輪定有人。

怡濤有詩留章門王課使東白所訪之出示題

此寄懷

手把君詩忘路難愛君心共野雲寬雨深南浦迎風
住雪滿西山映日看每爲琴書留澹雅纔論松竹便
高寒誰將丘壑邀人夢老向登臨意未闌東白爲予
設藥水山
居之樂與怡適相近
兩家親好不減朱陳

甲寅新正二日侍天老人同諸及門遊玉簾泉
勝遊共喜趁初春爽氣還從丈室分絕壁已回飛鳥
度驚濤未許定僧聞碧錢老作千年質素練新成五
色文更憶披襟當夏日也應徹骨染秋雲

次韻周庸夫中秋見懷

相江明月猶堪掇今古人無兩步閒耳觀忽通清磬

補行堂集

卷三十八

七

外心期已到白雲間燈分寶鏡千重影夢隔寒松一
座關誰在河源尋出路但能深入便忘還

喜庸夫入山

半嶺松篁萬古音此間無事得相尋海濤不破潛虬
夢雲影初回獨鶴心長我十年方少壯與人百尺更
高深從今各有羲皇伴莫向幽窓動客吟

寄懷孝山

不爲時艱賦歸去恰因歸去值時艱臨風莫覓銷聲
樹映水徒懷設色山欲戰玄黃憐鼠穴漫操藥忌問
松關未知當日盈門客若箇相當竟日閒

又

人間何地索花源絕壁孤危一徑存別有風塵吹世
界憑將水月付兒孫攜瓢擬託同歸路挂席初回獨
掩門最是相思無着處幾番搔首倚雲根

訓庸夫丹霞卽事之作

直上危峯不用扶瘦筇倚壁與俱孤有條路別無門
入一綫風微萬竅呼作吏未輕蝴蝶夢如王不貴壯
丹圖忽然曳屣同閒話剖竹應分調水符

又

負翼誰藏淺碧池此心勿遣化鵬知跡翻少見張無

補行堂集

卷三十八

七

盡塗抹全成黃大癡欲厭肥甘休問骨但能寒瘦足
論詩老懷相對無多許卻許毫端不入時

又

有手慵修五鳳樓墨牀茶竈竹牕幽黃塵執熱青溪
遠白足禁寒綠樹稠莫爲萊根尋事業仍教蟹眼羹
浮漚耳邊未覺鐘聲動習習涼侵半榻秋

又

翦除蓬藿走鼯狴隻眼開能落曙星千古流通傳啞
夢一時解脫繫深情揭來且喜非生客病去猶堪當
老兵我卽楓橋君二勝蛇蟠鶴舞更分明

訓庸夫舍利塢成志喜

似向須彌頂上逢八年雙眼一心中持輪有力承金
地脫穎何知逼太空鎮日堆坑還類我長時矍鑠不
如翁好將獨握青鏤管相與孤撐浩劫風

中秋有懷煥之

夢到靈洲曾有語危峯冠月又中秋松筠未合壠簷
奏老病徒增膠漆投臯比白堪居白鹿軍持誰復挂
黃牛餘年可得扶筇力一笑重登拱北樓樓在宅左
予會同登

次韻訓岐山禪師

編行堂集

卷三十一

三

靈鋒燁若淬芙蓉鈍水寒爐莫費工七竅自能留混
沌五丸何必礙虛空賒將別眼看餘子偷得閒心負
大雄爲憶曹溪悲逝者憑君呼起碧潭龍在曹溪天
橋長老是
其法祖予
舊交也

至龍護值孝山抱恙又聞彭湖梗阻同人各以
且任爲佳因題二詩致意

不得驅鳬日往還老懷別緒益紛然清歌只待三生
石獨拍都消一味禪正自引人著勝地猶貪少日與
周旋可堪欲折將離處舉手偏增同病憐

又

河橋楊柳惜青青百感還從獨坐生有夢不愁千里
遠無官未許一身輕烽烟直上蟲沙化荆棘橫斜猶
貉爭共道畧需春水至且休逆趁朔風行

聖襄招同融谷小集廉齋池館次融谷韻

急景相催緩步過休將往跡歎蹉跎迢遙與物俱無
盡感慨因人亦未多且喜宦情連野興誰呼雁字揭
鴛歌茶烟燭淚闌珊候酒殘其如客思何

姚紹嗣別駕招同孝山融谷廉哉小集署中

鶴翥鷗眠兩莫憑今年此會昨年會客歲茶話同僚
亦同孝山別緒連親里國士華筵雜老僧馬上辟塵傳素柰五

編行堂集

卷三十一

三

先以願橘中拈子靠蒼藤好將送客留髭意皺得分
果分惠

曾城招同融谷諸子小集予以病先歸

卻受嚴風襲敝裘情如深雪阻扁舟高情屢向閒僧
暖歸興都爲韻事留黑白陣中先易讓玄黃局外劫
難收自憐無力終歡賞夢斷孤藤賦遠遊

廉齋招同諸子集池館

今日寒如昨日寒燈光不動坐來安祇圖聚首忘吾
老莫當離尊且自寬花藥蕭疎人意斂江雲黯澹雁
聲乾爲君閱盡傳觴興不覺鼉更報夜闌

孝山招同廉齋融谷茶話仍用融谷韻

種玉亭中豈復過梅關惜別肯蹉跎百篇投契猶爲少一飽當衰已覺多坐是名流嚴雜客手無歡伯罷悲歌忘言卻憶毘耶叟舌本瀾翻奈老何

滕梅羹自儋州擢樞曹度嶺過訪

嚴霜透嶺角聲哀叱馭初看濟世才司馬法從門內得衆人母自海隅來早梅待雪群花靜飛兔行空萬馬開爲念一時傾倒意寒缸委燼落經臺

張次亭協領過訪龍護

元戎小隊過僧院司馬清談興未孤三世周旋交已

補行堂集

卷三十八

三

舊十年契濶老還疎卻分大樹高枝蔭如坐春風病骨蘇便爲先施慚後至也添佳話入同途

曲江丞朱肇修攝令仁化遺賀

一笏惟堪挂碧峯微吟時復對蒼松已分韶石烟雲外元在君家雨露中宓子五絃傳父老魯侯三異驗兒童遙知聽鉢題詩慣不爲鐘聲怪遠公

仁化新自曲江

賀張斗雲開鎮南韶

萬里風塵點欲浮巍峩砥柱立中流陣頭雲鳥分三畧管內英雄壓九州茅土崇班開國貴鼎鐘殊績世家收皇岡未覺簫韶遠更繞籌邊第一樓

徧行堂集詩之十

丹霞今釋澹歸 造

侍者 古踰 古旛 編

五言排律

堯文初度

撥火鐘沉夜馳賤嶽降辰青村枝幹大赤伏委源親
鵬翮連風遠鸞刀合舞新談經頻奪席綰綬莫沾塵
他日應封茂今時亦借恂恂也纔破臘逢矢卽回春
豈羨安期棗還持妙喜輪法城長作王佛屋暫爲賓
蟹眼餅曾通蝦鬚杓未申白憐依桂朮那得比松筠

徧行堂集

卷三十一

玉杖扶雙鶴瑤階角衆麟淳龐留不盡壽考賴斯人

輓故水部李授平

劇語深春夜寧知隔死生殮猶難及日葬莫問歸程
湖海襟誰濶山河淚獨傾商周羅法物王謝擅家聲
澤爲詩書厚風兼翰墨清不辰當劫火多難觸奔鯨
方木留餘斧焚巢落覆城驚絃非鍛羽詠史必霜纓
昔忝并州誼曾無京兆名部民過謹飭釋子更逢迎
衣食還分念圖書每共評悠悠憐薄俗往往怪深情
濁水休污濟青梅待作楨蹉跎驚嶺晚倉卒玉樓成
凍餒遺妻子天涯鮮弟兄百年茹露短一命鶴毛輕

似爾悲萍梗因之感甲兵無辜禦魍魎有伴付鼃鼃
旅骨皆如此柔腸各自縈山中餘布衲揮涕滅孤檠
退菴若海過訪海幢

野寺息長夏涼風偏會城素交搜暇日雅集問孤行
是月水花滿憑軒竹樹清分曹仍密坐俯檻得深耕
遠翠圍金地輕紅剝水晶披襟當爽邁極望斂虛明
瓔珞波旬擾香華帝釋擎白頭休感慨青眼足逢迎
二士同心譜雙蘭竝蒂生晚江吹雨側落日磨雲平
丘壑胸中事烟霞物外情回車頻有約真不避鐘聲
孝山四十初度 正韻

徧行堂集

卷三十一

東海神仙窟西江篆籀文九苞將下鳳五色自屯雲
姓在機山得家從醉里分樂邦金齒欲界石麒麟
指字觀童子占星識老人盤根愁利器聖主卜賢臣
蹀躞圖披駿快搖翼化鯢有與題別駕無杖免參軍
捕鵠休頒敕懷金莫到門幸臺長此時平水不教渾
一路天垂象三刀夢卽眞東西山竝佐左右陝同巡
嶺表寧荒服雄關實要津溫溫古刺史落落歎遺民
兵燹疲奔命鋒刀懾斷魂剝深完肉少蠹達剝膚勻
病發餅間露寒催脚下輪日車甘避夏斗柄只移春
永夜開廉范頻年借寇恂歌謠餘十載鳴吠接千村

禮樂猶堪作枿楊莫更陳紙鸞呼父老竹馬妬兒孫
別有西方據當君道樹鄰旌幢圍乞士宮闕蕩波旬
丘壑同心切篇章勅敵均飛賤來月脇遊屐過雲根
跡拂雞林舊情兼鹿苑親冷然能致福久矣獲依仁
七夕銀河淺仙城紫氣新預期開壽域秋色滿清尊
結界難驅鶴迷方欲薦芹食桃留巨核采栢養蒼鱗
有祝無詛語先憂後樂身黑頭公望著赤腳道情敦
歡喜還初地禎祥帶夙因論功纔活國序齒卽空群
四十黃堂久三千白業純生成金粟貴漂雪玉泉溫
迢遞中書考留連前席詢雙轡扶日月獨坐奠乾坤

綠野高先輩清流滿後昆祇桓資柱石香積正饔飧
陸亘休疑石龐公復種榛毘嵐吹不倒步亥數難掄
大隱非心跡玄機置主賓晝長嫌賭史酒薄棄毘崙
骨老添兒齒山南看北辰六鉢訓解脫一縷蒼氤氲
此日空生覺隨時獄降申地天人竝越來去現無痕
本是公家物休誇絕世珍詩筒諸頌禱手信畧殷勤
鷹爪蘭邊影蒲團石上皺水天千里月元不隔微塵

漢神初度

維嶽神中貴乘鸞下玉京鶴毛彌月潤之字百回明
脫穎驅兒齒摩空握壯行八風吹地轉雙日盪天傾

莫逞操刀手曾傳鼓篋聲識時推俊傑明變習忠誠
異績留鳬鳥嘉謨寄水衡扁舟歸獨斷一木歎誰擎
齊國譚鄒衍元王醴穆生輪心方就列退步復辭名
赤幟新詩望清尊舊史評桐鄉猶父老鄴下遇公卿
大隱存朝市高年入老更不栽千樹栢每合五侯鯖
隔我丹霞夢深君白社情首功資介紹決策走鼙鼙
四月清和節三秋寤寐弁言尋六矢遠如見五雲輕
佛日青精飯仙家碧玉笙歌風虛度數戰茗得逢迎
應繞芝蘭室長聯松菊盟椿枝茁未拱烟景占無爭
此地鄰洲島他鄉厭甲兵持將寶掌願洗眼看昇平

黃岡萬考叔與予別二十年得一再見遽卒於
仙城之旅次儒術難起丁此世變抱憂以生
與第俱盡易簣之際未遑永訣感不能已悼
之以詩

灰別休相惜生存益可憐老親餘絕塞釋子隔吳天
四壁徒虛耳三秋望杳然書空惟悄悄束帛定寥寥
傲骨馴難久柔腸黯易牽二毛增點染一枕伏沉綿
豈有修文舍來徵尚武年才名傾鬼伯風俗降時賢
魂氣歸丘里啼呼問祖先家聲非自落骨相爲誰傳
寂寞仙城外炎蒸瘴海邊夜懸潮泥泥曉墮月娟娟

二十年前斷三千里外聯無端成一會有恨復重泉
汝弟同門舊君家撥禍偏凋零殘虎兕狼藉信鳥驚
訓唱盈持帙招尋罷扣舷素交存後事王子泛愛訪
遺篇瘦卽諸孤在窮將薄命填每慚僧老大難說道
虛玄已負無生勸誰操未久權回看易簣地一慟失
枯禪

若海初度

中天午月正南極一星高霞外飄絲竹雲閒寄羽毛
詩書開鳳藻弧矢發龍箝共許雄才起仍爲至德包
金臺新到馬玉水漸騰蛟初寶謙回吉六爻

盤根當利器英鑑奪秋毫倚首懷黃雀虛心席白茅
弄丸曾解關分宅每存交幕府推長策軍麾誦獨勞
夜深前借箸流遠上投醪養虎無全肉煎鷲不斷膠
連鰲寬置餌驅鱗廣容初美玉仙家種神珠頂族操
大音傳鼎呂玄賞結風騷世室兼新命盈庭遠俊髦
御風天浩渺戴草日遊遨織女輶方舉胡僧磔正拋
偶來蕭寺靜閒聽竹牀敲泡幻容親證玄黃歎爾曹
人天迷領袖身世覺蓬蒿還石依師窟移松冠鵲巢
布金訓賂史持地協堅牢人社還攜陸聞鐘卽喚陶
古今無異路眞俗白同條直下充千佛從旁失二豪

雨三初度

靈山聞得得樂國多驚囂北斗醉斟露東方錯薦桃
碧瞳圓出角黃髮卷藏梢憲老憑樓至呼童走大撓
還踰八萬歲不借五千杪雞足峯三點蓮花海一幻
無生非可學全體更何逃各有年如此人曾過幾遭
嚮明雖見影畫水豈留刀只在紅塵裏休將白首搔

府庫初知足朝廷豈患貧富強非雜霸節儉是宜民
五馬閒詔石雙幡領縉紳懸魚驚未俗開火照比鄰
反側收安枕流移散積薪雷霆驅痼習霜雪化深春
直道舟車約閒情筆墨勻全交金粟稟造士玉彬彬
錫我初禪地依君千輻輪天涯同作主來往迭爲賓
不說生緣切焉知報土眞法筵資柱石佛殿闢金銀
別有吹噓便兼能領袖頻宗雷遙結社蘇白渺同倫
蔽日風霾斂刷牙虎豹馴朝陽鳴鶯驚出火走麒麟
解脫還丹熟安般道業純箋經餘聚栢練色上松筠
白髮滋青髓黃麻降紫宸六天留內院八道指迷津

修臂乾坤轉方瞳日月巡最難掄甲子不用守庚申
憲老逢迎葉齊年失大椿莫將無量壽添作未生因

壽白巖公

大梵諸天輔分藩異姓王自然移氣體一有副元良
福慧修兼足親賢鎮各方蕭聲蜚逸韻龍種發殊祥
轉軸乾坤外懸弧日月旁金團初有選剎利更無疆
爲說人希有應知世永康照臨天上下沐浴水溫涼
大義觀前史雙眸走十行花殘元錯彩白羽又穿楊
憶到含元殿如登善法堂星辰聯北極冰玉映東牀
寶帶垂同繫銀鈎寵獨防火城俱守黑星駕只飛黃

編行堂集

卷二十九

七

吳芮居心靜錢鏐繼體賊西枝違劍履南服引梯航
定省恭靡闕懷柔道未荒爪牙驅乳虎頭角攬神羊
莫取縱橫畧兼容大小匡鑑存依左右衡準恰低昂
八正交仁術三尊失智囊五仙磐石真四皓鬚毛蒼
功戢韓彭競形兼支許忘已聞靈樹囑不惜下風翔
寂歷丹霞士馳驅白足忙三生勞結契七日怪流香
每覺虛懷近能容故態狂一莖留豎掃半世及行藏
少昊清秋正銀河素練光彩雲圍綉戶白象載明璫
月有如如頌詩賡九九章麒麟分酒炙鸞鳳夾笙簧
太子園林茂元公帶礪長法流回砥柱佛日耀虹梁

自古惟心訣同歸不老鄉博陵雖扣擊宗杲漫商量

數量窺無始虛空落未央石堅芝整粟角壯馬騰驤
無縫黃金增深盃白玉漿英華團雨露骨幹銳冰霜
社稷千秋器江山萬里裝生成繁秀草朝夕挂扶桑
國取民爲貴生知佛有常天門羅紫戟地望疊琳瑯
頌禱誰能擬威神不可當人天纔失措日月便難詳
此事無邊際乘時卽道場寶珠輕錫予梵網重宣揚
壽域開新國全身配古皇崑崙崙隨足下任舉紫霞觴

壽蘇商卿憲副

瀛海今何日如雷忽下籌共傳蘇學士右拍古浮丘

編行堂集

卷三十一

八

上客千秋引群仙百尺樓五雲生北闕一鶴下新秋
健翮高無比長江遠未休賢良名藉甚爵祿勢難酬
西顧紆當宁南絃發柳州江山消瘴癘搖搖御歌謳
攬轡資英畧安邊得壯猷追風輕萬馬破浪復扁舟
此地疲鹽筴何人獲野謀使君饒大節載道咏清修
蠹食方全剔瘡痍亦漸瘳澹齋窈窕伴肉空海剌翔鷗
尚有緇衣好兼爲白足求一時成倒屣六月敗披裘
總作攜瓢慣難教插草收護持憑地主超越在天游
我法非思議公才不等流三身誰豁眼一點便低頭
座是金剛結盃將玉液篇黑衣填將相紫綬立公侯

醉舞屏間雀輕扶杖上鳩翕張師象口咀嚼鳳麟洲
憶讀樵雲句如歸賢者疇文章雄倚馬器識穩依劉
不分同敲鉢誰當問打毬隨車看白鹿挂角聽黃牛
已後瑤池賞還先寶鏡投五天慈氏長八法淨名優
莫更添無極安能觸不周此光同此壽浩劫共悠悠

石友初度

孟城初擁鶴覽社更浮珠秀骨名流異清襟世德殊
十行穿過電三篋駐遺書早歲開鴻翼雄文接鳳衢
黃金園芍藥綠水湧芙蕖發烹鮮外城當保障餘
有群空代馬一鼓走齊竿李杜才方駕龔黃績埭驩

編行堂集

卷三十九

九

百泉分石鼎雙鹿夾彫與帝念瘡痍劇誰論耕鑿迂
三農馴盜賊半部續師儒福曜天心協生辰斗口吐
赤衣難料理貝錦信乘除南海神仙窟東山雨露需
此行高玉局休歎服鹽車潔府清猶水方舟縱似魚
人咸依濺澤國豈匱儲胥揮塵絲天縱焚香味道腴
雞棲憐瑣屑犬吠蒼空虛斟酌公來處超曠世所趨
法雲山外倚義海日中舒昨有崇蘭會如過摩詰居
二千瓶共寫五百座皆輸淮海西方種台衡北極樞
辯才麾切玉智眼仆交蘆行止還山峨溫涼出水杆
壽星日向戌天保頌歸如紫海桃頻薦黃流斗自斟

笙歌勤繞戶蘭玉笑牽裾咫尺呼三島尋常掛六銖
繡屏張孔雀仁術下騶虞別自雲霄質寧同山澤癯
七輪增劫齒八水寶蓮鬚授簡難從衆訓詩念起予
護持勞欸欸報稱畧區區舉指添恒嶽延年出土苴
顧慚芹子腹卻借鳳凰味黑白難填處相期問屋愚

端四初度

我有長生術曾推大覺仙元無一字訣堪與萬人傳
器廣能容福心通卽勝天帶雲浮寶月處陸湧金蓮
此識黃山谷因思龐道玄絕塵飛驟耳居業抱青龜
白下干戈滿孤臣離散偏馮驩留劍缺楊僕擁樓船

編行堂集

卷三十九

十

席借賢王箸鞍憑記室牋早霞毛穎外夕漏冷灰邊
畫字謀何密掄才鑒獨研虛心常處後義舉必爭先
東魯諸生節幽燕大將權風雲聽指顧花月看差肩
畫角勞霜露深盃酌簡編喻心惟五柳拂指罷三絃
孝子慈闈順嚴君象胤賢多生熏白業百道走紅泉
付囑靈峯遠扶持墨守堅應與僧五百講藝客三千
昨日金團報今朝玉兔圓九秋清瘴癘五嶺息烽烟
仙籙應留姓然燈孰紀年過人歸老大成物費纏綿
已信行爲絮休疑後不鞭松筠軀冉冉經史腹便便
近結丹霞社遙觀紫氣躔似公當住世愧我濫棲禪

迢遞頻持鉢蒼茫忽扣舷力難同賀燕容易倩歌鸞
涓滴曹谿派塵沙泰嶽巔豈能加頌禱聊與說因緣
仁者宜多壽先生得萬全好風開密藏流水駕深淵
兜率隨身殿毘耶敵法筵釣痕明月渚鋤齒碧雲田
北海尊長滿南山影不遷請將八萬劫過電一針穿

留別阿字兄

法門流勸事比日竟如何大士忍爲鎧廷臣谷有柯
津梁禍本大衣鉢罪名多孰與留標榜誰堪挂網羅
吾兄秉慈定百鍊未消磨一喝驅迷悟雙鵬落佛魔
弓刀冰雪冷香藥瘴烟和蹴踏空千里經營冠十科

龍天依界道鱷海舞風波夙願惟擔荷平懷更馭娑
自憐孤掌拍幾見數人歌我有塵沙惑虛拋日月梭
心肝啼歷落齒髮脫蹉跎每覺宮商應時因烟雨過
垂垣分小棗映水出圓荷短錫欹安隱深文入輶軻
簸動沙眼決棹急柳絲拖出格來闌闌焦茅掩薜蘿
椰榆逢路鬼崩囓吼江鼉去住誠無據寬嚴互有訶
此生猶弄影不變信觀河淚落珠川寫屍纏華鬢槎
終當崇塔廟兼爲戢干戈鈍漢秋霜籜諸賢春夢婆
三階登萬趾獨座正群訛尚領驅馳責休尋安樂窩
檀林圍茂密甘露灑滂沱破涕題僧史留歡報女媧

刀猶藏靜藹飯得飽廉頗斟酌東風便還來問白鷺

壽退菴

盛德初逢亥長生卽指寅高深元有本覆載更無鄰
明府中江望巍科上國賓一時推器識三策冠天人
蹀躞輕千里春容吼萬鈞飛騰應致主親切重宜民
製錦來花縣操刀獲巨鱗白雲方沛澤珠海便通津
疊矢驚環甲揮毫伏縉紳舉鞭連鐸震抽刀斷絲棼
輪輓舟車駛耕桑雨露勻龍鸞同跌宕蛇豕各逡巡
績報交南最才空冀比群自兼文武吏未雜霸王臣
大洞開新錄西方現夙因篤生熏般若戮力禦波旬

壤錯丹霞遠功扶紫玉勤始終皆徹底操縱不辭頻
辨轉波瀾濶持堅柱石均香花周兩座鏡像入三輪
此社兼支許當年擇孟荀雄才長出蜀聖教昔通秦
牧馬襄城得騎牛露地淳參差吹嶰谷霹靂起柯村
近有留髡難遙憑護法存殘骸拊聚沫濁智失追豚
遽理歸山棹難趨降嶽辰蓮花五色異寶樹七行新
日月經前代芝蘭發後昆鹽梅調鼎鼐霜雪避松筠
長老跌邊月如來頂上雲豆肥絲冉冉栗瘦石粼粼
露濯仙人薜珠分居士榛光明圓法界數量過微塵
駘背先黃閣方瞳射綠尊紀功肩最重序齒陟崑崙

醉白安元老垂魚領子孫彌天馳頌禱特地補寒溫
尚愧敲銅鉢相將扣瓦盆百川傾到海千幅走爲春
不見韶光滿焉知大化敦我聞如是壽公卽本來真
同德歸仁路殊祥集信門前期慈氏在莫負覺王身
停沙汰志頌四十韻

有詔來天闕相傳自海幢遂停沙汰令不遣鼓鐘荒
覺道圓三世慈門慶一匡闡提心豈異梵網戒無忘
梵網經有非
法制限之戒轉從誠懃憫流通信有章爲人崇福善
與國走禎祥妙悟追先帝冲齡繼盛唐枝條趨印度
車騎拂扶桑七寶三乘飾千華一葉藏何辜蒙害馬

石印堂集

卷二十九

三

此路得亡羊勿謂驅除快應思迷作傷異端憂悄悄
正法用堂堂乞取孤筇字言旋道德鄉幾生懸白月
半榻飽清霜僅足填溝壑深慚動廟廊從容裁吏議
決定出乾綱始讀騰師象重宣舞鳳凰不過尊志事
已見橫津梁甘露軍持外卿雲帝座旁吾徒資覆載
佛祖許超驤老病終安養英才足闡揚莊嚴還塔廟
接待儘梯航般若流輝滿菩提密蔭涼護明垂果熟
帝釋雨花香王度寬相畜僧規好自防野干休僭越
醉象莫猖狂實地修行海空游寂滅場袈裟如變白
綸綍復批黃我喜誰知懼甚明輔欲良住持多國土

付囑峻宮牆八極金輪遶三時玉曆長六龍天上下
一座地中央強敵輸千子同風協萬邦兵銷遲舜禹
刑措少成康大梵傳聲遠波旬革面降隱消山木恨
顯發水雲光記荊留人主依歸藉法王身心塵刹奉
誓願劫灰償寶鏡融諸相檀林秀各方併將八萬歲
比德遜無疆

送融谷還當湖

慘澹傳風雅從今得幾人沈侯殊命世家學渺無垠
鼓篋先吟鳳懸弧早夢麟墨池波浩蕩筆陣嶽嶙峋
元白休強敵盧王漫逸群風流張緒合蘊藉孟嘉分

石印堂集

卷二十九

四

別館天峯麓方舟珠海濱丹霞雖草草碧水尚粼粼
蠟展攀蘿遠題牋刻燭頻史裁三善備詩格五言新
野老慚焚硯吾賢妙斲輪相看兼鮑謝不厭重機雲
濶緒經年久遙思後會勤贈言虛皓首折柳正青春
桂子香飄穗桃花錦織茵凌飈開雁塔激浪破龍門
壇坫歸詞賦絲綸入典墳神明聽正直父老望平均
率土靡安枕乘時莫愛身千華臺上事斟酌在王臣
舊臘枉融谷札云孝山當於新正至韶石及予
次相江孝山已還治溯流而上抵見峯灘卽
事有作時融谷將歸當湖增我離恨詞無倫

次聊以見懷

欲掃三巖徑寧知五馬歸扁舟來自緩尺素黯相違
未敢敲山栗無由折露葵便能重唱和早已失追隨
更逆凌江月初聞韶石雷黑雲濃聚墨白雨急淋灰
上絳囊衣闕登涯梵宇頽芒鞋吾許子脂帽爾爲誰
不得清汗濁那教成有虧寄懷雙壁重續命一絲危
豈惜源源見都非淺淺窺四流風粹美十地月光輝
鹿苑長披棘魔軍屢合圍思公同砥柱與俗異鑑鑑
易枉遼天鼻難忘脫穎雖仰山曾契陸黃檗就呼裴
此日看舒柳先春憶餞梅沈侯將別我老淚不禁揮

編行堂集

卷三一九

五

寄壽陸未菴太翁

有人持玉髓彷彿下丹梯爲報祥刑老今年甲子齊
五雲馳火馬七日放金雞盛德虛黃閣長生越紫泥
於翁遲法喜令子得天機駿骨空馱裹鉅鋒瑩鵬鵠
安邊兵易戢折獄吏難欺佛母先垂蔭官場肯啜醢
清猶聞瘞鹿寮不事然犀到海江河潤登山泰華低
拂衣休夜漏開卷慰朝饑竹柏誰相顧冰霜且自攜
千篇留檢韻二屨落圍棋徑遠芝蘭砌高行桃李蹊
肌勻紅芍藥目淨碧琉璃興誦三多足公堂萬壽躋
瑞星千氣象靈木見根柢卽有蒲輪召曾無古鏡迷

自然成寶相豈用刮金鏡逐日憐夸父憂天笑魯姬

一枝逢陸亘四問失王倪斗柄南看北桑枝東說西
笏牀朝隱几硯席俯磻溪縞帶雖無取詩筒不費齋
龍華存舊面鷺嶺得新題永夕分光處容吾乞杖藜

贈別來宜公之嘉魚令

別來重得見心折許誰知了事俱無味閒情剩有詩
一官留蘊藉此道免磷淄竹馬仍相問蒲鞭更不笞
鸞刀當煥發鳬鳥忽參差列宿天垂象傳經吏作師
條桑開獨智過雉戢深慈密雨分三楚和風入四時
正名刊赤壁借徑上天池五等安人賞三台論道資

編行堂集

卷三一九

六

送閔保昌擢守葭州

已清豺虎穴休損鳳凰枝後會憐難續離懷豈易持
江花濃染纈岸柳澹拖絲比去驪歌速南還雁札遲
半間雲未盡九色鹿初馳莫道丹青遠雙眉結紫芝
只擢葭州守難酬保障功此邦當孔道百戰起悲風
九牧羊俱敝三征軸自空垂纓將侮嫚制挺失從容
閔子吾賢紹凌江令尹宗丰裁驚俊邁作畧具圓通
慈母威兼攝醇儒義獨隆簿書消大吏牛酒息群兇
花柳千村異絃歌八載同益刀猶泛泛獨坐莫恩恩
僻地勞堪止邊隅稅易供黃河驅霹靂華嶽削芙蓉

且約扶霜竹相攜對雪松病身蛙蹙蹙衰鬢鶴毳
鐘鼎公宜取烟霞我未窮與愁田有累還祝歲常豐
布地檀林遠因時化雨濃去雲籠袖白海日照窓紅
事出排場外心存護法中臨岐歌一曲揮淚各西東

迴龍卽事用鍾鶴韻

更欲常常見真成欸欸遊急雲新過雨列岫澹橫秋
好友攜雙屐閒僧共小舟殷郎寄申鍾鶴同舟來逆林烟猶斷續
澗芷忽沉浮隄潰知誰補湖平信自謀湖平有識邇迤行
撥草曲折看隨流羅帶崩騰下浮圖截業收相迎纔
一笑佇立定三休海菴深先至礪礪衣同解登臨韻各優

補行堂集

卷三一九

七

發茶香泛泛倚竹影修修遺伐傳青史迴途指白牛
法門懷柱石家業歎箕裘寺爲葉少保龍潭公建公與真空禪師法喜遊最厚
散步忘前後微言足唱酬未思重閣麗欲結小亭幽
江濶天容俯山長地脉柔尋園休問王駕楫重分儔
隔雨風生箭穿霞月上鉤景饒詩更出興愜病還瘳
忘中以尋舟雨體殊不作及此而愈豈有涼炎異何當水乳投別峯
仍卜日良夜約登樓落影全空翠餘情寄海漚諸公
真好我此意古人求

諸子有相江夜泊之作漫和此詩并以志勉

逝水孤城外輕舟積雨邊何由逃寢食不敢恃山川

急柝中宵斷疎鐘野寺傳漁燈明遠浦雁影滅深烟
客久夢如故春初病未痊絲絲猶灑地剪剪欲開天
朝市爭誰在風波愛我偏才名餘墮落景物罷留連
多愧惟空谷無聞且暮年諸君乘壯色莫讓白雲先

余素思明府初度奉寄

歲德無冬令長生此月看鳳鸞曾有敕鷹隼莫相干
宓子琴如故河陽花未殘龍巖千尺秀鳬鳥一雙完
兒女留新息風雷避灌壇螟蝗清四野灘灘下前灘
座上南山峻尊中北海寬道存黃紙押顏渥紫金丹
納影空懸鏡隨機得走盤幾時來妙喜有記在祇桓

補行堂集

卷三一九

六

公綯初度

霜雪全開麗松筠獨倚寒尚憐書帶草不受小春瞞
雅樂千秋引疎林一曲彈桐高呼鳳集潭靜識龍蟠
出嶽資雲雨摩天刷羽翰繡川分點滴瀚海合波瀾
駿馬登危坂輕舟度急湍陰符箋借箸仁術起投竿
各得飛潛易誰知覆載難焚巢非望息破卵不時完
網漏偏擒鱸橋成各跨鸞花田新綺麗雪窖舊辛酸
蠻觸驅三劒膏肓寢一九紫門金匱匝繞砌碧琅玕
紫氣星邊得青囊肘後看白會三進履隨分九還丹
潦倒梅花帳蕭蕭竹籜冠詩書延稷下珠玉走毫端

肺腑王門重斑斕子舍歡戢身欹警枕賴面照秋紈
大道朱絲直圓生玉露溥采山憐小隱失路驗高官
六十行年化三千享士寬白雲籠在袖赤日湧如盤
豈有觀河異休教現跋殘松筠元共老霜雪本非寒
長老峯爲座將軍石作壇多時勞外護絕學罷中乾
盈室籌須點虛亭夜未闌南山兼比極步步透長安
煥之初度

今日尼丘事何人復起予繫麟傳素紱吐月得明珠
萬物靈兵氣斯人挾秘書家聲存冊府將種出醇儒
起陸龍蛇盡焚山玉石俱吹毛曾縱擊喋血更先驅

補行堂集

卷三十九

元

大樹深憑後孤燈嘿照餘自知來處別休索古人居
獨立群峯繞同歸衆壑趨眼前太極說腳下指南車
失路悲猶豫循牆笑暖姝圓融全道器銷殞落空虛
我本逃禪客真成反老駒將鬚仍怯虎點額未離魚
切玉思追琢流泉想灌輸千尋瞻挺拔一諾委膏腴
五施分河潤雙輪榔土荳入林雖草草剪燭尚區區
跌蕩風行水掀翻井甌驢散腰垂薜荔夾脊瑩芙蕖
大用藏龍首鴻章集鳳味國名從妙喜箭鏃直文殊
終始無心量縱橫轉道樞不還當讓爾先覺定憐渠
引義推三絕陳詩過九如他年言滿世此日喜充閭

祇見雲無馭仙衣各半鉢自聞天有顧踟蹰節總康衢
送朱說梅明府歸里

且作扁舟計難將三徑疎去思猶縈繆來日未荒蕪
古道靈光殿春波范蠡湖短轅乘下澤一笑慰窮途
海岱紆高視風雲待壯圖卽家仍綰綬入夜絕援枹
酒醺韓陵醉茅分卓茂初畫幃先見鹿張烏莫成鳧
別席憐康樂牽繩記給孤過關誰放鉢鑄鏡自開鑪
欲寄梅全放將離柳半枯聯舟吾有恨斟酌到山無

寄馮蒼心文宗

何處能相見韶陽憶別峯跡超來往外神在合離中

補行堂集

卷三十九

元

異質鍾勾曲無師得大雄駿聲飛北極壯采冠南宮
直許連城重群隨一顧空單車驚負弩雙管美雕龍
枹鼓皇輿淨詩書海甸通嚴霜梳穗石膏雨沐芙蓉
紫氣初浮劍清音罷爨桐文衡三尺法人樹百年功
誰展烟霞譜曾探水月蹤有碑鐫白字此路盡青松
優鉢華前夢毘盧頂上逢入門推陸子得座囑馮翁
不獲延高駕相扶折短筇溫恭傳大度豁達辯來風
實際融緇素虛名出異同交肩留契濶獨立想從容
石畔題枯葉天邊寄斷鴻片雲如可納谷口未全封
送楊汝鄰之宛平任

萬里西山月秋空執袂涼君今蒞京邑芝草冠群芳
北斗依天近黃河到海長願聞強項令風骨邁三王
虎豹深林起狐狸白日藏自然資彈壓從此步康莊
卽許來騏驥誰憐過鳳凰爲看童叟淚風雨溢滄江
我有枯禪窟非錐更處囊幾分香國衛忽送鬱林裝
片葉見峯下重雲人面旁無由邀杖策彷彿露旌幢
大業開皇路全身入帝鄉此中雙鏡影合照未能忘

李官奉裁漫柬萬松溪

昨夜秋江岸雙聲倚鷓鴣士師無着處何處着陽膚
海嶽兵難洗蟲沙想愈疏閒雲催案牘歸楫滿江湖

補行堂集

卷三十九

三

不覺春風舊真憐棘寺孤龍蛇同踰蹠玉石共泥塗
驚驚朝陽緩狐狸宿莽呼勝情金地約秀句玉臺通
有意栽榛子無洲問木奴幾時攜短策相對畫浮圖
夢後看成毀漚中笑有無十年分半芋一棒失交蘆
霖雨力方壯蒼生氣未蘇神龍猶可借天地莫荒蕪

王卜子明府初度

移取耀碑潭來從廉水探明珠方照乘寶劒卽離函
降嶽生皆甫先年老似聊弄九空得五對策勁餘三
繩祖鳬飛鳥憐人笥脫衫牧民驅害馬種樹擇宜蠶
吐鳳詞尤壯驚蛇筆正酬自然適百祿何必讓多男

歌舞千秋引圖書萬軸耽碧瞳窺湛湛黃髮被髮髮
日月拋金彈乾坤任草菴我來看壽量一見識優曇
蓮葉爲臺巨椿枝落筭纖與公稱善頌古佛尚同參
甘露浮仙掌薰風飽布帆臨岐且珍重春色滿東南

壽熊東洋明府

此日瀛洲客誰歌天保篇彫輿扶瑞鹿繡葆擁文鸞
異氣全鍾嶽驚才忽湧泉乾坤輕一步日月重雙肩
百里花封滿千秋寶鼎傳疆宗消拔薤大國小烹鮮
撤網初留鳥抽蒲卽置鞭詩書猶古昔丘壑儼神仙
絕智熏成種深悲下作田松筠數具外瓢笠鼓琴邊

補行堂集

卷三十九

三

老衲司農許新詩太守聯黃梅聞見正綠玉護持專
熟處寧關識生時不借緣晨昏訓四百開落直三千
六琯飛長至初陽結大年五芝分砌下九鶴舞庭前
未得陪珠履相思寄錦牋持籌添石室落拍起師絃
几杖南山峙旌幢北極懸紫雲湖上水十丈發青蓮

寄沈赤巖別駕北上

記取三巖客相思五老峯有人傳妙囑八詠起清風
把翰初題柱隨囊忽挂弓長纓來關下短劒入軍中
借箸謀纔決圍爐字卽空碑屯筆陣壯焰染墨華濃
倚馬常分頌旋車輒論功建牙何事晚別駕未爲窮

萬頃雲纔白三更燭灑紅春風四邑異秋水六橋同
至治休存術奇才必探宗棲賢家業舊石鑑祖庭雄
舍利環橋湧軍持掛角逢高言頻促坐勝日便扶筇
尚阻趨朝敕如聞到寺鐘心馳匡嶽北目送庾關東
我有鴛原感將無鶯嶺通迹兼浮野馬盟各指深松
千里情非隔三生夢未終刺絲能出象投杖得騎龍
沛澤歸瀛海陳詩比頻宮殷勤天際語分付雪間鴻

還丹霞留別孝山

春色隨流水秋心託短篷主情深域外客思滿山中
八載扶持遠雙眸護惜同雲根栽樹隔石脉引泉通

補行堂集

卷三十九

五

堂構資全力門庭愧匪躬米鹽分盼疎土木起幃幪
龍象千群集田疇一鉢充烟霞開五馬風雨挾孤筇
晚覺騷壇壯前期法社崇新文垂聶嶺清韻落梧桐
佛事真家事吾翁似若翁戒珠移明耀慧日稱昭融
須達園中別毘耶室裏逢川巖觀落落燈月影重重
去折橋邊柳留看屋角峯知心多倚賴生計各疎慵
憶昔論桑梓于今合鼓鐘殘身餘感激在劫定從容
廬嶽勞償負靈山恥論功迢回江左右迢遞粵西東
脫帽頭輪黑攤書眼剩紅青藤憑送老蒼壁罷觀空
乞士非無累先生念有終頻煩愁日暮將順慰途窮

高峽思垂釣相江憶種松下灘乘化雨歸路展薰風
未玷須彌座能忘睹史宮姓名鐫琬琰杖履貼芙蓉
此別勤回首相思輒點胸才華慚伯仲德量失英雄
入市曾騎犢爲霖但救龍何當黃葉落更借白雲封

送沈存西還當湖

老懷偏在客別緒正逢秋豈少經年夢誰多十日留
逸才方倚馬盛德不翔鷗躬自生成厚心從閱歷柔
雙眸消古處一面失時流今昔論無盡存亡問莫酬
新詩分舊感時及石城令先凡征事合坐起離愁杲日隨俱現
孤雲過各浮初涼晨露引殘暑夕風收映渚憐扶杖

補行堂集

卷三十九

五

迎山喜蕩舟題艦仍得韻折桂更傳籌且慰天峯思
還同錦水遊境偏霜掃葉客好月窺樓遲速吾何定
登臨興或優梅花寒故國荔子戀炎洲白髮徒追往
青藤未解休短篷無着地長策有披裘記取鴟夷約
相逢海一漚

大風

未聞六月息更具四方風爾復因誰怒民兼值此竄
深林追虎豹濁浪卷魚龍木石微塵墮帆檣敗葉空
吹砂遮地黑啣燭避天紅馬跡平城外軍聲鉅鹿中
雷霆初側耳光電忽交胸去泄涇陽恨來爭砥柱功

釣鰲朝奮鬣役鬼夜移松大塊東西圻圓機上下衝
何人符六震援例失三公帝釋威方整修羅勢尚雄
刀輪千臂落藕節一絲通魑魅徒強弱神明豈異同
野夫觀似幻豎子夢還濃薄劣慚飄瓦顛連昧轉蓬
解囊俱破口盡滴不留髮人面憎飛鳥蛇皮遜老翁
崩騰摧穴蟻簸蕩決沙蟲宦邸支梁棟嚴城歇鼓鐘
前途歸程杌人息罷從容劇禍傳淮北仍災見粵東
妖祥輕有喜補救重無終早起聽聯騎遙思屬斷鴻
鷺潭新劈箭香浦近傷弓慧日潛垂照迷雲顯擊蒙
山元擎鼠影莫動芙蓉那得餘音在蕭條戀短筇

編行堂集

卷三十九

三

留別舜初制府

異人乘景運間氣毓神州鐘鼎家聲遠詩書國士優
早年當遜業聖主卽旁求特借摩天翼兼成掠地謀
鳳毛傾鷺鷥龍種壓驍驍彩筆江花發金蓮月露收
禁廷推頗牧苑苑奪枚鄒不少君心格將無民事憂
福星懸節鉞儒術起兜鍪清華黃河濁高齊泰嶽秋
比辰三極正南海十洲浮此地瞻雲隔何人賣劍休
嚴城穿虎兕赫日嘯鸛鵒容鑒掄開府風行速置郵
觀獨對曉轡失同流集野初登閣防邊忽倚樓
揚刺靜上考雉飛調五嶺全襟帶三江半臂韉

觀重消害馬凡榻共眠鷗量闕區中大心通物外遊
偶來枯木衆輒比夜光投密坐曾留景開山復借籌
金繩交道直寶樹七行周千佛尊安至餘生老牧牛
護持存塔廟感激指松楸忠孝情雖摯明良路更修
道垂綸閣重條向衰衣適敦召頻騎鳳扶觀各杖鳩
秋青分戡定李勉合懷柔地位青霄濶襟期白業悠
霜濃圖赤壁霞蔚賦丹丘別鶴遙成夢歸雲澹寫愁
誰家烟水外不繫荻蘆舟各具全潮量同觀泯一漚

庸菴得係

維嶽秋光遠充問喜氣新九龍遙結瑞五馬近登春

編行堂集

卷三十九

三

出穴跨丹鳳從天下石麟珠皆傳照乘玉不待垂綸
一索連元子同升有世臣豫章知七日予於七日湯始開此
餅會千人置膝觀而祖屏風避所親丹青開綺閣簡
冊映霜筠更舞會孫綵兼攜憲老珍紫宸扶杖緩黃
紙押花均盛事應無比淳風尚可陳名家推接武薄
俗羨歸仁器局真通量津梁實現身自然常了了此
後益振振燒尾聽雷壯枯毫遠甕頻爲招衣錦石牽
率舞江濱

留別顧象三別駕

又向何方見踟躕無定期高山千仞雪夢到北京西

子骨自峻拔俄爲宦網羈我君曾別豎全就出家低
未得逃同異安能算合離契雖要綠水足尚隔丹梯
念子美爲政此心良不欺惠民驅害馬察物厭然犀
北海清風滿南寧白月齊服從端水洗詩更穗城題
澗絕憐今日殷勤且路岐雨帆依倦蝶霜驛擁荒雞
丰采丹青出聲名臺閣宜庭前森玉樹方外隱金龜
莫遣飛鴻懶會爲獨鶴謀軍持如可桂何必定扶犁

李雲浦明府遊丹霞

江淨虛明斂山深紫翠開晴光如有待仙令得無來
近踐松風夢遙分雲水懷鼓鐘誠自慰花鳥不相猜

編行堂集

卷三十九

七

一坐空三際輝峯小八垓爐烟斜短榻菜甲正清齋
事與時俱集心知俗未諧高談多磊落野趣少安排
剩葉初浮澗屯陰忽轉苔從今仍卜暇論古復登臺
日腳猶隨鐙蘿衣恰挂鞋暫回持地力長憶御天才
易老塵容鉢難煨品字柴思君若秋月霽色滿閒階

鹿君符明府入山卽事

放衙尋玉版疋馬踏春風石轉天容削林開地穴通
千盤入幽邃一徑出高空興在神君發來應嘉客同
分行香海上合座雨花中水減曾城碧霜增帝網紅
瘦筇訝緊峭納陞想從容暫息簾釣下俄驚樹影東

旗槍非紫茵徽軫是枯桐照泯雙雙鏡情忘夜夜鐘
精華收澹雅氣象見昭融拊手窮簷活揚眉古道逢
醴泉纔飲鳳甘澍卽騎龍巖邑生成德祇園覆護功
自傳金粟種直過白雲宗去後灘聲咽歸前山翠濃
隨流看錦水密契指喬松黃犢軍持外相思得幾重
龍護午日書懷

法運當秋晚能忘去矣吟濁流嗟漏網倦翻慰投林
會許棲山薜非關蹈海深津梁宜左右消息敢浮沉
一鉢隨雲滿三巖自古今塵沙顏面卷霜雪鬢毛侵
人地疑相得師資喜共臨功成遲拂袖局變速分襟

編行堂集

卷三十一

六

行卽孤同願居仍負宿心每憐雙用足長撫獨絃琴
別院堪休夏翻經起夕陰形骸悲泡幻習氣笑書淫
佳節方搏黍賢侯且賜金歌風存磊落聽雨助蕭森
人故難莊語吾誰取曲鉞支離甘水草汨沒任雲岑
何日扶筇杖安眠就紙衾鴻飛天際遠莫遣獵人尋

次高念祖七夕韻

已忘今七夕不憶半生癡名士歎無酒病僧愁有詩
拙難尋置處巧豈待陳詞激箭初輪浪披襟且及時
畚田雲滿笠洗硯水分池彷彿深林裏孤燈伴一枝

七言排律

贈苗九符明府

掃跡初無一點塵，卷懷恰露十分春。
白頭尚記先朝事，青眼難留不住身。
自出雄文休敵手，孤行直道對斯民。
行窩率爾長爲主，醉石頽然便結鄰。
無可周旋寧作我，儘堪潦倒莫求人。
眼空今昔皆如夢，義越存亡獨任真。
支許堂中猶有晉，羲皇枕上忽忘秦。
一丘一壑全山海，大家雞好鳳麟此見已。
成阿閔國相思，卽寄蠡湖濱。懸知壯色終難老，錦水操舟更問津。

送融谷還當湖

扶病猶堪理瘦筇，尋常別恨豈能同。
氣衰自覺才將

補行堂集

卷三十九

无

盡室遠猶憐路欲窮，詔唱已消阿閔現。
登臨更逐輞川空，幾年夢落金臺月。
何處襟披玉樹風，夕上文壇司火鼓。
晨過法苑叩霜鐘，有時歡喜頻添鉢。
得此蕭森或撫松，悲業期君疏義海。
名山留我費枯桐，千華不隔形骸外。
三笑長存毫素中，誰勒穹碑擎鼠窟。
最定開寶匣，瑩芙蓉。五雲矯翼歸飛鳳。
九地蟠根放蟄龍，滿眼羈孤憑此物。
一聲安隱祝而翁，別尊人在西已久卻愁白馬馱經到。考山約來秋乃置鄉一藏莫覓羶羊挂角蹤。病不能

孝山招同廉哉融谷茶集卽事

一片青山萬古程，無人任處有人行。
同心別恨終天切，多病餘年故國輕。
閉戶恰當遷署冷，過關先慮客舟驚。
得遲幾日留譚笑，未卜何時洗甲兵。
擊鉢乍看雙律俊，早問融谷示詩折葵又報午齋清。
窮經自昔推槐里，點石於吾愧道生。
落草勿擒籬下兔，脫鞵便失臂間鷹。
須知鏡像都無物，試聽風鈴各不鳴。
高興每因疎曠發，卮言且向寂寥傾。
小春敵體同孩抱，絕智藏鋒獨老成。
太守鼓旗元整暇，野牛蹄角尚分明。
爲從旅泊尋歸路，卻倚微颺弄晚晴。
雲薄貽蜚愁問答，月窺宿鳥愴將迎。
前期斷續憑司命，往事支銷出化城。
點

補行堂集

卷三十九

无

點燈光移破枕蕭蕭茶響微，深更夢中彷彿松濤起。
斟酌荒雞莫喚醒。

甲寅冬日奉懷劉中丞

夢入關山徑未荒，望隨雲木思偏長。
溪邊豈得忘三笑，天下何由見一匡。
玉帳青宵提火鼓，寶刀白日散冰霜。
前徒定逐前戈倒，別騎還收別部降。
撥亂至今傳臥虎，觸邪從昔許神羊。
自聞反側俱安枕，不說驅除若探湯。
擁節幾時歸穗石，扣舷底事隔滄江。
病來眠食徒增語，老去形神漸易方。
度嶺據藜行躅躅，還山戰野值玄黃。
皮毛脫落新歡少，手足扶持宿負償。

寫盡寸心虛曲折看成萬里借騰驤歲寒曾結松筠
社地遠仍開猿鶴糧我亦流風存泡幻誰馳覺路到
康莊疎鐘獨發迎朝爽落葉同飛餞夕陽掩卷更愁
遮眼累攜筇卻笑爲人忙便須忍死圖重聚每念勞
生託短章巧試射麋雖整暇勢當倚鹿或猖狂起居
節後加餐飯擒縱機先審背吭徹證東方全不動徐
趨比極獻無彊綸巾羽扇眞名士櫻笠蒲團舊法王
舌卷梵天身徧滿門舒甘露國清涼男兒似此稱瀟
灑野史言之興激昂可惜殘年駒過隙恰題末句月
窺牕梅花未受輕陰勒分取橫枝半壁香

編行堂集詩之十一

月霞今釋澹歸

造

侍者

古跡

編

五言絕

次韻王罔長侍郎枯枝海棠

瘦硬移為樹輕盈散作花不敵東海石獨露赤城霞

又

影分秦代月色映漢宮春異錦奪高士寒巖僂人

葉錦衣黃塘園亭六絕句

遠風交荷香涼雲生竹影五月落寒濤與人留獨醒

編行堂集

卷四

又

結茅對西岡野色來楚楚此中宜幽人笠子日卓午

又

達士無近心江山亦多助過帆回白眼阿誰見高臥

又

迥絕戒孤危是不隨物深居第一層獨許陶貞白

又

清芳集藁蘭澗步來雙鶴得隨樊下桐敢薄離間雀

又

屈指數春山曲肱讀秋水暫得避風塵不煩澆醜壘

南海神祠六絕句

達奚司空

此老已歸鄉此身已化石回頭見故人相趁兩不及

莫怪至今猶頭顱
從來一去不回頭

又 滴淚井

淚落井中泉不肯流入海打卻鐵閘山立待桑田改

又 古樹

問之各有名年老不相似不因廣利王風雨早飛去

長舌阿師大
云有鬼有鬼

又 銅鼓

斑駁餘古色摩挲得異響汝已閱人多誰是黃蕭養

編行堂集

卷四

銅鼓本一雙蕭養入廟掠其一鼓上銅雀俱
敲去予作此旁有好事者曰咄咄逼人

又

細卽非刻鏤大復異模範人巧則已窮太樸元未散

又 東坡詩石

山川自空濶筆墨成斧鹵卻怪東坡翁累煞此亭古

人亦累東坡且何
此亭銷算得也未

絕句

夜月破殘夢曉風生簷角山寒未授衣自問難自答

又

燈前常獨坐坐久燈自滅此意少人聽不知向誰說

又

明月冷於水我冷復如月不聞風雨聲蛟龍纏古鐵

又

顛倒元非我支離卻似人長將一枕夢銷繳百年身

又

驚濤拍珠江截流過片葉不曉自家忙此風有時息

又

寒雞不成夢月白疑天曙卻笑醒時人去索睡時王

送屠刺史還毘陵

思君若冬日不衣人白暖我常悲今時未覺古人遠

補行堂集

卷四十一

三

又

因君念毘陵不寄多時信故人漸已老老僧漸已病

又

嶺上往來多枕中歲月短落影已千重交光無一點

又

垂老走風塵憑君語故人且完過去夢不說未來因

又

西風吹揚子此心如敗葉許我得相親許人不相識

光孝寺七絕句

菩提樹

垂枝還入地疎幹莫侵天自得支離法才全德亦全

又

子眼在何所前有達磨井明月不流輝暗雲長寫影

又

爲龍不肯飛奮鬣時一舉其間生微風聽之如驟雨

又 鐵峯

我見南漢碑輒憶雲門老有寺各無人庭前一丈草

又

苛子林中塔黃連寺裏鐘無錢買鄰宅不得問新豐

又 譯經臺

昔臺何時新新臺今又故出經雖有門入字已無路

補行堂集

卷四十一

四

又

房公硯已亡房公筆愈秀林月與池風交光尚敷奏

青原七絕句

倒插荆

植物皆倒生此荆卽順插順插仍倒生汝錯我亦錯

又 七祖塔

七祖爲誰名汝曹自安置去留各紛然何預老僧事

又 五笑亭

笑者不可見聽者誰作證亭中一片石爲汝拍手竟

又 凝翠亭

屏開已疊翠澗落更沉碧安得積水平鏡影互相入

又古釣臺

此下有老龍萬古不受釣時聞風雷聲過電爲一笑

又待月橋

待月卽不來月來卽不待橫空低度時只有此橋在

又顏魯公真蹟

魯公有健筆尚存祖關字巨石落層雲疑有萬鈞勢

十八灘

兩山如束峽立石與水鬪我有滄海心於汝無避就

又

偶然得順風不與水爭力笑覺一帆飽對我有得色

補行堂集

卷四一

五

又

傍岸莫開篷入夜防有虎汝無白晝能兩眼多辛苦

又

石骨浮水面上有白鷺鷥公忙我不閒旁人那得知

題硯

寒巖一片石春柳幾絲烟靜者意相得天風吹夜泉

七星巖十一絕句

墨緒已出甕化而爲巨石剩有逼天心夜夜連北極

又

不得純灰滌耐此萬古塵梵天初下日應見玉山新

又休月宮

水晶砌作地旁映廣寒宮未落河山影猶憐倚一峯

又蓮花洞

此來直森水一徑流活活天鏡倘相涵宴坐待金鯽

又

向明卽有臺密坐且無室不能結飛樓惜汝鬼斧拙

又碧霞洞

偶然到碧霞途窮得真賞此意許誰知歇腳忽在掌

又三元閣

極望見湖水誰解作長隄永懷蘇端明兩道垂虹霓

補行堂集

卷四一

六

又石鐘鼓

擊鐘作鐘鳴擊鼓作鼓聲所擊非所名不勞生妄想

又玉皇閣

風雲忽墮地散作端溪雨此中有畫苑筆墨不敢取

又醉石

乘亦不知行墮亦不知住欲眠恰得枕此生有何事

爲劉中丞上堂不覺流勸口占以志好學無人

之感

風雨寒方結山河痛莫酬無人當此淚只向九京流

七言絕

題畫竹 半幅

恰纔拔地便即雲放出全身恐亂群喜得石頭親道
取不消珍重管城君

畫佳絕只得一半畢
竟那一半在什麼處

過鄒介子書院

隨風錯過故人家皂莢枝頭日影斜春入江南寒撲
面可憐秋怨促琵琶

又

罷參天界卻尋君生面纔看外便分開裏不曾忙着
眼一聲無計叫離群

又

補行堂集

卷四一

七

素磁長夏坐如年獄底樓頭各一天玉海塵封難借
問到門風景卻依然

又

不須扣策慟山丘華表遙知懶寄眸遶徧孝陵看直
北血痕橫亘古神州

六月望夜坐東臯橋上

月明橋上兩三僧藻荇橫空事莫憑坐斷東臯無滴
水銅腥撲鼻一池菱

天字澄繁菱藻滿池遂不得尺
水與月光相吞吐此故發神

罪案也

廿二日大風雨

三分竹影二隨風一片濃陰半欲空捧腹不須誇眼
飽大家消息畧相同

舌以味為食眼以色為食竹
樹摧折若此吾目糧亦乏矣

秋夜口占

纔逐春風到海虞秋聲漸欲獵平蕪棲廬不覺尋常
鈍江岸曾經聽鷓鴣

仲鵬招赴方塔

瘦骨難堪熱客招小舟閒趁閉松寮茶甘飯白還多
病一盞香清紅內消

又

衣食驅人亦太忙饘頭無力自開荒莫教懶殺空山

補行堂集

卷四一

八

裏肘後先抄辟穀方

將還匡山

荒山終擬闢蒿萊遠道何妨空鉢回且喜人間多正
信儘知不是玉泉來

獨坐玉淵潭

松下時驅動地雷晴光雪影剗難開見聞欲斷盤陀
石寒雨隨風撲面來

又

路當絕處勢無窮解得翻身便解空欲識玉淵潭底
事千尋銀壁不成峯

又

爲連爲斷孰能訓徹地通天自古流莫問洞庭多少
濶浪翻一滴海門秋

開先龍潭

水侵石骨影難交一點雲生萬竅號見說老龍親洗
過可能遲我鑒秋毫

又

震霆一夜碎微塵倒嶽傾湫勢絕倫自是眼中難着
屑不教風雨仗三春

又

編行堂集

卷四一

九

白虹蕩影半山寒卷入雲中不及看地下伏流天上
出也知星宿海門寬

又

迷離過處是誰通依舊山光一切中覩面相逢休眨
眼明珠萬斛撒長空

爲伍鐵山題畫

蓬鬆丈筆爲題詩顛倒雲山林大癡莫道炎州無雪
色別來鬚鬢白於絲

鐵山有
丈筆詩

又

鐵骨生成不受降海山慘澹落雲幢冰凌只照孤行

客醉眼低迷影一雙

絕句

南北東西欠一尋欲行且任意還深碗頭不異當年
客別甌香秔頗愧心

余初至雷峯作碗頭中
載今以病久不隨衆

又

灰生老病只隨緣燒卻無方亦可憐乞藥有人渾不
待免教重費紙灰錢

無方應公病亟更見屬其
族人爲乞藥未報而歿

又

一曲清谿孟浩然長江千折李青蓮杜陵野老憑噓
點大海何須學百川

偶及古人便恐嶺
表時流彎弓相向

編行堂集

卷四一

一

又

紫金山色自巍峩破戒場中苦口訶醒後一聲觀自
在慈悲極處卽閻羅

潭山有人病中爲鬼卒持去過
一金山見無方應公踴躍其上

欲呼之不取又過一所見諸破戒者受種種刑既見
其司極加詞責且曰汝壽未盡汝歸能長壽持戒二
年內有一好事與汝不者三年內有一極不好事與
汝矣出見觀世音菩薩引之兩峯夾天行一鳥道中
至山口菩薩以
手推之而逝

又

纔得應門五尺童從來遠信待人通早知過海須沉
鯉只合央他天際鴻

伊嶺一東所借行童效殷洪喬
故爭然天際鴻未必不飛去也

又

好人好事得人思被裏寒溫枕不知卻恐莫生他日
病一天愁夢入今時新會莫休病甚吾鄉張存四迎至其家調治數月無他色同
人談此因數存四詎至高然莫生他日豈能不再病
亦豈能每病輒有一張存四迎至其家調治數月無
俗色者乎則今日遇之得一倍清涼他日
不遇之卻添兩重煩惱也噫澹漠癡絕

又

近時苦憶容僧度往事空悲蓮白衣壁海吞龍聊一
見不妨群鳥盡高飛周茂三陳章侯才難不其然乎

又

瘦骨惟消土一丘也教藥餌不須愁中原親串寧無
我錯把杭州作汴州漢猶念子貧病不啻親串漢種河南人結句借用調之且道伊

編行全集

卷四一

上

認錯不認錯且道余喜錯不喜錯

又

數月相期采藥苗一朝遠寄及松寮大蟲近日惟食
睡早爲元功勒虎膏虎膏稀微草別名也宣城沈仲生製丸見惠余囊有大蟲之目

自嘲

又

八年得力知何在好日因循病日忙但願死時無一
事鐘沉鼓寂獨焚香近來病中工課只人靜焚香禮佛而已

又

大雪爐中煨楮樵沸湯餅側熟蹲鴟嶺南冬似三春

暖卻憶棲賢此一時夜深想芋自是佳事然非告米權道與亦稍減此卻輪與廬山

又

道力難將業力驅化人心血竟無餘轉嬰鏡應消磨
盡丈六金身尚索居王辰頂鑄佛之役同學如梁同蒼崔石師臺設鏡無方應皆爲

異物餘遷化尚多大歟猶未落成爲之三歎

又

一盃水泡光頭餅卻似相看人食人好供養時須供
養北京回首盡黃塵養也此餅用沸湯泡食極佳往在北京得此

又

總教黃帝君臣智爭似青蚨子母仁皺面還丹還皺

編行全集

卷四一

上

面未能減病卻增貧服藥須之頗爲所苦

又

熟山深掘豬蹄筍凍圃新挑牛肚菰故里人諳故里
味外江獠亦未飄蓬少年時冬筍煮黃疑菜此樂未嘗忘也存四懷我風味宛然嶺南人呼嶺北人爲外江獠

南人呼嶺北人爲外江獠

又

灰去分明枉死城醒時未解拔凡情悲風依舊來時
路添得城頭笑幾聲休情病於從化灰而復甦或時至一城下頓曰枉死城有數鬼無

其好光景何不入手休情問不肯忽見一承冠呵摩而至休情大呼求救衣冠者曰吾汝祖也因責其誇毀聖賢且曰汝經年遊蕩不念祖先已棄子孫復思

應舉遙令鬼擊其口匙時
唇頰皆腫數月竟不起

又

五葉三椏頗費尋細侯持贈比南金領將一片扶衰
意併覺遼陽未陸沉

郭木生知余病爲寄遼參

又

秀才拋卻入廬山多少忙人笑不閒也勝陳郎新未
了一頭撞倒落星灣

梁海發以童子試冠軍便棄之在廬山謁棲賢出家世間人觀之如海發已歿矣其同時秀才陳美最一病遂歿還留得麼

又

半生沒分三間屋萬古攜來一碧潭是漢是胡俱點

偏行堂集

卷四

三

到自家面目不相諳

且道有過無過

又

諱辰難日兩悲吟說法天中力未深一飯且因仁者
粟十方俱照故人心

漢晉有度歲之惠時過小除先給事諱辰先福人難日也輒同

此施以飯僧

又

五千里外十三年此夕爲通一縷烟認得庚寅春二

月灰生不異膝頭邊

庚寅梧州之獄亡室夢先給事也倉皇索與人若有所適頃而返曰他今日彼人行初夏始有傳余事至杭州者仁室憶夢此正其日也噫吳寧地遙成生境異只此絲毫隔處爲是神通妙用爲是法爾如然若識得脚跟下這段光明今日

舊峯當年湖墅歷在劫中盡未來際也
省卻許多之造致不努力以報親恩

題新秋喜雨圖

槭盡雲濤萬里風不教頭角露惺能得人意處難拈
出點滴都歸歡喜中

寄千山剩和尚

古人且說浮於海絕徑誰知住此山萬里雲霄高着
眼何妨不入玉門關

送緯老還長慶

病裏相看提遠笠始知我不廬山千迴萬轉各收
拾影在榕梢綠一灣

偏行堂集

卷四

而

送真乘悟公之瀋陽

雪窖冰天赤腳行莫言詩少不多情千峯側耳能相
望一片松風萬古聲

存四欲還武林題三絕句

水碧山青舊時路風塵十載眼重開可憐桃柳新成
立卻怪客從何處來

又

廣州不異杭州客未做金三早出家莫道我今非我
昔眼還近視而還麻

又

千里荷花須寄夢送君未到卻歸山不教說醉能生
液滴水如今也閉關

友人餽白菊

聞鐘歸去陶元亮暮見南山眼豁開句裏分明三尺
雪有誰拈得一枝來

食荔支絕句

早來悶煞枝頭綠急性誰爭第一紅有分奪標犀角
子無人剪綵雪髯翁今年荔熟極遲五月三日訪少文始食犀角子

又

果熟未曾吾卻去熱情還賴主人長一枝柳色青先

偏行堂集

卷四十一

五

折生受王家十八孃仲達家閨種其形纖長似蔡譜所稱十八孃也余將還雷峯恐不得嘗摘以爲饒半猶青青然香味已運人矣

又

荔支日入廬山夢兩斛攜歸不較多滿載濃香供一
枕舌尖爭奈鼻尖何夢回先以荔支兩斛附余還雷峯舟中海暑不得睡然終夜飽其濃香津津見舌尖生妬也

又

不得東官飽荔支喜懽極亦問吾師頻來丈室分餘
果暗欠明還各自知歸見老人雖喜極然打脫東官荔支亦然風景也方丈頗饒此時時開入咬之以自補

又

炎風不放午雲涼看鎖難開儘小牕忽地共看歡喜
面齋厨已發荔支柳送供稍多即擊柳會衆共食稍得恣意

又

空占雷峯常住地都無供養衆僧心昨朝罵卻今朝
好表汝爲吾慚愧林伽藍殿前兩樹參天余責其結實不佳或曰此樹自佳公勿錯判次丁食之果然

又

辛風苦雨返簷谿兩日猶看黑葉肥但得口頭長帶
水不妨腳底暫拖泥至望谿兩日夢回以黑葉見矣大日謂空老人亦雨甚亦以黑

偏行堂集

卷四十一

六

葉見

又

來遲來早失中間饕餮空嗟數亦慳餘福儘堪供晚
景徐家又送小華山五月初一至望谿太早六月初八至望谿太遲失卻荔支正好處仲達餽我小華山爲之起舞

又

日斜一盒紅香滿捷足分來利市梢伐樹未逢王武
子金錢且勾綠荷包仲達遣人市綠荷包爲饋問其主人不自當但賣而已

又

齊已詩難溷謫仙江家綠卻類青蓮勝情如醉君三

斗寬政纔徵我一篇偶書荔枝絕句贈仲達仲達復以蘇詩包來曰恐復博師一絕筆答之

暫還雷峯留題栽菴呈康之

好囑東風護此菴
醺醺花下正春三
紅香滿院濃於酒
醒眼微開一半酣

又

幽齋閒鎖隔年塵
盡日婆娑有主人
莫怪去來渾未了
一回相見一回新

呈仲達

偏行堂集

卷四一

志

年年卒歲約難同
夢入梅花又落空
恰似老饕貪荔子
只消過夏不經冬

又

緣當熟處最難忘
况復君情與歲長
敢怕鳳麟膠不脫
草鞋落得罷參方

查王望明府過載菴夕話月出始還

突出庭前公吏圍
不逃禪也畧忘機
四年一夕林間意
記取簞簠待月歸

題桃花圖

處處迷源只問津
山中山外一般春
秦人避在桃花裏
卻怪桃花不避秦

壽存四

花時記得君生日
便擬題箋說大年
二十四番風不動
且休錯認地行仙

方楚卿有詩見贈并寄新篇滿軸奉荅

藥爐罷火便垂簾
金石淵淵出暮檐
記得愈風方最

偏行堂集

卷四十

大

古半年牙痛一時拈

又

卻憐才盡老江郎
萬事休心枯木堂
無口瓠無針線路
不堪分作破詩囊

王望來別口占送之

竊愁急似別愁寬
雨過池亭五月寒
借得寶安兒女淚
聽君展手說三難

陳公季重過載菴

葉落三廉倦掃除
肯來重話野人居
從知儒將風流勝
無復劉巴倚讀書

爲丁次星題望雲圖

望雲圖裏雲相望爭似殷勤聽杜鵑十指連心都不
嚙從今從後哭從前

贈次星別

纔見湖州丁次星那教折柳賦長亭病僧恰似霜天
樹揀盡寒條不得青

聞事

上場人聽下場呼野老吞聲定有無落在眼前無避
處何須重看鐵冠圖

又

偏行堂集

卷四十

尤

笑徹笙歌繞畫梁供筵卻借舊當陽不知坐上誰相
識一夜呻吟王侍郎

悼鄧君簡

少年肯探西來意病裏逢僧笑口開今日世緣都撇
下知君不帶世緣來

又

雙手喚誰交付去一回歿後卻分明雷峯火浴無他
旨莫向骷髏着眼睛

曉湘司寇招遊龍水菴爲題非臺

近濃遠澹俱相見層疊香林水一灣這裏有人誰共

語西來意卻在東山

題涉鏡堂

龍灣消息今何似來卽開門去掩門莫遣鐘聲當霹
靂從來錯不到柯村

戲東索曉老佛手柑

休問生緣是何處龍蛇一種扁頭南昨來已爲伸驢
腳便合開銷佛手柑

偶題

隨緣飲啄無多子夢裏何勞特地忙獨對一彎新月
上果然沒事得商量

偏行堂集

卷四一

字

又

山河草木本無齊莫向其中鼓是非一遞還他三箇
好杜鵑啼罷伯勞啼

又

光吞萬象月孤圓識得全光只半邊爲語過谿迷影
客不消翻轉水中天

又

平沙古陣常蛇勢首尾縱橫大捲簾立處不知無處
見也會破句讀楞嚴

又

西風卷地冷於霜寂歷星河夜未央此際誰人最先
覺病僧同道有枯桑

又

何事重拈竹篋子那思更續火柴頭人人有碗家常
飯四滿三平飽卽休

寄懷絜菴

秋老紫烟生嶽麓相思一片白雲低海門東望寒潮
起也解迴環羊石西

喜見紅葉

海樹不傳冰雪令久無客夢到錢塘一株鴟白池邊

編行堂集

卷四

三

見想起楓林十月霜

又

此葉此間誰此似荔支會起赤城霞那能移取千林
遠冬夏齊驅二月花

曉老初度

莫道冬寒看臘後眼睛卓朔已成遲龍灣日日二春
麗霜雪居空世不知

又

玄元長者如公歲放下眉毛懶出來我不祝公難得
老白頭只似未離胎

又

誰知人比河山舊我見公如日月新卻向新中看舊
面普天一箇老成人

鄭蓋之明府過訪

三盞徑開存我病一天星動得人安令君冬日纔過
此已覺春風次第寬

又

遺風何處問陶唐保障傳來學未荒每怪寂寥看晉
對政成績取一編長

林樾穎學博過訪值雨

編行堂集

卷四

三

喚得寒香逗早梅更無冰雪遣塵埃勝流恰有隨車
雨會趁涼風入坐來

爲藥倩題赤壁後遊圖

東坡去已六百載畫出猶爲君所憐我欲乘風過黃
鶴眼前不見此山川

又

扁舟載月尋常事獨許名流入畫圖難道年年當此
夜江天只有一輪孤

又

赤壁磯頭獨立爐灰網結幾春秋不曾寂寞蘇團

練山尚青青水尚流

記先君子云曾到赤壁磯見坡翁立像僅一石香爐殊寂寞也

又

好事也須逢盛世文章氣運沒高低當年逐客兩回賦今日閒僧一箇題

又

峴山非伴還傳伴赤壁雖同無可同想到攝衣直上處早知二客不能從

又

便教盡出東坡夢烏帽黃冠亦易裁誰把正當開戶視一無所見盡將來

徧行堂集

卷四十

圭

次星以畫索題再拈二絕爲別

雖然未度梅花嶺寒衞衞寒已入圖怪煞海隅無臘月無人肯放柳條枯

又

是物各隨霜露轉有誰人不落今時寒巖老樹吾知爾莫遣長條裊亂絲

前別有揀盡寒條不得青之句二絕皆攝前語

次韻荅藥倩

梅花叢裏詩筒到好語牽連香雪開恰把頗黎盤作我明珠走盡百千迴

又

嶺頭春色休無賴洞裏寒香別有傳君若來時應換眼繁花落處灰然

病中遣興

不寐

牀前有影燈未滅門外無風蕉忽鳴一箇枕頭挨隻耳總來這裏打三更

又

腹痛

若向痛中尋不痛含元殿裏問長安卷腸刮腹全身轉沒處留伊着眼看

又

夢阿婆子

四山相逼休迴避一息猶存且護持君恰亡兒吾喪

徧行堂集

卷四一

詣

我大家生也不會知

又

仲達藥倩關心醫藥至矣

挾醫早肇寒潮至脉藥還隨落日來殘骨幾莖堪底用費人心事許多迴

又

止師歸

病中欲見人須到夢裏相思我正忙聽得一聲聲是是卻憐無力下匡牀

又

喜聞和尚病愈

衆生病則菩薩病我病云何師病痊師旣病痊吾豈病衆生菩薩命相連

又雷峯得佳泉

苦甘鹽淡初何意好惡纔交用便分此後雷峯應少病一泓酥乳覆香雲

又華首老人過看

一呬便寬青六散不扶自立睡三哥依光鴿子休生顫持月龍駒不較多

又喉不喜食仲違懷陳米蓋筍即愈

三年蓋筍十年米絕勝真人養臟湯喜煞方頭如作宰好來禿頂便司倉

又同長謂形家不利夢同時別講佛虛

編行堂集

卷四十

五

從來不自知趨避向去還宜辯吉凶不諱地師纔指路是名山王正興工

又自示

健且不堪那討病假猶難認况求真從今日日須歡喜得失何嘗在別人

又和愈

此時合帶三分病以外人俱各樣愁劣得一回消息減也如官票不重勾

梅花興

密意難輸微逗玉雅思易瘦畧分香晚來勺水相酬

汝伴取枯禪一味長

又落梅

留連不住梅梢意沒得風流也自飛一會低頭還仰面何消落盡始知幾

又至後

幾番怪汝心難冷纔得陽回歷亂開何似老僧冰雪定寒爐坐地一堆堆

又月下

杲日和風隨有色澹雲疎雨過無聲卻因月下重相看全境全光盡不成

編行堂集

卷四一

美

又記羅浮舊聞

鐵橋下有倒垂枝千尺寒巖照水時萬古無人能踏到一般開落自家知

又花間

未到花前滿眼香從來此事不曾藏爲憐蜂蝶分明裏忘却枝頭盡日忙

又憶西谿舊遊

偶然少樹生多想想到西谿亦夢中烟合暮山遊客散從無人聽鶴歸風

又將雨

非晴非雨卷香天緩步如行雪夜船脉脉遞來誰領
去只應珍重好風前

又

二雲瓊樹歸天上一樣榛蕪滿世間還許吾儕同話
舊也憐鶴夢斷孤山稼軒撰公有歸雲莊秋濤陳公
有雲際皆環植梅花今榛蕪矣
與止師談而三歎
吾別孤山已久

又病不能寐坐

祇緣多病成相對始覺清寒不易消自把蒲團辭永
夜莫將風雨怨來朝

又雨後

編行堂集

卷四一

三

夜來雨過還安否恰有精神分外生不是鈴華經洗
脫天然賦得水雲情

又賸

疎密頗因人近遠後先都爲日開遮風光到我枝枝
好不欠毫釐也不賒近人者密遠人者疎
開日者先遮日者後

又伐竹出梅

此公且似葵傾日何物長教竹有陰老杜到今須不
少便將辣手用慈心

又移梅

門外有梅移入內花磚掩映最相宜一枝愛煞斜拖

滿半臂舒香欲就誰

又尋梅

移得梅花興未盡彩牋飛去更搜尋不知誰拍驪龍
項萬斛珠璣散一林

又仲述遺園丁送梅

徙倚亭前如有待嶺頭消息到無人南州忽下嚙花
使又是爭先第一春

又種梅用穀老則信之

榦老花疎偏有韻枝多根少慮難存卻如病客無安
土乞與殘生穀數升

編行堂集

卷四一

六

又祝梅

樹老那教春亦老我今卽是古之僧定知臘後新條
在莫比元宵五夜燈疑老樹難生自逢云譬如買燈
看幾日卽休此語亦佳雖然我

信其生不

又與康之燭下種梅諸僕亦不乏興期以明日
再尋

遠樹又當日暮至大家攜燭照花枝兒童買勇忘饑
倦不待明晨更乞師

又畧得古梅數本可愛

有好園亭無古樹畧嫌風度太輕盈商山四皓須眉
白挈帶留侯亦老成

又買梅

人間樂事千差別意所同歸夢亦歡口苦不如圖眼飽徑須減藥買花看

又喜雨

勝事若成應有助好花未活得無憂一天夜夜如酥雨香氣雲光兩欲流

又移醴醑

貴人食肉傾佳醑清客燒香啜苦茶品隲更逢青菜口醴醑花卻怕梅花

又新栽十樹為與舊梅作介紹

編行堂集

卷四

完

同心自合居同地新舊如看笑臉低一嶺莫教南北

斷羅浮花直接西谿

又菱花

未滿花期花已瘁此時觀想到明年子猷種竹無賓主一日人消一日緣

暫耶

又止師云花石猶也自怪他不得

人老雲溪客散誕綱開花石便飄零天教韻不宜天子輸與林家放鶴亭

又梅花願

穿穴意銚安楔罷貫銅口鎖沒匙開青山屋外千株遶白月花間一塔埋

自登子歸不復得日鑄茶周還梅過訪餉此口

占以謝

臥龍山下人歸去蘭雪香邊有夢思他日見君殊勝韻寒松白月品泉時

王厚我初度

活人易種千株杏潤屋難添一畝田七十一看老

健不曾輸與地行仙

增知共所得於天者厚矣世之人薄人以厚我不知厚人之為厚我我與人無別以一切人成一我以一

編行堂集

卷四十

三

我成一切人此苦薩境界地行仙不足言也

題青蓮蘊空菴主小影

半明半暗三間屋非梵非唐一下鐘捲起簾來看不

見長街赫日賣松風

張寶潭優婆塞為丹霞勸導木材還山留此并

示同道諸子

兒孫祇愛堪堂構佛法誰為作棟梁殿裏門前無別

樣入山出水一回忙

遇侯公言總戎於梅開口占為別

人山已說難相見出嶺安知得再逢出嶺人山俱不

隔他年記得在南雄

又

相逢未久又還山地北天南轉盼間霖雨蒼生公莫
倦住山僧也不會閒

余以壬寅正月別公言於端州卽入丹霞有詩寄
別我已入山公請告幾回低首念勞人今公跋涉
長途余亦往來持鉢彼此觸熱尚須勞人相念那
得更念勞人公文武兼濟悲願乘輪他日爲蒼生
起不能高臥東山宇宙內事皆已分內事若遁世
閒勞出世間逸大似隔靴搔癢在山寺日高僧未

編行堂集

卷四十

圭

起是不曾出家語着了袈裟事更多是不肯出家
語走遍天下路沒有皮寬樹便向不容針處東去
西去南去北去卻請途中時一展之或足清涼熱
惱不妨識得臨岐一句也

公安觸暑體小不佳題此慰之

山中山外剩相思病裏相聞相見遲卻憶長江無六
月天清水碧納涼時

九月同願乘諸子登海螺巖

人間此日登高興我在高山更欲登直上海螺巖上
上螻蟻趁煞馬前蠅

又

纔到東籬眼便青簇新山海舊圖經誰能對此空歸
去卻讓陶潛獨醉醒

又

一泓石乳潑枯茶歡喜群峯欲散花垂老與君無事
好滿頭霜雪襯烟霞

寄解虎錫公蝦蟆石

寄君一座蝦蟆石爭似黃皮壯螭房兩箇一家纔問
罪兩家一箇又追賊

陳鳴霄過訪坐話杭州舊事

編行堂集

卷四十

圭

寒樹遮春不上枝他鄉夢斷故鄉思白頭父老開元
話感慨從前又一時

爲鳳城士民題張萊山賀冊

到我昔時酣暢地陽明樓與大觀樓卻將此日珠江

淚寄入龍湫一樣流

辰陽余舊遊地兩樓與龍湫其勝境也

又

追客已逃禪客裏萬山烟鎖十圍松福星一路今分
付認取膠西舊蓋公

蕭柔以參戎初度

滿把黃花對白衣紅塵難得兩忘機深秋此日誰生

下一座南山莫是非

又

不生二見儒通釋獨立中央武共文我愛此公無近
習卻堪持贈嶺頭雲

蕭慎五爲製茅筆題五絕句

茅龍纔起便生風我卽屠龍子
篆龍殺活竝行人不識一般兩手各英雄

又

片石難耕錯置田中書禿罷賴枯禪三冬莫放燒山
火一把鐮刀筆本錢

徧行堂集

卷四一

重一

又

狗走鷹飛殺氣昏繞山三匝恨難存霜毫一倩茅根
代點畫都成覆載恩

又

老態橫斜見白沙元來家醜在丹霞亂頭麤服看俱
好邊幅空憐井底蛙

又

達磨折得渡江蘆背面偷看筆陣圖無數衲僧荒草
裏腳頭腳底趁工夫

送千一佛公之棲賢

我入丹霞公有作公歸廬嶽我當酬玉淵潭上三春
雨一點米霜萬斛秋

又

高流自合掩雲關化主從來不在山一緇芒鞋如挂
壁半尋拄杖各隨彎

次韻荅融谷謝茅筆書

雄文不易追前漢苦韻空憐落晚唐莫怪草根連水
月也教墨瀋帶米霜

又

鉢聲未斷聞疎雨錦字初傳映落霞三絕自推君獨

徧行堂集

卷四十

重

步一莖那得我生花

贈許孟超道者

白社能同許孟超恰如方塔共逍遙一時境到情還
現便欲深山認藥苗

舊未散也

又

紫珍到處月光寒十字街頭施藥還善政好開賢守
局妙香長繞藥師壇

雄州太守陸公施藥
孟超經理百事悉周

贈郭堯功別駕歸里

折腰懶獲三秋秫濯足須歸萬里流今日送君高臥

去渭濱殘夢一竿收

又

金鈴易解猶騎虎錫杖難降是臥龍爲遣白雲封谷
外有人赤腳走寰中

劉禹陟爲其母夫人八袞稱壽題兩絕句

鸞迴鳳峙綯天章記得承恩化日長不見漢家全盛
事莫教錯過魯靈光

夫人曾
被厚恩

又

蘭圍玉繞畫堂前不動坤儀不盡年強食且呼青鳥
下長謡祇在白雲邊

編行堂集

卷四十

七

徧行堂集詩之十二

丹霞今釋澹歸 造

侍者 古踰 傳中 編

七言絕

四子言志詩

上封禪堂雨中獨坐因念昨日曾碧山學師
與諸秀才在此共坐忽記起尼山堂裏四子
言志遂成三絕句噫着了袈裟不脫襦衫氣
或作治國平天下會或作格物致知會總好
去講道學且道禪和子佛法在什麼處切忌

徧行堂集

卷四十一

二

畫蛇添足果然有眼如盲

無人忙教阿誰閒看取身心位置間明處三人同出
手暗中一箇獨相關

又

獨相關處最知音萬國心皆共此心鼓瑟聲邊陳策
力五人便是五絃琴

又

任人任事各爲功大小由來器不同出後一番重指
注始知君相意無窮

四子言志一向將老會子拋在無事甲裏殊不知

鼓瑟聲邊各陳策力早已畫出一幅歌風圖矣孔

子於老會子極傾倒老會子於三子極傾倒卻恐
觀場矮漢被一晒一歎換了眼睛所以末後一番
重爲說破此大臣器局非小丈夫所知若祇是數
聲清磬是非外一箇閒人天地間正好與三子逐
隊出堂管什麼張家長李家短

融谷有八絕句慰孝山病目余亦戲東四詩

此老懶分青白眼何消谷口片雲封近來落得高齋
裏避卻塵中四點紅

又

徧行堂集

卷四十一

二

目病當存齒病勞眼睛元不耐推敲無端添卻三分
腫欲減休文一寸腰

又

一言能蔽詩三百子夏千年眼帶砂正好引經來斷
獄從今不許筆生花

孝山病目多作詩
詩蓋多目益病

又

定中及盡一絲絲沒字碑鐫絕妙詞賊打貧兒心有
眼自家切忌自家知

送霞舫道人還虞山

梅花嶺外三千里拂水巖前十二時萬頃春雲消息

近故鄉元是淨琉璃

又

此心長遶藥師邊一縷香圍九品蓮半偈纔開光徧現三巖紫玉在琴川

得山中信知大眾自關門種松至護生院

化人江上渾無事風雨時時刮短篷卻喜山中新有信大家種得一千松

又

柔枝裊裊入初春想見西巖翠色新怪得羲和長避道密雲釀雨護龍鱗

徧行堂集

卷四十一

三

又

千里同雲嶺外天殘燈吹過客無眠夜來不見風頭利一片松濤答響泉

催融谷遊丹霞詩

丹霞化主更催詩千古江山此一時筆墨交光成寶網天龍拱手費尋思

又

耳聾舌敝看成功纔說三空四亦空八詠樓中才最富沈郎底事也粧窮

又

閒客忙中一樣清忙中閒課事還生雙收雙放誰能解全主全賓各有情

又

布地金成一片黃祇陀林樹鬱青蒼忽驚十里丹霞上無數明珠綴白光

贈別鄭大有

桃溪邂逅新相識寶水盤桓舊有聞誰信三巖無異路自憐一日便離群

又

腳頭腳底從來濶海外天中只一家君到鄧州山上

徧行堂集

卷四十一

四

看果然不離古丹霞

又

胸中魄壘眼中人盃酒難澆世事新一笑放開山下路不知誰假復誰真

用韻荅楊二雪

瀟天風雨故猖狂一樣人憐各樣忙只向世間論出世誰知場外亦排場

次韻荅葉而大

有脚鷓鴣行未得無聲杜宇叫還閒千人自廢山中盡一句難酬盡裏山

又

石頭棒打正談空白髮紅顏二老翁還汝懷中三尺錦果然不記大江東

口占寄鐵山

鐵山老漢踰八十詩酒清狂只少年莫向蓬壺求大藥還丹結在墨池邊

又

海波欲罩七星峯鼓角無聲怯老龍舵石三更雲霧裏遙連紫氣赤光中

送吳聲上北行

編行堂集

卷四十一

五

鄉音熟處未全忘蕭寺頻來意倍長荔子香邊添別恨火雲簇起薊城霜

又

風吹不斷嶺頭雲南北東西一任君明歲重來今歲路雪巖半院看誰分

送別姚縫菴郡丞

麒麟無尾撲蒼蠅熱惱渾成一片冰雷葛崖香非世相也教分得到閒僧

又

利根且避鈍根猜一語還令百結開皮裏春秋皮下

血鈎錐滿地絕安排

又

鸛江倒海作河清舉手誰扶五指傾折獄銷兵同一理莫將無用笑書生

又

邂逅無多又別離熱腸冷面一時低秦龍可是屠龍手何必蒙山問老妻

又

八桂林邊咒夢天九疑山畔挾飛仙廿年師友從新說何處秋聲響杜鵑

編行堂集

卷四十一

六

又

片帆黑夜落前灘不做禪和不做官出世世間都一棒果然除卻是非難

又

船船纔了入通津水面風波看得親三老卽今牢把舵兒嬉莫信弄潮人

經菴過訪海轉清言移晷偶承
送群爲之三歎卽事志喜敘德
將離各不誑破惟吾兩人與
阿字座元知之他不知也

送胡信山

穗城且喜能重見蕭寺還憐不數過長夏閉門聽雨少新林首路看雲多

又

有子爲官旅况貧遠擎空鉢閣相親嶺頭飲水爲吾
說冷暖真難問別人

又

鬢毛各白點秋霜忙裏偷閒苦不長何處酒醒思昨
夢道旁九日菊花黃

題畫馬

顧盼未能忘水草騰驤長欲趁風雲生成不受鹽車
辱蹴踏須空冀比群

題畫

徧行堂集

卷四十一

七

全色全空總未分千山寒雪一溪水無人尋我休尋
汝彷彿枯巖定裏僧

又

素交有意忽相尋茅屋無聞亦先見一盃茶裏照須
麤踏破平橋成兩片

瑞閣閣上月色皎然念坡公從合江樓入棲禪

寺登逍遙堂閒情野韻了不可得因憶十三

日茶集如如室罷鍾鶴與葉功遠潔吾劉淨

菴翟憲申苗載陽步送至第一橋談笑久之

諸子凝立予與雪老過景賢祠下始歸此亦

一種風致好天良夜恨不與放腳曳杖消此
曠懷耳

良夜空懸月一天合江樓上不成眠只今冷露深荒
草始覺東坡亦偶然

又

隱隱長堤夜色饒白波蘼影碧山遙有人曳杖無人
語簇起相思第一橋

又

繡水湖邊過雨涼清言錯落坐焚香出門欲去不成
別攜手西新問夕陽

徧行堂集

卷四十一

八

五月廿三日赴黎傳人茶集傳人與憲申鍾鶴
步出西湖門坐第一橋抵暮乃別此與前十
三日風味亦同亦異作二絕句談次及朝雲
降乩欲蓋六如亭事并以一絕紀之

舉手遙憐雨後峯橋頭曳屣更相從一時野色無今
古不見胸中到眼中

又

淺碧深青暮影低君從東去我從西滿湖烟景平分
處聽得鐘聲過虎溪

又

風吹鬼語鬧沙汀草色燈光各樣青見說朝雲禁未
得勸人重蓋六如亭

謝胡牧公

李氏八分傳古法鄭公三絕自天題當年老杜猶分
賞四美何來一手齊

又

西湖截斷兩高峯白嶽黃山此地逢老我芒鞋難濟
勝喜君秀筆發秋容

古榕紀事

浮生難覓火中冰野寺空憐霜後藤喜得再來休再

補行堂集

卷四一一

九

去卻須認取古榕僧

福州林憲獲生時其父夢有來
登入於乙丑進士有文名每遊歷所至訪古榕人地
不可得後以大行奉使粵東將由惠陽還里太守賜
之湖上因屈指諸梵刹及古榕驚喜即命駕過之恍
然昔舊所識乃留宿寺中僅兩日而病作書訣別其
家遣僕馳歸遂卒噫彼知一去方得再來來已卽不
復去亦自有新釘載鐵之慨而湖志不載此事丙午
六月七日同羅憲中任厥迪嚴葉公純
宜甫彭鍾鶴黎傳人遊古榕爲紀之

題畫馬圖

萬里河山蹴踏中金章鐵券屬元公還聞勅下飛龍
廐特賜汾陽師子驄

又

超山越海過麒麟第一雲臺姓字新莫向圖中尋九

馬乘黃不少三千春

朱弘遠索到山路程示此

庾關只許盧能過誰向丹霞得得來不用韶陽打之
遶一條直路自天開

又

太平橋外有扁舟纔得隨流更逆流綠玉潭邊攜手
上青山腳底白雲浮

悼強佑人

鐵骨生來不受憐肯將修短問蒼天卽今撒手何嘗
去烈火光中十丈蓮

補行堂集

卷四一一

十

又

寶地同憂切一身每聞慷慨欲霑巾不知梁木摧頽
後風雨支持復幾人

佑人于海幢
義持殊切

又

珠江片葉每相從一笑時兼曉角風明月屋梁如舊
面大家都在夢魂中

又

平生相對惜鋒鏦此際鋒鏦卻見長消卻兩行兒女
淚歿生元不受商量

屬國韓哭泣蓋深得臨終正念

義之

題畫馬圖

交頸相摩喜是真相踈分背怒何因若知喜怒元無性萬兩黃金不賣貧

袁長伯秋捷

豐湖潑墨思難弟珠海摩雲見長公自是君家多玉樹不妨次第着春風

又

此日更無新貴氣他年便有故山情從來福量無多

少祇在常人重處輕解虎語余云袁長伯絕無新貴之氣自是本色人也世間何所重富貴是重處功名是重處學問是重處乃至道德是重處大出格人于此一切皆能放下即入大解脫

補行堂集

卷四一

七

門步步在故山中亦不作步步故山之見矣

胡正菴明府過訪卽事

萬里乘風一日還每從忙處想投閒閒僧老去忙猶

在洗耳聽君說華山

又

赤日三更海上明盪胸雲水欲移情四年不着登山

展領取全身白玉京

退菴生子彌月

不須周睥識曹彬彌月先看瑞氣新碧海漫開金齒

舊瑤天已下石麒麟

又

會從湯餅說因緣掌選須教父子傳此日老僧應托鉢也會錯過洗兒錢此事豈可使卿有功耶然已分得洗兒錢那教老僧不托鉢也

口占與張公子

得看天上張公子試聽琅琅迸玉聲四海八荒歸度內聰明元不悞公卿

又

阿鴻便欲摩天去依舊千華隱墨濤選佛選官無異

事爲吾一箭落雙鵬丁未新正赴虎別檀越齋見卿君秀拔誦過泰論琅琅有遊玉聲喜而成此

補行堂集

卷四一

七

林君言過訪

格外人誰共討論病中身不到寒溫憑君錮鐵懸金

手珍重名山與國門

又

君言以編目外傳索序題此辭之

世間何事足推詳閒煞雙眸趁眼忙提起春秋還泗

水達磨鼻孔太郎當

三水訪王默菴明府

每過玉鏡須相見祇爲君多世外情有主有賓俱快

便不勞特地話無生

又

秀骨豐肌天上來白雲丹嶂手中排相逢說盡爲官
苦紫玉山頭免活埋

又

纔着袈裟事便多那教此念易消磨自從識得偷閒
法打碎青山作綠波

阿字無兄初度

踢倒山中老古錐燕南粵北動如雷摩崖一點紅旗
影匹馬單刀慣解圍

又

大星無角劍無芒捉得麒麟也不祥一念坐消無數

編行堂集

卷四十一

三

劫瓊樓金殿日初長

又

不道當生卽不生天倉地角更豐盈自從說到行俱
到閒閣還他雙眼睛

又

聖人道與聖人才撇向街頭檢得來不去腰間抄布
袋明珠落處指尖開

題畫贈祖印承公云欲入廬山

得得青山不得閒客塵恰好照珠川寄君一片袈裟
角五月寒分三疊泉

又

也曾獨坐盤陀石欲洗禪衣無氣力如今不在此山
中倒卷紫瀾吞白月

題珠海潮音卷贈方大目之吳門

此行不及荷華蕩舊夢猶堪說虎丘記取月明人散
後一回側耳聽中秋

又

菊花不在治平寺守歲應非鄧尉山鹿步羅浮花又
落幾枝香雪點梅關

又

編行堂集

卷四十一

古

遠遊也合慶桑蓬珠海潮音起墨龍不信廣州人作
客卻應石上問生公

又

扁舟一葉破深烟縹緲峯低水接天海上移情誰似

此好將知已報成連

大目吳門之遊遊不着荷花蕩歸程度歲不能待玄墓梅花且向千人石上側耳一番其佳處正在月明人散之後也
蘇州二作希奇事六月荷花偏廿四中秋無月虎丘山重陽有雨治平寺治平登高不可之問太湖三萬六千頃縹緲峯第一恐亦未暇登臨但將此卷於良辰美景刻山水泉閣吟一過乾闥婆王奏樂山河大地皆作琴音迦葉起舞時處處有此清息切不可忘卻海幢門宇大師俱養於汝且道大師供養後作甚麼不見道不信廣州人作客卻應石上問生公

送吼萬慧均兩上座請舍利之棲賢

鐵劒機輪一柰停舟中常轉育王經彌天華雨橫江
起五色光浮七寶甌

又

一腳踢翻棲賢谷厚地高天俱反覆金剛剎底湧微

塵塵塵現出輪千幅

予開丹霞有一腳踢翻棲賢谷之語不遠近得舍利云黃面老子初千道實光爲觀上座出氣予謂若不是滄歸一腳踢翻黃面老子猶抱着千道實光作秘密藏會在

又

不須蜜汁塗分甕一顆渾圓萬顆中嶺海從今遺化
徧喜君無處不同功

徧行堂集

卷四十一

五

贈劉翰臣

五月風來竹院清白雲珠水一潮平攜君月下驚人
句落雁峯從海角生

又

白麟奇木詫終童玉潤冰清憶婦翁莫道含毫非弄
戟通天劒氣在崆峒

婦翁羅學製也

又

歷劫深將寶藏埋無人關卽有人開硯池不見生鱗
甲雷起雲興何處來

送屠懿誦州守之桂林

夾岸青連三百灘送君西去復東還三江到海誰相
趁變作桑田也不閒

又

大雅如君未易尋離懷一段隔雲岑畫山有影無人
榻莫怪珠川水獨深

又

韶陽借路問丹霞紫玉臺前一盃茶多少七香塵裏
客不知擊子過鄰家

喜蕭柔以至珠江

流水桃花未易尋世緣隨淺不隨深陽城下考無人

徧行堂集

卷四十一

六

汪笑倒浮雲賺碧岑

又

眼前何事足淹留伏暑生涼一派秋領得珠江風雨
意五湖日日在扁舟

又

隨身竿木解逢場醒眼從他醉裏藏一拍一催人自

悞耳根元不悞周郎

宋以規欲去官而兩督不許此公子年所謂有其意者浮雲到底賺不得碧岑且看他舒卷幾時有何不可

題長智羅漢

四大部洲長應俱眼中沙子黑崑崙從教兩手無閒

日莫遺看毛絆腳跟

題雪山像

雪山六載如柴瘦此老云何得此肥惹起禪和利根
性不會知是便知非憶子與舊見石吼是李來純齋
山中僧大似素火腿焉之絕倒渠卻
不知世尊雪山相又似苦瓜乾也

題畫

一條柳標千峯去只見千峯不見人我卻千峯都不
見阿誰寫得十分真

題畫羅漢

白頭老母花籃果榨得殷紅瑪瑙漿根境法中無供

循行堂集

卷四十一

七

養借他兒子爲他嘗

遊飛雲頂而逃入東溪者八人斷更智拔竹王

就位純鑄求自本潔四藏

東溪敢作逋逃藪嶺上誰穿一片雲大勇卻推朱願

海無龜滾落鄧將軍願海滾落龜雲遊至今爲口實
有此八人夢見此處即雷漢建

大將旗
鼓矣

又

過膝泥兼過頂茅冲虛觀裏怨聲高可堪絮絮飛雲
老無是無非便絕交

又

流水從來不避秦桃花深處自無鄰獨來獨往漁翁

事若問他人莫問津此不但爲僧道者後制
亦爲旅進旅退者下針

月旋云辨真未到飛雲頂而作飛雲頂詩何如
遊人未到詩先到莫說心通路亦通且喜山靈齊合

掌果然句句是談空

吼萬慧均自棲賢請舍利歸

北江上罷上西江風送輕帆日夕涼落下兩尊無縫
塔一般寶月在中央

又

塔影山光共幾層一千五百殿中僧過天星斗垂飛

循行堂集

卷四十一

六

蓋散作聯珠萬點燈

又

兩山千里各浮圖隻手擎來大小孤不借一雙空裏

步可曾路破草鞋無

又

歡喜因須勇猛收匡廬光直貫羅浮扶南佳氣分多

少欲敵隋家八十州

又次首座韻

兩樣全身一樣平老龍福德近來輕清秋碧落雲歸

盡萬顆寒星一月明

又

不因人出不呈祥山上明霞接海長金井玉淵知此
理人情官路一齊忙

又

萬里神光掠地來七重寶樹兩行開紫金丈六全身
在不向雙林乞灰

又

打碎明珠更有塵眼前如幻莫求真好將殃及兒孫
法全是全非獨轉輪

棲賢石西堂因海幢僧使送舍利回垂寄四偈

續行堂集

卷四一一

五

奉荅五絕

石人峯上從來住三峽奔流去不回怪煞眼睛開得
早如今沒得眼睛開來偏從前看
眼不會開

又

腳尖踢破還膏藥兩月珠江罷問津一箇指頭三路
血不消跨越七賢春來偏云何曾跨越七賢春近
患脚指痛不出門兩月矣

又

蓋天蓋地見真風畧似方圓又不同一座廬山蘂粉
後卻須參取豆皮宗來偏云不須錯認
豆皮宗予所自稱

又

魏公不受陳公報報與無知也不知拾得明珠還糞

埽向來不愛討便宜來偏云得便宜
處處且便宜

又

梅關險峻渺難躋好在途中弄馬騎寄得棒來無着
處順流依舊過江西予有一脚踢翻棲賢谷之語謂
舍利寶光從磨歸脚尖上踢出

來西堂云貪天功以為己力有三
十林與他笑看他又作麼生會

梅梁初度

蘭渚堂前秋色濃靈洲山上紫烟籠仙音更統晨鐘
後甘露頻斟北斗中

又

續行堂集

卷四一一

五

綠玉池分白玉蓮萬年一念劫灰邊巡紋指指渾難
算將就銷歸第四天

又

玻璃作屋紫金牀烟氣休侵粟散王珠玉團樂看寶
掌從來不用白雲鄉

又

睂毛千尺腳跟齊赫日光中聚墨低南海口門東海
林爲吾吸盡大江西

示汝得奉首座命入丹霞慶生

此山須作三回看上下中間各一天最是倒騎龍尾

後無人透過海螺前

倒騎龍尾意透海螺此處若
脚難放宜若眼不易耳

又

化人多愧不知還莫訝丹霞少押班帶得海幢香信
去兩重山是一重山

石友初度五絕句

甓社湖中夜忽明丹霞臺上月還生神珠一顆纔拈
出寶劍無光逼太清

又

淮海文章秦少游恨無仙骨拍浮丘誰從西極開東
壁坐斷三山十二樓

補行堂集

卷四一一

又

七金山下碧波環五色蓮中獨往還一葉花尖千葉
朶擬將何處作人間

又

未覺百年強半過恰當萬寶告成時冰霜總作烟雲
使散與西風各不知

又

奔流度刃鋒過風聲聲聲邊萬象空一座南山濃翠
衰白雲長在紫霄中

題雪山相

眼光落井蘆穿膝也曉閣黎不奈何覩得一毫頭上
事果然年老便成癡

退菴初度五絕句

龍雨何如天雨香密雲起處疾雷藏隕霜不爲增寒
色日日春生春雨堂

又

揭天潮海蹴厓門風馬雲車生而存不借神君丘壑
手誰知烈士姓名尊

又

鑑不生心影白過澄清賢路挽天河未妨韓愈關防

補行堂集

卷四一一

少且喜山濤啓事多

又

綠玉潭中不盡流雲幢遙接海天秋六年雙眼看孤
注萬古三山此一籌

又

仙種曾分處士蓮文瀾仍發老人泉耳孫鼻祖遙相
印更數彭山八百年

題畫春

新綠仍鋪昨歲苔鸚鵡黃燕紫忽相猜眼前麗景知多
少不見春光特地來

夏

白汗紅塵肯背馳火輪燦不斷晴絲山中賸有松風
賣走煞長街祇自知

秋

梧桐月澹露華清紈扇纔拈怨已生開眼不知元未
醒樹頭樹底覓秋聲

冬

滿天寒色鎖千山驢背吟肩且放閒重疊溪橋俱凍
斷柴門卻喜不消關

題畫漁

徧行堂集

卷四

三

釣無所釣莫論功水色山光任好風便遣一絲收不
住休拋香餌賺魚龍

樵

樹倒藤枯一檐挑青山無盡白雲遙歸家不得當年
夢始覺途中未易消

耕

人皆耕地我耕天雲下犁拖雲上田放倒鋤頭橫作
枕妙高翠點半螺烟

讀

萬軸空勞辟蠹芸心光豈受眼光分一團火裏全書

意大地成灰總不聞

謝長卿初度

人間樂事惜無多行得胸懷奈老何一笑聽來惟灑
落藏頭真不愛雞窠

又

二千歲莫跨乘黃七寶蓮開火宅涼盡四洲全界
道金繩依舊手中長

願海乞布之仙城

暑雨祁寒不怨容無衣未遣外人知卽今家醜須君
播玉線金針用有時

徧行堂集

卷四

四

又

片衣曾乞豆皮宗濶幅新裁近不同九夏三冬無向
背管教日日在春風

梁升中入武庠第一

英雄州內卽空群文武班中欲冠軍爲祝頭頭須第
一日邊淮擬結卿雲

衡見之佛山募千僧鍋示此

叢林不怕着人多大神今變鐵鍋五百一千都發
脫肚皮爭奈肚皮何

飯的肚皮許多肚皮奈何
不得一箇肚皮只是大耳

張徧菴捨所居堂爲龍護園佛殿

因君豎得水雲幢一念能迴七佛光不住相中相見處半師半象又生香

題定持上人小像

啜茗應憐散帶時長松怪石漫相持水流花落元無主呪煞東風總不知

贈見源上人

四方八面盡針氈解脫無人且閉關爲語紅塵來往客阿誰沒座鐵圍山

見源站針關於慶州蓋習苦論其在南康茶庵自是有道念人今已十五六月矣年僅三十餘耳解骨立以灰自磨未過極越爲之慨

徧行堂集

卷目一

三

然算題一
偶慰之

送劉菊崖歸渭南

短劍輕裘返渭南誰將清夢寄寒巖相思兩地俱相見五色雲邊一草菴

寄郎友月

相思不見舊韶陽過嶺仍憐江水長寄取嗣君箋上夢湖邊一枕藕花香

慧男見示家刻

一段奇情鬱未降墨濤如海卷西江忽驚五鳳樓前影散作香雲七寶幢

又 懷詩

池水裏發青蓮此意從來不在天一歎土中埋玉樹到今三十又三年

司直公歿於丙子機四十一

又 帝京景物畧

說來景物最分明昔夢依稀繞帝京似看大唐西域記眼邊熟處腳邊生

又 天下金石志

金石能磨此不磨可憐陵谷易遷訛卻從花裏尋春色不見開多落也多

又 顧與治陳元水詩集 與治已歿元水猶存皆慧男校梓

徧行堂集

卷目一

三

新詩兩卷足長吟生歿交從翰墨深識得家風真不墮今人重見昔賢心

留別慧男

一鉢隨時穩放身高低那得動纖塵不勞鶯子愁香國幸有維摩遣化人

又

無事豈知無事好老農忘卻百花開蓋公堂裏無多旨但着斑斕戲老萊

又

勢當急處放教寬局內常從局外看公事卽今依舊

了紅塵一座碧峯寒

又

莫向廬陵論米價令君且爲代官租不教羅盡田中穀還識青原飯碗無

青原田糧皆公代完

又

此別更於何處見北風高出布颿齊歸山直上三巖望意在文峯朝爽西

韓道者請法名古錢示之

金錢撒手散如雲多劫難消此一文雙手合時無一物可憐出得最分明

寶手此丘於過去劫以一金錢上佛九十一劫放手便出金錢

補行堂集

宋目一一

老

無數人人有此一文手價出金錢卻向金手時覓一文不可得也

題所書橫卷與陳長民

此門開卻不能收每爲明珠惜暗投今日傾將一栲栳爲君拔本報輪籌

題朱廉齋望南華圖

官齋岑寂似無家經卷香爐送落霞纔把眉峯雙別起此身早已屬南華

又

曳杖臨風歎絕塵蒼崖萬仞白雲皺是非且莫尋山子開閣何嘗到主人

非身行乞蒼梧

眼前洞澤倩誰澆囊水還旌白象勞分付三江休出海連波捲作錦溪濤

凌江喜見牡丹

不見名花十五年玉樓春色尚嫣然如王氣宇終無變莫到空山託杜鵑

又

從前不易過梅嶺此日凌江爛熳開南海百花無職貢也須一上越王臺

示日現歸靜室

補行堂集

宋目一一

文

去日無多不易留旋輪難得暫停眸好將一念相應法領取三春萬派秋

鄭魯城學博初度

九十春光到七分百花洲上散香雲東風不敢當幡過桃李從今解報恩

又

同中有異異中同日月分明歲歲中何處異同俱不到鶯花齊趁綠楊風

護淨道人七十初度示此

雙手拓開銀世界有人槌碎鐵崑崙三分春色無來

去箇裏誰留白髮痕

題陸仲侯畫

一抹遙山倚碧空
斷雲和月下蒼松
苔分石室無人到
半歇耳根聞曉鐘

方大任入學

紫石潭中萬斛泉
鱗藏爪露欲摩天
風雷且莫輕相試
一片雲能覆大千

題潘平叔畫

碧影照雲殊未瘦
疎枝倚月卻生寒
不聞鳥語驚幽夢
風動虛窓墨半乾

編行堂集

卷四十一

五

贈鮑席陳

蒼茫秋色共衰顏
老友難將宿草攀
二十五年提起處
一絲不隔臥龍山

鮑於章侯所相見今廿五年矣

又

天涯邂逅惜無多
石室松風蕩薜蘿
何處消他三十載
重描端水舊頭陀

留別介人

解纜遙憐江水平
碧雲成嶂笑相迎
難忘最是高譚處
萬里晴空風雨聲

又

脫甲仍添鱷海波
洗兵誰爲挽天河
卻看長劍崆峒上
賸有風松挂月蘿

又

魄壘難將酒氣消
厝盃恰好豎弓弣
鐵圍一矢先穿過
強弩何曾解射潮

非影行乞凌江

放腳凌江試早春
家家衣袂到門新
誰言鉢上休安柄
看我追添熱鐵輪

漸登行乞桂陽

湟水瀕江舊不分
此行雖遠未離群
不妨頻展丹霞

編行堂集

卷四十一

五

鉢爲我先開衡嶽雲

具八行乞連州

亭臺六六猶堪問
夢得清風起漫郎
一鉢海陽高處展
全收山色與湖光

又

空山斫額許誰知
冷暖催人不自持
怪得舵盤多病叟
柔心瀝盡鬢如絲

送張涵珂歸武林

籬下尚無拙可守
途中那得巧相當
眼前簇起西湖影
不覺空山歲月長

定一行乞鬱林

若要大衆不要我定一有此語警裏明珠解一顆載石曾爲懷橘人切忌敲冰滅卻火

寄王副將軍楚石

好我不知何處別思君特地隔天涯請看無着千山相冷翠一痕消絳霞

寄金繡滑州守

紫芝秀出百花叢白月微篩萬壑松莫遣寒山遲橘使彌天春色問吾宗

湏陽道中次高念祖韻

徧行堂集

卷四一一

五

說真便已知爲假說假何消更問真拈得一毫全盡稿看他立主又分賓

又

壁間跳感如眞水雲際玲瓏似畫山有點經營不到處堂堂挂出與人看

示石語還贛州光孝寺

祇林一諾未容寒風雨遙憐過急灘片石卽看成砥柱錯將平地作波瀾

寄贈恒光上人

指頭易作金仙供門戶難爲塵事開十字街中全體

漢至今無往亦無來

又

出世又逢陳孺子空言持報魏無知巖中縱有天花落卻憶當初未坐時

示雲權行乞

有頭有尾方成已無是無非好見人拚得一身爲衆去不會輸了百年身

又

空山一念睂間鎖鬧市千回眼裏米放得金烏收玉兔有何時分不相應

徧行堂集

卷四一一

五

贈何石璘寫眞

百醜生來不自由一條衲被慣遮羞無端爲試傳神手牽出堂中那一頭

又

小活丹青大灰人影邊指畫漫云云那教時似還怕似舉一明三不用分

廖啓明六十初度

大橈甲乙從新數恒水波瀾自古流莫向雲端聽雞犬掌中擎出鳳麟洲

章門邂逅大林并寄阿字兄

片葉不教空放過果然有路莫登舟滕王閣上無消息寄語阿師一字愁

時翁禁風甚

又

擾擾塵中各自忙忽然物外也郎當問他日夜章江水有甚閒心得許長

大風雨

老病還山成底事彌天風雨送寒濤儘將一派聲銷卻萬派聲邊不用消

得海幢信

粵南燕北兩無憑脫卻皮毛尚有繩挂得一帆風自

編行堂集

卷四十一

重一

正黃河六月又成冰

聖無行乞始興

荆棘稠林無赤腳可憐未始出吾宗也須鐵鉢擎油海豆粒全沉長老峯

泰交方翁長予四歲來遊丹霞徑上海山門予

但能扶筇遙睇耳

三年欲攬溪山勝已到何如未到時筆墨不消尋粉本虎頭點在虎頭癡

又

多時自喚支離叟何處能來矍鑠翁斜倚一筇頻悵

望凌虛直上海螺峯

聞者自詭探廬岳老人還報題此送之

岸斷波聯雲樹微遠天孤雁帶霜飛春來莫問秋來客海燕東風一路歸

送庸夫還曲江兼柬令子退山明府

河陽卽有花如錦且爲三巖試一留幾樹寒香開未盡素蕊清話更相酬

又

風塵市地難尋路松竹侵天好閉關一夜鳥啼山月落更無詩料在人間

編行堂集

卷四十一

黃

又

江風落處起微霜老病難禁客夢長記得韶陽樓上句青山薄暮意難忘

予至相江月雨不待退山而歸

又

別峯相見尋常事面面同看各不同識取風流歸二老從來不出妙高中

破迷老宿盡觀世音菩薩寄供題此答之

霜清落葉響柴關萬古春雲屋半間領得毫端無盡意爐香長繞白華山

編行堂集詞之一

丹霞今釋澹歸 造

侍者 古箒 古諭 編

詞部

十六字令 雪子 二首

不與水同流珠子凌洮河立銀漢接天冰

又

鈴淚結如珠顆顆勻移時驗一顆不會真

又 雙柳

相對舞腰肢一捻柔無人見自許各風流

編行堂集

宋四一二

摘得新

送瑞長比 一 三首

帝座前卿雲五色鮮有人當捧日聽臚傳無人上得

青天 上上青天

又

折一枝垂楊染綠絲金鞭斜裊處看花時玉驄慣得

春風醉放嬌嘶

又

宴曲江飛花散玉缸凌空登雁塔氣無雙饒伊不肯

隨行隊要伊降

轉應曲 秋夜 二首

試問試問底事鳴蛩懶應擁衾欲上匡牀記得秋深夜長長夜長夜一顆玄珠不借

又

親切親切漏永琉璃已滅室中幕地相連牕外星河動天天動天動忘卻三更一夢

又

船屬於舟行竈傾墜俗有倒竈之語戲作此詞

倒竈倒竈喫飯本錢不要若還撞破船頭與水同歸下流流下流下做箇海螺兒罷

又

更估破竈

破竈破竈野鬼閉神古廟杖頭敲碎骷髏攜手還家

編行堂集

宋四一二

罷休休罷休罷依舊和泥合瓦

如夢令

石竈 二首

頑石千鎚鑿破流水一竿飛墮滴滴到香厨分付此

間點過莫蹉莫蹉未是賠驢轉磨

又

何處飛來石甕連着山根相送深夜一泓清落月過雲如夢無動無動誰敢說輕說重

又

書倦

剛把墨池推去又被管城留住五箇指尖兒須得六州鐵鑄無趣無趣真是殺人可恕

又雨後

被薄始知人老屋破莫疑天小風雨太欺心尅滅春光不少誰討誰討日上扶桑之杪

又春曉

露草深深綠透烟樹輕碧瘦落月悄無痕曲水斷雲橫岫生受生受不在羲皇以後

又遺興十五首

騎得大鵬背癢早被鯨魚漏網幾箇蠹仙人共說海天高廣高廣高廣我只芒鞋一綳

又

補行堂集

卷四十二

三

獨向須彌高枕明月不知峯頂環走到于今只照井中斜領微晒微晒世界從來沒影

又

雨作一天俱重日出四山如夢絕岸俯深江飛落兩條蟠螭莫動莫動且看老僧撮弄

又

纔見綠楊拋眼又聽黃鸝丟囀帶卻一絲絲討箇東風收管春晚春晚此淚出於何點

又

月下采蓮船上深掩花衾葉帳舊夢忽翻新十里香

波搖蕩一向一向不聽吳儂漁唱

又

大地虛空俱墮一隻玄駒高臥身到白雲鄉頭被罡風吹破點過點過燕子雙雙冷坐

又

不見蟠桃報熟卻怪陳搏睡足夢短歲何長爭奈乾坤齷齪閉目閉目更喚五龍直宿

又

去歲春光如許今歲春光如許來歲一般春底事傷心如許如許如許祇爲不會如許

補行堂集

卷四十二

四

又

昨夜一場塗炭吹落烟花幾瓣灰冷博山爐彼此不勞相看長歎長歎見過千千万萬

又

彈發柳陰如雨打卻杜鵑歸去秋老不聞聲血染清霜千樹且住且住鷹眼曾教鳩覷

又

擊碎漢王玉斗卻借秦王瓦缶記得看梅時雪片落來如手有酒有酒唱徹村村花柳

又

閒抱一根柳標戲趕雙飛蝴蝶蝴蝶卻飛回向我盤
頭繞膝也得也得只是春光漏泄

又

饒汝鑽龜打瓦爭免出驢回馬擺手與低頭早已攔
胸一把真假真假問取天驛地啞

又

聽得幾聲欸乃鐵壁一時落草喚起大家看此是天
池蓬島誰道誰道一腳將來踢了

又

笑罵由他笑罵天下藏於天下竿木解逢場偷眼得

補行堂集

卷四一一

五

些閒暇如畫如畫風月向誰訓價

又 題觀音像

寂滅現前生滅不許鸚哥饒舌一朵鐵蓮華雪捲銀
濤千疊奇絕奇絕兩手斜攀屈膝

又 和易安春曉韻

眼見鶯馳燕驟春氣軟纏非酒欲賦婦人嬌爭奈米
心如舊知否知否落下筆花都瘦

又 和易安閑怨韻

恰似有人同坐元只孤身一箇推月出前窓更入繡
幃深躲無那無那莫遣影來尋我

又 題大士像

頭上一尊古佛手裏幾番貝葉遍界不曾藏爭肯受
人埋沒如說如說更莫抱賊叫屈

又 慶農山莊

千頃碧波無礙幾曲青山常在淺不拒漁人卻與桃
源同派林外林外一朵白雲如蓋

又 瓜圃

汝有陳家六出我有邵家五色放下饅頭來救取蕭
家族滅何必何必僵臥一天風雪

又 伴顏巷

補行堂集

卷四一二

六

纔說蓬萊宮院又見旃檀親串架上續唐書風起平
原城塹相伴相伴塊壘各消一半

點絳脣 蕉子

天露凝脂海濱初見芭蕉子甘涼透齒花氣元如此
斫卻中心判爲兒曹歟投刀視華冠不似似有千

人指有數種其子多者一枝數十觔委地不起殊
難摩羅作千人樹指花冠不足徵殺母取指如
朱現神足化之
乃提刀出家

又 波羅蜜

不見生花樹皮裂處成奇果本無人我錯把籬門鎖
地下能通根上還分顆君知麼人人夥夥大度全

包裹果中最大者一核或至二十餘筋從別身透裂出果或出根上則鄰家得之亦異物也內有核如菱栗可食

又椰子

短髮垂棕越王頭上模糊眼不知遠患悔已知之晚

此事須知酒在車渠盃人心險一瓢可選凶吉爲

君轉志稱越王醉後爲林邑王刺客所殺懸首於樹所化外有棕如挂髮核上彷彿兩眼肉生核內潔白有葉盤許尚作酒氣核爲物盛一切飲有毒卽沸

又竹枝筍

不遠行籬卻來枝上抽新筍地皮聊刺且向空中墜

有腹無心難教伊思付伊須忍水溝氣井節節疼

編行堂集

卷四十二

二

兒枕

此竹於枝間生笋根亦生笋不行遠兒枕春乃薈婦一病

又枕鄉

獨坐林間來牟忽報枕椰熟有膚隨剝粉屑柔消玉

柱杖多文未取如棕竹凶年穀寺奴難足欲養千

頭木

木皮內有髓可搜和作餅食木可爲杖及諸器具文理如棕竹

又三廉

喚作三廉尋常五七奇逢九拉店如朽陽德尊龍首

紫穗紛披餘與枝兼有偏長久果先花後繡錯無

新舊

粵人呼棧爲廉九廉極難得或謂能養果也花等白皮穗老幹亦附枝出一年兩熟花與果長

日

又廣爪蘭

非木非藤是花是葉難誦話生開熟謝綠倩黃婆嫁

破鼻瓜香沒味隨他罷誰呼下千群一架賺得鸚

哥怕此花以生熟見異生時花開綠如葉不可辨熟卽黃如瓜香以其每朵有距若廣爪故得此名

又火秧

魂壘誰消癩葡萄爲他充葉蟾酥一滴無路觀斜睫

鬼見難依盜見還難劫琴三疊火聲撇烈好與焦

桐協名不可解其葉甚怪乃如苦瓜礮礮可笑或謂其汁甚毒能壞人眼俗以充籬落禦盜又置米上送鬼也其大

者材可作琴

又次林君復詠草韻

編行堂集

卷四十二

八

一望淒迷問誰肯作天涯王淚花落處不斷催花雨

膽怯孤行門掩青春暮隨人去無名無數遮卻來

時路

又次覽範梅花韻

流水平橋竹籬傍路花低亞凍雲不下烟薄香難盡

盡日無言一笑誰謝價飛來也橫枝疎野未許斜

龍馬

又題白衣大士像

出水犀牛善財慣扣通天角團圞有約等與無虛諾

徧地花開一朶何嘗發人誰覺真真影落添箇孩

兒着

又 東山

策杖東山疎林曲磴分幽絕萬家蟻垤過眼成今昔
不用商量水與雲寬窄行還歇悠然有適意在烟
嵐夕

又 仁陽齋石二首

妬殺卿雲將來埋在寒山下文章有價肯與泥俱化
是手丹青暗地都成畫空相訝無堂可挂卷向懷
中罷

又

徧行堂集

卷四一二

九

補得天完爐中剩下媧皇石虛空一櫛滿地星狼藉
粉碎南荒不得成砂礫藏身密從新剖出依舊雲
霞色

又 二論初度

七海蓮花五雲爛熳琉璃碧遙山影疊迴薄扶桑赤
何處飛仙兩點青相得重重涉一時超入遮卻黃
金闕

女冠子 丹霞二首

祖師來也卻在老夫腳下上天梯雷雨龍鱗壯烟霞
鳳尾齊 丹砂眠虎豹綠玉飲虹蜺儘放漁人到不

教迷

又

經營且罷有幅丹青懶畫老須休一塢風絲煥千山
雲絮浮 朽杉遲作屋危石早成樓寄語溪中葉莫
隨流

浣溪紗 夏日病中

急雨欺人更杳拖好風絕分一婆娑屏除斗室臥維
摩 枉灰市中無善藥三生石上有清歌全收心在
半開荷

又 江行

徧行堂集

卷四一二

十

一葉沿溪關北風幾條荒嶺學枯松寒雲無伴懶行
空 天影全低流水外灘聲半冷夕陽中餘生心迹
付冥鴻

霜天曉角 寄木公禪師

梅花幾點香雪和烟捲莫道逢人不出黃葉下溪流
遠 無路雲偏到有門風正掩是我腳跟由我爭得
肯隨他轉

又 和棲賢夏日鄉思韻

蓮香蕩暑葉葉招涼住倚棹明湖明月鴨難醒魚難
睡 遠浦浮密樹微風抽暗語夢懶怕尋歸路蝴蝶

喚不消去

減字木蘭花

對鏡次董遇川

誰來誰受不見遷流成老瘦同笑同嘆一箇分爲兩箇人於今須記鏡裏第三鏡外二除此除他無一些還有一些

又

孟昶見留時以歸宗行迫有明春之約

春浮一粟壓倒大江南與北似子高懷便不相留我亦來如今未得尚欠廬山三尺雪綠滿蘋洲一笑重登帆影樓

又

過廬陵懷于慧男郡丞

徧行堂集

卷四一二

三

霜空木脫白鷺洲前飛一葉何必開蓬此地今無于令公相思兩字欲託春鴻時未至漂母祠邊若箇男兒不可憐

卜算子

病中

未老病先來病來人愈老老病相催火趁風幾陣灰俱掃不掃不教存掃亦何嘗了卻向掀天捲地時偷得些兒巧

又

落花二首

怪煞妬花風紅雨催飛急便做風能不妬花開與花何益慊慊慣相輕伶仃空相惜最好荒烟蔓草中

影也休相覓

又

前日雨中開今日風中落落落開開不是花風雨何曾作人自愛花開人自憎花落落落開開只是花憎愛何曾作

又

苦雨時聞京師大旱

東南苦雨多西北甘霖少翻轉天公作地皮碧海銀河倒少已得人憎多又添人惱分少分多事不平荒卻平分

菩薩蠻

慶壽

徧行堂集

卷四一二

三

連雲放下天門帚蓬萊島上崑崙酒醉臥碧烟深蒼龍何處吟麻姑方貶眼海水頻清淺不見菊花黃南山秋正長

又

題劉直生太守扇

碧天淨洗芙蓉葉使君清似湘江水雪浪扇孤松如分兩袖風山中黃髮老還道青蚨好留得一錢看囊空無底安

又

和樓賢園扇韻三首

輕羅未老梧桐葉生綃尚挂梧桐月九曲轉柔腸一聲吹嫩涼情閒猶把手意冷先垂袖不敢強爲容

花無百日紅

又

花邊不見長青葉星邊不見長圓月欲斷早無腸難
逃炎與涼炎會攜素手涼便籠香袖儂自愧衰容
風非怪落紅

又

柔條片片生枯葉遙天夜夜浮寒月冰雪自心腸何
勞頻送涼一麾辭玉手善舞看長袖冷地又相容
竹籬催懶紅

又飛來寺

編行堂集

卷四一二

七

兩山腳插江身小片帆落處聞啼鳥莫上問歸亭行
人不要聽再來無再任切忌飛回去畢竟是虛舟
替他春復秋

又月旋尋山

人間莫覓藏身處孤筇直指千峯去茆屋只三間心
空境自閒輪君能早計我老休還未切忌出頭來
推他騎不開

巫山一段雲

和毛文錫本意

乍見仙衣色微聞雜珮香似曾捧日上扶桑分得海
霞光雨散猶眠石風吹莫渡江連峯不斷曉蒼蒼

情與碧天長

清平樂

雲海

早來強起雙眼明於洗金色蓮開紅日裏鋪滿白雲
作底白雲如海茫茫人間面目潛藏莫愛天邊清
楚也虧地上荒唐早起夢至關上見白雲滿山下
露谷林樹俱隱惟群峯與曉日爭

又梅梁北上

勞爲賢喜衣上塵休洗短劍輕弓人萬里笑指馬前
鵲起嶺梅未寄當還相逢重話林間月影一盤珠
海水稜千丈西山

編行堂集

卷四十二

四

又次孫夫人詠雪韻

輕飛輕颺不是輕模樣寂寂有聲無意響寒徹耳邊
心上暗雲全未吹開誰將月影移來掃葉易消竹
粉煮泉難覓松釵

又方大林選入辭離

微言未墮石鼓天荒破奪席權經看獨坐試問中原
幾箇乘風直上丹霄浮青幾點俱超拈取西山片
雪盪開南海全潮

洛陽春

壽宋桃石守府

照雪寒光如練崆峒長劍英雄恰稱宋青春看突騎

神龍現 他日掄功玉殿麒麟獨擅百年鼓腹太平人偏又許將軍見

更漏子 和溫庭筠

茗沉燭銷淚攪動一船清思更點亂客吟殘山雲葉葉寒 岸上樹江中雨共說人間辛苦夾水響帶風聲連天說不明

又 和毛滂聽廣

把途長消夢短骨冷更思秋暖一艇小半溪彎西風催客還 月方來鶴未去落葉蕭蕭如雨似聽說一聲聲世間真少人

編行堂集

卷四十二

七

畫堂春

何母百壽圖

春光不受四時分百年一字成文十重經緯十玄門此數無倫 青識金臺鶯鶯黃知瑤島麒麟就中難覓上元君只見紅雲

眼兒嬌

食荔枝四首

腳底無根慣生苗何物殢人嬌荔枝可似河豚枳歎魂斷休招 如今又似香山老年與興潛消多應孤負小蠻楊柳樊素櫻桃

予向食荔枝一頓得八十餘顆一日可得四頓今一日一餘集而已

又

紅綃隱隱臥佳人香送十分春一團軟玉半含朝露未解行雲 嬌愁扶出蘭湯外點水不沾身早知心醉且教眼飽莫便平吞

又

手拊香肌怯情濃影活眼光中一回到口有多滋味無語形容 晝長不覺心偏短觸熱老難工山深雲冷梅低晚雪筍拔晨風

又

火樹生珠一林丹擘破雪成團人人未曉仲春漸熱仲夏猶寒 赤衣郎子千般俊甜盡不能酸霎時皮

編行堂集

卷四十二

七

脫雲時骨委何處水山

錦堂春

壽李巡簡翼舊

一粒香分紫米數枝秀育青連三山更莫收鰲絲醉月落飛仙 買犢何煩置鼓持醪已助鳴絃欲除此日難成歲識取小周天

西江月

燈花四首

火樹光搖銀粟蘭膏潤吐金蓮卻疑紅杏日邊傳散作天桃幾點 圍向鶴民買地池從紫石支泉夜圍一寸艷陽天可奈無風自剪

又

雙幹未成連理竝頭誰結同心怨紅愁碧欲哀吟一笑花生兩暈明日不勞聽鶻今宵且罷拈針遙呼夜合問知音金盞銀臺卻影

又

一朵微烘燄蠟半枝斜映檀條玉人何處笛聲飄紅落梅英小小彩奪芝浮螢火暗輪月照蒲萄隔年空染牡丹苗頃刻開來更好

又

五色花中果少一莖草上因多不消畫水學凌波寫箇辟支安坐蜂蝶難求香粉燕鶯莫覓枝柯儘教

徧行堂集

卷四十二

七

烈燄落金河結得玄珠一顆

又道興和稼軒韻二首

卻病已無方術偷生便是工夫偶然拈得一編書好在無是處童子旁邊一笑問師是處何如我今跌倒沒人扶汝在旁邊莫去

又

爭怪老來受老那教衰至辭衰如今飯也不相宜睡去睡來重睡汝也欠些睡債好來我處銷支我還乞汝一些兒睡也打人白水

南歌子

大稼軒獨坐燕卷

欲入全無路纔開便有門人間何處覓紅塵但見迴風舞雪白紛紛空裏誰生覺悟中莫認真百般啼笑一般人便是陸生那得未聞聞

又選丹霞

更作還山計全垂出嶺謀阿誰不會狎閒鷗爭奈從來坐煞木蘭舟好友能相念無錢也自由笑呼船子轉船頭不燒菴去難道涉春秋

又燈船奉中丞命再入丹霞

一笑重相見仍來風雨中主人千里道情濃帶得雙眉霽色映螺峯澹淪生山笋甘桃凍圃秘晚來茶

徧行堂集

卷四十二

太

話畧從容試看群鸞一朶白雲封

又偶題

盜跖還從實巢由更掠虛耳輪不挂讓王書卻向水濱撒弄嚇樵漁牛口元清淨人心費掃除噉名客且莫區區牽去下流滿腹看何如

又題彌勒世尊像

欲入龍華會須知兜率天良方專爲病人傳莫去求名輪與釋迦先說法纔登座分身又入塵上生一念下生圓消得人間八萬四千年

月照梨花

暗祥發

善勝善敗楚亡凡在筆陣雄圖詩壇緩帶蝴蝶笑問
蒙莊定誰忙 青山一坐雲如蓋松風不賣明月滿
載便從熱惱得清涼夏日初長藕花香

浪淘沙

大覺範思歸

何日遂偷閒百結麻衫吐絲欲盡莫留蠶落葉不消
求着便雨壑風巖 月上已更闌碧淺群巒更休坐
簌舊茅菴打碎青山成綠水船子同龕

鷓鴣天

荅翁山愚贈詩

片葉江濤破萬層閒情偏向海鷗增已知白髮無今
古不說青山有廢興 心穩密力騫騰使君也是定

編行堂集

卷四十二

九

中僧雪霜壓得眉毛重一點瞳人一點水

又

荅陳垂崖

九月晴峯生紫烟細分雲石媚林泉相逢意出尋梅
外未去看殘把菊邊 翻白雪湧青蓮還將金粟問
身前如君定可輕餘子老我何能鼓獨絃

又

垂崖送余登清丹霞十律賦謝

金地秋來老自耽玉樓人往客誰探文中龍虎歸陳
亮格外損篋得阮咸 倚雲海送風帆孤吟斷處月
澄潭卽今一陣天花落埋卻空山舊石龕

又

偶題二首

老不知休只麼癡病中識得已成遲毛犀飽去多荆
棘香象牽來一藕絲 有底急是何時江南好隻鷓
鴣詞猿驚鶴怨無如此刺着哥哥痛不知

又

一句牽連二十秋式相好處便相尤入門已讓窺鞭
馬出局還輸決鼻牛 神落落韻悠悠百般水草一
般休白雲放去三千里埋卻孤峯莫出頭

又

聞鷓鴣

兩兩相呼隔一灣逢人便說路行難老夫已識高低
面客子休爭上下灘 雲欲盡水還寬扶筇不擬更

編行堂集

卷四十二

十

投竿悲秋何必秋風起二月春風透骨寒

又

宿七星岡

江上平岡湧七星微風細雨一舟輕道人不解留三
宿山鳥何知報五更 相喚起又天明有迎有送卻
無情自堪長日堆堆地莫向峯前着眼睛

又

扶九庄主五月初度

鐵甲拋殘有衲衣危峯更上一重梯八千人去空成
敗五十年來枉是非 無事了正相宜海鷗隨處得
忘機卻因田裏催租早腳下芒鞋露不晞

又

歸宗僧到山

曾到金輪第一峯至今有夢未嘗通雙眸雪淨門庭
上滿面風清道路中 憑啞虎喚得龍賺人還得復
生松不因劉阮思歸切誰信家山總是空

又黃伯修有入山之約

難挽天河洗是非鐵衣着盡着僧衣百年如夢須全
入一物俱無祇半提 江上艇石邊梯晨鐘撞破目
前機憑公直到螺巖頂極望烟雲獨杖藜

又午日凌江觀水二首

榴火明爲積雨昏江天摩盪不成痕垂雲更擊三千
里過海曾浮五百尊 曲水直濟河渾汨羅無底漫

編行堂集

卷四一二

三

招魂土人莫把桃人笑嚙岸崩沙幾箇存

又

閒立城樓指將臺小船漁網競頭開三潮絕影沙和
尚一字難題水秀才 蛙上樹鼈升階浮漚積處困
魚埋巨靈不試開山手誰送黃河過嶺來

登城一望
落網

又奇黎半千長者

酒聖詩豪興若何人間豈值一長歌收綸好好玄真
子挾筴休休安樂窩 得老大且婆娑從來不着病
維摩卽教瀛海成金地誰見罡風捲白波

又贈金縷州守

激水空憐轍下魚賦詩羞損口中珠夢來偶入南柯
境曉去休陳北闕書 失是馬牧非豬平安竹訊近
何如歸遺漫說先生肉等與初乘長者車

又譚中省長者八衆

振玉聲金發古函行雲坐石擁長鑱葉裁羅綺分書
帶根結蚪龍護菊潭 會得九頌餘三有時一斗下
雙柑眼前不見誰先後肯向胎中覓老聃

又似石解囊參爲予下藥

按指無絃尚有琴欹簷獨樹不成林壺虛裏面丹愁

編行堂集

卷四一二

三

少柳標前頭水恨深 沒荅颯共沉吟布囊抖底見

黃發忽開老眼三年艾且剩乾柴一片心

又度嶺值雨泉年病後頗不能禁
至玉華徐道人索啜黃茶始定

送雨頻勞劈面風百骸敲盪響寒空老來自許身將
隱病後翻嫌路未窮 且欸欸莫怱怱生薑熟水一
鍾鍾人人有箇輕輕命草草穿過庾嶺松

又與中偶成二首

行路人憎小竹籃住菴僧厭破蒲團山山望眼他俱
好樹樹纏皮我不寬 拋五斗背三竿饑寒飽煖各
家難鬪心自古無時息日月從今免弄丸

又

腳底全憑手掌擎自家寸步不消行前驅定把頭騾
讓後瞰休同拐鯉爭 巧有累拙無成三分法外七
分情人間未得辭群隊莫使人間礙眼睛

又

以金帶圍小規爲魯城奇

學海名園各自雄黃金垂帶卻相同當年四相齊簪
處不出閒僧獨贈中 靜則壽動爲功墨雲飛起石

潭龍一天雨灑生花筆萬象春歸落紙風

金帶圍壯
界最貴之

種韓魏公判大名時一本開因花公與坐客三人各
簪一朵後俱人相子所藏端溪小規亦有金色水痕
慎統故以其
名名之云

補行堂集

卷四十二

又

輓方覺廷長名

來處無門共吉祥去時有國自清涼人間且賸芝蘭
異天上仍憐日月忙 持舊面到虛堂夢歸遊子尚
他鄉輕帆一夜悲風起散作江花萬點霜

人林北
上未歸

又

爲麗水真六秋

清醒泉邊清醒人詩情爛熳入天真集成爾卽同丁
卯坐定吾當小甲寅 不改樂豈憂貧千秋萬歲一
盃春開時更種門前柳熱處先抽窻底薪

虞美人

本愁三首

片帆欲與愁同去病轉牽愁住問愁直到幾時開卻

又

似滿船閣淺沒潮來 門前江水流無了活動愁還
好青山坐定半江浮怎得影兒隨水一齊流

人人笑我將愁買欸欸從旁解有愁有解也尋常越

解越愁顛倒費商量 愁將愁解成癡絕還似膠投

漆無愁可解正須愁我見全身愁裏太風流

又

笑人何必將愁解替我尋人買解愁須是買愁人我
便將愁賣與卻推貧 無錢白把愁來送又怪人相
弄這場買賣索開交落下一天好雨不沾苗

補行堂集

卷四十二

又

江舟聽雨

夢中拄杖穿松竹飛水喧空谷醒來聽得雨敲篷不
是芭蕉也不是梧桐 茫茫目斷秋江上寒色深於
浪灰又濕瓦香鑪聽到半醒半睡沒工夫

又

魯城屢患人參

頭皮只向青山送老去元無用外人活現活人前撞
着活人活現恰相憐 頻將皺面還丹贈留取三分
命寒毳熱煞爲何人見說官貧心也不會貧

又

遊碧落洞值水發不得入

到難不許身難到更鑿山靈竅玲瓏峭壁劃然開卻

有一灣流水笑人來 殷勤未入桃源境早把漁人
趁隔津人喚隔津人那得丟些眼色便關門

南鄉子 東彭飛雲

眼底燕來頻一點江山萬古春送得五更風雨罷無
因夢裏抽回病裏身 隔岸舊朱輪屈指相思又幾
旬枕畔鷓鴣啼不徹愁人珠海誰移過白雲

又 食龍眼戲作

不是荔支奴滿載明珠興未孤我欲送他方外做尼
姑茶褐衫兒冰雪膚 電子定誰呼禍出蛇醫事有
無累得親家賠榧子都盧笑倒波斯碧眼胡

蛇場一名蛇醫

偷行堂集

卷四十二

三

俗云是龍王親家取置水甕中
封禁以杖鞭而咒之能致雨

又 秋在雷峯大風雨阻二首

風雨各無聊叢竹禁寒徹夜敲千頃波濤成一幅鯨
綃筆筆灰堆水上描 空負故人要買得扁舟不敢
操卻憶綠榕高樹下長條一座橫溪小石橋

又

急雨關秋潮百戰瘁龍力未消誰扇白鷺潭底翅翻
濤挽住天河不得高 羊角起扶搖轉軸迴關勢更
驕魂斷水晶宮已碎難招兔走烏飛莫太勞

又 登飛來寺贈煥之赴連州
予還州後印事志別二首

峽束未安流兩岸青山萬點愁風正一帆懸又落停
舟意在飛來古路頭 急浪卷浮漚雲影低垂薄似
秋一動不如一靜好休休幾箇行人得自由

又

何處問歸猿只見蒼嵐鎖碧烟洞裏不知人事換年
年進退都爭一着先 同上泛湖船明日分攜又各
天各樣關山重疊路迢然一樣春風響杜鵑

鵲橋仙 寄祖秀庭都開

繡幃羽蓋南山秋氣記得當時生處攀鱗附翼盡雲
臺盡不出將軍大樹 世家閱閱轅門桴鼓鐵券年

偷行堂集

卷四十二

美

來未鑄倩黃花更進金尊有百尺晚成銅柱

又 七夕和凡仙韻限八熱二首

翁嫌貧婿父嫌懶女夜夜機聲軋軋今朝不許到來
朝怕人七妨他穀八 未能致富安能賣巧莫道能
言無鴨銀河沒法去車乾被衣帶盈盈隔煞

又

飲牛非水望夫非石有客扁舟伊軋害相思病起何
時第一日明朝初八 無人寄信無錢合藥烏骨白
毛雄鴨更持片石問君平先退了孤鸞這煞

又 解夏

人家春起僧家秋起初一換將十六間今朝守歲何人二十臘吾生初足 盛年有趣衰年沒趣兩老全歸一禿問來朝慶旦何人自喚起豆皮尊宿律以僧自恣焉

交歲世蓋未解戲作長短句明之

又初欲得舍利三十粒石鑑兄既施十六子有天香一闕八月八日復以十四見施心期遂以謝

前來八二今來七二雙合便成三十到心期滿處方知施無畏圓通威德 多些白月少些黑月一合不存盈缺儘面門晃煜千輪也只是天無二日

一斛珠

壽嚴提督玉製

徧行堂集

卷四十二

三

越王臺上海門赤日三更壯夜郎黎母空相向龍劍獅絃繡結蓮花帳 玅喜國中居士望凌烟閣上功臣樣南天門下如來相錦帕明珠白月籠香象

梅花引

憶梅

上丹霞下丹霞九年一對三巖花夢隨他醒隨他醒來說夢提起隔天涯 揮毫珠玉天峯麓盪胸冰雪龍谿曲數枝斜幾人家近聞落盡點點踏寒鴉天峯和孝

山詩龍谿與阿字同遊同賦皆可念也

又 詠梅三首

粉輕輕碧盈盈一天香雪落無聲怕風爭倩雲擎烟

紫霧結月澹露華清 蛟鮪淚點珠光墜玻璃骨折冰魂碎雨分晴夜分明水中分影如映玉山行

又

月闌干雪闌干花到闌干別樣看光團闌色團闌似是而非珠走水晶盤 天香不把春心泄霜魂月魄無蹤跡愛清寒說清寒我不爭妍留取一枝殘

又

風蕭蕭雪飄飄長耳衝寒過灞橋有魂消沒魂招香香色色一字也難描 相期非色非香外光分水月誰同載凍泉腰斷雲梢孤烟逗處彷彿見團瓢

徧行堂集

卷四十二

六

又

海幢鷹爪蘭傲高仲常體三首

春得長秋得養花歇人稀成翠幌陰屯香晴屯涼團團如蓋莫比樓桑桑 似藤微硬木微軟深不見深淺不淺疎疎排密密開好風高臥爲我徐徐來

又

蘭兜綠鷹挂足夜合香生蒸栗玉枝枝低葉葉齊亭亭下好與栖栖栖 會得蓋時方會載汝不愛人人自愛風非松月非桐村村樸樸一箇當家翁

又

百千歲誰爲類老幹婆娑太尊貴是名蘭非名蘭周

將處於材與不材間 片石纒雲天纖雨青青黯黯
遙相許長枝花短枝花且莫狼藉藉太虧他

又 大韻答亦無別時予適自星洛還川霞

喚衰翁聽晨鐘天與雲擎有一峯落梅風落梅風嶺
外歸遲何消嶺內同 去時省得來時計客投故里
僧投寺敗天公敗天公各辦一枚瀟瀟烟雨中

又 重來亦無

閒無得忙無失能着人生幾納屐牀前藤函中經微
骨分他千年石壁青 廬非長住月非走變化烟雲
元在手三重關萬重山鴟夷子皮扁舟去不還

編行堂集

卷四十二

完

踏莎行

送池儀伯別駕入覲

北極宸居東方朝集清風兩袖呈春色南溟已靜揭
天波西山正作豐年雪 柳眼來舒梅心去坼兒童
竹馬知時節九重應有恤民詞停車細與窮簷說

又 送凌春公還五河

三月將離五絃欲歇絲絲弱柳如烟纖東風何事不
關情好花未放先吹折 窮則呼天悶來呵壁那更
枝上催歸切試憑影畔老僧談長歌千里同明月

又 送黃都關之山東

帳結芙蓉令行齊魯折衝更不移尊俎何人錯註十

三篇五千言是真孫武 直上天門平窺下土望中
秦越無今古三更日湧海東雲羅浮一點同吞吐

又 和吳遵嚴小餅荷花韻

金屋深藏冰泉淺貯是誰占斷清涼處不將心眼逐
黃塵也應挽得幽人住 晨露潛消午風微度鏡湖
六月寒無王夜聽一瓣落非秋長安門外歸家路

又 東沈介永孝廉

塵夢生疑天香吹醒閒心貯得秋千頃豐湖只上鶴
峯高帆城又探珠川冷 落落雲痕差差月影寂寥
此意隨人領梅花若與雪飛遲竹枝應許風敲緊

編行堂集

卷四十二

三

又 史子蒙過訪

病與年增情隨事減白雲一夜風吹懶偶然曳履出
門行朝霞忽照秋容晚 天上英多林間異撰清言
賸把清愁剗誰家落古人心憑君收上今時眼

又 沈行可方在客途特軫予病舍藥以餽走筆志謝

以拙爲才將窮治病我與君稱兩無競不知我病幾
何深知君窮亦無多剩 遠矣尋常識些分寸人通
人巧都休問憑君直出緩和前引教我與軒岐近

又 和劉伯溫遊絲

柳絮離魂藕根出夢難將點點芳心縱莫分疏罷人

烟藏暫徘徊了隨風送 影傍花明形拖露重蜂黃
蝶粉休調弄浮塵野馬共飄然一絲不補蜘蛛空

又 贈李雲浦權守嚴道

單父琴聲河陽花色竹溪深映蒙山碧紫芽峯頂散
清香翠筠杖底分高節 江號平羗坂名九折古來
許國誰英傑憑君更一夢周公爲吾卻坐隆中席

蔡山諸葛武侯夢周公助兵之地

又 題蓮池大師眞像齋侍

只句彌陀一心不亂便從有念還無念弓弢豎起養
由基枝枝看取穿楊箭 如見而行行時不見五雲

補行堂集

卷四十一

三

深處蓮花現牀頭人是英雄開圖早識春風面

又 題關將軍像

無動如來直心淨土青天白日開旗鼓玉泉寺裏讀
春秋筆端說盡鋒端苦 雲月冠裳江山尊俎素髭
綠鬢紅塵諸人閒何處覓曹劉將軍一念非今古

又 題觀世音菩薩像

片石如山雙眸似水堆堆坐地知誰委欲呈語嘿已
封唇未容生滅還敲髓 日不談人夜休說鬼千江
月影無成毀庭前火樹雪交枝堂中鐵鉢花生背

又 示時出之南安托鉢

病象難騎願王易老普賢毛孔看看小爲吾分作百
千身一身得汝全推倒 放去收回明遮暗表丹青
寫出空山稿不教鈍置七如來家家與箇三之遶

又 題賜子觀音

一葉擎頭千華措趾時時物物皆如此無邊法界是
蓮臺有情眷屬爲蓮子 索得人憐送將汝喜雷音
落處誰傾耳楊枝藉手付兒郎方知妙指元非指

小重山

得程周量民部詩御寄

落落寒雲晚不流是誰能寄語竹窓幽遠懷如畫一
天秋鐘徐歇獨月倚層樓 點點鬢霜稠十年山水

補行堂集

卷四十一

三

夢未全收相期人在別峯頭閒鷗意烟雨又扁舟

臨江仙

李集公補新安令

曾見大鵬初展翼擘開水取龍吞偶然片羽畫潮痕
近還新社稷遠補舊乾坤 三載別懷今暫慰海天
風露春溫鸞刀何必小雞豚謳歌留父老安飽及兒
孫

又 謝徐浩存大參惠參

判得殘身供四客返精一縷生香使君腳下散搖光
玉闌金井上雲蓋紫綃張 支體具如人不老三極
五葉非常似聞二豎夜商量北門須鎖鑰鐵甕借膏

盲

又病中書陸義山中輪過訪

小鳳聲華重奏第日邊五色雲開世間贏得幾多才
數應過八斗光欲貫三台 秋淨海天橫一葉玉山
高映香臺閒看野鶴啄蒼苔莫言人血少猶見夜珠
來

又開雲閣寺初度

只爲祇林深作務不勞袋裏丟書卽今成就問何如
幸非擔板漢好是走盤珠 米熟鹽生隨手得水雲
長此安居誰將歲月荅勤渠池中金菌蒼天上玉蟾

徧行堂集

卷四十一

三

蜍

又彭鍾鶴過訪

誰作巧緣今一見來遲路隔三千舊遊記得鯉湖邊
斜陽深映塔疎雨淺遮船 落葉西風無處討赤城
有話須傳人間瑣屑到何年儘敲三棒鼓莫起五條
絃

又留別解虎諸子

十載化人頻此住也曾事事商量一回歸去一回忙
路從今日遠心是昔年長 不道夜闌明月影深深
還照虛堂半天零露冷於霜老來空自惜情至欲相

忘

又寄馬士華明府

玄嶽鍾英思下濟百花先放凌江人間更識白翁良
采風陳晉對補袞得龍章 歲德長生當此令居空
且置冰霜黃扉深擁碧瞳方自開靈壽國不借紫霞
觴

又送林育長奉召北上

天子欲行推轂禮將軍叱馭神京一輪霜月送寒星
平沙遙列陣細柳近開營 野老臨岐珍重意曾分
寶地金城梅花雪淨馬蹄輕春風紅杏子笑向日邊

徧行堂集

卷四十二

詩

生

又送河衍兄還廬山舊隱

恰似優曇花一現不容幾日盤桓知君去住自翛然
危峰青側立冷着妙旁觀 千里可能同入夢相攜
紫玉臺前梅花香骨未凋殘誰將明月影揚在石欄
干

又大庾嶺上寄懷南安孫彭諸子

偶出梅關尋別夢勝流不意相逢登臨竟日話從容
一生今古外萬象是非中 曾說道人無所事何緣
歸路怱怱眼前真不奈孤峯望如山上水流恨各西

東

又送彭雲客解纜歸吳門

此是昔年初見地重逢卻數歸程水雲喜共白鷗盟
道存群動息官去一身輕更有天倫真樂事過庭
誦唱雙清倚門慈母笑相迎子行麟作脯孫學鳳吹
笙

又庸菴太守期過海幢值雨不至

每愛雅人深致語悄如避俗攜文暫期竹院撥春芹
香爐隨茗盃烟水共氤氲急雨一江消息斷扁舟
難破重雲索居長自歎無群中流非兩岸只倩海珠

編行堂集

卷四十二

送

分

又中丞公施衣賦謝

風雨入春寒料峭誰分照座新晴蘭蕙椿蘭昔知名
吳綿存麗密越素表安貞老醜祇宜遮敝垢忽逢
珍御堪驚憑公廣被覆蒼生林間三事厚天上六銖
輕

又贈別鄭野臣

離恨天邊饒一夢如今真箇相逢輕舟來去各恩恩
道衰人易老理拙事難工瞥見荷毛生閃電海鷗
化作雲鴻百巖千壑萬株松還將東郭面消受北牕

風

又蕭小圃五十初度

四十九年無不是今年也不稱觴閉關爲誦蓼莪章
存亡爭頃刻苦樂愧霄壤生氣門中成殺業不知
此命誰償且憑同體發殊祥百齡真解脫一貼小清
涼中千云小圃今年五十力辭親串之賀聞之冷然
有當予心因調此詞卻寄世有慶不慶之生者不
妨以此爲例也

又題歸去來圖

彭澤纔聞歸去好柴桑便見歸來黃花照眼一尊開
睡鄉從此入醉石不生苔誰向桃源輪甲子紀年

編行堂集

卷四十二

表

何用差排天真爛熳到無懷大非名五柳小卽傲三
槐

又兌董舜民於江干已放
舟下邵陽矣悵然寄此

佳客已從凌水下長吟欲寄微風雙江橫插翠芙蓉
詩情遲速異人影淺深同莫遣明年今歲約參差
春燕秋鴻小亭幽處共談空碧瞳黃葉外赤腳錦溪
中

又寄葉質生長者七奏

獨翫淳風開古道莫尋夢裏羲皇明珠滴露絳紗囊
平窺心地正分照眼波方麟鳳雙雙雙進酒梵音

須秦文康爲翁更說四天長且留金粟影卻謝白雲鄉

又隱松上座八袞

九九元來八十一
羚羊挂角無痕孤松危月倚雲根
黑頭還父老白髮付兒孫
念念不流成二念就中
一念平吞莫將佛性隔精魂
罡風翻渤海淨月罩崑崙

又何鳴玉蒞任曲江

雨透芙蓉青作鏐何如出匣龍淵一時左右畫方圓
洗心寒沁雪照眼碧嶰泉
重向九成臺畔聽薰風

循行堂集

卷四十二

七

彈徹朱絃曾將護世囑諸天下生
看小試八萬四千年

徧行堂集詞之二

丹霞今釋澹歸 造

侍者 古箴 古踰 編

詞部

蝶戀花

燕之有草堂詩餘予偶薦之行詞頗解岑寂題此乞之

點着眼前禁不住不癢不疼冷冷酸酸處乞與草堂
澆酒具古人賸有傷心句 月貌雲情風意緒吞既
難留吐又難教去枝上柳綿雙玉筍天涯滴盡秋宵
雨

又 煥之饒樂

徧行堂集

宋目

我有病時君有藥藥病相除卻也成擔閣何似一宵
風雨惡桃花流水齊拋撇 一笑回頭還是錯歟不
妨人生又誰妨着水面前橫歪畧約瘦筇約住蹣跚
腳

又 立夏

記得杭州逢立夏蠶豆櫻桃風味新相亞雪酒纔空
連座罵熱心不許隨水化 且喜此時無此話鎮日
長眠注箇長年罷卻有一枚鬼見怕彈丸八面刀無
靶

又 夏

立夏時就枕即病立夏
靶於病中時時高臥矣

拍減長歌歌短至陰長陽消依舊人間世難道荔支
紅不是柔膏暗把層冰製 臥向空中勤畫字妬煞
蜻蜓掠水雙雙翅一日青山三月思十年客夢多遷
次

又 題某菴主真

不慣人間行處路樸樸生生也有流年度紅日三竿
朝復暮蓮經七卷新還故 山外青山俱截步箭浪
東馳切忌頻回顧折腳鐺邊無法護忙人那得閒來
妬

又 和易安離情韻

徧行堂集

卷四十三

二

點點淚珠難結凍拋入春江陡覺春潮動淚與江分
天不共有心壓得船俱重 密密相隨無一縫落盡
梧桐影斷歸悽鳳獨凭繡牀尋昨夢不穿針把紅絲
弄

又 和朱淑真閨情

繡閣香風飄一縷不得郎歸拚與郎同去恰似化萍
還認絮風中前後無尋處 驚覺一聲啼杜宇喚不
郎歸喚我歸何意問枕問衾都不語被他奚落敲窓
雨

又 寄傅竹君太守

二十年前水井寺短綆銅餅汲得寒泉至午枕閒將
蘭雪試三盃啜罷開詩思 同業也知非異事故態
在奴奴地生安置一日經過當一世且教按下摩雲
翅

又 寄黃碧生明府

風動柳條聞笑語一片朝霞曾向珠川舉重疊關山
知幾許爐中結出相思縷 分付化人應識主心已
隨他似鶴和烟翳吸盡西江無口取羅州爲借如膏
雨

又 許無功太守北上

補行堂集

卷四十三

三

春色深深秋色淺不似逢稽賺得青開阮一寸相思
風不剪半彎香月偏吹遠 踣鐵霜蹄雲上踐甘露
彌天溝壑應沉湎何處關山遮老眼車輪莫把枯腸
轉

又 舟中大病稍愈口占

病裏題詩如服藥病到而今病也難棲泊風雨欺人
還惡發連江帶我齊敲磕 五臟百骸無下落畏歎
詩魔且喜潛逃卻筆墨平安休更作翟公門上醫王
約

又 融谷詞來不覺大蒼便背醫王之
約此後復復衰多言仍川前韻

省得詩來難當藥病更纏綿詩更成飄泊無樹自然
花不發有牙那教閒休磕 忽見英詞雲上落不敢
三前敢不差三卻多病休文先有作謹如多病休文
約

又 融谷和予前調大蒼二首

室內塵生還倦掃室外風烟管得他多少種玉詩筒
緣未了眼睛放鎖眉毛笑 鼓吹不曾思已到照乘
珠懸長夜如天曉吟向春餘春杳杳病餘較比其餘
好

又

補行堂集

卷四十三

四

生歟魔無生歟計病怪詩妖一鼻吹雙氣遣病爲詩
成突騎卽詩是病誰相避 若要圖功來贖罪玉石
同焚萬物皆枯瘁不動干戈天地位笑他虛報魔軍
潰

又 贈郭臯旭

三十餘年重此見北寺韶光相對飛霜霰遮莫風輕
楊柳岸枝枝總抱春歸怨 大庾山頭青一片水自
東西便把山分看依舊青山無背面綠波斷處青纔
斷

又 蓮虎節權守歸陽

手把端溪五色露化作香雲香雨隨風度一曲朱絃
無一悞卻能惹得重瞳顧綠玉潭邊傳尺素夢到
皇岡醒又難移步蟋蟀吟秋十萬戶聲聲轉出來何
暮

漁家傲

寒江霽望

日日盼山山不到一灣江水重雲罩昨夜小除除過
了回頭笑盡除除得愁多少混沌乾坤誰鑿窳穿
林忽漏金烏照白滿峯頭如我老寒尤峭嶢嶢骨露
孤松杪

又

晚晴

補行堂集

卷四一三

五

一半斜陽橫老樹長戈莫挽飛光住不見虛空來又
去難憑據此情弱似風中絮哀樂已消微影聚平
生夢裏心頭事說向其間無着處從旁覷看他簸弄
閒家具

又

贈張司獄羽皇

獄主不嫌名位小官無好只因人好霜雪居空天所
實閒煩惱清涼一點全銷繳絕命忍敎如薙草熱
心冷眼都分曉黃面老邊黑面老回頭早從今莫打
無明業

又

題韓天生真作僧相

佛慧僧緣誰囑付門前流水青山路又向紅塵來一
度成擔悞舌根粘着牙如醋禿頂長髯空裏步身
前風骨今如故況出毫端千國土貧而富等閒脫卻
孃生袴

又

荷花

姊妹一肩肩笑凭挨紅揆白紛無定雨過涼生波影
靜低低問卿卿活脫奴奴印夜合晝開佯不認嬌
娥只咒人孤另落日晚烟紫別恨風吹盡淚珠驗取
青銅鏡

又

題彭鍾鶴真

補行堂集

卷四十三

六

雪裏青松花莫亞雲中白鶴雞難嫁草檄揮戈聞叱
咤而今罷筆牀茶竈清宵話說盡古今無可罵沙
丘笑卻千金價且喚好龍人看畫高高挂也能喚得
真龍下

又

公綸北上

手眼放開成撇脫少相逢處非相別把得魚樵還當
筆懷中覓元來剝錦無多尺苦憶霜風吹柿葉歸
鞭撲落梅梢雪雁字題空雲抹月真消息芒鞋挂在
千尋壁

又

寄趙駿求司馬

別路如天行不盡雲山隔作重重恨意外君家冬日
近遙承問老年且喜無多病 一幅丹霞秋月淨漢
江望裏平如鏡夢短夢長都莫論誰曾勝頭皮也只
如刀鈍

又 郭介繁民部典試還朝過訪海幢

竹院小春藏不住西山朝爽遙相往快士一行無鈍
語難重聚忙時記得尋閒處 誰向頽波觀砥柱人
文便是珊瑚樹泥裏蓮花泥外絮都無預輕帆正好
乘潮去

又 雪後訪東古雪悟長老

徧行堂集

卷四一三

七

雪霽尋山忘險阻籃輿把滑如搖櫓折竹凍松斜礙
路行休悞笑看躡倒人無數 燕子窩中誰獨步冰
稜上面輕輕度吞卻鄱陽還自吐風濤怒東山月下
雷門鼓

又 亦樵還當湖

不挂蒼毛塵點事偶然有事還無意頭頂避天腳避
地行蹤異半遮半露烟霞裏 五嶽忽從方寸起客
途賣斷成歸計茅屋三間九萬里柴門閉一般詩酒
同遊戲

又 陶維翰還越

一片碧雲山外影送君直上梅花嶺我老自圍天作
井孤松頂秋心遙映芙蓉冷 夢遠高堂乘晚景露
香細祝歸帆穩萬里風烟殊未寢誰安枕斑斕且奏
千秋引

又 再得素居書

三出梅關誰把住毘陵隔斷曾來處昨日故人書又
至從頭敘一生行止無憑據 儂作風中簾外絮君
爲石上亭前樹舊面重逢新眼覷非來去去來都是
臨歧句

又 秦節母

徧行堂集

卷四一三

八

一寸柔腸三尺鐵滿天水雪懸孤月機上淚珠熊膽
汁無人識未亡人爲亡人說 南雅堂中存舊業無
雙國士雙無敵三十三年纖指血全成碧借來好補
乾坤裂

醉春風 惜春

笑爲東風惱閒花開便掃暫時偷眼卽成歡好好好
弄影晴巒吞沙碧浪粘天芳草 梅子青猶小鶯哥
黃漸老對人無語只搖頭早早早透樹孤燈漏香疎
磬穿雲歸鳥

又 戲作

滴水休教飲長眠莫喚醒耳中事與意中人儘儘儘
倒卷千群橫行萬里活埋一寸利劍難難忍空筵
還易領口無舌更眼無瞳請請請黃檗酸醞綠攀漿
粥白灰燒餅

解佩令

和吳鼎芳蟋蟀韻

知音難續催歸杜宇暗風吹秋聲秋露沒處分疏一
絡索淒迷衷悵要將人耳輪撕破那邊言語這邊
囑付連聽的便成三箇蟋蟀哥哥我也是淚花閣雨
全得伊草根低訴

青玉案

寄乳源馬岫峯明府

編行堂集

卷四一三

九

深江遠碧連芳草問何處千華遶記得溫泉初浴了
五更鐘鼓一牕風雨不見寒多少冰霜已逼須麋
老聞說雙峯春更好金翼玉腰應探討藥珠封頂露
膏勻足香裏歸來早

癸卯春過乳源浴於溫泉有詩今九年矣

又

贈金岡瑞都閩

登壇喜見英雄表更射策金門早蹄鐵馬蹄雷電繞
霜寒刀量星繁箭點筆又生花好帆城烟水鄰蓬
島出海金鰲日杲杲怪道三更天便曉分茅嶺內小
梅關外黑白爭多少

又

山中寄雪巖新茗

烟霞不駐肥甘俗雲液透山之腹雨拔澹黃輕紫綠
細心斂手蘭香活泛逸韻分空谷一瓶蟹眼聲初
熟軟白琉璃等寒玉戛戛松風催夢足爲吾攬取雪
巖清露洗出珠千斛

又

朱孔暉自武林來訪

斷山影裏仍相見是當日誰家倩省識孃生三世面
窮居無分獨行無分非我閒親串合離不得容針
線挽着絲絲理還亂眼底空花能自薦春雲秋月一
般今古王謝堂前燕

又

姚東魯別駕權守本郡

編行堂集

卷四一三

一

雲根不動松濤靜枕上出琴中韻一派薰風傳祖命
凌江孟仰天峯孟覆寶匣開新鏡馬前冷峭無冬
今竹裏平安有秋興半榻清涼還借問滿庭香月千
邨花雨只與羲皇近

江城子

寄廬陵于慧男明府英石一峯

千巖靈怪轟藤蘿錦成窩碧攢螺坐在真山無奈假
山何昨歲有書來問取書不見興偏多米顛袍笏
事蹉跎遇差峩便摩娑七十二峯積雪化烟波喚得
老兵相對飲畢竟是蔡邕麼

粉蝶兒

和辛稼軒落梅想

盡人間都展眼天孫新繡匹相忘水枯山瘦好光陰
合得與多多傷愁赴湘江一魂徧裙拖綠皺也也會知
上場時下場非久似年年驚先梅後醞落英拚一醉
重酸芳耐又何殊冰蘂雪花時候

傳言玉女

和劉伯溫蝴蝶

玉鎖金羈悶損幽魂難任成團飛出惹花穿草去濃
香膩粉兩股柔鬚深注滿林朝旭半簾暮雨盡日
做做困酣休更屢舞絳房輕夢重尋來處路料得南
華又算三生一度不堪回首落紅無數

河滿子

東方伊蔚

偏行堂集

卷四十三

三

一望深深書幌閒眠寂寂祇林地遠誰知心又近解
衣豫恤秋陰問訊維摩少病全機杜口雷音我似
浮雲月淨老來瘦葉霜侵昨夜涼風吹欲透那堪歸
計髮尋卻憶夢中黃鶴背人飛過遙岑

又

次林章詠夢韻

入路難尋枕穴歸舟不挂帆痕舊恨新歡隨步轉可
憐萬古昏昏眼見大槐安國至今欲出無門廉吏
中分蕉鹿美人一朵巫雲二矢九齡雖有驗也勞白
骨辛勤且喚枝間蝶翅來收榻上花魂

又
午日

榴火全烘赤日松風斜卷寒霜獨坐蒲團人悄悄也
應無事商量誰去夢中奪席卻來影上排場掃跡
縱橫蛇鼠隨時開合旗槍綠玉潭深龍睡足錦標直
甚于忙半句不存開口一絲徐送初香

風入松

雨夜獨坐琉璃下

一天秋雨罩觚稜火力淺浮燈輕寒圍入金波暈看
微茫雲海誰澄簾外有聲歷歷堂中無影騰騰我
時惟與我相應會也不會會古人祇是今人澹抵多
少結水銷冰已覺餘年易遣須知此夢難憑

又

送姚雪菴明經北上

偏行堂集

卷四十三

三

嶺梅早晚喚東風冰解北江空漸行漸被春圍繞難
遮眼淺白深紅記得河間高柳綠陰穿過天雄短
鞦長耳醉香中雙闕日矐矐一回踏到無人處杏林
雨依舊纖穠聽聽賣花聲裏阿誰買着青松

又

元宵雨二首

幻龍吹雨作真珠巧鬪玉蟾蜍殷勤散入閭浮地依
然是決溜穿渠李靖未堪乘馬阿香不用推車晚
來勝賞竟何如黑海倒天樞潮頭沒卻三山頂誰行
遣跋扈鰲魚澹墨洗開滿目滄波踏破毛驢

又

潑天風雨又黃昏寸碧斂無痕清寒不作清寒相偏
追取燈月離魂准備精明心眼擘開混沌乾坤一
輪未吐問誰吞此相此間存行船走馬三分命真如
幻交付兒孫火裏翻華萼峯前豁落雷門僧有爲行船走

馬燈者童子或
放花炮以戲

又 張懷典傳宣初度

東方玉帳一星明劍佩百花迎浮丘笑揖蓬萊客春
光裏歌管兼清座上風生珠履盃中露濯金莖凌
烟姓字冠群英燈影耀雙旌門前舊是長安路南山
翠五色雲擎國老一中書令家聲三受降城

編行堂集

卷四十三

三

又 登吳城望湖樓

望湖亭下水全收橫側露平洲晴霞遙借空中色帆
檣影天影同流遠際欲騎黃鵠近時誰臥丹丘古
今話柄付閒鷗提起不禁愁風波生處風波老風波
病抵歎難休只箇浮沉鼻孔幾多開合眉頭

祝英臺近 惜春

懶紅疎勤綠密傳箇甚消息楊柳含情故倩子規說
說時不管人愁淒淒風雨向病裏十分狼藉真堪
惜曉得春有歸期憑欄望蝴蝶枝下低迷欲起翅還
濕是誰管着春來催將春去長只是送春無及

金人捧露盤 和楊宛秋海棠

有春情無春力避春叢漏秋光一線春工何人得似
朝霞臉際潯睂峯布帘茅舍當爐立隱約穠穠怕
風侵羞日炙憐月映愛烟籠還遮掩碧蘚重重又如
高士逃名削跡倚牆東卻將眼底冰霜色散入輕紅

又 本意

看金仙斟瓊液寫珠光奏疎松隔水笙簧南山初見
東籬菊蕊泛秋香一痕新月傳霜信欲報重陽撫
蒼筠猗翠柏論豹變憶龍驤人間夢誰短誰長華堂
客醉睡鄉深占白雲鄉方瞳更洗絳囊有百琲明璫

編行堂集

卷四十三

四

鷓鴣山溪

大辛稼軒一丘一壑韻

直鉤釣澤魚莫欺吾拙揮手謝浮名達生者能全至
樂小人君子隨例不堪爲不爲已不爲人此意涼於
月儘他成佛見矢須拋杓老自逐生來一杯土漫
勞巧說我寧作我便與我周旋十箇竹半間雲有夢
休尋覺

又 雒州呈孝山

畏途長串熱甚黃茅瘴纔入古雒州睂與眼同時疎
放此回過嶺迎着北風行紅染葉雪翻毳月湧梅花
浪十年正念公在丹霞上我自別公來了未了難

呈伎倆便爲逋客客且索人逋一不作二無休恰好
經三藏

又別韶陽

好山好水舉手殷勤別草木幾衰榮伴辛苦老僧毛
髮上流念念如放下流燈只流去不流回莫與旁人
說還如萎蕤舊圃難重入腳罟破麻鞋有一隻須
拋兩隻小詞留謝何以謝吾詞滴水淚歛山眉厚意
深相悉

又謝仲錫憲副

枯魚寄東歸計都休問隱浪盼車中身一尺水無一

編行堂集

卷四十三

五

寸何來長者傾倒激西江乍鼓鬣更揚鬚綠玉澄潭
近舊遊相勸邀世應無悶鯨海息風濤與一塢白
雲同靜推公才畧乘馬布甘霖烟結穗露垂珠散作
天花陣

又從章門扶病還丹霞喜與樂說辯弟重見

餘生偷得生亦無餘想沒興砥狂瀾雙吊在荷頭心
上芸人舍已兩地各拋荒澗水曲樹雲深壁立辜丹
嶂凝冰焦火自愧人難傍歡喜一團春美玉友溫
溫德量住山本色雕琢不容施事有盡意無窮隻手
煩回向

千秋歲引

壽青原藥地長老

金粟前身玉堂遺老寒月孤懸衆星小北歸夢隨海
上斷西來意向庭前了兩巖花玄亭鳳輕掃九
帶堂邊無一少七祖塔中休再討且把枯荊總靠倒
枝枝露交翠羽蓋重重影納摩尼寶一千年佳山水
供之遶

又

解虎錫監寺六旬初度

花甲初周明辰又起誰見循環有終始珠光映如滿
月白衣痕覆出前身紫萬年基千秋寺一回耳舊
日天龍曾豎指編貝如新四十齒笑撫後來皆我子

編行堂集

卷四十三

六

方輿眼空泰華峻百川心爲滄溟外吉祥門歡喜地
長留此

又

壽修憲長奎菴

菡萏留香葡萄醞綠一朵卿雲冠蒼玉黃麟舞歸棘
木下青鸞歌出瑤臺曲秋水觀海珠弄涼風足三
十三重叨利福九百九策閭浮祿未敵神倉一莖粟
勒碑不隨陵谷變降嵩元與烟霞熟喚松喬排梨棗
調絲竹

江城梅花引

病中強步

把條拄杖瘦稜稜問能行未能行恰似荷筒載雨蓋

難擎又似點燈風便起似春裏一層層履薄冰 薄
冰薄冰太零丁水上萍秋後蠅立也立也立不久心
似搖旌坐似傷弓鳥落怕弦聲何似垂簾還我睡蝴蝶
夢到花間一樣輕

醉翁操 風泉

清宵初朝誰調此雲中簫韶琴心未生流泉挑微聞
隱隱松濤風漸高千派度平橋聲不移情情自消
早來礮礮忘讀離騷夜深鶴睡時有吟猿獻嘲竹或
爲之徐敲花或爲之輕飄誰同予寂寥予同誰逍遙
獨樂在簞瓢隱欲留人人莫招

編行堂集

卷四一三

意難忘

孝山寄至沈雲中文宗淨檀賦謝

文虎文龍慣吹珠作雨嘯玉生風揮毫天地壯灑墨
海山空雙眼下幾人逢孤月衆星中問有誰烟霞透
骨丘壑藏容 別傳更說衰翁會搬柴運米種竹栽
松水雲情自遠香火夢還通憑五馬到千峯如賞爨
餘桐也不妨黃鐘瓦缶異曲同工

又 悼雪菴

如見神姿有經翻花影水裊烟絲春針雲峙笠秋顙
雪流匙知卽得得非知着眼便參差我與君從來脫
落何假相思 因緣各自隨時儘兒郎鋒捷理上生

癡青松雖似識白髮尚容私三世夢一編詩去去不

消辭更莫疑霜柿葉帶雨楊枝雪菴之子自給

菴北上詞云聽聽賣花聲泉

又 朱東莪明府初度

一曲笙歌倚凌江浩渺庚嶺差峩掌中擎妙喜軸內
展彌陀香結穗韻交柯白月暈青螺又何消西方公
案證據東坡 人間好事誰多有冬戀愛日春滿澄
波清涼無異國安樂自殊窩卷雲海挂烟蘿烏兔任
拋梭且看取蓮花百丈陸地金河

滿江紅 和沈石田諸公題宋高宗賜岳飛手教

編行堂集

卷四一三

有意回天到此際天難作主憑天去補天何用射天
還許那得官家堪倚仗從來信義無儔侶看繡旗當
日刺精忠今投杼 航海恨君自取奉表辱君自與
便風波沉痛不須重舉遺廟尚能餘俎豆故宮早已
空禾黍是男兒歟只可憐人誰憐汝夏侯橋沈潤卿
賜岳飛手教石田刻裝漢乞諸名士

又

遺敕堪題借筆舌暫消孤憤世路上不平何限拔刀
嫌鈍比向枝空人已遠東臆事發天還近各回頭忘
卻往時身長留恨 柴家詔誰詰問錢家土誰爭論

更自家秦魏誰生仇孽半壁江山如有舊中原臣妾
初無分料將軍會結拾身緣忠須盡或謂周世宗家
宜還或謂高宗爲錢武肅後身以太祖之後爲子皆
天運最分明處業力所牽誰能自免卽盡忠一念不
隨生或還流者每有宿因
特改頭換面不自覺知耳

又大風泊黃巢磯下

激浪輪風偏絕分乘風破浪灘聲戰冰霜競冷雷霆
失壯鹿角狼頭休地險龍蟠虎踞無天相問何人喚
汝作黃巢真還謗 雨欲退雲不放海欲進江不讓
早堆堦一笑萬機俱喪老去已忘行止計病來莫算
安危帳是鐵衣着盡着僧衣堪相傍

偏行堂集

卷四十三

七

又偶題

老逼人來老不盡獨清獨醒祇這是能招衆忌能生
孤憤剩水殘山猶自惜急鳥速兔難相等聽中宵一
鼓沒絃琴聲淒緊 委曲事儘又儘決絕話忍又忍
歎愚智同欺剛柔同很慰我望乎非所望得人肯耳
何時肯拚此心不與劫俱灰休教冷

又小除夕自寄六首

五十知非又五十今朝過七龍鍾樣半醒半睡忽寬
忽窄鶴髮毵毵誰會染豆皮彷彿會相識好多年不
見沒毛驢騎驢兒 當時失非狼藉此時得非收拾

做葫蘆一纏鴛鴦雙劫少卽輸人贏得老老還累汝
呼爲賊念多生有句可憐生如膠漆

又

陽錯陰差是妙喜如來無動眼不貳難尋始末喚誰
迎送一幅丹青千載事十方世界三更夢看小兒去
病恥爲家吾安用 錦山水修職貢文龍虎供擒縱
向無生路上風吟月弄免得明湖重放鶴須知韶石
曾儀鳳問老夫片葉泛滄浪何人共

又

十載丹霞沒兩載偃松倚竹全受用穿州撞府抗塵

偏行堂集

卷四十三

二

走俗遊客生涯詩與字叢林大計錢和穀也不消辨
取濁中清清中濁 赤腳子須趕鹿穿靴子須喫肉
與王郎笑罷圍棋一局此樂有時偷不到是誰着枕
眠俱足怪眼睛明處易關心寧爲腹

又

我不尋他有底事他還尋我冷地裏一絲纔動萬重
難鎖破出塵中經一卷開消筆上花千朵笑當初口
舌得官來真齊虜 生一念物物左歎一念頭頭妥
信老鴛囊撲大蟲紙裏客好談些淺淺話夜寒撥着
深深火算百年三萬六千場誰能那

又

此日吾生墮地後安居蓋寡排比煞身宮命主遷移
驛馬強項不愁豪帥斷頑皮可怕金吾打刺光光一
箇配軍頭蕭蕭灑 空已定行兼假聲已定行兼啞
喜柔能繞指圓能合瓦眼睫有毛難結網鼻梁無肉
還成鮮把骷髏長作唾壺敲風風雅

又

臘裏迎春想斜際白光東照誰投我冷雲凍雨水天
雪窖崖上饑鷹呼似鬼村中寒犬啼如豹灰堆摸
着老頭陀嫌同調 小除夕祠行竈大新歲燒紙炮

偏行堂集

卷四十三

三

倩孤舟粧點暫時熱鬧果礪茶盃賓王話小鑼碎鼓
兒童笑惡風波觸處便爲家家方到 是日立春

又

雨中獨上滕王閣二首

如此清流洗不盡多年退筆全堆塚新新故故零瀟
剩葉才子欲來風自送老僧未至雲俱集問誰交心
眼入寒空西山色 有同樂無人得有獨樂無人說
料孤標但許扁舟橫笛關罷方輿蝸兩角叫低員蓋
樓千尺待長驅雪浪卷含鄱披簑立

又

無主無賓底事發登臨野興偏藉手淒風苦雨引人

着勝江上數峯青易隱雲中一點紅難問是衲衣四
序總差排行冬令 廢復舉丹青映止還作笙歌競
只滕王喚煞至今不應十里帆檣徒見笑半肩瓢笠
奚奔命遶簷楹一字一談空誰能聽

又

贈名仲杰

豈不英雄到這裏全身放下一副平霄遠步會城
逸駕清磬幾聲迴噩夢釀茶三盃勾閒話看黃河九
曲泛羊腸搖頭罷 風過也呼牛馬雲過也繙書盡
與五香八法團圓高雅火宅蓮花能自擢棘林敗絮
休相望是常啼也合賣心肝誰酬價

偏行堂集

卷四十三

三

鳳凰臺上憶吹簫

奇肇慶史庸卷太守

散錦成山擲盃浮水眼前無限春光有大夫風教短
日俱長笑撫民間雞犬生脫化帝所麟鳳誰兼取政
存兩漢詩過三唐 思量爲雲出嶽人世上藩籬豈
免迴翔念古今綿邈洲島蒼茫欲奏咸英微唱也合
得風月平章休輕負萬年枝畔酒熟花香

又

壽韶州馬子貞太守

韶石聞韶錦溪濯錦紫雲飛下瑤京正清和時節日
至川增聽得人歌來暮天上也玉版鐫名慈深處明
懸秋月威折春霆 風行一時草偃賢郡將勝於十

萬精兵想繡衣廉訪譽滿持平薄海他年無事有如
此神化丹青早同我千華臺畔覲面相呈

又 譚問仲八秩雙壽

一室藏袁八旬行呂殊方恰似同心看垂綸更淺開
戶還深塞得金芝幾寸渾煉就鐵骨千尋重相美才
分連璧道合投針 微吟五噫莫和有德耀齊眉未
乏知音笑乾坤如芥何處登臨又道衆山皆響難側
耳休理瑤琴元無動春光自古秋色從今

又 壽羅綺九長者丹霞施田橫越

香積傳餐淨名持鉢一時四座俱周讓寶田歲入無

編行堂集

卷四十三

七

盡春秋配與微塵甲子增減劫粒粒全收休提起南
山碎礫東海浮漚 行籌團圍相喚做白石仙人爭
肯低頭種北洲粳米方寸平疇爲探溪流發處拈不
出非發非流纔知是長空萬古風月扁舟

水調歌頭 重陽嘉興

今日是何日春色向秋開憑闌早起一望深雨滌浮
埃天在如羅綿上地在水晶宮下倒海散珠來何必
搏風翼已坐妙高臺 況田家謠甘澤更悠哉人生
底事不樂境外強差排一座南山蓋卻萬頃西流截
住眼與耳俱埋不作登高去雞犬也無猜

又 憶螺巖齊色

好雨正重九不上海山門螺巖卻憶絕頂霽色滿乾
坤少得白衣一箇贏得翠鬟千疊羅立似兒孫獨坐
可忘老何用更稱尊 龍山會南徐戲共誰論古今
畫裏且道還有幾人存便拂六銖石盡重見四空天
墮此處不交痕遠水吞碧落斜月吐黃昏

又 送增城二尹李世鼎之福清令

吳嶽五峯壯其氣落人間盤根又見仙李擢秀自長
安曾到紫雲溪畔更向紫雲洞裏異骨渺難攀試問
雙鳬去珠海幾時還 三載後三善政冠三山介夫

編行堂集

卷四十三

詩

老叟且來亭下聽春班一塢蟠桃共飽百尺龍江同
醉鼓腹萬家歡滿眼流民淚我也爲他乾 鄭俠福清
班春亭蟠桃塢龍江橋皆
福清地紫雲溪在增城

又 送仁化令張吉甫還平原并寄

唱得歸田樂達者有餘歡枯楊落盡黃葉折贈也無
端曾向錦溪十載手植名花千種不用合還丹早被
罡風使隔下使君灘 人瞿鑠地寬濶沒遮欄南山
誰射猛虎相趁跨雕鞍笑顧千霄玉樹拂落橫天珠
斗牽率舞盃樂好箇舍元殿切忌問長安

又 病入雒州永諸君子慰留調治
次辛卯安宿博山寺微志謝

樹上烏白鳥草下白頭翁春來嬌紅柔綠何得在其中
啄雪匡山既病着雨章江若歿反老便成童不意
過梅嶺兩腳罷指空 飼黃花開巾笥煞情鍾未知
仁者底事護念比雲鴻爲說鸞皇國裏見慣二蟲老
醜養活任西東舉手謝公等此道古人同

又

麻坡招同聖製香城四其茶集聖製
花下子方還山倚棹赴之題此卻寄

人事日偏側老態日拘牽扁舟一葉我欲撥棹泛蒼
烟長恨春歸無覓何處相逢一笑擁出萬嬋娟心在
桃源裏身在洛陽邊 暖明霞寒翠玉共留連殷勤
別話未盡都倩此君傳但得罌中有粟不羨花王花

補行堂集

卷四十三

三

相開落自隨年一枕蝴蝶夢一曲鷓鴣天

又聖製

我已名飯袋汝復稱米囊兩家相視而笑同道好商
量只我塵中蹭蹬看汝風前斌媚相似不相當巧沒
兩張口拙也一條腸 枉分別檢題目做文章侏儒
絕叫九尺四寸漫昂藏遮莫千人自廢大抵半句不
食立地到烏江喫了須更喫此樂未渠央

衲僧名飯
袋子聖製

名朱

滿庭芳

香黃端四內史

澗綠浮藍峯青冑紫高秋深出重陽慈闈日永先進

九霞觴玉樹金芝繞砌更如雲珠履盈堂遙聽得歌
翻雪苑綺繡夾笙簧 人生誰間氣雖呈毛遂箸借
張良便功存海甸興託濠梁一自情連秀草長分取
松檜餘香相當處南山濃翠特立傲霜黃

又

洪江春下用瞿宗吉韻

柳濯烟絲杏熏露粉韶華着處勾連錦溪南下一箇
小篷船點勘半生心事空留愧夜蛻朝蟬還驚起雲
濃日澹寒掠老人肩 賓筵初秩秩終須雨散畧放
風頭兀病魔蹂躪羞乞餘年苔面落花葬好吾何取
制底長眠閒成笑青山倒卓頭上不關天

梵語制底
此云塔

補行堂集

卷四十三

三

又香方覺廷長者

水影嘶山花枝視柳德門重慶添籌方瞳兒齒右拍
喚浮丘少伯抽身自晚五湖裏早泛扁舟還堪笑逢
君卜式捷徑取通侯 清修頻市義俠能折券謹不
登樓有珠蘭玉筍鳳沼麟洲曾見白雲黃鵠相將過
緱氏山頭生增上毘耶一鉢七日異香浮

又

喜李鑑湖山王至

三載來期十年所願今春始見珠江開眉一笑顏比
昔人蒼世路不堪回首車輪轉薄似羊腸塵勞侶隨
時歇去心地足清涼 相當成二老到家消息信有

西方算我遲展鉢君早開荒服底水雲寬濶休追憶
夢裏羲皇松筠晚浦團茗盃深坐共焚香

又 寄周曲江退卷

異撰金華仙標玉樹錦衣新報裁成五絃三奏重聽
鳳凰鳴一朵芙蓉秀出雙江影露擢烟擎虛堂靜焚
香隱几卷帙有餘清 風行公事了鶴翎秋老蕙葉
春生是人間毫素天上咸英誰釀南山松液銀河寫
北斗全傾冰霜外千華遠邑欲譜不知名

雨中花慢

送戴怡清別駕還高涼

日映芙蓉雨滴梧桐詩情全在高秋記海鷗泛泛曾

徧行堂集

卷四十三

三

傍仙舟攜得錦溪孤嘯同閑穗石雙眸奈一聲過雁
掠雲西去目盡登樓 人間誰信官無可樂貧不須
憂也應怪金壺玉尺獨唱難酬且喚東山棋客試將
丹竈閒修不知天際除書到日催上忠州

又 壬子元日

舊雨新雲新雨舊雲綿綿密密無休只掩關高臥此
樂難酬心似不萌之草身如獨釣之舟問往來何事
拖泥帶水竟甚蹤由 帆城一片珠江一串不知誰
放誰收願照取七人八穀春滿靈洲直上支公縱鶴
迴翔海客盟鷗眼前落得青山掃跡任運沉浮

漢宮春

王仲錫金憲刻畫殊有方
畧今山海安行爲附此詞

玉帳陰符自月明智海雨濶悲田潢池弄兵未已腥
逼蒼天風行雷動化鸞鳳畧借鷹鷂誰敢試冰心鐵
面寶刀不識金錢 最愛昔人鵬剿只渠魁殲了耕
市依然從今梟豕罷嘯鱷愕收涎前歌後舞有雨花
深擁樓船應記取乾坤整頓麒麟已占先鞭

又

清永言都統過海幢垂顧病榻賦謝

貴胤天來看風清鯨海月淨靈洲麒麟閣上自許未
數通侯還乘暇日把三生悲願兼收今朝見海幢車
騎天香寶蓋同浮 卻歎衰容潦倒擬談新道舊情

徧行堂集

卷四十三

三

緒都休誰知密移雅步竹逕尋幽下交不賣古人意
勝出時流凝望處晴波激灑盡船遙映層樓

又

寄洪藥倩水部

七海洋金見蓮花五色爛熳香風飛仙挾策至自希
有之東纔生頭角九萬里絕跡行空天醉也利藏龍
劍韻成徒應鯨鐘 料道人間草草只杜門課子酒
盃詩筒興來血乾白鶴髯拔蒼龍野雲修枕漫相猜
欄雪山松誰動得春光過眼年年蛇紫嫣紅

天香

樓賢石鑑兄以舍利十六粒并予供養

七寶流光五雲結蓋如來最後開示湧地爭奇憑虛

集瑞今日掌中初試分形應念因甚得空空若此鐵
質銀文有塔珠明玉清誰置 層層露盤霞起似八
對聖僧飛至喚我錦溪無蕩雪山無滯又似爛熳星
斗兩對四天人繞慈氏樓閣重重一聲彈指
又方大林人任以霞香山子見施志謝

道樹生香如山表法飛來重挂一角何取玲瓏全非
混沌別有天然秀削今朝入座記五指雲端翻落枯
木堂前無比梅檀會中不覺 海幢頻看修供爲丹
霞拾身還諾又伴筆牀茶竈書燈芸閣念我梅花嶺
外經藏子孤蹤蕭索珍重千聲相從行腳

編行堂集

卷四一三

元

燭影搖紅

寄谷比陵鄉素居

老友新詩拂開病眼如重見秋聲未逼井梧寒早有
征鴻便卻憶風流雲散到匡山猶懷一飯芒鞋幾緬
十八年間影穿飛電 力盡丹霞近來不比當初健
白頭心事已無多丘壑難藏面說有林泉小院又說
有主人深春也須圖箇密坐雄談迎歡送倦
情虛田園剛十畝宛在水中央松栢間梅柳自僧
日柳如灑掃待公久千里命相思願公勿我後
醉蓬萊 老人星和柳者鄉

正秋分氣爽明月重輪老人星現萬里山呼繞未央
宮殿几杖尊賢宮梁敬長自上天中春南極光中東

王玉珮西王金釧 北闕垂衣慶雲深處一道同風
四兵無戰鼓腹行歌喜百年清健三祝堯仁五紘舜
樂願從今長見歲歲群臣花牋絲筆霞觴同獻

云柳名卿爲屯田員外郎會太史奏老人星現時秋
齊宴禁中仁宗命左右詞臣爲樂章內傳獨者卿應
制首卿方興進用作醉蓬萊一閣云漸亭舉葉下龍
拒霜紅淺近寶階香砌玉宇無塵金莖有露碧天如
水正值昇平瑞氣多暇夜色澄鮮漏聲迢遞南極星
中有老人呈瑞此際多暇夜色澄鮮漏聲迢遞南極星
色波翻披香殿卷月明風細何處奏呈上見首有漸字
胎公蓋然不復進用予謂朝廷用人自須觀其識度
於地自此詞從不在經世治葉耳仁宗豈以觸諱而不憐才
元只堪付與俗條在經世治葉耳仁宗豈以觸諱而不憐才
耶因別之以見應制自有體裁首從時令人題次及

編行堂集

卷四一三

三

致此之由歸之上天申命太平有象民被其福臣同
其樂蓋編聖之詞未有不合言天人者庶幾理事無
失耳不計其工拙也

聲聲慢 七夕

火雲洗露金氣橫空銀河滿注寒流此夕爭傳天孫
暫詣牽牛新歡未消舊恨又一年新恨重收忙不了
是拈針暗禱女伴登樓 誰信蜘蛛狡獪將寸絲送
喜賺轉眉頭有巧能分何如自解離愁西風爲憐塵
夢倩梧桐片葉驚秋纔凝望鈞相思拋下玉鈎

又 大易安秋閨韻

不知何事頓在睂尖倚闌長是慘戚難吐難吞自也

難傳消息天邊雲頭風角雁飛遲葉飛還急香篝畔
鏡臺前彷彿夢中曾識影在花陰重疊掃不去只
把柔心生摘怪煞雙眸深夜不隨燈黑寒蛩更催苦
淚漏聲聲膽漿同滴這愁字也沒箇次第寫得

又賦得壯心不已仍用易安韻

譬如利劍斬卻形天至今猶舞千戚童見長新誰管
甚時休息流光未覺電駛漸老來漸看漸急如意舞
唾壺歌此意少年怎識白髮無根自出公道煞忙
裏偷閒勤摘變白難成且喜此心成黑乳餅雙擎海
水紫瀾迴不消一滴這骨石便沒箇收拾也得

備行堂集

卷四十三

三

又鐵樹宮已火

地能畜水吾不爲魚恭惟天憫人窮永奠洪都會傳
鐵樹遺宮猶聞百靈呵導泛仙音鶴唳喬松誰便說
飛昇徒有術濟世無功還憶旌陽作尉只愛民如
子帝座潛通火烈傷慈多應道不相同忍將石闌埋
礫怕長蛟殘虐成風呵壁問情無言都似啞鵲

八聲甘州

留別阿字無兄

歎離情一往一重來可似海門潮已千秋期許十年
建立兩地憂勞又道如形伴影彼此不容招底事扁
舟上回首迢迢待向梅關北去倩賓鴻寄語雲濶

天高想聞聲欲下轉眼失鷗鷺更有時連牀續夢怕
冰霜折斷歲寒梢晨鐘起添些風雨相助蕭蕭

又

中秋月下懷煥之

早來時幾陣雨翻風欲壞我中秋漸濃雲歛跡碧嵐
舒眼明月當頭不見山河落影空照一天浮何處堪
長嘯無伴登樓况值離情如醉歎臨深望遠吾道
悠悠挂一帆西去江水只東流待相期良朋抗手奈
孤心已共片雲收年年是相思此夕夢到靈洲

又

九日

遠峯青數點澹窺人相喚出虛堂到層樓高處雲隨

備行堂集

卷四十三

三

日暖水接天涼四望寥寥今古獨立此中央欲揚書
空字雁斷衡陽倚薄東籬翠萼且眼收太白菊放
微黃儘同牀各夢雞犬漫商量問一回茱萸重問問
鬢毛禁得幾回霜風塵裏無人到底未怕疎狂

又

雪阻釣魚臺

破船禁永夜又頻頻薄袂拂冰花把篷窓開處雲推
雪墮風攪波擎直幹枯楊幾點點欲飛鴉極目炊
烟斷此地無家且盡一盃薑橘擁孤衾坐對旅雁
寒沙恰詩情客思管領在天涯擬重尋釣臺高士有
黑甜餘夢鎖兼葭全收起月鈎竟緣豈問魚蝦

又臥病初起將還丹霞謁別孝山

算軍持頻挂到於今已是十三年便龍鍾如許過頭
拄杖緩步難前若箇喚春歸去高柳足啼鵲有得相
留戀也合脩然 况復吟燒寄興似風吹萍聚欲碎
仍圓只使君青鬢霜雪又勾連歎人間支新收故儘
飛塵赴海不能填重相惜後來還得幾度相憐

又輓陸未菴太翁

恨西飛白日有高山不解繫長繩憶金門星隱詩壇
嶽峻酒政風行所得漁竿尚綠滄海起紅塵俯視青
冥下一朶雲擎 叱馭樓邊痛煞賦歸與未遂心指

補行堂集

宋四十三

五

徒驚正慈烏啼切鶴唳已銷聲讀遺書經綸難斷想
再來端爲致昇平如今是扶筇眼倦脫屣身輕

玉蝴蝶 憶菊

已近重陽時節更無風雨碧老遙天雁陣一聲林杪
影隔疎烟暫垂衣苔浮石畔還倚杖沙淨江邊是何
人南山照眼把菊悠然 從前鶴翎自剪爭先不到
萬卷休傳買斷竊秋水雲偏解惜餘年豎掃空獅頭
十指推敲倦驢背雙肩恰相應高松置鼎活火輸泉

鶴翎爭先萬
本皆菊名

又大雨候孝山不至融谷至

不是烟霞生客無端畫斷畢雨箕風正好泉穿危石

霧鎖深松再來人徘徊江上三到話寂寞林中意相
同浮沉五馬離合雙龍 恩恩籃輿跋涉一番勞苦
片刻從容後約前思煩將電影照萍踪南北山關河
疊疊東西水雲樹重重插天峯折枝楊柳高似芙蓉

天峯南雄山
芙蓉韶州山

又袁四其鄭魯城二廣文入山卽事

別有方舟直上聯翩二妙攜手登臨試看山迎清峻
水獻遙深一枝筇欲添雙翼幾緬展更結同心可知
音風生虎嘯雲起龍吟 蕭森奪人奪境眼睛換了

補行堂集

宋四十三

五

信息平沈夜色初回朝霞一點逗遙岑忽輕身松筠
異撰還挂腳桃李分陰肯重尋榴花吐火梅子垂金

雙雙燕 詠燕

花前又見問昨歲雙雙悲秋何處不忘舊好且作今
年新寓約畧塵封繡戶欲去也低徊難去依然遶柱
翩翩豈俟主人分付 應慮春風春雨更慘澹經營
莫教檐悞簾垂春暖可許兒家長聚儘似天孫機巧
多只有一年一度未知明歲重來能得畫堂如故

瑣廳寒

大孝山過龍隱閣觀庭前梅樹

記得冬時寒苞未坼小如寒豆歸來忘卻病後眼將

看覆鎮支離欹枕下簾打成日午三更候聽金聲忽
擲錦箋初展珠泉重逗 清瘦微吟罷覺果熟香生
枝傳幹授深嚴陰雪怎比晴光和厚爲空庭分綠出
青後來長見今拊手便呼他太守梅花一樣松風透
東風第一枝 韶陽得孝山書

切切歸心淒淒寒雨盈盈帶水天遠故人一往情深
孤舟屢迴夢淺韶陽問訊見細札十行留念更相期
江上芙蓉新柳共開青眼 已題句雲爲風捲重舉
棹山爲水掩閒將小令微吟未覺長懷易展沈郎又
說近有朶將離欲剪待殷勤分付春燈闌取花生瑀

補行堂集

卷四一三

姜

管

又 辛亥元旦自松樹灣發舟同王煜瞻

僧入非家舩牽泛宅門前錦水西注山連野燒分風
雲開墨痕桂樹今朝相對第一日舊歡新聚好從頭
數到來春歲歲與春同住 三巖上近吹花雨七峯
下遙聞法句茶槍翠擬開旗萊甲青傳切縷客歸指
畫霞標建赤城起處且莫辭丘壑從容不少乘流飛
去

又 梅花再開

蜡索西谿燈連鄧尉一花誰定遲速多情自喜多才

憐人賞心難足丹霞至後有閒斷寒枝重續想巡簷
待我歸來笑解秀眉雙感 一瓣瓣細鐫香玉一線
線澹攢金粟深勻點點檀紅巧勝飛飛萼綠水霜妙
用故抑勒嶺南松竹儘唱殘白雪高歌再鼓陽春一
曲 西谿梅盛于臘月鄧尉盛於正月相去二百里氣
候不齊如此嶺南梅盛於長至辛亥正月還山見
三巖梅花大放怪而問之山中人云長至已開臘月
大雪後松竹枝條多折惟此花更開尤盛亦異事也
遠佛閣 和孝山遊丹霞

赤城霞起清溪練淨紫蓋天倚華葉嚴麗溫涼二水
神龍到今洗大雄觀體樓觀錯錯寶丘壑散綺密石雙
靡曲廊小徑如網之有紀 夜月落晨磬樹杪雲泉

補行堂集

卷四十三

姜

流瀾瀾下下高高重重疊疊裏憶妙喜輪擎慈氏門
啓金猊玉几看百轉千迴露肩脫屣歎風塵浮生餘
幾

又 詠丹霞

一時稽首何年長老露頂舒肘煉石脫手驚波奪路
崩騰出江口紅螺怒吼龍尾疾舉魚貫齊走截岸而
守虎牙鹿角縱橫畫奇耦 寶蓋逼霄漢深密埋符
正壓紐背負屏雲指麾豁落斗獨上大雄峯千騎擁
後連岡疊阜鼓節間鐘聲精嚴細柳護宗風地長天
久

徧行堂集詞之三

丹霞今釋澹歸 造

侍者 古爺
古踰 編

詞部

百字令 寄元誠道人

月當子半日初長萬里寒光無際潁水觀瀾通泗水
天與先生墮地箭落雙鵬槍橫半段是箇英雄未閒
排俎豆爲兒記得嬉戲 人人處處時時亭亭當當
識性根誰利清遠峽中飛去寺片片白雲堪寄祖父
方孩子孫已老煞甚難迴避一盃酬酢乾坤滿眼生

徧行堂集

卷四 一四

意 或云飛來寺爲什麼喚作
飛去予云我不在這裏

又 江舟仲冬十五夜對月

遠山近岸畧橫空攝入一輪寒月清水珠邊無濁水
洗出江明海潔地白車渠天青采石玉殿黃金闕我
來長嘯龍吟鶴唳俱絕 浩然腳下罡風妙高直上
把銀橋吹折那得齊州烟九點招取醺雞軟血自古
何人於今若此有口渾難說推篷且睡還他兩眼如
漆

又

入春人喜入秋悲總是今宵明月步步客情將眼換

點得黃金作鐵江上扁舟國中廣厦一樣千山雪岸
旁衰草蛩聲字字親切 獨立四望超然浮漚空海
儘堂堂密密七萬二千谷鑿手漫褰如塵玉屑百道
神光十分吞吐攪碎蒼龍穴逢人微笑適來弄巧成
拙

又 李禹門參戎餽蘭坡道衣答謝

六銖無縫五天輕日麗雲中忽現洗手擎來稱體着
一片光華零亂吳繭抽霜蘭裁疊雪碾玉行針線舞
裙歌板軟裘快馬會中 提起二十多年綺羅夢冷
被黃埃隔斷蓋覆皮囊餘囊衲牛嚼鼠殘相半袈服

徧行堂集

卷四 一四

纔被麻襦忽笑有猿驚鶴怨白衣蒼狗把人雙眼偷
換

又 惜春

乾坤落落問何人人生得有心有眼盡日逢春春欲盡
未識春深春淺燕掠鶯穿花勾草惹石也難陪點東
風惡發殘紅昨夜都捲 會倩杜宇傳言柳榆兩處
做一般消遣聽道不如歸去好把我舌頭暗剪新便
生生舊仍故故長日昏昏短可憐澹煞日親日近日
遣

又 聞杜鵬

年年春暮聽啼鵲喚得阿誰歸去放出重瞳真眼力
纔見阿房一炬人面桃花門前紅映白骨千秋聚癡
翁還問酒闌客散何處 彼此索爾虛閒興之所到
忽現經營趣十指連心當腳走好箇無賓王句長者
園中百年而後佛也難長住山雲江月大家驗取公
據

又 秋思次易安春情韻

蕭蕭颯颯放西風撲暑重門休閉敲竹推松吟不穩
好是做詩天氣有夢深尋無人獨到誰識其中味指
頭屈盡白雲何處堪寄 向晚直上層樓寸心孤絕

備行堂集 卷四十四

似天長難倚帝座從教呼吸斷月在海門飛起星斗
低徊江山澹宕頗解窺人意露侵雙袂素娥舞罷還
未

又 張丞相祠

顧瞻風度有如此峻壁危松古道過盡行人全不解
視履元功宜報流水東西飛塵南北津地爭居要周
瀧衛役也應讓食同廟 遙想憂長方中獨清獨醒
形影徒相弔兩兔一鵬雖善挾羽翼情詞兼妙寵嬪
當誅幸臣莫請詎免書生料世難莊語三緘訓以微

笑 公判張守珪狀引孫武修宮嬪嬙並斬莊
賈蓋玄宗女寵之禍已與祿山同燭照矣

又 新淦江中大霧

濕烟乾雨借空江醞出沉雲升露掩地遮天似移去
城郭人民非故澤豹懷文騰蛇棄質失足無安步茫
茫客子欲投何處門戶 鄰舟早已鳴榔中流莫辨
左右皆疑悞憶昔驢鞭當比指十日曾迷九度赤水
銷波玄珠闕影靚面難分付未妨老眼看花久已如
霧

桂枝香 浴佛日

從天而下見寶樹雲深飛龍雙桂白日逢人捏怪難
爲清夜今來古往渾如許問誰非獨尊人也比山休

備行堂集 卷四十四

四

勒西流恰好東風怎嫁 把惡水驀頭澆罷笑熱棒
雲門依舊傳話待向淮陰市上低頭出胯層層脫落
團團影半空中花果都謝一時還我衆生未有佛知
見者

又 秋月舟中獨坐

晚江秋霽見明月移人素光千里兀坐孤舟無事有
心難起似將一對箕山耳枕飛流露華同洗淒風斷
續懶雲離合太虛無倚 便百尺驚谿莫寫照萬古
青山一夢而已此夕炳痕蛩響低迷如許更憐五百
年之後是誰爲廣寒天子方盈方闕玉塵落谷不知

其止

水蘭花慢 秋懷

幽居心已負消不了破蒲團歎高峽春歸珠川暑退
錦石秋殘青山對人齒冷賣工夫買得鬢毛斑送燕
聲聲泥滑迎鴻陣陣風乾他年竹榻掩松關無影
落前灣且茗泛雲輕桂分露潔梅鬪霜寒爐烟暗勻
暝色坐斷時斜月墮危闌也是枕邊作客何如路上
偷閒

又 持平中丞以膏參藥米問病賦謝

一生生不盡珠欲走病爲盤似山上雲絲水中波縠

偏行堂集

卷四十四

五

易起難刪眼前渾無避處唱西風落葉滿長安何事
東君着力春歸春令重頒人間有地結仙壇皺面
說還丹更膏潤金漿顆齊玉粒色借芝顏隨緣不離
老去且莫教峻坂下墮丸願見千村雞犬化成三島
麟鸞

又 和竹山賦米三首

朔風開鐵柙鍊飛雪不成花問薄泯裁痕厚消疊跡
妙手誰家浮槎驟膠銀漢料天孫穩送七香車須信
黃河到底爲人截斷流沙殘霞影裏絕棲鴉望外
夫兼葭更休教洞口賺他菜葉泛出胡麻神媧待扶

寒日勸融通讓與月生華不道清霜照夜還成玉宇
無瑕

又

簷牙聲漸瀝聽絕續響玻璃似甲脫銀龍電舍石蟬
迸出寒溪流漸凋霜鏤雪也裁裁剪剪襯沙隄卻怪
膽餅碎處梅花落得心齊淒淒水鈍月難期風尖
日易低想橋頭玉版草根珠顆乘馬聞雞重櫺輕綃
開看怕明璫化去是耶非腸斷鮫人淚點冰統更忍
留題

又

偏行堂集

卷四十四

六

夏蟲不可語知何處納凌陰聽聚雨量珠敲泉析骨
一笑蒼蠅難尋奇窮地脉是全埋凍海截雷音巧試
蓮膚龜手平欺鑠石流金稜稜十暴總無侵微吹
又不禁只移來六月換人雙眼元自冬深如今有山
莫倚把熱腸軟作歲寒心紫燕滿園春色暮猿三峽
悲吟

又 次韻答融谷病中見慰

怪挑來一擔老病骨作行裝聽風雨松梢外邊消息
獨露堂堂隨方自收自放卻橫吹倒捲過水霜爲語
片時寒暖莫爭寸土陰陽思量矯翼上清涼窟寐

名荒唐得好友新詞翩然健翩板我翱翔枯腸無端
有句又看顰藥碗到匡牀誰把生機一線半青抽出
全黃

又次融谷讀孝山新詞來韻

正高齋無事春寂寂雨絲絲只隱几焚香攤書舉燭
得句停卮參差玉簫按疊廣霓裳月殿置新司太白
妙能度曲幼安愧未工詩誰知宦邸卽山茨寧辦
赤衣貲歎嶺表群峯劒鋒剜瘦來日要支難持瑠樓
一語問青天巧作愛君詞又是綠楊芳草魂銷杜宇
啼時神宗讀子瞻水調歌頭至惟恐瑠樓玉宇
高處不勝寒日蘇軾終是愛君量移汝州

補行堂集

卷四十四

七

玲瓏四犯

開先風雪開松竹推折聲

雪屑風鋒挫折得青松翠竹多少雜雨純水似把鐵
衣盤繞朝夕響應蒲牢想離立子孫半掃散愁絲亂
點千峯便與白頭俱老凌珠湧出龍潭表儘炎熇
歲寒長保而今卻被寒威壓嗚咽泉聲小方信壯骨
難成未百鍊樹猶如草悄爲伊生感從初至末幾人
能了

憶舊游

樓賢訪石鑑兄

廿年前在此問廿年前何似今年歲寒人將盡融融
晴色初試春天玉淵金井依舊白練曳蒼烟卻精舍

孤清閒僧素樸我見猶憐群遊忽驚顧想好句垂
成花散青蓮莫寫扁舟影歎來思異感歸夢同牽有
泉亦號三疊此曲近無傳妙旨發玄音移情又在三
峽邊擬遊三疊不果立春初購僅策杖
三峽唱尋玉淵諸潭坐語而已

水龍吟

大韻章質夫楊花六首

是他輕薄情才恰如醉客車中墜有生不解春來生
夢夢回生思南北東西路窮偏去門深任閉聽茶前
酒後催歸正好何人喚紛紛起點着花名花位上
花班懶依行綫絮非禁冷雪非呈瑞一齊粉碎更賭
鴻毛試過萬里誰沉弱水硬心腸折盡柔條逼煞也

補行堂集

卷四十四

八

無些淚

又

偶然闌入春光被他一手推教墜悠悠漾漾有無着
意無無着思露網斜懸風輪亂滾雨巢深閉卻蕭蕭
灑灑凝凝昵昵輕輕下低低起似我千針壞衲錦
迴文織成休綴絲絲絡絡顛倒倒零零碎碎妬龍
爭妍一般花月一般萍水到不如元自淒涼免悵望
繁華淚

又

爲誰觸着心傷茫茫爭向樓前墜辭柯戀葉暫留終

去滿襟客思女伴情深高旛并立名園同閉喚行行
且止雨中藉藉卻風外頻頻起 針袋婆婆袖底裂
乾霜懶聯慵緩遊絲枉續翻波罷飲毛塵等碎破絮
吹雲灰錢捲蝶敗荷擎水細看來總是楊花何處灑
牛山淚 菱菱針袋藥名秋風乾裂飛似楊花

又

也如七趣昏昏無端升又無端墜以前難挽此時不
任未來休思骨解雲浮息微續緩光離目閉到明年
忘記虛花舊性似今歲從新起 着甚裁輕剪細軟
茸茸綠鋪紅綴黃鵬翻落紫駟踏剩白鱗啞碎裂荻

編行堂集

卷四十四

九

非霜斷絲非劍鏤冰非水卻元來沒有春光滿眼是
驚秋淚

又

閒凭曲曲闌干眼前何物紛紛墜難收難拾滿空搖
曳一天愁思推便難開喚誰肯轉關仍不閉恁瞥喚
瞥喜玉纖攬住無端又抽身起 影過非烟鏡裏似
浮雲蕭蕭微綴情還君短命還奴薄心還奴碎寒怯
偷風暖羞送日魂銷逝水聽病中絮絮一枕綿綿一
絲絲淚

又

曾將籍隸花王是花敢不從花墜生花何事留花無
計惜花多思花運將傾花民漸散花天忽閉見病花
委地老花傍路殷勤待扶花起 恰似葬花時至續
花命五絲難綴露晞花挽星沉花隕樓空花碎花質
揉烟花魂塞霧花心濯水在花間忍不爲花貴爲
花賠淚

又

用楊花韻調侍者

是誰置得楊花無人承着憑空墜盡伊不出有的懶
散沒的才思柳眼青分雲絲白繞似開還閉只搖搖
擺擺非癡非醉隨他倒隨他起 便有天孫機杼爛

編行堂集

卷四十四

十一

綿頭如何縫綴翻身又是雨裘蟲蛀風池萍碎一副
衣衾兩重棺榔沉泥浮水歎誰割難施無皮裹血無
眶傾淚

又

寄懷周齊初制府

昨年韶石清秋將離折贈心如結雲中鸞鳳山中麋
鹿林中松栢住地非同寄情非異流風拂月看珠川
早晚潮生潮落爭能把波瀾絕 待倩瑤琴細說調
依稀纔成還別公能相念錦溪東上玉臺西側夢到
羲皇興兼果許時當稷契望東山起處蒼生報我一
聲休歇

又 荔支

何來幾斛明珠眼前爲我俱傾倒風流標格素光內
映紅霞外繞涼奔冰壺潤浮天乳香輕龍腦問葡萄
月上楊梅露下還分得甘多少 猶記病夫微幸儘
簞簞三年安飽白雲深睡溫柔微醉四鄉偕老柚子
堂虛三廉石冷南池波渺歎吾今衰矣可能化汝作
安期棗白雲鄉溫柔鄉睡鄉醉鄉合爲荔支封邑亦
仲遠宅南池皆予嘆荔支處

又 午日

不知世有良辰耳根報我今端午汨羅遺恨前波後

補行堂集

癸卯十月

上

浪何堪追數附贅爲生潰癰爲歟誰甘誰苦怪三閭
水底五絲乞命尚魂頭蛟龍舞 我欲題牋寄與問
當年殿中如虎未應狼狽化爲饕餮貽譏千古鬼失
椰榆事容影射漫勞清楚聽先生一笑吾名猶可沃
人焦腑借三閭之名以乞角黍乃鬼中
依草附木者不妨大皮包荒耳

又

棲賢石鑑兄初度

會臨三峽飛流老龍吟處天風下崖門日湧彭湖雪
捲廬山虹掛異地同聲橋邊合奏曲高和寡歎峯頭
五老白雲簾蕩徒傾耳難酬話 知是石人應化踏
蓮華雙泉浴罷餘波大用飽蚊飽象呈龜呈馬洞上

金徽林間玉笛咸登風雅聽還鄉逸調千秋不歇八
音俱啞

又

黎天池登第後杜門不出作此壽之

黎公又勝陶公絃歌未奏歸三逕名場雪澹世情雲
幻道心嶽靜萬卷閒披一簞粗足三盃軟困儘柴門
剝啄兒童拜覆窮老子通身病 從此無人能近只
幽禽聲聲堪聽屏山自響筆花自舞丹田自潤天上
官多人間路窄隱仙散聖便城東老母同生有佛也

休容問

此公以四月八日生

又

贈初千壁弟分座海雲

補行堂集

癸卯一日

三

拍天倒寫銀河密行一路冬泉汪渟泓靜好滑甘清
冷非流非住綠玉潭中爪牙突出烟雲來聚看迴旗
舒卷弄珠上下向此地飛花雨 寶座增高如許問
宗風舉揚何似珊瑚洲上全提鐵網扶疎火樹峻嶺
騫騰群龍落膽大鵬展翅是月香花雪一枝分自羅
浮深處

又

壽金公綸

誰能到處遊仙別行一路如天縱青藜下上青村先
後青田伯仲水底玄珠圖中白澤亭前丹鳳把七金
山子化作宜九閒時置忙時弄 吟過歸猿古洞數

匡門舟輕潮重鱣池自徙藤橋罷接鰲峯不動短夢
初醒長年易遣大材難用喜小春頻試生香蘊藉柔
風徐送

又

同卽覺離公登海螺巖前
舍利塔用東坡咏笛韻

螺巖絕頂凌虛刹鋒獨立人天表烟霞擁護日星照
映江山圍繞八面風吹浮塵掃盡遊絲莫裊問同來
道侶水晶毘塔較累甃爭多少眼底乾坤芥子便
看端一毫非小祖庭秋晚法雲遠覆寸心難了迴雁
峯前幾聲嘹唳畫開林杪肯深埋此地萬年一念且
忘昏曉

偏行堂集

卷四十四

又

小除初度時在歸宗次劉後村自壽韻

雲中五老相驚出家人有人家事小除夕到歸宗院
裏丹霞翁至多難餘生積勞病骨不堪追思擬三竿
日上單開六尺旁偷箇蒙頭睡藉藉紛紛投贊活
分開我無懷氏右辭左請擎茶跏趺敲文嚼字白汗
黃泥附之疲倦笑癡張喬是阿誰賺汝無端闖入做
嬰兒會

又

百年一夢須臾途中不美歸家早六句何有杭州一
姓韶州一號入市疑計入山疑隘入疑疑傲已崦嵫

日落膏肓夜伏想閒字投其好閒對白雲舒嘯鵲
和鴉吉凶休報名場槍亞道場劍按堪啼堪笑點簿
虛名拭瘡故紙扇風颺帽問有何交涉無誰繫縛受
他鉤考

瑞鶴仙

和蔣竹山紅葉

楊花春散雪便倒換春工散花霜月微雲冷遙碧見
淚波淺汙蒼峯瘦出鵲聲久歇有留滯歸魂未滅把
從前落下殘紅湧作梢頭新血悲切溫柔入夢寂
寞收場同時同說情絲不斷枯枝外悄難覓映綠酒
籬邊南山盃底無數止啼黃葉又誰將錦襪傳看寒

偏行堂集

卷四十四

西

桃半坼

齊天樂

壽孝山

水輪又見卿雲捧碧聚洪崖峯頂金粟浮香玉塵泛
色人醉華胥清景秋聲吹醒棋五馬庭中千秋歲引
預按霓裳月天舞破素娥冷歸來珠露徧灑文章
太守幻出波瀾千頃招轉薰風全消畏日舊曲虞琴
新整殊勲異等歎褒德難封積薪誰請卻寄浮丘一
枝仙桂影

又

歸宗侍天然老人遊玉簾泉

摩天峭壁無門入誰將玉簾低挂石榻聞濤晴窓看

雨莫覓龍潭高下金輪忽駕映一朵卿雲紛綸嬌蛇
讓出伏糸水中生火不能盡 人人同注異指見烟
飛電閃如幻如化綠暈燈兒白光珠子青赤虹橋斜
跨歡情未罷便空裏栽花方開方謝剩有餘輝繞雙
眸激射懸泉如練見五色光變幻恍惚因
人指注而爲名狀蓋日色所映耳

春從天上來

病中未懷劉持平中丞

空谷生春正滿樹梅花玉淨香勻錯水爲粉融雪無
塵一雨萬卉爭新赴相江柔碧更探取珠海玄津最
難忘是言能破夢意足消人 年來祇堪善病幾種
種顛毛未算勞薪木石同壇丹青殊狀態有熱鐵飛

補行堂集

卷四十四

五

輪念深冬離緒霜中柳不比松筠再來因怕月兼烟
笠莫認前身

又贈白巖尚公

天用如龍見施雨行雲品物春濃碧虛升月瑤海浮
峯不數寶樹珠宮問俱暗萬馬誰敕送師子花驄向
南來有汾陽甲第列鼎鳴鐘 猶聞帝京盛事敘玉
友金昆日下從容鯨鱗藏豺狼脫距梅嶺更植喬
松秦太平新曲千秋歲歲德臨東道方隆是允文允
武純孝純忠

歸朝歡

送沈融谷之北雍

徑寸明珠孤月朗誰舉八紘猶漏網神光不得混泥
塗星辰高處尋玄賞丈夫多翫辭霜蹄碎踏秋聲往
到燕臺空群逞俊步濶天衢廣 會記蜀人陳子昂
撼得胡琴枯葉響雄文百軸走長安一時聲價如潮
長憶君遙撫掌卿雲更覆黃金榜別情違碍人珠水
只寄臨風想

永遇樂

和蔣竹山綠陰

麥浪侵天苔衣隱地纖塵不到蝶暇迷枝蜂忙失夢
誰把花魂吊微吟散步涼生羅袂已度佳人半老和
身在重重影裏渾被影來遮了 天台巖底似看生

補行堂集

卷四十四

六

面鬚髮嫩連芳草斗酒攜柑早時聽處何路招黃鳥
桃源重訪溪光舊綠但有浮萍沉藻從今想添聲杜
宇莫歸去好

解連環

甘露降於巖竹時老人疏
榜嚴經適竟兼值生辰

誰釀天酒只此君吸盡西江一口便解衣投入甘泉
且痛快澆胸淋漓濡首葉重枝輕更步屨沉酣花柳
看漿調玉屑露擢金莖風生碧藕 應知竹林非友
喜祥分翠栢慶存黃耆恰堂中疏罷深經似醅醖開
新葡萄醞久灌頂醍醐南溟水全傾北斗丐曹山白
家餘瀝小人鼓缶甘露一
名天酒

望海潮 長至有懷

葭飛六琯紅增一線陽回誰見天心水讓白沙風爭
黃葉冷雲漸結遙岑春色逗重禽聽夜來小雨半灑
疎林野寺閒僧慢魚輕鼓意沉沉且容病客微吟
問西谿綠夢無夢堪尋海不棲霜嶺常拒雪偏將衰
鬢交侵柳樑倦登臨歎此關方閉莫送徽音記與何
人夏園深處步花陰

又 雷峯留別旋菴湛公

癡雲注雨橫颺掣浪離情欲寄遙峯將去猶疑已行
方信海天不透寒空雙楫挾孤筇見輕舟獨露白鳥

補行堂集 卷四一四

七

烟中彷彿隄邊樓臺間出綠陰濃舊交多是衰容
只而今別處此會難重廿載低回幾番頓挫那堪尋
始尋終霽月度新榕歎暮投盧渚未到賓鴻霜雪盈
顛一聲珍重各恩恩

又 留別村中

去身如影來心如夢纔逢便折將離也說忘情元非
絕念欲尋何處無疑後會此前期看花開石骨雪覆
春枝水擊三千幾會移易一絲絲卽今又是何時
問五更鼓角入耳誰將丘壑變龍冠裳巢許風流不
在人知玉座正垂衣且見聞莫及擬議安施野老行

歌卻從耕鑿慰相思

望湘人 和楊君菴詠陸

見紛紛日影漠漠花光剩香殘粉相中輕欲隨烟乾
難着霧誰把密羅徐翳白染初心青封醒眼縑蒙素
面倩斜風細雨催歸土落泥中休念何處行雲未
散看層層梁上聲聲遶徧一片最清虛堆作水明山
暗深經出後全輪轉罷不盡鄰虛多半便解得刻棘
鏤沙也只空中空點

一夢紅 海幢阿字兄初度

許多籌見新來石室人是舊來遊生小江干奇竄奇

補行堂集 卷四一四

八

智全潮變現空瀰夢覺了一聲雷動絲雲端蹴起紫
金毬袖褰千山杖挑瓊海腳踏靈洲正值花明柳
媚對水壺春漾萬斛清秋鏡影燈光珠回玉映梅梢
雪淨香浮高座上滿輪月相恰中天中夜照中流仿
彿霜絲二丈分挂符頭

風流子 泊清遠峽口

輕舸浮急峽暮天遠橫浦沒斜陽正寒作淒清病兼
轉側葉無落倦鴉有歸忙頻低首力隨雲水盡心逐
海山長半枕誰飲一燈自續星疎墮影月淺移光
閒將雙柑剖苞金分色後散霧分香漫道情懷易遣

風味難忘念十里丹霞不堪草草滿頭白雪莫問蒼
蒼判把許多詩料讓與啼螳

又 譚左羽過訪寄

病餘猶伏枕誰相訪一笑起披衣見驚座人來山分
爽氣開懷語發天合清機難忘處玉臺連月照龍尾
夾雲騎夢遠凌江鳬鷺日靜言歸獨秀鴻雁峯低
挑燈重論道門前有好景崔護會題爲說聲先色後
滯殼休迷歎此夜迢迢香飄疎磬半生落落風送荒
雞不覺片帆吹去烟滿橫溪

又 上元風雨

補行堂集

卷四十四

元

東皇不解事顛風雨吹轉海門潮看烟火光微心灰
鳳蠟笙歌聲咽淚滿鮫綃吾無恙一爐焚柏子七盃
覆松濤明月尋人已埋空谷暗塵隨馬更折星橋
素馨田畔路當年夢應有金屋藏嬌不見漆燈續燄
蔗節生苗儘翠繞珠圍寸陰難駐鐘鳴漏盡杯土誰
澆問取門前流水夜夜朝朝

又 訓別董蒼水兼寄傅竹君

春雲長釀雨寒尤峭客次正無慘是何處名流霞分
暗室似聞清籟鶴語危巢重提起一番興廢事兩代
歿生交病眼空花收歸圓覺秋林落葉罷讀離騷

蒼梧當日盡丹青手都無粉本堪描卻道故人顛顛
依舊逍遙待冰井烹泉濡遲異日河梁灑墨惆悵今
朝試把粉箋寄與魂夢同勞

又 輓藥地和尚

有來誰不去青原老摩竭今全提是三角麒麟波中
掃跡一枝菌舊座上披衣兼收得花宮藏玉帶綸閣
顯金鏡先覺先知同歸極果多材多藝獨運靈機
人間眞叵測馬牛莫及處逆順風齊須信閒名易謝
大病難醫笑白澤圖邊何勞聽棘黃茅瘴裏更懶牽
犁未解月輪東轉錯道沉西

補行堂集

卷四十四

丰

沁園春

題骷髏圖梅花道人曾有此作
見其淺陋乃爲別之得七首

歎汝骷髏骷髏汝歎無了無休便脂消杵臼拋沉海
底灰飛爐火吹散風頭起倒非他笑啼是我生不推
開久不收誰來問問誰來感慨禁舌凝眸 思量多
少遷流直遭得紛紛作馬牛痛支離天地緊穿過電
顛連民物爛炒浮漚後轍前車愛悲憎喜有得揶揄
沒得羞還問道道汝能無事我也無憂

又

幾箇骷髏被人敲磕着甚千忙見綺羅軟美生來結
構鞭筆怨毒外去思量螻蟻爲親烏鳶作客朝露何

由弔夕陽誰家事卻自行自說還自承當 無端熟境難忘有一點灰生萬點霜任劈波魚痛明年昨日穿空鳥瘞此土他方舊恨非存新歡莫續地老難扶天又荒好聽取唱屍林一曲寸斷柔腸

又

閱盡骷髏不知來處空說惺惺纔眼輪贏得粘連一線鼻梁輪與扯曳千生血肉都消精魂罷弄且把佳城當化城非無伴伴寒風漸瀝野火青熒 撻蓬指數誰評儘列子乘虛不算行看波翻影落四山長定鐘沉鼓寂十日齊明衲被辭頭鉢盂失手道是無情

徧行堂集

卷四十四

十一

卻有情真還似似圓伊三點鬼哭神驚

又

休爲骷髏熱時冰冷壯歲龍鍾有談天馳辨挾山逞力劒成斗狀九在空中鐵石栽花雷霆結凍白晝尋人不見蹤我也曾散形多似豆留跡如鴻 家翁只是癡聾任貴賤賢愚打合同更酬錢乾笑弄繩兒戲長墮葉落緩步鴉從綺閣來顏荒郊枯骨燈鏡千重影萬重一盃酒大鯨吞海盡莫覓蛇弓

又

人歎骷髏骷髏不歎卻又逍遙怪百骸零碎輕輕撇

下三魂浪蕩遠遠開交城郭人民昨非今是華表歸來也不消誰相委鴉啼枯樹上鼠穴深蒿 往來荒徑迢迢好一口晨鐘不解敲喜眼睛乾了沒些顧盼舌頭爛卻免得嘮叨黃土挑空白錢燒斷無耳聽他大小招英靈漢更何人司命重整皮毛

又

我見骷髏出塵嫵媚絕代豪華占江山萬古千群鬪蟻交親四海兩部鳴蛙已脫囊藏何勞粉飾獨露堂堂不似他長憐憫暫堆些馬鬣又作人家 休教夢遠天涯看流水無心戀落花問回風雪捲誰來爭席

徧行堂集

卷四十四

十一

橫江月墮任去刪牙太乙符空西方藥盡灑落相撐亂似麻真平等便漁陽鼓史澹殺三槓

又

一箇骷髏許多孔竅爭奈他何是曲分韋杜九爭赤黑眼栽荆棘舌滾風波未擲頭顱已尋皮袋不管雙肩只管馱到這裏卻青蠅罷吊白草成窩 休言結習消磨直萬劫千生一縷拖便疎鐘夜歇微雲晝淨尚交玉帛豈免干戈冷刮禁磁熱澆看溺纔說無知知更多也須得到杖頭敲響割斷婆婆

又

賀鹿君翁明府

我建道場於此丹霞俯石看雲歎薰風彈罷聲猶寂
莫御屏題處績未升聞錦繡溪山神仙父母磊落多
才喜見君天心似眼回秋慘澹有腳生春 翩翩記
室空群會倚馬揮毫震一軍種嶺南兩邑名花爛熳
山西更雨甘露繽紛熟道輕車伏雌犧鼎十九年刀
新發刪政成後聽與人作誦吾亦能文

又 育長中權督府

右挈學東左提學西豈不壯哉喜端溪新上都虞侯
任韶陽舊藉武狀元才劍倚崆峒弓分霹靂八陣圖
從灝瀨排承恩處有指機親向御手除來 清風更

補行堂集 卷四一四

絕纖埃便湟水樓船眼倦開看龍驤節建蛟螭不動
虎符兵發雞犬無猜制府賢明知人善任穎脫囊中
今日纔誰堪比是黑頭高密獨冠雲臺

又 徵集南湖不能如願次稼軒便湖韻

錦水西流南湖映北疊嶂來東歎負囊深願尚資香
象射潮敏手徒抱強弓壯不如人老休多事欲別堂
前四小松虛留話似樂魚濠外趁蝶花中 衲衣雲
影重重待柳標潛投千萬峯奈鼓皮未破愁胡有面
斗藤纔擊逋客無容五夜低徊一刀難斷卻被何公
笑沈公還如夢見浮圖倒影鏡像空濛

又 舍利輪未成

丁未廬山棲賢谷口舍利臨東已平懸寶網彌天結
界高提玉尺布地量弓畧有經營待成瞻仰更植金
剛嶺上松心何似枏形銷骨化宰堵波中 幾思影
現重重卻踏蹬崔巍此一峯歎鬢邊髮短祇堪潦倒
人間路窄不敢從容下手嫌遲抽身欠早真箇詩書
敗乃公而今罷看半肩沒縫水月冥濛

又 和高季迪詠雁

橫海非舟書雲非字掠影非痕便欲呼黃鶴山中父
老不哺紫燕花底兒孫顛倒炎涼驅馳南北一路春

補行堂集 卷四一四

秋仔細論誰知已有孤峯嶽立喚轉同群 且休瘴
海沉淪似楚些能招逐客魂過十洲苑園懶攀麟鳳
三家籬舍羞伴雞豚落落風塵茫茫烟水生歟須教
此意存還因甚爲上林傳帛虛擲閒身

又 次符卷春水韻

山帶雲生龍香雨汪漈盡纖埃自淩消珠玉絲牽荇
藻風翻紅紫繡錯莓苔一段盈盈十分蕩蕩芳草天
涯不用猜交相媚與遙青蘼影看眼徘徊 扁舟斜
對層臺也心醉韶光忍便開問白魚秧嫩鱗鱗孰剪
綠萍鬚短箇箇誰裁長嘯拖烟輕歌招月流水桃花

歸去來纔應道有此中佳處何必天台

又 青平南尚王

異姓真王三朝佐命一代功宗自虎牙奉令瞻雲在北龍驤建節抱日臨東銅柱分茅樓船出海戰守全歸耕鑿中澄江上有驪珠晝白火樹宵紅 深盃琥珀香濃看繞座芝蘭蘊藉同更汾陽階下貂金赫奕大梁苑內毫素從容道洽成康名齊周召憲老還推釣玉翁重論舊問渡遼餘得幾箇英雄

又 送彭退菴銓部典試還朝

論官以功取人以言於君何如聽龍吟虎嘯玉中辨

編行堂集

卷四十四

五

玉蛇盤鶴舞珠上尋珠一片精明十分詳慎水鏡無心合太虛山公好有不同啓事不異賢書 柳陰彈指誰歟漸紅杏枝頭燕翼舒看雲霞被體凌空得馬雷霆燒尾沛澤非魚奇甸英華曲江風度應共官家六尺車從今去只綸扉薦士甲帳崇儒

又 壽儀伯別駕

白雲方歌青鸞卽舞飛下屏顏更銀鉶天露北傾錦水紫簫人籟西響昌山三秀分芝九成合樂笑俯雙江擁翠鬟冰堂裏正南來風煖東至波寬 名題玉殿屏間看丹詔徵黃借押班是蓮開火宅誰云佛冷

字消脉望未聽仙頑百辟其刑四靈在囿八極懸輪一日還慈門遠只亭前尺寸不放春閒

又 大稼軒蒼楊世長韻謝龔升略

何處詩來卜晝未終篝燈繼之是名從端水聞而欲見韻饜饕府讀又相思海嶽塵低風雲影薄天闕無勞七日飛干霄氣便埋同雄劍不作雌霓 丹梯百丈巍巍早覆面山前錦一溪看西江古篆形分沙石臨淮新令色變旌旗俗學由人衰年放我此事微公孰與歸憑陵去笑尋常雁塔李杜休題

摸魚兒

清遠峽大稼軒山鬼謠韻卽用其起句

編行堂集

卷四十四

六

問何年此山來此有人似語非語此中尚有飛來寺定可一言訓汝忙覓路元只是斬新如舊今非古逢人但舉笑兒戲神通偷來蘭若不敢送回去 還記得山上行雲行雨江間如組如舞花明柳媚孫郎婦老大千年毛女愀然處卻自歎絲纏窳塞空愁苦玉環何許看去了能來烟蘿絕跡一首小山賦

又 觀音巖

問何年此山來此無人爲我酬語從前不受文殊選恰好圓通歸汝巖裏路算不出高低明暗無今古話頭空舉把一片梅檀幾番瞻仰依舊轉船去 回頭

顧陣陣癡風盲雨翠蛟白浪飛舞蓮花洋底千株鐵
笑煞補陀兒女相當處待攜取觀音石到相勞苦安
居如許似丈六伽黎全披千尺更作大人賦仁化有觀音石
予試攜此石置此巖如彌勒千尺之身衣釋迦丈
六之衣身不見長衣不見短乃不羈大人一賦耳

又彈子磯

問何年此山來此半雲半水無語少林壁面猶兒樣
一彈直須摧汝探滑路卻借我明珠入掌輝今古此
弓徒舉便粉碎虛空依然獨立長嘯一聲去重喚
轉馬上金丸如雨枝間鳥雀歌舞富翁拋撒鹽邊屑
救得人間男女無尋處忽歎汝精神寂寞甘茶苦移

編行堂集

卷四十四

七

情更許待霜雪漫天風波捲地恥爲逐貧賦

又挂榜山

問何年此山來此不知魯語齊語蕭然獨立荒江畔
誰把榮華汗汝長安路料只有錢神一論垂千古賢
良漫舉儘痛斥中官力排新法已落孫山去尤堪
笑販賣春來風雨再命於車上舞蛾眉畫出人相妬
齒冷宿瘤奇女平心處一榜上都無名姓君何苦巍
巍我自許看雁塔子虛龍門烏有妙絕上林賦唐人呼狀元爲狀元

賀新郎

舟中臥病

何處堪留夢只瀟瀟孤篷細雨老懷相共暗數年年
中宿峽十五往迎來送儘日炙風吹不動此意卽今
飛更起奈愁多倒壓眉梢重眼底事心頭痛白雲
自向青山擁指煞人竹林精舍梅花古洞誰掩綠楊
枝畔耳啼得血流無用鎮看作玄亭丹鳳勞我一生
供怪石也會勞怪石三生供我把我閒摩弄

又示病

間歲仍多病那堪閒郎當鐸響支離松韻把杖欲行
還欲臥矮枕方牀無定怕切骨春寒難近未了燈前
多少事似不甘油盡光俱盡猛透起兩三暈殷勤

編行堂集

卷四十四

七

師友頻相問自何來返精初燕還丹重贈一蒂結成
三箇苦長業莫憂短命睡醒處幾聲清磬便到天荒
與地老有絲絲恰恰偏偏剩如意打唾壺聽

又逐病

從此休相見汝於吾何親何故何轡何怨得箇皮囊
還往後費了許多鹽炭况藥餌今來難辦奴婢廿年
無給侍有頑徒一向偷閒慣汝又不甘枯澹南山
未許移吾判要死時隨聲便去肯勞重喚四百四人
如叩戶分付莫留茶飯還有箇一刀兩段地水火風
湏聽者敢從中勾賊同爲亂我卻是無情漢

又病諫

四大齊回話早來傳王君嚴令神驚鬼怕擒賊擒王
應直取好彈不將巢打斷了首蛇行纔罷曠劫無明
成大樹問當初種子何人下罵我者先自罵丹青
妙絕虛堂挂看一幅病山病水病人病馬影落波翻
終不盡憑得千刀萬剮難折倒盲聾啞我與王君
非病病是七重寶塔全無罅且開粥同過夏

又病留

過矣離群久愧無端紛紛藉藉斬頭安肯不但老僧
無此事夢怕醒時影走便諸子先生烏有好箇病人

編行堂集

卷四十四

先

逢不病卻雙勾不病翻筋斗單與拆非奇耦於今
識破同心紐只中間一時解了兩家撒手自斷神蛇
還白續沒得絲毫合口休抱着貓兒覓狗開粥不消
論過夏到歲寒元是忘言友誰作證毘耶叟

又喜晴

積雨迷昏曉剪將來漏天幾尺五羊爲沼日馭即今
何方駕愁似陰陵失道扶不上三桑樹杪坎井蛙隨
東海鼉趁潮頭雙遊蓬島風更懶雲誰掃火官
心似抽刀攪把曹瞞蔽江樓櫓立時燒了又似齊王
三年後賞罰如天駭駭也莫論飛鳴遲早出水仙人

纔放眼便安排鸞鶴空中繞山一抹青多少

又訓義山

天遠秋無盡看晴雲悠然過水頓生逸興一枕弄珠
樓上夢月澆玻璃千頃清徹骨行空涉鏡何處數聲
昭華琯與龍吟鶴和遙相應孤影伴憑闌聽醒來
又得新詞勝似重逢明瑞記事高文起病見說舍人
泉思湧腕脫書傭乞命須造了鳳樓方稱老我天峯
勤訓唱怕懷中殘錦無多剩君更有蓮花淨

又感舊次竹山兵後寓吳興

古劍花生繡憶當初仰天長歎風尖石透幾疊哀旂

編行堂集

卷四十四

辛

吹白露化作清霜滿袖喚一緇芒鞋同走入夜欲投
何處宿見半彎月上三更後剛挂住駝腰柳隔溪
漁網懸如舊渡前村叩門不應信信多狗積得陳年
零落夢搬出胸中堆阜要澆也不須盃酒老大無人
堪借問照澄潭吾舌猶存否窺白髮自搖手

又次竹山秋曉韻

月落雲遮了問群雞荒村底事一聲催曉客伴相呼
齊解纜餓虎曾眠古道行共止商量不少逢面風休
欺暮齒也何難串入兒童小又去索孃梨棗青山
要把浮雲掃看浮雲時時生滅與山同老我有從來

難老訣識取籬穿壁倒常得此鶴胎驚抱水急前灘
篙竿竿見澹霞幾縷孤松杪白鷺起青溪香

又 道與二首次稼軒德同父韻

擬向何人說歎無端曹瞞枕畔多條冶葛毒種自公
親手種不把雙眸籠雪卻又被瞎蛇牽髮怪得月輪
圓便缺料無人消得全輪月悲欲動湘靈瑟 人間
只好長離別儘教他相投水乳元非真合祇是鷓鴣
飛不着有甚傷心刻骨也莫道醴泉清絕天上人看
地上事算腦門懶納如九鐵口不閉頭須裂

又

編行堂集

卷四十四

三

喚取虛空說卻須聽鳴雞吠大短藤長葛三箇孩兒
他門路各樣頭毛堆雪拍手看李家胎髮鑠石流金
日向午滿盤水堆出松梢月舞干羽調琴瑟 正相
攜處成相別是老夫面皮翻轉從來難合樓上目招
心挑者鎖子黃金聯骨好笑倒頭巾癡絕便欲問天
天還怕料乾坤不勾三觔鐵一指豎華山裂

又 道與次稼軒白述韻

世道交喪矣送幾回霜蒿露薤身其餘幾閒極卻來
尋事做天下何嘗有事只送斷席人悲喜手弄碧巖
消作水火坑中飛雪寒如是惡面目誰相似 袁安

凍倒柴門裏較石崇玉輕金艷豈殊風味縛得電光
敲骨髓有理誰知無理捉不正爐烟斜起與汝同牀
同作夢顧夢之苦樂何如耳我不敢輕餘子

又 道與月稼軒題積翠巖韻

去去尋初約笑秋蚊飲河取足豈煩盃勺尾繞須彌
腰七轉頭向四天橫閣也未出三前三卻今古不知
多少夢把他人得失當哀樂心有病心爲藥 情癡
又作黃金鶚趁草間豐狐九尾灰吞生攫借問不平
誰平者都是一頭兩腳枉替我添些白髮更不解粧
聾與啞到筵前且看羊公鶴誰奪汝一丘壑

編行堂集

卷四十四

三

又 及宋自遜題雪堂卽次其韻

誰喚東坡老問壺山可能出得斜陽衰草公自不會
當局耳沒得抽身說早不摘藻何殊摘藻十箇和陶
九不似料淵明那討閒煩惱公也合忘言好 人間
莫道英雄少看將來自家便大別人便小易地皆然
翻覆案從古不會判了只落得閑堂一笑無可奈何
尋酒伴漸酒盃欲盡還添倒長夜夢何時曉

又 贈顧孝廉湘琳用秋曉韻

心到何時了夜明符見誰失手見誰知曉坐有顧公
應不樂今日難行古道纔刺血便憐人少記得無邊

身許大脫鶴民模子些些小千步障籬間棗 蕭摩
不受淳風掃恰相當國謀方壯野謀方老石骨煩君
充砥柱一制狂瀾東倒披寫處豁開愁抱昨夜西風
敲竹碎聽離鴻又向秋林杪雲欲盡天俱杳

又送領湘佩袋公受出嶺二子同潘測乾方伊
蘇有問七夕船和詩索為小序仍用秋曉韻

此路行難了早寒時蕭蕭颯颯海天初曉料得金烏
無鐵骨爭敢驅馳比道戀軟暖南州雪少千尺冰凌
梅嶺外巧搓那散作珠璣小打卻碎安期聚 蟠桃
花辦誰堪掃便行遣借他置閨同他偕老遮莫朝朝
逢七七恨似銀河傾倒寫不盡才人情抱欲乞天孫

編行堂集 卷四十四

新織錦歎斜暉已挂枯楊杪漁唱晚烟波杳

又王子中秋獨坐

月到天衢直笑衰翁見光避影不知今夕記得何人
拋拄杖化作飛橋千尺行疾上瓊宮瑤闕素女白鸞
丹桂下鬪寒風透骨歸思切高自冷誰禁得 枕邊
聽取秋蟲說把從來熱心淨掃霜林落葉殷地笙歌
人定後一照顛毛如雪何必待繁音銷歇紫玉臺前
綠玉水料松聲竹色都清絕孤負煞千尋壁

東風裊娜 堂前雙柳

看堂前雙柳裊娜春風一體異兩情同似逢人訴與

東皇消息許多歡喜不盡其中袍汗將深麴塵已退
眼見綠藍賺落紅聲送流鶯怯天遠夢連芳草哭途
窮 老子有些長處腳頭腳底山南北雲海重重羊
蹄躑鬼蓮蓬成蹊桃李絕欄杉松無可奈何也曾銷
繳早知如此恰好從容琉璃琴上聽一彈三歎飲光
起舞汝我渠儂

蘭陵王 秋雨用高賓王泰雨韻

雲如閣隱隱四垂綃幕秋光澹寫入江天衰草荒村
破蘆箔悲思來不覺幾句微吟消卻斜風起一派颼
颼舟子相呼下帆索 雲行本無約為注雨屯風閒

編行堂集 卷四十四

意非昨敲篷打席成輕薄笑已無雷動又非龍起底
事清流生鹿角孤眠付冥冥 雲駁雨仍作亂更點
風聲兩無斟酌情懷更向衰年惡聽愁從烟結夢從
葉落望窮木末雁不至信怎託

多麗 海幢大殿落成

照珠江巍峩梵刹無雙蔚藍天連山結蓋潮音譜出
笙簧繡旛垂花分目采銖衣擁月淨斜光杖底閭浮
筆端補恒清秋桂子恰生香公案自祖宗未了悲願
獨相當今朝見三更華首萬里扶桑 憶先年王園
座下優曇已現殊祥墨池寒長懷道樹龍洲澗高豎

金幢發軔名藩飛輪開府經文緯武各津梁風波裏
石門遠秀蓋煞不能藏方信有兩般人事一樣非常

六醜

次周美成落花韻

怪三春風雨直甚把芳菲輕擲先春後春空中飛鳥
翼是影非跡還向枝頭討玉宮金屋已落寒荒國零
香剝粉無膏澤夢墮朱樓醒求紫陌東君醉中空惜
只膽餅疎簾深護窓榻 笑人寂寂有山遙水碧碧
落黃泉尋消問息曾逢鶴馭仙客說長生殿裏歡情
難極重來下女冠郎幘都未曉兩箇前生展轉此生
反側晨昏淚鏡面潮汐又一生惹起漂零恨誰能免

補行堂集

卷四十四

五

得

哨遍

和稼軒韻答魚計亭疑問二首

莊叟當年濠上觀魚至樂歸秋水最堪憐鬼窟黑山
裏坐煞人無過於此惟智者乃能融通理事腥羶落
碗難旋蟻豕背蝨安居燕巢堂幕異物都來同意向
於魚得計反觀之卽火宅癡兒爲失計一片清涼十
分浩蕩眞南華子 我卽是魚噫魚元無計莫求知
大觀逢海運化而爲鳥何依怪五石成堅不能自舉
江湖泛泛是耶非以一芥爲舟劫堂杯水溯洄尺寸
千里也不妨赤鯉吞香餌看魚炙人生同一味况竭

澤而漁無幾吞舟漏網尚可與蛟龍兒嬉逍遙無待
短長大小各樣高天厚地請君更欲御風時但決起
而飛可矣

又

枯魚過河制於玄駒想煞鄉中水浩浩然相忘江湖
裏處陸吻濡寧及此歎人間緩急誰能無事一盤熟
爛攢群蟻使魚或不生羊如不歿易地相觀何意倒
囊中魚計漫藏之便蝨豕俱焚非失計慕卽爲欣不
慕成厭羊兒蟻子 拍手笑魚噫出遊之樂我先知
似豕不遭屠熙攘群蝨相依卻禍每難逃福能暫致

補行堂集

卷四十四

六

不妨魚是蝨還非任跳出區中自稱域外五十里笑
百里憫虫虫是物皆貪餌不爲羊誰遣蟻知味畏首
尾身其餘幾打開生歿兩空拳以命爲嬉魚剗蟻知
羊消魚計踴翻童土之地於羊棄意是何時也不見
蟻來足矣

丹霞今釋澹歸說

侍者 古踰
宏瑒 編

語錄

康熙甲寅三月十九日大衆請上堂拈香云此一瓣
香恭爲 今上皇帝惟願一人有慶萬壽無疆又
拈云此一瓣香奉爲 護法檀越惟願文臣不愛錢
武臣不惜死萬民樂業天下太平又拈云此一瓣香
焚於一鉢不但大地衆生命根俱斷亦令天下老古
錐鼻孔纔熏掃踪滅跡今日操入室之戈供養

現住廬山歸宗堂上本師天然和尚用酬法乳
衣就座樂說辯大師白槌云法筵龍象衆當觀第一
義師云纔說第一義卻須更與一槌僧出問無邊刹
土者一指端畢竟是同是別師云者裏討什麼同別
僧一喝師云未有主在進云和尚前言不顧後語師
云恰被闍黎道著僧又一喝師云且去別時來進云
還有一著在師云一向畱與闍黎進云移過螺峯挂
北斗分付胡孫莫畜狗師不答僧問萬煉爐中鐵簇
黎當途佛祖不容依如今信手拈來用未審如何道
此機師云夜月歌鸚鵡進云古鏡未磨時如何師云

春風舞鷓鴣進云磨後如何師云深宮人不見翹首
瑞雲多進云磨與未磨時如何師便喝僧禮拜云丹
霞日照長江赤紫玉霞光大地明師云別僧問和尚
多時常住此山今日深居丈室還有法與人麼師張
口云闍黎且道病僧有舌頭也未進云重翻貝葉開
還合暗裏點頭事不疑師云舌頭生也還說箇什麼
卽得舉僧問法眼如何是沙門所重法眼云若有所
重不名沙門師云卽今人人有箇問頭未免各有所
重病僧纔見你有所重便與拈卻且道病僧還有所
輕也無到者裏稍有顧盼便成大病說箇不顧盼又

是大病了得底人千念萬念決定不流入第二念不
是無念祇是不相續於相續中而無相續不相續想
者不是你一時湊泊多年踐履得來須是悟始得悟
須是一踏到底始得不見俱胝和尚得天龍一指頭
禪隨問但豎一指別無提唱玄沙云我當時若見拘
折指頭人知玄沙老婆心切救得一指頭不知玄沙
也祇替俱胝下得箇注腳大衆者祇是箇注腳俱胝
一指頭又是阿誰注腳大梅會得卽心卽佛不管他
非心非佛非心非佛祇是卽心卽佛注腳便不是心
不是佛不是物也祇是卽心卽佛注腳卽心卽佛又

是阿誰注腳直饒你過了轉句過了半提到得向上全提時節也祇是箇注腳且是阿誰注腳大眾我者裏要注腳卽有要本文卽無你待向者裏討本文便是禍事你計得本文了須拋向腦背後別作生涯若更向本文上左顧右盼一發是禍事也大眾直須與麼委悉好復舉雪竇化主省宗問興教坦和尚諸佛未出世人人鼻孔撩天出世後爲什麼杳無消息師云者是全部底注腳他卻有陷虎之機也須還他箇屠龍之手興教云雞足峯前風悄然師云胡蜂猶記舊時窩省宗云未在更道興教云大雪滿長安師云

猛將卻返家中所以省宗便云誰能知此意令我憶南泉拂袖歸衆興教下座請省宗重理前話至未更道處出語云我有三十棒寄你打雪竇省宗纔拜大眾若不會興教後語玄沙便拘折指頭也祇做得俱胝一半注腳你不會得玄沙只一半你會得俱胝卻完全作麼生是玄沙一半杜鵑枝上月三更作麼生是俱胝完全蝴蝶夢中家萬里大丈夫兒寧可向俱胝句下生不可向玄沙句下死若更徘徊自是你根性遲鈍不干病僧事遂合掌云去年九月承老人有命今日畧赴箇時節用申迴向大眾客聽主

裁自多陳謝子傳父業不用承當且作麼生是不用承當底句喝一喝云話墮也辯大師白槌云諦觀法王法法王法如是下座

浴佛上堂世尊生下一手指天一手指地被後代兒孫喚作傳語人卽今坐立儼然不用指天指地更無一人免得傳語之過你便免得做傳語人免不得做寫畫人總做了寫畫底人依舊是傳語底人大衆世尊生下一手指天一手指地此是第一幅古畫後來在摩竭陀國掩室令阿難門外傳語此是第二幅古畫最後來在娑羅雙樹下示涅槃相此是第三幅古

畫者三幅畫描盡古今人人都道千金難買到者裏一文錢不值近來卻收得一幅文殊三處過夏大迦葉欲白槌擯之纔舉起槌忽見百千萬億文殊盡其神力槌不能舉大眾此乃點睛之龍破壁而去你若眼目定動卻是未得點睛鱗角爪牙雖然具足猶靠著一堵壁在便下座

南雄還山上堂舉百丈有僧哭入法堂云父母俱喪請師選日丈云明日來一時埋卻師云病僧往南雄奉慰陸孝山大夫且作麼生說箇一時埋卻底道理隙中塵影日紛紛叫殺蒼天總不聞舉手槌胸云若

我嚴尊在日不致得如此無依無怙良久顧大眾云汝等從來不會有一點眼淚都是些鐵打心肝卓拄杖下座

端午上堂當日屈靈均抱石自投於汨羅江江邊之人並流往救遂留下箇競渡底故事今日若有人抱石投江山僧不但不理他更與一推何以故者鈍漢抱著一團滯貨不送向深水裏更待何時後因蛟龍奪其祭食又留下箇楸葉五絲粽子今日若有蛟龍奪食山僧不但不理他更點與三盃臘茶何以故他到有徹底爲人手段爭奈靈均以德爲怨人人有一

塊石頭不肯放下人人有一段口食生怕奪卻三千年前三千年後爭免得山僧檢點暮登拄杖云會麼雪浪堆中齊喝采奪標須是弄潮兒卓一下

上堂舉菩薩戒經我今盧舍那方坐蓮華臺師云太尊貴生周匝千華上復現千釋迦師云猶有次第在一華百億國一國一釋迦師云沒卻頂各坐菩提樹一時成佛道師云且莫眼花如是千百億盧舍那本身師一喝云當時若有人下得者一喝也免卻後代兒孫許多之遠千百億釋迦各接微塵衆師云向什麼處下手俱來至我所聽我誦佛戒師云草鞋錢且

冥樂水錢是阿誰出募警佛子云甘露門開也千百億釋迦總在拂子頭上誦盧舍那常所誦一戒光明金剛寶戒千百億文殊各各白槌道因地而創依地而起離地求起必無此理千百億普賢各各偏袒右肩右膝著地而作誓言世界無盡衆生無盡而我行願一切無盡四門天王飛熱鐵輪追集天下憚惡鬼神遵受佛教護持正法惟有一魔王道瞿曇我直待衆生界空乃至無有衆生名字爾時我方發菩提心盧舍那佛在赫赫天光師子座上聞此語已合十指爪唱言善哉千百億釋迦千百億文殊千百億普賢

一時不見魔王也不見盧舍那佛也不見大眾見麼擲拂子云一片白雲橫谷口幾多歸鳥盡迷巢

上堂大修行人還落因果也無前百丈云不落因果便墮了野狐身大修行人還落因果也無後百丈云不昧因果便脫了野狐身五百生前後兩箇老古錘都只道得一半若有道得完全句底我讓院子與他任衆無對師云若無山僧自道去也便下座

上堂今朝月食食成一箇兼中到纔說兼中到不得向黑闔圖上作道理全賠全開半開半賠全賠也是者箇道理全開也是者箇道理半開半賠也是者箇

道理到得無可瞻處大地一時火發摩竭陀國正令
雖提格外相調不堪鈍置明日佛舍利拾豎起剎鋒
山僧有病不能上山借重樂說大師出一隻手

上堂舉大目犍連以神足通追佛音聲過東方無量
世界了不得其邊際師云佛音聲既無邊際色香味
觸法不可有邊際六塵既無邊際六根不可有邊際
六根既無邊際六識不可有邊際六識既無邊際世
出世間一切法不可有邊際一切法既無邊際觀世
音菩薩一雙眼睛向什麼處著卓拄杖一下云還見
麼諸人鬪體在者一聲裏者一聲在諸人鬪體裏各

偏行堂集

卷四十五

七

各總各各別各各異各各同各各成各各壞各各相
知各各不相知各各相到各各不相到各各來無從
去無至各各無依各各無住各各無性各各如夢各
各如幻如化各各如燄如影各各如空各各普徧各
各清淨各各解脫觀世音菩薩有如是著眼分三十
二匠人上切利天雕佛三十二相到梵音相爲什麼
無著手分卓拄杖一下云還見麼拄杖子是梵音相
徧行堂是梵音相堂中說法聽法坐立儼然是梵音
相山河大地草木叢林是梵音相三十二匠人是梵
音相一斧一刀一鎚一鑿是梵音相雕不出底梵音

相是梵音相雕得出底三十一相是梵音相卓拄杖
一下云還見麼若向者裏有箇入處全身脫落卻來
痛罵山僧拖泥帶水正好抓著癢處如或未然各與
一張白紙將驢鳴犬吠鵲噪鴉啼與我一畫來看
謝劉中丞上堂僧問因果分明丹霞榜樣撫臺爲和
尚填債和尚作何法施爲衆商量師云你莫謗撫臺
進云草鞋未解腳跟帶線草鞋高挂時如何師云你
又謗山僧僧問泰山非高日月非明是箇什麼師云
就是你進云泰山高日月明是箇什麼師云就是你
進云和尚昨到西天今歸東土師云也就是你進云

偏行堂集

卷四十五

八

吽吽師默然僧佇立師云釘定了也僧禮拜歸衆師
乃云衆生欠佛債佛還衆生債衆生爲什麼欠佛債
渠與三世諸佛同一鼻孔多劫背馳不還本有佛爲
什麼還衆生債渠與一切衆生同一鼻孔一朝先得
起大慈愍作大方便令其各還本有衆生既欠佛債
爲什麼卻不還佛不欠衆生債爲什麼卻還召大衆
云欠者不還還者不欠識得此義無自無他無得無
失無憂無喜無能欠者無所欠者無能還者無所還
者一道清淨平等解脫山僧向充此山監院欠了若
干債連年奔走填補不完近來老病支離不能下山

承劉大中丞於羽書旁午之時遠相軫念特爲結絕此案令得一心調理今日舉似大衆此乃當厄之德施於不報之地中丞於不報之地而行此施理同太虛山僧於不報之地而受此施事周法界便是中丞一道清淨平等解脫本有自性更無造作不但與山僧同一鼻孔亦與三世諸佛同一鼻孔亦與一切衆生同一鼻孔一切衆生不知少處不減三世諸佛知了多處不增且道多處增少處減又作麼生話會良久云待一切衆生將三世諸佛鼻孔拽脫總與中丞迴向卓拄杖下座

上堂一夏來竝無一箇祖師出現解夏以後還有麼召大衆云有三種過祖師不得出現知有人不知有已行得住不得知有已不知有人住得行不得知有人知有已也行得也住得只要時時在眼前稍稍參差便不自在過得者三種過祖師便出現還有麼白云若有也是怪事復云諸方匡徒領衆祇要祖師出現爲什麼卻成怪事白云若無也是怪事召大衆云有祖師出現便無祖師出現無祖師出現便有祖師出現道得見怪不怪底句分付拄杖子衆無對師便起立合掌云且喜無人證據下座

上堂今日中秋佳節舉兩則看戲因緣少伸供養有一官人赴宴看了一本紅梅記喚正生正旦來贊歎道今日卻苦了你二人便將席面賞他又喚小丑來罵道人家有了你者樣奴才致使骨肉生離便拿下去打那主人著忙了便勸道者是做戲如何便好認真官人道如今教我向那裏討出箇真底來大衆者官人到有三分伶利只是拈了眼裏一重花又添了腦後三斤鐵有一邨漢進城看戲看了一本琵琶記一齣關雲長斬貂蟬他便逢人歎惜道可憐趙五娘一生行孝到頭來被箇紅臉蠻子殺了大衆者邨漢

便是十分糊塗卻也拈了腦後三斤鐵只添了眼裏一重花我如今要將者兩箇人選一箇做善知識且道合選那一箇白云他兩箇只是看戲底不如徑選了者紅臉蠻子且道紅臉蠻子有什麼長處只有一枚鬼見怕彈丸八面刀無靶

上堂以少方便疾證菩提無量三千大千世界抹爲微塵一一塵有無量三千大千世界一一世界有無量衆生一一衆生身中有無量諸佛出興一一佛出興有無量菩薩圍繞現無量不可思議神變說無量差別法門作無量廣大佛事經無量不可說劫卓拄

杖一下云若出得者一下我爲汝諸人入拔舌獄還信麼自笑云著甚急急

上堂舉趙州語金佛不度爐木佛不度火泥佛不度水眞佛內裏坐師豎拂子云拂子也不度爐也不度火也不度水眞佛在什麼處汝等二六時中如天普蓋如地普擎如四河入海滔滔汨汨不舍晝夜求斷相不可得求續相不可得因什麼特地艱難古人見汝不會從旁著急熱忙裏說上幾句又怕你錯會了冷地裏添上幾句都叫做事不獲已祇如風颺剎旛二僧辯論六祖道不是風動不是旛動仁者心動者

是熱忙裏說上幾句底雪峯讀到此處便道大小祖師龍頭蛇尾好與二十棒太原孚上座侍立次敲齒雪峯又道老僧與麼道也好與二十棒者是冷地裏添上幾句底雖則忍俊不禁在得底人分上是什麼殘羹餽飯若論老婆心切理合如然所以雲巖在南泉不會異類中行話道吾與他同回藥山請益依舊不會直得敲指頭出血船子見夾山頻頻回顧豎起橈云汝將謂別有便覆舟入水而逝汝等特地艱難病僧也合向萬仞懸崖騰身直下只是汝等不會到夾山底田地病僧不甘便做船子何不自家向萬仞

懸崖騰身直下看若能向萬仞懸崖騰身直下方信道二六時中如天普蓋如地普擎如四河入海底消息大似日中逃影便是船子一條性命直不得一碗殘羹餽飯也博不得夾山一聲可惜何況趙州怎麼告報郎當不少汝等還肯省力也未復舉玄沙語諸方老宿盡道接物利生祇如三種病人來作麼生接患盲底拈槌豎拂他又不見患聾底語言三昧他又

不聞患啞底教他說又說不得若接不得佛法無靈驗地藏使出衆道現今桂琛有眼有耳有口和尚作麼生接玄沙叫聲慙愧便歸方丈師召大衆云地藏蓋卻玄沙玄沙蓋卻地藏者便是汝等二六時中如天普蓋如地普擎如四河入海底消息因什麼特地艱難有僧持此語請益雲門雲門云禮拜著僧禮拜雲門以拄杖拄其僧退後云汝豈不是患盲復喚其僧近前來僧近前雲門云汝豈不是患聾又問會麼僧云不會雲門云汝豈不是患啞其僧於此悟去大慧道者僧悟去祇悟得雲門禪若是玄沙禪更買草鞋行脚師召大衆云雲門放出玄沙大慧放出雲門者便是汝等二六時中如天普蓋如地普擎如四河入海底消息因什麼特地艱難會麼以拂子左拂一

下云撞倒釋迦以拂子右拂一下云慙翻彌勒盲人
聾人啞人金佛木佛泥佛拋在綠玉潭中便見西方
日出擊禪牀下座

上堂樂令以麈尾柄礪几云至否客云至樂舉起麈
尾云若至那得去伊也弄得精魂一出管公明語鄧
颺老生者見不生常譚者見不譚要向者裏喚主人
公且莫受人瞞張思光陸處無屋舟居非水互換機
鋒卽且冥當明不顧暗當暗不遇明又作麼生晉元
帝生得箇好太子解道舉頭見日不見長安可惜不
肯出家若出得家到是箇宗門種草如今禪和子於

福行堂集

卷四一五

五

者一句下得些灑脫便要籠罩一世若到丹霞門下
打折你腰莫言不道

南雄送別陸大夫還山上堂舉六祖大師云吾滅後
有二菩薩從東方來一在家一出家建立吾宗師云
大小祖師作座王見解山僧建立丹霞十三年有一
箇南雄陸大夫他如今奉尊人之諱還鄉去也忽有
人問地頭已離途中有阻又作麼生但向道沈融谷
底外父就是陸孝山底家爺汝等衲僧到者箇時候
踢翻虎穴直入龍潭更有什麼事卓拄杖下座
上堂悟石問我還要資治通鑑麼我說是書便要

人說者箇是點鬼簿要他作甚我說過去現在未來
鬼時時在我者裏過堂我有時要點他不敢不到及
至到了我也不會點他世界是箇鬼窟古今文字乃
至三藏十二分教俱是箇點鬼簿還識得鬼麼連卓
拄杖云出跳出跳

臘八上堂一人成佛一切世界有情無情同時成佛
爲什麼還有如許衆生卽如釋迦牟尼佛自道我從
無始劫來久已成佛爲什麼到此日此時方纔悟道
大衆此時悟道久已成佛正覺山前站無此事大洋
海裏一任翻騰直得摩竭掩室毘耶社口正是拖泥

福行堂集

卷四一五

五

帶水汝等向什麼處摸索驀卓拄杖一下云鶴有九
皐難翥翼馬無千里漫追風擲拄杖下座

示新學菩薩宋太宗夢見神人請發菩提心次日宣
問兩街大德菩提心作麼生發衆皆無對雪竇顯代
云實謂今古罕聞汝等曾得者箇消息也本若未得
者箇消息喚什麼作菩提心若已得者箇消息又喚
什麼作菩提心汝等總道我已發菩提心受菩薩戒
也我問汝作麼生是汝底菩提心菩提心作麼生發
若不識得菩提心又作麼生發菩提心諸佛子入此
門中大須慙愧大須勇猛祇如凡夫著有二乘航空

總不識得菩提心乃至三乘菩薩百千劫行六波羅蜜神通具足有淨有穢有來有去依舊不識得菩提心何況如今纔受戒了拋向腦背後輕重開遮止持作犯全然不曉觸事面牆便是心地法門四字也不會理會漫道十方諸佛諸大菩薩證明於汝成就於汝諸佛子十方諸佛諸大菩薩證明成就則不無汝若不識菩提心憑箇什麼合得他證明合得他成就汝要識菩提心麼大須決志參禪研窮向上竅來竅去竅到無可竅處打失眼睛全身擔荷方知者箇消息時時刻刻人人物竝無間斷然後一絲不挂萬

行莊嚴纔喚作發菩提心受菩薩戒如今學人既不勤求師友又不勸發總恁麼道種種因地諸佛子若不識得菩提心總喚作埋沒因地山僧不可隨例排場希圖做箇戒師得些戒子埋沒汝等因地更埋沒十方諸佛諸大菩薩流通戒法廣度衆生底因地者罪過不是小小汝等還省得也未作麼生是汝菩提心菩提心作麼生發也不望汝等立地承當但分明記取他時後日一回提起冷地思量忽然有箇信處也不孤負今朝一會珍重

迎歸宗老和尚出江口送山上堂天然老漢本入山

中相看不謂山僧先出山江上奉迎山中相看者不露一些消息要顯從天而下底機謀江上奉迎者點出千里來龍要顯絕流而漁底手段絕流而漁者遮欄不住從天而下者奇特不成彼此勘破一場懣懣今日舉似大眾還有知得落處者麼相逢盡道休官去老漢勘破山僧林下何曾見一人山僧勘破老漢然雖如此總被大眾勘破

劉中丞資薦道場滿散上堂僧問丹霞今日爲劉大中丞指出報國之忠卽爲大眾剖出拚命之語百萬軍中作麼生是砲聲捉敗師云明日來與汝道進云

利刃相對生歎誰分師豎一指云總在者裏進云紅旗掩日禮拜歸衆僧問十方世界尚無餘剩未知無臺卽今還有餘剩也無師云汝還有餘剩麼僧一喝師云大石洞前金齒蒼進云和尚忘前失後師云亂雲堆裏鐵浮圖進云一回相見一回老一度相看一度寒師云他時後日大哭有分在舉永嘉云日可冷月可熱衆魔不能壞眞說假使鐵輪頂上旋定慧圓明終不失驀豎拂子云者箇是衆魔是眞說若有衆魔爭得不壞眞說若有眞說爭得不爲衆魔所壞大衆衆魔卽是眞說一箇不壞一箇眞說不是衆魔兩

箇不壞一雙衆魔不壞真說真說亦不壞衆魔落霞
孤鶩秋水長天衆魔卽壞衆魔真說亦卽壞真說免
麥燕蔡南箕北斗到者裏直饒千手千眼只好站著
看爭奈當人不能自信翻成特地大衆心是自己底
心性是自己底性如今人從生至老起居不疑起居
食息不疑食息爲什麼說到心性翻成特地只爲嗜
慾日深道理日錮邪說日熾遍塗日塞若在富貴場
中大似順風揚帆粹難收港學士大夫讀得些經史
積題得些世間知見倚才趁勢毀謗先聖埋沒已靈
要得迴心嚮道真不易事山僧自聞劉中丞之計傷

徧行堂集

卷四十五

七

感不已特遣大衆禮懺今日道場滿散更爲舉揚陞
於此座不獨爲他於丹霞有護念之德蓋爲山僧有
知已之感於法門有同道之悲祇如中丞在此山建
毘盧寶閣免常住糧差爲大衆造巡廊使步步皆得
安隱爲大衆造普同塲使人人皆得歸藏又爲山僧
代還三寶互用底因果者些功德汝等無有不曉卻
如何是山僧知已之感記得中丞初見山僧便將出
處大義儒佛異同盡情擊難山僧亦盡情剖晰中丞
便信得山僧是箇真實出家爲道底人大衆真實出
家乃是本等爲什麼卻成知已之感只爲世間人看

得佛法荒唐看得出家人微賤便把山僧當做人
家簷下躲雨底漢子中丞語山僧云經濟二字便讓儒
流性命之學須還佛法他信得佛法至微至妙便信
得出家至尊至重卽信得山僧出家至真至實決不
肯落在功名富貴中決不坐在文章節義上所以一
見山僧之後常常相見只談佛法不及一些世事者
便是山僧第一知已之感中丞旣信得佛法信得山
僧又信得教外別傳之道肯向者裏用心山僧見他
出言吐氣時有脫穎之處但未免耽著靜定境界愛
得有些把捉山僧向他說此事固須細心亦要膽大

徧行堂集

卷四十五

大

因舉妙喜道士大夫參禪生怕落空譬如船不會翻
便要跳水中丞沈吟未荅問山僧便說不如憑他跳
水撲通一聲響不見一滴方纔可笑中丞當下便覺
痛快後來在海幢方丈與阿字法兄劇談玄妙山僧
舉古人道卽心卽佛又道非心非佛又道不是心不
是佛不是物還有優劣也無中丞道他作幾層纔說
得完也非得已山僧道於公如何中丞道若待說完
堪作什麼山僧又道如何是不待說完便見中丞一
笑而起大衆者不是曲策水邊長連牀上闌得口熟
來底是他自己胸襟流出祇是他有些不會倒斷處

終不自瞞山僧一發見他志氣便道此事切莫放慢但時時逼拶逼拶到水窮山盡自有箇倒斷時節者是壬子年九月山僧與中丞相別到次年夏間山僧大病一場冬間奉老和尚呼喚前往歸宗今年春回至南昌路上又是一場大病病中念及時事倥傯羽書旁午恐怕中丞忙中忘卻者一著子力疾寓書云公是朝廷大臣挑著地方擔子干係不小衆人皆憂豈能無憂衆人皆疑豈能無疑正當一切紛紜時此箇無動如來不會動著卻不可云無動如來不會紛紜也中丞答書深領此意山僧見他後語未全脫然

隨後有些閒言長語差侍僧持去中丞已往潮州及冬再差監寺往候中丞已不相待傷哉傷哉大衆不信佛法者如沙信佛法者如寶信佛法者如毛信教外別傳之道者如角如今出一叢林入一保社說是祖師門下客提箇話頭做些工夫操三歇五半青不黃者何限且無論一聞千悟得大總持便向者箇門頭勤學好問也不多見何況尊居八座數千里內文武吏民錢糧兵馬許多機務又有許多人奔走趨承他卻似深山道流不貪酒色不耽著名利時時有箇不徹證不休底志氣便是山僧見他在海幢請了一

部五燈會元相見時便將五燈裏機緣來問請了二部華嚴經相見時便將經裏疑義來問如此精勤宰官中實是希有可惜他已見大意未卽到家纔得四十三歲便乃長謝人間若是天假之年真做得法門大器山僧者箇同道之悲豈是小小大衆者一著子事不論麤細人不論僧俗時節不論閒忙沒有一刻不活脫現前會底趕得使用不會底永劫背馳祇如中丞鎮撫省城不往潮州也沒人說他不是只因忠孝激發不顧利鈍鞠躬盡瘁歿而後已者便是鐵輪頂上旋圓明終不失底境界若論一介之士黃金不

淪白刃可踏與中丞一般境界還得一般受用也無山僧道箇知卽得一切人分上須得恁麼中丞分上又作麼生山僧道箇知卽不得大衆總是一般境界爲什麼一邊知卽得一邊知卽不得豈拂子云山僧向者裏見中丞中丞向者裏見山僧若別有相見孤負了中丞不待說完便見底消息會麼復豎拂子云山僧向者裏不見中丞中丞向者裏不見山僧若再有相見也孤負了中丞不待說完便見底消息還會麼擲下拂子喝一喝乃合掌云上來舉揚端爲護法中丞持平劉公莊嚴報地伏願大上人間隨所生處

不昧正因乘一佛乘直至道場自利利他無不圓滿
且道山僧還在裏許也無斂手哭云可悲可痛下座
除夕上堂大年三十人家做箇小船子設些酒果叫
做送窮鬼山僧便是箇窮鬼汝等作麼生送眾無對
師乃云山僧便是窮鬼並無一物與人忽地七珍八
寶賺他不肖兒孫珍寶止啼黃葉兒孫過眼浮雲者
邊忽起忽滅那邊隨壞隨成到處撞頭磕腦從來不
出房門汝等作麼生送大家總不開聲留也留伊不
住送也送伊不行曉得難施伎倆不如做箇人情高
聲喚云窮鬼你領情不領情自云不領不領復云爲

什麼不領自云箇是各人家裏祖宗七代先靈喝一
喝下座

元旦上堂以拄杖右卓一下云者是舊年三十左卓
一下云者是新年初一旦道在什麼處過界中卓一
下云亥子之交祇如南閭浮提夜半是比俱盧洲日
中東勝神洲日中是西瞿耶尼夜半作麼說箇尅的
底時節短卽論時長卽論歲祇如娑婆世界八十小
劫極樂世界一晝一夜乃至一念中過去未來現在
沒一刹那停留作麼說箇交代底王賓慈豎拄杖云
者是無量劫中第一年第一月第一日第一時底第

一刹那者是一刹那中無量時無量日無量月無量
年底無量劫沒有尅的底時節沒有交代底王賓亥
子之交向什麼處著山僧不可教汝等隨例顛倒去
也擲拄杖下座

石吼監院爲父母請上堂師陞座眾禮畢報恩梅叟
和尚白槌云法筵龍象眾當觀第一義師召大眾云
震監院父母就者一下裏全身跳出也會問十方諸
佛一切眾生本無餘欠卽今石吼請和尚說法畢竟
渠父母向什麼處著落師云揭過看進云和尚恁麼
話只在鬼窟裏作活計師云看過揭進云我者裏兩

不成雙一不單師云指指巡紋數不出進云要知新
歲月春來萬山青師云多了者一筆進云卻不恁麼
禮拜歸眾師乃云石吼震監院爲在家二眾造箇普
同捨躬負父母骨石請樂說大師爲授三皈五戒方
纔入塔旣入塔了復請山僧舉揚般若以報親恩大
眾者是震監院行孝底事在家人與出家人行孝各
別在家人說父母全而生之子全而歸之也不沾沾
承歡膝下他又道事君不忠便是不孝蒞官不敬交
友不信戰陣無勇乃至斷一樹殺一獸不以其時都
是不孝他也說得儘寬濶我出家人寬濶又別梵網

經云孝名爲戒亦名制止無一惡不斷無一善不修無一衆生不度方名爲孝在家人與出家人雖則不同若論行孝三牲五鼎啜菽飲水孝則俱孝不孝則俱不孝識得自已卽孝識不得自已卽不孝識得自已便識得父母要識父麼擊禪牀左角一下云者裏是要識母麼擊禪牀右角一下云者裏是是則不無爭奈在震監院分上喚作父母在山僧分上喚作兒女在一切人分上鄉下夫妻步步不離三卽一皆空名而非實有若於者裏著得一隻眼舉手下足無非報恩若於者裏業識茫茫拖累他散入七趣伶俜辛

苦無非負恩佛說若人以父冥左肩母置右肩行四天下經無量劫便利涕唾不離其身猶未足以報恩他從不要你安頓從不教你休廢從不與你捨離現成公案直是報他不得山僧則不然以父踏在左腳下以母踏在右腳下行四天下經無量劫便利涕唾不離其身猶未足以負恩他也不要你安頓也不教你休廢也不與你捨離現成公案直是負他不得既報恩負恩二俱不得山僧說底佛說底相去多少大衆識得佛意正好供養識得山僧意正好修行總不識得鄉下夫妻步步不離正好自在遂合掌云上來

舉揚不但震監院父母盡大地所有父母之恩一時報卻了也卻有一人呵呵大笑在且道是那箇人起立云要頭欲取去梅叟和尚白槌云諦觀法王法法王法如是下座

燦夕上堂正月初一起箇早病至今猶未了正是連旬風雨寒跛鼈盲龜都凍倒今日是十五卻纔伸出頭來寒山子偈道吾心似秋月碧潭清皎潔無物堪比倫教我如何說漳州權禪師又道吾心似燈籠點火內外紅有物堪比倫來朝日出東二大老同到者裏點綴元宵熱鬧不少仔細看來未免有些俗氣

杖下座
大衆齋茶三盃幸可同傾解事人前不勞重舉卓在

雷峯候老和尚還山上堂高亭初見德山隔江招手忽然大悟橫趨而去更不回顧後來開法嗣德山大慧道高亭橫趨而去許他是箇伶俐衲僧若要法嗣德山卽未可何以故猶隔江在山僧則不然高亭橫趨而去許他是箇伶俐衲僧後來法嗣德山納了一場敗闕何以故猶有回顧在便下座
浴佛上堂人人有者一口釋迦老子偏會捏怪卻是者些不會捏怪底使娘肚皮裏出來哇哇地哭了兩

聲雲門聽得頻首快心把條哭喪棒悄悄放下釋迦老子那裏落節者裏拔本召大眾云好一場打鼓弄琵琶總被浴頭一串穿卻雙龍吐水一盪一涼以手作掩口勢云我兒我兒不要聲張便下座

結夏上堂橫按拄杖云今日開鑪聖凡俱鍛衆中莫有聖人麼衆無對師云恁麼總是凡人也若待轉凡成聖從新鍛起不是好手驀卓拄杖一下云一齊鍛了也還有躍冶之金麼良久云沒有了也者箇鑪子今日開了今日便收教汝等一箇箇眼橫鼻直坐享太平好麼良久云有什麼不好復云說什麼好便下

座

南雄還山上堂兩次嶺頭送別大好還鄉曲調陸孝山父親歿在家裏恰得還鄉劉子安父親歿在軍中亦得還鄉便是山僧有箇父親歿了多年直至如今連還鄉二字也不提起卓拄杖下座

閏五月初一上堂僧問長老峯作麼生師云放在玉淵潭裏進云不在內不在外不在中間卽今在什麼處師豎拂子進云亦無立處師一喝僧禮拜師云若得一回落處何消舉起方知乃云三年一閏五年再閏者裏但有時節一切皆閏所以心心是閏更無本

心法法是閏更無本法直饒成道利生佛佛是閏更無本佛恁麼前月已閏今月再閏作麼生銷繳大眾旣一切皆閏不得本月本日本時卽一切皆閏重箇閏月閏日閏時更喫一頓粽子不妨錦上添花汝等但得一飽不須更討便是落下飯碗也只在閏邊閏表以拂子擊禪牀下座

上堂舉五祖演云佛祖生冤家悟道染泥土無爲無事人聲色如聾瞽且道如何卽是恁麼也不得不恁麼也不得恁麼不恁麼總不得忽有箇出來道恁麼也得不恁麼也得恁麼不恁麼總得但向道我也知

你向鬼窟裏作活計師云出格道流纔一拈弄敲骨打髓不可思議古人所有言句大似插草標兒賣頭有一種人見了插草標底便道我認得伊而目若是跳盪兒郎疋馬單刀向百萬軍中將者插草標兒底一刀兩段我者裏擂鼓三通不枉平生志氣然雖如此不是說到者裏便休且道如何卽是忽有箇出來道恁麼也不得不恁麼也不得恁麼不恁麼總不得卻向道你也說到者裏便休下座

上堂一喝分賓主照用一時行要識箇中意日午打三更若只懸羊頭賣狗肉達磨一宗掃地而盡且作

麼生委悉蟻子慣從腥處走蒼蠅偏向臭邊飛不妨
眯卻水老鶴何苦明他諸佛機喝一喝下座

上堂舉趙州訪一菴王主豎起拳頭州云水淺不是
泊船處便出又訪一菴王主亦豎起拳頭州云能縱
能奪能殺能活便禮拜師云有底道趙州古佛眼空
四海把者箇拳頭要擡便擡要擡便擡不知他八十
歲行腳總站在拳頭邊傳語如今還有不甘心者麼
直饒道箇放下着依舊落在拳頭窩裏山僧見趙州
恁麼告報覓休心了不可得說什麼甘心不甘心驀
豎拂子云還見麼向道莫行山下路果聞猿叫斷腸

編行堂集

卷四十五

七

聲下座

上堂有兩兄弟極肯做詩一箇指鴉爲題云門前有
一鴉終日鬧喳喳去了頭和尾好像一塊炭一箇指
狗爲題云門前有一狗終日鬧吼吼去了頭和尾好
像一條凳兩人便要訪歐陽修求印證做名公正開
船時歐陽修也來搭船修便問二公何往荅云去訪
歐陽修獻詩修云我也頗好吟詠可便請教麼二人
欣然朗誦前作修云好詩好詩我三人難得此會大
家聯句一首何如一箇便起句云三人共一舟一人
便接云同去訪陽修修云修到識得你你到不識修

大衆者兩箇漢納了一場敗關要作座王使下也不
能勾歐陽修雖則氣宇如王爭奈錯下名言何以故
他兩人害底是識得修底病卻擔了不識修底名我
者裏要得識修底名直須害了不識修底病還委悉
麼躍馬過檀溪堂裏一群魚慌忙跳下驢摸得一枝
藕作一圓相云不得動着下座

解夏上堂僧問綠玉潭裏浴日吞天長老峯前摩牙
弄舌更於拂子頭上豎一翻筋斗和尚還放出一頭
地麼師云不許進云作麼生是空劫以前自己師云
你還喫拄杖也未進云如何是和尚眼師豎起拳進

編行堂集

卷四十五

七

云如何是學人心師豎二指僧禮拜師乃云結夏以
來趙州東壁挂胡盧解夏以往洞山萬里無寸草喝
一喝云猶有者箇在來亦不須尋去亦不須討丹霞
打碎醋胡盧全身入荒草喝一喝云猶有者箇在召
大衆云三段不同爲什麼都有者箇在明明向你道
尚自不會何兄蓋覆將來睦州老漢誑嚇問問暮豎
拂子云見麼明明向你道擲拂子云還見麼明明向
你道顧侍者云還我拂子來侍者度與師師便揮去
明明向你道尚自不會頭長三尺頸長二寸有什麼
蓋覆蓋子撲落地碟子成七片有什麼蓋覆扇子踣

跳上三十三天築着帝釋鼻孔東海鯉魚打一株雨似盆傾有什麼蓋覆初三十一中九下七麻三觔乾屎概有什麼蓋覆既總蓋覆不得明明向你道已是誰嚇問閣你若不會猶較些子山僧不可更鼓兩片皮無風起浪去也喝一喝云猶有者箇在下座

上堂僧問趙州作了三十年孝子丹霞座下還有作孝子者麼師云若有孝子不成丹霞僧一喝云來說是非者便是是非人師云你是忤逆種僧禮拜云已知渡江卽是王再向何處問酒家師云可不多了也乃左右顧云祇恁麼去還有會處也無若也會去不

妨找絕若也不會盡是葛藤棒子復舉三平陞座有道士出衆從東過西一僧從西過東三平云適來道士卻有見處師僧未在師云是一賞一罰不是一賞一罰試辨看道士出作禮云謝師接引三平便打師云唬殺土地僧出作禮云乞師指示三平亦打師云錦上鋪花三五重三平召大衆云者兩件公案作麼生斷還有人斷得麼如是三問衆皆無對師云卻是大衆會三平云若無人斷得老僧爲斷去擲下拄杖歸方丈師云阿闍祇復召大衆云道士從東過西師僧從西過東三平便歸方丈豈不找絕因甚打

者些葛藤人知葛藤處找絕不知找絕處葛藤葛藤底落得葛藤找絕底打了找絕要見三平麼青山碾爲塵敢保沒閑人擲拄杖下座

陸孝山護法五十初度上堂僧問諸佛衆生尚無增減大衆今日爲孝山太守祝壽和尚如何舉揚師云板齒生毛進云只道得一半師云也須闌黎舌頭拖地進云恁麼則大家祝壽去也師云不消一句進云霜雪無有盡喬松依然青師便喝進云和尚惑亂人家男女師云只惑亂你一箇進云那得恁麼便禮拜僧問挂榜山高當壽高指文峯作南極曹兩彩一賽

聊爲祝千年白鶴擁松濤今乃大檀越壽誕華封三祝事如何師云你底落場詩就是我底上場詩僧禮拜師乃云今日是本山檀越陸孝山太守生日山僧自康熙元年營建此山便以護法囑累承孝山一諾之後在南雄做了十三年官就做了丹霞十三年檀越家長裏短無不商量此地他方無不勸導現在莊嚴當來供養無不周匝山僧常說禪和子不做文章只出題目卻語孝山連我者一篇文章不得你代筆早做了張曳白也其實士大夫信道似者般久遠純一不道全無果然少有山中每年逢他生日集僧禮

憾蓋是不忘檀越。憶意今年是他五旬大壽恰值守制在家人子之情不忍稱賀山僧亦不忍以區區世諦傷其孝思特於道場滿散登座舉揚少申迴向且將什麼物舉揚向什麼處迴向祇如唐太宗道哀哀父母生我劬勞奈何以劬勞之日更爲燕樂卽凡爲人子直當終身不復受賀豈况守制之時卻是我無生國裏倒有箇慶生之說召大衆云既是無生國裏爲什麼慶生舉拄杖云看看沒量大人出興於世向前祖父向後子孫無量無邊一肩擔荷且道向前祖父在什麼處向後子孫在什麼處現前一肩擔荷底

又在什麼處以拄杖畫一畫云在者裏若識得者裏擔荷得起盡大地含靈向者一箇人慶生者一箇人向盡大地含靈同慶其生盡大地含靈各慶其生者一箇人獨慶其生總不爲分外山僧恁麼舉揚便做箇無大得大底生辰綱迴向孝山雖則慶子孫之生卻是賀祖父之壽復召大衆云子孫之生祖父之壽各各不同作麼生說箇卽慶卽賀底道理舉僧問曹山云子歸就父爲什麼父全不顧曹山云理合如是僧云父子之恩何在曹山云始成父子之恩僧云如何是父子之恩曹山云刀斧斫不開如今孝山太守

歸家就父未菴太翁全然不顧免不得終天抱恨欲見無從山僧也道一句刀斧斫不開畢竟孝山父子還得相見也無自云不得旣不得相見如何說箇刀斧斫不開自云若見卽開也莫非斫不開便是見麼自云作麼生下手復舉拄杖云地水火風行住坐臥子孫底面目祖父底心肝子孫底心肝祖父底面目從不去說甚歸來說不得歸爭說得就旣無就者豈有顧者不但父不消顧子子也不消尋父山僧者裏只是一箇生連無生也沒卻只是箇肉團子連心也沒卻只是箇世諦連第一義諦也沒卻只是箇子

孫之生連祖父之壽也沒卻無生國裏慶生大唐國裏不賀壽一串穿卻做箇無大得大底生辰綱迴向孝山孝山卽將此生辰綱迴向盡大地含靈家長裏短商量不盡此地他方勸導不盡現在莊嚴當來供養周匝不盡直得孝山與盡大地含靈一氣相生同堂相慶交光相羅如寶絲網方稱得丹霞不忘檀越之意且道者箇舉揚到什麼劫中方了自云到得孝山成道了正好不了在山僧口門窄祇說得到者裏以拄杖畫一畫下座

中秋上堂今夕中秋苦無佳月當日有箇道士直上

華山絕頂賞了一夜萬里無雲及至下山依然風雨
又有箇山人取下月來從袖中出似一寸周圓明鏡
冷光透骨滿庭如畫仰看天際烟霧晦冥者兩人向
外馳求失卻自己汝等識得自己麼開眼見明白月
卽現閉眼見暗黑月卽隱還識得自己麼開眼見暗
白月卽隱閉眼見明黑月卽現識得自己了切忌向
開閉明暗黑白隱現上著到若向無開閉明暗無黑
白隱現上著到還成眼病不睹全輪直饒見得親拈
得出與自己全無交涉汝等又作麼生良久云喫茶
去下座

上堂猫病喫烏藥狗病喫白藥衲僧病喫什麼藥喫
沒藥如何免得此病覓起處不可得旣覓起處不得
喚作什麼病也祇是些猫病狗病也祇喫些烏藥白
藥還識病麼病不離身還識藥麼藥不離口久不得
臥活不得走通身是眼無處下手爲什麼如此良久
云盧醫不自醫便下座

上堂舉藥山與雲巖遊山腰間刀響雲巖問什麼物
作聲藥山抽刀藉口作斫勢洞山舉了道看他藥山
橫身爲者箇事今時人欲明向上事須體此意始得
師云作麼生是此意此意又作麼生體不知背手抽

金鏃忽見翻身扣角弓一箭雙鴈雲裏落千群鐵騎
湧銀龍

上堂舉僧問法眼云如何是佛法眼云汝是慧超雪
竇顯頌云江國春風吹不起鷓鴣啼在深花裏三級
浪高魚化龍癡人猶辱夜塘水白雲端頌云三文大
光錢買得箇油粢喫向肚裏了當下便不饑妙喜拈
云者兩尊宿一箇會聽鷓鴣啼一箇會買油粢喫若
是慧超佛語未曾在師召大眾云且道妙喜意作麼
生山僧不惜口業爲諸人說破若是會聽鷓鴣啼左
耳進右耳出若是會買油粢喫入口也須抉出便是

會得慧超佛話正好一頓熱棒趁出便下座

上堂僧問大慧菩薩問如來應供等正覺爲是常爲
無常乞師爲衆剖示爲是常爲無常義師云逢人但
恁麼舉進云恁麼得究竟真常也師云逢人莫恁麼
舉進云石女抱琴尋清唱啞子謳歌上酒樓師云撒
手好開交僧問亭亭日午篩皓月大千界內普光輝
時如何師云老僧耳聾進云我手何似佛手意作麼
生師指耳云聾聾進云我腳何似驢腳聾師云問取
你手進云人人盡有生緣某甲生緣在何處師云問
取你腳僧指順歸衆師云撒手好開交舉法昌遇和

尚云法昌今日開爐行脚僧無一箇惟有十八高人
緘口圍爐打坐不是規矩嚴難免見諸人話墮直饒
口似秤錘未免燈籠勘破不知道絕功勳妄自修因
證果喝一喝云但能一念回光定脫二乘羈鎖師召
大衆云法昌老古錐沒得蛇弄尋者些泥羅漢深錐
痛割爭奈皮下無血老僧又別丹霞雖有堂頭佛法
並無些箇惟有一把無明徧地火星飛墮幾多伶俐
禪和總把面門燒破饒伊起滅不停由我閉門高臥
趕他十八高人都去街坊打坐慕枯杖卓一下云
猶少打在直須樓盡根株方免披枷帶鎖

上堂僧問大通智勝佛十劫坐道場佛法不現前不
得成佛道伏乞慈悲指示師云木雞啼子夜鐵鳳叫
天明進云天邊之鳥無相無聲非色非空卽空卽色
師云者裏無許多閒家具進云人人得悟只有某甲
不悟師云卻不到此乃云不聰不明不能爲王卓挂
杖云木雞啼子夜不啞不聾不能爲公卓挂杖云鐵
鳳叫天明兩桶一擔穿心挑了向四天下出賣一回
竝無一箇售主你若會得三世諸佛不煩叨咀若也
不會來朝更獻楚王看卓挂杖下座
長至上堂僧問取葛追藤取水追源衲僧無根向什

麼處下手師云清涼山裏萬菩薩進云元是水上尋
腳跡火裏覓源頭師云不勞如此舉洞山與泰首座
冬節喫果子問有一物上挂天下挂地黑似漆常在
動用中動用中收不得且道過在什麼處泰云過在
動用中洞山令侍者撥退果桌師云泰首座一轉語
卽且置祇如洞山面前盤滿磔滿首座面前連桌子
也不見是箇什麼良久云卽今休去便休去若覓了
時無了時

上堂有一偷兒挖了人家壁洞探頭進去聽得有些
聲息忙忙退了出來停一會又探頭進去元來牀上

有箇婆子天寒腳冷在被窩裏唱道伸伸縮縮又伸
伸阿彌陀佛偷兒喫了一驚忙忙退出停一會又探
頭進去婆子又唱道伸伸縮縮又伸伸阿彌陀佛偷
兒自忖道好不好被他勘破了不如走罷大衆婆
子者一句不但卻賊保家亦能抽釘拔楔老僧昨夜
天寒腳冷也唱了兩回今日舉似大衆盡大地人被
老僧勘破老僧又被大衆勘破大衆卻被露柱勘破
便下座

上堂黑黑道道道明明明得得畢竟得箇什麼
道道良久召大衆云不可向山門前罵禿驢去也便

下座

臘八上堂僧問泥塑木雕金粧墨畫鼻孔無烟如何是佛師云拈卻懣懣前妄想著僧進前一踏云雲臺聲似佛祖師面目無師云阿難生也僧問黃面瞿曇不識羞粧聾作啞遲風流六年饑凍緣何事一觀明星萬慮休師云若道釋迦老子有見處埋沒已靈若道釋迦老子無見處孤負先聖進云因甚長老峯不揪不係綠玉潭下作浪興波師云人人都恁麼道僧禮拜云一片烟霞籠殿閣三巖梅柳笑春風師召大眾云會麼釋迦如來今日成道阿難尊者今日示生

衛行堂集

卷四十一

七

如來成道成箇尊者示生底尊者示生示箇如來成道底人人慶如來成道老僧只慶尊者示生何以故尊者留得如來一著若不留得者一著老胡種族掃土而盡如來卻讓尊者一籌直饒拔得者一籌早已落第二頭在下座

示新學菩薩華嚴經爲大心凡夫乘一佛乘直至道場說一切衆生無明住地煩惱便是諸佛不動智有僧問雲菴和尚此理深玄極難解了雲菴云有甚難了適一童子過其前雲菴召之童子應諾雲菴云若不是諸佛不動智復問童子如何是汝佛性童子左

右顧盼惘然而去雲菴云者不是住地煩惱若能了之卽今成佛祇如者童子一召卽應故是諸佛不動智便是左右顧盼惘然而去還曾動著他諸佛智一些子麼汝等向者裏透去一念起處念念自脫念念自見盡大地是諸佛不動智使得菩薩心地法門稟三聚淨戒行菩薩道任運斷惡任運修善任運度衆生斷盡一切惡不作斷想修盡一切善不作修想度盡一切衆生不作度想是生灰大海是一佛乘是道場有阿誰乘有阿誰不乘有阿誰至有阿誰不至還有恁麼底大心凡夫麼若有不孤負丹霞戒壇若無

衛行堂集

卷四十一

天

也不會動著汝等諸佛不動智且去依教奉行切不得撥無因果三生六十劫四生八十劫忽然透去元來就是今日

上堂僧問如何是父母未生前本來面目師豎拄杖進云已生後如何師云打作兩橛進云正恁麼本來面目又作麼生師云又是第三重進云和尚恁麼道故路相逢者不是家中奴婢師云卻向奴婢處殷勤僧禮拜云自從一觀明星後雪滿河沙月滿寰師云也不消得舉僧問夾山承聞和尚有言老僧三十年不曾舉著宗門中事是否夾山云是僧便掀倒禪牀

夾山便休師召大眾云者僧單遮夾山雙遮單遮處
雙表雙遮處卻單表次日夾山普請掘一坑召其僧
至云老僧三十年說無義語卻請上座打殺老僧埋
向坑裏便請使請若不打殺老僧上座須自打殺埋
向坑裏其僧歸堂束裝潛去復召大眾云夾山雙表
者僧單表雙表處卻單遮單表處又雙遮若識得者
兩箇漢十字縱橫真箇快活不徹驀豎左手云見麼
見麼若也見得西山白虎正猖狂豎右手云見麼見
麼若也不見東海青龍不可當作交紐勢云兩手捉
來令死關放下云化成一片紫金霜下座

除夕上堂僧問三十日到來何處安身立命師云向
下文長進云安後如何師云伏惟尚饗進云還有未
後句麼師便喝僧禮拜云途窮方見無藏地識取元
來不露身師又喝僧問一年來和尚終日浩浩與大
衆商量成得箇什麼師云鬼爭漆桶無人見進云不
是某甲被和尚惑亂了多少師云鼠拽胡盧有底忙
僧一喝師卓拄杖一下僧禮拜起云還欠一著在師
云試道看僧便歸衆師拊掌乃云世人喚作守歲你
作麼生守得住又喚作度歲你作麼生度得去度不
去便恁麼去守不住便恁麼住衲僧家不動著一毛

頭許爲什麼也隨人顛倒良久云來年更有新條在
惱亂春風卒未休

元旦上堂僧問早也一百單八晚也一百單八還在
那一下著師云總不著進云爲何末後又三下師云
也則不著進云桃紅柳綠夾一春懷中抱月照乾坤
師云者裏不放花筒爆竹僧問如何是新年第一義
師云斷雲漏影山千疊進云新舊未改事如何師云
殘月迷痕水一溪進云法堂中往來來作麼生師
云一隊無孔鐵鎚速退速退僧問新舊一齊道了者
箇爲什麼不道師云烏龜鑽破壁僧作圓相云不會

移動師云俊鶴俊鷹趁不及進云也是無風匝匝師
云前門進後門出進云說什麼前後師云果然跳不
脫僧豎一指云盡十方是者箇師便喝僧問昨日與
今朝畢竟是同是別師云是同是別進云不得指東
話西請和尚直指師云適來曲多少進云滿面春風
人不識是誰竝足與低頭師云從來沒有者箇話進
云甚端的師拈拄杖卓一下云且莫道端的老僧卻
有者箇話在乃云有年三十便將年三十作年初一
開了門拜年沒年三十便將年初一作年三十閉了
門守歲自有者等劣調漢子招人怪笑道是伊一人

爭拘得衆人老僧也許他具一隻眼何以故一人底衆人也有衆人底一人也有隨東隨西一任擔板且道今日從一人卽是從衆人卽是從一人回而更相涉若從衆人不爾依位住總不恁麼劈脊便棒老僧恁麼道也是平地起風雷卓拄杖一下云不得禮拜便下座

上堂僧問和尚與大衆說箇什麼師云說箇什麼僧無語師云不會卻好僧舉右手云後點圓覺前點羅漢和尚還曉麼師云不曉進云廣韶賣柴條色身如龍虎和尚還見麼師云不見進云窮鬼拋毬喝一喝

補行堂集

卷四十五

聖

云誰敢提起千刀萬尚便禮拜師云圖圖埋卻僧問無頭無尾一真如覲面逢渠不是渠師便喝進云和尚鼻孔裏有箇須彌師云你因甚卻無鼻孔進云某甲者裏一點也無師云你須彌裏又有箇鼻孔進云眼睛裏著不得砂師云耳朶裏安得四大海水聲進云龜毛兔角非奇異炎月冰霜疑殺人便禮拜師展兩手云與我放下著進云無一粒米養卻許多大衆又說箇什麼師云兩座倉房四箇米頭進云牛也死了人也亡了還與庄頭商量甚底師云轉批去進云者老漢拋妻撇子來此惑人師卓拄杖二下僧問太

灰底人還活得也無師云明日與你道進云何不卽今道取師云要道亦何難進云古人問物不遷義便道落花隨水是否師云你識得不遷底麼進云策馬車隨去行船水也流師便打僧把拄杖云和尚話頭不舉亂打作麼師云蹉過也不知僧禮拜云漫道時人須具眼滿堂鼻孔總撩天師云瞎乃舉阿難問迦葉世尊傳金襴袈裟外別傳箇什麼迦葉召阿難阿難應諾迦葉云倒卻門前刹竿著師云此是祖師最後爪牙若不到恁麼田地盡是墜身灰漢如今仔細簡點將來迦葉大似日中逃影暮豎拂子云看看拂

補行堂集

卷四十五

聖

子現無邊法界身也三世諸佛各於其中坐菩提樹成等正覺十方菩薩各於其中乘一佛乘直至道場聲聞緣覺各於其中具六神通獲八解脫人天七趣各於其中不捨輪迴而證圓覺山河大地草木叢林各於其中深談般若顯示涅槃且還有放倒分也無旣無放倒分還有豎起分也無放倒豎起總沒汝分三世諸佛還他三世諸佛十方菩薩還他十方菩薩聲聞緣覺還他聲聞緣覺人天七趣還他人天七趣山河大地草木叢林還他山河大地草木叢林無邊法界身是一枝拂子一枝拂子是無邊法界身放倒

則橫亘虛空豎起則了無朕跡豎起則人天瞻仰放倒則山海晏清放倒豎起相去多少忽被阿難呵呵大笑道長老費許多氣力作麼又如何支遣擲下拂子便歸方丈

上堂僧問如何是學人著力處師云旋風千匝進云如何是學人轉身處師云被窩裏進云如何是學人無心處師云絕進云火燒枯木向什麼處安身立命師指面前地僧禮拜云石壁泉流歸大海一輪明月照虛空師以袖拂僧問露柱懷胎卽不問法身透處事如何師云大石洞前金菡萏進云未審居何位

次師云亂雲堆裏鐵浮圖進云三世諸佛常出現爲甚文殊不露師云你還有頭麼進云無人知此意爲我再宣揚師云向綠玉潭前掩耳僧問高山頂上百畝田下種幾多擔師云祇得一粒進云收了幾多本錢回來放了幾多利錢出去師云本利一時拋僧問大事未明如喪考妣大事已明如喪考妣明與未明是同是別師云大家在者裏進云生亦非有死亦非無師云纏繞作麼進云不離和尚腳跟下又在某甲手掌中師云背後底笑你進云腦後全無半點師云話墮也進云箇中消息休擬議休明非假亦非真師

乃卓拄杖一下云杜鵑叫道歸去好又卓拄杖兩下云鷓鴣叫道行不得也哥哥既行不得作麼生歸去騎牛去坐船去拖箇死灰千山萬水去行不得也使恁麼去者兩箇扁毛畜生縱繞喚得回頭說得刻骨也是無繩自縛要會麼擲拄杖云丈夫自有衝天志不向如來行處行

上堂舉教中道一切衆生皆證圓覺師云報信者一錢又道未出輪迴而辨圓覺彼圓覺性卽同流轉欲出輪迴無有是處師云親言出親口常不輕菩薩逢人授記不打更待何時而今天下老和尚橫說豎說

盡道提持者一著子丹霞連者一著子也沒有要喫便喫要痢便痢煩惱時一團烈火歡喜時滿面春風是輪迴不是輪迴是圓覺不是圓覺試辨看若辨不得且向十字街頭張三哥李四嫂東看西看忽然着見拽脫鼻孔卓拄杖一下下座

上堂僧問大善知識還有過也無師云有進云行則不往住則不休因什麼留戀師云你擬向什麼處出脫進云大悲觀世音三十二應和尚何不變一相去師豎拂子云者底從來不變僧掣拂子云和尚卻變了者箇也師云是什麼進云老鼠精師云你若作猫

兒老僧得自在僧問應無所住而生其心有生則非
無生無生則無所得畢竟生箇什麼師云生箇水牯
牛進云水牯牛且置緣木求魚鳥不驚又作麼生師
云大庾嶺上以網取之進云漁翁不來時如何師云
元來是箇老鼠子進云諸方笑和尚說真方賣假藥
師云且喜你識破進云綠玉潭中水有月師云且喜
你不會識破二僧竝出一僧便問如何是父母未生
前本來面目師云你還見燈籠麼進云官不容針師
指旁僧云他已爲你答了也僧擬進師便打旁僧擬
問師亦打乃舉亦眼歸宗道會則途中授與不會則

世諦流布長慶先師翁道不會則世諦流布坐斷聖
凡情若向者裏透得也做箇脫灑衲僧便能驅耕夫
之牛奪饑人之食若也未然盡是弄泥團漢卓拄杖
一下云會則途中授與且救得一半師召大眾云要
識先師翁麼天蠻不下雪樹蠻不落葉人蠻口流血
老僧是箇杭鐵頭做了他家兒孫直得七花八裂便
下座

徧行堂集法語之二

丹霞今釋澹歸說

侍者 古諭
傳達 編

語錄

戊申元旦付法秉拂指座云不是此人難登此座舍利弗作禮須彌燈王不是此座難坐此人釋迦如來須到金剛地上卽今牽一頭驢子上去又作麼生廻陞座云東也不生西也不殺前也不明後也不暗呵呵大笑云一安一穩卓拄杖一下便起云天然老漢好則劇卻喚澹歸來秉拂撒屎撒尿有甚難有人嫌

徧行堂集

卷四一六

一

我太狼藉召大衆云直歲在麼曰在園頭在麼曰在田頭在麼曰在知山在麼曰在行者人力快將糞箕筓帚好生收拾今日澹歸上座沒慚愧病了也下座十月十五日爲老和尚祝壽秉拂未陞座以前舉揚了也若向者裏會得去那裏納敗闕不堪共語若向那裏會得來者裏納敗闕不堪共語一座鐵崑崙通身無縫罅正好拈向大火聚中鍛鍊所以三世諸佛口掛壁上一切衆生壁掛口上有得一句多了一句暮拈拄杖云還知天下老和尚出世都是放馬後砲底麼若有欄頭殺手快請相見僧問昨日堂頭聖誕

大似東村王老夜燒錢未燒以前請大師道師便打進云未燒以前作麼下手師又打僧歸衆師云好一箇趕路舖兵僧問老和尚壽大師代佛宣揚什麼爲主師云氣急殺人進云巍巍不動師云沒你開眼分進云虛空大地亦我所觀師云禮拜著僧禮拜師云索戰無功一場氣悶迺云昨日天然老漢生辰今日秉拂上座因齋慶贊也只放箇馬後砲卓拄杖一下云撲鑿鑿糞粉碎又卓一下云撲鑿腸肚掀翻連卓兩下云撲鑿撲鑿砍作爛泥漿下一陣血風肉雨還見麼夜又上堂羅刹卷席旃陀羅設供三賢十聖帝

徧行堂集

卷四一六

二

釋梵王走投沒路險些把天然老漢夾生喫了諸兄弟會麼你若道天然老漢是箇大善知識要親近他讚歎他供養他入地獄如箭你若向三門前佛殿裏驀地相逢兩箇拳頭一條短棒打教無踪無影方有少分相應爲什麼如此者老漢六十年前哇地一聲興妖作怪好生不受人安頓說東便西說寒便熱說是便非說無便有纔見時瓦解冰消纔不見撐天拄地你若要把他欄腰抱住把臂拖回藏於閨閣之中時時照管攤在市塵之上箇箇摩娑他便翻轉面皮一些不認帳我回來被他鈍置如今總拋他在東洋

大海裏黑風捲地白浪掀天更沒有半箇毛頭星出
現我便是者般忤逆不孝目道諸山道俗到此慶生
又作麼生親近作麼生讚歎作麼生供養良久云月
流九曲環三點雲簇下團圓一尖卓拄杖下座

已酉元日舉西堂秉拂陞座募召大眾云面前香臺
子礙寒煞人便推倒下座復回云然雖如此不得草
草還有木會底麼僧出以手指拄杖云人道我參佛
祖禪還知麼師云不知進云不可參商師云你道是
兩句麼僧禮拜起喝一喝師豎拄杖云不可參商乃
云諸兄弟還信得及麼從上以來沒有一箇衆生從

禪行堂集

卷四一八

三

上以來沒有一箇衆生成佛從上以來沒有一箇佛
度衆生黃面瞿曇出興於世四十九年指東話西只
是虛空釘櫪天下老和尚建立宗旨鍛鍊衲僧十方
英俊輔弼叢林參尋向上總是虛空釘櫪昨日堂頭
老子白衆立僧今日澹歸上座奉命秉拂推出楊岐
交還大眾百花叢裏一朵優曇也是虛空釘櫪諸兄
弟人人腳跟下一段光明當陽顯示直下承當早已
鈍置了也更向者裏討箇什麼復舉龍濟云具足凡
夫法凡夫不知具足聖人法聖人不會凡夫若知卽
是聖人聖人若會卽是凡夫師云有底道凡夫要知

聖人怕會我說若知卽是聖人要知作麼若會卽是
凡夫怕會作麼凡夫不要知恰好不知聖人不怕會
恰好不會諸兄弟若信得及會得三十棒不會得三
十棒會得不會得三十棒不會不會得三十棒恁麼
則丹霞門下道絕人荒新年頭佛法新西堂利市一
雞二犬三猪四羊五牛六馬七人八穀山河日月瓦
礫荆榛各各吹大法螺擊大法鼓轉大法輪雨大法
雨方知昨日今朝真是虛空釘櫪諸兄弟虛空是櫪
切忌切忌櫪是虛空百無禁忌試下手看卓拄杖喝
一喝下座

禪行堂集

卷四一八

四

浴佛日秉拂顧左右云有麼有麼若有試舉看衆無
對師云若沒有澹歸上座盡箇依樣葫蘆諸兄弟釋
迦老子生也平地喫交雲門老子打落水狗也不是
好手適來天然老子道不識赤鬚胡依然胡鬚赤雖
則漁翁得利未免旁觀者醜驀豎拄杖云常不輕菩
薩常啼菩薩常精進菩薩總在者裏說法且道說箇
什麼法擲拄杖云抬得起底肉重千觔拈不起底智
無鉢兩便下座

庚戌正月二日秉拂諸兄弟秉拂上座出賣新年頭
佛法早是正月初二日了也且道還有初一日底道

理麼僧出問如何是初二日事師云十字街頭石敢當僧一喝師云落居士問大師高登寶座大轉法輪惟願風調雨順國泰民安目望贊揚一句師云好進云舊塵灰東風盡掃新喜氣天地送來其中意旨如何師云昨日雨連今日雨新年寒勝舊年寒士禮拜云龍歸大海波濤靜鳳落丹霞萬象生師云不勞贊歎師迺云諸兄弟者裏第一箇初一是西天第二箇初一昨日把第二箇初一當第一箇初一大段周遮今日把第二箇初二當第一箇初一依然直截爲什麼如此從今日到不可說不可說日時時刻刻是正

月初一從今日到不可說不可說日時時刻刻是臘月三十你道他舊卻又簇新你道他新卻又仍舊迎也迎不了送也送不送你那裏有眼不及貶我者裏有腳不會動是甚麼事得恁麼尊貴得恁麼綿密良久云雪峯老漢慈悲之故有落草之談也須臾始得下座

大庾嶺送老和尚赴歸宗還山示衆諸兄弟我今釋十年奔走料理此山原爲老人休息之計卻被歸宗特地相延譬如鳳翔千仞不顧蓬萊龍歸滄海莫存牛迹仔細簡點將來納了一場敗闕爲什麼如此出

家兒索爾虛閒少求少欲我便鎮日上門向人惹得滿臉灰塵一身荆棘如今迴出嶺之行策還山之杖向綠玉潭中淨洗面皮與諸兄弟相見分些澹薄之苦尋些寂寥之樂不敢道茅茨石室任運過時且圖做箇香火道人大家團圓幾時然後一瓢一笠聽我所往只是有一件諸兄弟切莫道天然和尚付囑了他便擬聚頭向者裏覓什麼禪道佛法福報因緣諸兄弟法門衰替人心險惡世路崎嶇付囑一途大爲可畏據我所見所聞也有付囑了還俗底也有付囑了破戒毀律敗壞叢林底也有付囑了尋幾箇侍者

袖着香爐花餅泉圍椅褥向人家鋪設了還收拾籠在袖裏出門底也有付囑了蓄起長頭髮留些或黃或白或黑或長或短鬍子穿雙大紅帷戴頂白毡帽說纔是付囑底打扮就有照樣打扮充做付囑底也有付囑了拖條拄杖子到入門自稱某堂頭法子某人某人是佛法伯叔法兄弟某人某人是護法皈依弟子央及善男信女請說戒請開堂者邊做了又往那邊得些施利私肥囊橐底也有付囑了打聽某處有座古寺便如大衙門好員缺千方百計央人情借勢子挨身入戶打鼓上堂刻幾篇語錄挑一對某

處方丈大燈籠穿街過市便當一生底也有付囑了
塗改古人今人語言文字埋沒他人插入自己妄尊
自大欺世盜名底也有付囑了高座前掛首長幡寫
着南無上基下基本師和尚釋迦牟尼佛底也有付
囑了到施主家爭坐位爭稱呼揮拳相向頭破血出
惹得人人嗤笑底也有付囑了奪施主奪門徒同室
生猜旁觀起妬相傾相陷無了無休底也有付囑了
起風波立門戶刊謗書刻揭帖開欸單告狀打官司
底也有付囑了逢人開示逢人印證便說不要悟只
要付又說只要你承當者些門庭施設我與你說兩

日便會又說如某人某人他各衙門情熟怎得不付
又說做官底須付有才學做名士底須付有家貲能
替叢林做些事底須付有黨與能出效力捉起人放
倒人底須付有口才有刀筆能鼓弄是非起滅詞訟
底須付底也有付囑了因言語不諧禮節不到差遣
不應手追源流拂子做出許多話欄底諸兄弟付囑
之人如此其陋付囑之禍如此其烈我輩稍有血性
當慘悚戢翼痛自防檢豈可於狂瀾裏重揚業風黑
山中添修地獄諸兄弟我今釋竝沒有一些子禪道
佛法可以教人竝沒有一些子福報因緣可以養人

諸兄弟各各自有具足底禪道佛法福報因緣打
柴底打柴春米底春米種菜底種菜摘茶底摘茶我
也只是白日過堂清宵就枕爲什麼如此佛是無求
之理僧是無求之人如今有屋可居有租可食諸大
護法爲我等免了差徭闢了路徑護持了門面坦然
出入任性任持祇如芙蓉楷禪師將常住所有分作
三百六十分綽有風規我與諸兄弟有飯喫飯沒飯
喫粥有鹽喫鹽沒鹽喫淡有油喫油沒油白煮有新
布着新衣沒新衣補舊衲有鞋穿鞋沒鞋赤腳有帽
戴帽沒帽光頭非世間忙人亦非出世間閑漢叢林

諸事各人分上理長理短不消爭執虛心和氣討箇
安樂法門消卻人我是非省些塵勞煩惱山家活計
處處現成本地風光時時顯露到不要去分外生心
分外做事便是做大善知識坐大道場轉大法輪喚
作分外此乃近來付囑之流借題造業墮落根本亦
由前人失足後學承風時或掩耳盜鈴不覺教孫升
木將廣大莊嚴之悲願作名聞利養之邪因我輩避
之如遇怨賊如逢猛獸毒蛇如舐刀頭蜜如飲醎酒
如蹈猛火聚如上劍樹刀山諸兄弟你又莫道者些
分外事我便不做只是我們各有本分事也須討箇

穩當諸兄弟莫作是說你纔說本分事早是分外了也舉手云舉起也着放手云放下也着不舉不放不是僦侗頻舉頻放不是淆訛直饒千聖出頭來銚瀉雲興珠迴玉轉都是旁瞥之詞並沒有半箇人當頭道着一句到不如你諸兄弟們上單時落單時提起鉏頭時抛下扁拐時擬議未生商量不及之際佛眼也覷不見等你回光返照又是千里萬里諸兄弟如今都是要知要會將謂有多少奇特有多少尊貴有多少秘密卻似人拿起快子喫飯忽然大驚小怪道奇哉我卻會拿起快子喫飯我一向不知你諸人也

一向不隨喜贊歎旁邊人便一齊出來禮拜道奇哉奇哉你真箇會拿起快子喫飯實爲希有他喫飯飽了放下快子又大驚小怪道奇哉奇哉我卻會喫飯飽了放下快子我一向不知你諸人也一向不來隨喜贊歎旁邊人便一齊出來禮拜道奇哉奇哉你真箇會喫飯飽了放下快子實爲希有諸兄弟我不說他大驚小怪錯了也不說他禮拜贊歎錯了只是一隊肉麻而皮三寸喚作無慚無愧之徒如今有一起老肉麻道我要教人知得會得便有許多小肉麻挨挨擠擠道我怎麼能勾知得會得你怎麼教道我知

得會得便大大掛箇招牌達磨西來直指人心見性成佛諸兄弟心不可指指卽停機性不可見見卽礙眼佛不可成成卽破道纔怎麼說了又道他知得會得要到不知不會底田地叫做悟了同未悟諸兄弟古人知得會得直下親證到不知不會底田地全身裏許不留一截尾巴把人捉搦不是如今知了久久做到不知底田地如今會了久久做到不會底田地者箇不知不會田地尚無你趨向分豈有踐履分既無踐履分豈有擔荷分既無擔荷分豈有我教得你如此你學得我如此分既無教得學得分豈有我恁

麼說得你恁麼聽得分所以老胡四十九年橫說豎說到了來老實供通說箇未嘗說一字他不是不說直饒說得天雨四花地搖六動並不曾有一句子道着豈得不十分慚愧吾今背痛欲入涅槃倒卻爲藤椿子免教帶累後代兒孫還有一場笑話諸兄弟一切衆生欲出涅槃了不可得他到老箇時節纔說欲入涅槃你道他什麼時節出了涅槃是兜率天出了涅槃王宮出了涅槃雪山出了涅槃金剛座出了涅槃祇陀林獼猴江耆闍崛出了涅槃若總不會出涅槃入作麼若總出了涅槃須知他一生分外諸兄

弟你纔做一些子分外事喚做出了涅槃你纔說一些子分內法也喚做出了涅槃是他們知得會得到了不知不會纔入涅槃諸兄弟正好不知不會要求知求會殊不知全身在涅槃裏當日有箇老宿道我教你諸人從娘肚裏生下來呀吒地一聲便作獅子吼一箇箇壁立千仞去有人聽了便歇得心一住五載所以三世諸佛歷代祖師一向恭敬歡喜供養於諸兄弟不敢一些子動着諸兄弟我豈敢一些子動着諸兄弟諸兄弟切莫一些子動着自己諸兄弟有如許奇特如許尊貴如許秘密卻向別人喉下取氣

了來賣弄自己唇舌且道皮下有血底漢子還肯麼珍重

臘八示衆世尊當日睹明星悟道後來有許多老古雖一模兩樣向者裏譬地去各得安樂豎起拂子云還見麼今日五更風雨烏天黑地且喜一時證據一時埋沒

赴劉中丞招示衆滿擬與諸兄弟度歲忽有仙城之行明春乃復相見千言萬語只要諸兄弟護念此山十方三寶道場建立甚難不落甚易若一味狼藉負檀那之德虧菩薩之道實非所望叢林職事上至堂

頭說法利生下至知隨煎茶掃地皆是普賢行門者裏並無高下麤細身力強底做重些身力弱底做輕些心力強底做大些心力弱底做小些者裏也並無大小輕重只須一箇肯字如今有一種人做叢林職事喚作沒奈何恰像不肯我也許他不肯諸兄弟做職事固是沒奈何且道寒了穿衣饑了喫飯水火急了痢屎撒尿還奈何得麼五臺山有箇寒號蟲他到大熱天長出一身毛羽五色爛然他便叫道鳳凰不如我及至大冷天一身毛羽盡行脫落他又叫道得過且過有底道我卽不然大熱天長出一身毛羽我

道得過且過大冷天一身毛羽脫落我道鳳凰不如我者箇人見解與寒號蟲左眼半觔右眼八兩爲什麼他只知得過且過是沒奈何殊不知鳳凰不如我也是沒奈何盡大地是箇沒奈何汝向什麼處迴避識得底人便向沒奈何處一棚兩開通身放下纔有安樂大自在分諸兄弟但恁麼委悉好

浴佛示衆記得葬舍利又來浴太子不會目前機頭一杓水葬者真非真浴者假非假會得目前機一牛還一馬諸兄弟作麼生是目前機豎起拂子云會麼會也是者箇不會也是者箇切忌向會不會處着

到復舉遵布衲浴佛次藥山云你祇浴得者箇不浴得那箇遵云把將那箇來藥山便休師云有底道藥山被遵布衲一坐直至如今起不得不知遵布衲被藥山一推當下冰消瓦解所以道當斷不斷反招其亂卽今還有爲遵布衲出氣者麼待藥山與麼道時迴轉杓柄劈口便打

結夏示衆者箇時節諸方結夏我者裏無夏可結從此處至三千大千世界只是一步從此刻至盡未來際只是一日從此念至十方諸佛六道衆生只是一人卻於一步中元有形勢高低道里遠近於一日中

元有時分相應不相應於一人中元有聖凡苦樂種種差別且道結夏者是不結夏者是若道結夏者是蹉過諸方若道不結夏者是蹉過者裏若道總是總不是一齊蹉過作麼生得不蹉過去良久云鼻孔面門不可思議說得十分落在第四喝一喝

端午示衆五月五日極早尋得一百箇蝦蟇蓋在缸裏到午時開看顛倒數來只得九十九箇便將者九十九箇放了蓋卻空缸少停開看端然有一箇蝦蟇在裏面將來合隱形藥會麼九十九箇不隱形底享了隱形底福生不知恩一箇隱形底受了不隱形底

禍歟而無怨汝等二六時中時時有者箇消息及至衆究時待尋者一箇不着被者九十九箇癡了眼睛不如放了者九十九箇空蕩蕩地忽然撞着者一箇便與一刀兩斷當下隱形術就然雖如此也是勞而無功

仙城還山示衆四月間與諸兄弟相別回山又是十月往往來來成得箇什麼事道隱賣身賣得去七分擔歸賣身賣不去七分者邊三分搭在那邊那邊三分搭在者邊且作麼生拆得開合得攏以右手拍左臂復以左手拍右臂云一迴打出連環結滿局全成

不灰生

示衆佛境界不可思議衆生境界不可思議佛境界衆生境界是一是二是夾雜不是夾雜若道夾雜性不可有二也若道不夾雜爭奈佛與衆生何諸人盡是祖師門下客還定當得也未祇如隨情造業隨業受報七趣升沉是衆生而目不是性底面目三阿僧祇劫修得三十二種相八十種好是佛底面目不是性底面目性又作麼面目諸人試向佛境界衆生境界之外拈出一些子與我看若拈不出更向佛境界衆生境界內拈出一些子與我看諸人譬如一股有

源頭大水好底也推醜底也推推好推醜底也推忽
然向者裏拈出一滴源頭水早是推出來久了底也
便擬向未曾推時拈取作麼生下手他不是沒源頭
祇是不是源頭你又顧箇什麼若能向者裏一脚
踏斷提起便行敢道此人自自由分若行不到者裏
也須信到者裏若信不到者裏也須疑到者裏疑來
疑去忽然疑着敢道此人也有自由分擱口一下云
幸自可憐生又教他疑作麼你若不疑也不見得信
好只好爲什麼不得如今人總道有箇和尚沒者
箇寺我道沒者箇和尚卻有者箇寺哩珍重

備行堂集

卷四一六

五

冬至示衆拜冬是此土世間之禮西天無此說不是
氣候不同只是見處各別世間人道此是一陽始生
先王以是日閉關商旅不行后不省方他也覷得一
些消息借者一日顯者一刻後來人便道是扶陽抑
陰且喜沒交涉所以護明菩薩從來不曾下生釋迦
如來向摩竭陀國裏掩室阿難在門外傳語大似此
處無銀三十兩殊不知他連人連賊沒卻了也我也
道箇扶陽抑陰良久云且喜沒交涉

示衆舉卿那云十五日以前諸佛生你不得離我者
裏你若離我者裏我有鈎子鈎你十五日以後諸佛

滅你不得住我者裏你若住我者裏我有錐子錐你
正當十五日用鈎卽是用錐卽是正當十五日鈎錐
一時息纔擬問如何回頭日又出師云古人恁麼道
迴天關轉地軸不會有一刻閒我者裏又不然十五
日以前諸佛不會生你也不會離我者裏用鈎作麼
十五日以後諸佛不會滅你也不會住我者裏用錐
作麼正當十五日切忌眼花老來沒氣力鈎錐成廢
鐵把與小娃娃門前換糖喫澹歸恁麼道淵停嶽峙
卻也不會有一刻閒爲什麼總不得閒早來滴水冷
於水一對鴛鴦盡不成

備行堂集

卷四一六

六

臘八示衆釋迦老子初生時着實有些氣槩後來賂
明星悟道了卻說奇哉一切衆生皆具如來智慧德
相但以妄想執着而不證得因他向者裏拽斷鼻繩
誰知還有一箇小小結頭在鼻孔裏如今有人更不
妄想執着證得如來智慧德相我將三分半夏末吹
入他鼻孔裏教他連打三箇噴嚏還有人要麼良久
云若無人要少問喫臘八粥撞着一箇龍眼核子痛
與三千棒

示衆一人執炬自燼其身一人抱水橫屍於路燼卽
燼者抱水底橫卽橫者執炬底水便是炬炬便是水

作麼生當日有箇李大夫歿了外邊來一弔客拜哭極哀纔到歿屍前歿屍忽然跳起把住弔客便打弔客把住歿屍亦打兩箇惡狠狠拳腳相交嚇得一家人走散天明聽得沒有聲息進去看祇見兩箇歿屍臥在地上一樣面目一樣身材一樣衣服一樣顏色總辨不出只得一棺材盛了卽今還有人辨得出麼直饒辨得分明還有一箇良久云莫見鬼好

癸丑元旦示衆豎拂子云又是從頭起道是從頭起不得他肯道不是從頭起也不得他肯衆人底是他不別一人底是他不同你要麼他掃蕩無餘你要

不恁麼他流布無盡你待親近他十萬八千你待疎遠他同牀合被你見得條令斬新他一切仍舊你見得一切仍舊他條令斬新他有什麼長處得恁麼劣調街坊上新年頭有箇對子春王正月天子萬年大衆也好箇消息各人領取盡大地人都領取了爭奈他還不肯以拂子左右拂云自有東風齊着力何勞門上畫鍾馗

燈夕示衆今朝正月十五是處敲鑼打鼓衲僧家不做熟落元宵也有尋常烟火畫圓相喝一喝云看看砲打襄陽且莫釘椿搖櫓

示衆舉一老宿門上寫箇心字窓上寫箇心字壁上寫箇心字一老宿云門上只寫門字窓上只寫窓字壁上只寫壁字又一老宿云門上不消寫門字窓上不消寫窓字壁上不消寫壁字師云者三箇漢一箇奸巧如一箇爭奈越奸越巧越貪窮都盧笑破他人口我者裏門也無窓也無壁也無寫與不寫向甚處着召大衆云澹歸與古人是同是別三箇夜叉奈何不得一箇窮鬼一箇窮鬼奈何了三箇夜叉更問如何歸堂喫茶

示衆舉華嚴偈若人欲識佛境界師云語墮也佛有

什麼境界境界有什麼佛當淨其意如虛空師云又是一點遠離妄想及諸取師云不可空裏更折花令心所向皆無礙師云擬向卽礙莫非不擬向便無礙麼且休錯乃云諸兄弟天下本無事庸人自擾之諸佛世尊事不獲已向汝恁麼道纔道箇佛境界早成多事便是佛無境界境界無佛也覺無端然雖如此汝要佛無境界則易要境界無佛則難譬如兩箇花子各說大話一箇做天一箇便做雲乃至做風做牆做鼠做蛇仍舊做回花子盡大地是箇弄蛇底何不仍舊去鶻豎拂子云還見蛇麼擲拂子云卻是一條

爛井索

示衆正月一一顆山茶透寒雪二月一千紅萬紫呈
春色三月一杜鵑叫落千山月識得一萬事畢饑來
喫飯困來歇所以道天得一以清地得一以寧侯王
得一以爲天下貞衲僧得一禍事臨門大衆旣得一
了爲什麼禍事臨門太平本自將軍致不許將軍見
太平

病中示衆諸佛諸祖所有言教都是因病設藥病是
箇什麼彼自無瘡勿傷之也不病又是箇什麼吾有
大病非世所醫汝看古人將一株紫旃檀雕做兩尊

補行堂集

卷四十六

九

觀世音菩薩各顯靈通仔細看來費底藥本卻也不
少我者裏有底是病沒有底是藥地水火風生老病
歿盲聾瘡癰癰瘡鼓腦腦塞一堂恰似到善見城中
聞其藥香自然病愈若體得此意便將信物一角寄
上閻羅大王牛頭馬面打開一看刀山劍樹火聚氷
池裏叫苦連天也不會希罕極樂世界良久云不是
逢人誇俏措金鎚擊碎萬重關

示衆舉劉季醉行大澤中從者還報前有大蛇當道
季云壯上行何畏遽前拔劍斬蛇師云作家君王天
然有在次日有老嫗哭於其處人問嫗何故哭嫗云

人殺吾子又問嫗子何故見殺嫗云吾子白帝子也

化爲蛇當道今被赤帝子斬之師云汗馬無人識重
論蓋代功人以嫗爲不誠欲答之師云強中更有強
中手嫗因忽不見師云漢家天下從此大定矣召大
衆云人人都道者老嫗被人殺了兒子卻去上門報
喜長他人志氣滅自己威風殊不知白帝子赤帝子
總是者老嫗生底一手擡一手搦也是他尋常家計
所以長他人志氣不是他人滅自己威風纔成自己
雖則忍俊不禁爭奈捏目不少若不是路上行人智
過張良勇踰周勃直下放出辣手打者老嫗無影無

補行堂集

卷四十六

三

形劉季便斬了蛇還有一箇蛇頭蔽住禪襦不得放
在要會麼直須與麼始得

浴佛示衆祇見大衆浴佛不見佛浴大衆大衆浴佛
三杓五杓佛浴大衆只是一杓把三千大千無央數
世界古往今來無央數衆生一時浴了元來衆生分
上各各有一箇佛兒子被衆生結佛結魔結一向結
住不得出頭自得者一杓了者些佛兒子各各會指
天指地隨處稱尊方知佛是衆生子衆生是佛母你
們適來浴過佛了各各該有一分洗兒金銀錢我今
給與公據向空王殿裏打開寶藏你一人有一箇寶

藏百千萬億人有百千萬億寶藏各各取用各各具足只是有一句話忽然一杓滾熱水向頂門上澆下不得失卻鎖匙作麼生是你鎖匙舉左手云珍重結夏示衆南方禁夏不禁冬北方禁冬不禁夏別傳寺裏冬卽禁夏夏卽禁冬還有出得頭者麼若出不得頭一任老漢普天普地復舉古人道不見一法卽如來方得名爲觀自在又道不見一法成大過患師云總是不見一法爲什麼卻成過患不見一法卽如來怎麼會便不是不見一法卽如來怎麼會便是所以玄沙問鏡清云不見一法爲大過患且道不見什

麼法清指露柱云莫是不見者箇法麼沙云浙中清水白米由汝喫佛法未會在鏡清藏陷虎之機玄沙逞屠龍之手今夏有人透得者一關一任闍黎普天普地

示衆有人在紙背上寫了訴牒投官乞判官人是裴請寫了四句道者畔似那畔那畔似者畔我也不辭與你判笑殺門前着靴漢者裴官人雖是俗吏卻有些衲僧氣息但祇解作賓不解作主到是那投牒底解得作主又不解作賓若是澹歸當日見他在紙背上寫了訴詞我便在紙面上下了判語端端正正用

一顆印教他要作賓爭奈紙背上無判語要作王爭奈紙面上無訴詞大衆紙面上無訴詞紙背上無判語直饒伊使盡神通跳不出一張故紙還會麼良久云若識得法界性也沒多事珍重

示衆舉一不得舉二放過一着落在第二乾峯怎麼道三世諸佛捧了者道赦書初一十五不消到者裏點卯雲門出衆云昨日有人從天台來卻往徑山去雖則鍾期賞音早已落在第二峯喚典座來日不得普請幾於伯牙絕軫卻又落在第二我者裏舉千舉萬祇是不得舉二會麼三聲板響各自過堂一齊俱

到不用商量

示衆舉嚴陽尊者問趙州云一物不將來時如何師云畫蛇添足州云放下着師云捉賊見賊陽云一物不將來放下箇什麼師云不是你說我也不知州云放不下擔取去師云不是你知我也不說嚴陽尊者當下大悟師云悟卽不無爭奈無端受了人家一柄臘月扇子乃召大衆云還得放下也未趙州者一句子不論已到嚴陽關未到嚴陽關開眼也用得着合眼也用得着不開不合也用得着若已過嚴陽關卻須擔取去始得爲什麼眼睛裏面須彌山眉毛尖上

大海水手掌中心無量無邊六道四生擔向不可說不可說轉世界遶到盡未來際一口氣也不歇還會有一物也無所以道塵塵爾刹爾念念爾古人如是今人如是趙州不會說嚴陽不會悟現前大眾一箇箇都許他是出格道流我總與炷香作禮三拜爲什麼如此上來不消問下去不消疑無論是不是也不爲奇喝一喝

示衆因緣所生法我說卽是空亦云是假名亦是中道義盡大地是箇因緣法總被空假中穿卻盡大地是箇空假中法總被因緣穿卻豈拂子云盡大地是

備行要集

卷四一六

圭

箇空假中因緣法總被拂子穿卻三世諸佛在拂子頭上放大光明說實相義驀擲下云忽然一擲一時喪身失命是汝諸人還覺腦門痛也無良久云立地搆去不是性躁漢

解夏示衆坐夏一百二十日前後安居一時畢雖然病得太郎當病裏有些好消息是什麼消息病有底消息還有什麼消息外有活底消息外活卽且置是什麼病紅孩兒向鼻梁上打了三拳兩隻眼睛迸出千百道火光汝諸人還有鼻孔也無若無鼻孔也須摸着若有鼻孔也須打卻打卻了鼻孔始解與

病僧同病解與病僧同病始能與病僧同病同活與病僧同病諸人獨活與病僧同活諸人獨病同病同活不見鼻孔獨病獨活鼻孔不見既不見打箇什麼便不打又見箇什麼是汝諸人還有者箇消息也無良久云設有者箇消息更須打破面門始得

示衆教中道父母所生眼悉見三千界且道三千界是有是無若是有見箇什麼若是無喚什麼作見祖師道父母所生口終不爲子說且道口是有是無若是有爲什麼不說若是無不說底是什麼且道教中底是祖師底是一樣是父母所生爲什麼眼悉見口

備行要集

卷四一六

古

不說會麼眼悉見口不說一箇玉蓮環化作兩箇金蝴蝶大千沙界海中漚一切聖賢如電拂

赴歸宗示衆以手自指云他是官身總不自由他既是官身自也不由大眾要透過不自由則易要透過自由不由卻難要透麼直須放下又放下放到無可放處連者無可放底也放下纔能勾向逆順境中頭上着枷腳下着枷元是箇日日花朝夜夜元宵如或不然心坎上一座須彌山時時刻刻在眼睛裏者箇累墜三生六十劫也未得了還會麼山僧今日遠行山中事問取樂說大師始得

示眾趙州與文遠侍者論義云關劣不關勝勝者輸
果子遠云請和尚立義州云我是一頭驢遠云我是
驢胃州云我是驢糞遠云我是糞中蟲州云你在彼
中作什麼遠云我在彼中過夏州云把將果子來師
云文遠供養情長鬪爭氣短趙州雖贏了些果子卻
也食不下咽爲什麼養子不及父家門一世衰若是
跨竈底兒孫纔見道我是一頭驢便道把將果子來
直抄扎了者老漢竈糞更與一腳踏倒方快

廬山還示眾豎拂子云病僧到者裏大似熟處難忘
飲河易滿還有人出得一語相救麼眾無對師乃云

若救得則丹霞一片地坐斷十方世界吞千佛道
場若救不得綠玉潭下水紫玉臺上石千古萬古不
相借用病僧就者裏唱箇還鄉曲子供養大眾貴圖
識得自家本有基業直下知歸還願樂麼忽有箇衲
僧出來檢點道和尚猶有者箇在又作麼生但向道
我且退一步商量免得倚他門戶傍他牆剛被時人
喚作郎便下座

示新學菩薩佛說七種眾生有一種聞如來常住無
有變易終不畢竟入於涅槃一切眾生皆有佛性一
闍提等當來得成阿耨多羅三藐三菩提生不信心

墮三惡道有一種雖信涅槃常樂我淨卻說如來有
二種涅槃有爲涅槃無常樂我淨無爲涅槃常樂我
淨雖信佛性是眾生有不必一切皆悉有之雖信有
道不信有得道之人雖信三寶不信三寶同一性相
雖信因果不信受報信不具足戒亦不具足是人雖
得作戒不得無作戒雖得求戒不得捨戒雖得隨有
戒不得隨道戒戒不具足聞亦不具足是人於如來
十二部經信六部不信六部雖信六部不能讀誦爲
他講說雖能講說爲勝他故爲利養故爲諸有故聞
不具足施亦不具足是人雖行財施不行法施雖行

法施但行非聖施不行聖施施不具足智慧亦不具
足是人不能分別如來常無常乃至淨不淨如來卽
是解脫解脫卽是如來如來卽是涅槃涅槃卽是解
脫於是義中不能分別乃至一切義中不能分別親
近惡友增長惡法如恆河中大魚久沒暫出出已復
沒汝等今日受菩薩戒盡道戒已具足還得信心具
足麼汝等若能信心具足於一切境緣上不疑凡不
疑聖不疑有不疑無不疑白不疑他直用直行更不
回頭轉腦始得入此虛空平等地此箇虛空平等地
無汝等違背處亦無汝等承當處祇是汝等不能立

地承當便見千生萬劫與伊違背若信得千生萬劫
不會違背便好放下者立地承當還信麼舉朱行軍
到南禪設齋行入禪堂不住口道直下是直下是有
僧便問直下是箇什麼行軍便喝僧云行軍幸是解
事底人又惡發作麼行軍云喚作惡發卽不得僧便
喝行軍云鉤在不疑之地僧又喝行軍便休師云識
得行軍者一喝便有者僧兩喝不用得者僧兩喝便
埋沒了行軍者一喝豎起拄杖云向者裏信得及一
切具足

除夕師坐老和尚眞旁大眾請元旦上堂禮畢師云

備行堂集

卷四一六

七

禪

上堂是箇套子難道善知識上堂便有佛法不上堂
便沒有麼新年便有佛法除了新年日日時時便沒
有麼說佛法便有佛法每日商量家長裏短你們拈
匙把筯上來下去便沒有麼如今善知識教人學道
學人都要悟道總待上堂時置箇問頭向善知識答
處揣摩測度及至下座了大家散去不但善知識答
處沒做理會連自己問頭不知向那裏去了總恁麼
便三生六十劫有什麼益古人道風吹芋葉牛動尾
巴你爲什麼不參取他豬肉案頭也悟去舉喪歌郎
聲裏也悟去兩人爭交打一拳也悟去桃花開桶籬

散也悟去一鎚打碎石頭一塊瓦片打着竹子也悟
去者些東西不可說我是善知識我上堂我替你說
法教你悟去也湛堂和尚說大慧你在我方丈裏便
有禪出方丈便沒了也惺惺時便有禪睡着時便沒
了也何況你們信道不篤用心又不專一眼裏既沒
有筋胸中又有許多脰膈所以動著便成隔礙你們
要說佛法麼驀拈拄杖云只者箇拄杖子第一件不
得點空第二件不得靠壁一僧便出奪拄杖擲地云
和尚將此作氣力麼師云你且不要忙者裏有許多
關頭過不得在進云長老峯還拈得面目出來與大

備行堂集

卷四一六

七

禪

衆看麼師云你走錯了路也進云和尚又見箇什麼
師云一機一境總用不著拖泥帶水也用不著掃踪
滅跡也用不著復拈拄杖云第三件不得架肩你又
作麼生第四件不得橫膝第五件不得倒提第六件
不得直立第七件不得豎第八件不得曳第九件不
得卓第十件不得擲擲下拄杖云者不是你底道理
僧復出云和尚說許多件畢竟那一件是師云轉見
不堪進云見非見師云你做不得座主使下僧無語
侍僧云大德座前無言空對面何不禮拜僧云禮拜
箇什麼侍僧云急水魚頭落林驚鳥不飛師云旁觀

者醜僧云明年春又至不怕雪點頭師云者拄杖子被老僧鈍置矣了也無人救得度拄杖與侍者云卻請樂大師收取眾禮拜師指老和尚真云者是老漢敲骨吸髓底道理你們作麼生會

浴佛大眾請上堂師云人人有箇生日爲什麼驚天動地試道看一僧便喝師云老僧呷一跳僧無語師云絕消息一句作麼生道僧又喝云再道卽不堪便出師呵呵大笑復云大眾已道了也

安居早來侍者問今日大眾安居和尚何不與大眾安心老僧道除卻行住坐臥別致一問來且作麼生

會眾無對召大眾云見了老僧有些芥蒂不見老僧十分自在但恁麼會去管取青霄獨步會麼記會猛雨烏風夜捉得宵飛輶輓鷹莫問天晴誰放去遠峰無限碧峻嶒卓拄杖一下下座

解夏僧問三夏已過五夏已解總是虛空猶如一切等虛空未審真空否願師指示師云今日自恣進云有功者賞且置昔日靈山拈花意旨如何師云退問和尚目前爲大眾安心今日自恣了也心從何處覓師云宗門下事且過一邊進云衣裏明珠更從何得師不答又一僧出師便打大眾自恣竟僧出問一百

日已前安居并不會安居一百日已後解制并不會解制何以故若是隨情順流猶是墮坑落井若不隨情順流卽是龍爭虎鬪望和尚慈悲與箇無不安樂法門師云山鬼伎倆有限老僧不見不聞無窮進云鐵牛山鼻孔紅爐頂上遊師召大眾云佛法有時說有非時之說老僧常語你們一切時中總是者箇消息今日自恣還在裏許不在裏許若不在裏許且道在什麼處若在裏許又競頭向前討箇什麼如今人都愛丟了現成底事別尋道理正是非時之說若是俗例漢纔聽得今日自恣便合知時更待說道宗門

下事且過一邊轉見狼狽你們既向老僧放者些惡氣老僧也放些惡氣酬還你們還領得麼今日眾僧自恣我比丘某甲亦自恣喚作受歲昨日是臘月三十日今日是正月初一日冬不寒夏不熱驢頭回馬頭出豎拂子云十字街頭打倒胡達磨卻向腦門重著楔六六三六九八十一文殊普賢寒山拾得記取豐干饒舌擲拂子下座

示新學菩薩舉寶壽開堂三聖推出一僧師云險寶壽便打師云險老僧者兩險有一險高高山頂立有一險深深海底行若辯得個儻分明敢道參學事畢

三聖道與麼爲人瞎卻鎮州一城人眼在師云剝出他人心肝爭奈白已心肝太熱寶壽拋下拄杖便歸方丈師云遮盡白已面目爭奈他人面目長存如今盡大地衆生是箇瞎眼底老僧便要他開盡大地菩薩是箇開眼底老僧更要他瞎若不親到者瞎底地位不能行菩薩道若不深信者瞎底道理不能受菩薩戒今因傳掌畧爲大衆舉揚一盲引衆盲相將落火坑文殊普賢大人境界擲下拄杖云直須與麼始得

中秋茶話師云年年常任支撐得來買些麵做些月

餅與大衆過中秋今年常任支撐不來月餅也沒得

云者是老僧底卻是大衆底大衆都有箇月餅也須

供養老僧雖是大衆底元是老僧底要老僧不喫大

衆月餅則易要大衆不喫老僧月餅則難還有人道得麼若道得今日中秋普茶若道不得老僧有過道道衆無對師撲破茶盞便歸方丈

佛事

度僧一切法不可得家還可得麼家不可得更出箇什麼家一切家不可得身還可得麼身不可得更捨

箇什麼身一切身不可得心還可得麼心不可得更

識箇什麼心諸仁者只爲汝無始劫來用諸妄想習

氣攀援執恡顛倒流轉無有休歇如來大慈開箇出

家之門使汝一刀兩斷既得斷已方知無家可出無

身可捨無心可識然雖如是也須親到者箇田地始得亂說卽不可祇如二祖見初祖說箇覓心了不可得祖云與汝安心竟三祖見二祖說箇覓心了不可得祖云與汝懺罪竟卽今有人說箇覓家了不可得澹歸亦云與汝出家竟且道還當得也無良久云學語之流槌殺千箇萬箇有什麼罪過我者裏若有恁

麼人便有恁麼事不是汝長連牀上書本子裏關

得來答應得去便道我解也會也當得了也四果聖

人證得人空不證得法空猶有一分人空未證在他

有人空底法便有一分證得人空法底人在菩薩當

體卽空眼睛卓朔地猶遊八刻在何處汝五欲羶重境界人我是非名聞利養成虧得失暗地裏件件打熬不過口但說空行在有中臘月三十日到來總被黑面老子算將去還說得一切法不可得麼諸仁者家不可得卻須出得家後看身不可得卻須捨得身後看心不可得卻須識得心後看直饒汝說箇不可

得底亦不可得到澹歸者裏一刀兩斷我者裏纔有
恁麼人便沒有恁麼事諸仁者汝試自己微細揣摩
還有一絲毫斷不得底麼若有一絲毫斷不得底千
生萬劫相牽相引未有了日快須領取吹毛利刀舉
起刀度與侍者云不許留根

度尼善女人如來說一切衆生妄受輪轉欲貪爲本
得則成愛不得成瞋愛則相生瞋則相殺生殺相尋
窮劫不盡汝等於人道中受此九漏不淨之軀皆由
多生欲貪所感若不猛自斷斷欲不墮落而得解脫
無有是處當日如來初度女人出家大愛道尼蓮花

備行堂集

卷四一六

三

色尼耶輪陀羅尼無量百千諸尼俱成四道果今日
汝等向者裏削髮爲尼又成得箇什麼末山尼妙總
尼等入無爲寂滅之海建無爲寂滅之幢我不敢輕
於汝等汝等皆當作佛還有人甘心也無良久云城
東老母不喜見佛以如來威神力故令其眼觀上下
四方總皆是佛急以兩手遮眼乃至十指頭無不是
佛汝道城東老母還見眼睛麼幸喜伊不會若是會
得盡大地人冰消瓦解卽今便使汝等一時會得也
只好向者裏削髮爲尼且道利害在什麼處舉刀云
不得動着一根頭毛與我剎卻

舍利入塔舉菩薩處胎經佛告諸大衆念我古昔所
行功德捨身受身非一非二今爲汝等說一形法諸
佛全身舍利在下金剛剎中金剛剎厚八十四萬億
里中有碎身舍利彼剎名妙香佛名不住如來碎身
舍利下八十四萬億里國土名清淨佛名徧光復下
有國土名施無盡藏佛名勸助復下有國土名法鼓
佛名善見乃有全身舍利過去千萬億佛皆留舍利
彼土舍利我亦有分師召大衆云釋迦牟尼佛三百
六十骨節八萬四千毛孔一時抖下了也全身碎身
非一非二此土彼土非一非二先佛後佛非一非二

備行堂集

卷四一六

三

卽今丹霞山奉佛舍利下鎮海螺峯頂與八十四萬
億里諸金剛剎非一非二上至帝釋梵天下至龍宮
海藏中至阿育輪王大至須彌盧小至一葉一針
鋒許所有浮圖非一非二世界安寧帝王長壽護法
宰官捨山檀越莊嚴信士勤苦道流與現前雲集四
衆若見若聞隨其根性所得如來智慧德相非一非
二諸佛一形法有如是威德自在不可思議汝輩各
各當人分上還識得者箇消息也無驀登一指云釋
迦牟尼佛三百六十骨節八萬四千毛孔盡從者裏
與諸人節節相拄孔孔相通地水火風生老病歿惟

一堅密身一切塵中現一切時一切處金蓮湧地寶蓋垂天水火無傷砧鎚俱陷若能撒手無依把得便用推倒浮圖颺卻舍利不爲分外如其不然打一回葛藤添一些眼目從緣有者始終而成壞非從緣有者歷劫而長堅丹霞山佛舍利是從緣有非從緣有若道從緣有爲什麼歷劫長堅若道非從緣有爭奈王宮示生雙林示滅若道釋迦牟尼佛多劫修行福慧兩足宛爾不同則聖名凡號盡是虛聲殊相劣形皆爲幻色作麼生得通去就使通去又作麼生得化去若能覩破千差打成一片重建浮圖高擡舍利塵

塵涉影刹刹交光也不爲分外更若遲疑翻成擔悞且教掘地深埋卓箇尖尖錐子千迴百匝寸步休離各各當人三百六十骨節八萬四千毛孔依舊與釋迦牟尼佛節節相拄孔孔相通火宅浮圖鬼家舍利日中逃影衣底藏珠總被人喚作日用而不知底百姓卻有三世諸佛十方諸大菩薩恭敬圍繞以諸香花而散其上彈指贊歎道吾不如汝吾不如汝也不爲分外復召大眾云一形法有如是威德自在不可思議康熙壬子春三月二十六日專爲舉揚與古岡善男子方古木古岳古觀結般若緣入金剛地大眾

證明便捧舍利入塔

龍護園伽藍陞座當日關將軍三更時分騎赤兔馬提青龍刀半雲半霧在玉泉寺前連聲大叫云還我頭來被玉泉長老輕輕一撈道顏良安在曠劫無明當下消釋且道是還他頭不還他頭還與不還且置祇如關將軍沒了頭爲什麼有口汝等箇箇有口爲什麼摸頭不着衆無對師云久立珍重

臘八示新學菩薩諸佛子汝等已受菩薩戒法適來作禮歸宗老和尚長慶先老和尚且教汝等識得宗祖祇如者箇戒法在宗祖分上在兒孫分上若是宗

祖底卻與兒孫面目不同若是兒孫底又與宗祖語言不異盧舍那佛坐千華臺上一華有千葉一葉一釋迦與今日相去多少須知者箇戒法不是丹霞底也不是歸宗長慶底并不是釋迦牟尼與盧舍那底總是汝等各人自己心地法門本來具足本來清淨本來周徧諸佛諸祖問出於世不過向汝心地法門現成指出語出更不會有分毫增減若是汝等本來無此心地法無端故作特地差排譬如剗他人面目作自己相貌祇成欺誑所以梵網經偈云我是已成佛汝是當成佛常作如是信戒品已具足汝等要得

信麼第一不得作下劣想汝若道佛是三阿僧祇劫修得底諸大菩薩各有地位非我凡夫所敢攀仰者便是謗佛毀法汝等須信自性是佛原無轉變直下承當更無漸次信得及了也不得作奇特想汝等便寶華承足寶蓋覆頂三十二種相八十種好不會於汝自性上增了分毫就做了螻蛄蠅子伶俚辛苦亦是暫時岐路於汝自性上不會減了分毫汝等自性譬如一捧水礪砂散在地上大即大圓小即小圓分即合圓合即分圓如今人都在自己分上起許多差別有許多疑怖便是識得底人也起許多顧盼有許多

補行堂集

卷四十六

三

多護惜者都是信力不充致成滲漏汝等要信麼豎拂子云但向者裏識取方知三藏十二分教大段周遮今日爲汝等立壇場授戒法鈍置不小直饒汝等向者裏識得立地破家散宅已遲八刻何況粘牙帶齒更要如何若何所以古人道一鎚便就不是性燥漢汝等直須恁麼信恁麼解恁麼行方好去闍黎處聽取十重四十八輕戒止持作犯一一分明以廣大心入微細行以微細心入廣大行汝若一向廣大錯過了微細衆生若一向微細蹉過了廣大衆生若一向廣大微細蹉過了不廣大不微細衆生若有一箇

衆生向汝心地法門中漏網便是汝心地法門本來具足清淨周徧之量不得圓滿汝等當信吾言將三世諸佛盡未來際衆生一肩挑起更莫回頭轉腦不作奇特想并不作平常想也莫管他誰是已成佛誰是當成佛已成當成祇是一箇人祇是一時一刻便將一箇人幻作無量億人將一時一刻演作無量億劫數也不會於汝自性上有分毫事汝等還疑箇什麼珍重

龍護園法會佛說一切苦厄欲貪爲本所以欲貪便是禍水若能於欲貪起處一刀兩斷自然禍水乾枯

補行堂集

卷四十六

美

容易與如來法流水接且道法流水與禍水相去多少今日龍護園裏借水官解厄之期做箇下元會只是治標不是治本閻羅大王日日差四大無常向人間告報爭奈人間不知落得自家衙門熱鬧水官大帝名聲普聞一邊治本無功一邊治標有効如今要得治本麼須念念參取四大無常不惟有卻病之方且有登真之訣登真訣作麼生道剎那剎那不可得徧地刀鎗三寸鐵

爲雷峯西堂初千大師設供拈香畢云丹霞相聚了也不是相見韶陽相別了也不是相見雷峯堂中不

復見也是真相見且作麼生與老弟欸曲家常舉起手云此是如來最後之供便拜

先華首諱日上供退步不須尋前行何處討已擅白雲宗更落丹霞稿本來無事人愛說山中好處則爲遠志出卽爲小草師翁師翁向者裏受一分冷澹香烟還當兒孫報德麼遂燒香云且把華首臺全身總靠倒

送亡僧入普同塋丹霞建立十年未有普同塋承巡撫劉大中丞慈念捐貲創造今日送諸同住亡僧骨石到此得有歸藏讚歎不及雖則一期功德成就爭

奈是箇不了公案澹歸上座不惜眉毛爲汝等說破以杖指塋云汝等不得向者裏躲跟中丞公深造此道因汝等愛向者裏躲跟特造此塋供養於汝汝等莫破中丞公熱瞞復舉世尊同者婆到尸陀林以杖敲一髑髏問者婆此生何道者婆云生人道又敲一髑髏問此生何道者婆云生天道又敲一髑髏問此生何道者婆問知生處師云第三箇髑髏者婆問知生處目置且道第一第二箇髑髏者婆還知生處麼以杖敲骨石云澹歸將汝等髑髏一箇箇敲過隨汝等生人生天生修羅生惡道教汝等一箇箇問知生

處汝等也莫被澹歸熱瞞且作麼生得不被熱瞞去倒提拄杖喝一喝

爲客沙彌湛然舉火秉炬云我不識你你不識我驀地相逢一團大火打圓相喝一喝擻炬

爲傳融沙彌舉火不向者裏會得流浪無窮向者裏會得沈淪永劫今日路見不平拔刀相助豎起炬云會麼三千里外切忌髑髏敲在腳跟便焚

爲異能禪人舉火秉炬打圓相云日裏合龕晚來舉火大眾不須疑雲門一字普遂焚

爲玉流洲禪人舉火玉流玉流數千里外特地到者

裏討箇落處雖未得了當乘此正因也得箇好處生好處見然雖如此大丈夫兒須是斬釘截鐵始得豎起火炬云會麼烈燄光中有箇辟支安坐不是好手且待薪盡火滅時爲汝道破便焚

爲善因宗禪人舉火善因善因你說不做米頭卽不任如今做了米頭卻又去去則實不去常住是無任好教領取臨岐句以火炬打圓相云會麼只在此山中雲深不知處

爲禪三儀知藏起龕儀上座你還記得麼新年頭佛法當日曾問老僧如何是初二日事老僧云十字街

頭石敢當你便喝老僧云落你若用得者一喝撒手
臥長空若用得者一喝卻被十字街頭石敢當礙
煞法界海中本無生滅老僧今日不能遠送諦請樂
大師助你一把火臨岐一句你還會麼豎起拄杖云
此去好埋三尺雪再來別舉一家春以拄杖擊龕三
下

爲大智達侍者起龕離者殼漏子向什麼處相見不
生不滅處相見非不生不滅處亦不求相見喝一喝
云說什麼離不離生滅不生滅只者殼漏子向什麼
處相見立地撒手已是不唧溜漢卓拄杖一下云達

侍者好去好去

問答

僧問大眾今日安居和尚何不與大眾安心譬如水
動定水不如定風心既無定終身何安師云除卻行
住坐臥別致一問來進云是法亦無法離假亦無真
師云卻成分外僧問除卻行住坐臥請和尚道一句
來師良久云還出得者一句麼進云爲什麼總在者
一句師云祇爲總不在者一句進云恁麼則不用安
排也師云你又安排

僧辭師云去卽任去逢人不得道從澹歸處來僧無

對

僧呈頌師云文言無益古人還有道得著底麼僧云
竝無一句道著師云卻有句句道著底麼僧云也是
師云道著道不著去此二途汝作麼生僧以拳拍案
云卽此用離此用師便打僧禮拜起云師又作麼生
師豎起如意僧禮拜師云不消一句

師問僧觀明星悟道汝作麼會僧云依蝦作眼師云
汝只知依蝦作眼畢竟無眼不知依眼作蝦畢竟無
蝦

劉中丞問善財到妙高峯頂七日爲什麼不見德雲

比丘師云旣到妙高峯頂自然不見德雲比丘豈但
七日直饒三生六十劫欲見了不可得別峯相見始
爲正見非此見者卽名邪見中丞云五十二叅又作
麼生師云都是別峯相見

中丞舉起信論云無明熏習真如真如亦熏習無明
還的當也無師云無明決不熏習真如無明若能熏
習真如卽真如變作無明更無真如真如決不熏習
無明渠從來不曾與無明和合豈有工夫去熏習他
中丞云恁麼則判然兩箇也師云一箇也無說甚兩
箇

中丞問達磨畢竟沒於此土還是西歸師云達磨不曾來

中丞云做官事煩不能攝心靜坐師云事不礙心要靜坐作麼中丞云古人道無心於事無事於心作麼得到者箇境界師云無心於事全心在事無事於心全事在心如今人擬向心裏更討無事裏更討無心轉見亂如麻在忽聞傳鼓聲師云心在什麼處中丞云爲聞所轉須臾傳進公文中丞便看師云心在什麼處中丞云爲見所轉師云有兩箇轉底便有一箇不轉底沒一箇不轉底便沒兩箇轉底

續行堂集

卷四十六

三

師語中丞云此事故須心細亦須膽大因舉妙喜每說士大夫怕落空大似船不會翻便要跳水師云不如憑他跳水撲通一聲響竝無一滴方纔可笑中丞躍然意解

師問中丞古人道卽心卽佛又道非心非佛又道不是心不是佛不是物還有優劣也無中丞云他作幾層說完也非得已師云於公如何中丞云若待說完堪作什麼師云如何是不待說完便見底道理中丞一笑而起

沙彌吐血師問汝還吐麼彌云有一兩口吞下了也

師云吞卽不可顧傍僧云纔有佛法便是瘀血若不吐出礙塞殺人

師下座後僧問和尚適來道大衆底心肝都是鐵打底和尚底心肝是箇什麼師云豆腐師便問僧祇如百丈道明日一時埋卻汝作麼生會僧云說不盡哭不了師云你問我僧便問明日一時埋卻意作麼生師云大鬼上天小鬼落地

師問僧昨日吹滅了燈你作麼生會僧云某甲不在明暗裏師云你卻又在者裏你問我僧便問和尚吹滅了燈意作麼生師云火炎崑岡玉石俱焚

續行堂集

卷四十六

三

僧舉一老宿四十年不倒單有居士問承聞和尚四十年不倒單所幹何事宿云行住坐臥不離者箇士不肯別問一老宿宿云著衣喫飯師云恁麼又爭得僧云和尚如何師云纔有事幹便倒單也

僧問如何是某甲自己師云誰教汝問僧云某甲自問師云爲什麼卻要我答

師問僧我卓拄杖一下爲什麼無量諸佛總出不得僧無語師猛與一推僧禮拜云倒卻刹竿還有也沒

有師云倒卻刹竿阿誰說有與沒有僧禮拜師云作麼生是刹竿僧退後三步師云倒卻後如何僧進前

三步師拈拂子便打云猶挂腳在

師問僧汝看本來面目僧云是師云汝作麼生看僧云來處去處是有一箇祇是不見師云汝要見麼近前來僧近前師與一掌僧吹滅面前燈云元來燈就是火便禮拜出師顧傍僧云佛法有什麼多少次日僧見師問昨日吹滅底呢僧云吹滅底是和尚師豎起拄杖僧禮拜師云少一頓也不得

僧呈偈師云作麼是汝不疑處僧禮拜師云禮拜又作麼生僧再禮拜便出師顧傍僧云汝道他禮拜著不著僧云著師便喝僧禮拜云和尚一喝某甲喫了

續行堂集

卷目一六

五

一驚師云與汝沒相干僧無語師云汝且道我者一喝意作麼生僧云不會師云老僧入地三尺前僧復入師云我問渠汝禮拜著不著渠云著僧云我若著他便不著師云鶻突漢我便與一喝意作麼生僧云借他拳頭打他觜師云卻打著了你僧出拳云某甲打阿誰師云汝且道打阿誰僧搥胸一下師云何不打老僧僧云已打了也師拈掌

師問僧玄沙三種病人向什麼處相見僧云某甲無眼無耳無口師云說話底呢僧云有師云汝問我僧云某甲不恁麼問師云汝作麼生問僧云併卻唇吻

道將一句來師云兩重公案

師語僧古人也甚奇怪船子見夾山頻頻回顧舉起橈云汝將謂別有便覆舟入水而逝汝道是何意旨僧云只恐教壞好人人家男女師云作麼生是教壞好人人家男女僧無語一僧出云和尚還是佛麼師云不是僧云和尚既不是佛夾山有什麼疑師云老僧入地三尺一僧云活埋了也師便問作麼生是活埋底事僧無語師云且道老僧入地三尺意作麼生僧云拖泥帶水師云入地三尺作麼生拖泥帶水僧無語師拈掌

續行堂集

卷目一六

四

浴佛下座僧問雲門老古錐棒頭為什麼向者裏折師云打驢子把馬看僧云既然如此還留於今日累害兒孫師云證龜作鼈也有什麼緊

僧問十五以前穿州撞府十五以後結夏安居二六時中行何行辦何道業乞師直示師云並無虛度僧云堂內坐禪堂外禪坐廚庫刀砧米頭碓磨師云識得者箇說甚那箇

師見僧來卓拄杖一下云者箇是多底僧無對師有時云不了當底業識茫茫無本可據大了當底業識茫茫無本可據僧無對

僧問以字不成八字不是是什麼字師作此○相之僧云畢竟喚作什麼字師云喚作一字便是一字僧提腳次師問汝每日坐作什麼僧云看話頭師云祇如提腳還有話頭也無僧無對師代云某甲不合觸忤和尚復自答云你卻有拳頭在

僧問燈籠露柱猫兒狗子作麼生師云現成公案乃示頌云現成公案一切成辦放下了也祇得一半僧問如何是佛師云兩重公案乃示頌云兩重公案多謀少斷便有黃金傾國不換

僧問如何是父母未生前事師豎起拄杖乃示頌云

補行堂集

卷目一六

七

豎起拄杖莫落比量三腳蝦蟇討甚大衆

僧問無作戒體師云昔年海幢和尚曾與我論此義云無作戒體你作麼生說我云一切法無作海幢便休僧云一切法無作爲甚喚作戒體師云在戒法卽爲戒體師復云律中道白四羯磨了便發無作豈不是僧云是師云恁麼則因作而發爲甚喚作無作僧無語師云古人道無作假色不知色卽無作用假作麼師又云聲聞戒體是無作菩薩戒體豈不是僧云是師云一等是無作一等從師僧邊得爲什麼聲聞戒體有得有失菩薩戒體無得無失僧無語師云聲

聞依戒而發無作菩薩依無作而發戒菩薩先信得一切衆生皆有佛性發無上菩提心全體是無作者箇無作在佛不得在衆生不失作麼依戒而爲得失聲聞到見諦時纔證無作未證無作全體依戒所以戒得便得戒失便失經中又說有定共戒道共戒得定時自與戒合定有興廢戒有興廢得道時自與戒合道無興廢戒無興廢須陀洹人捨陰之後生惡國界中決定不犯四重五逆見諦旣無興廢無作便無得失僧云恁麼則無作全在聖邊也師云聖有聖無作凡有凡無作善有善無作惡有惡無作聖凡善惡

補行堂集

卷目一六

八

總出不得無作無作不屬聖凡善惡僧云恁麼則聲聞無作亦無得失師云只爲渠不知所以自見得失若是知了誰與渠論得失

徧行堂集頌古一

丹霞今釋澹歸 造

侍者 宏琚 編
傳達

拈古頌

世尊觀明星大悟曰奇哉一切衆生具有如來智慧德相但以妄想執著而不證得 師云我以妄想執著而證得復云直饒證得輸與衆生一籌在

石上栽花空中著箭易處惡求難時軟賺頂戴鐵枷足牽紅線不用翻身渠無背面

徧行堂集

卷四一

世尊墮座衆纔集文殊白槌曰諦觀法王法王法如是世尊便下座 師云可惜無一人承當卻喜無一人不證據

文殊白槌世尊下座百萬人天一狀領過

廣額屠兒日殺千羊一日至世尊前颺下屠刀

曰我是千佛一數世尊曰如是如是 師喝一

喝云眼花作甚麼

我是千佛一數颺下屠刀話墮有人舉起刀來早已嫌佛不做

調達生陷地獄佛勅阿難傳問安否曰我雖在

地獄如三禪天樂佛又勅阿難傳問還求出不出我待世尊來便出阿難曰佛是三界大師豈有人地獄分曰佛既無入地獄分我豈有出地獄分 師云叵耐叵耐調達當初出佛身血了如今又把佛身分爲兩段還有人救得麼鷲豎拂子云徼幸神蛇竝無瘡口

我不如汝出地獄無分汝不如我入地獄無分彼此無分案上一顆鐵印彼此有分千里赤繩牽定打鼓美琵琶相逢一會家記得會爲共命鳥同灰同生不同老

徧行堂集

卷四一

二

外道問不問有言不問無言世尊良久外道曰世尊大慈令我得入作禮而去阿難問外道有何所證而言得入世尊曰如世良馬見鞭影而行 師云世尊良久不是好心且喜外道認得梁八若是而今影響之流早把三寸命釘釘住腳跟了也

外道以藥爲病世尊以病爲藥但知雙解雙收莫管一前一卻

文殊見一女子近佛而坐入於三昧文殊曰此女得近佛坐我何不得佛曰汝覺此女試自問

之文殊遶女子三市鳴指一下託至梵天而不能出佛曰假使百千文殊亦出此定不得下方過四十二恒沙國土有圓明菩薩能出此定須臾圓明從地湧出卻至女子前鳴指一下女子於是從定而出 師云罪不重科

瞿曇孤另
文殊三處度夏迦葉欲白槌擯出纔拈槌乃見百千萬億文殊盡其神力槌不能舉世尊曰汝擬擯那箇文殊 師云迦葉前不射馬後不擒

王人言戡定無功我道太平有象

萬浪千波作一團舉槌容易落槌難從今屋裏無生客解向門前倒刹竿

殃咄持鉢至一長者門值其家產難長者曰汝爲至聖何法能免殃咄遽返白佛佛曰汝去報言我自從賢聖法來未曾殺生其婦得聞當時分免 師云逢人但恁麼舉

一味急性子絕妙催生藥動著便爆開此問何消答
阿難問迦葉世尊傳金襴袈裟外別傳箇甚麼
葉召阿難難應諾葉曰倒卻門前刹竿著 師

云世尊無密語師兄爲什麼卻覆藏

刹竿倒卻更何傳萬里乘風浪拍天只見群龍行大雨不知誰抱夜光眠

外道索馬鳴論義國王大臣四衆俱會鳴曰汝義以何爲宗道曰凡有言說我皆能破鳴便指國王曰當今國土康寧大王長壽請汝破之外道屈伏 師云借勢伏人殊非好手然雖如此不曾有一字欺了外道復云猶欠一著在
馬鳴便指國王一座鐵關難過當時卻指馬鳴此義不攻自破

罽賓國王秉劍至師子尊者所曰師得蘊空否者曰已得蘊空曰離生歟否者曰已離生歟曰旣離生歟可施我頭者曰身非我有何恡於頭王卽揮劍斷尊者首白乳涌高數尺王之右臂旋亦墮地 師云十字街頭行樂圖

一劍光寒腦門著地尊者失頭國王失臂世出世間了無剩義伶利衲僧討甚巴鼻

般若多羅尊者赴東印度國王齋王問諸人盡轉經師爲甚不轉者曰貧道出息不涉世緣入息不居蘊界常轉如是經百千萬億卷 師云

者老漢犯了波逸提也不知且道是何罪相迴
衆僧物人已

常常如是轉說甚閒經卷好箇飛將軍殺人不眨眼
梁武帝問達磨大師如何是聖諦第一義磨曰
廓然無聖曰對朕者誰磨曰不識帝不契磨遂
折蘆渡江 師云幸有者一著子

暗裏抽橫骨明中坐舌頭雙鸞歌繡嶺獨鶴舞滄洲
北去心猶結南來意莫酬扁舟渾不借一葦自隨流
達磨葬熊耳山後三歲魏宋雲奉使西域回遇
磨於蔥嶺手攜隻履翩翩獨逝雲問何往磨曰

補行堂集

卷四一七

五

西天去 師云大似雞足山迦葉門放光千百
人觀都只見自家面目

手中攜隻履赤腳返西天今人都不會此話古來傳
六祖至法性寺寓廊廡間暮夜風颺剎旛二僧
對論一曰風動一曰旛動祖曰不是風動不是
旛動仁者心動 師云二僧恁麼道孤負已靈
埋沒先聖六祖恁麼道孤負已靈埋沒先聖復
云我恁麼道孤負已靈埋沒先聖還有不甘底
麼也只向道孤負已靈埋沒先聖

執手丁寧莫上南上南盡是鬼門關水流清淚千行

熱山割愁腸一劍寒

不是風旛正是心九招歌罷淚霑襟自從抱石投江
後地角天涯沒處尋

南陽國師三喚侍者者三應陽曰將謂吾孤負
汝卻是汝孤負吾 師云國師不可孤負侍者
侍者卻須孤負國師始得

父欲行東子向西生來逆命不爲奇到頭一著相隨
順宿草春流古墓低

東西兩堂各爭貓兒南泉提起曰道得卽救取
貓兒道不得卽斬卻衆無對泉便斬之趙州自

補行堂集

卷四一七

六

外歸泉舉前話州乃脫草履安頭上而出 師
云先斬後奏

纔見蛇頭落地便看龍尾翻雲昨日贏他孫行者輸
與今朝者行孫喫你是何人

南泉曰三世諸佛不知有狸奴白牯卻知有
師云彼此莫相怪

有腳鷄鳩行不得無聲杜宇叫還聞千人自廢山中
畫一句難酬畫裏山

侍者請南泉赴堂泉曰我今日莊上喫油糍飽
也曰和尚不會出入泉曰汝問莊主去者方去

主已來謝和尚到莊喫油糍 師云南泉此日到莊卽置且道日日還會赴堂麼

不出方丈門去喫油糍飽日日過堂歸莫道不疑好
鹽官喚侍者將犀牛扇子來者曰破也曰扇子破了還我犀牛兒來者無對 師云何不便與一推

扇破乘機便索牛十成蹄角也難酬多年草本如呈似羞殺堂中那一頭

歸宗刻草次講僧參忽見一蛇宗斬之僧曰久嚮歸宗原來是箇麤行沙門宗曰你麤我麤曰

徧行堂集

卷四一七

七

如何是麤宗豎起鋤頭曰如何是細宗作斬蛇勢曰與麼則依而行之宗曰依而行之且置你甚處見我斬蛇僧無對 師云好箇師僧青天白日卻被鬼迷直得不被鬼迷還被歸宗一剗斬斷草間蛇放出山中虎真箇依而行日輪正當午僧問大梅和尚見馬祖得箇什麼便住此山梅曰馬祖道卽心卽佛我便向者裏住曰馬祖近日又道非心非佛梅曰者老漢惑亂人未有了日任汝非心非佛我只管卽心卽佛僧回舉似祖祖曰大衆梅子熟也 師云若非舉鼎拔山

力千里鳥雖不易騎

不爭兩箇耳朵早已渾身落井一飽能忘百饑拋卻明珠換餅

東寺曰心不是佛智不是道劍去久矣爾方刻舟 師云一箭雙鵰當場逞手

寄君一座蝦蟆石爭似黃皮壯蠟房兩箇一家纔問罪兩家一箇又追賊直得一家無一箇如法舉來先話墮禪流若識東寺翁肯向西方分半座

百丈惟政問南泉諸方善知識還有不說似人底法也無泉曰有政曰作麼生曰不是心不是

徧行堂集

卷四一七

八

佛不是物政曰恁麼則說似人了也曰某甲卽恁麼和尚作麼生政曰我又不是善知識爭知有說不說底法曰某甲不會請和尚說政曰我大煞與汝說了也 師云南泉水上生紋百丈日中無影
三箇夜叉不奈何一箇窮鬼一箇窮鬼折倒了三箇夜叉更問如何歸堂喫茶

石鞏張弓架箭以接學人三平乃披胸當之曰此是殺人箭活人箭又作麼生鞏彈弓弦三下平禮拜鞏曰三十年張弓架箭祇射得半箇聖

人遂拗折弓箭 師云爲什麼不成禱到底合
掌云眞善知識

活人箭向弓弦辨石鞏當初用得全寧可三平只半
箇誰能更說老婆禪

仰山問中邑如何得見佛性義邑曰譬如一室
有六牕內有一獼猴外有獼猴從東方喚往往
獼猴卽應如是六牕俱喚俱應山禮謝起曰適
來蒙和尚譬喻無不曉了更有一事祇如內獼
猴瞋睡外獼猴欲與相見又且如何邑下禪牀
執仰山手作舞曰徃徃與汝相見了也 師云

徧行堂集

卷四一七

九

好笑好笑兩箇人弄一箇獼猴至今弄不出
龍生龍鳳生鳳老鼠生底挖壁洞燒香問取本爺娘
焦磚打著連底凍

汾陽無業國師學者致問多答之曰莫妄想

師云問卽口啞答卽耳聾且得大家省力

國師一句莫妄想對對雙雙不成兩密時蟪蛄蟲無
地容身疎時摩竭魚全家漏網畢竟如何妄想妄想
浮孟和尚與凌行婆茶次婆問盡力道不得底
句分付阿誰孟曰浮孟無剩語婆曰未到浮孟
不妨疑著孟曰川有長處不妨拈出婆斂手哭

曰蒼天中更添冤苦孟無語婆曰語不知偏正
理不識倒邪爲人卽禍生僧舉似南泉泉曰苦
哉浮孟被者老婆摧折一上婆聞笑曰王老師
猶少機關在澄一禪客便問怎生是南泉猶少
機關婆哭曰可悲可痛一罔措婆曰會麼一合
掌而立婆曰伎姦禪和如麻似粟一舉似趙州
州曰我若見者臭老婆問教口啞一曰未審和
尚怎生問他州便打一曰爲什麼卻打某甲州
曰似者伎姦漢不打更待何時連打數棒婆聞
卻曰趙州合喫婆手裏棒僧舉似州州哭曰可

徧行堂集

卷四一七

十

悲可痛婆聞合掌歎曰趙州眼光燦破四天下
州令僧問如何是趙州眼婆豎起拳僧回舉似
州州作偈曰當機覲面提覲面當機疾報汝凌
行婆哭聲何得失婆以偈答曰哭聲師已曉已
曉復誰知當時摩竭國幾喪目前機 師云直
得電轉風馳原來也無多子

百萬軍中上將頭單人獨馬一刀休卻看八陣平沙
列是甚密前旛脫丘

藥山問石頭直指人心見性成佛望和尚指示
頭曰恁麼也不得不恁麼也不得恁麼不恁麼

總不得子作麼生 師云一筆畫成把酒便喫
渾身剝得赤條條十字街頭贈一刀有屈至今無叫
處方知天網不能逃

龐居士訪大同提起箴籬喚曰大同師大同師
同不顧士曰石頭一宗瓦解冰消同曰若不得
龐公輩灼然如此士拋下箴籬曰寧教不直一
文錢同曰錢雖不直欠他又爭得士起舞而退
同乃提起箴籬曰龐公龐公士曰你要我箴籬
我要你木杓同起舞而退士撫掌笑曰歸去來
歸去來 師喝一喝云者兩箇乞兒

你要我箴籬我要你木杓一瓶酸酒兩人斟醉來同
唱村田樂莫教撞著智多星暗裏下些老鼠藥

爲山與仰山摘茶次謂仰山曰終日摘茶祇聞
子聲不見子形仰山撼茶樹爲曰子祇得其用不
得其體曰未審和尚如何爲良久曰和尚祇得
其體不得其用爲曰放子三十棒曰和尚棒某
甲喫某甲棒教誰喫爲曰放子三十棒 師云
者回全體分付

全彰體用還全隱前箭猶輕後箭淡一遞放他六十
棒仰山撒手便橫行

陸大夫問南泉弟子從六合來彼中還有身麼
泉曰分明記取舉似作家曰和尚不可思議到
處世界成就泉曰適來總是大夫分上事 師
云老漢學得箇隱身法到處白賴
南北東西方一統君王到處不爲賓千乘萬騎聞雷
動只見紅雲不見人

夾山見船子辭行頻頻回顧子喚闍黎山回首
子豎起橈曰汝將謂別有乃覆舟入水而逝
師云圖箇什麼

撒手懸崖剛不信一棚線斷始知休兒孫自有兒孫

福莫與兒孫作馬牛

趙州問南泉如何是道泉曰平常心是道曰還
可趨向也無泉曰擬向卽乖曰不擬爭知是道
泉曰道不屬知不屬不知知是妄覺不知是無
記若真達不疑之道猶如太虛廓然蕩豁豈可
強是非耶 師云說也說了會也會了不疑是
第二頭達是第三首向上又作麼生道道

當機會不道平常臭肉來蠅各自忙轉腦回頭纔蹉
過回頭轉腦恰相當有布置絕商量知君問路定亡
羊瞎沙落雁驚飛起誰寫長空字一行

尼問趙州如何是密密意州以手指之尼曰和尚猶有者箇在州曰卻是你有者箇在 師云捉姦見雙捉賊見賊

和尚密密師姑密密 搖手云 無人看見切忌漏泄

僧遊五臺問一婆子臺山路向什麼處去婆曰驀直去僧便去婆曰好箇師僧又恁麼去有僧舉似趙州州曰待我去勘過明日州去問臺山路向什麼處去婆曰驀直去州便去婆曰好箇師僧又恁麼去州歸院謂僧曰臺山婆子爲汝勘破了也 師云趙州一場懣懣婆子一場懣懣

懶行堂集

卷四一

懣且喜者僧自在

人人腳底天邊路喚免畱鳥渾不住路旁開店賣心肝來了牙人沒主顧沒主顧有底趣綠楊影裏啼杜宇聲聲道不如歸去

趙州到一菴主處問有麼主豎起拳頭州曰水淺不是泊船處便行又到一菴主處問有麼有麼主亦豎起拳頭州曰能縱能奪能殺能活便作禮 師云一箇拳頭兩箇舌頭兩箇拳頭一箇舌頭

仙人言不愛樓居入市隨他貴賤殊天子殿前容走

馬華陰縣裏莫騎驢

臨濟見僧入門便喝 師云四喝內有者一喝識得者一喝一任你喝作麼生是者一喝隨後喝一喝

撞破面門揭開腦蓋百種千般山妖水怪滅跡掃塵斬其梟帥大功不賞得恁自在

臨濟曰我有時奪人不奪境有時奪境不奪人有時人境兩俱奪有時人境俱不奪 師云一箇字一箇○一一○一一抹卻畢竟臨濟是什麼面目

懶行堂集

卷四十七

切忌將親作賊也莫證龜成鼈分一串玉連環合兩箇金蝴蝶忽然翻轉面皮來通身是口難分說

睦州示衆大事未明如喪考妣大事已明如喪考妣 師云譬如訛言沸騰向鬧市裏將一箇說底梟首示衆當下便息

小兒既無天理老兒又沒人情好與一坑埋卻誰管已明未明

嚴陽尊者參趙州問一物不將來時如何州曰放下著曰一物不將來放下箇什麼州曰放不下擔取去者於言下大悟 師云七珍八寶一

時拿

鬼爭漆桶無人見鼠搜葫蘆有底忙莫雨朝煙千頃浪雙雙飛出紫鴛鴦

僧問大隨劫火洞然大千俱壞未審者箇壞不壞隨曰壞曰恁麼則隨他去也隨曰隨他去僧不肯後到投子舉前話子裝香遙禮曰西川古佛出世謂其僧曰汝速回去懺悔僧回大隨隨已遷化僧再至投子子亦遷化 師云恰好恰好

一句隨他去渠儂得自由已無重舉處切忌更回頭

續行堂集

卷四十七

去

俱胝和尚無別提唱惟豎一指玄沙曰我當時若見拗折指頭 師云雞子裏揀什麼骨

纔將一字入公門自首誣人兩不應只許州官明放火不容百姓暗挑燈

廓侍者問德山從上諸聖向什麼處去山曰作麼作麼曰勅點飛龍馬跛鼈出頭來山休去明日山浴出廓過茶與山山撫廓背曰昨日公案作麼生曰者老漢今日方始瞥地山又休去 師云司空見慣

證龜成鼈得牛還馬逞盡神通跳不出也省了我賞

饒了你打

洞山問潞山南陽忠國師無情說法話某甲未究其微潞山令舉一徧乃曰我者裏亦有祇是罕遇其人山曰乞師指示潞曰父母所生口終不爲子說山不會見雲巖問無情說法甚麼人得聞巖曰無情得聞山曰和尚聞否巖曰我若聞汝卽不聞吾說法也山曰某甲爲什麼不聞巖豎起拂子曰還聞麼山曰不聞巖曰我說汝尚不聞況無情說法乎山曰無情說法該何典教巖曰豈不見彌陀經云水鳥樹林皆悉念

續行堂集

卷四十七

去

佛念法山有省 師云潞山處不會洞山蹉過不少雲巖處有省洞山也蹉過不少

父母所生口終不爲子說當下便抽身已是第二月我聞汝不聞千里只單行說煞無人信都緣有眼睛洞山辭雲巖問百年後忽有人問還邈得師真否如何祇對巖良久曰祇者是山沈吟巖曰价闍黎承當箇事大須審細山猶涉疑後因過水觀影大悟前旨有偈曰切忌從他覓迢迢與我疎我今獨自往處處得逢渠渠今正是我我今不是渠應須恁麼會方得契如如 師云行時

涉疑疑箇什麼過水大悟悟箇什麼舉起拂云
若不到者裏五色索子斷爭得自由

徹底識得祇者是盡力道箇不是渠洞山纔活雲巖
灰阿誰更有契如如

洞山五位●○○●師云洞山藏正中來於
五位之中自是妙密今顯正中來於五位之首
寸鐵殺人如何是但能不觸當今諱汝不是渠
如何是也勝前朝斷舌才渠正是汝

擊首則尾應擊尾則首應擊中則首尾皆應解得迎
頭直下來一時打破長蛇陣

趙州問投子大灰底人卻活時如何子曰不許
夜行投明須到州曰我早候白伊又候黑 師

將到字打箇圓相以墨塗之
我若有時你也有你若無時我也無爛醉東風渾不
醒空勞花下喚提壺

王常侍叅睦州州問何故入院遲曰看打毬州
曰人打毬馬打毬曰人打毬州曰人困麼曰困
州曰馬困麼曰困州曰露柱困麼無對歸至私
第中夜忽有省明日見州曰某甲會昨日事也
州曰露柱困麼曰困州肯之 師云且教伊到

侍寮裏睡一覺著

露柱困麼纔問一尺忽加一寸夜來量到天明長短
元無少剩

後唐莊宗幸河北回召興化問曰朕取中原獲
得一寶未曾有人酬價化曰請陛下寶看帝以
兩手舒幙頭腳化曰君王之寶誰敢酬價 師
云何得交綏而退

兩手舒幙頭自呼李天下何似敬新磨一掌全酬價
巖頭值沙汰於鄂渚湖作渡子一日有婆抱孩
兒來乃曰呈撓舞棹卽不問且道婆手中兒甚

處得來頭便打婆曰婆生七子六箇不遇知音
祇者一箇也不消得便拋水中 師云團團吞
箇棗

六箇不遇知音一箇也不消得將來拋向水中連我
都無話說

僧念經次雲居問念者是甚麼經曰維摩經居
曰不問維摩經念者是甚麼經僧從此得入
師云念者是甚麼經維摩經雲居不解休去帶
累者僧之遶

四十九年無一句三十二義皆旁註家家犬吠與雞

鳴過關討甚問公據

僧問雲居山河大地從何而有居曰從妄想有
曰與某甲想出一錠金得麼居便休去僧不肯

師云你不肯時問取山河大地

虎項金鈴誰解得解鈴須是繫鈴人者僧難處雲居
答祇是無人作證明

稠布衲問曹山披毛帶角是什麼墮山曰是類
墮不斷聲色是什麼墮山曰是隨墮不受食是
什麼墮山曰是尊貴墮 師云四禁所以窮五
位之通三墮所以通四禁之窮要識曹山麼混

徧行堂集

卷四一七

七

池初分白蝙蝠精

識得曹山三墮方知不立纖毫休論地厚與天高關
輕紅芍藥架重紫葡萄 纔去披麻戴孝還來按板
吹簫兩邊坐斷失中交滿頭澆栗子千里寄鵝毛

曹山四禁莫行心處路不挂本來衣何須正恁
麼切忌未生時 師云因甚如此

惟其如此所以如此若要如此何苦如此

僧問曹山學人通身是病請師醫山曰不醫曰
爲什麼不醫山曰教你求生不得生求死不得
死 師云得恁麼同病相憐

春至自花開秋來還葉落用盡六州鐵鑄成一箇錯
錯錯通身是病通身藥

僧問乾峯十方薄伽梵一路涅槃門未審路頭
在什麼處峯以拄杖畫云在者裏僧請益雲門
門拈起扇子云扇子踣跳上三十三天築著帝
釋鼻孔東海鯉魚打一棒雨似盆傾會麼 師
云乾峯纔指出路頭雲門便全家奉送還肯立
地承當麼設承當得也是頭上安頭

目前指出無多子拄杖頭邊用得新帝釋至今無鼻
孔全成三十六龍鱗

徧行堂集

卷四一七

七

南院曰諸方祇具啐啄同時眼不具啐啄同時
用僧問如何是啐啄同時用院曰作家不啐啄
啐啄同時失僧曰猶未是某甲問處院曰汝問
處作麼生僧曰失院便打僧不肯後於雲門會
下聞二僧舉此話一僧曰當時南院棒折那其
僧忽契悟卻回省觀院已圓寂乃謁風穴穴見
便問上座莫是問先師啐啄同時話底麼僧曰
是穴曰汝當時作麼生僧曰某甲當時如在
燈影裏行相似穴曰汝會也 師云纔有一絲
頭便是一絲頭纔沒一絲頭又是一絲頭

連雞不得俱飛師子自然獨步擘開臨濟三玄抽卻
雲門一顧更問如何露

西院明訪南院曰某甲無可人事從許州來收
得江西剗刀一柄上和尚院曰汝從許州來爲
什麼收得江西剗刀明於院手上插一插院曰
侍者收取明以袖拂一拂便行院曰阿刺刺阿
刺刺師云驚蛺蝶

作家相見應無比收放縱橫真可喜元來祇得者些
兒底事他人不如你

芭蕉拈拄杖曰你有拄杖子我與你拄杖子你

福行堂集

卷四十一

三

無拄杖子我奪卻你拄杖子靠拄杖下座師

喝一喝云少賣弄

你有更須有你無還要無仰山筆下何止九十七箇

圓相趙州壁上竝不見半箇胡盧

玄沙示衆諸方老宿盡道接物利生只如盲聾

啞三種病人汝作麼生接患盲者拈槌豎拂他

又不見患聾者語言三昧他又不聞患啞者教

伊說又說不出若接不得佛法無靈驗師云

不得三種人佛法無靈驗

不知苦衆生須知衆生苦玄沙三種人大地無寸土

玄沙遣僧送書上雪峯峯開紙惟白紙三張問
僧會麼曰不會峯曰不見道君子千里同風僧
回舉似於沙沙曰者老和尚蹉過也不知師
云不但雪峯蹉過玄沙也蹉過作麼生是蹉過
處莫使外人知

說得自己蹉過他人以一勝義成兩負門說得他人
蹉過自己以一負門成兩勝義玄沙雪峯總在者裏
長慶曰寧說阿羅漢有三毒不說如來有二種
語不道如來無語祇是無二種語保福曰作麼
生是如來語慶曰聾人爭得聞福曰情知和尚

福行堂集

卷四十七

三

向第二頭道慶卻問作麼生是如來語福曰喫
茶去師云也是第二頭道

雪峯潦倒輓三絨普化風狂搖一鐸到曾不到趙州
茶也是無端添兩杓鳳凰不消四箇翼麒麟偏愛一
隻角泥豬疥狗儘即當寶蓋金蓮還客作直饒舌覆
梵天長一句當頭誰道著長慶休誇有眼盲保福空
憐無病藥

太原孚上座初在揚州光孝寺講涅槃經有禪
者往聽不覺失笑孚下座請益者曰不道座主
不是祇是說得法身量邊事實未識法身在孚

問如何是法身者曰座主試輟講旬日室內端
然靜慮善惡諸緣一時放下看孚如所教從初
夜至五更聞鼓角聲忽契悟便往扣門者曰阿
誰孚曰某甲者喝曰教汝傳持大教代佛說法
夜來爲什麼醉酒臥街孚曰自來講經將生身
父母鼻孔扭捏從今以去更不如是者曰且去
來日相見孚遂罷講徧歷諸方 師云向來扭
捏如今生拽脫了腳頭腳底得恁自在卻是沒
鼻孔底面目難見故人且去諸方圖他不識
一聲鼓角霜天曉兩扇鴻門豁刺開分付法身休作

怪與吾著上草鞋來

雲門示衆人人自有光明在看時不見暗昏昏
作麼生是諸人自己光明自代曰廚庫山門又
曰好事不如無 師云作麼生是自己光明但
向道看時不見暗昏昏

水濯青峯非劍月落澄波如練古鏡足光明前鼻誰
知後面不見不見領取春風一半

雲門示衆拆半裂三針筒鼻孔在什麼處爲我
一一拈出來看自代曰上中下 師云我不拈
阿師拶折一隻腳鼻孔同時俱打落當初拋在糞掃

堆直至如今總忘卻忽然拈出與誰論葉葉枝枝越
樣新不說世間猶有我也憐天下更無人

雲門拈起拄杖曰凡夫實謂之有二乘析謂之
無緣覺謂之幻有菩薩當體卽空衲僧家見拄
杖但喚作拄杖行但行坐但坐不得動著 師
云卻是凡夫會

凡夫謂有滴水不走何處遇知音深深一盃酒

僧問雲門如何是透法身句門曰北斗裏藏身
師云盡大地是北斗喚什麼作身盡大地是
身喚什麼作北斗道道

纔道藏身北斗何勞令掌南辰花攢繡錯十分春錦
江元過楚劍閣復通秦 老去且憑兒子少年曾抱
佳人一回歡笑一回嗔千門同醉飽萬里絕烟塵

金峯喫餅次自拈一枚餅從上板頭轉一匝大
衆見一時合掌峯曰縱饒十分起手也只得一
半至晚有僧請益今日行餅見僧合掌和尚道
縱饒十分起手也只得一半請和尚全道峯作
拈餅勢復曰會麼曰不會峯曰金峯也只得一
半 師云自首免

你也一半我也一半莫討完全放下了看

翠巖上堂一夏與兄弟東語西話看翠巖眉毛
在麼長慶曰生也雲門曰關保福曰作賊人心
虛翠巖芝曰爲衆竭力禍出私門 師云翠巖
與你們有甚冤讐復云過街老鼠齊叫打也是
自家招得

無証處得賊無賊處得証送與老雲門謹按秋官令
南山可移此案已定有口不能言納他一條命

風穴上堂若立一塵家國興盛野老輦蹇不立
一塵家國喪亡野老安帖於此明得闍黎無分
全是老僧於此不明老僧卻是闍黎闍黎與老

徧行堂集

卷四十七

重

僧亦能悟卻天下人亦能賸卻天下人欲識闍
黎麼右邊一拍曰者裏是欲識老僧麼左邊一
拍曰者裏是 師云立不立明不明且與我一
筆勾下

總別同異成壞一塵顛倒世界月寒白浪千尋雲暖
青山一帶憑他野老悲歡由我法王自在

僧問同安志二機不到處如何舉唱志曰徧處
不逢玄中不失 師云恁麼卽到也

不逢不失老鼠敲鐵昨日過了便是明日

白雲上堂舉一則公案布施大衆良久云口只

堪喫飯 師云老僧底挂在壁上久矣白雲故
是有情人

造無梁殿煮沒米粥三月安居擊壤鼓腹是何境界
拔舌地獄

洞山初參雲門門問近離甚處曰查渡夏在甚
處曰湖南報慈幾時離彼曰八月二十五門曰
放汝三頓棒明日卻上問昨蒙和尚放三頓棒
不知過在什麼處門曰飯袋子江西湖南便恁
麼去初於言下大悟 師云我愛他當下全迷
求信不可得疑從何處來卻須一頓棒打你鼻頭歪

徧行堂集

卷四十七

重

法眼問修山主毫釐有差天地懸隔兄作麼生
會修曰毫釐有差天地懸隔眼曰與麼道又爭
得曰某甲只恁麼和尚作麼生眼曰毫釐有差
天地懸隔修便禮拜 師云現成公案放汝三
十棒

左眼半劬右眼八兩有罪不誅有功不賞沒縫浮圖
漁船破網

雪竇示衆龍泉與刀斧同質利鈍懸殊驚駭與
驢馬同途遲速有異 師云爲什麼總被拂子
穿卻鼻孔

大海波濤淺小人方寸溪空山曾放火定水又投針
促膝非謀面同條是隔林墳塋成絕調獨立待知音
僧問楊岐天得一以清地得一以寧衲僧得一
堪作甚麼岐曰鉢盂口向天 師云衲僧得一
堪作甚麼灼然堪作甚麼

有理不在多言請君飽食安眠喫得又能消得現成
陸地神仙

永明潛叅法眼眼曰子叅請外看什麼經潛曰
華嚴曰總別同異成壞六相是何門攝潛曰世
出世間一切法皆具六相曰空還具六相否潛

續行堂集

卷四十七

七

無對曰何不問我潛便問空還具六相否曰空
潛於是開悟曰子作麼生會潛曰空眼然之
師云大小法眼畫蛇添足

總別同異成壞空空壞成異同別總世出世間一切
法自有許多閒骨董 還聽得麼 黑狗身上白白狗身
上腫子細打一看乾坤直儼侗

僧問五祖如何是佛祖曰口是禍門 師云許
多佛話被五祖老打疊卻五祖老佛話被谷呱
呱打疊卻

口是禍門白日黃昏屈原抱石宋玉招魂

谷泉見慈明明問片雲橫谷口道人何處來泉
左右顧曰夜來何處火燒出古人墳明曰未在
更道泉便作虎聲明以坐具便撼泉接住推明
置禪牀上明便作虎聲泉大笑曰我見七十餘
員善知識今日始遇作家 師云著著有出身
之路諸方總會因甚谷泉只肯慈明且道利害
在甚麼處

好物不須多靈丹只一顆未曾經九轉依舊鬼來施
傅大士頌空手把鋤頭步行騎水牛人從橋上
過橋流水不流 師云貨是來路錢是足數

續行堂集

卷四十七

天

直上不消覷直下不消覷忽然失卻眼直上直下覷
金剛經若見諸相非相即見如來法眼曰若見
諸相非相即不見如來天衣懷曰若見諸相非
相眼在什麼處此語有兩負門 師云不瞎不
成瞎即不就

提起布袋放下布袋打失布袋天下老古錐都有者
箇在

老宿一夏不爲師僧說話有僧自歎曰我只與
麼空過一夏不敢望和尚說佛法得聞正因兩
字也得病曰闍黎莫謬速若論正因一字也無

道了扣齒曰適來無端不合與麼道隣房一老
宿問曰大好一釜羹被兩顆鼠糞汚卻 師云

又是一顆

調羹縝密纔封鼎落草慈悲更走盤公案至今無一
字遭他隔壁第三翻

有二菴主旬日後相見上菴主曰許多時在什
麼處下菴主曰在菴裏造箇無縫塏上菴主曰
某甲也要造一箇就兄借樣子得麼下菴主曰
何不早道恰被人借去了也 師云上菴主不
見下菴主塏樣下菴主早見上菴主塏樣了也

觀面相呈塏樣子大家各把自家瞞白雲覆盡青山
頂八角風鈴徹耳寒

徧行堂集頌古二

丹霞今釋澹歸造

侍者宏瑀
傳達編

頌古拈

世尊生下一手指天一手指地曰天上天下惟
吾獨尊雲門曰我當時一棒打殺與狗子喫卻
貴圖天下太平

日暖看三織風高關兩廂蛙翻白出闊蜩歛紫之長
飯潑聽琵琶餽拋接建張歸來屋裏坐打殺又何妨
僧云者不是和尚底詩師云者是老僧底頌不但

徧行堂集

卷四一八

二

爲世尊雲門亦與天下有鼻孔底衲僧一時銷繳

七賢女遊屐陀林一女曰屐在者裏人在甚處

一女曰作麼作麼諸女諦觀各各契悟帝釋散

華請給所須女曰我家四事七珍具足惟要無

根樹子一株無陰陽地一段叫不應山谷一所

釋曰此三般物我實無有女曰汝若無有爭解

濟人釋罔措同往白佛佛曰我諸弟子大阿羅

漢不解此義惟有諸大菩薩乃解此義

華邊更索三般物卻把虛空來挖窟散罷仍云我實
無別寶還他碧眼胡有也何須討無也不得了黃面

老黃面老莫管是非只管好 師云不只管好更道
箇什麼

若能轉物卽同如來

東西南北無中位春夏秋冬有八風盡道如來能轉
物腳跟線綻沒人縫 師云若恁麼用轉作麼

誌公曰終日拈香擇火不知身是道場玄沙曰

終日拈香擇火不知真箇道場圓悟曰終日拈

香擇火不知拈香擇火

剝了皮析了肉刮了骨三箇光頭一箇禿早知有影

更無形豈惜臨風歌一曲 師云元來是大哭一場

徧行堂集

卷四一八

二

過底

牛頭幽棲石室有百鳥啣花之異自見四祖後

百鳥不復啣花

只見樹開花不見花開樹失卻獻花人想也看花去

師云時人不識予心樂恰好偷閒學少年

僧問青原如何是佛法大意原曰廬陵米作麼

價

暗塵明月影重重腸斷魂銷未覺同眼角也斜纔一

點大家落在是非中 師云若道是點蹉過青原道

是不點也蹉過老僧喝一喝云莫是非好

東西兩堂各爭貓兒南泉提起曰道得卽救取
貓兒道不得卽斬卻衆無對泉便斬之趙州自
外歸泉舉前話州脫草履安頭上而出泉曰子
若在卽救得貓兒也

越國同憐種大夫當陽難犯奪魂符於今敵手無先
著卻載西施泛五湖 師云還逃得者一刀麼便是
南泉道子若在卽救得貓兒也只做不見

南泉與歸宗麻谷同去禮南陽國師泉於路上
畫一圓相曰道得卽去宗便於圓相中坐谷作
女人拜泉曰與麼則不去也宗曰是什麼心行

編行堂集

卷四 一八

泉乃相喚回不去禮國師

前不著邨後不著店南陽忠國師從古不相見不相
見畫圖省識春風面 師云二祖卻往西天達磨又
來東土

經題八字老宿曰看取下注腳

分明一箇字爭奈無人識看取下注腳且喜沒交涉
一中一十中十百中百千萬億中千萬億 師云大
地火發了也切忌被八字燒卻眼睛

南嶽叅六祖祖問什麼物恁麼來嶽無語經八
載有省乃曰說似一物卽不中

說似一物卽不中裏頭實落外頭空裏頭實落無一
點外頭空有百千重 師云吽吽我不曾見此

盤山見人昇喪歌郎振鈴曰紅輪決定沉西去
未委魂靈往那方幕下孝子哭曰哀哀山忽身
心踴躍歸舉似馬祖祖可之

紅輪決定沉西去未委魂靈往那方聽得哀哀聲一
轉客兒立地唱還鄉鏹一把紙三張沒湑訛處絕承
當雲山水月都拋卻贏得莊周蝶夢長 師云盤山
恁麼悟去有甚長處復云有甚長處

仰山問中邑如何得見佛性義邑曰譬如一室

編行堂集

卷四 一八

四

有六牕內有一獼猴外有獼猴從東邊喚往往
獼猴卽應如是六牕俱喚俱應山禮謝起曰適
來蒙和尚譬喻無不曉了更有一事祇如內獼
猴瞌睡外獼猴欲與相見又且如何邑下禪牀
執仰山手作舞曰往往與汝相見了也

仰山第二問頭也是畫蛇添足中邑不是芭蕉何消
剝了又剝 師云中邑卻是芭蕉所以剝了又剝

僧問馬祖和尚爲什麼說卽心卽佛祖曰爲止
小兒啼曰啼止後如何祖曰非心非佛曰除此
一種人來如何指示祖曰向伊道不是物曰忽

遇其中人來如何祖曰且教伊體會大道

還他三箇好富嫌千口少看看兩鬢皤貧恨一身多
纔言不是物滿地都狼籍堪憐馬大師說法總非時
迢迢大路如弦直問答於人何損益臨濟雖然會白
拈畢竟一文儉不得 師云連我已費了也教伊
體會大道卻被其中人呵呵大笑又作麼生

殃崛摩羅用千人拇指爲華冠惟欠一指遂欲
殺毘佛化沙門在前殃崛釋母殺佛佛徐行殃
崛急行不能及乃喚瞿曇住住佛曰我住久矣
是汝不住殃崛聞之忽悟投刃出家

我住久矣汝不住殃崛聞之忽開悟剃除鬚髮著袈
裟汝住久矣我不住 師云剃除鬚髮當爲何事卻
須領取此意始得作麼生是此意喝一喝

世尊拈青蓮華示衆迦葉尊者破顏微笑世尊
曰吾有正法眼藏涅槃妙心實相無相微妙解
脫法門付囑於汝

舉起處唯山積嶽一笑時瓦解冰銷當場沒有超師
智爭免朱描墨又描 師云還有總不描者麼良久
云朱

臨濟鏝地次見黃檗來拄鏝而立檗曰者漢困

那濟曰鏝也未舉困箇什麼檗便打濟接住棒
一送送倒檗呼維那扶起我來那扶起曰和尚
爭容得者風顛漢無禮檗纔起便打維那濟鏝
地曰諸方火葬我者裏活埋

姓趙姓張姓白姓康打散狐剛子不見美猴王 師
云黃檗打維那交過排場我者裏活埋走馬到任
還會麼老僧一條熱棒直是忍俊不禁爭奈無交
過處

司馬頭陀尋得一山名大瀉是一千五百人善
知識住處百丈曰老僧住得否陀曰和尚是骨

人彼是肉山若住人不盈千丈曰吾衆中莫有
人住得否時祐禪師作典座陀一見卽曰此瀉
山主人也丈囑祐往華林覺曰某甲忝居上首
典座何得住持丈曰若對衆下一語出格便去
卽指淨瓶問曰不得喚作淨瓶喚作什麼林曰
不可喚作木椶也祐踢倒淨瓶便出丈笑曰第
一座輪卻山子也

一腳踢倒淨瓶首座輪卻山子百丈立地送行也只
買脫自己 師云早是遲了也

瀉山示衆曰老僧百年後向山下作一頭水牯

牛左脇書五字曰瀉山僧某甲喚作瀉山僧又是水牯牛喚作水牯牛又是瀉山僧喚作什麼卽得仰山出禮拜而退

又是瀉山又是牛何勞平地起戈矛出來禮拜抽身退你若知慙我便休 師云瀉山直得上天無路入地無門一隊老古錐許多○相向什麼處著

瀉山坐次仰山香嚴待立山舉手曰如今恁麼者少不恁麼者多嚴從東過西立仰從西過東立山曰者箇因緣三十年後如金擲地相似仰曰亦須是和尚提唱始得嚴曰卽今亦不少山

補行堂集

卷四十八

曰合取狗口

夜月歌鸚鵡春風舞鷓鴣溪宮人不見翹首瑞雲多 師云畫箇畫不出底不畫箇畫得出底

瀉山問仰山什麼處來仰曰田中來曰田中多少人仰插鋤子叉手而立曰南山大有人刈茅仰拔鋤子便行

萬機休罷頭還重千里馳驅骨又輕除卻華山陳處士何人不帶是非行 師云華山處士恨無黑旋風相救然雖如是已徧天下了也

張拙秀才看千佛名經問長沙曰百千諸佛但

見其名不審居何國土還化物也無沙曰黃鶴樓崔顥題後秀才還會題也未曰未曾沙曰得閒題取一篇好

二十一史那裏說起流水寫來我不如你 且道寫底是什麼 去年今日此門中人面桃花相映紅人面不

知何處去桃花依舊笑春風 師云依樣畫胡盧阿誰不會僧云李太白閣筆又作麼生師云正是依樣畫胡盧

子湖於門下立牌曰子湖有一隻狗上取人頭中取人心下取人足擬議卽喪身失命臨濟會

補行堂集

卷四十八

八

下二僧叅方揭簾湖喝曰看狗僧回顧湖便歸方丈

放火不用炭殺人不用刀突出一隻狗敲殺兩堂貓 師云卻又被貓兒敲殺了也

陸亘大夫問南泉曰肇法師也甚奇怪解道天地同根萬物一體泉指庭前牡丹曰大夫時人見此一株花如夢相似

雲封立石重重空卷游絲段段人歌金谷前筵舟隱玉溪南岸炎涼總有千般離合都無一片眉開錦上添花目斷雪中送炭 師云不妨爛熳只可惜醒眼

相看

僧問米胡自古上賢還達真正理否胡曰達曰
作麼生達胡曰霍光當日賣假銀賊與單于契
書是什麼人做

只知弄假成真誰信弄真成假識得馬面牛頭笑倒
天聾地啞 師云向者裏開得一隻眼是霍光買主
向者裏瞎得一隻眼是單于賣主忽然齊瞎齊開
馬面牛頭一齊笑倒

誌公令人傳語思大何不下山教化衆生一向
目視雲霄作麼大曰三世諸佛被我一口吞盡

編行堂集

卷四十八

九

何處更有衆生可度

誰知報怨是酬恩斬草休教尚有根我便居高非視
下一雙青眼耀天門 師云常不輕菩薩喫罵喫打
有什麼冤枉

趙州逢一婆問什麼處去曰偷趙州筍去州曰
忽遇趙州又作麼生婆便與一掌州休去

財不露白主不見賊攔腮一掌本利俱失 師云若
遇師子兒吞卻老僧不妨慶快還知盡大地利錢
都是老僧本錢也無

趙州到一菴主處問有麼主豎起拳頭州

曰水淺不是泊船處便行又到一菴主處問有
麼有麼主亦豎起拳頭州曰能縱能奪能殺能
活便作禮

慢打輕敲不厭頻一番鑼鼓一番新雖然人把胡孫
弄卻被胡孫弄了人 師云不見道得便宜是失便
宜一向無人免得要且無人求免

趙州問僧曾到此問麼僧曰曾到州曰喫茶去
又問僧曾曰不會到州曰喫茶去院主問爲什
麼曾到也云喫茶去不會到也云喫茶去州召
院主主應諾州曰喫茶去

編行堂集

卷四十八

十一

眼中不著一些砂陣陣東風樹樹花拈起蓋來長吸
罷不知春色落誰家 師云老子於此興復不淺

僧問趙州和尚姓什麼州曰常州有曰甲子多
少州曰蘇州有

蘇州有常州有到了蘇常不知有勸君莫唱鷓鴣詞
坐中都是江南叟 師云到了蘇常不知有也應唱
與鷓鴣詞復云老婆心堪作甚麼

臨濟問黃檗如何是佛法的大意三度被打
辭往大愚問黃檗有何言句濟曰某甲問佛
法的大意三度被打不知有過無過愚曰黃

槩與麼老婆心切爲汝得微困更來者裏問有過無過濟言下大悟曰元來黃槩佛法無多子愚搗住曰你見箇什麼道理速道速道濟於大愚肋下築三拳愚拓開曰汝師黃槩非關我事濟卻回黃槩槩曰者漢來來去去有甚了期濟曰祇爲老婆心切便舉前話槩曰大愚老漢饒舌待來痛與一頓濟曰說甚待來卽今便打隨與一掌槩曰者風顛漢來者裏將虎鬚濟便喝殺人放火亦何難叵耐長遭老賊瞞今日逢蒙施毒手鎖喉一箭便心安 師云得大闢提纔入信門到

編行堂集

卷四十八

三

者裏還著得四十二位五十三叅也無若不信有者箇道理自是你根性遲鈍不干教外別傳事臨濟將示滅謂衆曰吾滅後不得滅卻吾正法眼藏三聖出曰爭敢滅卻和尚正法眼藏濟曰已後有人問你向他道什麼聖便喝濟曰誰知吾正法眼藏向者瞎驢邊滅卻瞎驢滅卻正法眼臨濟於今又活埋上面種株桃樹子更無鬼敢回頭來 師云是孝順是忤逆孝順須生忤逆子忤逆還成孝順兒不信但看簷頭水點點滴滴不差移

德山托鉢下堂雪峯曰者老漢鐘未鳴鼓未響托鉢向什麼處去山便歸方丈峯舉似巖頭頭曰大小德山未會末後句在山間今侍者喚來問汝不肯老僧那頭密啓其意山乃休明日上堂果與尋常不同頭至僧堂前撫掌大笑曰且喜老漢會末後句雖然如是也祇得三年活德嶠全提摩竭令巖頭半似挽歌郎雖然葬得催官地爭奈兒孫命不長 師云不覺屐齒之折

編行堂集

卷四十八

三

德山曰道得也三十棒道不得也三十棒臨濟謂洛浦曰汝去問他道得爲什麼也三十棒待

伊打汝接住棒送一送看他作麼生浦如教而問山便打浦接住棒一送山便歸方丈浦回舉似臨濟濟曰我從來疑著者漢雖然如是你還識德山麼浦擬議濟便打

洞前藏了尾洞後出了頭臨濟打洛浦萬事一齊休 師云薦取阿闍底

洞山過水偈

切忌從他覓不見胡鬚赤迢迢與我疎蹉過赤鬚胡我今獨自往金鱗忽透網處處得逢渠塞雁罷傳書渠今正是我莫道我非我我今不是渠那教渠立渠

應須恁麼會，鬪體俱粉碎。方得契如如，豈有二文殊。
師云：似火入火，以空合空，更疑箇什麼。然雖如此，
我今不是渠。且須子細渠，今正是我。尚有淆訛。

洞山五位

正中偏：枕頭睡熟，耳根邊相逢。纔有相當處，已抱琵琶過別船。
師云：豁放下著。

偏中正：網出澄潭，秦代鏡。一時肝膽向人傾，幾乎喪卻漁翁命。
師云：落放下著。

正中來：瞥然起處，孰安排。縱然惹得周郎顧，不覺宮商調已乖。
師云：割放下著。

徧行堂集

卷四十八

三

兼中至：平沙陣落，風雲勢不妨。絕叫兩三聲，且看縱橫千萬字。
師云：撒放下著。

兼中到：一拳搭卻三玄要，爲吾傳語衛王孫。不媚奧人寧媚竈。
師云：瞎放下著。

總頌

五位爲君更指陳，就中一位沒疎親。華山入夜全成火，瀛海生春又起塵。首尾應時看卦象，機絲絕處見針神。若將次第論高下，莫謗如來正法輪。
師云：就中一位是那一位，卽五位中一位，離五位中一位，非卽五位，非離五位，中一位，恰放下著。

洞山示衆：秋初，又末兄弟或東去，或西去，直須向萬里無寸草處。云：始得。又曰：只如萬里無寸草處，且作麼生去。有僧舉似石霜，霜曰：出門便是草。

萬里無出門，是兩句分明遮。一句長途擺手向前行，月落題詩滿雲樹。
師云：只開口六箇字，便成無縫天衣，不勞向下更看。

神山把針次，洞山問把針事。作麼生。山曰：針針相似。洞曰：二十年同行，作者箇語話，豈有與麼工夫。山曰：長老又作麼生。洞曰：如大地火發。

徧行堂集

卷四十八

四

說人當書逢人到，說鬼中宵被鬼呼。三島十洲無雜客，不消重驗藥胡盧。
師云：更須槌碎。

瀉山見野火，問道吾還見火麼。吾曰：見山曰：從何處起。曰：除卻經行坐臥，請師別致一問。來山便休。

起處何如。見處親誰。除行住別求，新相逢盡道休官去。林下何曾見一人。
師便唱：大江東去，卻掩口云：只恁麼住。

盜入三角山，問法遇菴主。有什麼寶。主曰：僧家之寶，非君所宜盜。曰：是什麼寶。主便喝。盜便斬。

之

一喝不見一刀一刀不見一喝喝時獨瞎眼睛刀下眼睛獨瞎雖然未結同叅相與有些瓜葛 師喝一喝云更結同叅作麼

香嚴示衆若論此事如人上樹口啣樹枝腳不踏枝手不攀枝樹下忽有人問西來意不對則違他所問若對又喪身失命當恁麼時作麼生卽得

上樹啣枝垂一問從來有理不能伸只堪圖圖擎將去十字街頭賣與人 師云直饒虎頭上座出衆卻

徧行堂集

卷四十八

五

是箇賽寶底商胡者主買賣一場懺懺

興化謂克賓維那汝不久爲唱導之師賓曰不入者保社化曰會了不入不會不入賓曰總不與麼化便打曰克賓維那法戰不勝罰錢五貫設饋飯一堂次日化白白槌曰克賓維那法戰不勝不得喫飯卽便出院

一心自許傾葵赤萬馬難將細柳衝興化親行推轂禮克賓八面起威風 師云後來雪竇要替克賓索者一頓棒便打大衆殊不知興化手裏一棒棒出脫克賓克賓身上一棒棒消歸興化要索麼直須

更打雪竇始得

僧問大覺如何是本來身覺曰頭枕衡山腳踏北嶽

頭枕衡山腳北嶽且喜人人都睡著忽然看見暗嗟吁那得人來縫布衲 師云何不睡去

僧問石霜萬戶俱開時如何霜曰堂中事作麼生僧無對經半年始下一轉語曰無人接得渠霜曰道卽太煞道祇道得八成曰和尚又且如何霜曰無人識得渠

萬戶一時開春生玉殿苔野人忘帝力何處得渠來

徧行堂集

卷四十八

六

師云直饒道得十成還有者箇在堂中事作麼生性躁漢便與幕面唾

僧問洛浦供養百千諸佛不如供養一箇無心道人未審百千諸佛有何過無心道人有何德浦曰一片白雲迷谷口幾多歸鳥盡迷巢

四大部洲齊應供眼中砂子黑崑崙從教兩手無閒日莫遣眉毛絆腳跟 師云眉毛不絆腳跟赴供也得快便喚作無心道人得麼忽然兩手放下時如何痴人面前大好說夢

報恩則初叅青峯問如何是學人自己峯曰丙

丁童子來求火後謁法眼舉前話眼曰上座作麼生會曰丙丁屬火而更求火如將自己求自己眼曰與麼會又爭得曰某甲祇與麼未審和尚如何眼曰你問我我與你道則便問如何是學人自己眼曰丙丁童子來求火則於言下頓悟

問處分明答處親來時無已去無人鼻頭打得三拳後兩道金蛇繞而門 師云恰好分疏不下復云爭奈賊証現在法眼大師燒卻眉毛了也

僧問洞山寒暑到來如何回遯山曰何不向無

衲行堂集

卷四一八

五

寒暑處回遯曰如何是無寒暑處山口寒時寒

殺閻黎熱時熱殺閻黎

熱不到熱寒不到寒猛虎口裏鷄子鑽天熱不到寒寒不到熱鷄子口裏猛虎奪食 師云四不到字老

漢合有三十棒

僧問巴陵祖意教意是同是別陵曰雞寒上樹

鴨寒下水

金烏升玉兔墜疾走何由迴面背須彌山半是同途海底天邊不同會佛無問祖無對一樣春秋千萬歲野鷺家雞笑未休舌頭扁得增慙愧 師云大好一

片舌頭若去祖意教意邊覓苦哉舌頭硬了也驀豎筆云是雞是鴨

僧問雪峯古澗寒泉時如何峯曰瞪目不見底飲者如何峯曰不從口入僧舉似趙州州曰不從口入不可從鼻孔入僧卻問古澗寒泉時如何州曰苦飲者如何州曰歟峯聞乃曰趙州古佛遙望作禮自此不答話

古澗寒泉苦又歟趙州拈卻雪峯底崑崙腦後打一鎚火光迸出眼睛裏忽然活葡萄嫩綠添三尺散帶垂腰只麼行百歲老人頭似漆 師云雪峯不答話

衲行堂集

卷四一八

六

譬如孫權與曹操書春水方生公宜速去饒他趙州百戰百勝也須卸甲齎戈

雲居曰如人將三貫錢買箇獵狗祇解尋得有蹤迹底忽遇羚羊挂角莫道蹤迹氣息也無僧問羚羊挂角時如何居曰六六三十六挂角後如何居曰六六三十六僧無語居曰會麼曰不會居曰不見道無蹤迹其僧舉似趙州州曰雲居師兄猶在僧便問羚羊挂角時如何州曰九九八十一挂角後如何州曰九九八十一曰得恁麼難會州曰有甚麼難會曰請和尚指示州

曰新羅新羅

五增六減七放八收王三腳尖李四拳頭打殺神仙
張果老紙翦驢兒何處討 師云老僧者裏也有僧
便問請和尚牽出來看師云我從不曾叫你推磨
還記得麼

僧問曹山清銳孤貧乞師賑濟山召銳開黎銳
應諾山曰青原白家酒三盞喫了猶道未沾唇
下牀喫了空心酒白卯醺醺直到西纔去門前打瓦
筒又來家裏翻筋斗 師云曹山恁麼爲清銳大似
醉後添盃

補行堂集

卷四十八

九

龍牙問洞山如何是祖師西來意山曰待洞水
逆流卽向汝道

洞水從來不順流箇中非問亦非誚五千甲馬尋源
去一滴俱無萬事休 師云者裏尋到那裏那裏又
尋到者裏不休更待何時

鴻山安曰有句無句如藤倚樹

家住閩川東復東其間歲歲有花紅如今不在花紅
處花在舊時紅處紅

家住閩川西復西其間歲歲有鶯啼如今不在鶯啼
處鶯在舊時啼處啼 師云大似蜺子和尚底太煞

現成老僧到此更不能添減一些子

疎山見大鴻值泥壁次便問承聞和尚道有句
無句如藤倚樹是否鴻曰是山曰樹倒藤枯句
歸何處鴻放下泥盤呵呵大笑歸方丈山曰某
甲三千里賣卻布單特爲此事而來何得相弄
鴻喚侍者取二百錢與者上座去遂囑曰向後
有獨眼龍爲子點破在後見明招舉前話招曰
鴻山可謂頭正尾正祇是不遇知音山復問樹
倒藤枯句歸何處招曰卻使鴻山笑轉新山於
言下大悟乃曰鴻山元來笑裏有刀

補行堂集

卷四十八

十

卻使鴻山添一笑轉身疾處電光遲雖然破鏡無重
照不說落花難上枝 師云覆水也常收提起袈裟
角云一滴不少

疎山曰病僧咸通年前會得法身邊事咸通年
後會得法身上事雲門出問如何是法身邊
事山曰枯椿如何是法身上事山曰非枯椿
曰還許某甲說道理也無山曰許曰枯椿豈不
是明法身邊事山曰是曰非枯椿豈不是明法
身上事山曰是曰祇如法身邊還該一切也無
山曰法身周徧豈得不該門指淨瓶曰祇如淨

瓶還該法身麼山曰關黎莫向淨瓶邊覓門便禮拜

一腳踢倒淨瓶說甚法身向上張家不使李家錢李家莫算張家帳師云有錢不會使會使卻無錢是一箇是兩箇覓著一箇不消兩箇

保福問僧殿裏底是什麼曰和尚定當看福曰釋迦佛曰和尚莫謾人好福曰卻是汝謾我問飯頭鑊闊多少曰和尚試量看福以手作量勢曰和尚莫謾人好福曰卻是汝謾我問僧汝作什麼業來得恁麼長大曰和尚短多少福蹲身

作短勢曰和尚莫謾人好福曰卻是汝謾我問僧汝名什麼曰咸澤福曰忽遇枯涸時如何曰誰是枯涸者福曰我是曰和尚莫謾人好福曰卻是汝謾我

白魚攪亂波中月黃鳥啼殘樹上春好醜不關瞳子事是非祇爲面前人師云多少人不肯汝謾我又爭得

僧問鏡清聲前絕妙請師指歸清曰許由不洗耳曰爲什麼如此清曰猶繫腳在曰某甲祇如此師意又如何清曰無端夜來雁驚起後池秋

從前嬾說聲前妙雁起驚秋一句多洗得耳朶無兩片漫勞牛鼻揀清波師云許由洗耳罪不重科巢父牽牛反坐加等

雲門示衆十五日以前不問汝十五日以後道將一句來衆無對自代曰日日是好日

今王不借古王舌殿中卻捧宮中勅一言落下四民安百辟傳爲萬世則風化已成歌謠莫及耕田鑿井憑誰力不知何處覓唐堯野老年來忘作息師云莫是造生祠立德政碑底麼者裏總不用且先與雲門三十棒不合教壞人家男女

僧問雲門如何是諸佛出身處門曰東山水上行

人情似鐵官法如鑪眼睛要眨沒得工夫師云沒工夫眨眼卻好偷工夫閉眼

雲門拈起糊餅曰我只供養兩浙人不供養向北人自代曰天寒日短兩人共一椀

搭了船不問路縫了衫不做褲只管芻蕘不管破便能到處討便宜爭免來年當大戶師云何待來年雲門拈起拄杖曰凡夫實謂之有二乘析謂之無緣覺謂之幻有菩薩當體卽空衲僧家見拄

杖便喚作拄杖行 行坐但坐不得動著

小乘錢串大乘井索有 一齊拈卻 師云又道不得動著良久云更要拈卻在

僧問同安如何是天人師安曰頭上角不全身上毛不出

色中青與水中鹽有也難將二指拈蓋覆將來人不見雲峯微露一痕尖 師云打卻看

南北東西涌復沒簇錦攢花看不及誰云兩處解成龍箇裏渾無一點墨 師云四大海水變作墨池也

續行堂集

卷四十八

三

洗不下

僧問曹山慧霞佛未出世時如何霞曰曹山不

如出世後如何霞曰不如曹山 無一句有兩句出世不出世是甚閒家具 喝一喝云去 師云老僧性燥

僧問報慈嶼情生智隔想變體殊祇如情未生時如何嶼曰隔曰情未生時隔箇甚麼嶼曰者箇梢郎子未遇人在

報慈一隔天寬地窄六月飛霜行人路絕 師云六月飛霜行人路絕若也翻天作地者箇梢郎子未

遇人在

僧問風穴如何是清淨法身穴曰金沙灘頭馬郎婦

青龍和合纔燒紙黃鸝分飛又鼓盆賺得有頭無尾漢不同歿了卻同生 師云既不同歿因甚卻同生莫道有頭無尾漢被賺你也莫被有頭無尾漢賺始得

明招天寒上堂衆纔集曰風頭稍硬不是你安身立命處且歸暖室商量便歸方丈衆隨至立定又曰纔到暖室便見瞌睡以拄杖一時趁出

續行堂集

卷四十八

三

寒凜凜暖烘烘立不住坐還慵十分成現事卻去問渠儂 師云佛法無多子久長難得人如今有種瞎漢要向久長處覓一箇半箇

僧問香林遠如何是室內一椀燈林曰三人證龜成鼈

不買胭脂染葉便倚螭螟消漆遮莫是麻衣揣你骨頭不出奇絕奇絕室內一燈如月 師云待伊證龜成鼈劈脊便棒

僧問洞山如何是佛山曰麻三觔 龍言及細語皆歸第二義只有麻三觔腳跟不點地

師亦云待伊證龜成鼈劈春便棒復云五黃六月
七手八腳茶前酒後天涯海角騎聲蓋色填溝塞
壑李四張三不得舉著

僧問法眼如何是佛眼曰汝是慧超

一聲響處聞塗毒越人笑了秦人哭張飛喝斷瀾陵
橋兩隻烏珠轂轆轤 師云慧超佛話恁麼相見也
得只莫錯怪了張達范疆

僧問法眼聲色兩字如何透得眼召大眾曰諸
上座且道者僧還透得也未若會者僧問處透
聲色也不難

徧行堂集

卷四十八

五

天無四壁地無盆誰向人間出鬼門五色五聲自聾
瞽不曾提起便銷魂 師云元來是箇路路通且把
八花綢子嵌了與我小孩兒耍耍則箇

清溪進問修山主曰明知生是不生性爲什麼
爲生處之所流修曰筭畢竟成竹去如今作篾
使還得麼進曰汝向後自悟去在曰紹修所見
祇如此上座意旨如何進曰者箇是監院房那
箇是典座房修禮謝

老婆不出門兒子五千里一樣報平安大家各歡喜
師云還有客作漢麼分付與典座

僧問龍濟劫火洞然大千俱壞未審者箇壞不
壞濟曰不壞曰爲什麼不壞濟曰爲同大千

識得大千說甚者箇壞與不壞義問取破竈墮 師

云破也破也墮也墮也壞不壞同不同畫蛇添足
成都帥請雲頂就衙墮座有樂營將出禮拜起

回顧下馬臺曰一口吸盡西江水卽不問請師
吞卻階前下馬臺頂展兩手唱曰細抹將來營

將猛省

吞卻階前下馬臺鐔鐔鎚子盡情來一時似火銷冰
去腦蓋何嘗挂煩顚 師云先移去了口中石闕著

徧行堂集

卷四十八

三

者是人人底用移作麼復云者是人人底用不移
作麼

僧問智門如何是佛門曰踏破草鞋赤腳走曰
如何是佛向上事門曰拄杖頭上挑日月

踏破草鞋赤腳走盤山會裏翻筋斗南方龍女落修
脊廣額屠兒開大口 師云好箇盆盤揭了看

拄杖頭上挑日月亘天兩道光殊絕誰家一座大須
彌遶到驢年沒消息 師云好箇盆盤看了揭

僧問北禪如何是佛禪曰匙挑不上

匙挑不上鎚打不爛硬似綿團軟如鐵彈無可奈何

一條好漢 師云好漢好漢莫怕喫人家早飯

慈明頌黑黑道道明明得得得

私通車馬官不容針只將佛法做箇人情 師云大家做了人情只你一箇不做也不得

慈明問楊岐馬祖見讓師便悟去且道迷卻在甚處岐曰要悟卽易要迷卽難

要悟卽易要迷卽難戴回紙面具剗出爛心肝鑼鼓家家急杯盤處處寬醉來一覺睡紅日上三竿 師云楊岐是悟時語迷時語有底道醉中了了夢裏惺惺老僧且放過一著

徧行堂集

卷四一八

七

長水問瑯琊清淨本然云何忽生山河大地瑯憑陵答曰清淨本然云何忽生山河大地

一句全彰殺活機春風影裏綠楊低落花遊子同相笑添得流鶯自在啼 師云識得答處盡大地不消置問識得問處盡大地不消置答何止流鶯自在 禾山普舉阿難別傳因緣問黃龍龍曰上人出蜀曾到玉泉否普曰到龍曰曾挂搭否曰一夕便發龍曰智者道場關將軍打供結緣住幾時何妨普良久再理前問龍俛首普趨出大驚曰兩川義虎不消此老一唾

道人桑下無三宿觀樹偏勞十劫長休向刹竿尋起倒眼中不著訝郎當 師云人知眼被刹竿礙不知刹竿被眼礙老僧恁麼道只救得一半

僧問芙蓉如何是無縫塔答曰白雲籠岳頂終不露崔嵬

零零星星闌闌奏奏不是鍊成亦非捏就雨打不爛日曬不臭一日不新千年不舊喝一喝云話墮也

師云若沒有者一喝幾向芙蓉納敗

五祖問僧釋迦彌勒猶是他奴且道他是阿誰百家姓裏家家有千字文中字字無把手不容人見

徧行堂集

卷四一八

六

面惡聲羸得滿江湖 師云他卽不無畢竟是阿誰釋迦彌勒卻認得何以故伊曾伏侍過來僧問和尚還認得麼師云老僧不曾伏侍過來

五祖問僧倩女離魂那箇是真底

木人方歌石人舞一條紅線相牽處晚風日日送斜陽依舊不知來與去 師云上單下單出戶入戶與我拈一箇來看良久云衣裳也解交重過達者何疑拆與單

兜率三語一曰撥草瞻風祇圖見性卽今上人性在什麼處二曰識得自性方脫生歿眼光落

地時作麼生脫三日脫得生處便知去處四大
分離向什麼處去

纔得春風百鳥鳴踏青微雨看花晴是非不到提壺
口問取江邊醉眼睛 師云就在者裏見

被底安髻著甚忙黃金散盡便歸鄉夜來一覺翻身
處那得旁人作主張 師云就在者裏脫

項王義不返江東六將分身路未窮回首虞兮荒壘
上美人元自舞春風 師云就在者裏去作麼生是
者裏不見道機草瞻風乃云密密目前機明明箭
後路不消三句子脫卻孃生袴

補行堂集

卷四一八

三

大慧舉竹篋云喚作竹篋則觸不喚作竹篋則
背不得下語不得無語

鐵汁銅九信口吞一團烈燄喪全身無端卻有人分
喫引得閻羅笑臉新 師云家常茶飯日日一般卻
也不勞重舉

葛信齋問或菴夫妻二人相打通兒子作證且
道證父卽是證母卽是菴曰小山大遇

反目由來同室事承顏只看掌中珠啼前笑後勾消
了始見渾家一事無 師云打卽任打證卽不證恕
孩兒不孝之罪

虛堂曰已眼未明底因甚將虛空作布袴著盡
地爲牢底因甚透者箇不過入海算沙底因甚
向鍼鋒頭上翹足

人人有箇觀自在有一絲頭全隔礙雖全隔礙沒絲
頭日日風前舞皮袋 師云者箇婆羅門煞有氣力
樓子和尚從酒樓下過偶整襪帶少住聞樓上

人唱云你若無心我也休忽然大悟

相罵有人先住口相打有人先住手一旣不立二不
成中間解落同心紐你西行我東走拈起銅鑼做鐵
帶湯武都無一著棋唐虞那得三杯酒 師云我已

補行堂集

卷四一八

三

休矣你又不休作麼生若也無心無可休酒杯棋
局不須收忽聞樓上歌聲起一任閒雲去與留

徧行堂集菩薩戒疏隨見錄

丹霞今釋潛歸造

侍者 古箒
心得 編

經前演義

圓教

天台判四教藏通別圓不立頓教蓋以圓攝頓也雖然漸中之頓爲天台圓攝頓中之頓不爲天台圓攝請卽以其教明之其列外凡五品一初隨喜心或值善知識或從經卷圓聞妙理起圓信解而修圓行成十乘觀法至於究竟金剛後心十觀成乘圓極之果

徧行堂集

卷四十九

如函合蓋豈非頓耶然以十觀品品深明而入圓位六根清淨謂之似解逮十住聖位初發心住始證一分三德位位破一分無明四十一分無明盡始成妙覺豈非頓中之漸耶楞嚴云理則頓悟乘悟併銷事以漸除因次第盡既有併銷之理卽無待於漸破漸證此所以漸破漸證以其爲圓教似解也十信爲似解十住爲真中智解則爲似證則爲真由解得證併不可云頓中之漸當其證後頓中之漸果當其解時漸中之頓因故曰漸中之頓爲天台圓攝也今有最上利根於初隨喜卽究竟金剛後心逆流而出卽地

卽向卽行卽住卽聖卽凡卽內卽外非橫非豎非單非複非正非旁非首非尾當其證時卽無所證豈有所破旣無所破亦無能證豈復有漸破漸證之說則頓中之頓故不爲天台圓攝也夫頓與圓初無二理而解證旣分便如兩事從解得證則有漸行從證起行元無頓解此宗門所自擅爲教外別傳者天台知之而不立非以圓攝頓蓋頓中之頓非圓所攝也教有漸義卽亦非教所收也

又

譚圓教者必以華嚴爲宗疏主引之云初發心住便

徧行堂集

卷四十九

二

成正覺所有功德三世諸佛歎不能盡而復云初發心住證一分三德破一分無明是有四十分無明未破也立一圓鏡於此方便畫爲四十一分三德以喻光無明以喻垢先破後證先證後破不出此一分則顯一分光存四十分垢全成垢鏡卽至地上半光半垢安得圓明若云明體自圓垢相漸去則所謂明者解耳非證也亦分證耳非圓證也方山長者云十住初位卽十行十向十地等覺互相貫通一位得五十法門位位中二千五百總別之義齊現立一圓鏡於此一則一現多則多現半則半現滿則滿現重重涉

入則重重現人自見其一多半滿重重現影而有次第本鏡圓明無次第不次第見八歲龍女一念成佛豈於南方無垢世界猶有分破之無明若此初住位非圓證則所謂便成正覺義亦不合并所謂初隨喜心圓聞妙理一法一切法一切法一法非一非一切起圓信解而修圓行一行一切行其義俱不成矣且如理則頓悟乘悟併銷則理尚不存豈事猶有礙若有待除之事仍有未銷之理此義較然必無兩立故方山云有三種五位十地一修假詮假智假真如二修分真分證一分真如三頓修頓證佛境圓滿真如

如解深密經但立十地斷惑分劑仁王經五位十地從凡漸習積行多生或謂地前斷惑地上見道是權教假真如門涅槃經十住菩薩少分見性乃至十地未能了了即分修分證真如瓊瑤經菩薩入聖位但法性流中心心寂滅自然流入妙覺大海此爲圓教正宗而方山尚云華嚴經意即不然識滅時亡情塵頓絕設凡夫住世百年及以多劫而於自己不見須臾可遷不見當成佛不見已成佛不見現成佛更有何生不成佛更有何生而成佛圓覺云惟除頓覺人併法不隨順自非出格悟門決不信有此沒量大人

境界也

無作

疏曰戒體者不起而已起即性無作假色何也戒體者性而已無作者不起而已一切性不起或疑其起起即性性即無作無作不可見假色而見色豈有作哉作而成色見作豈有作見豈有見哉經論互諍蓋爲有無作所礙有無作即無無作耳談無者舉瓊瑤經一切聖凡戒盡以心爲體或言真諦爲戒體或言願爲戒體無別無作心無作真諦與願亦無作已有無作竟故無別無作舉大經云聖行觀析無常阿闍

世王觀析境界但明色心不道無作色無作心無作已道無作竟故不道無作皆有無作之遮詞也談有者謂心力大能生諸法牽果報別有一善依師發或依定或依道品發故有無作心是有耶能生諸法乃至果報是有耶依師所發依定依道所發是有耶無作是有耶而自云亦言無教小乘已說無無作竟大乘明戒是色聚舉大論罪不罪不可得具足尸羅云此是戒度正體罪不罪不可得尸羅可得耶正體又可得耶舉優婆塞戒經譬如面有鏡則有像現如是因作便有無作四緣不可得像與鏡與面皆不可

得無作又可得耶已說無無作竟而相持以爲有無作皆無無作之表詞也今所用有無作者因戒故用有能持有所持有得有不得有可護持有方便可令具足卽知別有無作能持戒心別卽可耳無作者一切法之總體於戒法中別名戒體無作攝戒戒不攝無作戒不能攝無作而欲有無作無作能攝戒而欲無無作是小無作而爲一心生礙也一心所以無礙者以無作故無作所以無礙以無作無故無作無故一切有佛有佛無作衆生有衆生無作有情有情無作無情無情無作一切有無作者以一切無故

佛不可得衆生不可得有情無情俱不可得不可得者亦不可得無無作卽有無作耳言遮不更表言表不更遮言耳言耳安用諍爲

發無作

戒以無作爲體定與道皆以無作爲體無作共戒與定道此無作總也定與道共戒此無作別也定共於定心中發無作道共於見諦中發無作此發戒耳無作安有發不發耶止觀師云中道觀心亦發有師云入禪定能發無作欲界定不發有云欲界定念處前皆發有云增上心發下劣心不發無記心不發此不

發戒耳發亦別無作耳正發無作則無一人無一時無一處而不發也乃至論興廢亦戒興廢耳興廢之中有難有易有久有暫亦戒無作中難易久暫耳正論無作則無一人無一時無一處而不興也無作兼動不動兼止兼行兼大兼小兼善兼惡一切動不動法止法行法大小法善惡法皆有無作體而無作非動不動非止非行非大小非善惡非別有一體以其皆有無作體謂之有無作以其非別有一體謂之無無作此亦戒無作體之有無耳無作安有有無耶

無三障

夫性本無名因言成體當其作用聊如夢幻而云有障者暫隔則隱隱非無隔隔非無隱譬於不見明珠非無見者又珠偶不見非無珠也疏直判之曰無三障斯乃稱性之譚耳煩惱常有故不說障然業底於重由煩惱重乃至底於報障亦煩惱重煩惱實爲業主而不說障煩惱故無性也一切性無性故煩惱無性由念相續爲時長短風吹片雲不說爲障重雲蔽空而說業障積陰兼旬說爲報障本天不沒障亦本無七逆十重悔已非障地獄餓鬼報盡非障然猶非障非無障義若達無生則知本天無本天性所現瞞

空無瞞空性重雲積陰亦復如是非作故無本性無
故曰審爾則佛及眾生皆增語耳奚事戒爲以未知
性而爲結戒既知性已戒亦無性於無性中說隨順
法說障者隨順戒義說無障者隨順性義無障是性
義無性是戒義有障是無障義說則不礙有無不說
亦豈有無所得而礙耶

經序分

光告

盧舍那佛放光光告千華上佛龍勝尊者於座上現
滿月相但聞法音不見其形佛祖故同一提持也光

中金告告中金光眼中全聞耳中全見依正同隱是
二是一三身同顯非一非三此不思議光惟千華上
佛塵塵剎剎之光互相酬答耳此土釋迦示凡夫身
作同類攝以一塵一剎之機演塵塵剎剎之用彼不
見多此不見少者一切眾生六門之光與釋迦一門
之光交相涉入重重無盡如赤珠幢眾生不知忘其
全光惟見一光作奇特觀釋迦知之忘其一光惟見
全光作平等觀當是時閻浮提世界與蓮華臺藏世
界無二土釋迦與盧舍那無二身一切微塵眾生與
千華上佛無二性則諸見滿月相者皆滿月相不特

龍勝收綸卽盧舍那亦當結舌而不妨作奇特觀作
平等觀何也諸佛眾生亂起亂滅卽是體性虛空華
光三昧千華上佛全身在體性虛空華光三昧中忽
作兩時忽作兩地沒於蓮華臺藏世界還閻浮提世
界沒已入體性虛空華光三昧還已出體性虛空華
光三昧未沒之前已出之後畢竟是何三昧譬如神
蛇自擲其身作寸寸斷斷已還續都無痕跡盡微塵
世界佛與眾生離離合合祇一神蛇豈有是體性虛
空華光三昧非體性虛空華光三昧又豈有人體性
虛空華光三昧以前出體性虛空華光三昧以後耶

起座

自性清淨卽無作戒體無作者不起而已盧舍那不
起於赫赫天光師子座上而現千百億釋迦復化無
量佛坐無量國土接無量眾生盧舍那未嘗起也千
百億釋迦卽盧舍那本身一切閻浮提卽蓮華臺藏
本世界起卽不起也華嚴以釋迦現毘盧遮那故不
起於座而爲十處說法毘盧遮那有不起義釋迦亦
於座而爲十處說法毘盧遮那有不起義釋迦亦有
不起義釋迦有起義盧舍那亦有起義以盧舍那有
起義故現釋迦起以釋迦有不起義故現毘盧遮那

不起也眾生日用皆具此二義有爲不住無爲不住以不住故謂之自性清淨菩薩戒依之不住有爲不住無爲聲聞不爾故聲聞戒體爲別無作菩薩戒體得大總持

佛性種子

夫心地法門舍那爲千華上佛說而上被摩醯首羅天下被癡暗凡夫非泯聖凡蓋聖爲凡果凡爲聖因外記曰祭川者先河而後海一源也一委也此之謂知本然則三世諸佛豈敢忘三世一切眾生耶今直以盧舍那常誦一戒爲諸佛菩薩本源未知眾生之

徧行堂集

卷四十九

九

爲戒本源抑何異於不知本者夫戒非別結稱性而結佛非別成稱性而成使別有因則別有果戒以佛性爲種子故能生佛佛性以眾生爲種子故能成眾生一切眾生是情是心入佛性戒如水入水如火入火不見異相不見同相而不礙見異不礙見同何以故以此當彼卽有兩當同於能當則無所當異於所當亦無能當今以佛戒當一切眾生如水入水以當其常有因故以眾生當一切佛戒如火入火以當其常住法身故法身爲眾生常有故無異因眾生常住諸佛常住元無異果果當因因當果凡當聖聖當凡

一當多多當一今當古古當今有兩當而無一當故

無佛可成無眾生可度無一當不礙兩當故有戒可說耳十波羅提木叉出於世間謂之法戒亦云以揀非法者然菩薩是法法無菩薩眾生非法法無眾生法非法戒非法法戒三世佛說初說重說千百億說不能於眾生自性外別成一佛卽不能於眾生自性外別結一戒直謂之一切眾生戒眾生無讓容佛無於色眾生亦無於色佛亦無讓容何也一切佛一切菩薩本源於自性清淨佛其海眾生其河一源也一委也此之謂知本故曰佛爲眾生母眾生亦爲佛母

徧行堂集

卷四十九

十

佛爲眾生師眾生亦爲佛師眾生於佛性戒頂戴受持佛戒於一切眾生自性清淨亦頂戴受持眾生報佛恩佛亦報眾生恩也

經十重

性戒

聲聞律有性戒遮戒四波羅夷名性罪曰法爾性中有罪非佛結戒始禁故餘悉遮罪大乘因之亦以十重中前四爲性罪此乖心地義夫自性清淨云者尚不著善染汙豈復著惡染汙則性且無性容有罪耶於內外中間覓罪性不可得容有罪性耶一切眾生

以貪瞋癡而成罪業蓋是習耳習爲罪因罪爲習果
因果法爾習無習性罪無罪性而況於性若謂餘罪
由律始禁則無律亦不成罪是如來有故作故入之
愆也夫謂之性戒則一切輕戒皆性戒以其能障性
使不現故性既被障是名性戒卽一切戒皆具性義
他不具論如優婆塞以一飲酒而四戒悉破故謂之
遮戒則一切重罪皆遮戒亦以其能障性使不現故
遮不使障是名遮戒卽一切戒皆具遮義他不具論
亦如優婆塞以一飲酒而四戒悉破故如是則如來
結戒不過遮其能爲性障者性本無罪障有深淺而

遮始有重輕一切戒皆遮戒卽皆性戒然不可云性
罪以與自性清淨相違故學大乘者不宜與聲聞無
辨也

殺

大經云遮未來相續名之爲殺菩薩所爲於生灰海
中頭出頭沒也聲聞取滅盡定焦佛芽敗佛種佛訶
爲惡人宜矣
比丘作不淨觀厭患身故自殺此聲聞結戒之始也
菩薩則捨身矣聲聞殺人犯重殺畜生波逸提菩薩
於一闡提欲害多衆生欲害正法者起大悲心而斷

其命聲聞食五淨肉菩薩不食乃至不畜殺具不販
賣殺具若然寧殺人不殺畜生人有罪可殺耳畜生
無罪也畜生無大小釋尊因中現茲身提婆達多爲
土蚤致牽害菩薩以道眼等觀無一微塵許衆生非
佛性種子者佛性無可斷卽未來相續亦無可斷此
陰謝彼陰生誰爲殺者而有殺戒則宜開宜遮一準
於善惡也菩薩不斷未來相續者不斷善相續而斷
惡相續惡相續不斷卽善斷善斷卽發菩提心之因
斷成等正覺之果斷故殺一闡提者無罪闡提不斷
佛性而斷善根畜生有少善根殺之有罪此於一念

起處分別開分別遮分別用斷分別用續分別用三
世三世不遮相續分別不遮相續用不遮相續而決
定決定遮未來相續之惡續未來相續之善直至成
佛自作如是教人作亦如是

盜

不與而取曰盜一切法無與者安得取乎今日直取
無上菩提無上菩提者孰與之天與之耶地與之耶
父母師僧與之佛與之耶旣無與之者乃以爲有取
之者是盜也千佛授手特授手云爾舉手而授之盧
舍那有手千百億釋迦有手無量衆生亦有手彼手

無所與此手無所取無所與而以爲有所與亦盜也
眾生不盜佛佛不盜眾生盧舍那不盜釋迦釋迦不
盜盧舍那一切菩薩不盜成佛度眾生一切眾生不
盜行菩薩道成佛

捨生歿犯殺取涅槃犯盜捨食瞋癡犯殺取戒定慧
犯盜捨我人眾生壽者犯殺取無我無人無眾生壽
者犯盜捨取捨犯殺取無取無捨犯盜

惡人竊大位攘大名橫取不義物菩薩方便奪之向
之檀爲已有者蕩然無存始知其非已有菩薩奪之
亦非已有蓋以空合空耳一切物無主以眾生有我

故有主當其我見熾然有主之理與勢不可以犯皆
如鬼神如劫賊也於一切法有所取者無多無少一
針一切草一草一切針一針一草卽一切財物菩薩
一切奪之譬之四大無常無一剎那不奪而人偶然
自謂我自謂有主至於眼光落地我亦無主況我所
有庶幾以空合空乎而劫賊之習之深者復墮於鬼
神故菩薩能盜盜始能不盜然惟不盜始能盜盜
沙彌盜聽布薩聲聞不與授具足戒此菩薩所不制
法無所有彼乃盜空有僧於洞山下九十六轉語一
僧潛聽惟最後一語不得乃至給侍三年終不爲說

於病時持刀劫之菩薩若見且爲行賞何以故最後
一語彼僧之一針一草也彼以有所得心守之劫之
而後空此以有所得心劫之得之而又空乃爲兩得
相見耳

姪

愛卽姪取卽盜姪有內色有外色求於人爲外求於
己爲內有求有得有住皆姪業也菩薩不住色聲香
味觸法而行布施施者姪之良藥不住者施之本方
一切女人乃至畜生諸天鬼神女六道三界法也母
女姊妹六親三世法也非道出二十五有離生滅耽

寂滅法也

我有箇老婆出世無人見早晚共一處自然有方便
五祖老一時闌人白衣隊中若能遣此老婆一生參
學事畢

眾生本淨今日淨法與人蓋爲愛不淨者示有淨法
愛淨者示有與法亦菩薩方便妄語耳

妄語

有淨有穢有得有失有生滅有去來有常有無常有
一有異皆妄語也見言不見不見言見是妄語見言
見不見言不見遂非妄語耶識得見言不見不見言

見始可見言見不見言不見

身是妄體心是妄名身心卽妄語矣知身心妄語卽無身心於此見身心語身心謂之正語正見

菩薩有菩薩妄語聲聞有聲聞妄語不可相濫菩薩初發心時信我與衆生已成佛竟如是向人說我已成佛爲起衆生增上擔荷心故無罪以名聞利養現欺誑相則結妄語重彼雖未得而本無失亦非大妄語佛是衆生本有非分外故若說得四果得天龍來鬼神來是下劣妄語菩薩畢竟一生成佛捨大說小豈堪結重而引聲聞例結重卽乖菩薩本起因地非

徧行堂集

卷四一九

五

寬此一人也不應以此一人而非薄一切菩薩也

酤酒

第一不得酤三昧法酒此是菩薩酤聲聞旣自飲矣復酤與人當比何例耶

有佛可成有衆生可度有法可說是菩薩酤酒業犯此者同聲聞例現有說戒之釋迦作度生成佛津梁又比何例一切衆生已成佛竟已度生竟已涅槃竟則千百億釋迦將千百億酒望子早已拆倒矣

說四衆過

過者過也旣已過矣又何說焉然則十重四十八輕

何以說歟楞嚴云不住名客住名主人過有客義菩薩心地有常住義善來亦客惡來亦客客非常住常住不爲客受過常住非客客不爲常住住過然主人之待客則有道矣主人辨客又辨常住但令知過但令悔過而不說過以其爲客義非常住義也客有非法非律亦有法律常住無法律亦無非法非律彼惡人者方以非法非律疑主人而不知法律之爲客菩薩說而悞之使失大乘善信則終已不識常住成一闢提矣闢提不識常住而有常住常住非過非無過也闢提之過且無可說況菩薩四衆過耶

徧行堂集

卷四一九

去

自讚毀他

無離他之自亦無離自之他若曰第一義爲自世諦爲他性爲自習氣爲他無爲爲自有爲爲他皆自讚毀他也惡向自好與他亦自讚毀他也惡果在他安能向自好果在自安能與他衆生見衆生之惡菩薩惟見衆生之好耳讚歎不及禮拜有分則加衆生以毀辱者豈直菩薩受之元是一體卽三世諸佛受之本無二體代之之云猶隔膜也

菩薩示一切衆生相衆生現一切佛相法性自爾非退己非讓人我得佛汝不得佛謂之隱他人好事令

他人受毀直饒我得佛汝亦得佛仍是隱他人好事
令他人受毀

慳惜加毀

盡大地是富足人無端現此乞相菩薩贈衣裏之神
珠奉金餅而灌頂蓋彼所自有人所共有也起一我
與之之見卽是加毀而況慳惜齊之餓者不食嗟來
之食亦乞相中富足家風可起德色之愧

盡大地是貧窮人不知貧窮之妙忽然來乞菩薩以
少法與之便害其命此不爲說一句一偈一微塵許
法可謂眞善知識矣吾許其罵盡一切乞兒而經不

許恐去年無地今歲無錐猶未到此境界也雖然眞
到此境界更須行乞始得

瞋不受悔

遺教云清冷雲中霹靂起火非所應也清冷雲中不
礙霹靂起火特非常住法耳霹靂火非常住法清冷
雲亦非常住法有瞋不解豈知不可解之瞋卽念念
滅乎瞋念念滅罵字字滅打下下滅罵不見打打不
聞罵口不知手手不知刀杖刀杖不知瞋瞋不知念
念滅念念滅各不自知而瞋有不解是之謂不可解
一切衆生卽非衆生不必更用情恕更用理遣矣誰

是瞋者誰當瞋者瞋者現衆生相謝者現非衆生相
現非衆生者識瞋者之非衆生現衆生者不識謝者
之非衆生得則兩得失亦兩失

菩薩亦有不受悔者不知過性之不可得是人爲不
善悔也則非菩薩不受悔無如其受過何也過無受
處悔亦無受處謂之善悔善受

謗三寶

三寶非他常住佛性是常住佛性非他一切衆生心
是於心外求三寶名曰外道於三寶中捨衆生名曰
二乘惡人謗佛則菩薩如刺心以其謗心也衆生是

佛是增益謗衆生非佛是減損謗亦是亦非是相違
謗不是不非是戲論謗

心以謗爲義以衆生爲心卽謗衆生以三寶爲心卽
謗三寶以非衆生非三寶爲心卽謗心一切皆謗而
全心始獨露矣菩薩能如是謗乃稱不謗

彌勒云謗菩薩藏說相似法熾然建立楞伽所謂受
貪瞋癡性已然後妄想計著曰貪瞋癡性非性佛法
之滅實由於此戒所以云救也若以受持爲實法卽
相似法以無受無持爲實法亦相似法以無實法爲
實法亦相似法

教人

十重皆一自作二教人是菩薩正指或於教人中分輕重云名與利屬己則重屬人則輕非也菩薩度生爲第一事以惡法教人損第一行違第一願正破第一戒豈暇問名利之在己在人耶且菩薩寧自破戒墮那落迦必不忍坐視人破戒墮那落迦則與其名利在人而人犯重不如名利在己而人犯輕也此皆依小乘律以解大乘失佛本意又云前四重事同七遮悔與不悔悉障後六者悔非障不悔則障或云前四須悔見相非障後六不悔亦不障佛說十無盡藏

編行堂集

卷四一九

元

戒品初無差別若論菩薩道小乘制前四於己分中狹而麤大乘制後六於人分中廣而細也

若重在教人則不教悔罪何以結輕曰彼已有罪不教之悔則輕此本無罪教之犯故重耳

惡心

持犯法先觀因地經所云惡心者有心卽惡也有自利心卽利養有利他心卽名聞有所求有所得心卽利養有無所求無所得心卽名聞有心卽犯無心卽持此本自性清淨地也有則染汙矣欲受故取已取則受菩薩於一切法先斷受一切不受亦非斷受

失位

犯重失一切位乃至失一切妙果不云失菩提心菩提心無可失故故云不得現身發菩提心不得發耳非無菩提心也墮三惡道是誰墮不聞父母三寶名字是誰不聞一念回光全身透出方知從地獄中徑生兜率聞天鼓音立證十地本無階漸故聲聞戒有得有失菩薩戒無得無失佛性常住非得失故彼一聞提悉得受記信亦不得不信亦不失故

經四十八輕

不敬師友

編行堂集

卷四十九

三

師有不可見者佛性也師有可見者和尚阿闍黎也不與我爲侶者師也與我爲侶者同學同行同見也從侶以見其所不侶從可見以得其所不可見敢不敬耶欲受教者空諸所有身與國城妻子七寶百物不敢不賣特買之者如娶妻耳知其無售主則一針一草亦不可留是爲眞法供養

飲酒

聞衆生有常住佛性便隨衆生妄想流注此醉人也盛酒之器有罍有尊酌酒之器有盃有杓皆取受法於無有中過人以取受法不知其無酒亦無器非五

百世安能知其無手耶

食肉

菩薩有殺而不食食者受用之義也殺食瞋癡必無受用食瞋癡者殺無明煩惱必無受用無明煩惱者菩薩有長養而不食長養六度亦無受用六度者長養萬行亦無受用萬行者是故菩薩不受食食即肉耳

食五辛

修心地法者於菩薩道中少有些子氣息即犯五辛沉於食功德肉而肥飲戒定神通酒而醉耶

編行堂集

卷四一九

主

不教悔罪

菩薩不許說過而許舉罪蓋不舉不悔則使一切眾生於罪法中常住也罪法不常住即是常失罪法不常住義即失佛性常住義矣

生佛前佛後爲八難之一何云佛前佛後耶不信眾生是佛當面蹉過謂之佛前佛後餘七難皆從此一難而生或曰而今已生佛後正好時時悔罪若作此見直待妻至下生猶隔三阿僧祇劫在

不供給請法

菩薩有本師友有因緣師友有一切處師友此以有

來有去爲因緣師友也所謂大乘法者能消一切食所謂學大乘法者能滅一切身能消一切食故堪供養能滅一切身故堪禮拜若爾則法師與請法師者同於一切時說法也何啻三時

懈怠不聽法

一切處有講法毘尼經律只此是天鼓鳴無人解聽也解聽者鬧處靜處近處遠處皆法師提唱處經律論已所自有但持至彼所一回印證耳若未解聽且向高座前領取

背大向小

編行堂集

卷四一九

三

全心是大乘常住經律全佛說是心忽起背向不知全背向是心也於此一肩擔荷尚不受持大乘常住經律豈更受持二乘外道惡見經律噫信此固不易矣不得已而聽其進退惟佛能耐煩爲難然亦非耐煩一筋斗去十萬八千里不出如來掌中耳

不看病

視一切病人如佛猶是看病者視一切佛如病人則大醫王矣何謂父母師僧弟子諸根不具百種病是到家病是根本病何謂僧坊城邑曠野山林道路中病是未到家病是支末病支末令識根本未到家令

到家此救濟法也根本令生支末到家令出門此供養法也

畜殺眾生具

常非常我非我解脫非解脫違順不安之相皆殺氣也法非法律非律持犯非持犯皆殺具也畜之復何害但滅二見刀杖弓箭俱發蓮華菩薩時張四面大網羅以取眾生不罾其腳

國使

菩薩心地如轉輪聖王無餘小王敢逆顏行無餘小王能爲伴侶今以兩國之勢與師相伐是對治法之

最下者菩薩甘爲之使可謂顛倒見矣使者爲一國使賊者爲兩國賊蓋於一法界中立異殺無量眾生冀成佛道佛道必不成非徒賊眾生又賊佛也故曰明與無明愚夫見二智者了達其性無二無二之性卽是實性

販賣

良人者本性是奴婢者六根是六畜者六塵是販來賣去壓良爲賤卽外道種一口棺材盛卻死漢是二乘種

謗毀

一切眾生從本無事所謂良人善人也法師師僧國王貴人本四眾三身相六親本三世法現行三世本不與一切因緣和合流入五道本不染汙此中尚無不犯七逆十重者豈有犯七逆十重者而言其犯七逆十重斯謂之無事謗他耳於大虛空無彩可畫無毒可塗彼惡心者自見其加於逆害墮不如意處不知本無事中孝順心慈悲心置之如意處皆多事也

放火焚燒

物各有依如虬蛇戀窟菩薩以大火燒之使豁然見赤骨力地境界此解脫方便也逐動則戀觀山林曠

野待其入而燒之守靜則戀止人家僧舍待其出而燒之出而復入不見其所止入而復出不見其所觀則方便成矣善治瞽者以藥去瞽不傷其眼不善治者瞽眼俱失於出時燒其出於入時燒其入者是也菩薩有時壞世界有時成世界有時與一切有時奪一切奪與與皆與成與壞皆成

僻教

自佛弟子及外道惡人六親皆是一切善知識盡大地無一毛頭許惡知識故乃全部大乘經律非語言文字相也信此者謂之發菩提心修此者謂之次第

法用衆生有橫歟緣蓋不應歟而歟同在四通八達之塗忽爲一人引入迂遠險惡道中作橫歟漢不謂之惡心瞋心不可得矣雖然彼非惡心瞋心此亦非橫歟識得一切善知識元在四通八達之塗也

伯樂教其所愛弟子相凡馬教其所憎弟子相千里馬凡馬常有則售千里馬非常有則不售也夫不相凡馬豈能相千里馬旣能識千里馬豈不識凡馬伯樂非愛憎障乃其弟子爲凡馬千里馬所障耳二乘求千里馬於馬外外道以凡馬爲千里馬彼得其天機於牝牡驪黃之表者亦未嘗得之於鹿豕之群也

爲利倒說

十法界同此一性一性卽正法正法卽三寶以身見起障故不現前燒身臂指供養諸佛捨身肉手足供養餓虎狼師子及一切餓鬼但辦肯心必不相賺或謂虎狼師子不解說法曰諸佛更不解說法然則當於何求曰卽於汝求我已捨身更教誰求曰汝不捨身誰教汝求

世間興利必先除害此未識次第義菩薩除害則先除利是之謂有前有後也功德天至黑暗女便至有智主人二俱不受始得心閒意解耳

恃勢乞求

國王王子大臣百官卽三寶尊重相不著佛求不著法求不著僧求是真親近以有所求爲親近以親近爲形勢便是客作漢推窮內外中間則現乞索相斷除起滅則現打拍相於一切時管帶則現牽挽相有取有得如貧暴富則現橫取財物相此無所得法也復何所求有求卽多有求卽惡矣彼亦以親近三寶故求而不知直下無求之爲三寶學菩薩者能識此病始不自悞悞人何謂悞人教人求者是

無解作師

佛性之性卽衆生清淨自性以其非衆生故曰佛性以其併非佛故曰佛性之性也十二部經攝於一句一偈百千恆河沙法門開於一毛頭許是菩薩戒律因緣若不證此卽誦得十二部經正是一一不解一切法不知者一卽一一一切法卽一法不疑一切法乃能不疑衆生性不疑衆生性乃能不疑佛性不疑非佛非衆生性乃能不疑佛性之性此義理非二乘所解二乘知一法不知一切法故雖然不知一切法亦不可云知一法也

兩舌

手執香鑪行中道義遘關兩頭著有著無著有者以不著有爲著無著無者以不著無爲著有成人之非則謗成己之是則欺彼眞賢人豈被謗欺此兩舌者無惡不造而已

不行放救

先身本體卽佛性義佛性卽四大四大卽六道六道卽父母父母卽常住法我生生無不從之受生是衆生無常變異法也誰生誰受生誰無常變異不可無常住不變異法也有受生者卽有受老受病受死者於生老病受苦見常住法卽見諸佛

生生受生常住之法別求寂滅卽殺父母殺故身也行放生業一以救錯認無生者是名講菩薩戒戒而不亡別求壽命不得見佛成墮落因講菩薩戒一以救妄修不戒者是名行放生業

瞋打報讐

劫火燒海底風鼓山相擊眞常寂滅樂涅槃相如是菩薩以正法眼觀器世間一切衆生純一佛性無雜無壞爲之恭敬圍繞以諸香花而散其處是大涅槃相非歿義而有歿義放生無放殺生無殺其理俱銷謂有放者則元不生謂有殺者則元不歿君親不

歿而云實歿斯爲不孝耳若然者彼殺卽生我殺亦生殺復何礙曰彼殺卽生則不用報我殺亦生又安用殺譬如夢醒無續夢法若然者彼生卽歿我放亦歿殺又何礙曰彼生卽歿殺者見生我放亦歿放者見殺譬如夢魘有喚魘法此菩薩於如幻三昧中行如幻行而不取著也

造七逆罪生陷地獄此一闡提大寂滅幢也或謂一闡提斷佛性一闡提卽佛性又如何斷佛謂殺一闡提無罪佛卽一闡提又如何殺外記云天無二日民無二王家無二主尊無二上造七逆罪者蓋得此旨

欲於一切處造七逆罪自不畜奴婢始

憍慢不請法

小姓年少卑門貧窮下賤諸根不具正是第一義諦彼觀種姓而生憍慢蓋始出家未有所解耳非俗所訶初世爲人者耶

僻說

解大乘經律則於一切衆生不敢起輕心惡心慢心況新學菩薩乎新學者或於佛菩薩像前受戒已成佛當成佛同此一心顯不從人得也使無好心誰有好相新學菩薩或於法師前受戒可見師不可見師

同此一相顯不從佛得也卽無好相元有好心此法師內倚己外倚人問者之好心與好相俱現而答者之好相與好心俱隱矣

不習學佛

捨正見正性正法身而爲雜學是棄黃金取瓦礫也若得正見正性正法身不妨拈瓦礫作黃金且非勸人雜學

不善知衆

三寶物者菩薩與衆生續佛慧命之物皆自己物也菩薩有此自己衆生亦有此自己識得自己始能善

守善守者莫無度用而已大圓鏡不守自性不自爲主發普賢差別智行而用之以自己人用自己物聽於長子蔚爲家法佛所以不終滅度也菩薩見他人物如自己物一切珍重衆人見自己物如他人物一切暴殄自他分而諍訟起矣故以一切衆生爲自己者使一切衆生識自己始可知衆

獨受利養

先住爲主後來爲客客未能住反客爲主宜給所須使知住法客已能住反主爲客客宜均所請使知無住法客與主舊住與新住住與無住無二體故不給所

須客不得住是外道惡不均所請客但得住是二乘惡

受別請

纔有味著便受別請漸成秘重則迴十方僧物八福田中物入己矣公物不宜私用此千華臺上所爲和盤托出也

別請僧

別請五百羅漢菩薩僧不如僧次一凡夫僧非爲聖凡難測若存此見仍是別請但識心地法卽識凡夫僧但識凡夫僧卽識心地法方知五百羅漢菩薩僧

真不如僧次一凡夫僧矣王人遣癡童子錯請客人是別請義云外道法者心外別求故不順孝道者背一本故

邪命自活

菩薩於正命食亦不取而況邪命凡涉於心思口習身手造作而成者皆和合因緣法也以因緣爲實法生取受心卽是和合百種毒藥千種毒藥蛇毒生金銀毒蠱毒矣彼以自活適以自戕

不敬好時

全身是三寶無親者故無謗者有親相卽自身與三

寶成兩兩卽成謗不見一切處三寶矣全身在空中
全空在有中有說空者有行有者亦復成兩不見一
切處空矣全身在好時中有三齋月有六齋日卽有
好時與非好時亦復成兩不見一切處好時矣析一
切處三寶謂之殺生壞一切處空謂之劫盜隔別一
切處好時謂之破齋犯戒世所云敬好時者菩薩云
不敬好時也菩薩無一刹那頃非好時故卽得一切
處空見一切處三寶故

色領六塵卽貫十二處十八界色領五陰卽貫七大
凡夫二乘皆迷於色法不見一切處空則一切處三

寶隱矣一切處好時從此蹉過經每舉男女二相以
攝色法卽攝一切法蓋縛著之總司也此觀行人路

不行救贖

好一自性清淨無端投入六道卽是賣佛菩薩父母
形像矣賣法寶賣僧寶賣發菩提心人一串穿卻去
作官使作奴婢哀哉此中有自賣者有被人掠賣者
亦有能自贖者有待人贖者諸佛菩薩日走外道及
一切惡人劫賊邊行贖人事耳此外道惡人劫賊或
內自起或外相值決定被賣不得解脫十重四十八
輕戒使之內不自起外不相值猶是第二著若識得

自性清淨總將外道惡人劫賊一串穿卻作我官使
作我奴婢

損害眾生

全體是眾生全眾生是體忽起疑團已折寸草成刀
杖弓箭矣於沒量大人分上自生短見跳入輕稱小
斗中不運糞出而運糞入倚自聰明取人財物心心
獨脫作解脫想便被繫縛佛現前作成功想早已
破壞但圖對治猫狸猪狗滿屋紛然良由不識眾生
長養如是惡習

邪業覺觀

雖小道必由覺觀入覺者觀前之警敏觀者覺後之
精深也入正覺觀時人不可得法不可得見色聞聲
不可得巧拙勝負不可得禍福倚伏趨避不可得神
通遊戲不可得寂然不動亦不可得少一生心卽以
覺觀爲盜賊使命矣覺觀爲一切法使命覺觀無罪
誤用者其罪菩薩用覺觀而禁邪業故覺觀成使命
之功

暫念小乘

大乘善信信我是佛而已我是佛不可眾生非佛佛
與我與眾生同此一心而已念爲心所發心爲念所

歸念念不去心蓋滴滴歸源也二乘不敢用相續心
菩薩能用相續心以微見法源故世諦論水河爲源
海爲委第一義諦論水海爲源河爲委盡法界是心
豈有出法界之念暫起毫髮之疑全成差別之相於
無去處而見去故於無相續處而用相續耳

不發願

眾生之妄想卽菩薩之弘願一切波羅蜜菩薩一手
持之一念不捨蓋全用食全用執著而未嘗異於一
心父母師僧一心三寶耳非一心法非師非友非一
心法非經非律非一心法非住非行非向非地非一

編行堂集

卷四十九

重

心法非解非行非持戒則此大願盡未來際不出一
心願雖廣而難竟心則約而易操也心是實相故不
名妄心是本有相故不名貪心是堅固無動之相故
不名執著

心祇一念一念具三世故曰念念念念不去心元祇
一念也過去心不可得現在心不可得未來心不可
得有過去現在未來卽無不可得者無過去現在未
來亦無不可得者菩薩於念念中無有見無無見無
可得見無不可得見此之謂一念

不發誓

願不易發發不易持以有無始習氣故以苦切之誓
持之也破戒由於身心然破戒非身心之罪持戒非
身心之功以此身心破戒則破戒不以此身心破戒
則持戒以不在此一人而此一人亦不任功亦不
任罪何也此一人亦身心亦非身心亦以亦非以亦
不以亦非不以亦持亦破亦非持非破亦佛亦眾生
亦非佛非眾生亦成亦不成亦非成非不成亦此一
人亦非此一人法華云是法非思量分別之所能及
卽不用思量分別雖然不用思量分別非思量分別
之所能及矣用思量分別亦豈思量分別之所能及

編行堂集

卷四十九

重

耶用不用且置現前思量分別卽非思量分別又豈
用不用之所能及耶

前云發一切願願孝順父母師僧此云願一切眾生
悉得成佛頭正尾正生我者父母成我者師僧以自
性清淨爲戒體則一切眾生皆有父母師僧義故發
此平等普願謂之徧一切處孝順陳平曰非魏無知
何由得進漢高帝曰若子可謂不背本矣

冒難遊行

自性清淨未嘗與四威儀相捨一念捨自性卽入惡
國界見惡國王矣此疑網所罣也疑自性平等故見

高下疑自性顯露故見深遠疑自性大慈故見師子虎狼疑自性大定故見水火風難疑自性無所有故見劫賊疑自性無礙故見毒蛇於自性清淨無一念頃疑卽無一寸許地是遊行難處當處解脫當處寂滅舉足下足無非安居其作安居見作遊行見作一切難處見結一切難處戒皆自生異見耳

乖尊卑次序

一切法有老有少有貴有賤則以之爲先後我法無之各具三世誰是少者各具三世誰是老者各具一佛性誰是賤者各具一佛性誰是貴者惟受戒之先

後爲先後則一盧舍那千百億釋迦無量衆生入菩薩道中如赤珠幢重重影現皆一味平等觀矣於無先後示有先後以尊卑而成次序亦因次序而成尊卑佛行次禮塔阿難曰是誰塔佛曰過去佛塔阿難曰是誰弟子佛曰是吾弟子阿難曰應當如是

不修福慧

識建立之本慧海交光識講說之本福田滿載如何是本問取一切行道處問取一切衆生患難亡滅處問取一切大火大水黑風羅刹一切罪報人多姪多瞋多愚癡多疾病者

揀擇受戒

疏云身形不如應揀擇業障不如應揀擇此亦揀其所可揀擇其所可擇耳若佛性種子直是無下手處出家人識得此意不拜國王不拜父母六親不敬鬼神不禮不爲分外彼菩薩法師擬向戒壇中下手纔起心時失卻兩眼

識得壞色便解法師語矣如何是壞色一切染是國人覆染顯一切真比丘覆真顯一切壞菩薩於不壞見壞於壞見不壞而各不染此法師語也雲棲辨直受菩薩戒之非但解法師語卽直受菩薩戒未爲不

可不但解法師語卽不受菩薩戒未爲不可祇是罕遇其人

爲利作師

大鑒不識一字而得法中意若依文講照冊宣正是詐現能解耳法中無意意在法中法中意者第一義有諦而第一義諦無第一義習種無性性有習種性種無性性有性種道種無性性有道種正法無性性有正法則發趣無性性有發趣長養無性性有長養不可壞無性性有不可壞其中觀行無出入而觀行出入有多少十禪支無一一禪支有十乃至百千意

活而法自活法歿則意亦歿得法中意者七遮可以現身受戒犯重比丘可以立證無生無戒可持無罪可滅無好相可見無三十心十地可歷無妙覺可成

爲惡人說戒

佛性有國王義衆生心中有佛性不可國人心中心中無國王也執塗之人問之曰汝有王否耶對曰我無王則必有不道之誅矣塗之人心中皆有王佛性義如是執塗之人自頂至踵絲分縷切求王之形似了不可得衆生有佛性義亦如是而外道邪見人遂謂衆生心中無佛性語國王曰爾所有國土若干人心皆

有爾國王則王喜爾所有國土若干人心皆無爾國王則王怒以語國土中若干人則泛泛然聽之漠然不相關若以語犯上作亂者爾所國土若干人心中國王則怒爾所國土若干人心中無國王則喜矣菩薩爲國王說佛性戒不爲未受菩薩戒者若外道惡人說義亦如是

無慚受施

無一人無一時不在國王地上行此受佛戒者所爲步步行空也起心毀戒便有腳跡來則鬼遮去則鬼掃飲國王水化爲猛火則檀越供養全成三惡道滓

矣國王地國王水一塵一滯宛然如故此空中跡從何而來空本無跡亦不受掃識此顛倒無顛倒者是賊是鬼皆在赫赫天光師子座前

不供養經典

皮血骨髓難捨能捨不必作筆墨紙觀卽有字有義全經也竹水絹素當其未書不云爲我書戒當其已書不云我爲戒書七寶箱囊當其未盛不云爲我盛經當其已盛不云我爲經盛卽空無相無願全身也菩薩於受持無受持見是名一心於供養有供養見不名如法

不化衆生

汝是畜生發菩提心畜生若無菩提心卽無可發若有菩提心又如何發不聞菩薩喚曰汝是畜生耶奚不直喚曰汝非畜生非畜生是何物是畜生又是何物不煩周折

說法不如法

法有遮有表以聽衆爲衆生相本身盧舍那無一時不堂堂示現此無見頂相也衆生不見故說以表之法師現盧舍那相聽衆現千百億釋迦相一衆生身法相體爾一一衆生身法相體爾合一衆生身爲

一身法相體爾若捨高座等一地立則無所表千釋迦從蓮華臺藏世界沒入體性虛空華光三昧不見有盧舍那不見有釋迦蓋遮義也出體性虛空華光三昧坐菩提樹於釋迦見盧舍那於聽眾見千釋迦蓋表義也宜遮而表宜表而遮謂之非時說有能爲無說無示之聽者乎卽遮表俱置一切時如法矣

非法制限

世界空國土空眾生空是三寶法空無邊三寶無量於空中取一餅空曰是彼分空不得增一分於一一餅立餅數立餅中空數曰是彼分空不得增一分蓋

白衣惡法也聲聞有制限法此是三寶數此非三寶數此得三寶此失三寶此有三寶此無三寶謂之非法制限菩薩於受無制限施無制限取攝無制限學無制限教無制限方無制限世無制限法無可制限故三寶無量割少分以爲三寶空無邊析少分以爲空空不受析三寶不受割法不受破特爲是非見所垢耳故曰心同虛空界示等虛空法證得虛空時無是無非法嗚呼非利根上智安能證耶

破法

自性清淨本來解脫千佛大戒制其不如自性清淨

者如其本來解脫而已是故以性用戒不以戒用性菩薩於一切法用而不著發菩提心不著菩提心行六波羅蜜不著六波羅蜜得阿耨多羅三藐三菩提不著阿耨多羅三藐三菩提說法不著說法度眾生不著度眾生有著卽破有取卽著此經結戒之末隨豎隨掃始終以性用戒不以戒用性蓋識主也凡結聲聞戒說濁邊過結菩薩戒說清邊過聲聞戒爲凡夫說菩薩戒並不爲聖人說未可雷同一例耳

經流通分

流通

水之爲物始於濫觴達爲江河歸則溟渤蓋有能流之力而後能通然或至於壅塞阻截而不流者亦必有能通之力而後能流也故一曰流則通一曰通則流流則通者性義通則流者教義流則通者本覺義通則流者始覺義戒之義先通而後流而仍謂之流通者非有能流則無能通所以定一尊於佛性也此佛性常住戒卷元在一切眾生心中破此微塵出此大經佛任其通而眾生始得其流眾生既得其流卽亦各任其通變化不絕眾生法爾千佛法爾盧舍那現釋迦釋迦現盧舍那無量無邊不可思議神力不

出衆生家常行履一衆生如是千百億衆生如是微塵衆生亦如是一佛如是千百億佛如是微塵佛亦如是一世界如是千百億世界如是微塵世界亦如是一法藏如是千百億法藏如是微塵法藏亦如是所謂恆河沙不可說法門略開一毛頭許而一毛頭許亦不立此通之至也一毛頭許不立而恆河沙不可說法門一切俱立此流之至也非能通則無所流而非能流則無所通一切佛一切菩薩於一切衆生所受如上心地法門品竟

因果佛性常住藏

補行堂集

卷四一

四

因果佛性常住藏疏分爲二因果卽佛性常住無可分也因果卽解脫佛性卽般若常住卽寂滅常住卽般若佛性卽解脫因果卽寂滅因果卽般若佛性卽寂滅常住卽解脫三非三一非一一切法藏悉如是

徧行堂續集十六卷

〔清〕金堡撰

清乾隆五年刻本

天津圖書館藏

徧行堂續集叙

今之談禪者欲舍置一切語言文字單提正法是已而未盡然也觀梵筴所載諸內典至與儒書之經傳等豈故爲是反覆問荅之言傳諸後世哉亦知夫末

劫人心僞妄能竊吾之似不能竊吾之真庶幾於吾言之下猶有所知倣者乎此文字之可貴也澹歸和尚舊爲武林金道隱先生晚以棄官學道節槩文章著於海內然世之求多於道隱

先生者過求多於澹歸和尚卽有知敬慕爲澹歸和尚者終不能置一道隱先生由是有高其衡論執道隱先生之文以貶剝夫澹歸和尚之文爲疑爲信總歸障礙俱未與讀夫徧行堂之

文者也徧行堂者澹公開丹霞所自名也其集若干卷授予爲序已鉅厥板行之爲言所以立言地也徧行之爲言所以立無言之旨也以此發心以此普說人天法眼安得不正三平四滿

中邊俱蜜安得不妙躋之古人
之上未有不歎生不同時之想
者而澹公老矣往年託請藏嘉
禾以丹霞遜於樂公從此長寂
門人撫其遺稿葺之仍名曰徧
行堂續集嗚呼徧行之有續集


而澹公不續矣觀嘉興以後諸
作頻提正法欲覓一箇半箇能
續徧行之續者渺不可得豈竊
竊以語言文字見於世哉毋亦
懼天下後世以言求我而我不
獲以言正之等於自了自覆於

徧行之義何居如止以文字禪
觀猶是以道隱澹歸一齊並出
不慮澹公從旁突出曰子還有
者箇在耶則續徧行之續端誰
望矣吾願天下讀徧行堂之文
當思徧行堂之人能學徧行堂

之人方許位置徧行堂之文正
法難遇邪見多嗔書此歸其門
人亟謀鋟之與丹霞山韋馱永
鎮斯集可也

康熙二十年歲次辛酉菊月中
憲大夫知韶州府廣州府事漁

陽李復修頓首拜撰



編行堂續集敘

乙丑七月哉生明余抱病閉門謝客日呻吟於一榻間無起色丹霞樂說大師遣自破上人齋徧行堂續集來視余不覺輾然喜而矍然以起也余與澹歸和尚別幾十二年其間爲順爲逆爲通爲塞爲夢寐往來爲尺書爲五七言相問訊不知其幾千百變而猶未得見和尚之前集也是余之

罪也夫得見續集如見前集矣未得見前集而得見續集如見我和尚矣樂大師致書曰徧行堂續集已成必得余序傳之無窮且曰念平昔交誼不得以他故辭嗟乎是何淡知和尚與余交之淡而以何人視余哉余何人斯雖不文又何敢默默無一語也天下儒與僧爲二道世出世間爲二法我儒以文章命世傳諸不朽主叢席者


一棒一喝提唱宗風而語言文字非所貴焉如是則茲集也又豈和尚之所重而以區區之言重和尚哉雖然儒與僧道有一致世出世間法無殊歸知其故是二是一不知其故是一是二理未常分人人自分理耳夫和尚以儒始而以僧終者也始於儒則其言奏諸郊廟達諸朝廷爲賡歌爲吁咈爲對揚天子之休而儒之事始畢終

于僧則其言出諸瓶鉢登諸語錄爲布施爲因果爲天花墜空爲頑石點頭而僧之事始畢是何彼視僧此視儒而有以輕測我和尚也哉蓋徧行堂之書乃傳世之書也當其爲儒也是以佛菩薩之心爲心者也當其爲僧也是以堯舜禹湯文武孔孟之心爲心者也故其言也皆理也皆學也皆情皆性而皆秉彝倫類之正者也其於

文則上而左史兩漢下而韓柳歐蘇之所陶寫者也其於詩則漢魏六唐兩宋之所涵泳而鎔鑄者也而又出其餘思以爲辭則豪而爲銅琵琶鐵綽板細而爲曉風殘月秦蘇辛柳不多讓焉未常有求似古人之迹未常無絕似古人之神浩浩乎落落乎如江如河如山如嶽如泉鳴谷應如風起波興如礪艸如籬英如春雲之和藹如

秋月之澄清來不知其所端去不知其所向不必分其爲始分其爲終不必分其爲儒爲僧而直以徧行堂續集視之而已矣得其意者可與讀是集至於足以感予之心而起予之病是則予一人之私而又何敢以告諸天下焉然心可以感而病可以起又豈敢以私諸予者而不告諸天下之共讀是集者歟

文林郎知來賓縣事當湖沈皞日誤



徧行堂續集

序

四

今釋字流歸別錄水邊道人杭州人俗姓金名夢字道隱家於杭州之西門外
歷官於漢有清直聲甲申中後進士第中後進士第中後進士第中後進士第
後授翰林院檢討編修清直聲甲申中後進士第中後進士第中後進士第中後進士第
乾隆二年仲冬既望丁卯西門外沈有之

刊徧行堂續集序

佛法自漢入中國興於晉而盛於唐傳至於今遞有
盛衰雖係乎法運然非仗菩提薩埵之大悲願以幹
旋其間其不爲門內外之波旬所殄滅者幾希矣且
佛法陰翊王度柳河東亦嘗言之昌黎韓公以文學
與河東並重於時獨起而力排佛老自比孟軻氏之
距楊墨然於古聖帝王精一之學未及深研自宗弗
通外禦無術徒執辨淺近之跡以逞其才華天下後
世由重其才華遂忘其膚淺凡習於排佛老者無不
以昌黎爲之標準蘇長公對方外友每自稱戒和尚

徧行堂續集

序

二

雖屬諛語却不昧宿因蓋其母夢五祖戒禪師托宿
而生爲法門之外護者也五祖戒禪師以一代法施
主悲天愍人不惜全身入俗就世間之所重吐江花
之艷揮慧劍之光以維持出世法甚而甘屈箭鋒之
機留玉帶以鎮山門其苦心類如此故東坡研理之
精微非昌黎所能比擬而心術品行亦遠出之非乘
悲願而來者能若是歟邇來法門之弊匪由外侮類
皆師蠱自食其肉踞曲景床提唱宗風逞逞混濫無
傳之旨而唯門庭名利是競入理既淺言行多乖則
自號爲光大法門者適足以貽道法之辱吾先法兄

澹歸和尚乘悲願以救時弊不出法界一眞三昧處
世間則重彝倫分誼每多忠君憂國之行出世間則
重佛祖慧命而一意孝順三寶師僧殊途同歸非一
非二不卽不離又深契於法華是法住法位之旨辯
相依法座有年見其接物利生或寬或嚴一出於眞
誠剴切未嘗稍以才華籠罩一切經營丹霞十餘載
心血全枯將請藏度嶺先以院務見委亦未嘗有纖
毫德色見於客止此皆事之微細人情所不能勉者
而求一言一行之可議了無所得至發爲詞章旨趣
筆鋒縱橫變幻而法度緊峭理致嚴正於世出世法

貫徹圓融悉歸於大公無我之域匪徒廉頑立懦誠
足位置人天嗟乎當斯末劫正法難扶非乘悲願宏
深烏能挽回人心劫運哲人遽萎其如斯世斯人何
然語有之雖無老成尚有典型是編存從上典型庶
不致殄滅若徒向文字語言中與唐宋諸大家較量
軒輊則辜負立言者一腔熱血不鮮也庚申之秋澹
兄示寂嘉禾親書遺札寄全稿還山閱今四載方克
梓成編次一依前集故名徧行堂續集云同門辱教
弟番禺今辯稽首謹述

徧行堂續集目錄

卷之一 文部說

善覆無爲說

不平平說

天下無不可爲之事說

聖學說

雪巖說

辟地說

月愛三昧說

負心說

兼山說

一切非天說

守口如餅說

敬與說

擊鐘說

高士募田說

卽病是藥說

徧行堂續集 目錄

積而能散說

順性起用說

大雅堂如幻說

貞桂堂說

正名實說

卷之二 文部序

姚嗣昭太守壽序

曲江何明府壽序

李雪巖明府壽序

代

劉煥之總戎壽序

傅竹君中丞壽序

李微京六袞壽序

陸話山明府壽序

唐潔菴八袞壽序

周文山別駕壽序

張會留長者壽序

晏迪先鍊師壽序

徐鹿公六十初度序

陳階六叅藩壽序

若干兄壽序

送徐太史赴闕序

首楞嚴直指序

幽谿別傳唐谿謚議合刻序

禮斗科儀序

重刻文昌化書序

徐圃臣曆書序

刊正正字通序

沈云凡四書便覽序

送陸孝山補官序

卷之三 文部序

王憲長仲錫詩集序

堅素堂詩集序

光宣臺集序

東塔範禪師全錄序

自牧心長老語錄序

柱史閣集序

徧行堂續集 目錄

姚水眞僧伽壽冊序

廖柴舟詩序

研鄰偶存序

陸筠修方伯文集序

過叔寅文集序

陸芳洲集序

陸曠菴集序

李赤茂集序

滋樹軒詩集序

汪氏三子詩序

沈客子詩序

李竹西詩序

施端臣詩序

陸嗣常遺詩序

徐且閑詩序

王雲外詩序

周青士詩集序

吳孟舉詩集序

沈宏畧詩集序

金子弢詩序

吳門游草序

汪子倬集序

卷之四 文部序

李侍御碧幢集序

樹德堂詩集序

濮澹軒詩序

姚彥昭詩集序

顧空山集序

姚均裳詩序

見山詩集序

荅朱望子送別詩小序

陳彥達詩序

沈友聖詩序

沈雪峯詩序

張嘉樹詩序

王子武詩序

張洮侯詩序

陸林士雜曲序

單質生詩序

徧行堂續集 目錄

三

顏修來銓部詩序

趙二火詩序

廣東通志序 代

賦役全書序 代

重修韶州府志序 代

新修曲江志序 代

新修仁化志序 代

烏程金氏家譜序 代

袁重其負母看花圖序

翁母表貞集序

表貞冊序

印確序

贈任石攻寫真序

三友傳序

尊敬錄序

卷之五 文部文 疏 記

祭都寺解虎錫公文

祭金璿海司獄文

祭棲賢石鑑和尚文 斗母殿上梁文

祭李灌溪侍御文 代 祭汪漢猗水部文

兩淮運使李玄白墓表

重修韶州府學疏 代 薦陣亡將士道場疏

檢白骨疏 重建會龍下院疏

資薦陣亡將士并一切橫死兵民疏 代

重建青雲禪院募疏 龍護園孟蘭會募疏

丹霞錢糧小引 爲老和尚慶生疏

募建正氣閣疏 爲公綸禮懺疏

觀世音菩薩梅檀像募疏

徧行堂續集

目錄

四

龍護園乞供眾米疏 重修崇福寺大殿疏

重修松老橋疏 佛報恩經講期募疏

棲賢乞供眾錢糧疏 壽聖重建大殿募疏

興福閣藏供緣募疏 重修鎮海浮圖碑記

重建東湖報本塔記 彭節母賢孝傳家記

卷之六 文部傳

蓮素道人傳 敦烈鄭公傳

故王孫雪嶠道人傳 方子春先生傳

楊二癡傳

前封文林郎青野府君封太孺人宋氏傳

金門沈君傳

宋氏附見

汪孺人小傳

汪母陳太君傳

張母陳恭人傳

查母陳太安人傳

米忠毅公傳

楊總督傳

朱息園傳

周公濟長者傳

高天奇秀才傳

金節母張孺人傳

沈節母徐孺人傳

卷之七 文部贊 傳 銘

畫佛贊

阿彌陀佛贊

四首

觀世音菩薩贊

十二首

大士羅漢贊

普賢贊

法華經塔贊

徧行堂續集

目錄

五

血書佛名經贊

達磨贊

富居士真贊

康完有真贊

祖振先像贊

黃端四像贊

公綯遺像贊

高念祖像贊

王嵩渚像贊

蔣松如像贊

沈克齋明府真贊

汪晉賢像贊

周侍廷八十翁真贊

周母華氏真贊

王 像贊

朱山立像贊

張濟宇八十翁真贊

高寓公先生像贊

姚總戎采藥圖贊

傅子雯像贊

徐壁菴小像贊

俞念依像贊

有小序

朱公是像贊

梅聖占像贊

賀客星真贊

張心宇長者真贊

張穎堅像贊

有小序

史露生真贊

張爾就真贊

金斐公真贊

端如上人真贊

徐華國真贊

三笑圖贊

陸珊瑞少年行樂圖贊

李善友真贊

吳昉公真贊

沈健翎真贊

沈坤仙真贊

趙天行真贊

姚讓水真贊

徧行堂續集

目錄

六

沈恣雪真贊

蔣 真贊

許長者真贊

陳子威真贊

吳高士真贊

李因培真贊

高太君真贊

節士李求菴真贊

隔角老人自贊

寄汪漢卿

有引

贈程達菴偈

請藏乞路費偈

重建會龍菴緣偈

示大樹蔭院王偈

示豁大藏知浴偈

示一峯輪侍者偈

示倚北辰直歲偈

示修己敬副寺偈

示超宗越侍者偈

示三一侍者偈

示致和侍者偈	示自破義監寺偈
示置荅問侍者偈	示無漏果買辦偈
示聖無化主偈	示亦汝柴頭偈
示十想足侍者偈	寄劉仲良二偈
示佛六庄頭偈	示三圓知山偈
示時出興知客偈	示真淨直侍者偈
示慧機定知眾偈	示大洲中維那偈
題片鱗巖示禪修知山偈	
李世輔字公左世弼字公右偈	
示體圓居士偈	贈巴學士二偈
徧行堂續集 目錄 七	
爲李岡齡字三垂偈	馮文龍求法名示偈
示何直用居士偈	示開源初度偈
示乘銷辭去偈	示古忠偈
示不二偈	示功亡盡居士偈
示朱仁所居士偈	示若木童子偈
示雲一童子偈	贈蕭瑞郊偈
戴雲吉五旬初度偈	爲夏山侶易字一枝偈
李節母請法名示偈	寄示程門女偈
趙山子索偈	遣告智簾侍者靈龕偈
畱別侍者偈	

楚詞四章贈巢孝廉端明	
陳彥達脩然齋銘	黃辛子二益堂銘
秘閣銘 二首	硯銘
卷之八 文部塔銘 題	
海雲西堂仞千壁禪師塔銘 有序	
一超道人墓誌銘	棲賢石鑑規禪師塔銘
官葬暴骨碑銘 代	江母朱太君墓銘
斗母閣題語	題鍾離僊
澄照堂題語	題博山無字爲阿和尚
題瞻堂老人詩卷	題仙山樓閣圖
徧行堂續集 目錄 八	
題素道人臨帖	題聖教序後
題三教論議圖	題五倫圖
題山水圖	題牧牛圖
題乾雀見蜂	題畫馬
題禾雀翻枝	題孟昉扇
澹廬道雅題詞	題澄然水雲草
題所上平南書後	題孝節集
題朱孝貞傳	題節母丘孺人傳
題胡張仲畫冊	題李孝貞傳後
題潘梅巖西廂意	題若干花月詩後

題畫馬

題畫羊

題楊公錫望雲圖

題張抱一畫二首

題陸話山家慶圖

題陸蒙菴垂釣小像

題張抱一像

題沈尚廬像

題覆千上人行樂

題徐充伯真

題陽坡種瓜圖後

題顧雲馭像

題沈君輔像

題王孺人像

題徐用王所藏冊

題匡六仙掌菴

題大雅堂

題趙雙白真冊

題友聖陋室

全真子題語

偏行堂續集

目錄

九

題莊生撒手圖

題張超然畱別圖

題顧雲臣卷有偶

題吳馨上葬母乞助卷

題萬竿烟雨卷

題張穆之真冊

題忍菴

題畫

題陳石民畫

題書法華經後

卷之九

文部題跋遺命

題紫栢尊者墨蹟後

題丹霞化碗冊後

題石鑑和尚遺墨後

題藥地和尚手蹟後

題茅鹿門先生遺墨

題所上平南啓後

題樹護堂後

題逆順風圖

題弄胡孫

題狗銜枯骨

題徐充伯所藏墨蹟

題與聶樂讀手札後

題陸陶如傳後

題李如石邑侯墨蹟後

題獨寤寐歌後

題朱望子畫寄劉煥之

題囑冊前

題福濟觀文錄後

題史露生自述詩後

跋李賢持誦般若經

黎忠愍公傳跋

劉氏族譜跋

歲寒三菴跋

徐卓崙詩跋

俞右衡雪詩跋

荆人和尚秋嚙八章跋

跋施則威史測後

書錢舜舉畫卷後

偏行堂續集

目錄

十

書楊楨山詩後

書節烈合傳後

書鄒硯菴傳後

書過氏解環後

書史隱傳後

書周芸齋血書貼黃後

書姜貞毅輓章後

書袁重其軼事後

書顧南寧傳後

書高虞邵行狀後

書沈碩人行狀後

書米忠毅公傳後

書顧雪石傳後

書徐翁軼事後

書周忠介李忠毅墨蹟後

書王石年玉筍篆金剛經後

書隱求齋頌古前

書茗理微言後

書王兩瞻先生遺像冊後

書陳鏡非雁字詩後 書陋室銘後

書李長蘅巖壑秋高圖後

遺命

卷之十 文部尺牘

上本師天然和尚 六則 與海幢阿字和尚 八則

與棲賢石鑑和尚 與鶴鳴訶衍大師

與廬山諸位大師 與樂說和尚 十一則

荅棲賢角子和尚 與澤萌大師 五則

與塵異大師 四則 與一超道友 三則

徧行堂續集

目錄

十一

與雷峯兩序 與旋菴都寺 兩則

與應物監寺 與願海

與解虎都寺 二則 與開雲監寺 三則

與非世 與祖印

與栢巖上人 與大集院王 二則

與時出 與大樹 四則

與慧石院王 荅自破監院

卷之十一 文部尺牘

上平南親王 與馮大中丞

荅新安眾護法 與傅竹君撫軍 二則

寄徐浩存方伯 與陸筠修方伯

與王仲錫臬司 五則 荅陳階六叅藩

與戴怡濤憲副 四則 與曹秋岳侍郎

與查王望給諫 與戚朗園給諫

與黃伯和內翰 荅李研齋內翰

與徐健菴太史 與陳長卿太史 四則

與公綯兄 二則 與黃端四內史 二則

與汪漢翀水部 二則 與吳孟舉中翰

與張鶴亭中翰 二則 與史庸菴太守

與李謙菴太守 二則 與陸孝山太守 二則

徧行堂續集

目錄

十二

與姚嗣昭太守 二則 與魯謙齋太守

與朱葵石太守 二則 荅涂英伯郡丞

與池儀伯別駕 與周文山別駕

荅朱天然州守 與何鳴玉明府 二則

與李雪巖明府 與余天木明府

與丘貞臣明府 二則 與蕭簡菴明府

與范震遠明府 與朱廉哉明府 四則

卷之十二 文部尺牘

與劉煥之總戎 八則 與蕭柔以叅戎

與鄭魯城廣文 與方大林廣文

與朱弘遠司獄

與錢爾斐孝廉

荅巢端明孝廉

與鄭野臣舊友

與沈存西老友

與劉漢臣舊友

與沈融谷舊友

與若干兄

與唐潔菴老友

與周問公文學

與丘函五文學

與陳伯恭諸文學

荅沈仲方文學

荅沈尚廬文學

荅陸平仲文學

與周濤岳文學

與汪子倬文學

荅蔡非我文學

與沈班叔居士

荅王梅符居士

與陸亦樵處士

荅孫擎之居士

與姜奉世居士

與徐鹿公隱君

與吳瓶菴長者

荅汪元隱居士

寄荅唐若營居士

荅汪周士晉賢昆仲

與汪晉賢文學

荅金舞兩文學

荅陸曠菴文學

與周青十文學

荅程唐侯文學

與孔儀大姪

畱示孔儀

與陳伯恭帝咨昆仲

卷之十三

詩部五古

七古

送方伊蔚

南韶雜詩

四十一首

寄別漢臣

寄別徐浩存方伯

病中卽事

記舒公語

文趾許中翰論治

嘉禾郡城講會

赴陸話山明府茶集

訓項長孺

訓徐子慶

贈袁廣文實齋

同俞鹿牀諸子伴青

曹遠思茶集卽事

黃葉村莊茶集

語溪畱別次桂

次韻荅孫熊襄

訪新安吳餅菴卽事

東徐鹿公潘霞山

霞山饋藥

荅汪元隱

訓陸曠菴

荅張洮侯

荅沈友聖和阮詠懷

閱松江府志

畱別顧介石給諫

謝陸筠修過訪南園

題恬冷翁真

謝陳長卿諸公

池儀伯重游丹霞

荅海幢寄懷

春雨歎

孟夏

荅贈廖柴舟

送彭玉翰移鎮惠陽

殺星歌

采藥山人歌

莫愁歌

次韻荅王岫青

陸園

贈張伯宣

訓陸曠菴

廬山行

謝舞兩見胎

草庭歌

訓李瀟月長歌

贈于甘山

米貴歎

訓俞右吉

訓朱山立

天寧寺千佛閣災

裘杼樓藏書歌

卷之十四

詩部七古

五律 七律

訓念峯居士姪長歌

梅涇老叟歌

贈王劍如

寄東王農山

贈周應舉

諸勿齋過訪

贈沈健翎

南園口號十八首

徧行堂續集

目錄

五

送記汝還雷峯

次韻海幢被劫三首

悼雷須子

生曬茶

寄懷劉煥之

畱別尚羽階三首

寄別李韶州謙菴

度梅關

與樂說辭弟別

軍需船

停舟西昌

過樟樹

七夕抵南昌

候孟昉

悼黎先生博菴

喜晤余靈巖別駕

齋燈公話舊

悼棲賢石鑑覲兄四首

談卜居匡嶽

悼朱隱君燕西

宿龍王閣

倫太守遣令子相邀

祁陽湖

左蠡民

愁鬼

落星堆

乘夜出湖口

馬當

東流

皖口

望青溪塔

蕪湖

夜起對月

度楊子江

菱荳

覆舟

贈朱子葆

次韻訓李明遠

賣書

葵石爲予乞供

徧行堂續集

目錄

五

孝山自當湖來會

采臣見招二首

次韻訓王寅旭

升初索書

贈陸右韋

赴沈季輪茶集

悼趙帆青

喜若千兄來看三首

贈陳孝廉子木

贈王方伯言遠三首

除夕寄周青士

示姪係正漢二首

次韻訓王次張

次韻訓徐阜崙

李子喬來訪

題城南書屋四首

次韻訓梅靖菴

次韻訓王千里

贈周芸齋

贈龔研石

寄史庸菴 三首

次韻訓顧伊人 二首

和高寓公哀歎節詩

次韻訓徐松之

送米太守北上 二首

秋岳澹軒過半塘 二首

瞿壽明過訪 二首

用韻答秋岳茶集 二首

次韻訓陳蒞菴 三首

次韻訓陳彥達 四首

次韻訓沈騶士 三首

送似石汝公歸瓊州

人日

開燈夕

雨

雨窗小坐

送一拍雙公之雷峯

與伊蔚談劉中丞往事

贈劉子安

任崧翰憲副茶話

徧行堂續集

目錄

七

贈李謙菴太守

姚太守遠訪 三首

挽開先山鳴和尚

子圭秋捷

陳崑圃秋捷

喜祖秀庭入山

送周庸夫之仙城

海雲聞慧後堂遠訪

寄謝公綯 二首

賀王呈祥郡丞

徐英伯過訪

傅竹君招晤相江

相江舟中值營城

壽周逸人

張貞元六十初度

得文山韶陽寄東

秦六御董小宇過訪

贈范寔遠明府

送朱蜚英之稔城

贈郭公玉總戎

挽旋菴湛都寺

賀澤萌過西堂秉拂

賀塵巽但侍元秉拂

李我玉過訪舟中

立春日

葛子上送馬燈

陳子喆送水仙

張雲山過訪

送壽峯司寇之粵西

蕭子韶少參來遊 二首

寄荅庸菴見懷

寄別龔升璠歸毘陵

送馮再來司寇還朝

畱別鑑湖

畱別貞元

安南將軍過訪龍護

楊若雷七秩初度

畱寄竹君中丞 二首

朱鬱林書至題寄

寄周孝思兵憲

徧行堂續集

目錄

八

寄賀侯公言提督

送豁大知浴之平遠

龍王閣夜坐贈倫太守

戲柬訶衍摩兄

龍江舟中對月

中秋風雨旋止見月

舟次嘉禾秋岳過訪

朱葵日太守過訪

訓陸亦樵遠訪 二首

再次請藏韻

東彭雲客太史

贈陸筠修方伯

雨中梅格過存

卷之十五 詩部七律

陸鶴田侍御垂訪

重到北寺東陸芳洲

俞君山孝廉過訪

鮑聲來以遊紀相示

喜李竹西孝廉違訪

謝曹秋岳侍郎

次韻謝沈客子

次韻謝陸平仲

次韻謝徐又儒

贈過叔寅

贈施抑菴中翰

陸永錫過訪

次韻謝沈聲陶

汪母傳成東子倬

朗如來訪

次韻謝馮石良

次韻謝獨榕禪師

陸石年內翰過訪

友聲以懷古詩見示

謝陸仲孫

陸古璣郊居茶集

次韻答屠我法

次韻謝可登菴王

示叔雲

循行堂續集 目錄

五

程唐侯來訪

尚廬見招東湖泛雪

松風臺

寄融谷

示孔儀姪

次韻謝陳天旂

贈舊同門徐橫秋

訪項眉雪

宿武塘蔣孚九宅

東錢爾斐孝廉

贈吳非菴

寄李子喬

題謝孟高葵日

謝林文未

贈鍾舒問

次韻謝陳堯夫

應華國索題小影

寄贈湛公居士弟

沈參辰見招

喜曹遠思來訪

次韻謝沈宏畧

贈項子聚

贈徐淵中

次韻答高文山

宿梅菴東嶠亭中翰

贈查王望給諫

過涉園悼張給事

訓查聲山雪中過訪

題張咸尚玉照堂

贈曹中陝

贈別張顥侯北歸

題王望如圖

宿桐溪草堂

訓俞犀月

贈俞鹿牀

訪吳可黃干語溪

吳孟舉過訪

題寄胡星來

留贈以階上人

訓若千兄贈別

循行堂續集 目錄

五

次韻謝鍾湘濤

和晉賢草堂卽事

次韻謝潘梅巖

次韻謝陸宙肩

次韻謝褚芳型

次韻謝徐昭千

徐充伯過訪壽聖

贈李灌溪侍御

張穎堅見招

訓文與也見贈

喜晤徐健菴太史

訓錢飲光見懷

訓贈周牧寧

栢巖招集寓菴

次韻謝朱望子

重晤米三岳太守

次韻謝徐鹿公

姚均棠過訪

次韻謝丁蕞菴

寄昆陵鄭素居

追次婦菴韻贈念祖

賀天士來訪

題雪灘釣叟冊

興福禪院茶集

次韻訓張超然

林天友別駕茶集半塘

張穎堅攜蔬共話

十五日雨

若千過半塘夜話

寄東姜奉世

贈程子敷

度夏棟石草堂

壽魏和公

次韻訓方望子

次韻訓張六子

荅徐用王

九日

和翁季霖述懷二首

次韻荅王石年

樹根天然座貽餅菴

備行堂續集

目錄

三

次韻訓陸陶如

訓子車居士姪

贈路蘇生

桐城句容三廣文過訪

去吳門三首

贈瞿端叔

次韻畱別濮澹軒

次韻贈汪元隱送別

訓別文與也二首

題羅漢

訓別樹南祚公

訓別周芸齋二首

孝山過訪半塘

贈徐鹿公二首

重晤董蒼水二首

贈趙尊客

謝楚畹過寓脰脰

贈張帶三吏部

董始律自九峯來訪

題張青瑊職方詩字

許鶴沙憲長過訪

贈吳孝廉含文

訪顧介石不值卻寄

次韻訓王農山侍御

疊前韻贈王子武

重訓子武次韻見贈

陸蘭陔憲副過訪

訪唐興公水部

慨然有贈

次韻訓沈孟檀二首

用韻訓席書樵

至前一夕燈下

至日

遣病

訓張帶三寒夜見懷

謝單孝求

過白燕精舍懷狷菴

東黃辛子

慈安鄉道者壽

王聖時來訪

備行堂續集

目錄

三

次韻訓黃在川

東秋岳瀛山二首

次韻訓姚讓水二首

次韻訓周我匏

乞書有引二首

次韻畱別帶三

東魯謙齋太守二首

贈徐安士

畱別雲間諸公二首

次韻畱別農山侍御

畱別自牧心長老

畱別魯謙齋太守

次韻訓蒼水贈別

寄壽涂英伯郡丞

陸鶴田昆玉過訪

話山饋藥資

東沈尚廬

東陸曠菴

贈李辰山

荅李竹西慰畱

卷之十六

詩部五七排

六七絕

詩餘

次韻荅朱肇修明府

寄懷劉煥之協鎮

贈王仲錫憲副

賀徐浩存方伯

次伊蔚讀四浙客詩

壽池儀伯別駕

感時寄懷孝山

鄱陽湖阻風

小孤山

贈陸林士

赴仍韜茶集

贈西蜀余生生齋

次楊震百感懷

閱吳船錄漫題

賀公綯敘功

贈班侍讀

挽李灌溪侍御

卜飲約見貽

徧行堂續集

目錄

重

辟塵招同橫秋守歲

次侍者寒雨夜坐

次韻訓伊蔚

悼曉閣

壽方文木

安南舒公餉松子仁

荅李謙菴太守

文趾饋米

贈馬曉山

次韻訓陸匡山

題歸去來贈陸介菴

贈沈子政

顧遂韓六十初度

贈陸聞百

次韻道雅題詞

張豐城供畫觀世音

荅王梅符

雪

東沈苞菴

次孟舉種菜詩

再疊前韻

題一竹齋

挽徐初鄰

題端如上人詩冊

題張穎堅盆荷

送別戴千巒使君

訓徐用王

寄懷炯如上人

題壽冊

題思嗜軒畫聚冊

題袁重其真

訓別朱望子

送吳瑤如太守北上

袁重其索贈鈕南六

董平子過訪

贈寄浮老宿

減字木蘭花

思佳客

虞美人

玉樓春

徧行堂續集

目錄

重

踏莎行

臨江仙

蝶戀花

行香子

暮山溪

滿江紅

滿庭芳

百字令

水龍吟

永遇樂

一萼紅

疎影

沁園春

大聖樂

邁陂塘

金明池

徧行堂續集文之一

丹霞今釋澹歸 造

侍者 古止 傳湧

編

說部

善覆無爲說示黃碧生太守

一切有爲法如夢幻泡影如露亦如電應作如是觀
盡大地是有爲法更向何處覓無爲法盡大地是無
爲法更向何處覓有爲法一切賢聖皆以無爲法而
有差別纔見無爲法卽落差別纔見差別卽落無爲
法見者不知知者不見有則俱有無不更無文殊師

徧行堂續集

卷一

二

利於涅槃會上告純陀言汝今當觀諸行性相如是
觀行具空三昧純陀文殊師利不應說如來同於
有爲應說如來同於無爲文殊師利讚純陀言汝今
善覆如來有爲之相老僧道純陀善覆有爲文殊善
覆無爲要覆有爲卽易要覆無爲卽難直饒道如是
觀行具空三昧早已不善覆無爲了也更道如來同
於無爲寧堪齒錄釋迦老子不識好惡卽證純陀文
殊便道汝作是知佛所悅可掘箇深坑一齊陷煞純
陀答言如來非獨悅可於我亦復悅可一切衆生敗
將投王不存性命文殊更道如來於汝及以我等一

徧行堂續集

卷一

三

說部

切衆生皆悉悅可金錢愧心純陀乃云汝不應言如
來悅可夫悅可者則是倒想且喜善覆無爲恰好落
在文殊窩裏所以正說有爲不表無爲正說無爲不
表有爲何以故有爲無爲同時遮故正說無爲不遮
有爲正說有爲不遮無爲何以故有爲無爲同時表
故見者不知知者不見有則俱有無不更無碧生黃
子醉心於金剛般若寄聲丹霞導以數言爲引六如
偈示意借婆叻子拜婆年卽且置祇如金剛云無我
相人相衆生相壽者相無我見人見衆生見壽者見
是兩層語落在純陀窩裏我相人相衆生相壽者相
卽非我相人相衆生相壽者相我見人見衆生見壽
者見卽非我見人見衆生見壽者見是一層語落在
文殊窩裏一切有爲法如夢幻泡影如露亦如電應
作如是觀早已不善覆無爲了也卻如何與碧生道
箇不落底句碧生不寄聲時正自妙絕爭奈不知碧
生不知時更自妙絕

不平平說贈傅子奇

戊午長夏與傅子子奇遇於凌江讀其詩文歎其才
之美惜其年逾強仕未售於世傅子故有歷落不能
平者豈非不才而富貴才而貧賤未能無動於中則

未嘗無意於富貴也。傅子水邊居後序曰：余性孤，不喜見富貴人，親戚稍富貴，卽懶與往來。出入富貴之門者，尤拒勿與言。故半世交遊，惟方外爲差廣。而居處亦往往託跡僧舍。若是，則傅子未嘗有意於富貴也。若是，則不才而富貴，才而貧賤，非傅子所宜不平也。若是，則惜傅子之不售，而疑其歷落不能平予未爲知傅子也。雖然，讀書應舉，豈欲求貧賤不求貧賤，又不喜見富貴，非人情之常，不見富貴而得富貴，亦非人事之順。予少年羣博，屢得勝米，籌滿其前，心忽自念：此已多矣，敗色卽至，盡失其籌，乃已。夫博舍

之籌，無情之物，一念多之，則去之如流水。孔方先生細腰女子朱衣之首，青蟲之皮，鬼神君相操其予奪，以奔走今古。傅子不愛之，敬之，又不喜見之，彼復何所爲而予傅子以取厭薄？則傅子雖以得失爲不平，彼之予奪，故因傅子之喜怒而平矣。傅子喜交方外，方外貧賤數也。日談人，卽人至夜談鬼，卽鬼至交遊喜貧賤，卽貧賤至。亡足怪者。方外所營，僅二時粥飯，不托鉢，則人不與，或有不托鉢而與者，必以爲有緣。一食無多，亦必愛粥飯，敬粥飯，而後戢志於托鉢。或有見粥飯而厭且薄之，則其人病必甚矣。非然，則將

病矣。非然，則終其身爲薄福而艱食者矣。方內之富貴，方外之粥飯，何以異？然則傅子無口，我能親方外而疏富貴人。傅子所以讀書應舉，本不爲求貧賤，則於鬼神君相所操，以奔走今古者，愛之敬之，而後與其本念相符也。使傅子掇巍科，登天府，一旦富貴，必不辭復有親戚如傅子者，不喜見傅子。傅子必不屢踵門而求見，更有出入於傅子之門者。傅子必聽其出入，樂與之言，而不之拒。傅子亦必不能棄公朝，毀公署，託於蕭寺，與一衲孤燈相對，而報政則傅子所喜，所不喜皆爲境轉，不與其本念相符。傅子非不喜

富貴，特以不才而富貴，才而貧賤，爲不平。天下之人，富貴者少，貧賤者多。才者少，不才者多。富貴者一時才者，千百世千百世者少。一時者多，傅子旣得其最少者，不私幸甚，而以才而貧賤爲介，介則傅子視才太輕，視富貴太重。卽所謂不喜見富貴者，又與其本念不相符也。置富貴於此，傅子若以人得之，而不喜，必有已得之，而乃喜者，未得富貴而喜，交方外必有得富貴而不喜，交方外者，則方外與富貴之人，祇以供傅子一念之喜怒，皆與本念不相符也。吾非與傅子辯，且使傅子展轉推窮，得其本念，則一切不平無

不平者事之最不平乞兒到門殘杯冷炙而止奉貴客窮水陸徵歌選介候揖之上坐惟恐不得當也揖乞兒於上坐以殘杯冷炙奉貴客名曰顛倒秉權席勢有所挾持納以千萬計時日惴惴不敢後一介之士投刺或不得見見而賜以府金十數輒有德色至不平之事生於至平之理客有持佳紙屬予書爲具佳筆墨其惡者不擇而應之或疑分別予曰此彼佳彼惡所自爲報地予何與焉紙與筆墨三無分別人心爲之分別若有一定不可易者佳以還佳惡以還惡見爲分別當當者緣耳惡紙得佳筆墨不才而富

貴佳紙而惡筆墨才而貧賤見爲分別不當不當亦緣耳筆墨自惡紙元自佳筆墨自佳紙元自惡亦有以佳筆墨書佳紙而字不佳以惡筆墨書惡紙而字佳復有一一俱佳而不傳一一俱不佳而傳者適然相遭而有當緣不當之緣緣自當不當吾非當不當分別從緣緣不從分別今以分別爲不當而欲當之又以當不當爲不齊而欲齊之卽以齊當不當爲不平而欲平之至平之理消於至不平之心故曰以不齊齊不齊齊乃不齊以不平平不平不平乃平此達人所爲視如幻行如夢聽如響趨如陽燄攬如空華

涉境忘心而無復繫情於一物者歟

天下無不可爲之事說

徧行道者讀宣明倫使君康言掄卷而歎曰嗚呼天下豈有不可爲之事哉顧力行何如耳世之君子當行未行輒云量力力豈可量哉既量矣當行不行輒云力不及力豈有不及哉一諉之地再諉之時於是天下無可爲之事并無能爲之人矣南康于江右爲下郡土瘠而民貧使君自通守假符及眞拜歲海饑大盜蠭起至破郡城盤踞屬邑援剿兵四集供億日不暇給此以不可爲之地逢不可爲之時者也使君

出方畧散其黨職厥渠魁生全此一方氓凡賑荒修學築紫陽隄新公署土木無不興金穀之數無日不出蓋舉羸在新詘之時于故詘之地使君曰驚巢未復果腹無從予以是衣食之招來奠安之耳李及守邊建百尺浮圖蜚語達禁中眞宗遣按之曰講和無備臣以登塔爲望樓也范仲淹治杭歲大祲下令僧寺各効莊嚴躬爲倡率富者出財貧者得食其力四境晏然物議沸騰不之恤然則非圓機之士不可與談力行使君於所力行一不謀諸上官事成報聞而已惟白鹿書院乃有申請蓋其職在學使者不可以

侵官而失讓善之禮也江右漕皆自南而北南康溯流至洪自北而南兌運赴通復自南而北使君倅郡督漕殆別白言之上官聽其議數百年來數有賢守無一人中其窳繁其撫剿修江斷自獨見不請客兵以滋擾皆通識所照明能生瞻故言之辯行之敏瞻復生明故行可法言可述嗚呼天下豈有不可爲之地不可爲之時哉彼見義不爲既諉之力至於力無可諉或曰吾幾欲爲之上官不吾與也此之謂不誠使君積其誠發其識應機以竭其力事無齟齬而難成者上官亦未嘗扞格而難入然則天下無不可爲

之事亦豈有不可與共事之人哉予故以治郡若倫使君可風也爲作此說以告天下後世之司牧者

聖學說爲劉子安贈別

治道之汗隆繫於學術之邪正是故取舍之極不可以不定也古之學一言以蔽之曰明明德於天下而已明德者己與物之所共有也己不能明無以成己物不能明無以成物蓋以相成爲業伊尹曰以先知覺後知以先覺覺後覺己不以獨明爲功物雖至愚不肖其知覺與聖人同同明未明非無知覺同明已明非別有知覺此直同行而僅後耳不可藐其後而曰

爲不同行故曰誠者非自成己而已所以成物也夫成己者知也而謂之仁蓋不成己則失成物之用卽加之不以不仁之罪而無可辭成物仁也而謂之知蓋不成物則失成己之體卽加以不知之罪而無可辭知與仁同出而異名皆吾性本有之德內而已外而物成己而聖成物而王卽吾性本無不合之道時而措之無不得其宜知之盡仁之至明之極矣若乃時至而不能措措而不得其宜則必有物以蔽之也古之明明德於天下約之國國約之家家家約之身身之心心之意意之知每進愈約每約愈進致知在格物

豈從事於外哉鏡至明也垢之則不明日月至明也爲煙雲塵霧之所障則不明水至明也不清則不明火至明也空則明孔子曰吾有知乎哉無知也有鄙夫問於我空空如也我叩其兩端而竭焉聖人虛中而無物故能合至明之體以發其全用始於空空終於空空今所爲物者中人以下物於嗜欲中人以上物於意見物於意見者世所號爲君子物於嗜欲世所號爲小人及其措諸天下各失其宜同歸於亂則君子之害無以異於小人是尚可以不格耶格之也者克之也克之也者化之也格之盡則物盡矣物盡

則知至而善至德至亦道至修其德行其道還其至善得究竟地而世之學者未之或知取舍之極不定發軔一誤懸車難挽此非後覺者之過而先覺之過也譬之已升四達之衢聽人之膠葛於荆棘坎窞不引手而令之出則於心宜有所不安也孔子嘗以身爲之則矣十五志學學非止至善耶志非以其所知決其所行者耶立也者有定也不惑靜也知天命則安矣耳順故能慮從心所欲不踰矩是爲真得蓋時而措之各得其宜取道於性之本明而有餘非從事於外也格物而後能成物猶之乎克己而後能成己

天下之物莫大乎己惟有己故殉嗜欲惟有己故執意見天下之己莫大乎物物莫不有己故各殉嗜欲己莫不有物故各執意見然則格物者克我之己己之物盡而明明德於一身者至矣格物之己物之物盡而明明德於天下者至矣嗚呼大賢以下有物則無知大賢以上有知卽有物自非適還其空空之初深造於無知之域豈足語格致之理哉子安劉大夫於乙卯初夏奉尊人中丞公靈車北歸中丞與予相切劘於白性之學者也予得數見子安天資惠敏器量淳大得中丞公體仁用知之遺行將服闋登皇路

以對揚休命有治天下之責焉治天下而不本諸學術雖爲君子亦足以亂天下故弼君德弘相業不可不刳心於格物乃爲推明聖學之淵源欲子安定取舍之極一以貫之始終不離於白性亦助貧者贈言之義藉手以報中丞公願子安擴克其家學云

雪巖說爲李仁化壽序

出世二十有六年住丹霞十四年而得一清白吏若是乎清白吏之少且難歟曰自古而少且難之矣儒者親民之宗推本於中都相不專以清白著清白聖心常然耳仲由爲蒲言偃爲武城宓不齊巫馬期爲

單父亦不專以清白著清白賢人之心之常然耳世衰道微始貴有清白吏以少且難爲貴蓋人心之變也吾法有與取有不與取不與而取謂之盜吏惟與取爲其取而後與不與則鞭撻隨之卽與取非與取楊震曰天知地知子知我知以四知不成暮夜今日萬民知上官知以六知而成白晝觀察使宴客攝民引舟何易于腰笏自引之曰方春民疾耕不暇令閒宜代觀察使與客棄舟策馬而去今者幸有力役上下啜汁相視而笑古之人梁懸魚圃瘞鹿今朝夕所須諸里正飲民賄賂之讒而食其慝乃者泰安李公

雪巖來仁化盡革敝政茹冰嚙藥讀書啖黃蘗風味
猶故民爭目之曰清白吏清白之吏蘇刻自處見事
風生公本之惇大田疇鱗如市應翼如入其境如未
始有吏者公未始以清白自著此儒者親民之宗也
予昔守臨清兵巡使者丘公語予屬邑令史能仁治
行絕異當是時山東赤地數千里其所治獨有秋五
色甘露降其庭樹夫以一人能使數千里害氣不敢
犯轉災爲祥則以造命屬之君相非矣造命或一家
或一國或一天下權位有廣狹心力無高卑法華云
衆生見劫盡大火所燒時我此土安隱非雪巖卽雪

巖義也丹霞之山有雪巖焉予嘗私取以自託雪非
巖體而巖有雪名物之質至清色之至白莫過乎雪
稟氣之至寒被於下土螟蝗不作麥禾大有人之心
五欲爲其螟蝗百行爲其麥禾此非至寒無由還其
本來之至淨卽羣趨於熟爛故況之以火宅文殊師
利爲諸佛不動智自然智無師智究竟至於一切智
居清涼之山拔衆生於火宅與以清涼清涼之山不
出於火宅公未蒞仁化泰安有雪巖予已住丹霞卽
武林有雪巖及其下車而丹霞之雪巖與泰安成一
合相卽武林之雪巖求一合相不可得非清涼之山

卽清涼之山義也一切人心無不有清涼之山仁化
之人之清涼在雪巖懷抱雪巖之清涼在宦海風波
酬酢奔走於百孔千瘡狐鼠豺狼之所縱橫嘖險
踰火宅公以一心之雪巖散爲一邑之清涼之山不
出宦海風波之內非此土安隱卽此土安隱義也予
託公此土安隱中見此土安隱之義順民情而目爲
清白吏公不專以清白自著亦曰清白公之心之常
然耳常然者無造之命爲一心有命而待造爲一切
心而一切造皆歸於無造無雜無壞至大至久非稱
壽卽稱壽義也

辟地說

聞諸仲尼賢者辟世其次辟地其次辟色其次辟言
故曰作者七人矣有辟色辟言而不必辟地者有辟
地而不待辟色辟言者若夫辟色辟言而必至於辟
地則宦海爲多幾有遲速之殊遇有隱顯之別勢有
夷險之分則先擇後辟先辟後擇其事亦有所不可
已也歲丁巳春或傳通府池公量移海南知崖州者
予未之信謂公有賢聲久需次且奉加級例不應平
轉未幾僧從郡城歸具言公治行有日子曰此非遷
官蓋辟地也公判韶餘十年潔修慈令得士民歡心

一攝仁化再攝樂昌明德備其然孤立行一意所聞
僚友皆落落寡合其可羅雀也公亦有廉吏可爲
而不可爲之歎度無以通要路結殷勤取殊擢卽不
復以屬府爲卑渡海爲遠豈其有所擇而爲之闕可
辟之塗以待辟者之自擇古或見廣今爲見狹以言
則鮮正誼之謀以色則鮮善氣之養以地則鮮樂土
之卜先擇後辟先辟後擇皆不能辭遠而諱卑其當
大易乾之上九耶夫貴而無位卽以無位爲貴高而
無民卽以無民爲高賢人在下位而無輔卽以無輔
爲賢動而有悔亦卽以有悔爲動蓋乾動而之夬也

夬決也剛決柔也剛不可長化而爲柔以聽剛之決
已亦乘其決而去之是故礮然遐舉以示神龍之變
化亢其位也悔其時也動其用也用所以善吾亢也
而或以有悔爲忌動爲尤豈非知進而不知退知存
而不知亡知得而不知喪者耶夫乾龍德也六爻之
動龍德之用也德莫大乎用莫大乎柔首者諸陽
之會而剛之極也用九者每變而之柔柔不見剛龍
不見首然則動而有悔其柔之至深用之至密者耶
是行也公不以屬府爲卑渡海爲遠先擇後辟先辟
後擇事無定而定於事之不可已不妨遮辟地之實

而表遷官之名卽辟世之道思過半矣予乃遮遷官
之名而表辟地之實其猶有亢之相動與悔之見也
夫

月愛三昧說

慈悲喜捨四無量心佛嘗以一慈攝之菩薩卽能以
上樂等與上怨得名爲慈不名大慈蓋以分別未盡
成之甚難也昔阿闍世王身造七遮之二者婆勒令
見佛猶豫未果頻婆娑羅出聲空中而切諭之爾時
佛入月愛三昧放光襲體惡瘡立愈生決定心頻婆
娑羅忘其子之爲逆更爲善友故是愛子之習惟佛

無習是故菩薩修慈得極愛一子之地行在無緣大
哉慈乎予法弟樂說大師天懷和易見人有善如己
有得見人有不善如己有失所爲諄諄教諫務盡誠
懇一出於愛人之至惟恐傷其情人卽不悛勤求方
便無少退息其密行如是予性褊激不能容物亦嘗
學爲容而不能容之習輒發之俄頃不能容者旣已
成怨容者亦復生疑怨有怨其不慈疑者疑其不捨
此予之過非人之過也卽深入最上乘禪博綜經律
融洽無礙天然老人鄭里付託在大衆中澹然無所
崖異而卽之者必親親之者必信豈非自處處人表

裏洞達無一毫髮之可疑故耶月之爲體能使衆生熱惱一切清涼日有時而得畏月無時而失愛何也月雖至明未嘗以赫赫之威使人增畏師具大知見而泯其知見具大作用而泯其作用自名其堂曰月愛蓋欲入佛三昧得菩薩極愛一子之地故以一慈攝四無量心以四無量心行六波羅蜜六波羅蜜能與衆生壽四無量心卽自性壽六波羅蜜則其用四無量心則其體與衆生壽爲因自性壽爲果慈與捨互爲體互爲用互爲因互爲果則極愛一子地與空平等地亦同一攝亦同一行然則菩薩能以上樂等

與上怨而不得名大慈者分別未盡則一毫髮有未捨未捨則不慈一毫髮有未慈未慈則未捨捨中無習慈中無緣得空平等地者不見有怨親中人乃至不見陰界諸人衆生壽命彼頻婆娑羅以一子爲一子猶謂之未忘怨未忘親宜大慈之名非入月愛者未易稱可耳今歲在丁巳仲春十有九日爲觀世音菩薩示生之辰卽師示生爲楔是說相慶一慈攝四無量一捨亦攝四無量一悲復攝四無量則可以一喜更攝四無量予且奉師密行以爲模楷不敢雁行相畜其一切衆生喜見菩薩乎

負心說贈虞紹遠

世有求不負心而不可得者吾未聞其語而見其人則澹歸是也澹歸初爲全道隱時娶於方其外母出自虞氏虞之兄有立蒸翁與道隱厚復爲其子李憲結兒女親道隱長子世錦其愛婿也道隱故寒士丙子登賢書卽丐公車之資於立蒸庚辰成進士京邸百費復取給焉旣筮仕不能脂膏自潤居鄉亦不問家人產于是所貸積千餘金鼎革之際道隱執不仕之義屬有私憾於二家者稱道隱舉兵誣李憲助餉李憲幾死獄戶事雖白而家已破道隱轉徙閩粵江

楚從永曆庚寅撥大禍亦幾死獄戶道隱自念棄祖宗墳墓棄兄弟棄妻子間關故國一無所成而受盜賊惡人極刑倘萬一有生卽以殘骸供三寶耳俄得編成清浪衛抵桂林路阻乃削髮爲僧至廣州參天然和尚康熙壬寅開丹霞戊午請藏嘉興距乙酉去故里三十四年虞子紹遠來見蓋立蒸之孫李憲之子也貧甚殆不能糊口持舊券五紙計七百金見還予語紹遠子稍能自活吾以子高誼迴向福田可不置謝今子或不能自活吾豈能卽安憶吾當年詔獄瀕死發願出家尚不顧祖宗墳墓兄弟妻子何暇計

及所負之債吾義不惜法門爲負債地然以三寶物償俗通破盜戒與者有罪受者不祥惟衣鉢所餘爲己物庶幾無礙吾性不喜畜積子然一身四顧無可償者卽應還俗更營生計吾今年已六十五持金道隱舊衙出不可援投誠之例得官故鄉無一椽田無一畝無本領爲商無力傭工則還俗亦未能償卽不應還俗以吾數十年修行一言一行之善可迴向者悉以迴向虞氏祖孫父子福田吾佛祖龍天所共證明但恐世人不易信耳紹遠食貧而能見諒不欲失三世交情且信有迴向功德之理卽此一念具足清

淨解脫之因成就福德智慧之果更無毫髮可疑吾若因此置紹遠於無事甲中義亦不能卽安但空鉢之傾倒衰年之拮据落日停車寸絲絞水聊盡吾心不如紹遠自性清淨解脫攪長河爲酥酪變大地作黃金展臂無難操契而取之直截簡易耳嗚呼人豈有求負心者至于求不負心而不可得在澹歸籌度已窮卽金道隱亦豈夢想所到況立蒸翁與季憲當時綢繆之雅無不期保百年龜爲卜策爲著又豈豫知有今日哉雖然吾於紹遠實滋愧矣因撥筆而爲之記後之攬者或有感於國破家亡死心學道無兩

全之勢而有獨屈之情如此也

兼山說爲查勉齋給諫題額

民其背不獲其身行其庭不見其人止而獲身如睡被魔行而見人如背生暈止不見行行不見止不見止行不見行一見卽離名曰出位查子勉齋時行則行時止則止小築如圃非以爲高前無推者後無挽者中無住者故未嘗動而未嘗有不動此兼山之體也殊塗百慮不妨錦上鋪花一致同歸切忌眼中著屑

一切非天說題徐節母李太君誌傳後

天下無不可自主命無不可造心力有強弱而從違異應一切非天觀於慈節徐母李太君益信當鎮南公之歿太君召族黨釀酒而誓假我四十年必爲夫子葬父母以全子道鞠子以全父道育諸孫以全祖道其後無一言不讐者太君自造其命以造徐氏兩世之命立取於一時數語定耳或謂君相造命一切人皆可造命何必君相哉雖然同一命也李太君造王太君疑於不造何也吾法一受菩薩心地戒再發願又再發誓王太君譬之受戒而未發願與誓者李太君既受戒更發願與誓則心力之強弱分矣同一

心也發不發強與弱復從乎緣王太君一爲未亡人守身則守正撫孤則撫耳涉緣不深見其事亦不甚重李太君爲未亡人女爲未亡人婦已而身爲未亡人父早夭舅早夭夫早夭視人生之至脆家道至危涉緣既深見其事至重則所發之心至強同一強割股露禱不得於其夫一時數語而得於其身與其子若孫何也鎮南公之死業已定太君之子孫生業未定也且其夫未夭所涉之緣亦未盡既天矣此十月遺孤復何有生愈脆家愈危則事愈重心愈發而愈強愈強愈發故曰法不孤起從緣而起同一緣也又

觀乎其根下根者緣強而心弱緣弱心亦弱中根者緣強則心弱緣弱而心強上根者緣弱而心強緣強則心更強根亦王太君所同緣則李太君所獨也身世非身世心者其身世一時數語太君之身世定矣一子定兩孫定四十年之算定鎮南公之夢也太君之去也皆此心之影現於身世之始落於身世之終見爲無言不警言者我警者亦我豈有從旁從上下執其言錙銖規畫而警之者哉不得已而名之曰天可也諉之於天不可也嗚呼得吾說而存之始可以言天矣作善降之百祥作不善降之百殃降者天作

者人也不作者人之過作而悞者人之過作而不應天之過應而悞亦天之過此其家再世躋貞而不降之祥則天有過況若李太君以其強心而造命然則所謂天者謹守人心之範圍分寸而不敢越而世之人復曰某也或從某也或違則盍反而問其心之強弱矣

守口如瓶說贈吳瓶菴

古之人有不言言必有事理有象守口如瓶者言也守口事也口之所以守所以守其口理也瓶其象也守之事有內有外外不爲物所干內不爲習

所漫其入有度其出有數此守法也外之五塵色聲香味觸也內之五根眼耳鼻舌身也皆有習漫皆有物干而所守在口何也眼耳鼻身入數雖多出數少而鈍也口之入在味味僅敗愚口之出在言言足以敗智也守之道外不動于味內不動於氣與義也其取象於瓶何也瓶之爲用有沒有貯有施其爲體修腹環口而細頸所以受綆也口敗則不受綆不可以嗚然之腹汲也貯有水有漿有酒其口不密不潔者犯之必敗也貯久而不施亦敗也施於所受復有大小小者注短大者注長喪其口則散漫狼戾而多寡

無節也修身者亦然口與腹商無過不及以善其入也汲之深取之盈則身不可不下也必有以引之有以受之腹修於口所以受頸細於口所以引也皆藉口以爲樞機是學問之方也入而藏有采集之義貴在潔府或蓋或塞或以封無汙無雜以善其中也其施之也無驕無吝因人因時而爲斟爲酌也亦有施之口修且小于受之之口所以善其出也皆口之用守之能也吳子雨岑蓋有道之士易而稱瓶菴其指在慎言諸君子所以發其蘊亦盡之乎言何也吳子已免於外物之干矣懼其或中於智者之患也賊在

外者守之易賊在內者守之難愚之患顯而共見智之患隱而不自知所以守其施者非局於言也吳子又思其滿而溢也則所以守其汲與貯亦非局於味也凡有愛皆味也小人之味在利君子之味在義味者貪也爲物所干習是用漫執我而不虛者也吾心之體虛其用無不出乎虛入乎虛注焉而不滿酌焉而不竭也瓶者注焉而滿酌焉而竭吳子取以自命則其謙也守口以節其入則注而不滿節其出則酌而不竭將竭復注將滿復酌一瓶之用四海水而不窮口之所以守日新之德也吳子亦非謙也人於天

地之間眇然一瓶也腹亦修口亦環頸亦細守其出入而身心安也其可以參三才育萬物無大與小貴乎其能用也觀瓶之象而明其理明其理則善其事一切事未有不兼言內外者理如是故也至於法塵至于意根則專言內矣兼五塵而爲法塵兼五根而爲意根則其所防亦兼言內外也前五識外賊也六識內賊也無外賊則內不出無內賊則外不入防城者絕內賊則外無能爲雖專言內可也五塵之入數皆鈍五根口之用獨利出數多皆以意爲之主防意者守口之要也則專言內可也吳子所以修身而進

德者審於是予交於吳子知其審於是爲卽象以著理卽理以著其事庶有當於吳子之指也

敬與說贈翁康飴

翁子康飴訪予半塘未幾餽畫扇湖綿焉予與康飴交淺卽不予餽未爲失也可以與可以無與與傷惠予不避傷廉而受之何居與之途有四有敬而與之有愛而與之有畏而與之有憐而與之今之世無敬與要路有氣力能生死榮辱人則與之惟懼其不重且多也其與之也至敬不謂之敬以爲此畏之所積也道德文章稱老成人古之所敬濩落不合於時則

敬不存焉或有求必斟酌損益從其寡與輕稍可以已卽已故曰畏有敬無畏亦無敬妻妾子女所私嫗愛而與之至以身殉愛中有憐貧病多難忽動其惻隱或憐而與之憐中或無愛與之途有四今也惟三康飴之與其猶存於敬也夫以予濩落不合於時既無足畏狎不近愛劣不墮憐道德文章稱老成人非予所自處康飴以予爲庶幾三者之遺風乎則康飴故有敬而與之之遺風也敬有所申則畏與愛有所詘刀鋸在前鼎鑊在後不能使之降色蛾眉善妬狐媚工譏不能使之醉心則浩然之氣可以塞天地貫

古今矣予故不避傷廉以成康飴之敬康飴之敬成惟而放之不重外不輕內不溺於嗜欲不屈於威武立朝濟世樹立非常豈特無傷惠之疑予亦未始有傷廉之過也若夫憐中無愛寧復有敬惟吾法門大士發同體之悲於一切衆生尊重如佛卽利樂徧四海不自以爲功能福德如虛空無由測其數量彼權衡於取與間銖兩尺寸矜其無爽方斯眇矣如來所尚二田一曰敬一曰悲畏與愛不存焉此物此志也夫

擊鐘說寄汪魚令

寓壽聖半載應荅文字頗多客問予所獲潤筆故不寂寂耶予笑曰此禮非吾敢講久矣魚朝恩歸大鐘於章敬寺集朝貴每一擊注十萬緡客未有過十擊者有人至二十擊始已此非注鐘蓋注魚也吾亦如鐘不幸而懸破落寺過者皆得擊之牧羊兒至投以瓦石鏗然作聲一笑而去君豈能問有無多寡於此際耶昔之人爲父母大父母請文必備物以將敬蓋不敢薄於其親今率不然知禮者來請有一拜旣得文來謝有一拜拜無受法或有餽以別名致豈宜責實執古誼而繩之輒椰榆以爲市道夫治國之文重

亂國之文輕貴人之體尊素士之體賤鷙耒者其情浮醇本者其情摯家法整則禮盛世澤淺則禮衰事有固然亡足怪者客唯唯而退雖然中書君老且禿不任吾用況善病以文字相黷疲薺欲死其如鐘之不能拒擊何惟汪子魚令無一字之索然吾來有餽去有贖使皆如是則老人可以佚居而無患矣吾於是有歎焉因客之問荅而及汪子之厚也系以絕句赤體重圍戰老兵寸絲不住攪滄溟人間都似汪魚令倒載干戈定太平怪哉今日破落寺裏鐘不擊自鳴若在魚朝恩名下稱祥獻瑞又湧出一大寶藏矣

鄭漢中高士募田說

庾征西以錢千萬爲戴安道起宅安道有盛名月犯少微安道不死而謝敷死於是有吳中高士求死不得之謂征西不爲敷起宅又不爲敷造墳豈非失卻一隻眼然安道不絕於世而征西之風遂無繼者此鄭漢中之田不得不出於募也募之法出吾僧家與道家或謂漢中攬行奪市二疏請老漢太子賜黃金五十筋上亦賜三十筋賀知章請老唐玄宗餞以詩流至於宋之君好以詩字爲恩寵間舉逸僮賜粟帛或爲其所居題額稱盛事矣人情紙半張是窮秀

備行堂續集

卷一

才活計卻被官家攬行奪市吾僧家道家活計爭得不被漢中占卻也昔有鞭驢赴闕應不求聞達科者邇來孝弟力田竟成絕響今當請諸貴人復此一科以漢中爲首舉何者無田可耕而至於募可謂盡力矣田在墓前又是廬墓一大證據可謂盡孝此科復則漢中有頓放有措置當無攬行奪市之嫌僧還僧道還秀才還秀才官家還官家人情紙半張先從唐玄宗追論務使漢家制度永永遵守更須奏聞上帝不許月犯少微拚命作高士謝敷既已無端又累戴安道削色并使庾征西退心皆山林中大不便事

卽病是藥說贈林定遠

一事至非具則識不能通理非具辨才不能達情世之人如面牆不則立一隅伏卑徑而仰視與三方俱闇也有所陳說節間未中首尾失勢蹄浴投石動濁靜膠使黃河到海凡可以礙吾流輕重巨細無不摧蕩蓋識以發其才才以行其識此宜相兼亦有不能相兼者林子定遠雲間用世士也環堵蕭然親串之以事謀者踵相錯其料事如登峯遠矚旁側立盡如遊刃於節間或累日多人解紛不可得少以數語多則百千語波瀾迭出與我之理浹洽而一歸

備行堂續集

卷一

三

於正然而定遠病痰喘每陰風晦雨一發至不能就枕喪妻未有子不復娶愛定遠者謂有此病必有此藥予曰此病卽此藥矣奚其藥今夫盜賊虎狼之所出入挾弓刀結伴黨而行不則避他道去女色之爲物慘於五兵烈於百毒日殺人而甘心就之不得又從而思之比於思歐刀思飲鴆爭笑爲狂而不知自笑何也且使一病雖變症雜出七方十劑兼投生於此死於彼定遠以一病當一藥消四百四病卽一病盡定遠之七方十劑奚其病雖然定遠寤定遠天才淵秀益之以學詩古文詞逸出流輩縱不俯首文

戰若諸昆辟大吏記室足以分餘潤自立定遠又以病不爲定遠竊定遠益病夫記室不能自主藥而代人病人賢可以陰行德不賢不長惡不逢其惡與其子弟賓客家奴積崖異計日月給俸穀一揖出矣屈意爲之啜其汁同其病不可復藥則定遠之竊猶夫定遠之病之爲藥也定遠名家子席世業衣食可有餘以銜國郵不負祖父志忍而竊於此病復成之歸潔其身定遠之藥卽定遠之勿藥也設定遠擁妻子踞田庫支柱門戶酒色之梏財勢之病利害得失之憂蔽其靈臺親串以事謀不克全心徧照非然者

有內顧非然有外虞非然有所奪於在牀在旁慷慨言而不敢嘖嘖言人不之聽雖有辯才若避他道以去去而爲別用識日以闇行日以汙定遠之變症方且雜出若然必置定遠於無用之地而終耳孫臆坐輜車中爲計謀使齊橫行天下世有用定遠者彎弓躍馬則已病矣坐而算事勝無病者百倍陰風晦雨隱凡而呻吟其智溢於囊表且移定遠之病爲一切人之藥清明在躬志氣如神一切人無病一切人勿藥定遠之病定遠所宜爲天下之大醫王也可以藥治病可以病治藥可以病治病可以病治無病古之

妙於醫有用藥矣無用病者此岐黃不収而吾法所繇獨絕也

積而能散說贈謝楚皖

己未冬十一月病癰下謝子楚皖過而問焉曰是濕熱積於膀胱也其證小腹急痛先服六一散次出末藥二方寸匕投之良愈甚哉積之爲害乎雖然善不積不足成名惡不積不足滅身積何害害於不善耳物之不善莫甚乎財積惡者多積財散財多積善則惡以積而成善又以散而積也金剛般若云善薩所作福德不應貪著故曰東方虛空不可思量南西北

方四維上下虛空不可思量今欲積幾虛空爲東方虛空積幾虛空爲南西北方四維上下虛空以何法取於何方置雖有神聖無從下手則積者貪著所妄有貪著者虛空所本無善與惡俱不受矣謝子家財曩可四十萬自華運來盡散之今遂無立錫地倘所謂積而能散識妙於虛空者歟人之心卽如虛空而不得云虛空卽心虛空無知心有知也不得云虛空卽心亦不得云虛空非心虛空無知無虛空之量心有知亦無心量有知無知俱無相故執塗之人問曰知作何相拭背揚眉而視之不可見也而不得云無

見執塗之人問曰見作何相拭皆揚眉而視之亦不可見而不得云無知有相無相俱如虛空故楞嚴云見見之時見非是見見猶離見見不能及一落於見即不落於見前見離後見後見復離後見後見不能及前見後見并不能及後見無論前後見當見即離當見即不能及故譬之火之焰前焰離後焰後焰復離後焰後焰不能及前焰後焰并不能及後焰無論前後焰當焰即離當焰即不能及故見如是聞亦然聞見如是聲色亦然盡十方三世無非虛空積者無下手處散者無下手處則藥與病兩俱息矣謝子

抱君父之痛以忠孝自矢蓋曰積而無益於心不安散而有濟於事而心安此其因不同於虛空然謝子曰吾聞雲棲之言而信夫雲棲者吾法淨土一門也隨其心淨則佛土淨佛土本淨以心不淨見土不淨虛空故淨不積故如虛空由謝子積而能散之心推而窮之所積不可得即能散者不可得所痛之相不可得能抱之相不可得窮於無可推而謝子之心如虛空者出矣此太虛空積塵垢不可得積金玉不可得而謝子忽與雲棲同入極樂世界七寶聚中求其所以散之不可得求其所以積之不可得以爲幻則

一切皆有以爲眞則一切皆無非得妙於虛空者不能予以爲謝子贈因以自警焉

順性起用說壽蔡母計孺人八秦

一切衆生身中各有母出生智慧福德行願之子一切衆生身中各有子能成慈悲喜捨難行而行難忍而忍諸波羅蜜以承事其母此吾性之本然不同世間男女世間男女從迷起情從情起業三緣合而母子成吾法亦教以孝蓋卽色身見法身卽世諦入第一義諦悉由緣起雲間蔡子餘煥謁予超果之西來以其母計老孺人八秦壽言爲請餘煥嘗留意性

學云每於靜中得忘似合無知之妙予謂此依境而現境非可久於靜得之於動失之皆病耳夫吾性本自靈明活潑本是清淨解脫順性起用千變萬化而無知之妙初未始動豈分心境而二之哉卽如計孺人以母德著於蔡氏少而篝燈操作老而含飴弄孫酬應宗鄣訓飭子婦僕御饑而食倦而眠喜怒哀樂恬然秩然一旦忽然曰此過動矣幽之一室絕視收聽以稱頤養則垂白之母必有失其常者使暫不聞聲暫不見之而曰吾母無恙纔一聞聲纔一見色而曰吾母有恙豈非不孝之至耶吾性亦然根塵同源

縛脫無二相見無性同於交蘊無故而生心分別作
力取捨喪其楞嚴大定之體母不能生子子不能奉
母如焦穀芽如石女兒如吞炭為啞斷頭求活其罪
等於弑母古今大孝必如吾佛成道以度其親欲成
道者必先見性見性者於一切時奉其母得大隨順
得大安樂得大自在受用必不敢一毫造作矯揉以
傷吾母之本妙此之謂順性起用亦令儒者視無形
聽無聲先意承志喻父母於道皆入正知見大涅槃
海餘煥倘有意乎以是為壽儒人年八十非性八十
從此以前有無量恒河沙計儒人合為一壽同是一

身從此以後有無量恒河沙計儒人合為一壽同是
一身從此以前以後有無量恒河沙計儒人出生無
量恒河沙計蔡餘煥有無量恒河沙計蔡餘煥承事無量
恒河沙計儒人合為一壽同是一身從此以前以後
并其現前一切衆生各各有無量恒河沙計儒人蔡
餘煥一切出生一切承事無不與摩耶夫人釋迦世
尊合為一壽同是一身法如是故非強為故

大雅堂如幻說

嗣文傳陳君子采語語澹歸請書大雅堂額并跋數
言曰此石齋黃先生題贈陳給事大樽者也澹歸唯

唯跋而歸之陳君彥達曰大樽無此堂子采悞也子
采曰大樽有此堂彥達悞耳嗣文數日不見澹歸曰
吾乃疑於欺澹歸澹歸笑曰大樽有此堂則彥達悞
大樽無此堂則子采悞吾兩人猶之鏡與匣歟鏡出
而照主人過其前曰此是某旁觀者曰此非某鏡豈
曰汝是某則照非某則不照耶匣開而鏡出匣豈曰
某若是則開某若非則不開耶鏡與匣無知嗣文與
澹歸卽有知受人之語一以傳一以聽過客不能勘
土著之真偽出世人不較較世間事之有無無故而
逆詐留而詰之亦奚取焉且大雅之堂黃山谷書杜

子美兩川詩於石楊素作堂眉州非大樽所創大樽
雲間所共有也子采獨承之雲間不允則子美京兆
產也山谷江右產素蜀產可以公之不知誰何之人
而況子采雖然當山谷之時子美往矣大樽之時山
谷又往子采之時石齋大樽亦往更數十年澹歸嗣
文彥達子采復往未測堂之存亡誰究名之然否名
如幻堂如幻人如幻是非如幻悞與不悞亦如幻黃
面老曰此不足笑黑面老曰此不足瞋彥達子采忽
以二赤面相持而嗣文更出一青面自思回視澹歸
之面猶蒼蒼耳物或獻狀本不弱痕鏡無改容匣先

變色是澹歸不爲鏡妖而嗣文爲匣怪也噫可以付之不聞不見矣

貞桂堂說

易稱乾剛坤柔就其分位指其全才陰陽一體非截然有兩用也陽無柔德則動而不能靜陰無剛德則靜而不能動天地之化息矣坤用六利永貞貞者持久之道非至堅且忍不能至堅且忍非至剛不能諸不具論六四之豫當雷出地奮而其占曰括囊无咎无譽四近君大臣之象也通上多疑臨下多嫉夫射侯非有怨於人其羣起而思中之非特示人以難亦

且引人以利故六四之動以一陽爲括囊之具不勵无咎先斬无譽一若無所短長使上不疑下不嫉可謂至密予嘗悲夏文愍公以忠撥禍近於負氣而疎然不以懼禍而不敢負氣固豪傑之本色也裔孫山侶屬際式微安貧守道意致渺然不輕交一人不輕與人一言自然有五嶽起於方寸之槩要以自處退而不言進處人遠而不言近此能堅與忍可與行持久之道者矣桂者凌霜不凋味辛而氣烈山侶表之以貞蓋得用六之指凡用九皆用柔用六皆用剛世以天地閉賢人隱謂括囊宜遜而在野不知四之近

五而爲大臣也上下不交曰閉君臣之間有陰中之者君子與小人相持於不敗之地以待元化之自復莫尚於密山侶他時標大位值最姦繩祖武以建格天之勳而不至於撥禍其在此乎

徧行堂續集文之二

丹霞今釋濟歸 造

侍者 古止
傳湧 編

序部

姚嗣昭太守壽序

有虞氏南巡奏樂於皇岡之山韶之郡於是得名自始興別爲郡而後雄韶分則官於雄者思帝德而歌南風亦猶行古之道也有虞氏居姚墟於是得姓苗裔徧海內自耕稼陶漁舉不墜歷山雷澤之遺則官於雄而爲有虞氏之苗裔者歌南風而繩祖武亦猶

徧行堂續集

卷二

二

傳其家之學也南風之詩以解慍阜財爲指歸慍者民氣之鬱而不達者也大利大害惟賦斂與刑罰皆所以竭民之財始於慍而終於竭其財始於竭其財而終於積慍則土崩瓦解之勢成有虞氏所以治天下者治一郡之準繩亦治一身之方藥也人之一身解慍以爲疏衛阜財以爲益榮財阜而榮以充慍解而衛以通則周天之氣行而天關之塗塞故治一郡而歌南風之詩可以養生可以祈人永國命可以偕斯世斯民而登於上壽也予友姚使君嗣昭筮仕別駕於雄以慈良通敏蜚聲嶺表卽擢以守士民安之

若五絃之琴自四千年前發響於皇岡者繞天峯凌水至於今不歇使君爲有虞氏之苗裔官於其祖之時巡而奏樂之郡而生於孟夏夏之爲言假也養之長之假之仁也直南方而合於南風之月令歌南風之詩貽孫謀追祖烈使君之家學於是乎不墜矣使君一爲上官所齟齬羣不逞者奉要指而思中之卒以清白亡驗事得雪使君復蒞雄不念舊惡如大空之被焚割也無鋒痕燄跡之存者曩之上官旋挂吏議行李之出其境遇顛沛周之如受汲引之恩于是四方賢豪長者聞之以爲使君無忝於有虞氏之苗

徧行堂續集

卷二

二

裔有虞氏少長家難起敬起孝庭闈允若不念有鼻之愆干羽格茲不念有苗之逆天覆也如是屬者滇池弄兵據楚甸垂五載今天子擴天覆之量一以不念舊惡爲指歸若曰夫令吾民之氣鬱而不達惟賦斂刑罰二者爲中關亦惟良二千石一地爲樞紐其視民如傷屢見於告戒而奉行常不至使君夙夜思所以解民之慍阜民之財而先以不念舊惡爲之鵠仰合大廷咸有一德豈惟良二千石黃霸守潁川治最入爲丞相當是時漢宣察察爲明故下被之功多上格之德少予所爲使君慶蓋有進於是者人與

位則具矣其望在乘時使君年僅強仕其爲未來之時甚長其乘之也愈久藉令如有虞氏之壽以壽吾民壽吾國勝殘去殺夢醒尼丘哲通鶯嶺則今之扶杖而禱之老僧更爲使君百歲以後之扶杖而頌之老僧聽皇岡之琴音三疊而起舞未覺有兩世也

曲江何明府壽序

古之君子出宰百里未有不家視其邑子視其民者後漸不然下視上如寇讐上視下如草芥至於今極矣民極於困吏極於殘此今之君子所宜用心也心在撫字法在催科心在教化法在刑罰逆之無以自

存順之無以存民或爲之說曰催科不擾卽以催科存撫字刑罰不苛卽以刑罰存教化雖行乎不得已之途而德比於義盡仁至此亦古之君子所爲擊節也余友何子鳴玉曩爲丹霞兜率檀越領袖諸天余曾貽以護世說蓋仰承慈氏如來之意以斯世斯民囑累云頃來令曲江自曲江至丹霞者皆稱其有家視邑子視民之風曲江南北孔道大兵大役一有徵發吏因緣爲姦其費過倍民力自困鳴玉憫之取足常調而止不以私吾身脫有勢位相臨寧忤其指不以病吾民民爲之歌徧德焉余聞而喜以爲於余護

世之說尤有合也今十月四日鳴玉得五十初度以五乘十以十乘五當坤德之數之全易之數天五生土地十成之河之圖五與十俱顯洛之書五顯而十隱非無十也地之爲道乘天之五以生而不居其成卽其所成分而爲四以畀水火金木使各得天數之五以自藏申與子得辰而藏寅與午得戌而藏巳與酉得丑而藏亥與卯得未而藏藏者所以爲終終乃有始始以爲生與成大化之造全生則不終全殺則不成水火金木體相生而用相殺相殺而不害其相生者地能以其成數與之其在坤之謙曰含章可貞

無成有終章也者土德之已成也有而不居不惟自含其章而已使水火金木各含土之章而後可貞不然則不可貞也全殺則不成全生則不終也故天有四德以貞爲本人有四德以信爲本歲有四德以土王於季月爲本土德之所以全則地道之所以大諸佛菩薩示出於世以生爲德不以殺爲道一切心法取喻於地能育能載非有二義載其所育育其所載自取於無成而代水火金木以有終余卽以五十相乘之數引而伸之爲鳴玉壽蓋始終不離於護世南天門王爲帝釋臣爲南洲王常以銅柱鎖諸夜叉偶

有衰老數輩岳瀆之神奔而相告遂復銅之此南天門王之勇也所以護此洲之民則其仁也鳴玉不私其身以不病其民不惜忤勢位相臨之指非所謂仁且勇者耶曲江僅東震且彈九黑子籍隸南洲南天門王護此南洲不問於慈氏下生在鳴玉心光中鳴玉仁且勇在南天門王心光中一切護世諸天與鳴玉在慈氏如來心光中彼此相印非有大小高下遠近之殊譬以八卦別爲五行以五行全歸地道以地道全歸天德以天德散爲六子成變化而行鬼神不出於坤之謙之一位此一位具有六十四卦三百八

徧行堂續集

卷二

五

十四爻以五乘十以十乘五底於無窮曲江天保之誦聲過梵天亦不出丹霞兜率閣中一聲金磬古之君子之所擊節今之君子之所宜盡心爲復何在余惟以斯世斯民爲鳴玉囑累云爾

仁化李雪巖明府壽序

代

傳曰民以君爲心君以民爲體人各有心未有自戕其體者人各有體未有共賊其心者百骸安靈臺適然後能卻疾而臻上壽而末俗之君民常至於自相戕賊其禍皆積於守令今以君道全歸天子則爲之臣者灌輸錢穀結斷刑名一若居於君與民之間而

已無所與隔膜之視愈遠愈深君德虧而民生瘁臣節敗而國運替夫君子言壽不專一身予承乏玉峯日迴環於心體之誼內省不遑乃者仁陽諸父兄不遠數千里介書幣來請曰吾邑屬有天幸復邀神君凡戴白之叟歷兩朝所見聞司牧以百數無若今雪巖李侯侯操行絕塵奉其身與家以儉爲師一薪蒸之細不取民間時方多故俸入悉捐衣無齊紈室無官屬至無以具觴惟脫粟一盂而窮簷糟糠不及之是懼卒有徵發未嘗以小人脂膏望君子之腹如大兵度嶺役夫四百金側皆折解侯以地近梅關計

徧行堂續集

卷二

六

日稟糧往返所費減十之七郡城派修八百餘金亦折解侯上言邑自任之計旬而畢所費減十之八當是時侯方奉檄入秋闈以是謝不往忤大吏意不願訟者至廷雖婦孺得盡所懷與人言傾悉肺腑樸真之氣溢於面或嘗以暮夜立斥遣之宵人破膽卽金矢之賄鮮有入者其廉潔無私不畏強禦一意爲閭閻矜恤若此吾儕小人所見聞水深火熱一旦熙熙如登春臺誠不自知何福以邀天幸侯每有拂衣之舉吾儕小人不忍不留非以是重爲侯苦願以侯一身之苦成一邑之樂亦不自知何道以報侯德今者

屈懸孤之吉請合萬室之歡心人減一歲爲侯增歲亦猶古之頌億萬斯年之道也予聞之南向再拜稽首曰信若所言仁陽之百骸安仁陽之靈臺適矣君子無所樂得行其志是爲至樂侯以及物爲志所言一準所行一準天鑒下民不容以善事上官相格則蔬食飲水侯之至樂故有存也諸父兄之畱豈重爲侯苦藉令侯報政得上考入爲天子股肱耳目行使沐浴膏澤徧於四海其任勞任怨蓋有不止是者若以侯一身之苦成一邑之樂未若以四海之樂成侯一身之苦也侯一以及物爲志故將受之而不辭今

而後其無復有拂衣之舉乎仁陽之人人減一歲以增侯歲予且令四海之人人增百年以享侯之年萬物熙熙咸登春臺仁陽以一彈丸囿於其內而不自知卽聖天子恭己無爲之化惟侯是賴故曰惟聖人能以天下爲一家中國爲一人心以爲天子體以爲兆民爲之臣者以天子之心爲心以兆民之體爲體則灌輸錢穀結斷刑名皆無隔膜之視君德全臣節著民生豐豫國運靈長豈特侯一人臻壽乎請率天下之爲令者法仁陽父母孔邇之歌褒聖朝明良喜起之頌諸父兄藉手以進億萬斯年之觴亦無負矣

劉煥之總戎六袞壽序

友之投分不同有一見漠然不相關者有傾蓋如故者有澹成而久者有易合而離者有聚相歡散而不相思者有思而可忘有思而不能忘者此存乎情入乎性兼乎學也少年俊駛不知生之有涯山之高水之深世事之變幻不可測以爲吾儕欲見則見耳交臂而過轉盼而不相聞終其身而不復聚者不少矣年旣老閱事多則欲別而不忍不得不別而思思而不能忘此情也不以乎性兼乎學也劉子平學存乎情則久矣予與劉子將出梅關元誠劉子

遣書使邀予話別予辭不往時予年六十五猶有少年俊駛之氣旣出梅關思吾生之有涯山之高水之深世事之不可測未知吾儕欲見之果可見乎則愴然而歎臨風而長謠有所不能忘元誠子俊駛胸有所欲吐不及茹時則霽月光風時則雷霆激電予甚似之近乃稍自鍛鍊不甚發予奉達磨一宗元誠子方樹尼山之壘以考亭爲後勁而身當前鋒與予角不肖相下元誠子於友道醇篤氣至豪用心至密卽負之終始以禮予澹然無所能周市然則予與元誠子情不同學不同性同而不同其相思而不相忘

何也人故有厚貌而深衷有坦率而不中節有渾渾
噩噩而求一語痛癢次骨不可得有談鋒四注而不
及理有及於理不可以一語異同元誠子皆無之霽
月光風震霆激電發揮於大空而無所留礙則予與
元誠子不同而同宜其思而不能忘予益以是歎天
下之人之才不易得也今歲元誠子六泰予留滯吳
門衰病日進未能走數千里作十日談也未知相見
之何時相思之不可解解於何地也即以予之思爲
元誠子之壽廣居之燭影海幢之梵音飛來之山光
水色俄而聚俄而散聚而未始有聚散而未始有散

予不在湟溪元誠子不在虎阜一舉目而見而不出
於此見而不入於此見非吾兩人之真相見也歟

傅竹君中丞壽序

上壽於所尊貴有愛有畏有隨愛者其指私而溢畏
者屈而反隨者浮沉而各不自知則情至而文不至
抑情與文兩不至蓋義所不收也予於數千里外念
竹君傅子攬揆遙致頌禱獨出於情之表而以義相
取文之不至亦知免矣傅子謫蒼梧當吳三桂之叛
陽與之合繇粵西率兵走韶陽出龍南輸誠關下奉
命撫軍規取八桂以趨滇黔或有獻疑傅子逮事永

曆今之輪誠得微不顯予以明三百年一綫之鼎鑒
於六詔三桂稱親王猶吾戚宗舊封身請纓而戕永
曆則明之寇讐耳傅子守慶陽發三桂反謀三桂劾
傅子謂爲永曆報讐相怨之口相知之言故傅子所
快心頽首傅子論大辟決有日矣今天子不謀諸左
右大臣特詔赦之使傅子與三桂合助清之叛逆忘
明之仇讐一舉足而兩義皆失於是傅子枕戈待旦
以報康熙之恩者報永曆之怨予所爲以義相取者
此其一慶陽極邊海遭兵火不堪賦役傅子竭家財
以償三年不克繼乃爲遺黎乞命不得諸督撫請於

朝通政駁之併加劾奏人無不爲傅子危者傅子不
顧遽奉俞旨慶陽一郡歡若更生予所爲以義相取
者此其二世之司民牧者善事上官以保其官破民
之家以保其家殺人以保其身歸過於其君觀慶陽
之事則九重之內未嘗不愛民未嘗不從善今天子
之知傅子傅子所以報今天子之知豈待活之大辟
之後哉三桂非永曆之讐傅子亦不得與之合況永
曆之讐哉傅子嘗稱摩利支天威靈或以摩利支天
獨愛傅子夫摩利支天以愛衆生故以義取傅子不
過如予之取傅子予特無摩利支天之威靈耳豈有

二義哉傅子所至杖仁我以救民水火其在龍南殺所謂沒耳王龍南信豐始興之民戶而尸祝之統容兵能與主相安有膽決能爲人所不敢爲蓋敢於爲義敢於讐不義不敢親於其身爲不義其事尚多予爲取二端爲傅子勉凡爲大臣能結主知則易於自恃多疎忽位尊而事繁則耳目易有不及門下士愈衆則賢不肖易亂皆足致謫爲見嫉者之資常不能永終福祿或致功名不就予所數千里外寄頌禱於傅子非有所私賢傅子之守慶陽單之善王之善也今天子之君道也不與兩朝之叛同其叛傅子之臣

道也以義相取於斯二者畧其細舉其大一歸於菩提薩埵之愛衆生摩利支天之天道也

李徵京六十壽序

世界既分人天爲貴仙者人之終而天之始也修煉道成爲上帝所召因其器而畀之職則君臣禮緣治明統幽之務劇矣太上有訓行善爲先鍾離權以點金之術授呂巖巖不受曰奈何累五百年以後人權以爲一言而具足三千善吾法能持五戒修十善法卽生天中其先以止觀入繼以願行輔自六欲至四禪示作天王非若仙官籍在臣位故諺有之天上無

不識字之仙則好學能文者一得之天上無不忠不孝不仁不義之仙則立身行道者再得之若操契而取也予遊樵李樵李人爲言李先生徵京蓋學仙云徵京天才英絕擅場藝苑抗節不仕稟老氏之三寶策其進修植仙之基蓋嚴固而不拔矣世有入山采藥求不死之道者先天地生而不爲久長于上古而不爲老此吾性之本然自古至今無一人一物而非長生者豈更求不死哉徵京故不區區於鍊形與齊年之老妻教子弄孫不事王侯其所交皆牆東辟世或逃於空谷而不返者則隱君子耳古有白石仙人

不願飛昇曰君臣禮緣治明統幽之務劇也亦謂隱仙徵京豈其同流耶徵京見蓬萊水淺惻愴於桑田滄海之變使之際平世遵王路出其雄文一戰而霸濟時澤物乃其志所豎立豈屑爲白石仙人則令徵京修煉道成上帝見召應命而起不爲隱仙與今日之爲隱君子未始有二道也許旌陽拔宅而上鳴雞吠犬在白雲中黠鼠被斥出腸自洗人亦有陽爲安靜陰則鄙穢如鼠之晝伏而夜盜者耶徵京亦必斥之於是與其齊年之老妻所謂錢孺人同德而並升家雞爲鳳家犬爲麟曰雲縹渺之際今子平原遙與

予語吾翁以忠孝仁義好學能文爲帝所鑒信如子言天帝釋坐善法堂燒衆名香誦摩訶般若阿修羅率其屬遁入藕絲孔中父子簪筆獻玉階萬壽之頌併得聞摩訶般若見性章句拾此岸登彼岸超越羣仙臣位之上亦不日遂矣

陸話山明府壽序

英雄不能不用其才用才不能無地所謂法不孤起仗境方生生於境而能用境則惟英雄大如小用小如大用逆卽順用順卽逆用在境之中出乎境之外時復以跌宕縱橫自喜范少伯從勾踐樓於會稽處

逆而用順事大而小視之整暇有餘及其沼吳扁舟遠引順而用逆屢散千金致千金耕漁措置小而用之復如經國蓋其才所寄而發不可以或止子房佐漢功成辟穀從赤松子遊不自竊於大巧以順避逆四皓久遜商山忽起爲漢太子定位不以小自畫借逆而行順非無識者所能知是六子皆仙才也當湖話山陸先生少有逸羣之目登文場建旗鼓四方作者從風而靡邁世變思有以見其奇上測天時外度人事中以奉太夫人退而耕於野用逆以順用大以小然而干將莫邪氣見於斗牛之分矣鍾會曰叔夜

人中龍也不殺將爲患先生遂中蜚語出一綫之生於九死盡破其家儀舌故在超筆重收捧檄而令汝川仍於順中得逆汝川故成都極邊兵火之餘積土爲坐支釜在堂炊烟昧日水跡交股蹢躅治簿書大吏之符健兒之甲馬芻糧予遺之民之賦役手口俱敝種蔬自給負米待飽彈琴詠詩無戚容無勞慮卽於逆中還順爲其邑披荊棘闢田疇生聚教訓壹規久遠復於小中現大人謂先生之才不可測宜益以自喜然太夫人襄事旣終謝疾不出寄其才於治家居業物產下至盤匱匙箸無不創營新條井井亦於

大中現小予嘗登半雲閣遙望俯窺於萬室塵氛極高曠之觀乃所取裁在湖光山色間一尺一寸此卽小中大大中小依境而見才心之同然非先生獨有惟先生獨用耳於是先生年且七十矣精神足於內膚色壯於外兩丈夫子綵衣玉立含飴弄孫復擁少姬抱三歲兒稱地行仙地行仙何足道四皓年八十餘鬚眉皆白衣冠甚偉前爲漢高壽漢高太驚重託之顧戚夫人此四人者輔之羽翼已成難動搖矣以子房之才在帝左右帝不之忌而目憚此四人此四人既定太子未嘗終客建成侯所蘆中之龍雪中之

鴻信其才之不可測也震澤之莫釐或云卽古商山
醉李有街至今稱角里先生八十歲時安知不出而
圖吾君保吾子孫黎民耶然欲以是盡先生卽先生
不受英雄必具神仙之骨神仙常示作英雄以發其
跌宕縱橫之才至大之事無不小至逆之境無不順
至正之理無不遊戲麻姑入蔡經家撒米成丹砂王
方平笑曰姑少年吾老矣不復作此狡僞少伯泛五
湖子房祠黃石皆以老成人自擅而子房鮮腆倨侮
呼四皓撒米比於麻姑之少年四皓亦甘心一見其
奇不欲使天下英雄疑其無才并不欲令後世疑神

仙無用則先生今歲猶是麻姑未按行蓬萊見海水
之淺也先生壽量豈可計乎

唐潔菴八泰壽序

予與潔菴唐先生交在癸巳甲午間越二十五年再
過毘陵故知凋謝殆盡予亦衰病侵尋而先生壽躋
八泰矍鑠如昔不可以不慶也一切人不足一人有
餘則慶之予非慶先生之有餘蓋以先生能善用其
不足爲可貴也世當滅劫物少兼福先生傷心於易
代之事歲當貢棄不就于是閉功名之門終身於貧
士而僅得此壽則予見夫世之有功名者之多不壽

也華封人之祝一曰富一曰壽一曰多男子先生於
是歲辭貢卽於是歲舉一男子終身於貧士終身一
男子而僅得保此壽則令先生對大廷據賢路其化
爲異物必已久矣甚矣先生之善用其不足也今夫
世之人能用有餘不能用不足且有不能用有餘者
不能用有餘則不足大至能用不足則有餘大至先
生以富貴爲不義而取一貧士旣得義又得壽復得
子子得賢則先生以其所有易其所無亦近利市三
倍夫兩有不必易兩無不可易不能而不爲誰與易
能之而能不爲而後成其易也則予見先生之才之

足以取富貴而有餘也是以謂之善用其不足也先
生介而狹中人不善必面折之不少假詞色人之
性騰上必速水之性亦速然而趨下富與貴世所謂
上也貧士下也馬周火也騰富貴而上故不壽先生
水也趨貧士故壽抑火以附物而明薪不續則息莊
生曰風之過河也有損焉日之過河也有損焉請只
風與日相與守河而河以爲未始其壞也恃源而往
者也自恃者剛恃物則柔是故水爲至剛之德爲乾
之嫡子而火爲之妃世之所恃震耀目前一身爲火
而以君相之遇爲薪薪欲盡則烈焰中有割然而長

鳴謂之火笑不知其爲啼也啼已而薪不益則漸而息矣此以知恃於外之不可久也夫水起於濫觴微流而希聲前後自續晝夜不舍百折而必趨於海此其可久者取之已而足矣先生亦取之已而足故不采薪於功名之塗研池一滴具有四瀆雨露之施不藉於天溪澗之助不藉於地無己之體日新之用可以終古如一朝則予所謂善用其不足者卽先生所自見其有餘也有餘在內不足在外不美於外之有餘以用其不足則先生內之有餘亦非區區與元會運世較有涯之算此不可以不慶耳

周文山別駕六秦壽序

經以履常權以蹈變不知權亦不足與履常權所以爲經也天下多事如聚大火取士大夫五金而鍛之眞僞純駁立見此中無用權之時亦無能用權之術蓋有百鍊而不變其常者必歸之精金圓覺云旣爲金已不復成鍊亦吾性常住不遷之比也予友周子文山官龍城制撫藉其才識爲民所親當孫延齡之叛文武諸吏士無一得自拔者周子外署蒼梧之屬邑奉印潔身而趨端州方是時粵東之政由平南一切迷委視于寵賂有以善地啖周子不應周子有太

夫人在堂八十餘矣周子每抗書乞終養制撫每不許及是始得請歸里爲太夫人朝夕承歡溫清饑飽必敬必戒旣而奉諱慎終追遠必誠必信於是周子內問諸子道而予心安外問諸臣道而臣心安此周子所俯仰自喻以爲得其常者也壽爲常義常爲性義忠孝者性之所有不可以忠孝爲性譬之於地松栢經霜而茂蒲柳望秋而零穀則養主毒則害物一聽其所下種故分別不行非無分別一切有分別而分別未嘗行亦譬之衡銖兩什百較然列眉衡無心焉以待之權權亦無心以待之物物輕見輕物重見

重物亦無心以待權衡三無心合而忽有上下其手則狡僞之爲也嗟乎何世之狡僞之多也聚天下多事之火以鍛狡僞之五金烈焰赫然八面俱作僞不能有其狡狡不能有其僞而此常住不遷者挾光質而獨存是故火者權之至威至神者也不得無心之權合於至平之衡甘以其身爲物任狡僞之輕重天下靡靡流而不返必有火炎崑岡玉石俱焚之禍矣何也以行權爲蹈變必借變以弄權相率而趨于狡僞皆不知權之爲大經者也經者常義常者性義性者壽義周子於是直己未春爲六十初度一甲子之

終卽一甲子之始始而不終終而不始常道所不收也人生於世歲月日時過現未來電逝水決最爲不常於其中間不能無事事不能無變尤爲不常如權在衡閱無量輕重與物俱變現而不與物俱汨沒者誰爲爲之是不可以悟常住之理耶予故取周子之在粵東西涉變而不失其經者爲壽亦世諦亦非世諦庶道德之交有所仿焉若僅曰無心而任運則未有不至于流者也

張會留長者七奏壽序

家無貧富位無貴賤數無修短惟以不俗爲得其生

富貴壽考攝魂於阿堵物間埋魄於裙帶終其身不知文友之好則已入於三惡道矣天上無不識字之仙至於色界無君臣之繩束無夫婦之鄙褻羣居而遊行皆以友道相見爲三界中勝流然澹泊少文故未若人間之樂也吳門張翁會留于己未秋九月得年七十其同人語予此翁處市廛而好藏書凡名流至無不結驩花辰月夕尊酒論文折疑領異自少壯而嗜之至於今不厭庶幾能不俗而得其生者乎舉天下無死者惟以得其生爲不虛生舉天下所謂死生特來去耳惟以不虛生爲好來爲好去譬之於客

偶然過吳門有時而去吳門之人指數某某可憐某某可愛可思客不取憎於去後死不取憎於生前謂之不俗文者雅之鄰居友者文之聚也喜藏書而結驩於名流乃能免俗可以竄其變盡其樂者人而已矣洞庭女郎求人問書法以爲至難其所邀一無名措大耳李長吉有名於時帝成白玉樓特召之豈天上才人亦自不多耶從此去三洲富貴壽考雖勝南洲而皆樸畧南洲之文推東震旦蓋能竄文之變盡文之樂則南洲才人不可以不交也交南洲之友翫南洲之文不羨色天不羨切利而況三洲況三洲一

龍窟則會留翁文友之好超越一切信爲得其生矣若東坡所云無事此靜坐一日似兩日活得七十年便是百四十乃與木石分混沌之寸陰又會留翁所不取也何也文友之好一日之樂其直一百四十年會留翁七十歲已得三百五十二萬八千年也

晏迪先鍊師六奏壽序

未有老與孔儒與道合老與孔出而儒道分周之末秦漢之際迄於今道術多岐有流而爲事天者符籙齋醮興焉有流爲立命者吐納服食興焉於是老子清淨自然之理茅塞而逕荒孟子蓋常救之曰存其

心養其性所以事天修身所以立命孟子者孔子之嫡胤亦老子教中撥亂返之正之功宗也予浪跡南海於劉中丞所聞施度師屬臥病未之見越一歲平江之吳君季廷張君穎堅以儒見又八歲度夏半塘則度師化去久矣兩君時復相見因曰今之王穹窿者爲晏鍊師迪先云施以才勝晏以德勝施遨遊王公卿士間豪俠蓋一世晏不出戶庭抱神以靜物皆自正施禱祠通幽顯趨者如鶩晏不廢科儀而精誠孚召有出其上鬼神將自聽予聞其說以爲此道家嫡胤又撥亂返之正之功宗也方士談神仙往海上

求不灰之藥老子曰有物混成先天地生此藥何名復何形哉不灰之藥取之己而具藥之種謂之心惟善用者得之故曰綿綿若存則存其心之本無也心之生謂之性不善用者失之故曰用之不勤則養其性之本有也三彭之仇一貪爲其母不知其本不灰外求長生以天壽貳則禍福貳得喪貳毀譽貳開貪門走惡道破善法無所不至修不敢離身身不敢離心上真較勘功過嚴密清虛來滓穢去與天爲徒爲帝所重豈吹噓制煉金石草木所能冀其萬一今夫海外三神山隨潮上下帝使六鼈戴之至靜者行於

至動之中時有浮沈而不底於陷溺此吾心吾性之本然也山以表智海以表行二鼈戴一兼悲與願如車二輪如鳥二翼無分別智錯於有分別行必以能分別慧揀之挾悲願而發故時有浮沈不底於陷溺彼適曰諸聖仙人欲免漂蕩震懾之苦訴之上帝帝遣六鼈而命始立則事天之又極腕而起由於未識一心若識一心則三山吾體大海吾用六鼈吾力上帝吾真宰人心所同然無一毫髮假於外求者鍊師今歲甲子方周二君索予言爲壽壽者不灰之藥之別名耳鍊師取之己而已具寧復藉予添足哉

徐鹿公六十初度序

天下有爲人者無有哉爲人必忘己天下有忘己者無有哉己見不撤則人之情必不周爲人之志必畧力必有所餘而不盡此吾法門大士行度生道所以貴無我也世之豪傑未證無我之體有合於無我之用者無有哉雲間徐子鹿公少而英上以文心俠骨自擅旣長際華運於忠孝節烈操觚試劍望氣吹篪之客無不交至爲所累屢集於棘不顧蓋其先文貞公遺業盡廢故居被奪伏處墓屋風雨飄搖東西支柱妻子衣食不給不悔今年已六袞爲人之志終不

衰予以天下無忘已者庶幾鹿公足當之也昔張子房以五世相韓破萬金之產快心一擊卒不克未嘗須臾忘立韓卒不能復乃從赤松子遊與黃石俱葬彼豈區區以輔漢自衛夫有爲人之心則智與力如百萬師畫隨旌旗夜隨火鼓無不臂指使聲響各法門大士亦然智周而益給力盡更出與人則已愈有無我而我無窮用有不存體無不亡鹿公能一內視可以渙然自信其本來雖然猶有辨世間出世間本來一也世間豪傑用以入世卽有業出世間豪傑用以出世卽無業者貪與殺之所成也以貪致殺以

殺遂貪雖復忘已爲人亦使所爲之人同趨於陷穽而不能自拔則爲人皆等於殺人自戰國以來殺之禍至秦而極楚漢爭衡肝腦塗地始皇東遊漢高帝觀之曰大丈夫當如是項羽觀之曰彼可取而代之是以貪爲因子房始於爲韓寓之輔漢迨辟穀謝人間事復畫策定太子以委四皓於功名無結戀焉卽遊於世間超然出世之外矣出世之士與世間跡交而本不合三毒旣絕其端四誓亦泯其相蓋得無我之體彼子房者未得體而已合其用彼赤松子故無恙也鹿公有子房之志無子房之遇亦松子亦無恙

赤松子示生於堯之時上爲雨師以澤及天下鹿公與之同生於堯之時不爲雨師澤及天下之道取諸今之爲人之念而足用世之豪傑爲出世間豪傑之用特一轉耳蓋莫先乎絕殺因絕殺因莫先乎得無生得無生莫先乎觀一切生觀一切生非有生以妄因從妄緣行妄法成妄業亂起亂滅如空中華堯舜所讓湯武所爭豎亥步之爲通仲尼語之爲博了無來方寧有去所而世間豪傑迷無我之體執有我之用邀空華以結空果同趨於陷穽而不能自拔此法門大士所不容不遮者也等一金也善用之而增不

善用之而減人之本來不然善用不增不善用之亦不減特一轉耳宋有奴挾其王陰事橫甚張詠假之爲馭出野外斬之而還此鹿公所首肯也法門大士於殺戒有遮有開殺一人足以救一切人并足以救此一人則殺之殺一切人以救一人或殺一人卽不敢殺也世尊爲轉輪王時殺外道之誦大乘者外道將入無間察其往因立起飯信卽生天上世尊一殺而予以天之樂天之壽謂之同殺事異殺因得不殺果鹿公果能深究此豈惟今六袞遠而六十劫至無量劫無我體無我用變現而不可測返照而自足一

切眾生與法門大士警於久而各不自知非鹿公本來自有之壽歟鹿公曰吾未得無我之體予曰子已合無我之用無我之用不求而獲無我之體不復而無所求也求之即無量劫不可得不求則一刹那未嘗失非鹿公所以自壽其本來者歟

陳階六七泰壽序

人生於世如陳公階六之生於楚州楚州不長有公公不長有楚州當其之官家中無公當其居鄉官中無公當其無則若亡當其有則若存而世以爲實有實無也今庚申孟春廿有一日公登七泰禮宜稱壽

公之壽溯前無始濬後無終以七泰爲公壽薄矣雖然散大地爲微塵即微塵現大地多未始增少未始減以七泰爲公壽未爲薄也壽者恆而已矣恆者時而已矣波斯匿王曰豈惟年變月遷日化刹那刹那念念不停知從變壞世尊乃以三歲觀河至六十二見無童耄以表性非生滅孔子在川上亦歎逝川川而逝不捨晝夜者何物川而不逝不捨晝夜者復何物觀若不變河亦不變川若逝在川者亦逝而世以爲實有逝實有不逝也公參藩隴右值大帥應叛造次顛沛儼然不滓安然而出安然而歸此亦公之時

而不失其恆者矣一切人皆有安然出安然歸者而以爲實有造次實有顛沛也予與公昔同門莫逆稱酒徒稱狂客稱才人各不相下一朝雨散各懷面目各成面目公於世間安然出安然歸予於出世間安然出安然歸使公爲世外不能使予爲世間不能而同一安然出安然歸世間非世間世外非世外而人以爲實有出實有歸也澹歸者階六之蝴蝶階六澹歸之莊周也當其分時各不相見當其合時各不自見當其自見各不相知當其相見各不相到蝶以是壽周則長周以是壽蝶則短合而爲壽周無周長蝶

無蝶短分而爲壽周有蝶短蝶有周長而世以爲實有長實有短也於是千里萬言以爲公壽花間栩栩者老且病矣輕夢方還大覺自復不妨於遽遽起處滿引三巡使澹歸亦霑薄醉耳

若干兄七泰壽序

大經云斷未來相續謂之殺然則未來不斷謂之生謂之壽壽謂之孝壽何以謂之孝也父母以相續爲道其性曰仁天法之立萬世之命聖法之通萬物之理王者法之養萬物之情皆用生而不用殺壽謂之仁仁謂之忠忠謂之孝仁何以謂之忠天生民立

之君使其臣分治爲君之臣賊君之民命曰內寇弄兵於潢池以賊其民命曰外寇嗚呼今天下之內寇何其紛紛也民者君所恃以自存敢於嚮民是嚮其君也幸而不至於叛逆欲其不二心不可得矣故曰仁謂之忠予兄不波道人與予同庚辰榜是歲卽令蒲陽其所以子愛其民如一家之利害一身之疾痛疴癢蓋不敢賊君之民以負吾君凡以仁効忠不廉則民力匱不明則民氣鬱不斷則縱姦不勤則失時不和則債事不信則民無所一視聽措手足故以百善法從一仁以一仁入百善法始稱天下之完人其

攝仙遊也一如蒲陽政成奉內召國變作伏田間不敢有二心以負吾君惟我叔父青野翁義方之教端以直當易簀時猶有命曰若再造可期汝曹爵盃灑墓前以報今且四十年無可報者然持此安貞之節歲時伏臘無忝爾所生故曰忠謂之孝臣道也子道也妻道也地道也一也凡爲人之妻稱未亡人年及六十至七十有司聞諸朝旌其門今也稱未亡人於故國則新國所不旌也朝廷之所不旌者草芥得而旌之道隆則議在上道詘則議在下議在上者則榮於當時議在下者章於後世吾所以壽吾兄亦猶春

秋之事稱天以臨之也爲人臣者分治一方使萬姓之身心樂樂利利相續不斷其名曰忠其用曰仁其體曰孝蓋奉親之訓以報上承君之德以撫下親道也君道也天道也一也乾元稱大坤元稱至爲善之長無一善足以相長雖廣成猶存盤罔未往求一日長於兄而有不可得然則不以孝爲壽以壽爲孝又安可得哉

送徐健菴太史赴闕序

太丘道廣廣則難周仲舉性峻峻則少通皆許子將所不詣雖然子將特我見未融耳蓋恐出周通之域

遂不窺廣峻之藩可謂自守高士非英雄也古之人有言爲泰山而高不如爲平地而大卽吾法門行菩薩道喻心如地如其含藏一切長養一切持載一切則世出世間成己成物可以識所自處矣健菴先生昔訪予珠江閱二十餘載頃過吳門相見殷重有加先生旣登玉堂兼負公才公望領於物外陳人衰年多病者護念若是則道廣亦奚慮乎難周也春秋之後王侯卿相爭養士四公子冠其羣蘇子瞻云是天民之秀傑者藉以客處之使不失職暴秦與逐客之令相終始至儒生無一爲用卒亡其國漢初流風遺

俗猶有存者周亞夫決七國之勝獨喜得一劇孟鄭
當時以列卿千里置驛碌碌如公孫弘亦開東閣容
俊賢光武保全功臣致鄧禹等皆閣門養重楚王失
道士以曳裾相戒上不好客顧廚俊及標榜於下激
爲黨錮魏晉以降此義蕩然惇大者能包荒不能延
攬清謹而居高位善避形跡保一己之望實天下無
事類以否鬲養癰一旦有急人不知誰用事不知誰
謀雖百慮懷慎千石慶何益興亡之數今天下多故
先生赴闕蔚然將相之選矣將相者羣材出納之淵
府其道宜廣而不宜峻且必有格外之人應格外之

求信陵所從遊或隱賣漿或隱於博或隱於屠孟嘗
復齊柄惟得市義馮驩平原十九客脫穎於目笑之
毛遂施溢萬人報惟一士亦必具格外之量而後可
用格外之識也龍門自表懸楊見異風裁太整足以
澄清流品黼藻升平不足以救時今何時也余於用
世君子左袒廣而右袒峻聖賢爲體英雄爲用彼高
士者無與焉孟子曰以天下與人易爲天下得人難
能以天下與人乃能爲天下得人能爲天下得人必
能以天下與人易則俱難則俱難如日吾爲天下
得人卽不必以天下與人必不得人何者無物有知

無知有物勢不兩存此理定矣然則非格外之識豈
能擴格外之量下格外之求收格外之應哉先生行
矣予還匡山隱顯殊途衰壯殊色予亦恆以此意作
菩薩行道之助緣往往往覓人而愧拄杖之短也於贈
言也發之先生曰此吾度內事若無多言

首楞嚴直指序

大覺能仁成道十日卽說華嚴以衆生住地煩惱爲
諸佛不動智如將寶位直授凡庸故非三乘之流所
能諦信當時聲聞在坐不見不聞然而最後拈花則
金色頭陀獨得別傳之囑慶喜繼之爲西天二祖雖

登位於剎竿倒卻之時而發悟在擊鐘驗常之際則
楞嚴一經又宗門之法印也古今疏此俱擅所長吾
師天然是和尚宴坐丹霞以三月成直指適屆示生
之期甘露降於叢竹今釋受而伏讀青蓮發筆端之
瑞赤珠映意地之光微朕不留是跡皆刻言言本色
不借華詞其不可思議之妙實有與諸家迥絕者彼
皆悟門各得然而見量未忘往往以詞害志執藥成
病原其所由不過能推非心離塵有性而已夫能推
是妄離塵無體此如來語也如來不云性真常中求
於去來迷悟生死了無所得耶真覺無功根塵何咎

極其轉名不轉體之致未能迷悟併銷而迷悟不銷則常光便隔妄即不存真復何在當下覺了已落糾回故爲之直示曰非別有一真在緣慮之先影像之外也若謂分別之心與塵俱滅則無分別斷不與塵俱生各成一物於何立界故爲之直示曰但據其所謂全性者捨分別而更有不知其所謂分別者捨全性而必無也於此不明詎稱圓悟所以破心破日無罪加誅有正有倒將名作實體用上下析見見於現前人法後先失空空於頓覺斷而得顯因緣自然之戲論滋深修乃可成諸佛衆生之分疆愈遠倘能豎

掃同時始信果因俱幻是故法性海中本絕思惟四十九年不說一字若云此謂權此謂實此謂見此謂修此謂圓融此謂行布纔成實法便非了義乃至性覺必明妄爲明覺依經立解寧不較然然於性覺生取心則明能生所無如其與妄俱來於明覺生捨心則所必障明無如其并真俱棄遂使覺與所明如來語下二俱有過安知明與無明如來藏中一亦不存故又爲之直示曰覺明不礙性覺之常然性覺豈傷覺明之自異悟理之士亦可以立地冰消矣而每至險崖輒生前卻者蓋聖境不捐故凡情競起也識其

惟一乾慧則流轉四生名爲亂想海登妙覺名爲極果皆是分別不契本然故又爲之直示曰捨亂想必無乾慧亦猶捨乾慧必無極果遂以亂想爲乾慧似有悟迷至於乾慧而回觀亂想悔不安住尚若遙其所不及者然後知迷之不可得也迷不可得悟亦何爲能仁成道之後適還其衆生之初泯法界量現法界身說法界事顯法界理若作聖解即受羣邪縱將寶位直授凡庸亦恐凡庸不應重受彼聲聞在坐不見不聞正與破顏微笑同一玄賞今釋豈能更有思議於吾師不可思議之中耶謹因讀疏之餘隨見隨

拈因月有指非月所取若其全經旨趣則一總論已化爲無縫天衣一切衆生於一原題全現出無見頂相開卷了然無塵不破此即枝中覓本委上求源不妨引而伸之作鈍根之助耳

幽谿別傳唐谿謚議合刻敘

四聖六凡同一法界五時四教同一法藏達者未嘗生心分別而小機之士干戈相待此如來所愍也天台以圓頓極則爲敎家上乘然自唐迄今或隆或替永明遣使於高麗始成全璧瑯琊致勗於長水無介殊宗具至公之識方解護持非至高之稟不能負荷

予觀於幽谿別傳唐谿謚議不恨今人不見古人殊有古人不見今人之歎也二谿師資道契蓋得電光三昧於初一剎那親見緣生三諦耳此一剎那中人以上之至微卽中人以下之至危微而不疑危而不懼全體俱見不出第一念故是下根所難全體俱不見不入第二念要非中根所及以此振起絕學不輕授受不謂之至高不可矣巖巖禪師以宗門爪牙作教乘干櫓爲之左右羽翼餘力則永明瑯琊之風可續玄同可復閱矣可謂不謂之至公亦不可夫有所爲而爲之謂之私無所爲而爲之謂之公此儒者之

深論也天下豈有無所爲而爲者哉不爲己卽爲人爲人而不爲己謂之公爲己而不爲人謂之私天下豈有爲人而不爲己者哉爲人而有益於己謂之爲己爲人而有損於己謂之爲人天下豈有爲人而有損於己者哉世之所至難殺身以成仁所成者己之仁舍生而取義所取者己之義也不殺身不捨生則於己之仁義有損然則盡天下無一非爲己之事而世以爲爲人以爲人者爲無所爲此之謂至私嗚呼予於是見巖巖之至公卽見巖巖之至大亦不得已而爲干戈相待者發藥耳入電光三昧豈復有爲人

見爲己見有所爲見無所爲見耶

禮斗科儀序

輪王御宇未有大乘惟以十善爲教此如來所說五乘中人天乘也世所敬事神明之屬凡八十種北斗居其一最稱靈顯唐裴中立宋蘇子瞻曾行之禮斗科儀散見於道家鈔善本余友傅子竹君手輯成書廣諸同志或謂傅子於斗母應有夙契非也傅子守慶陽以家財償公賦爲部民請命督撫不冒言輒自草奏復爲通政所格乃并論効攷之古今太守無此格外事天子特允其請又發平西之謀當大辟決有

日矣天子特賞其效斗母亦爲陰相於獄中蓋與傅子新相知也天之求人急於人之求天是故十善人多則天喜十善人少則天憂此自天之盛衰所關也正人進則國昌正人退則國亡君之求臣亦急於臣之求君天子之心與斗母不謀而合則傅子之心宜有不介而孚者豈預有所徵幸於萬一哉斗不可不禮以傅子之行行之雖不禮斗母固將佑之不以傅子之行行之雖禮斗母其能違道而歆非類之享歟昔南蒯筮叛得坤之六五以爲大吉子服惠伯曰有其德則可不然必敗蒯以叛而得柔順中正之占

理奪其魄如雷如霆而卒不悟求仙者期於飛昇先務作善上帝之側其無十惡五逆之徒明矣是書與斗數并行其以太上感應爲指南乎若言數而不言理則黃裳元吉之辭足以悞世之樂爲南蒯者而有餘矣

戈旭寰重刻文昌化書序

尊文昌者一以文德一以武功世亂尚武世治尚文而司命之權貫治亂而恆一以是奔走禱祠則三說者皆失其本矣上帝好生必求端於仁不仁之人卽具文武絕羣之才適以助惡皆有陰禍爲上帝所重

譴居今之時流通化書發文昌之本指意在斯乎萬物芸芸同一法身業力相牽末由自主或化而之天樂盛苦微或化而之人苦樂參或化而之人惡道純苦無樂誰爲出苦樂之外者出苦樂且置誰爲入苦樂之中而自主者九十七化徹體相示假於飛鸞不爲典要村媼牧童白之易曉帝豈得已哉小兒狂走呼號無狀使縉紳先生莊坐而歌商頌聲出金石抑北向讀孝經以諭之兒不能解有素所習乳母持果餌操鄉音說平居嬉笑怒罵之事忽然心開不則稱劉都護怖而止啼呼桓石虔斷瘡此非可較大義深

淺優劣取其方便饒益而止兵戈劫起民不聊生旗業熾然精靈黨盛天籍日耗此帝之憂也戈生光勳領袖善士重梓是書其必勒功天闕矣要以勸仁而誠不仁則神武不殺修文以來造命之權斷在人心帝特鑒觀而分別之豈能上下其手則讀之者不徒騰說行之者不徒爲己庶幾善承帝意也已

徐圃臣曆書序

內而聖外而王治天治地治人一以貫之耳今之學治人之法十不得三四治地之法十不得二治天之法幾絕矣治曆者治天之先務也舜在璇璣玉衡以

齊七政實明其理實見諸事而後謂之在豈委空器于術家推測已耶第令羲和世守其職後嗣忽焉咸侮五行怠棄三正致煩夏后氏之討而曆學失傳迄於周東遷以後史再失閏卽以夏時冠周曆僅一消訛後儒聚訟數千年而莫決何也無識無才復無學也夫有學無才舉之不貫有才無識擇之不精有識有才而無學辯之不確疎卽模稜密亦附會移古人之成言就一己之曲見穎禿硯利耳聾舌敝各矜其勝而天象無私卒莫可掩子輿蓋曰苟求其故千歲之日至可坐而致甚哉故之不易求乎嘉禾徐子圃

臣三長竝擅二筆難供曾遇異人授以太古元術專精二十餘年作長曆原理考古定法推驗辯證諸篇凡五十卷皆先賢所未發後學所未聞亦如賈胡探海獨得神珠驚王陳水全吞甘乳以為極廣極深而本於至易至簡要而求之亦惟其故夫同一故也或求之而合或求而不合或小合大違大合小違則存乎其識矣命斗也置閏也建朔也較若列眉則歲差不移一線日至印如畫契則交食刻分周天度數莫逃寸影立乎四千年以下定三代年表于竹書推諸八萬歲而上得四子真元於邃古天之禽星地之分

野人之司命日之纏月之遯照五行四餘之遲疾隱現迎刃而解布算皆勻本於春秋參於書訂於詩會於禮通於樂統于易緯於史衆證既明羣疑盡剗然後八斗之才翻瀾墨海五車之學闢富石倉遂令兼照之識挾日月而行天縱其無畏之膽奮雷霆而出地豈非曆學絕而復續治道晦而還昭一大際會哉故學者不可以不知天知天而後能治天以治地治人一一以貫之不出於損有餘補不足或以天積氣耳有餘不足豈人力所能強齊然而古之聖王斷然於此施叅贊之手若網在綱如衆挈領則斗運以為宗

斗運分明而千歲之日至求之即得孔子所謂辰居星共即故之真形耳圃臣曰斗之所宿連亘五辰首尾四正動成三合即辰居星共之口訣耳觀斗運而順帝則頒國紀因革損益時而措之無不宜之嗚呼此特後天而奉天時具有先天而天弗違之制世儒猶未能謹察其微況乎與天地合其德日月合其明四時合其序鬼神合其吉凶耶雖然論古之非所以成今之是存今之是不以掩古之長使陰用其法而陽去其籍則今之厄亦古人懸九鼎於一絲之際也圃臣之作其有憂患乎是非長短毅然竝著還諸古

今今之理得而古之事無失此之謂至公夫公所以治私也竊而在下未有一世之權而傳之千百世之後且暮遇之則繼往開來之責盡矣釋隱憂銷顯患而非以為名斯君子之所深取爾

刊正正字通序

代

方正學語廖鏞汝讀書幾年尚不識一是字其言痛切可以一日三省夫一字必有一是則字字皆有一是不出形聲點畫之外亦不在形聲點畫之中即使無一字不識而有一念不是則不可以對天地質衾隱徵庶民俟百世雖加之以不識一字之名而不敢

辭者理如是也正字通一書廖太守百子刻於南康此張爾公之書也爾公西江名宿年老食貧百子請以五百金易其彙彙已入而余未出爾公下世百子擅之即百子之利與名俱得爾公之名與利俱失是路見之所不平也予鎮連陽得板於其家乃爲表爾公之名正百子之實百子之實在授梓爾公之名在立言爾公可以無怨於百子百子可以無罪於爾公矣予未識爾公會交百子非有所私輕重心術之微一發於真僞而事爲之顯交爭於名實百子不可欺天下後世客可自欺授彙出自爾公百子豈能強奪

酬金出自百子爾公故難強求爾公全不負生交而百子半負死友予斷然判正所謂南山可移此判不改者也雖然貧老儒生即有此書一旦溘先朝露終亦蠹殘鼠齧安能公諸四方將毋此書之靈假手於百子以傳耶百子未酬爾公已爲爾公酬剗氏矣豈可謂百子非爾公之益友哉予不敢自詡爲爾公之功臣不妨自附於百子之益友倘於百子生前面相規正使之醺然得此一是更無餘憾今也一似翹百子之過而私重爾公者則予聞而稍後疑有莫之爲而爲者耳

沈子凡四書便覽序

沈子云凡見訪於德藏受其意致閒靜疑若一無所事者豆子既熟云凡進云有小楷四書下兼本註上列講義高僅三寸而竊同人欲授梓以其便於省覽即名便覽有數言弁之耶子以縉紳亦名便覽學也祿在其中矣此既稱實何礙同名倘指爲終南捷徑則庠序宜有愧色亦自談言微中耳云凡工書坐皐比恐荒舉子業夜歸其家了之此豈一無所事者有事無事觀其懷抱作是書時好動不能趁忙不可惟一無所事乃爲此等事卻令人作縉紳便覽觀又似

入南柯國裏小樣朝廷一般禮樂征伐極忙極動皆出於此甚哉一無所事者之多事也

徧行堂續集文之三

丹霞今釋澹歸 造

侍者 古止
傳湧 編

序部

王憲長仲錫詩集序

辛亥春扁舟出清遠峽抵珠江向所號畏塗者估客
篙師行歌相荅若徐步康莊曰此憲司王使君之功
也使君剿盜密得渠魁蹤跡輒掩捕立置之法以故
與援不及援蔓引不及引山海宴然耕鑿不變威惠
甚著余聞之以爲是將相之選也人不能爲將卽不

徧行堂續集 卷三

二

可以爲相劉淵謂隨陸無武絳灌無文蓋非篤論隨
何說下九江王陸賈使南越皆賢於十萬師周勃入
北軍灌嬰按兵滎陽卒安漢室開代來之治天下文
章孰大於是余晤使君披清風傾快論儔不傷道嚴
不遠情及讀其詩則天真爛熳入無鈎棘出無牽率
以言乎今古之際則依傍絕矣使君福嶺表十餘年
詰刑理財治鹽清驛靡不迎刃而解一本於此心之
明斷人各有心同明同斷既明矣必無此照明彼照
不明旣斷矣必無彼事斷此事不斷然而羈者障於
欲精者障於理全體或虧而大用俱隱使君之能用

道耳

堅素堂詩集序

癸丑冬余將之匡山止龍護園入夜有剝啄聲則戴
子怡濤與池子儀伯以朝正北上步履來過剪燭共
談凌晨便發怡濤語余至章門一詢王東白氏及十
二月訪之出怡濤手書并詩坐間話溧水山居之勝
兩家相望過從之樂余爲神往曰他日六尺孤筇一
雙不借幸假結茅寸土也歸舟讀堅素堂集當風雨
連旬之後爽氣忽發西山霽色兼回南浦擬跋數語
時值遷藩江舟俱斷洪波片葉從樵舍抵星渚幾於

徧行堂續集

卷三

二

夜行晝伏未暇也甲寅春大病久不復蹉跎至今始得追思訓昔念蓋古人論交不獨以其才論詩必及其品隱者見其密行顯者傳其美政有春華無秋實則君子薄之怡濤通守高涼清惠之誦冠十郡兩攝廣州於大兵大役之際上不廢事下不詘力謳歌荅響悉與其心聲相應一切法無不出於心者一爲行一爲言言與行不一是心與心不一也人豈有兩心哉世之人植本不貞逢緣則毀芟情不淨逐物斯汗不曰堅乎磨而不磷不曰白乎涅而不淄怡濤以此治心發於政與其詩非有二道聞樂知德則卿雲

偏行堂續集 卷三

三

復旦賡有虞氏之歌第操此元音以往耳嗟乎時方多故戡定之畧亦不藉恢張謝安風流一歸鎮靜靜者堅之所由成白之所由生也余老矣不及觀怡濤功業所底聊序緣起以告采風所謂雖非鍾期敢不擊節倘未先朝露一泛彭蠡過金陵舉章門舊事卽以數言對漂水山川之靈亦自喜非生客耳

光宣臺集序

卜梁倚有聖人之才而無聖人之道女偶有聖人之道而無聖人之才夫有道無才則法海之波瀾不大有才無道則意地之根本不清波瀾不大猶未礙源

流根本不清卽速趨塗炭此潛修之士所爲輕視才而重視道也雖然道外非才才非道外菩薩之行願不極深純卽般若之光明不極圓現天下安有無才之道哉我法兄阿字無和尙得道於天然老人間以其才溢爲筆墨幾於排山倒海浴日吞天予嘗私語以爲雷峯門下故稱才藪卽其所至皆已卓然有成若夫氣格雄傑思理深長入境都盡出路愈多山顛已涉海濤忽作勢欲斷而仍連義將顯而更隱予以推兄不爲他人輕屈一指也學士大夫埋頭故紙數十年所造有至有不至兄幼而遭亂失學自十七歲

偏行堂續集

卷三

四

始侍老人執役之餘篝燈自力大法旣明世出世典一目洞然探幽接爽爭奇競秀專車之骨節節明瑞燒尾之雷聲聲天鼓皆不從伊吾講貫而得之豈非多生所蘊之才發於一旦自聞之道之驗耶才有二或偏於立功或偏於立言則杜甫卓午之笠讓續鄭公韓琦無口之瓠歸文永叔矣兄經營土木量度米鹽酬酢公卿調攝僧行晝夜不遑尺寸不失而尋丈以計毫素日長此一異也言有二或以手爲口或以口爲手樂令之清談潘生之文筆用不能兼勢須相借兄說法則草靡衆喙論事則風生四座奮舌而出

燦然成篇援毫而書快如面語又一異也然則具萬夫之稟爲古今之通人以道發才以才發道行鋒車於八達之塗直趨寶所予昔爲兄屈一指今旣信矣二祖少通墳典兼擅老莊清涼才供二筆灌頂日誦萬言法眼於講席推爲游夏皆以鼓吹宗教而用文集傳者鐫津石門或鮮內篇要以法無內外因時立度則尤宜一集置之三藏中華嚴十地而上真俗已圓事理咸化讀者當自得之言中言外予所論不出於文亦不取其出於文德成而止藝成而下皆二見也釋迦四聖之徒推爲文佛天上無不

識字之仙寧有不能文之佛兄之著述無盡予之讚歎亦無盡故爲波瀾不大者加菩薩行願之鞭不爲根本不清者助世智辯聰之難也雖然世智辯聰與大般若光明果有二乎倘能親到一回更不稍生顧盼則街談俚唱鳥啼花開皆四無礙辯之所縱橫懸示聖人之道聖人之才或有或無一輕一重總爲二見始堪與此集俱入不可思議法門耳

東塔爲則範禪師全錄序

菩提薩埵之道莫大乎度生莫先乎觀時法無一向乘其敝而救之因勢利導是故縛於義律則摧蕩者

以逸格爲尊流于縱任則清嚴者以端本爲上居今之時欲救今之人必垂愍於撥無因果者乎世尊昔於楞伽預指其害曰受貪瞋癡性已然後曰貪瞋癡性非性夫性非性者性之正也貪瞋癡性非性論性之正也彼已受之矣無性而有妄受卽受而有妄性則有妄業有妄報究竟不出于性無性之外然使一切衆生相率而入於塗炭則今之宗門等爲那落迦門此世尊之所悲菩提薩埵之恥也于是今釋以請藏至嘉禾謁東塔爲翁和尚和尚於吾洞上一家猶父行也直心直行無一毫髮矯飾對之冷然意消信

有所謂目擊道存者矣旣讀其語錄雙眼圓明四辯注射知見正而不落知見波瀾闊而不混波瀾蓋長夜之慧燈橫流之砥柱救時之法主也今釋于斯道晚進顧嘗竊竊私憂以爲三災之起先兆于法苑古之作家了事之餘涵泳大乘以資內衛旁通世典以破外堅今則一知半解劃地指天害詞別字題箋染翰疎於本謂之穀饑匱于支謂之萊饑此一災也二障猶存賊深藏腑八風相扇禍侵肌骨遂昭靈而轉者狂陽守默照而滯者錮陰疾起一夫疫傳萬宇此二災也爭利方強盜名益詐操戈於同室則住持卽

是戰場按劍于異已則邂逅無非陷奔白拂在手黑
烟蔽空洗兵難於借雨握刀捷於折草此一災也
命既斷器界將空使據法席傳寶印悉如和尚徹夫
之繻可不戒而遠師子之蟲庶勿藥而消乎瀉山之
語仰山祇貴眼正不說行履良以失足之咎非盲即
醉不屬冥行則遭鬼攝世未有白日青天雙眸炯炯
而墮坑落塹者和尚以真參尋得大機用一言一行
不走時蹊此眼正之力非藉行履為淘汰者而或失
瀉山之妙指恣情顛倒誣瀉山以流弊刻意操持各
見迷源全成兩截則乘度生之願出救時之手見其

偏行堂續集

卷三

七

所見聞其所聞亦可以忘言而自得矣

自牧心長老語錄序

從上說法隨家豐儉豐無有餘儉無不足有時直行
有時婉出直非麤疎婉非纖密祇是將當人一著子
活脫拈與當人而已法立弊生乃欲以俳四儷六攢
花簇錦鈞虛譽於文字間既已癡絕即廣談宗旨貫
穿義天徒益多聞畜為過悞亦或真有悟門尚存氣
息遂成實法漸至流布不得稱本分宗師甚哉此道
之難乎浪跡雲間獲交於今超果自牧心和尚得
承其旨咳豐儉適宜婉直兼濟祇是將當人一著子

活脫拈與當人無欠無餘蓋天蓋地根之利鈍會之
淺深復自有恰好相應之妙真從上法施主也師再
住超果一住法海各有語錄今其門人合而校梓稍
有所芟予以善知識一言之下抽釘拔楔使自世而
後猶有聞塗毒鼓而喪身失命者豈賣菜求益之比
哉昔臨濟將示寂謂門人曰吾滅後不得滅卻吾正
法眼藏三聖出曰爭敢滅卻和尚正法眼藏濟曰汝
已後開兩片皮將何為人聖便喝濟曰誰知吾正法
眼藏向者瞎驢邊滅卻嗚呼自拈花示眾倒卻刹竿
以來一印相承千燈競爽無不以此為末後合同符

偏行堂續集

卷三

八

驗若非親到此地不能親行此令若非親行此令不
能施本色鉗錘稱本分宗師吾聞其語未見其人今
於超果一得見之故不辭衰病而為之序

柱史閣集序

學士大夫初為讀書應舉之業皆以利言帖括者取
利之因科名者取利之果敗德亡身破家滅國相尋
而未有已蓋失其本矣學以明明德為本明明德以
致知為本致知以格物為本格以何為物物以何為
本請循其本平天下之道始絜矩而終生財其於聚
斂之臣深惡痛絕卒章之中三致意焉若類於事類

而理麤非也好惡者心之所用之精隱者也其本無不在利一念初萌無中忽有卽已塊然而爲物宰者暗高者偏立言措政率成顛倒治天下與治心寧有精麤隱顯之殊乎朝廷之所取才學士大夫之所尚或經術或詩賦各彼其此要皆入心性以爲宗一失其本則敗德亡身破家滅國其流禍亦無彼此古之人達而爲君相窮而爲士必先絕利萌於一念利絕則物消物消則體空體空則照明明則好惡均好惡均則立言措政各得此之謂知本之儒鳳城余子善將爲諸生卽能清苦鍊行旣舉進士不

改韋布之風所作詩古文脫去蹊徑抒寫靈妙一以薄嗜欲飭廉隅端學術而移風易俗者指歸心性蓋儒之知本者也明之世粵有丘濬海瑞陳獻章獻章以理學顯瑞以清節著濬以文章稱濬之相業未能光大瑞不爲藝林樹幟而獻章無爵位以表其事功余子其欲以一身兼三君子之長乎夫知者萬物所同具致知者千聖所同趨今或少談見性輒謂流入禪家是謗千聖而誣萬物以自誣也余子發憤其爲儒者雄以格物生因地心以知至成果地覺外而王內而聖坐而言起而行予所加額以望非猶乎今之

人猶夫古之人也人無今古亦共信爲大人爾豈於太虛空中畫此方而爲同割彼方而爲異哉

姚子水真六十初度僧伽詩冊序

人之所嗜一也有至癖者寧別無同寧冷無熱寧怪無庸昔之嗜瘡痂以爲味似鰓魚彼猶以鰓魚爲真美使痂與鰓並陳則痂必敗矣孟子亟稱膾炙定不足以奪羊棗之愛蓋無可並之物無可分之情始謂之癖世之稱壽者錦屏繡幃玉軸金泥奉王公大人之崇銜以相位置姚子水真六十初度獨語海幢解虎錫公乞諸僧詩且曰必得澹歸爲序余語錫公僧

者乞兒之正宗澹歸爲之領袖如破席邊如破碗足如破竹籃之耳水真旣取之癖公復助之癖何哉錫公數請余數病未暇丙辰冬錫公病亟令其門人抵余書吾死不失信於水真余愧且歎世有姚子生結乞兒以爲命復有錫公死要乞兒以爲信豈非嗜之至癖者耶唐有李侍郎少失其父求之數十年得諸乞兒隊中老矣侍郎迎之歸色養備至一日語侍郎吾久與若曹處意甚念之汝能相招成一會故養志之孝也侍郎唯唯盆具肉缸具酒籬具餅羣乞兒畢集其父欣然圍坐大嚼旣醉飽連臂踏歌出門風擁

而去侍郎羞患杜門不能見人使姚子有貴子持錦屏繡幃玉軸金泥奉王公大人之崇衛以相位置姚子亦不顧且與澹歸羣乞兒飲茶脚食餽酸蔬腐百家蓋飯連臂踏歌此羣乞兒各各披破席邊把破盃足提破竹籃耳挾姚子風擁而去姚子以爲騎雲馭氣不足比其樂則生結與死要悉具心心無間之力置之下劣可置之尊貴可置之非下劣非尊貴可上而之諸天不能置此尊貴下而之惡道不能置此下劣中而之一切人不能置此非下劣非尊貴卽將自置何等澹歸以此癖心成此癖文序此癖詩使姚子

別開一癖世界集此癖主賓操此癖物行此癖禮頌此癖壽命錫公捧腹絕倒吾始不失信於姚子則二十五有之路斷矣

廖夢麒詩序

平行坦道而至於公卿此壯夫之所羞也雖然天亦有過夫以動心忍性爲大任之資今與之坦道則勢必平行是惜大任而薄待其人也乃其人欣然受之而不辭則人有過廖子夢麒傑出韶陽之士其詩蒼秀骨重而神不寒復登作者之堂向雖食貧有廬可居有妻子可保丁巳秋直大亂故居蕩爲荆榛妻與

子先後病死一身無寄豈天有意於廖子廖子其將受之抑辭之耶受則不能堪辭則無可避不能堪而無可避亦走絕地而求出路之時也久服黃精可以飛行有聞而悅之者誘人入井覆大石其上僅留一穴以驗之或教之若併心目注視穴口心不異念目不異矚未幾飛出誘之者大喜以爲黃精之驗遂自入井服死其處走絕地而求出路者亦然墮而入井飛而出井不得墮亦不得飛不求亦不出廖子於此上可踐聖賢之域次可暨豪傑之功下亦可發文士學家之蘊今試舉其下者史莫盛於司馬遷詩莫盛

於杜甫遷有奇禍甫有奇窮所遊歷皆半天下以其不平之氣與名山大川相爲激蕩譬諸瀛海風濤吞吐或凝爲怪石或散爲神燈魚龍晝鬪魍魎夜嘯素旗玄甲鼓歌樂舞千態萬狀不容測度必非止水細流之所能變現也人心之奇未始有盡不研不深不鬱不透不虛不廣不化不靈文與史小道豪傑之濟一時聖賢之開萬世事異而理同廖子之出路在絕地中則受其不能堪而辭其無可避也以不能堪而不受則不足以成聖賢以無可避而不辭則不足以成豪傑併聖賢豪傑之心目因時而措之立德立功

吾未嘗措意其間不得已而終於立言遷之史冊之詩廖子專車之骨雖同而不與遷甫同其神理者是之謂不以天制人不以人累天嗚呼天之過皆人之過所成也天豈有惜大任而薄待其人之心行坦道者如涉畏塗涉畏塗如行坦道而已矣

研隣偶存序

戊午新秋舟次南昌候蕭子孟昉於郡署之寓閤研隣偶存爲之心折俗薄時危賢者所宜匡救是故有不言言而無益於人心有損於聖教其獲罪在千百世孟昉爲文原本孝弟發秋實之深仁裁春華以大

義高而嵩岱廣則江河卽小品點綴亦復濯水歌清遶石成供邪辭艷體放遠無餘蓋救危時匡薄俗之所爲作也士稱三不朽太上立德次立功再次立言結繩而上得之傳聞造字以來播于簡策德不可見因言而見功雖成非言不知其所以成然則言者德與功之聚形之鏡續燄之膏歟孟昉喜交遊航山水伉直敢言義氣激發每以是賈怨或疑其近於豪俠遠於德其才効達四應可立功而恥爲非時之進學且益成文益工不肖結集傳之其人今所存散佚之餘親串所從更也若以三不朽讓之古今而已無所

取譬之雲霧杳靄風雷震蕩中微露一鱗一爪人指爲真龍卒欲見全體不可得而後思其奇亦孟昉之不恭也雖然龍之全體具於雲霧風雷非有俯視一世之心姑以鱗爪兒穉凡流凡流自不見耳用大者體隱體隱則用妙人之目於體見用龍之鱗爪於用見體慙其不見而不許其知則一鱗一爪皆龍之仁之所發義之所裁孟昉之不恭孟昉之用也世趨日卑功不足論下巧遁言上巧遁德彼以德爲無可形似卽原本孝弟俱屬之功故爲渺莽無涯之言未易窮詰然則無功無言於何有德孟昉讓三不朽而無

所取亦救危時匡薄俗之大指功在千世德在一身姑以一鱗一爪舉全龍之體用而兼收併放蓋可進於道矣

陸筠修文集序

事無大小皆有中邊則有當然之理理有中邊則有當然之情情有中邊所稱作者一目了然如其當然而起如其當然而止邊無有餘中無不足而已矣邊若有餘如蛇添足中若不足如兔缺脣夫當然之理當然之情乃人心所同然而一出於文遂有能與不能何也照體不明力用不利也懸一鏡於此鏡既明

矣妍媸巨細繪素遲速之狀無不影現必不於影內減少許於影外增少許於未至之先安少許於已去之後畱少許也刀以斷物爲能刀既利矣必不於所斷外多少許所斷內少少許未斷之先格少許已斷之後粘少許皆如其當然而刀與鏡未或虧焉則其明與利未嘗動也明逐照而流利隨用而往則鏡失其鏡刀失其刀以其不動而常有至足之明至足之利斯亦合同然之妙耳見之者驚爲獨能蓋予讀筠修先生之文而見先生之心照明而用利同一事也他人或添足或缺屑先生於理之中邊無不盡情之

中邊無不盡以爲盡則事外無有餘以爲不盡則事內無不足讀之不見深不見大不見奇而能深能大能奇者有含毫注思終不得一回明白痛快先生乃如對家人談家務耳人之心力自古以來不動自今以去常明常利而學者每苦不足於是始借喻某某物如某某事如某某人又不足而借事古人今人有某某事古事今事有某某說終不足而借詞某某局效某某篇某某句某某字效某某法夫神龍行空不資騰蛇之霧壯士展臂不藉十夫之手刀不求利於他刀鏡不乞明於他鏡吾有心吾自用之而至足豈

假於外哉然則有意於見深見大見奇至於借喻借事借詞皆逐照而流隨用而往者不可與論心卽不可與論文世之欲識先生之文者先識自心若識自心無不明白無不痛快無一絲毫隔礙自然合其當然無有餘不足之憾始能讀先生之文始知予言之易簡而真切也

過叔寅文集序

蹈虛易妙撫實難工先正衡文之篤論也雖然虛非全虛實非全實實能生虛虛卽尅實虛能生實實卽尅虛虛尅實而虛復生實實尅虛而實復生虛虛實

生尅如環無端則蹈虛之妙妙全在實撫實之工工全在虛而文之能事畢矣當湖過叔寅先生主盟文苑予於癸未獲拜下風及今戊午已三十六年更得相見先生年已八旬出其文讀之所謂年愈老而筆愈壯筆愈老而年亦愈壯者也年不老則閱歷不深筋骨不健筆不老則浮華不剝神采不新譬之天行旣健日月常新日月非新而無舊色天無行相不見弱容故先生之文氣必春容體必碩大入理必深遠出情必委折敘事必詳整遣詞必醇雅蓋具兼長而擅作手初不藉蹈虛逞妙而能用撫實見工惟實中

全虛自有空明靈動之意鼓之舞之以盡變也世論皆謂地實亦皮相耳積微塵以爲地一塵非衆塵衆塵非一塵衆塵似連而非連一塵似斷而非斷水之波亦似連非連似斷非斷火之燄亦似連非連似斷非斷天之氣亦似連非連似斷非斷而獨以地爲頑質可耶地惟妙於虛故能持載一切生長一切含藏一切金石至堅疑於無間可入而有理有脉自疏自通則蹈虛全實撫實全虛難易之分無從立界此予衡先生之文之逸論也雖然文豈不以人重人豈不以心行重哉唐太宗出良弓數寸以示匠者曰木心

不正則脉理皆邪君子小人各負材力各能立言然有因言而洞見其心亦有因行而重棄其言者矣故小人之文傳者頗少先生宅心易直制行方剛方革故以來家無四壁或至糊口不給而蕭然無動於中不降其志蓋得地道之永貞時措而力行之發而爲文無不與其心相應然則由文辨文其識也淺由文辨行其識也深先生豈徒以文傳哉先生潛心聖學直入奧窔予因論文而極言地體之虛一切法無不虛一切法無不實是爲工於撫實後之攬者一進而識其文再進而識其行三進而識其學庶幾無負於

予與先生劫餘重見之緣也夫

陸芳洲集序

古今賢達無不從大般若中來所云定能生慧則其入手慧復生定亦其得力也慧則明定則斷明則無理不徹斷則有惑皆遣惑遣則羣疑悉剖謂之智鋒理徹則一照無餘謂之靜鑑明亦成勇斷亦成智於以行其無緣之慈同體之悲謂之至仁蓋用世出世之本全握於此不獨立言吾友陸子芳洲弱不好弄長而篤學讀等身之書騁絕塵之足一魁南畿名滿海內中邁世變掃跡賢路屏居荒郊蕭然自適古人

之外無私交石鄉之北無共席其爲文也理窮要眇事備委折構局如堂度必峻壯遺詞如冶鍊必精堅世之古文自擅者亡敢窺其堂奧蓋有入事不能入理入理不能入事者矣夫理無失照則事無遁情局卽不作而成詞亦不移而具芳洲之理定慧相生譬諸大地不動今古密遷雲物無窮春工若一所謂卽定之際慧全在定卽慧之際定全在慧以此治文以此治世皆大般若威神搏象搏兔同一全力吾故悲芳洲之生不逢時也芳洲既不逢時時亦不知有芳洲於是以前明斷之才併於著述文之幸非世之不幸

耶世之亂由於不明不斷不明故內有讒而不見外有賊而不知天有災異而不聞民有疾苦而不達不斷故是非鋒擾賢不肖倒置利害易受四民失業萬里喋血古之人務治其心使定慧之體自復明斷之用俱章至仁之德被羣有以爲功而芳洲僅試其智勇於行文悲夫雖然文非小器所以載道求工於詞擇而後出如披砂得金耳選局之勝鎔液無痕敘事各協卽餅盤簪釧冠珮璽冊契法宜時若乃入理之妙則一切寶隨意而雨靡不超軼人天彼藉還丹以點鐵露華池而化薑且爲下乘芳洲自少及今同人

稱爲靜者蓋定慧之基固矣世以沐猴之習邁旋火之輪不能自立懼將焚焉未能成器何由載道則學芳洲之文者先學芳洲之靜乎傳之其人非其人莫與傳也藏之名山常住不遷斯芳洲於大般若來處嘿爲顯示非其傳人亦未之或見耳

陸曠菴集序

人之貴賤分於骨肌膚毛髮皆稟於骨而見榮者也骨不論剛柔柔有貴剛亦有賤清則貴濁則賤純則貴雜則賤高簡則貴濫則賤和則貴雷同則賤深隱則貴浮露則賤渾成則貴刻鏤而巧合則賤詩文亦

然凡貴者必矜非矯厲絕物之謂也見其人風流蘊藉謙以自牧別有凌霄之姿耳目不得而狎玩以柳下惠之和三公不能易其介毀之者或流爲不恭此之謂矜貴蓋予讀曠菴陸子之集真見所謂矜貴者矣曠菴之爲詩文皆生於心之不容自己其心所不能強者未嘗強爲其未作也不輕與人以入其既作也不輕與己以出一則伐毛粉澤外盡再則易髓臭味內脫三則鍊神則清虛之相俱消無論一章一句卽一字不比於雅必芟卽列一友生標一時地名位近於不雅不用其集而次之不發乎情不止乎禮義

不苟存其慎也如是蓋慎而後可與言矜也孫興公才爲晉望劉夫人且曰亡兄門未嘗見如此客將知門有雜賓賓有雜語則知主人之有雜心蓋不雜而後可與言貴以曠菴高才不踞龍門之津奔走天下其結契簡嚴蓬蒿塞戶而神志渺然常若朱霞天半然則貴果不在於位名果不在於聞也司馬仲達行視諸葛公壁壘歎爲名士有以知其合簡而法嚴令不簡則煩煩則人將自犯法不嚴則縱縱則人將犯我行師之道等於行文吾於曠菴真見所謂名士舉大將鼓旗以授之故非噲五所能妄覲耳

李赤茂集序

夏子季思持一編相示曰此吾友李赤茂詩文也赤茂才高學廣心行俱端師且識之予曰子非輕與人者子所與必可人吾已識之矣季思去取聞之篝燈乃盡則有季思言而未盡者夫天下不患無才學而貴識與膽膽者識之所生而能成識識如眼膽如四肢亦如相撲也見其敵所長所短吾有以勝之或一手或一足或一指之微頭之險肩與背之無所可用迎機而用相與活潑而奏其功才亦如人學亦如物有識能謀膽能決使彼人治彼事此人治此事或彼

徧行堂續集

卷三

主

此更易出此物爲此事用彼物爲彼事用或多或少以某數始以某數終無少猶豫需改卜者宜使不使宜出不出出與使遲至於僨事才與學能成瞻無識不能成才學山者見之障也立於一面則蔽二面登山而及於高高止一面亦蔽三面據坐於山之巔則四面俱盡矣識之能如眼之能而楞嚴稱眼於一千二百功德三分闕一鼻與身如之耳具一千二百功德舌與意如之今夫耳居於密室之內重垣四周上覆下載各有所隔十方擊鼓十處皆聞蓋無藉於境此宜與舌與意同爲勝根語言文字之勝則舌與意

之能有識無識有膽無膽利鈍一分而勝劣極於霄壤此余於赤茂三索而上獨取其識也識勝者膽勝識劣膽劣膽劣羣疑滿腹衆難益延有一人起片言立斷舍某某而取某取者服舍者咸服乃至一切不取發其獨見出於盡思共度之所不及豈剿說雷同可得竝駕哉悲夫世之人何剿說雷同之多也每見一篇人爭曰此似某人某作以優孟待人而人以爲重每作一篇已亦曰應仿某人某作以優孟自待而已以爲重蓋曰毋剿說毋雷同矣又曰則古昔稱先王則古亦剿稱先亦同卽誰當取誰當舍者有時舍

徧行堂續集

卷三

主

典冊而不疑取芻蕘而不懼有時出典冊芻蕘之外而超然獨舉豈不存乎其識哉赤茂之識賤同而貴創同者人之所爲創者己之所自爲而非專取不同不同之中有赤茂在同之中有赤茂在復如使某某人出某某物成某某事其事亦同乎世亦不同乎世赤茂居堂上而令之某某人某某物堂之下而聽之耳此之謂識能生膽能成才學以復季思俾藉手以報赤茂

滋樹軒詩集序

古王者巡狩至諸侯之國命太師陳詩以觀民風則

三百篇所繇刪也十五國之人聽一王之觀各不求相似今之人走一時之好惡無一不求相似于是見人而不見已見衣冠不見面目見悲喜不見性情蓋天下之習偽久矣心能入偽口能出偽筆能傳偽觀面而不可問即一切事寧有可問者然則觀人者或觀其詩辨詩者亦先辨其人乎予過當湖猶得見陸先生筠修先生以前朝名宰官辟地牆東今年八十六矣神識精審支骨強固舉止語笑從容中節對之則盛世真風故未散也不我遐遺示以滋樹軒詩靈不墮空摯不生著幽不響滯爽不色浮真氣灌輪于

字句內出篇章外從心所念從口所言從筆所轉別有風行水上雲曳天中之妙讀之則盛世元音復未散也今夫雲冠千山巔帶千腹瀾漫于足隨風所之升于晴空或東或西忽整忽散似人似物不知其所從來所從去今夫風蓬蓬然起于南海入于北海而似無有當其輕揚度于前溪微波徐興若先若後一窪一窪非斷非續水之干風不知其有所損有所益無所辭無所受雖然風雲之用大矣鼓為雷射為電注為雨飛龍之所乘大力鬼神之所挾持跌宕不有大利必有大害先生之詩不登於明堂清廟紀豐功

頌至德惟家庭聚順之樂親申過從松楸封殖老農圃較晴量雨之餘旅次蕭騷民間疾苦復有言之不盡言盡而思不盡者讀其詩又可以論其世也今夫雲與風不為垂天卷地震動萬物而為春谷養和秋空散采濯纓澄渚披襟茂林一若無所為而藏其用即飛龍有不敢駕況於大力鬼神先生於是不失已故不徇物面目真而衣冠非竊性情真而悲喜俱親此自風此自雲耳此因時而別為風雲耳豈曰彼風彼雲有是聲有是色有是作用有是體性人所悅可奔走禱祠有是威德竊竊然求其似而為之哉夫使

風雲自為則不知使非風雲欲為風雲則不能使是風雲同為風雲責其畫一則不官使天與水與風雲相為前期觀其後效亦不可斯所以為無偽斯先生之人與其詩所以為獨出一真者歟

汪氏三子詩序

生人之樂惟文與友友兼四海文專千古斯閭浮提不數見者而得之一堂同氣尤為至難夫地非一方人非一世忽然相遭雖一嘖笑一食宿悉有其因況一氣之子同一德同一情與才則其來也有故其聚也亦必有故矣休陽汪子周士訪予當湖得讀其詩

與晉賢季青之詩皆異才也人有才不能無所用當
習進趨而三子澹于榮情攬山川之勝自置于一丘
一壑才而窮且老則寄憤于著書立言三子皆盛年
未有落魄不得已之遇才人多輕忿或驕且吝三子
謙下以朋好切劘爲事敦尚節俠才能致忌矜其所
勝父子兄弟或爭名分黨三子於一家倡和不獨爲
異不苟爲同數者皆近於道然則三子之相爲友生
相爲兄弟故已非一世二世矣詩者喜樂之氣之所
現祥也比於八音按節而奏之則爲樂古先聖王以
之治情復性平血氣格神明調四時豐物產於是乎

成治兵黷而刑濫賦斂繇數上急則爲怒下困則爲
哀哀極而天地之中氣殆絕於是乎成亂亂世恆多
詩人蓋乘救時之懷爲宣鬱導和之使人之一身脾
爲中氣司化源習芬芳而好音樂木火者怒之出也
木束濕而鬱火得風而過張則比於兵與刑才者水
之府也水竭而腎敗則比於哀中氣傷脉絕而死今
之時天地之中氣宜藉手於詩以畱之則三子之所
爲攜手而同生於汪氏者也所生之人與其地之靈
先世一家之吉祥相應是故才而近於道不至於落
魄不得已而後爲詩所以明夫詩之爲喜樂之氣而

比於吉祥也嗜於進趨趨時之所急不得緩於賦斂
寬於刑而戢兵故非褻裳而避之三子若有不知其
然而自澹者三子之正報全於喜樂而依報比於吉
祥非一世二世之故則其湛深於風雅謙而下人遊
名山大川置身丘壑愛朋好而敦節俠皆其夙因也
夙因皆沿於習稟於願力夫願力豈有他哉志之所
之沒世不衰則金石堅而水火不敢犯可以取必於
隔陰之後絲髮無爽三子之詩有見高見深見潔且
靜者其德也有見婉麗而多風者其情也有見磊落
而恢奇跌宕者其才也有見慈見厚而一出於悲天

慙人者其願力也此豈枯寂自遜如吾法所訶焦芽
敗種之所爲蓋同爲宣鬱之使則其言與其行無
一不舉宣鬱導和之令故不苟同不立異異非和也
同亦非和或偏而入於鬱三子之來處與其行處其
去處其究竟處不出於詩不直取閭浮提不數見之
樂以自爲樂於是得之卽人所以自觀所以觀人不
離現前而見三世之所攝至大至遠亦於是得之矣

沈客子詩序

微雲澹河漢疎雨滴梧桐舉坐閣筆嗟其清絕然清
或近於寒秀色可餐若絳仙者可以療饑矣而秀或

近於纖昌黎登華山不能下慟哭作書與家人訣山不厭高或近於孤危李長吉郊行小奚持古破錦囊從其後得句卽投其母曰是兒要嘔出心始已耳制作不厭奇或近於刻削當湖沈客子之詩所謂清絕不寒秀絕不纖高絕不孤危奇絕不刻削者也客子形神如白鶴凌空不能爲階庭近玩其詩如橫笛孤吹於空山月下雲無片翳風無絲擾其人其境不從人間來天之氣陽地之氣陰人生而兼之有英有雄英常兼英雄不常兼英英者氣之包舉而輕升者也挾七尺之軀行於四海一身之外有光熊熊或圍數

丈或數尺其首之光衝而上騰亦數丈或數尺鬼神望而卻走謂之英絕凡詩之清絕秀絕高而奇絕者皆英絕之所攝也亦有好學深思英分偏少如楊子雲能爲沈博絕麗之文傷於遲重而澁此特雄耳肉不可肥骨不可不重骨可重神不可寒神寒而骨重則無由包舉而輕升仙之爲道乘虛御風形神俱妙形不妙者非神之所能挾也若能捨妙高之頂宅於空居則身光踰於日月衣質勝於雲霞全神卽形全形卽神非塵埃中所得見而忽入塵埃自然有香若梅檀光若瑠璃之異客子倘從此來乎當復以予爲

豐于饒舌矣

李竹西詩序

從嶺南攜出灰頭土面向雨宿風餐裏得到當湖意氣俱盡竹西道兄拏舟來訪忽見四十年前人疑其老矣乃有龍跳天門虎臥鳳闕之狀如將冰稜下人提在杲日薰風中坐地也虬髯客見李公子不覺心死澹歸見竹西卻又心活讀其詩浩浩落落無一字不從胸襟流出刻畫之跡湊泊之痕至此一爐鎔盡矣人之心不能不爲境轉身更世變則江山寫恨花鳥助愁詞場詡爲能事竹西以用世之才屈於隴畝

性非枯寂而情無沈鬱此必有獨得之樂矣迨而問之竹西曰吾未嘗留事於胸中耳予爲之擊節不特可以卻病可以延年抑可以入道因自念一生多思善怒宜其少於竹西二歲而竹西甚壯予甚衰也茲欲向竹西行乞請以所樂之餘少分見施可乎雖有至聖能施境不能施心苦人之心入甘境而苦樂人之心入苦境而甘則未能易心但求易境予亦安能免下愚之謂也雖然竹西之樂半見於詩能識竹西之詩亦可深入其樂予故勸竹西付之剞劂氏予得抱一冊日哦之食於斯寢於斯譬如黃連樹中蟲忽

然落在甘蕉林裏左齧右齧求一點滴苦汁不可得
庶有瘳乎昔有老翁富而過儉偶聞達士之論歸與
其妻飲酒食鶩炙夜夢健卒持官符攝之甚急曰爾
何敢冒破官糧大怖而寤從此不復食肥甘恐予欲
借竹西之詩徵幸於深入竹西之樂亦未必有如是
福耳

施端臣詩序

端臣詩丰標韶令格韻雅暢時見出塵之姿自是烏
衣巷中名士卻有硯壘欲澆處曾語予欲脫俗累從
出世者遊頗恨未易撒手予謂此特硯壘未消境界

徧行堂續集

卷三

三

耳胸中無硯壘不能工於詩胸中硯壘不消卽出世
亦不能自立然則僧與詩人正相反也端臣遭逢幸
未如意故能以詩人思出世設一向如意豈但不思
出世亦將汨沒於五欲之樂不暇工詩今藉手於不
如意而工詩雖失相反之出世終得相成之用世於
其中間兼得詩人是胸中硯壘大有造於端臣也端
臣他日如意當益加親近益加供養而後爲無負於
硯壘予爲此懼出世既與硯壘相反不如意而思出
世者百無一能出世者千無一硯壘既與詩相成詩
人與用世又不相反不如意而工於詩者什之五工

詩而用世者什之三用世而能出世者萬中無一則
用世之途甚寬出世之途愈狹予與端臣暫交臂而
永相失能無孤立之歎耶斯言也不獨與端臣定詩
人之價且爲端臣操用世之券端臣如意之餘知有
硯壘者與出世相反卽無硯壘者當與出世相成舉
舊思而化爲新思則予猶未至於絕望也

陸嗣常遺詩序

嗣常先生獨占八斗兼破萬卷邁陽九之厄解毀掩
室縱情詩酒意到筆隨嶽峙川湧不自愛重每逐烟
雲散去先生之心亦謂餘此七尺且非本懷豈復乞

徧行堂續集

卷三

三

靈毫素求知已於後世耶夫藉君親以市利者小人
也藉君親以市名亦非君子此編乃令子威咫尺破
藥囊中偶得之蟲穿魚蝕捧之流涕手錄笥緘時當
省侍予獲覽焉筆陣排冪淵涵如入武庫如讀峒嶠
之碑如望江沙古八陣圖其悲憤伉壯則阿壁問天
錮鐵沈井適可相方耳當湖陸氏稱東南才藪皆擢
秀標妍齊驅王謝威咫尺之文華山巖業黃河澎湃與
伯兄林士追蹤於楊子雲司馬相如觀先生之詩則
芝根醴源故有所自予爲表其大節因遺詩而教忠
因輯遺詩而教孝則陸氏之澤益遠且大不敢援春

華忘秋實也

徐且閑詩序

寄錫北寺徐子且閑過予不數數然每過則自歎其窮若有不能自遣者最後出詩一編觀之則劍沈園土驢服鹽車宜其紫氣逼人白汗灑地矣書生餓且死猶詠梅花彼以詩致餓終不以餓廢詩貫休投贈錢武肅有一劍光寒十四州之句王門典謁欲改爲四十州貫休云詩不易改州亦不易增拂袖徑去彼以詩去終不以不去改詩詩人之尊貴如是豐城之劍必遇雷煥太行之驥必逢伯樂且閑其善俟之雖

儒行堂續集

卷三

三

然舉世無一人知己劍與驥故自在也不幸而忤時以去貫休自在至於餓死梅花詩自在生死無變而況去就屈伸窮通之介乎李太白月下獨酌對影成三人何妨以詩爲且閑之影以窮爲且閑之月我歌月徘徊我舞影零亂亦未至寂寂笑人人或冒以詩爲影不冒以窮爲月無月無影無窮無詩忽將李太白牽入暗室中飲酒三斗疑於盜釀者太白不甘恐且閑亦未必甘也

王雲外詩序

儒而不能使毋爲貴儒矣貧而不能使毋爲貴俠俠

而不能貧毋爲貴貧貧且賤富且貴各有能使各有不能使俠於富貴易俠於貧賤難所爲求什一於百千未之或得也予從李公潛夫詩中得王子寅旭周旋於一窟獨守節之老孝廉依依不忍少疏以爲是貧而俠者迨至當湖寅旭來見出其尊公正始先生詩知寅旭之俠雖性成亦其家教然也先生古之逸民能文善畫膏肓丘壑痼疾烟霞若將終焉然當兵燹日熾則聞風聲而思特起條上便宜慷慨奮發卒不見用浩然而歸未幾北天折柱痛憤成疾且死屬寅旭以皇明處士表其墓石蓋有烈士風其詩不走

儒行堂續集

卷三

三

平熟磊砢英多則荊卿之歌高漸離之筑如從燕市遺音九山海水欲立亦詩之俠也俠而無儒術謂之麤俠儒而無俠氣謂之細儒先生槁項黃馘老死布衣而君國之憂友生之急切膚次骨具欲身殉未嘗以有餘不足互相籌度故儒而俠俠而貧貧而俠若連珠貫克世其家則寅旭肖之春秋譏世卿三世爲將道家所忌郭解之俠不歿其身魯朱家之俠不名其子而王氏兩世自嬪則以儒術爲之根柢不敢犯禁亦不能救貧卽俠之陳力疑未足耳於未足之中有欲然不自足皇皇然欲足之思故其心力愈全鳴

呼古今俠士以貧且賤而不克傳者何限且無論不傳當其時而已不克成矣則富與貴亦可重也惟富與貴者不肖俠而復自附於儒以是累儒兼以是累富與貴予故於序先生之詩發之今人爲詩好走平熟自文其淺思寡學幾於柱形無骨束骨無筋然則貧而不能詩謂之濫貧詩而不能俠亦謂之辱詩也

周青士詩集序

將爲天下不可少之人則文心俠骨道氣如鼎三足缺一不可也獨文即靡獨俠即獷兼文與俠而無道氣濁智流轉不入於非人不出於人余所交梅里周

子青士蓋稱具體矣青士有雋才值世變混跡塵市斥其贏餘納交四方其前乎青士者青士推而尊之後乎青士者青士掖而進之等乎青士者青士切劘而左右之於是人才奔奏風雅相命剪燭飛觴方舟結縞殆無虛日其家遂落至衣食不給則用研田館穀於友生相與考論古今是非成敗唱誦山水間花朝月夕屈指海內賢豪長者某某才而未有時名困於風塵者某某宜共晨夕某宜遙相應求某爲舊所識某爲新所見聞某得諸同流某出自獨賞津津齒頰間不置旁觀竊笑聽青士之言當破散其家一

如青士青士不顧青士才思颺發泉湧可千言立就兼敏與工其論議超軼通自宿慧有獨出世諦之美者好與方外遊脫畧窠臼不責人小節不侵然諾不以炎涼易向其慈和喜接引能入草屨盤具有大乘菩薩風予遊屐半天下每見人執一曲黨同伐異排擠一切以自張其能不知其流於下劣爲可慙也女無美惡入宮見妬士無賢不肖入朝見嫉大故若是小亦宜然今以青士爲天子大臣人之有技若己有之人之彥聖其心好之必無蔽賢竊位分門植黨之禍矣卽以是心求法器度衆生復可三根俱接四攝

竝行不致劍挺十方草深一丈世或疑青士好名亦知鄙夫患失無所不至皆由于不好名耶慈氏如來於往劫有求名比丘之誚然慈氏下生金沙出海地平如掌人壽八萬四千歲釋迦法中遜其福德蓋好遊族姓可以盡觀人之智具迎刃之解菩薩善巧方便一往而深融物情成衆美如水赴壑燈取影但辦樂善利生之願行歸於大寂滅幢則涉境逢緣皆無虛棄予敘青士集而敘其人貴於文心與俠骨兼擅壹以道氣爲本意在於此

吳孟舉詩集序

有天下士有國士有一鄉之士蓋分於識量識如山
量如天山至於妙高水至於大瀛海然後足以發其
才識卑者才雖高僅成部婁量狹者才雖廣亦灌陂
池若夫拔地隣虛羣峯如子吞天浴日衆壑歸臣人
驚其才而不原其識量予於石門乃得之吳子孟舉
耳孟舉之識不爲今人所誘亦不爲古人所凌其量
不爲近之時地所囿亦不爲推而前卻而後之時地
所動是故寄意於毫素不懼唐以上不輕宋以下不
襲衣冠於經史不降格于里巷不腐落于秋實不剪
綴于春華斷然自見其孟舉之識量而莫能禦其才

何也踞妙高之巔俯視其下四達皆見絕大瀛海之
底旁探其津涯則八表俱迷彼彼識不尊事與理礙即
有冥搜之思思欲通而嗣宗之轍已窮量不擴者情
爲詞局有傾倒之力力欲往而夸父之飲已竭矣然
則爲詩不論識量而論才不論才而啣濡于事理詰
曲于情詞皆逐末也予閒過黃葉村莊涉其徑則幽
而深登其堂則軒而曠察其部署竹樹丘壑如閱數
十年之久妙合自然五月而畢耳當孟舉經營之
次屬有風鶴邑人倉卒奔避孟舉夷然若無所聞指
畫精審尺寸不失人以爲繫心無益遺其身家予于

此見其識定而量遠能使其才波瀾曲折層疊隱現
與山水之趣爲一也古之人于所與遊或聞其言得
其所行觀其行得其所言言無多寡行無小大然明
一語叔向識其君子謝玄履屐之間郁超信其能爲
大將則予于孟舉豈直詞章之學相玄對稱知已耶
石門之鄉有洲錢洲錢之族有千年吳者孟舉所得
姓也今其世碩蕃以顯而孟舉用雄才大畧冠冕其
家黃葉村莊又呂心文之五柳心文棄官歸隱卜築
此地竊比淵明故未失儒中二乘彼趙忠定實生洲
錢方寧宗父子之變奮不顧身決內禪之策使宗社

危而復安皆自其識量勝夫無識者一顧盼而失先
幾無量者再籌躡而得退步苟能置禍福于度外一
發其才而乾坤立轉豈可望之一鄉一國之士孟舉
勉旃吾儕相期於一切衆生皆憂皆虞之際以豪素
爲寄而非以豪素爲歸也

沈宏畧詩集序

唐詩四分初盛中晚蓋論詩不論世也唐治盛於貞
觀詩爲初運詩盛於開元大曆世已亂矣終唐之世
無盛治則詩非工於窮工於亂也明之才爲制藝所
耗王李鍾譚之徒抵掌而開詩運至於今益盛錢虞

山以致亂之獄歸之此四子者爲詩致盛不爲世致亂而世之亂詩之盛不期而會不知其然而然譬之邵堯夫天津橋上聞杜鵑聲杜鵑得氣之先者豈開氣之先耶吳越爲才數遂爲詩數沈子宏畧詩數中之瑰異之材也頃士氣不振制藝不足以耗之率走於詩昌黎所謂物不得其平則鳴觀於詩之盛而知士之不得其平世之亂也予生遭多難時復爲詩時得不祥之句故愛詩而愛詩之不祥者亦愛詩人疑其爲不祥之人也宏畧非不祥之人何以工於詩也唐之盛王孟李杜其著者孟以布衣早死爲不祥不

失爲祥餘皆當天寶之亂摩詰僅以節未敗獲終右丞子美流離秦蜀歿於楚太白乃至長流夜郎不謂非不祥使予甚愛宏畧則不願其工於詩無如宏畧之詩之已工也使宏畧不降志於福澤以王孟李杜爲祥即可矣然王孟李杜祥而世則不祥此予所不忍亦非宏畧所忍又無如宏畧之詩之已工也詩之盛世之亂如形影隨不如形影似不期而會不知其然而然以致亂之獄歸之王李鍾譚是欲以王安石呂惠卿蔡京童貫之罪罪杜鵑也杜鵑不知其然而然王李鍾譚不知其然而然王孟李杜亦不知其然而然

而然不能爲世間消此亂且爲詩家成此盛則宏畧爲詩之致盛之才予適逢其盛擊壤鼓腹其旁而太平野老之樂已具矣

金子弢詩序

寓錫精嚴金生子弢衰然來謁蓋吾家楚畹翁之孫也出詩一編相質溫柔敦厚得風雅之正徐吐其懷抱則憂時愍俗而不獲見用於世且自度見用亦未能竟申其志欲棄家從浮屠遊不忍割愛弱息或勸以從戎且唯唯且否否眉間精悍之色每於閒中忽露子弢前身爲山東沈總戎其生時楚畹翁巡鹽長

蘆夢徵頗異子弢既長一夕夢見其前身之母又一日夢其前身之妻復一日夢其前身之二子忽忽愁歎以爲不祥大母始語之乃祖昔有夢徵秘不言恐以泄致天今汝自見之故無害子弢雖文弱事涉名義奮不顧身謂生死足計者此猶馬革裹屍故習使一旦棄毛錐美戟熟處難忘亦復何怪然生處宜熟熟處宜生沈總戎必自有皈依三寶之因子弢見佛菩薩僧必喜必依依不忍去倘擇於二者之間豈必膾炙哉古亦有云寧爲百夫長勝作一書生今以大將軍屈首場屋乃能操苦竹鎗會家不忙豈非武

人所祈響而劣得之則爲僧與爲詩客較親復爲總戎必較疎矣以子弢至性所發爲文爲武出世用世無所不可予爲詩序不主序詩蓋不欲其以詩人自了昔亦有以法師而立願爲大帥者遂果所願或訾其失足佛歸僧舍兵隨將轉別有重輕一聽子弢習氣之深淺而已矣

吳門遊草序

以馮子石良之俊才數不得志於時出吳門遊草相示則吳門山水無遁形有生色矣此山水之幸也山水欲自發其奇必假手於才人才人欲自宣其鬱復

遊目於山水才人顯用山水山水隱用才人則以才人之不幸成山水之幸淺而罪山水卽爲樂禍深而疑山水寧非下石耶今與石良約并與天下後世才人約凡不得志於時者裹足不遊山水遊山水袖手不作詩文則山水不得發其奇而假手之計詘卽必乞靈於富貴利達者富貴利達常鮮才人不能爲山水發奇卽必奉富貴利達爲才人壽則才人之計成矣石良乃自播其詩屬予爲序是墮山水之計中也雖然山水之靈見石良之詩而一喜見予之序而一懼倘有調停於帝之左右者乎則才人之禍庶幾其

少息也

汪子倬集序

予以癸巳與汪子子倬遇於毘陵蓋同魏美魏美吾鄙所稱不降其志不辱其身者也時子倬退然內然動止訓酢一讓於其兄今戊午子倬過予皆在當湖讀其愛日樓集剛非露骨柔非縱筋樸以立幹秀以舒采盡作者之長不爲時流轉亦不爲昔徑迷乃從而論次之雖然予與子倬兄弟交豈直以詩文相標榜哉子倬至性過人爲孝友退然內然壹似咸有讓者別來數年猶前日也世之能詞章執

風義者沾沾自喜以爲至矣盡矣或抗激感憤不能容人至無以自容則量不足以受之今夫千頃之陂澄之不清搖之不濁非若汎濫潔而易挹者大小之用殊也均天下國家辭爵祿蹈白刃聞者見者驚爲挾山超海之奇大人視之猶折枝耳海之中有焦石之寶百川橫流日夜注之歷億萬年而海不溢何也遇焦石而俱消也吾之性一焦石也才遇之而消學遇之而消功業遇之而消道德遇之而消乃至見性而見消成佛而佛消使有人焉享大年而不消與飲勺水而不消大小雖殊其於病與死相去皆不遠矣

奈何有無量之量而較尋尺之長於衆分衆寸自以爲奇哉然則受有量消無量有受或不消有消無不受諺亦有之禍曰難受福曰難消世有受福而不能受禍者矣未有能消福而不能消禍者也故曰小人經經大言炎炎譬之太末之蟲一切能緣不能緣火燄之上緣卽消矣焦石者火之精純出於水而爲性海烈者也子倬之言胸無宿物眼有孤明迴風紫瀾春容以盡變入其中有至大之觀而不見暫溢之勢亦不能以一名名以一得得夫以一名名以一得得皆宿物也有物故不明能消亦無受無受則無宿東

郭順子之爲人清而容物使人之意也消人之意消而已之意有不消者耶予所論次子倬之言蓋似其人言可襲而取人不可襲而取也人不可襲而取言亦不可襲而取於襲言得其不可襲之人於不襲之人得其不襲而取之言皆一見決矣

徧行堂續集文之四

丹霞今釋滄歸 造

侍者 古止 傳勇 編

序部

李灌溪侍御碧幢集序

山林之文與廊廟異通經術者辦理貴微秉史裁者序事貴核尚騷雅者託物賦景貴超各取所長臺諫之文與館閣異厲風采者不貴亢激崇名理者不貴迂疎樂辨博者不貴曼衍務去所短持世有作先觀其奏議而大端定矣灌溪李先生釋褐令東官以愷

徧行堂續集 卷四

悌著擢御史以清直顯初入臺條上八議皆為烈皇帝對症發藥務以惇大誠信恤民隱養士氣為指歸理直而詞和忠愛懇惻溢於行墨之表出按畿南論依馬驛馬之害爭驛地加派爭類解畱津糧備三關戰守區畫曲盡具有回天澤物之功卒以劾監璫陳鎮夷致遷謫嗚呼蓋天下事已不可為矣烈皇帝天質英明然詳於細疎於大察遠而遺近每為在旁之姦巧中而不自覺當其譴斥稍過羣臣悉袖手為不終日之計逃責於局外徼幸於事後先生憂之昌言匡正勢成莫挽闖賊犯京師冤血灑塵柱矢集闕既

曲突徙薪之不用并焦頭爛額而無聞可痛也弘光繼統不仇讐是尋而修門戶之怨先生官閒曹獨申正誼謂文武諸臣躬負大罪豈得高談定策之勳貽朝廷以幸災自利之誚蓋疾呼夢覺無如夢魘者已就於危亡也於是潛忠在孝視膳問安視北呵冰牆東炙日當塗貴人式廬致敬或不能邀其一盼始終為乾坤畱正氣稱今古完人讀其詩文清真高曠入理深置格峻措詞簡未嘗與文壇爭旗鼓而雕章繪句者自然退舍蓋有德而後有言能仁必能勇也先生外和中介是非所有持之不變以是輾軻宦轍當

徧行堂續集 卷四

崇禎之末士大夫如患風痺陌路君上草芥民間流於今尤劇孔子曰天下皆憂吾能無憂乎天下皆疑吾能無疑乎吉凶同患君子不可一刻與萬物交疎先生每聞官邪政濁閭閻疾苦詩書崩壞仰屋而歎對案忘餐雖老彌篤或謂此既易代何與吾事夫新故即移天地猶吾天地民猶吾民物猶吾物寧有觀其顛沛漠然無動復為之喜形於色者耶予故推先生為一世真儒於吾法中大乘菩薩種子久遠成熟以其勇發於仁不盡從文得之稟德而言因言達德百世之下聞其風者足以頑廉懦立薄夫敦鄙夫寬

兼夷惠而比烈也

樹德堂詩集序

天下之元氣見於風俗一人之元氣見於詩以正爲鵠詩三百一言以蔽之曰思無邪此詩法也天下之風俗雖壞一人自正則能回元氣於無何有之鄉其權不分上下使位天地育萬物全歸君相彼有君相以來賢者少不賢者多然而不至於崩陷滅絕必有致中和而不見知於世者矣其義不專屬詩而謂之見於詩者詩性情流露之最真也吳門李如穀先生官憲副以漕事忤大璫拂衣歸里享高年稱人瑞少

徧行堂續集 卷四

喜吟詠老而不衰珠璣錯落每隨烟雲散去令予灌溪侍御搜輯手錄一千餘篇目曰樹德堂詩集予得卒業焉先生處剝運之極不獲大用正天下之風俗顧以回元氣之力寓諸詩不激梟以傷氣不琢削以損神不纖麗以喪骨浩然天真一出於性情之至正蓋李氏之元氣全矣吳之元氣天下之元氣與之俱全今夫人之心無名無相卷之退藏於密舒之則彌六合天下自壞一人自成天下忽異一人忽同天下總而別一人別而總各不相知各不相到豈肉眼所識而一證之於詩眼以其正也先生嘗語侍御君一

生選詩枉費於烟雲花鳥玩物適情之上今當取其懷古言志關風化感時事有識度有經濟覺迷啓悟者爲我拈出更得見地之友共之此選詩法卽作詩法也先生居心制行恬澹曠達當其蕭然物表三公不易叶詩家之正宗其養心諸格言如寄荷衣簪冠於纓紋間與身在江湖夢遊魏闕者淨穢相去遠矣天下大器惟輕爵祿而置身器外者任之若在器中鮮有舉者故使先生藉甚保衡天下熙熙咸登春臺然尚德不在顯掄功在隱已居器外卽運環中徒以不見知於世爲先生惜非識元氣之樞機者夫不離

徧行堂續集 卷四

於世而遯世不見知而不悔庸言之信庸行之謹退然無異於深山之野人而和氣應之天下之元氣亦應之矣賢者不及亡論君子何者有翹然自見之心力與之角以蕲勝勢之在我益以怨而天氣乖益以尤而人氣拂和之所以戾詩之所以亡詩者樂之所以成也必節於禮先正其思思正然後禮得其節禮節然後樂得其和一身一家之元氣操天下風俗之樞機天地不至崩陷萬物不至滅絕匹夫匹婦皆有致中和之責位育之功而況士大夫予於序先生之詩切言之亦先生自處先覺以覺斯世斯民之本志

也

濮澹軒詩序

詞家老手聞有桐谿濮澹軒過吳門始見之年七八矣後適猶四十許歲也豪於吟境會所觸可悲可喜可愕一發於詩幾萬餘篇屬其友汰之僅存三百予以陟崑崙泛瀛海窮高極廣天下之人非力所及逡巡不前則以虎丘片石惠山一泓邀之欣然羣往矣澹軒斥其高廣姑以三百篇爲片石一泓何居之高而視之下耶澹軒不欲與鄉里小兒爭冷熱之觀僦居山塘委巷浙之盛澤有濮紬粵人之所尚客

每歲收買抵金閭澹軒主之受其例所應入者以糊口間有贏則挂杖頭邂逅詞客拉醉酒肆中盡而後已已則杜門屢空不給意豁如也吳俗好事諸挾才藝貧而遊者往來如驚聞澹軒名必投以詩澹軒雖食貧其所交率天下俊邁雖老意氣不少衰東方朔識蟲怪哉以爲憂之所結沃以美酒卽消今天下物力耗詘士之不能低頭爭冷熱者多貧而遊遊卽益貧常抑鬱無所聊於客舍祁寒暑雨孤唵善病則怪哉之蟲館其身繁其族類交蝕其心腑能抵人於死澹軒之贏錢共醉亦東方朔沃之以美酒之遺乎士

姚彥昭詩集序

有所自負生不遇時或隱於醫與卜與耕市傭春時復露其一斑以俟世之具眼此皆攝崑崙於片石縮瀛海於一泓藏澹軒於牙僉之內譬如王績自稱五斗先生而日給僅三升美醞自救不了乃發贏錢共醉之興則片石一泓亦欲與崑崙瀛海比高絮廣然則後之攬澹軒之詩何必三百篇於一篇一句一字中見澹軒狂叫千言吞吐四方之全量庶幾具眼耳

者才偏耳才如大將用騎用步用舟用車用少用多用久練用烏合無不如意廉頗一爲楚將無功思用趙人王翦代李信非六十萬人不可皆偏才也已未秋臥病半塘桐城姚子彥昭過訪以超玉軒詩集見貽讀之頰首已見予意中詩壇大將彥昭於諸體製如馭衆長不見勢不足短不見節有餘出奇制勝所應有者一舉無不有所應無者一蕩無不無世謂才以法爲轡勒非也才全者德不形而法自具騏驎千里歷塊過都緩急所宜不假鞭影才偏而力大騏驎距弛力小而偏遂成疲齮孟浩然五言近體佳

出七言已弱無論古歌行蓋詩流之下駟郭林宗云
奉高之器譬諸汎濫清而易挹叔度注汪若千頃陂
澄之不清撓之不濁吾無以測之矣論人如是論詩
亦然予於彥昭之詩復見彥昭之人龍騰豹變殆未
有以測其涯涘秋水時至百川灌河河伯不至於北
海若之門長見笑於大方而況納之牛跡先正之言
用之卽程不識不用之卽李廣過而問諸韓淮陰李
衛公岳鄂王都無是說此真大將也

顧空山集序

平世之士沈隱於詩酒者多放逸危世之士沈隱於

詩酒者多廉隅蓋以執義爲上安貧而恥進則惇倫
務本其表端其影直宜矣當湖前孝廉李公潛夫行
遯九峯不入城府一時仰其高潔於是志節之流聞
風興起亦有雲合景從之勢則顧子空山其一也空
山天才秀拔善屬文超然塵埃之外從潛夫遊能詩
居親喪盡哀葬其大父母父母兄嫂盡力嫁其妹盡
禮以是家益貧志度益冲澹而自足時復逃禪時復
取醉與同好結社爲唱和之樂甚樂也世之部署丘
壑縱橫觴詠或不能簡束倫物則遺門內之慚潛夫
主張風教而空山諸子導末歸本文質相宣謂非彬

彬君子耶商之俗端毅以有立其亡也夷齊獨伸大
義若提火鼓頑民從而應之使正氣皎然不淪長夜
周運式微東西分邑赧王入秦無一士可藉如痿痺
待盡求一指之動爲難蓋戰國趨利之風所漸也漢
承七雄之敝以羣策羣力爲功故曰尾生孝已無益
於勝負哀平之間吏民集闕下頌莽功德者數十萬
人光武中興乃有不臣不謁之嚴光周黨於是人敦
名節雖黨錮禍烈而干野之戰百折不回繇此觀之
成一代之士風則山林之功與雲臺競烈予故樂爲
空山表微意不在詩酒若如來教諸比丘少欲知足

可以得道則空山澹遠之姿庶幾近解脫乎不可說
世界日用威儀無非禪者有託而逃則未逃以前復
在何所豈可向虛空中畫地爲牢削木爲吏又在空
山一剿絕而已矣

姚均裳詩序

別均裳姚翁三十六年彼此不相聞頃度夏半塘扁
舟來訪各出意外遂得讀其韻語天真爛漫自然有
烟霞散采金石宣音蓋置身於一丘一壑間非塵俗
中所能頓放也邵堯夫安樂窩中別有天地美酒微
醉好花半開便覺羲皇去人不遠然生于太平無事

之日載小車而觀化歷行窩以班春此福故不易享
均裳裁值盛年河山鼎沸白縉紳以及細民破家亡
身顛連道塗者何限而吉祥之氣獨有所鍾依墓結
廬澆花種樹與虎丘片石作忘形爾汝之交天賴一
發山鳴川應月舞影而風歌律七十餘歲心逸日休
不減堯夫太平無事之樂此福尤不易造夫天下有
福一人獨能享之者半存乎時天下無福一人獨能
造之者全握于己均裳乃如第五天人一切樂事不
因境有直以自力化現無不受用具足則雖移均裳
於三災間作之際猶然有兩部鼓吹七重行樹交光

相奏豈止與地行仙頡頏於小年小知而已哉

見山詩集序

寓半塘次法華樹南和尚儼然造焉挹其深致知爲
雅人出見山詩集相示詩復雅譬如扶輿靈秀之氣
結而爲山其間一泉一石一草一樹無不助靈獻秀
者詩家之論僧詩不可有僧氣惡其蔬笋不可有僧
氣忽有官人氣亦自不類惡其蔬笋而好其酒肉又
不類矣僧之詩妙在不熟有時似熟正得香初花半
妙在不整有時似整依然疎影橫枝妙在不足有時
似足不妨雲外封泉內湧復以不恆見勝耳古德云

似卽是是卽不是此作詩三昧也詩人之詩未嘗不
是而常不妙蓋必有超然於意言之表無心而獨得
者夫無心而獨得豈可恆得哉余與見山之詩適相
遇於天機嗚呼道人吟詠直寄興耳聽俗士之去取
劣得數章位置於羽流間秀之間亦不雅矣

荅朱望子送別詩小序

望子與予契闊三十七年今夏重見於半塘喜甚有
四詩秋杪予欲入匡山望子送別有二詩引東坡怪
石供例以前詩當前供後詩當後供予以一肩收佛
印參寥兩供予則貪矣望子之情較東坡爲重何者

東坡以餅易石自然餅俗石雅望子以詩代石更覺
詩靈石頑且喜佛印是住院長老耳設如澹歸入匡
山天寒路遠行李內添卻數百枚石子加以古銅盆
一石槃二亦累隆不小則東坡之賺佛印又不如望
子之恤澹歸也石之勝有皺有瘦有透齊州之石無
之望子詩才高妙蹙疊之波方其皺巉巖之骨方其
瘦玲瓏之致方其透尺幅山水萬里爲遙望子貺予
厚矣雖然竊居士竊比丘冷對冷硬對硬不知何時
是了則吾兩人全體俱是怪石望子供澹歸澹歸亦
供望子不合和予唱汝令人傳說石言於吳作妖作

祥發成禍事

陳彥達詩序

情交於境而發爲詩情不極其鬱勃則詩不奇境不極危且險則情不鬱勃詩推盛唐以老杜爲冠唐詩盛而唐世亂老杜當其阨涉危險之境蘊鬱勃之情以發其奇雲間吳日千高行士也詩宗盛唐不落中晚一語吾友陳彥達推服日千稱士林第一流其爲詩宗日千欲劇老杜之壘而奪其軍一何壯也境之極危險納於死地流離道路窮且餓老而無所歸老杜兼之老杜中牟潦倒獻三賦試集賢得一卑官遂

補行堂續集

卷四

三

陷賊中僅完其節彥達值革運棄去青衿專養鰥鰥長少以老雖食貧不至荷鋤同谷拾橡秦川猶有敝廬足以容膝則老杜之境之危險深於彥達彥達之情之鬱勃宜淺於老杜而詩之奇何以相及也老杜窮於服官耳麻鞋得見天子轉徙劍外尚聞收京賊退之喜彥達拭日傾耳於老杜所望不可得今且老矣此一鬱勃不淺於老杜則老杜四危險亦不深於彥達宜其詩之奇之可及也彥達性通脫好飲酒妻死不娶無子以猶子爲子能敬且順老杜終日瑣屑於老妻稚子間既多苦趣時陷重坎垂白一子歿欲

歸襄陽故交零落輪心於少年輒遭掩口亦飲酒負氣狹中卒以客死則彥達於情之鬱勃善自寬於境之危險善自減其天姿勝老杜遠矣董蒼水與彥達莫逆好謔呼爲九製以其祁寒暑雨長在途中覓友生共談讌蓋得蒸曬愈良云予謂此彥達期頤之徵也人之通脫者天機所發過而不留則懷熱自輕人道陰陽之患無以中之彥達爲詩至百餘歲宜有過於老杜者當是時予已化去不克見姑以今日之敘作後日之驗可乎雖然老去詩篇渾漫興春來花鳥莫深愁忽而老忽而漫爲詩至百餘歲或有不及於

補行堂續集

卷四

三

沈友聖詩序

老杜之懼更當勸請日千久住世間作敲推之助也君子內行修潔外輔以文謂之成德世趨日下至以文人無行相標榜奚怪乎三災益熾卒莫之挽也雲間故稱才藪然所尚忠孝大節士林正議不甚假借沈君友聖尤挺勁若寒松之秀於霜林雪礪君家孝友世嬪自其曾大父完微公大父孝水公始著然年皆不永至尊甫坤仙公弘先緒丁未造抱道以終君淵源既長進德修業如河赴海不待增而廣不待濬而深性疎朗意有不叶語無回互人或目爲任予

以狂不可辭君蓋古之肆而不蕩者也若廉而不剛直而不訐抑亦兼有三疾非今之太上天之民歟君嘗遊金臺顧侍御一見訂布衣生死交未幾侍御巡鹽兩浙首修式廬之敬傾動其郡人吳司業梅村爲君助喜曰生有此遇獲陸賈橐中裝買田宅給妻子可以杜門著書矣君顧笑吾自照鏡面如樵子大豈容有此與國君同食肉而終彼所謂大祥者安知非吾之大不祥耶侍御力爲之地君力辭卽侍御亦訝其不情侍御歿君徒步數千里往哭之石埭姚令六康嶺表名士延君修邑志其重君若臨卽令於司馬長

卿也君一無所關說令置兩童子於獄君聞其冤試以文憐其才將入解之晨起方飯或報令坐堂皇復取兩童子嚴訊君投箸而起行不能成步長跪縣門門者大驚吾令君上客豈有激其怒者疾入報令令大驚疾出掖君不起曰吾爲救某某令曰先生以片紙命之敢不釋奈何自輕君曰吾不自輕誰知重此二人者令疾釋童子送君寓立還其家當是時君義聲重天下令知其憐才且恤其冤愈益重君君之名益重家益貧世之人之謂之狂也故宜君有俊才豪於吟爲文千言立就然不關於綱常名教不輕作也

人亦不敢輕有所請好獎成後進率以內行爲本采春華遺秋實輒動色相戒人益以是嚴憚之所著述凡若干卷予爲之序於文畧於行詳行取二事卽君家學敦本之義不敢以卮言穢其素業云

沈雪峯詩序

沈黃門雪峯雲間節士也尊人雲升先生總督兩粵以少司馬里居抗守郡城不下清城陷死於兵君抱家國之痛間行海上思有以用其智勇久之勢無可爲乃還託服緇流有會卽朗銓無人輒慟哭其詩一出杜甫悲天愍物沈鬱頓挫不啻神似然以王孟之

清標兼高岑之爽氣蘊藉風流獨見本色不復以恆似爲工此其所擅場也名姝寇舍爲妬妻所毒得救不死旣改適人亦不從曰欲得能詩如沈雪峯者竟歸君君家破囊餘不給寇舍盡所有佐之十許年寇舍沒久之君亦歿君雖忠義激發而天姿雅澹自然超越風塵之表間語同志凡爲雲霞必無渣滓公等眞爲雲霞矣笑指其子曰吾柰何有此渣滓耶一坐咸仰其高韻予謂雲霞不得有渣滓然雲霞不得無雲霞君烏知渣滓之非卽雲霞蓋不屑屑種世間而已悲夫悲夫用世之士兼以冤憤則必火焚礁觸霆

擊潮驅君猶烏衣巷王謝家風也謝玄能破苻堅之衆使八公草木皆爲晉兵君厄於氣運終不復稍申其志事之成否何常直所遇有幸不幸耳杜甫自許稷契時人未之許也至於今日爲詩人甫以長安庶僚潔身歸國以救房琯竊老迄死不悔立身介然合則留不合則去卽依託最久如嚴武時露崖片無側媚取容之態君不獨重其詩予亦不獨以詩重君藉以表微報徐子鹿公之命鹿公於君爲生死交此序其所屬也

張嘉樹詩序

徧行堂續集 卷四

七

雲間張子嘉樹直母夫人之變哀毀過情九日而殞士林識與不識無不咨嗟出涕各生敬愍尊公帶三先生輯其遺詩蓋有不可不傳而不忍見者老淚欲枯亦今古傷心之事也嘉樹少稟異質書過目輒成誦工古文詩詞笥及字畫皆有逸羣之妙與其才奪其算故疑造物之夢夢予謂不然李賀騎馬郊行小奚奴背古破錦囊隨其後得句卽投之年雖不永爲帝所召賀至今未嘗死也賀僅詞客不用於人而用於天若嘉樹之才本以至性獨行之孝乘彼白雲至於帝鄉何必千歲厭世哉世之人知有人壽不知有

徧行堂續集 卷四

七

天壽不知有本來無盡之壽卽順俗而指爲死不過離合之際情所宜鍾耳語有之死或重於泰山或輕於鴻毛夫有鴻毛之輕而死者無泰山之重則不仁有泰山之重而之死者無鴻毛之輕則不勇嘉樹生不虛生死不浪死故以死孝爲重於泰山則輕於鴻毛兼仁勇而斷彌留之一息當其痛不欲生九日一念惟知死者之可追不計生者之可戀卽垂白嚴君有不遑顧況於旣亡後之弱息況於幸存後之浮名夫然百世之下聞其風者天合之感勃然而興矣工詞章負疾倫紀往往而是文人無行爲天下薄讀嘉

王子武詩序

才以乘運運有足不足之時君子深觀其理則至足之數全操於己此福德之淵海也雲間故稱才數名家以百計今所推王氏最盛王氏之有子武玉立秀

出比於五常白眉乃竝驅史館覲居孟季之後得以奉農山先生色養益肆力於風雅或不能無足不足之疑夫君父之道以臣子之才爲天下用不私用其臣子故君父有交相讓而天人之數應之士大夫一旦服官東西南北惟君所命堂上二親有思而不得見見而不得久者矣曹不爲魏世子賓朋滿坐設問曰得不死之藥一與君乎與父乎客言與君或言與父言與父者不敢堅邴原獨無言衆爭詢之原聲色俱厲曰父也四座屏息亡敢更措一語今也王氏有三不死之藥二以奉君一以奉父趨庭舞綵對客揮

徧行堂續集

卷四

七

毫每進一篇農山先生爲朝夕喜子武天倫之樂事故人間福德之淵海也子武之詩典碩而清舉流麗而法幽而能與情俱出宕往颺發而能與理俱入建鳳樓傑構踞江山之勝時有卿雲五色籠日月而覆其上正恐富貴爲來逼人耳柳汁染衣杏香襯馬遂與孟季連鑣天路將有所愜然而深思欲歸子舍竊浣厠脣不可得至足之中能無不足之歎乎則子武繇後思前繇今思後寸陰是惜小不足之中已操至足之數矣魏公子無忌奪晉鄙軍救趙下令曰父子俱在軍中父歸兄弟俱在軍中兄歸獨子無兄弟歸

養兵凶戰危猶不以閭外之勢傷門內之情此亦君父交相讓者而人子之心從可知已天之所以與人重於三樂輕於王天下益可知已父母俱存兄弟無故最不可必子武所深自幸而新相保又可知已於戲王氏之盛非一世再世而盛也子武曾大父貞簡翁潔類井丹正齊王烈門下士有服中見者家爲設飯翁曰汝於禮不當飲酒卽舉觴自酬予以知王氏之家學淵源若子武之詩之才則藝苑英流發揮無剩不待老僧饒舌也

張洮侯詩序

徧行堂續集

卷四

八

雲間名宿有張君洮侯人稱爲窮孟嘗以其食貧而好客云澹歸曰今之孟嘗窮古之孟嘗亦未富也四公子中春申最富孟嘗最窮楚地盡百粵象犀珠玉之珍甲於天下楚王春申所立獨筦國柄自擇封於吳登龍斷而左右望殆於一網打盡故最富平原與趙王昆弟而友愛信陵與魏王叔姪而猜疑孟嘗雖爲齊相君臣之間數變每不能安其身食邑於薛邑入不足供客使馮驩收責驪以所收椎牛釀酒大會薛人盡焚其券孟嘗如雪上加霜意豁如也愛驪不衰食客不少懈故曰孟嘗最窮雖然以洮侯較薛公

一布衣耳不事王侯高尚其事家無儋石之儲而好客古孟嘗卽不能與春申爭富亦不能與洮侯爭窮則窮孟嘗之名故宜洮侯獨擅矣洮侯爲人浩浩落落論議風生或相擊難必申其所見有盡敵而止之槩其詩亦浩浩落落自申其所見盡敵而止計工拙於格律聲調間纖穠刻畫非其所屑也窮與詩相生相成亦兼擅亦獨擅古孟嘗旣不能與洮侯爭窮又不能與洮侯爭詩僅以一薛公傲布衣無論洮侯不受薛公亦不爲何也薛公非富貴人也人見謂薛公富布衣之詩亦富薛公貴布衣之詩復貴是造物者

以洮侯之詩當薛公也詩可以當薛公則薛公不足以累孟嘗於是兩孟嘗皆得擅窮名而不相讓彼爲富者惟恐有一人損其毫毛不敢好客故布衣好客尙己王公而好客亦必具有窮氣骨窮心眼而後能之窮氣揚窮骨剛窮心達窮眼闊彼爲富者閉戶搖手不欲聞而況於見乎故出孟嘗之窮而入春申之富春申之食客文信侯之著書麾其美財市名而已同爲竊國之行卒死李園之手豈得與三公子並稱哉

陸林士雜曲序

林士才高學廣今之子雲極其思致可以草玄可以反騷可以獻賦乃降意作曲子其微奧仍是玄幽靈仍是騷博衍仍是賦惟尖新一派爲填詞本色錯綜流露別開蹊徑都不從人間來白樂天詩使婦人豎子皆可解如郭恕先拉負販傭共飲曰吾所與遊皆若輩耳林士曲子卽學士大夫俱不易解如西方化人謂周穆王宮室陋而不可處侍御者惡而不可近酒肴腥穢不可食飲攜之遊其所居莊嚴珍異無可比無可名狀此皆一肚皮不合時宜也或以度曲宜便伶人林士尙不欲便於學士大夫豈問伶人然使

學士大夫不解與伶人何異蓋以林士之筆不夢如椽則降意於此故自感慨不少司馬長卿著犢鼻褌器市中計其嘖笑舉止飄飄悉具凌雲之氣若待賦大人而後識之已減卻一隻眼矣然則欲識林士不必玄不必騷不必賦達磨泛海漫詞度柳樹貨郎兒偷乞觀卽漢武帝恨不同時之針芥長門千金之賈卓文君亡奔之琴心也

單質生詩序

余至雲間過白燕菴晨露未晞寒風四襲徒倚於竹邊亭下思單子質生之遺韻不可得爲愴然久之有

詩貽其嗣子孝求蓋質生之歿已十餘年矣白燕庵者我國初袁御史之故隱袁有詠白燕詩一時傳誦人稱爲袁白燕早年乞休歸老於是質生每誦故國飄零事已非之句爲泣下葺數椽奉佛自御一衲花朝月夕悲歌慷慨一寄於詩詞質生天才本自超逸遭國大變感憤既深沈鬱頓挫之風更與筆濤墨海相激盪宜其賦詠之益工也質生性冷峭不能俛仰從俗又好議論時政得失郡守心銜之適有狂僧稱朱氏某王子頗扇誘羣少年事發守訊其雜染所在曰善知識所守遽曰是單質生耶卽列其名上變與

淨慈豁堂岳公俱繫金陵獄卒無左證會有持公義力解之者乃得歸然拘幽三年郡守已破碎其家矣昔高皇帝懲元季官邪所以治貪墨吏者至嚴吏惴惴救過不給毋敢以私意魚肉細民而況遺老故楊鐵崖諸名宿皆得優游嘯詠終其天年蓋不獨懲貪實以勸義凡爲元臣如劉青田功在佐命不得爲宰相宋濂溪眷禮不終危素至謫守余闕廟故忠節之標庶士興起建文坐享其成今此道不講吏得摧殘無忌舊搢紳有中之產率不自保東南半壁取之近三十年反者四起朝而秦暮而楚又因以爲利此

勸懲道失亂之所繇作而不止也故英主有大畧無務以勝國之節士爲新朝之頑民使君臣大義深切著明夫君臣大義二主之所共深切著明無所益於勝國之亡而能爲新朝資觀感則正人心厚風俗其功直與佐命等余序質生之詩表其大節因有繫於官邪而歎取舍之極不定也若質生以節而授禍則人臣之分所自甘耳又何道

顏修來詩序

驚峯氏以正法眼囑授摩訶迦葉大闡於震旦復聖顏子尼山氏之正法眼也早世無傳書然予聞顏子

之書傳於海外其國誦習尊信或攜以渡海率有風濤之阻沈諸水乃已卽熟讀而歸至此一句字不復記迦葉之宗不訖於西方顏子之教不盡於中土抑何相似也世謂顏子有書不見於經傳疑其近誣顏子稱德行第一爲天上修文有德者必有言豈直退省之私宜與尼山氏道妙相發若南華重言十七所引正自不少必謂顏子無書亦疑其近誣頃者復聖之裔修來吏部以詩名獨冠十子與予相見於雲間獲攬其樂圃集如聞咸池之奏於洞庭之野也吏部君方當用世寧靳以詩顯詩則有靳以吏部君顯者

其對揚祖烈蓋承尼山氏之記蒨乎夫詩德之成政教之合而樂之文也顏子問爲邦尼山氏曰行夏之時乘殷之輅服周之冕樂則韶舞此皆受命之君更姓改物損益因革事其戒以放鄭聲遠佞人又易所稱大君有命開國承家不易之法也予嘗讀而疑之尼山氏有王天下之德當其時春秋將爲戰國殺運如燎原不可以撲書社七百之議起顏子首爲子西所忌顏子亦王天下之才也一君一相三年風行薄海諸侯相率而朝之伯魚不足傳尼山氏爲堯顏子爲舜允矣於是乎早世而尼山孤王天下之勢卒不

徧行堂續集

卷四

三

得就世有英雄而不聖賢未有聖賢而不英雄者三代哲人未嘗以王天下爲諱迦葉一宗猶奉別傳之旨顏子單行海外不爲尼山氏作副車亦英雄之槩也夫以至聖玄鑒傾注於陋巷一人得地則子西畏之如彼聞聲則莊生重之如此後之豎儒一目爲通顯謹飭少年竊措大耳豈不冤哉昔齊桓公復九世之讐春秋大之予爲吏部君雪六十七世之祖之屈不專序詩吏部君天才英絕其詩沈鷲深入出以簡銳兼有得雄之力進而作輔朝廷舉直措枉奉大君之命銘鼎於復聖廟中撰樂章配雅頌不讓簫韶九

成顏子欣然其來格曰靡靡之音吾家其免夫其無負尼山氏昔之記蒨之言夫則詩故有斬吏部君而顯者於樂圃觀始不於樂圃觀止也

趙二火詩序

趙子二火秀蘊八閩有絕羣之目少年時爲詩語必驚人以古拗險削爲尚後劑以雲間婁東之法入盛唐作者佳境杜子美云賦詩新句穩不覺自長嗟此老倔強顧降心於一穩字可異也養生者至安與和而穩用兵者至整與暇而穩居室者至完與美而穩二火居九峯三泖間日益困并作客俱不得穩欲走

徧行堂續集

卷四

三

四方走四方有友主爲客者虬髯公也有友客爲主者張建封也二火旣無此遇匿其全主之名遣詩爲客交於賢豪長者倒屣爭迎復據全客之實遣詩爲主連類呼召諸賢豪長者適館授餐至於第宅奴婢金玉錦繡無所不讓使二火享其全主之奉友主爲客友客爲主不出於詩詩之足以重二火如是然二火之所出也今人未嘗無所出不能成其所自出譬之劉景升兒子豚犬耳生子得如孫仲謀江東亦穩然則二火之詩穩二火送窮之文又穩矣

廣東通志序

代

今天子御極六詔歸我版圖率土大定武功既章文德用顯乃命儒臣修大清一統志下郡邑各徵文獻彙於行省上於京師於是廣東通志亦粲然告成某屬以官序屬言簡端嗚呼人爲天地之心詎不信哉中古之世百粵爲荒服最遠秦滅楚始置守尉監趙陀乘亂擅國四世漢武用兵內屬爲一至於唐交廣節度或爲宰相迴翔地自餘守令以處遷謫宋之初吏多土著包拯守端州請一切銓注士流中朝憚之南宋以來遂稱善地歷元暨明人文蔚興與吳會抗衡瘴霧潛消毒螫不作雖曰天時豈非人力哉曷陀

劉隱之屬皆自北產而官於南宋明末造播越至此欲苟延一綫之脉卒不可得然其故家遺老衣冠文物往往萃焉足以移風易俗世其親賢以傳樂利今之地猶昔之地今之人非猶昔之人一治一亂一質一文相尅相生能事在手搏掬造化人爲心天地爲身轉氣數而不爲氣數所轉類如此矣齊州四方之東也嶺表東方之南其卦配離於五行爲火水火妃也乾再動得離而爲同人五動得離而爲大有則見龍飛龍應之陽不取於陰不大坤再動得坎而爲師五動得坎而爲比陰不附於陽不至我國家起北之

東帝出乎震相見乎離囊括坤維成大一統之盛邇者滇池逆命師武臣有不習之利維茲南海上下交孚忠順不失合黃裳元吉之占不迷方於南前坎離通乾坤位卜年卜世萬代無疆則今之人非猶昔之人今之地亦非猶昔之地何也重離之照發自北極必彪炳於南垂也是故屯蒙未啓有虞氏卽奏九成於黃岡之麓有開必先無微不著逮四千年際我新朝稽古右文之化一統志成而廣東之志亦仿條理以成始終其答如響後之攬者識搏掬造化之能事其權在人無容以七尺一隅自囿於古今氣數之域

賦役全書序

代

賦役者治天下之本計民命之所繫也其要不出於三征雖然天佑下民作之君將以養之非腴民脂膏以自養任土作貢因事効力一如不得已而受故曰用其一緩其二用其三而民有殍用其三而父子離嗚呼養之爲職而忍以殘之爲心哉間嘗疏觀古今賦役之制輕者必治重必亂亂必由官邪治必由政舉政舉者期於措刑官邪者底於用兵然則放其賦

役而人事得失國運修短皆可見也粵東南極海西北走江楚踰秦嶺而控潮陽跨雷門而挾瓊島地方數千里爲五嶺壯然其賦不能當吳會一大郡蓋近山則磽确鮮收瀕海則風潮多患逐末則田功半廢善盜則村落時墟亦其勢然也尉陀建國漢唐分使民夷雜揉羈縻之意猶有存焉劉龔稱帝殘民以逞市吏竭小販而漁富民克大官之肉宋祖滅之害未盡剗今之雜稅皆其遺弊也勝國之初畱心恤下稽覈戶口不取贏餘或有元時萬家報存數千戶者以戶計丁以丁履畝於是開屯田而減民戶之賦役二

百年餘旣庶且富播遷之際兵冗將驕誅求日甚爲我敵民然攻戰未已石糧承役或費至五十金而贏百金而縮不免益深益熱之歎今上御宇歸其任於文臣吏知奉法民稍息肩六詔首逆需索紛紜額外所取倍於舊章官吏貪緣爲姦所科復倍於額外蓋粵東之民至今日而困已極矣頃者賦役全書告成試一悉心考證何者爲古法而簡何者爲新條而繁何者恤民力而得外藏何者益國計而生內蠹尚有昔非經制近入章程舊是已之追呼今作不刊之舉効興言及此宜有痾瘼而沉塗面自營啜汁共飽

流毒在下歸怨於上耶予願與仁人君子朝朝夕夕如上帝臨如大君命不敢稍踰分寸以負朝廷愛育黎元之指吾民庶幾有起色乎子輿氏曰諸侯惡其害已皆去其籍是猶有畏心焉今也懸其籍於八達之衢人人而讀之而爲吏者視正額如故紙奉橫取若雷霆則是書也僅託於愛禮存羊而已夫爲天子養民之臣而遂爲天子殘民之寇顯有人非幽有鬼責其可不懼哉可不戒哉

重修韶州府志序

代

中天之治文教始顯故仲尼刪書斷自唐虞其間有

紀言有紀動而禹貢一篇山川土田氣候物產指掌畢盡十五國之風陳於詩七十二國之簡冊定於春秋見禮知政聞樂知德六經之成其五皆史經之體謹嚴史之體浩博浩博者所以爲謹嚴史者經之地志又史之地也韶爲廣東壯郡某下車首索郡志闕佚而不修者閱八十年兵火之餘典章耆老畧無可考顧四境之流移未復習俗未變守土小臣拊循噢咻之不暇僅於退食辨證是非別加朱墨蓋日月一至焉猶未就理適奉省符下郡取各屬乘剛定而獻諸京師備大清一統志財擇恭惟我皇上誕膺天曆

統一區宇山海大荒之經威德咸被其餘輔臣請豈
欲誇耀百代蓋將踰險易察貞淫一道德同風俗不
出九重之內而四目四聰明達無不遍竊伏自念於
天下有嶺表嶺表有韶陽雖微土地人民政事三體皆
有不泄遠有不忘韶陽雖微土地人民政事三體皆
具獲備諸侯之寶列於王庭固千載一時也乃檄下
六邑令刊正故藉網羅新見取向所朱墨未竟者彙
而次之爲七志論麗以三十九條述二十四義例成
十六卷雖學術謏陋有愧於浩博然附列郡之末當
謹嚴尺寸之地非僭非濫亦其分也語云兵莫強於

秦財莫富於隋地莫大於元維此三者非吾君與相
所藉以弘宣文治卽必有載筆爲史取義爲經者守
土小臣幸得觀大成以對揚休命使百代而下猶能
賢其賢親其親樂其樂利其利則卜世卜年軼三王
而比德唐虞克鞏皇圖於至久至大某藉手於今効
細流納海之貢死且不朽

新修曲江志序

代

曲江舊無志以其麗於郡郡之志皆邑志也新昌潘
尹復敏發憤創始五河凌尹作聖繼之體裁備矣今
天子治定功成可儒臣纂修一統志之請部符旣下

韓瑞首被郡檄續緝成書旣竣事俯首知幸亦戰心
知愧志之難不殊於史古之作史者老於承平之世
討論卽易生於變革之時蒐訪亦難合八方而爲史
恢詭譎怪動人之視聽卽易畫一隅而爲志簡狹孤
陋擴己之聞見亦難則欲曲江之書與天下並駕其
不足以爭一日之長者勢也雖然曲江古爲荒服由
西漢始內附二千年前有虞氏不鄙遺其山川民物
停和鸞攝袵衣歌南風於皇岡之顛他郡邑未敢望
焉今之去漢又二千年奇材異能間代數起閱其志
不必如簡狹孤陋所云顧韓瑞戢心知愧者奉職無

狀未易以解慍阜財之風承有虞氏之德音以仰荅
興朝也論者謂韶陽僻遠久安然自崇禎初洞寇入
犯殘屬邑以及內地攻圍郡城十餘年間驅除再四
僅保子遺蓋與中原河北亂機相應至於負山阻海
大創羣孽近在康熙三四年間其先大調發大猷役
瘡痍未愈喘息未蘇民帖席而臥亦未有幾時冀以
生聚教訓速奏上理其道無由韓瑞安敢黼藻太平
遽爲曲江慶今所披圖按籍戶口之息耗土田之荒
易輸將之先後盈缺阨塞守禦之堅瑕風教淳澆人
才荅奮古今盛衰瞭如指掌故可不言而喻矣夫地

之開闢屬有時會昔者鳥言卉服之儔不識上國衣裳而有虞氏翠華賁止使一泉一石猶得分大聖人之榮名今天子軫念黎元固將跨百王而越三代則以有虞氏之遺民附輶軒而納諸天關爲明見萬里一助解慍阜財之風不出宸居行於嶺表曲江亦首被之韶石羣峯更爲百獸率舞韓瑞躬逢其盛歌九如稱萬壽四千年前四千年後隨踵至而比肩立使後之志曲江者取爲故事第一自今日始能不俯首知幸

新修仁化志序

代

補行堂續集

卷四

主

今上龍飛之歲混一天下東西南北無思不服風被十年化理淪浹乃命儒臣修大清一統志部符下省取郡邑成書以獻於是太守馬公檄行仁化討故牒編新紀具如五邑之例應瑞待罪於縣三載兢兢奉職懼不足稱任使幸際大典俾遐陬僻壤獲從圖籍之末觀光闕庭敢不盡力顧仁化於韶人材物產遜他邑遠其曩爲令者或患苦凌忽棄不志自明萬曆司馬暉始創之於今八十年中更兵火故老遺書漫無可攷懼不足備網羅貽聖作明述之誚又伏自念地有小大事有繁簡而理無異同如人之身修短肥

瘠美惡殊矣五官百骸未有或殊者應瑞所治亦有人民亦有社稷有政有教皆在同文同軌之內豈庸以簡小自弱且地連江楚獨當二面尉陀所恃以控制上游勢不得輕由唐建縣千有餘載迄於今儉樸之俗不遷而剝敝稍甚吏與民望九閭不啻萬里劣得繪形勢指畫事情引陳詩納賈之誼如親見古帝王於巡狩雖小國諸侯無倦清問豈庸以簡小自匿則斯志也文不足而質有餘卽珍錯非倫十畝閒閒桑麻相映野老雜坐較雨暘量晴麥飯菜羹澹而有本其猶元魯山連袂歌千爲之遺也謹訂訛刪冗拾遺

補行堂續集

卷四

主

續絕別爲八紀三十條藉手報郡備大一統細流杯土之納述其時義以序

烏程金氏家譜序

代

易曰風行水上渙先王以享於帝立廟蓋先人之靈爽聚而後人繼志述事之能於是出矣譜之義亦然然不敢以僭且濫行之也廟之爲制親盡則祧而況於非其類者李知誥養於徐溫以得位乃擇唐之諸王爲其上世卽已亦不知其誰何世皆笑之伙武襄旣貴有持梁公告身并族譜以獻者武襄謝而卻焉君子嘉其不僭不濫得尊祖敬宗之正也粵東閩師

金公國瑞少丁不造兩尊人早歿其於曾大父大父
僅識名字耳矣所爲諸畧邇三世而止卽姑蘇之族
不敢輕合蓋其慎也春秋譏世卿魏晉及唐乃重門
第然則孤宗崛起寧遂爲詰人遺憾汾陽有靈必不
借崇韜之氣燄若元老登庸諸胡帶令不掃土盡耶
以不知誰何之祖宗視不知誰何之子孫非類不歆
與爲人後者不齒則國瑞之致慎於此首清僭濫之
源卽開嚴正之教可以承先可以啓後余於是卜烏
程之金氏之久且大也

袁重其負母看花圖序

徧行堂續集

卷四

七

袁子重其負母看花時年六十一吳節母八十八矣
病足不能出戶外午月榴葵盛開重其負以就花徘徊
翫賞喜動顏色久之語重其汝亦老矣力將不勝
重其呼婦子設牀褥進酒盡歡是歲季秋母卒悲哉
此樂亦難常乎此人間所少之事卽人間不可少之
圖也欲爲孝子則宜貧賤使重其富且貴張筵陳樂
叱女奴輿太夫人坐豈復躬親以石建之孝每休沐
竊從侍者取厠脬自浣萬石君恭謹尊朝廷義不私
其臣治褻務建爲之不敢使知之比於竊云淨飯王
薨世尊身自負棺四天門王爭相負世尊不能獨負

其父於死重其乃能獨負其母於生推人子愛親之
心寧直富不如貧貴不如賤抑亦聖不如凡雖然非
父母之所期於子也楊夫人已老雞鳴而起作粥一
釜以食婢僕曰毋使饑寒而服役子孫更諫更請代
不聽楊夫人好行其慈無以成子孫之孝蓋壽而康
耳重其之母病足而後重其得以成其負也舜之父
頑母嚚而舜得以成其孝然則推父母欲成其子之
心無病不如有病賢又不如不賢雖然非人子之所
期於親亦非親所以自期也至不足之中有美焉至
足之中有不美焉不足境也美與不美存乎心心

徧行堂續集

卷四

七

全則足不足皆美重其所足者母賢而已不足於富
日貴而有此美不足於聖而有此美不足於母病而
有此美則美不美果無與於境也人能自信其心行
之加力煉五色石以補天斷鰲足以立四極豈爲異
事予以庭前之花爲補天之石則重其之斃斃於庭
前負其母徘徊翫賞而不倦者非立極之足歟其果
有待於斷耶否歟

翁母表貞集序

乾用九坤用六六以剛爲用九以柔爲用剛不能柔
柔不能剛謂之無用世論婦人以無才爲德非也天

下豈有無才之德哉乾坤二卦疑在初與上乾之姤陽在下者亟於自用變而柔則勿用矣乾之夬自處於無用聽其決而去之不去則亢知退知亡知喪皆以不用爲用也柔者陽之才也坤之復柔變而剛以履霜爲前車之誠孔子曰由辨之不早辨也柔而無斷則不辨剛故辨斷故早坤之剝在野一龍與羣陰戰嫌于無陽蓋義憤之所發也幸而勝撥亂世反之正不幸而敗其血玄黃不死亦傷聖人尊之爲龍不言吉凶此非吉凶所能繫也外則忠臣內其節婦乎用取永貞柔者不能貞貞亦不永然則剛者陰之才

也由坤六變而深觀之未有不剛者坤之師動而直以方剛則不疑其所行坤之謙無成爲柔代終則剛坤之豫堅忍之至至于括囊坤之比陰變而陽以居五位則體始正四陰下之其象爲裳陰不剛則不貞不貞故不終用順以健乃可大終發才于德其用不窮斯翁母浦孺人所爲克成其節也夫守節而無才雖米鹽瑣屑之務叢脞不理況能教育遺孤以啓後胤更襄大事仰妥先靈枝梧于震風凌雨俾無外侮耶是故配德於坤之六動初矢死而決志撫孤蓋其辨也坤之復也直方者不疑其所行柔則疑矣坤之

師也其夫子不終伯氏亦不終而代之終代之者爲未亡人也坤之謙也續密茹荼疾言不出諸其口遑色不見于面坤之豫也主母而居主父之位上下順而服之坤之比也其猶未至於戰也則時之爲乎然而其血殷然瀝心膽之汁下報九京坤之剝也嗚呼凡爲忠臣與節婦者必有大戰義與欲戰敬與怠戰戰之又戰以成此功歲月逝矣思不及終譬之尉遲敬德解衣投地出其癰瘻悲夫此皆鋒鏑之餘爲之君者不禁流涕而撫之矣婦人之才不越閭內雖有旌表聲色泯泯翁子振公乞諸詩文壽于金石剛柔

錯而成文故報之以文予爲出九六互用之義盡六爻撥揮之情配節母永貞利用之德尤重其才大以無才爲德是以無用爲德也土木尙可乞靈韓愈猶堪執業天下豈有有德而無用者哉

表貞冊序

有子而不孝不如無子不幸而寡且無子則慈之道必有所寄寄於嗣子其常也嗣子之孝不孝故不可定子不幸生而無母則孝之道必有所寄寄於後母其常也庶母乳母之分卑卽盡孝與不孝尤不可定南六鈕君爲其祖姑沈節母表貞非其子而行子之

孝何也南六生而無母節母實鞠育之節母寡且無子以其慈寄於南六南六卽以其孝寄於節母此施報之不爽者然事出於母子之外亦情深於施報之中矣奇南之香有生結有死結有飛結生死二結在本樹飛結離本樹而結於他樹其香特異母與子聚而孝慈比於生結母無子子無母其孝慈比於死結祖姑行母之慈內孫行子之孝比於飛結南六之爲節母表貞慈孝之香流而特異此非超於生死二結之上者耶予嘗於詩餘識沈公際飛想見其人未聞其家世節母之慈南六之孝不比於正風正雅別成

備行堂續集 卷四

七

一母子之局其亦詩之餘乎世或謂詩餘不如詩蓋未知有子而不孝不如無子之義者也

印確序

予於字學不習古文然篆法佳惡意所揣摩畧得三四蓋與楷法同一理也嗜古或拙趨時太纖恃天資者手滑執成格者神死譬於刑官妙得法外意印者以刀爲筆亦近於刑記曰刑者型也型者成也一成而不可變故君子盡心焉刑有律有例例爲時律爲古以意而舞文守令而不察於情皆非能治獄者節子又節妙於印章目其所集曰印確則有一成而不

變南山可移此判不改者矣今之人有意見奇至詭故不經矯之者常過於正正不見正奇不見奇神行乎其間而後入化諸葛武侯作八陣圖於蜀江平沙之上徒見卵石漫漫六十四絕卒無由測其門戶桓溫曰此常山蛇勢也春江水發轉石奔雷一切蕩然無復存者及其水落沙還而漫漫卵石不移一步不失一拳是之謂確然則奇正無形始叶潛德六龍之德不出一潛識此意也可以學易可以用兵可以能文可以經世嗚呼又節之學之行亦從此遠矣

贈任石攻寫眞序

備行堂續集 卷四

美

將軍盡善蓋有神必逢佳士亦寫眞只今飄泊干戈際屢貌尋常行路人丹青引傷哉其言之子美蓋自道也曹將軍挾其絕藝不可一世子美爲下一必字則不佳之士無容邀其一盼矣更下一亦字則雖佳士或不能邀其一寫及其尋常碌碌行路悠悠不擇而貌之又下一屢字則不一而足士處窮途欲放出一雙青白眼睛人旣不許已亦不能豈不傷哉乃予寄錫德藏有鹽官任子石攻偕周印臺儼然造焉請爲予寫眞予愕然辭謝不可得石攻其以予爲佳士耶尋常行路人耶石攻傳神之妙聲滿東南其非飄

泊無聊丐斗升於窮途明其不以予爲尋常行路
人明甚若以爲佳士則予故一衰朽禿子無所短長
石攻擇人之眼未應太濫抑有所聞而悞耶抑石攻
以無擇爲門庭耶抑石攻炎涼之念已清特相諄於
寂寞之濱耶予則屬有厚幸然因是而歎石攻之識
量爲不可及也曹將軍飄泊時所貌者幸皆尋常行
路之人耳設遇一佳士忽語將軍云何前倨而後恭
將軍故當措身無地則將軍可憐之狀不在窮途其
至尊賞識意氣如雲未免因勢而高則隨勢而下亦
自因真果正不如石攻平易廣大隨地隨時人尋我

我尋人無可不可總不見有一人兩截之痕爲清淨
解脫安樂法門耳或曰澹歸向石攻得一佳士之遇
便與曹將軍分左右袒是亦未然孔子曰有一言而
可以終身行之者其恕乎世間人行得去時只管行
去忽然行不去著實可憐不妨借石攻之量作一劑
冲和湯也

三友傳序

夏考功作三友傳一爲徐太宰寶摩一爲侯納言廣
成一爲吳民部繩如絕筆卽自盡矣死者復生生者
不愧其言生者旣死者各信其志考功與三君子

非所謂死友耶死友之名張邵獨許范式蓋形氣雖
隔而精爽能通精爽人所同有欲通卽無不通然而
有受通不受通者是以難言之程嬰公孫杵臼有成
約立孤事遂嬰必自刎以下報亦深信其死而不亡
今之人汨沒於嗜欲生且不能自存安知其死而不
亡忽然相遭寧復相識然則死而不亡而於兩人生
前一言一行靡不昭晰非一人所能也考功下報三
君子三君子與考功乘風雲歿日月相視而笑莫逆
於心故有入生死不迷於生死者矣考功歿陳給事
臥子有報考功書未幾遂以倡義死程嬰死而後報

臥子生而先報要以無負此死而不亡者死友之精
爽未與生者通生友之精爽已與死者通息壤在彼
卽曰有之然則朋友者人倫之膠漆乎考功之子存
古作大哀賦悲憤激烈卒死於義方其就讞金陵吏
憐其才而弱諭意指欲有以生之存古笑不從至死
詞色不撓此又與納言二子爲不約之友者予過雲
間沈子友聖持傳來以序相屬友聖出考功之門有
高才重氣誼家貧介然自守非其意所可雖以名勢
劫之終然不顧蓋無一不與考功諸君子精爽相通
因念世尊云衆生不信後有謂之邪見後有者千死

萬死而無一亡衆生溺情菩薩顯力忠孝節義行於
二者之間亦有來處似同而去處忽異者所貴在因
地因地正矣貴乎善發而善收予特爲未死者言若
考功之文自足千秋又何藉予言也

尊敬錄序

輪王御宇專以五戒十善教人其報分止于生天報
盡卽墮惟識本來常住不遷之法則當下解脫若以
一心念佛迴向極樂世界親見彌陀得無生忍是直
截方便第二之門不則無論惇本敬宗是世間善卽
請大藏建精藍皆有漏之因如影隨形雖有非實也

解脫根器大須剿絕今人於家鄉水土如蛇戀窟
妻子眷屬如蝸牛縮殼卻云我過此西方萬八千世
界生蓮華中敢保渠語語分明心心鶻突耳簡君麗
初久染法味今年六十六與予同庚能於數千里外
聞有佳山水古道場必羸糧隨喜且欲北行問那羅
延窟訪嵩少直抵清涼山庶幾不戀家緣有解脫之
風矣頃出尊敬錄屬序傳爲家乘流通善法可耳若
以是盡麗初之長則麗初不肖若麗初以是自盡其
長則予不肖何者六十六歲前予不姓金公不姓簡
再過六十六歲予不字澹歸公不字麗初如何是常

住不遷之法於此不明一鉢千家孤負山雲水月于
此得明波翻影落交還陽燄空華定不向簡家墩殼
漏子釘椿搖櫓也

徧行堂續集文之五

丹霞今釋滄歸 造

侍者 古止
傳沙 編

文部

祭海幢都寺解虎錫公文

歲在丁巳春正月之九日住丹霞某遣祭於海幢都寺解虎錫公之靈嗚呼公與予俱有奔走叢林之願力時兼世諦而行顧各自信以爲不落世諦也公老且病於叢林不旬一日卽安至於死而後已予亦相信以爲有死而猶不已者也公病篤不挂雲寓書謂

徧行堂續集 卷五

姚子水眞壽冊序死不敢失信予甚愧之今力疾呵凍成文遣義監寺具疏茗之供讀於塔前以成公信嗚呼公死不失生者之信予生豈負死者之諾其有出生入死歷永劫而不壞者耶生耶死耶生不生耶死不死耶生不生死死耶生不生死死耶生不生死死耶公其能立此四法門蕩此四法門獨來獨往而不留朕跡耶予序水眞全提乞兒之宗亦下劣亦尊貴亦非下劣尊貴亦立亦蕩亦非立非蕩公長予三歲先予而逝予日老且病坐丹霞丈室不能教人更欲終奔走之役與公相抵於死而不已之道披

破席邊持破盃足提破竹籃耳連臂踏歌風擁而行於生死大海中生死中無處著此生死亦無處著此生不死則予與公爲眞相見眞相知眞有不落世諦者予不爲公灑淚而公爲予軒渠一笑更聽予所作僧伽詩冊序於公意何如

祭金璫海司獄文

嗚呼君是善人庶可家食偶以微名塵此素德於五千里之外爲四百病所入無財操藥無子易簣蟲塗敗垣蟬蛻朽木蕭寺厝骸故鄉寄哭悲風易隕斷燈難續蓋定分不可如何而幻影無由更逐嗚呼君故

徧行堂續集

卷五

三

不應就此官乎誰教誰育慙茲荼毒禁其株蔓緩彼桎梏寒欲爲之布絮饑欲爲之饘粥囊底看錢餅中剩粟歎濕沫之無幾擬啣濡而不足上不能藉之展手下不能資之果腹或指以爲人菑而不知其非天囑嗚呼君故未嘗負此官也稟三寶之威神挾十善之羽翼截流而度決疣潰癰乘雲而升鏤金版玉見蓮藏之千華脫忍土之五濁旣無去來安有延促況刀兵之劫支離朝市之形翻覆君之死也等塞翁之失馬吾之生也倚琴張而編曲倘能聽此一往勿復祭棲賢石鑑觀和尚文

維康熙歲次戊午秋七月十有九日同門弟某謹以
香燈蔬果上供於棲賢石鑑觀和尚法兄之靈曰嗚
呼緣不勝而勉爲擔荷者弟與兄是也當其擔荷卽
不計緣及其緣不勝不能不顧擔荷則力愈勞心愈
苦矣弟曾與兄坐玉淵潭上請兄棄此一席兄固疑
擔荷之道未盡也弟入嶺復寓書謂古人亦有散衆
之事何必住院若徑來丹霞不少虛堂倚杖二三兄
弟舉古論今亦震旦中不易得之樂未知兄意從違
而江路已梗阻矣丁巳秋中弟退院自計瓢笠過棲
賢當邀兄爲汗漫游作登臨語笑之侶未幾聞兄病

徧行堂續集 卷五

未幾聞兄長往傷哉數之修短緣之勝不勝病之險
易非吾輩所宜介介弟所不能已者蓋自悼也弟喜
山水而無濟勝之緣喜朋好而無過從之緣喜及物
而無饒益之緣喜博覽而無講習之緣今欲與兄結
一寂寥放蕩之緣又不可得乎緣不勝者強有力宜
混跡勞侶文弱則佐叢席掌牋翰不則閱大藏經典
不則教習童行如此而已勉爲擔荷徒自勞苦明知
其勞苦無益而言擔荷爲理所束如博士弟子不甘
告老死於頭巾之下弟嘗戲語兄有頭巾氣他日按
行棲賢壁壘有不當意必更以一巾申罰兄今避罰

而去弟卽自戴一巾何者有堂頭不作而作村落訓
蒙叟豈免下劣兄當爲一笑吾輩豈於聚散緣中作
兒女子小不忍之態者哉尙饗

斗母殿上梁文

伏以德無不報天恩況出於君恩願有必酬業力全
歸於道力藉莊嚴之夙誓作付囑之新標從君子與
人之路而來入天王賜我之門如是恭惟九天雷祖
摩利支天大聖圓明道姥天尊主宰一元提衡萬化
本非名相跡是威神四首八臂而象卦之數齊彰踞
牙乘龜則語嘿之途坐斷寶印通符身心俱寂靈旛

徧行堂續集 卷五

建節文武咸宜陰陽在手行於日月之前章輝如心
權出人天之上居其所而用藏衆星共北注爲流而
仁顯萬派趨東五戒十善先導輪王六度萬行率由
開士網羅世上英才如田下種成就人間所嚮似火
傳薪卽今西粵中丞伊昔慶陽太守竭家財而償兩
稅班春亭下三年固國本而訴九閭安上門中一奏
外不問開府內不問銀臺君是待民之主生不顧強
藩死不顧弱息心爲成我之天直道而行度門斯闢
感金雞之特赦屈玉衡以遙臨見聞屢挈諸天中消
息潛通于意外敢信一夫之作難因悲萬姓之如焚

乍張拳而出險正局効忽灑血以輸誠同牀各夢
臣心欲展帝眷方隆沙場在望領高天厚地以何辭
寶所非遙卽尊道嚴師而共貫倣靈樞而營紫極擇
勝繁而得丹霞鐘鼓宜音門牆修敬華岳無隣豈俟
片塵增益春暉可荅聊將寸草殷勤定寶鼎於一尊
獻玉階之萬壽占茲穀旦升彼虹梁雲開五色欲聞
雅唱于都俞聲震六方莫惜善酬於頌禱

兒郎偉拋梁東有腳陽春問木公上帝好生無二義
由來霜雪自居空

兒郎偉拋梁西獨運威明萬法齊大用不會虧劍戟

偏行堂續集 卷五

五

可憐牽牽舞荒雞

兒郎偉拋梁南萬里神光一顆寒車下七稀無點黑

雪蹄霜鬣散冰蠶

兒郎偉拋梁北屋角且休尋睡鹿不見如來現北天

三洲齊唱歸元曲

兒郎偉拋梁上一座文昌兼將相斗宿鄰垣是尾箕

孫謀祖德肩相望

兒郎偉拋梁下力盡東南徒有話喉舌天邊不把關

自然鷹眼隨鳩化

伏願上梁之後五兵不試六律俱諧長蛇封豕各息

凶鋒威鳳祥麟迭呈瑞采捧一輪無缺之金甌運於
天子灑千道如流之甘乳飲及庶民身當五百之昌
期坐致三千之上客白茅錫鬯綠野徵歌松風麥浪
不圖夢到三山月珮霞裳共許神遊八極家傳經史
國有圭璋左文右武分廣廈以安居秉耒提戈闢高
年而拜爵燦爛神光燭地慧炬同流鬱蔥道樹參天
靈山齊壽

祭李灌溪侍御文 代

嗚呼公之父母吾邑已五十餘年邑之子弟老者死
壯者已老少者壯未生者又生生不識公聞父老之

偏行堂續集 卷五

六

誦思爭欲騎竹馬相迎於數千里之外越數十年之
久如一日也豈吾邑之民私厚於公抑公所以致此
者不以人合而以天合日計之不足而歲計之有餘
也如穆者猶得挾山水之孤筇一見於碧幢自去冬
及今秋公年八十二穆亦七十三矣齒髮未衰神明
益茂且穆自信猶可追隨卽某某等同客吳門皆得
見儀刑聞聲咳或謫誇於稠人廣坐以爲是吾邑五
十年前之賢父母先朝之直臣今之逸民而乾坤之
碩果也乃竟騎箕尾而比於列星乎嗚呼哀哉山頽
梁壞哲人其萎不惟穆等之不幸亦吳門之不幸而

天下人之不幸也。穆方將渡浙江，揖天姥，涉天台，雁宕之勝，手圖口詠，還質於公。今不可得矣。邕之客而歸，歸而復至，已識公未識公者，欲持馬鬣片香，荔枝薄醞，一獻子弟之勤思，又不可得矣。乃僅與未歸之客陳詞，執爵，彷彿公之聲色，而無從也。嗚呼！哀哉！公生爲正人，乘白雲而歸帝左右，理所必至。穆等何敢持世智以測福德之海，公精心禪學，直透上關，一月現千江之影，微塵入徧界之身，溪韻廣長，山容清淨，蓮華敷座，寶蓋垂珠，葉落烏啼，幻場畫藁，無一不見。公儀刑聞公，警咳不出一切相，而得公相，不得公相。

而得公無相，則穆可嗒然忘言。有以承公之降鑒也，不者，重入娑婆，廣施悲願，穆等仍得從子弟之末，以投父母之懷，生生世世不違法屬，公亦當粲然一笑，有以慰穆等之忱信也。嗚呼！哀哉！尚饗。

祭汪漢卿水部文

維康熙歲次庚辰越朔廿有五日甲寅，方外弟某謹以香茗果蔬之儀，因丹霞僧使致祭於故友汪水部。罇石先生之靈曰：嗚呼！予與公相見於丙申之冬，別於乙卯之春，二十年間，珠江錦水，予無定跡，然每聚首，未嘗不談諧傾倒，兩無間然也。別後遽丁世變，聞

公往來禪山，頗多逆境。予以戊午請藏出嶺，遂成疎闊。今春丹霞僧使至，猶見公手札諄諄於故交零落，期予入嶺，再得晤言，及詢起居，則云已長逝矣。嗚呼！哀哉！公長予十歲，精力三倍於予，兼修內養，予每謂公期願可必。若予弱植，善病，宜先公死，而公乃先我死乎？人生如行舟，不能全得順風，少壯者能守風帆，檣無恙，老者雖欲守風，而不可得，則覆沒隨之。諸天壽盡，五衰相現，世緣欲謝，一切逆境，或頓現，或漸現，頓現者速死，漸現者老態日增，病勢日深，死期日逼。予雖少公十歲，自去夏患跗腫，涉冬脾氣大憊，今春

殆將不起，僅留視息，老態已日增，病勢已日深，死期已日逼。公與予皆以漸死，予即後公而死，世壽已不如公矣。況公之學之識之品之行，皆卓然有成，重於一時，可傳於百世，亦復何憾？公嘗習五禽之戲，欲以鹿戲授高問義，鹿戲者，閉氣握固，而三跳，問義曰：錢也。無安用跳？公與予語而笑之。然世之能跳者，富貴人處順境耳，貧賤即不敢跳矣。富貴者常以跳而速死，惟鹿以跳而長生，一行爲人有錢，則跳無錢則不跳，跳爲錢之靈，不跳非人之拙，錢不可久，跳亦不可久，則惟一赤骨力地現前而已。公解跳，予不解跳，同

入此現前赤骨力地不但鹿之無錢有跳者是世間善友即問義之無錢無跳皆出世間真言也公試爲予一笑聽之尙饗

兩淮運使李玄白墓表

神宗御宇庶政廢弛黨事遂起浸淫及於熹廟國是橫決正氣銷阻馴至今日南北交訌戰守失據蓋用人乖方非一朝夕之故釁連門戶弊成資格予觀於兩淮運使玄白李公益信公敏歷仕版自令如臯守邵武懸車鹽使皆外吏也水部駕部名爲京秩而南則冷曹當時清要甲榜若固有公不獨以資格限竝

以門戶妄方壬子公登賢書予尙未生逮壯稔聞鄉先達指曰東林品望無不推重公有驥服鹽車劍沈園土之惜未嘗不吞嗟瞻眺想見其爲人則尤致恨于銓政之繆而黨局之禍於古今無已時也公爲治以廉明強幹不避勞怨自矢而才足以濟之故居羶地而能潔居婪地而能整居廢墮之地而能振居凋瘵之地而能起屬者剝運未復一綫之危以繫九鼎非逸羣之才不任今所號爲甲榜暮氣滿盈資深者守醇謹容嘿養體狀類風痺而新進喜事器然躁競所持以傲物古文詩詞務爲寶器與劍戟相撞間有

談兵士羹塵飯不死卽走喪師辱命則肩廊廟蹶疆圉雖濟濟多士若逃於空虛無人之境藉令得公而大用之理財則惟其治鹽筴者半歲未贏百萬金錢如川赴壑詰兵則推其令如臯者窮海濱數十年逋寇無復遺種用人則推其驅除豪右擊斷猾胥者退小人進君子衆賢彙征帝心上格民生有喜其濟則鐘鼓之靈萬有不虞而推其慷慨友生之義上報主知熱血所灑能使風雨晦冥雷霆震蕩叛臣禡魄強敵寒心然而困於資格擠于門戶窮于下吏無繇張膽明目發揮王路則如公之才者用舍之數不如公

之才者長養成就之數大槩可見矣嗚呼無事則計資格資格不足以代韜鈴有急仍持門戶門戶不足以當邊塞舉軍國而奉諸寇讐此羣臣之負九重亦百餘年來晏安厝火不知徙薪於先事之患也治疾務早使良醫卻走而後求瞑眩之藥慮且無及矣公之子若孫皆好學能文尙廉隅有父祖風不遺後進屬爲文以表墓道予方感憤顛蹶而歎訑訑之習不可以復挽也於是乎發之

疏部

重修韶州府學疏代

予蒞任韶陽蓋在攻守方棘之際不敢以軍旅未學
爲辭旣而謁宮牆閱俎豆破壞荒穢同於礲擊意甚
傷之賊退謀所以崇飭舊觀者或獻疑曰先務爲急
軍實是尋未閒暇而及此得微以迂遠見議余曰夫
亂臣賊子惟弁髦典彝詆謀學術而後敢爲不忠不
孝之事使家有絃歌人知禮讓父召無諾君命召不
俟駕臣子大戒無所逃於天地之間則恭謹不遑豈
復有弄兵而煩摧蕩者是故耀武已亂之後修文未
治之先急則治標緩則治本先務之爲急莫急於此
舉矣王者之制出師則有受成振旅則有告馘皆在

辟雍九伐之法終始稟於文教投戈講藝息馬論道
兩軍相當哲王賢將造次不離典學則馬上得之卽
於馬上治之豈待未央端拱之後乃可稱詩書奏新
語耶凡我同心無分兩局高墉關外廣殿肅內左右
起翼前後備體官邸以尊師儒學舍以訓子弟闕者
補廢者起必敬必嚴毋撓毋蠹俾有苗未格而兩階
干羽之舞已合新宮與九成簫韶同其敷奏則吾郡
遂爲今天子治定制禮功成作樂之先聲余與諸公
可拜手南山遙進無疆之壽矣

薦陣亡將士建水陸道場疏

佛教東來而升濟之應始顯譬之金雞竿立貫索垣
空理存事赴如函合蓋蓋十力之不可思議也爲國
亡身肝腦塗地旌卹之典雖行沈滯之魂未拔自晉
唐以來帝王將相皆作大佛事以度之明高帝建水
陸道場於鐘山萬乘親臨千僧將事則有佛光五道
直貫天中宋學士濂之記於今傳誦自六詔變生四
海鼎沸生靈塗炭不啻百萬近者韶陽三月攻圍殺
傷不少皆吾君之赤子也風卷青燐塵銷白骨每一
念至摧心隕涕乃法鐘山之遺範轉經修懺施食放
燈冀藉三寶威神使十習因六交報日照冰融火出

木盡入解脫之門登清涼之域蓋局有廣狹而心無
彼此雖在韶言韶不過大地微塵而以心印心卽現
微塵大地由一郡而加被之粵東西江左右湖南北
浙閩川陝下逮滇黔凡在橫死無不善生則五輩此
舉如一燈之燄散作百千萬億燈光明徧滿自本及
末尋流得源予與諸君子之心上契佛心全成不可
思議境界求一相異相俱不可得矣幸各隨喜勿悵
勝緣

檢白骨疏

掩骼埋胔王制所尚亦猶當平時行春令耳攻戰之

餘遺骸遍野烏鳶狐鼠啣食已盡荊榛未長風霜相薄燐火微明啼呼間作此仁人君子所不忍見聞也今將遷苦行僧以念佛三昧消其往愆助其新福必藉工力備器具給食用敢告同志相與有成昔人築京觀以旌戰功識者或譏其忍西伯葬枯骨之被發者吏曰此無主矣西伯曰吾卽其主也士大夫具萬物一體之懷當隨處作主使不失所無間幽明無分親怨以一坏土入平等法於上帝好生聖王泣罪若合符節則回殺運迎和氣悉從慈愍一念具足無遺此事貴長養忌戕賊戕賊則保一身而不足長養則

位天地育萬物而有餘燕之人以五百金買駿骨而千里之馬一月三至死尙見重生益難輕倘能於未盡之遺黎常作白骨之想則吾民庶幾有起色矣

重建會龍下院疏

世間法講恢復祖宗之遺業也出世間法亦講恢復十方三寶之常住也韶城被圍吾會龍下院遂遭殘破世尊不僅苒苒龍象直欲雷號雨泣豈非信者發哀之際乎大樹舊爲院主職宜恢復信得言侍者念其獨力難任相助經營其於法苑庶幾忠臣孝子之選矣人知求忠臣於孝子之門不知求孝子於忠臣

之列曾子曰事君不忠非孝也蒞官不敬非孝也戰陣無勇非孝也乃至斷一樹殺一獸不以其時皆非孝也士有百行無一不歸於孝者釋迦牟尼佛成無上正覺初結菩薩波羅提木叉孝順父母師僧三寶孝順至道之法孝名爲戒十重四十八輕無一不歸於孝故以如來爲法王菩薩爲之法輔彌忘身宣力亦吾法之忠臣也以死勤事以勞定國能禦大災能捍大患有榮歿有哀千百世後載在祀典與夫佛道未成安獲五利聖凡異界而理事同倫然則世間法本忠孝出世間法亦本忠孝世間法敘功勳出世

問法亦敘功勳不立功勳何以成忠孝乎諸子行矣持此言以質諸僇力危疆者當必有水乳合也

資薦陣亡將士并一切橫死兵民疏

代

伏以如來出世惟一大事因緣菩薩度生不爲化城止宿肩荷旣無上智手援便有多方矧當殺運之行豈免留人之報倍宜增愍普與流慈乃者嶺表二年載罹翻覆韶州三月橫被攻圍嬰城設帶險若懸絲戰野稱龍蕩而失水志士有所不忘見危受命勇夫爲之作倡許國遺身勝負雖分死生各半熱血灑地浮尸蔽川夜啼寒月之魂霜低白草晝暴秋陽之骨

雨暗青燐火中熱楮不聞幕府謹呼江上投醪罔見
沙場醉臥傷哉弟子愧此丈人雖旌卹之有加慰沈
淪而莫挽未了一生之業果誰知歷劫之生因敢叩
三尊不違四誓轉法華經窮子得珠而富禮梁皇懺
香光無火而明施斛食以補饑瘡泛河燈而開黑路
凡茲方便咸藉加持復念叛逆陸梁生靈塗炭或死
於兵或死於寇或死於役或死於糧貪官汙吏上下
手以破家悍卒姦民真偽牌而造獄服牛乘馬齊陷
三災竭澤焚林全輸九族皆上帝源流之自出卽吾
君心體所相關登一子之地上樂等與上究行無擇

備行堂續集

卷五

五

之檀施犬同於施佛性非善惡理絕親疎均望哀憐
併歸提獎伏願八寶來天車軸下洗兵之雨七輪應
世毘嵐吹偃草之風千羽舞兩階三苗革面車書大
一統六詔投戈存而益遠克昌奕世子孫死者不亡
各現隨身宮殿倘信惟心所造愈深同體之悲識常
住以不遷匝千華而竝誦仰申迴向俯賜證明

重建青雲禪院募疏

曲江之靈溪有青雲禪院肇跡前代閱明末兵燹佛
殿僧寮蕩然無存予過其地修竹茂林溪聲山色若
互相迎送者顧而樂之主僧一孝請爲丹霞克下院

此地傍山而不孤危俯村而不喧雜據座秀出面勢
廣衍亦靜修之勝槩也吾法於三寶所崇嚴有新而
舉無故而廢院之廢已四十年矣爲一孝輩祖業而
不克重興則一孝之過爲丹霞下院而不克率之以
重興亦予之過也乃題數語以告諸護法檀越倘有
不吝相成者香臺湧地寶樹叅天他日杖履經過指
點新規慰此初念庶幾無負山靈歡喜之意乎

龍護園孟蘭會募疏

哀哀父母生我劬勞欲報親恩昊天罔極此古今人
子所共有之心也僧伽持冊勸修福善或爲人所擲

備行堂續集

卷五

五

揄惟孟蘭一會則不然以父母人所各有報父母之
心人所共有不可得而擲揄也穀自有芽得雨而生
琴瑟自有音得指而發世尊斯舉其仁人孝子之穀
之雨琴瑟之指歟龍護定一院主欲舉斯會請予一
言乃復以予爲雨與指予卽聽而爲雨與指亦世尊
之雨世尊之指也雨加於敗種無芽可生指加於腐
草無音可發是仁人孝子自心之穀之芽琴瑟之音
也予何有焉

丹霞錢糧小引

嶺表兵火支離仁化再罹蹂躪丹霞二百許衆無論

四事不全卽過堂粥飯亦難飽足此供養主所爲不能已於發心也叢林爲一切人天福田則諸檀越其業主也供養主於此竭力而耕之秋稼如雲穰穰滿家非力耕者所能有而必歸之業主彼耕者踵門而請曰某地宜開某種宜給某時宜種急而未應不惜再三皆効忠於業主而非有所私今或視爲秦越之人之肥瘠而責耕者以多求豈知福田之爲家業歟予老且病不能力耕獨懼夫業主之有田而棄之至於蕪穢不治也爲發其踵門而請之義而遣之行爲老和尚慶生疏

丹霞菩薩戒比丘某稽首和南仰白釋迦牟尼世尊彌勒世尊文殊菩薩普賢菩薩觀世音菩薩此某年十月十四日直本師天然是和尙示生之辰當山清衆恭啓法筵禮千佛名祝無量壽以化身中之淨滿行成佛後之普賢欲請轉輪先求住世蓋爲衆生致禱必蒙諸佛冥加福慧非所能增慈孝固其各盡伏願十方三世俯賜證明四聖六凡同圓法界丹霞菩薩戒比丘某稽首和南謹白

募建正氣閣疏

吾山主鑑湖公欲建正氣閣於竹林庵蓋取文文山

作歌之指奉諸死忠於明者始北京之變終於雲南三百年君臣義統全且盡矣此鑑湖之創舉亦天下人心之所同然也昔元世祖既殺文山大風霜晦晦七日咫尺不辨乃遣使致祭贈之崇秩空中卷其木主去嗚嗚有聲易以宋故官始霽孔子曰非其鬼而祭之諂也夫生不爲其人死豈爲其鬼元之君以是諂宋之臣而宋之臣不受則生王之位尊不如死士之權重也鑑湖南陽抗節不入州府數十年其爲此閣上以妥諸君子下自處於晨夕香燈之役合志同方營道同術諸君子得鑑湖以爲賢主鑑湖得諸君

子以爲嘉賓非鬼之疑吾知免矣賢豪長者能樂助而共觀其成見義勇爲挽人心之日下比於斷煞足以立四極其功亦不在女媧氏後也

爲公絢禮懺疏

住持丹霞菩薩戒比丘某稽首和南敬白本師釋迦牟尼世尊十方三世一切諸佛諸大菩薩賢聖僧彼有浙江金華府義烏縣故鴻臚卿金光於某出家以前聞聲相思入粵而後晤言相悅住山伊始繼廩供僧造寺未成捐財勸衆會講一家之好兼行四事之禮昨遽聞凶良深嗟惜今此春時黑月七日歲已一

周謹憑清衆虔啓法筵禮懺十二部施食一壇少申
資薦伏乞本師釋迦牟尼世尊十方三世一切諸佛
諸大菩薩賢聖僧不捨慈悲特垂哀救俾金光已往
憇尤重重銷殞將來福善倍倍莊嚴無墮於世智辯
聰具信此法身解脫怨親等樂存歿均安仰冀證明
普同迴向

觀世音菩薩梅檀像募疏

優填王遣三十二人以白梅檀造釋迦如來三十二
相遂來震旦作大佛事今所稱瑞相是也世界劫燒
雖七寶莊嚴無不變滅惟梅檀像爲天龍擁護常住

不遷卽一切造相至尊至貴推梅檀第一矣觀世音
菩薩乃正法明如來行成佛後普賢之行故持觀世
音名號與持六十二億法王子名號正等無異則造
觀世音像與造六十二億法王子像亦正等無異卽
造一切像至尊至貴又推觀世音第一會龍院主大
樹比丘請以梅檀造觀世音菩薩豈非兩殊勝成一
殊勝者敬告諸護法檀越以此殊勝一念入觀世音
菩薩第一義中復以此殊勝一念入梅檀第一義中
此殊勝一念各各元有第一義常住不遷勢力豈非
合兩殊勝成三殊勝合三殊勝成一殊勝者衆生見

劫盡大火所燒時我此土安隱此物此志也

龍護園乞供衆米疏

語有之千年常住一朝僧若是久暫之相懸逆旅居
之秦越視之則有以一朝之僧壞千年之常住者矣
雖然無千年常住不能存一朝之僧無一朝僧不能
存千年之常住抑猶之二時粥飯也人之壽百歲以
爲久二時粥飯以爲暫食粥飯者咽咽無住而能資
生於百歲一朝之僧人人無住而能持常住於千年
行路者步步無住而涉四方之遠讀書者字字無住
而盡萬卷之多修菩薩道念念無住而登三藐三菩

提之極地則一切勝法千年之常住一朝之僧不出
於二時粥飯定一院主乞米爲二時粥飯計卽一朝
僧千年常住之計諸宰官長者以千年常住念此一
朝僧以一朝僧施此二時粥飯以二時粥飯說此一
切勝法卽老僧可以掩室而無言矣

重修崇福寺大殿疏

超三界而獨出度衆生而不有大教旣來梵宇日盛
毀之者禍非佛爲之禍自性虧則禍臻崇之者福非
佛爲之福自性復則福集故乾慧無福亦不成慧癡
福無慧亦不成福蓋一舉兼貫而兩足稱尊矣石門

有古寺名崇福者肇於梁天監中閱唐以來屢有興替其替也地與緣離其興也人與時合間攷舊記寶殿三門等制成自慧照慈辨諸大法師夙稱弘構復有左右兩浮圖後一藏閣千石鐘樓九品觀堂頂者鐘既遠徙堂非衆聚經閣以前浮圖之側踐爲馬肆羈爲役夫之牢併殿中梁棟蠹蝕欲空金容剝損聞光零落敬信者過而哀之此亦已替將興之會也夫一切善業爲之則成預計其難成而不爲則終於壞吾法建立惟論願行之堅瑕事理之當否不論時勢之難易愈易而愈不矜愈難而愈不退莊嚴無量塔

廟供養無量賢聖於菩薩之道未之或盡也造像而現三生建閣而期再世雖閱無量劫菩薩之心未之或移豈可計時贏拙以爲進止哉嗚呼此內護外護交有責交相與以有成者也內護惟僧衣食起居於如來白毫光中各私其橐各長其子孫而置祖父於棟折榱崩之下可乎不可耶外護惟王臣清信士女苟可以行六度奉三尊增上將來福德則舍無常之財取有常之果自當竭蹶恐後若祝聖所存風雨飄搖漫無顧恤於世間法且云不敬況出世間法乎故因寺僧之請代爲之請非有出於自性之外也性自

清淨或有染汚性自廣大或有褊小性自堅固或損折性自成就或有墮落則不修者自棄於性外而修者自復於性中殿吾之居佛吾之體崇與毀吾之得失豈再計而決哉由此推之馬之踐踏役夫羈管之所狼藉其可已乎千石之鐘昔之僧所以拔幽冥之苦叶地藏之悲願其可還乎三藏度而不舉矣以流通般若其可延十方慧業茲芻而共閱乎九品之觀西方極樂所由以歸其可奉主法率清衆六時行道乎此非屠沽兒所能改絃而更張之乎其亦有信有後世痛心於速入塗炭卽自覺而爲覺他者乎

重修松老橋疏

行空以龍行地以馬橋者以行地而發行空之勢以行空而通行地之窮也澤國之聚其法用水涇以行堰以止橋之制兼止兼行行以疏其滯止以留其散凡郡邑之多橋梁者類有功名傑出之才以世其家亦因果所不誣也按石門舊志橫跨於塘之橋十有一首列松老蓋弘治間徐華所獨建華於是役鬻田五百畝乃克竣工豈非素封而好行其德者其稱松老疑亦卽字而名之越六十年告圯隆慶初朱令公重建又百餘年矣復將圯議者欲采天池之石雙蓋

以輦之度其年常久於往昔數倍而移舊石以築塘路所謂後起者算勝增上則德長爰擇篤信苦行之僧號雪凡者董其始卒然則人與時與地三緣俱合此橋之成可計日而待矣石門自宋南躍人才蔚起趙忠定輩照耀簡冊於今數百年上者立德立功立言下者既庶既富既教亦以用水之法結靈秀而開福澤橋之有裨於畜洩理即較然若行旅鄉井勢所必由待舟而濟枉道而至違期損力利害所係亦復不小是舉也與吾民以樂利橋之成毀之數有盡而相續之人之心無盡其德報故當與天壤相倣耳予

願有事于此者固其下飭其上密其旁慎其收支規千秋之局於一念迴環之頃念念不渝若農之有畔射之有的彼往來舟車出於其上下非特石門一邑之便也總而會城別而支郡縣有志於利濟其忍惜不堅之貨自處於寶山空手耶嗚呼人之靈無一事不具行地行空之妙執而吝則不能行空浮而費則不能行地苟識建橋之理推而放之即自性乾坤從一念以至念念無不永久還所固然如壯士展臂不假他力當不至河漢吾言耳

世人喜謗佛則以為無父無君然亂臣賊子或在有佛之前有儒之後不可歸罪尼山而乃移獄驚嶺此非惟不知佛正坐不知儒耳孝經不云立身行道揚名於後世以顯父母耶身何以立道何以行何者為身何者為道不得已撫倫理以對問之生平大相刺謬亦足悲矣夫身從迷性而有因身有情緣情有業殺盜淫妄相續不休流轉七趣無由自立以其不能立故有傍生以其不能行故有倒植如來出世獨闢教門入佛知見廣度羣有是立身行道之大者次則修十善持五戒濯磨黑業漸臻上乘今以爵祿為顯

揚則李林甫秦檜之徒豈不兼擅曾子以事君不忠蒞官不敬交友不信戰陣無勇斷一樹殺一獸不以其時皆為不孝蓋與修善持戒之指互相發若所云喻父母於道則佛度其二親證聖果生天中是也故曰能知佛之孝始知儒之所以孝當湖陸鶴田侍御深明此義曾於山雨逸談聞之吾杭是開法師疏佛報恩經化城主人是岸請為結期開講予謂此一度不但講佛報恩經即講孔子孝經報恩是孝故即講一切戒經孝名為戒故即講經禮三百曲禮三千乃至六度萬行菩薩行處戒即心地法門故即講最上

大乘直至阿耨多羅三藐三菩提心地卽性故我輩
入凡入聖無始無終皆承此性威神性有生我成我
之恩知性名爲知恩立身行道卽爲報恩不知性名
爲忘恩有身不立有道不行名爲負恩若遺親後若
背聖教干國典不能出鐵圍城一步豈得親近如來
超越三界然則此講主請主總向明倫堂上橫出一
枝歸於一路若僅爲佛辨誦抑末矣諸仁人孝子各
助道糧供彼聽者一蔬一飯時詘不爲舉羸想當首
肯也

棲賢寺乞供衆錢糧疏

徧行堂續集

卷五

三

江西爲天下之窮省南康爲江西之窮郡廬山爲南
康之窮山棲賢爲廬山之窮刹棲賢之窮四案而益
下角子和尙吾法弟也居此窮刹作窮主人十方窮
至皆窮衲子譬如一身赤骨力地墜萬丈冰稜內出
身無路遂成死漢于是一麟際朗二上座請克化主
其占宜南方亦如金寒冰冷運行火地則有死中得
活之妙辨首座云莫道棲賢窮身窮道不窮草鞋撐
似虎拄杖活如龍草鞋拄杖利有攸往不憚不活坐
困則絕堂頭卽身化主卽道道非身不生身非道不
成角子堂頭示超乘之才馳弄丸之辨欲使十方衲

子皆於死中得活舉元功而歸諸二化主澹歸從
喝下曰檀越不救貧飢裏起蓬塵汝往南方不得拋
撒一粒米一粒一粒是汝堂頭腦蓋骨二化主持此
言告諸檀越諸檀越笑曰元來出家人性命總在我
手裏孔子曰爲此言者其知道乎嘆且休鈍置了角
子漢高帝曰若子可謂不背本矣

壽聖禪寺重建大殿募疏

偶過吳門寓錫於棟石草堂登禮大殿梁棟蠹蝕欲
盡右垣已傾風雨所薄聖僧之肩頂漸生苔蘚見而
悲之寺名壽聖宋英宗治平間賜額肇於東晉道生

徧行堂續集

卷五

六

法師自虎丘退居地也雉聽法華脫生爲童子出家
於此歿於此葬於此有見異光者尋之青蓮花生其
上時聞經聲義熙十一年撤國材以建塔屢毀屢復
閱今一千二百餘年矣故長老聲衍公重構毘盧閣
竣工擬營此殿未經始而化其嗣法長老古方樹公
欲繼先志尙以時詘未敢舉羸也予謂世間法有所
舉則問之人問之時吾法不問人與時惟問之我我
問心心問義世間法旣問之義義問心心問我我復
問之時與人故有所待吾法一問之我卽無所待古
之人六十年三舉而成一像更五十年再來而成一

閣人與時變而此心不移一刻不差一念若菩薩願行久熟蓋有疾舉而速成者人與時不可測度我又可測度耶禮君子將營宮室宗廟爲先不敢私於身而薄其所尊與親佛者吾所尊與親殿其宗廟也尊與親日夜露處吾偃然夏屋而食且息焉則義有不安心之所不能卽安者也吾嘗過文廟見其狼藉歎士之不如僧今觀於壽聖殿之零落爲僧滋愧世之人同居而異爨則共有之門與堂求其啓閉之時灑掃之潔有不可得者舍我而問之人雖同爲子孫者不應壽聖之殿不可問諸同居而異爨者有一人焉

獨起而任之時之遲速可不問也何者吾心定而時不定未有以定心從不定之時者以不定之時從定心吾心定而時亦定矣諸葛武侯曰鞠躬盡瘁死而後已成敗利鈍非所逆計世法之賢且能若是況吾法中信其有死而不亡者乎諸檀越能識此意則已定之心未定之人與時一點首間舉無不定蓋無待之理皆取之我而有餘矣

興福禪院閱藏供緣募疏

有大經卷量等三千大千世界在一微塵智者破一微塵出此經卷此稱性之談也碎三千大千世界爲

微塵各各微塵俱攝三千大千世界經卷此轉經之法也南閻浮提人狹劣所傳極少至東震旦僅五千餘卷曩也梵夾今也方冊曩也寫今也印得經愈易轉經愈難精藍之有藏本者類以香花供養度之高閣何裨流通興福主人聖予覺公愍之爲發弘願鳩諸聰敏好學者作閱藏勝因日給之費約募萬衆爲緣所取於人者儉所與人者奢且使請藏建閣最初外護若息齋金太傳內護若其祖證研尊宿福田日治慧命長續甚盛舉也三千大千世界經卷於興福一微塵中轉大法輪閱者供者萬餘微塵各出三千

大千世界經卷復以萬餘三千大千世界碎爲微塵各各微塵俱攝三千大千世界經卷稱性轉經譬如兜率菩薩住母胎中十地菩薩下修供養身吹香風飄金色雨一切衆生霑雨一滴皆證十地轉經稱性不假多求大目犍連追佛音聲過東方不可說世界去不可窮往不得返至心稱念本師釋迦牟尼佛世尊卽時還在祇桓精舍本座之上亦復如是

記部

重修鎮海浮圖碑記

塔廟所存天龍翊衛良由恩在分衣檀曾獻地罔敢

侵陵尺寸自虧道源功德之母楚石琦禪師乘多生願力特創浮圖厥名鎮海鹽官無此壞卷波濤人爲魚鼈矣蓋以慈建者也有廢斯舉有舉無廢嘉靖天啓一再修葺今將復頽頽亭張中翰胎易而新之蓋以孝建者也肱有賢母陳恭人三尊既歸二嚴彌飭一方利害同體安危曾發弘誓未行而歿於是乎繼志述事斥其遺產獨成二級率先同道遂畢勝緣母以慈發子以孝収嗣我大心化彼瞋業臻於等慈仰合能仁氏惟慈與孝名教所重亦攝第一義諦貫於有爲功德之中蓋以出世法世法同建者也是歲丁

巳季秋獨斷方法卜廿有八日鳩工其前七日卽有放光之瑞始則青白一綫直上繼而赤燄亘空經時乃斂後一日復有二童子立於剎鋒濯磨寶頂又後七日匠者登塔探金剛柱形猶木也質已成灰衆心大駭頂珠忽歛風濤遽作水冒塘面肱且鑄鐵以代采造之期兼旬未及則有曹石荅上舍夢兩羅漢語之我從天台來護此塔與汝有緣故相告耳上舍方病寤卽勿藥夫以久腐之材承至重之器歛不輒墮俟鑪冶之竣適更新之會然則聖僧示夢神龍變相佛光表法奠安斯已成就萬行彰明較著亦甚矣梵

網以孝於父母師僧三寶爲至道之法肱之母慈以致孝肱之爲子孝以成慈一切檀越各行其慈各效其孝亦使環瀛之族戢其恇心軌於正道於兆民見慈於三世如來見孝如赤珠幢一光有衆衆光有一離亦不異合亦不同豈非人人具足之心量多中現少少中現多聖亦不增凡亦不減者耶嗚呼鼎鐘綸綍非孝也有功德于斯世斯民歸於其親是爲大孝琦禪師深悟上乘不獨善其身居天寧環堵中而爲此方澹災集福萬世之利誰謂出世無益肱中翰痛心罔極不私於其家向鎮海浮圖內爲琦禪師續此

澹災集福萬世之利誰謂奉佛無倫哉是役也主塔老僧冰衲嚴公實奔奏其間持始末而乞予記皆吾法門守先待後之儔卽普賢行中一毛孔事有遊之歷劫而無盡者亦不可以不傳也其餘施財効力名姓有秩視諸碑陰

重建東湖報本塔記

報本浮圖據富湖之東南直巽方四面絕水芥浮一洲六十畝而縮耳余以戊午冬十月訪大音禪師師攜登浮圖已成四級宏麗堅緻有堂皇軒朗之觀無枝撐迴轉阨塞之陋蓋新安作手洪鳴岐聞遠昆弟

所擅場云時風日清美四顧灑然西北雉堞內外鱗次萬家東則湖光千頃南望九峯黛眉螺髻秀色撩人湖之濱村落連延蘭若間出晨風夕月野烟漁火景物交影於鏡中丹青得意於色外信一方之勝覽也報本創自嘉靖癸丑之夏司寇胥峯陸公出獨見所經始越隆慶丙寅之秋告竣佛有殿僧有舍萬曆辛丑大銀臺津陽陸公復範紫銅七如來建閣以覆之鬱然稱檀林冠冕順治己亥初夏浮圖毀距其成九十七年時丁革運兵火之餘守僧散逸雖斷磚零鐵不復可問歲庚子有掩骼比丘金明度居士蔣元

偏行堂續集

卷五

五

初出家發願重建諸薦紳士大夫思其力小任重弗克終請湛兮法師主其事湛公周容審勢謂基不大不足任重築不固不足經久擴以倍計加新椿以二千餘計辛丑夏編密石焉陸君慎幾出其祖莊簡公御賜玉帶鎮之莊簡公者司寇之子克襄報本於三尊弘護不倦爲吾法門大士者也一級甫迄湛公化去繼踵宣力於二級復辭去於是大音禪師受陸侍御鶴田及邑人終事之請師罷叅天童混跡衆園一衲三十年人咸歸德年近七旬精力如四十許人爰有堅密院主爲之輔翼皆以菩薩心行菩薩行自癸

偏行堂續集

卷五

五

丑秋八月逮己未秋九月而報本浮圖五級落成復鐫剎鋒寶珠踵事增華高廣有加瞻仰騰歡未嘗有嗚呼寶地興廢雖曰時爲之豈不存乎其人哉人之職任興而不任廢任之道貴專而不貴散報本初建司寇父子獨肩其任四年而就暨其重舉則閱四僧歷二十年由庚子至壬子十三年以三人成兩級癸丑至己未七年而一人成三級則外內護專與散之驗也外護雖專自家政之餘僅能注心力於事半授終紀綱勢不俱親及其既壞後之人推窮於前車綢繆於後轍慮之周審之固內護者又朝夕而親蒞之與工師無間湛公一級十餘年善作之難等於善成之不易菩薩行願功不必已出名不必已居古之人經營一像畢竟三生時不論遲速卽以一浮圖而閱四人人亦豈分彼此哉世間法有創業有中興後起之勳常藉手於先發陳涉與蕭張竝稱世家卽項羽不妨本紀司馬遷之識故與後世史官趨超於行墨問者遠矣予敘中興報本之績大音師資其建武之一德乎九仞雖崇不遺始簣前此者新市平林而湛公亦伯升之比也小中大大中小同中異異中同無不同報本浮圖剎鋒上現梵網重重涉入之義斯

不愧於普迴向耳

彭節母賢孝傳家記

大孝終身慕父母古人且難言之彭翁明南爲其母顧孺人乞言於予猶孺子泣時已七十餘矣距孺人亡已二十餘年有同里陸方伯表其墓道邑令相繼旌其門采入邑志顯揚之意已可慰矣復求諸寂寥衰朽若予者何耶人心日下天合愈漓近者搢紳之家或至父子併命明南少孤於詩書澤淺而至性過人若此然則學而能故不如不學而能耶明南云某六十四歲甫得子欲使後人克念艱難而思光大惟

徧行堂續集

卷五

三

明南之孝知其子之孝如燈取影且勤勤示教利喜若此然則不教而成故宜深念夫教而後成者耶爲未亡人撫孤遺往往傷慈孺人兼秉義方有以成其子子復訓孫以報其母皆獨子又老年子不忍以姑息之愛貽羞禽犢若此然則教而不學不可以其不學而遂棄之不教耶嗚呼彭氏之家於是乎可傳可法矣夫表其親而子之孝見非明南意也表其子而親之賢益見則予之事也於子孝而得其親之賢其親不賢而得子之不孝亦教天下之志也

徧行堂續集文之六

丹霞今釋滄歸造

侍者古止

編

傳部

蓮橐道人傳

蓮橐道人者屠子夢破所自爲號也夢破製棺皆刻蓮華曰百歲後吾以藏吾身亦等於橐焉耳盡大地一蓮華此身此心一蓮華也何必橐盡大地一蓮華此身此心一蓮華也何必不橐死忍土者橐中全穢生樂國者胎中全淨死無穢見生無淨見華開見佛

徧行堂續集

卷六

二

悟無生忍以無量世界爲一蓮華回視未開方斯已眇聖無大見凡無小見能從此一橐消之夢破去人遠矣夢破楚之孝感人其先分自姑蘇幼有神童之目稍長好遊足跡幾半天下所至名流才子無不交登臨佳山水跌宕詩酒無不傾盡值世變有所感憤焚筆斫削髮爲僧旣以先人似續仍返初服仗劍從軍一李邵武旋棄去復從所好則江楚閩粵三吳之遊益壯交日益廣名益起夢破外熱而中冷好面折人之過抵掌談文章氣節精彩奮發立身持大體其於人問答往來稍不當意必不自貶損以相從人或

以是畏之或謂操是術以遊今之世恐撥禍夢破不顧亦卒無毫髮患難今六十餘歲矣世間禍福要非趨避可免何事毀方瓦合藏頭過身夫貴賤貧富智愚賢不肖一期夢幻人不能以一橐消之及其不得已而就木又安能以一蓮華消之耶宜夢破之獨取而私擅之也昔海雲比丘觀十二因緣生死大海見大蓮華出於水中有佛結跏趺坐爲說普眼經海雲云我從彼如來聞此法門受持讀誦憶念觀察假使有人以大海量墨須彌聚筆書此普眼法門一品中一門一門中一法一法中一義一義中一句不得少

徧行堂續集

卷六

三

分何泥能盡有人能識此理於彼蓮橐亦生死大海中一漚一漚中一分具無量無邊普眼法門夢破於彼受持讀誦憶念觀察不越一漚一分而盡十二有支化一切智海忽然擊碎此橐橐中道人全身跳出千載而下庶幾旦暮遇之耳

敦烈鄭公傳

節有隱顯不得其時不得其主不得其位則隱而不傳傳與不傳非節士之所計也彼故不屑於論時論主論位論吾義之所是而已孝子所爲盡心仁人所爲章教無不因時時至而主與位俱顯遂有不得而

隱者揭陽敦烈鄭公死於潮州城陷之日越二十餘年而長君遜始以傳請亦時爲之也公死於郝將軍之舉義郝將軍舉義以應明晉王入粵敗於岡城潮州繼陷郝將軍死之公亦死或曰敦烈生非其時依郝將軍而死則非其主未嘗受任使於義旗之下亦非其位夫節士獨與時抗豈不識時以爲時固不識節耳公以本朝衣冠爲共主非主於郝將軍位無定人無定人與位當時亦無不定君有君位卿有卿位大夫有大夫位士有士位庶人有庶人位公立於士之位以奉共主主正則位正位正則死正死正則

時亦正公之戒遜曰大事難濟被髮而生不如束髮而死時雖無定而定於位與主立功爲立功之時立節爲立節之時以時從義不以義從時節士之抗時皆因時也公死士林痛之志郡者傳其文行不敢傳其節公既自處於玉石俱焚之中而傍觀亦無所置辨時乎時乎豈公所屑計耶公誓死先遣陳夫人攜諸子匿山村夫人以未亡人肩保世亢宗之寄而公委命於共主死者復生生者不愧其言鄭氏之家可謂克全忠孝執信不移者矣公諱科偉字璿夫既死郡人私謚敦烈云

舵石曰死有重於太山或輕於鴻毛分言之非也身如鴻毛死乃重於太山身如太山死乃輕於鴻毛身即義義即身輕則俱輕重則俱重人有一生惟成一是予於敦烈傳其一是析理多敘事少婦人從夫一信於國一信於家各成一是共成一是合而言之亦有俱輕俱重之道蓋竊附於章教慰孝子之所盡心也

故王孫雪嶠道人傳

雪嶠道人者寧獻王九世孫也玉牒賜名議考就舉易名公昉字燕西丁國變從母姓稱熊非熊弱年高

簡蕭然自置於一丘一壑間每晚江人靜操小舟一葉酒一尊縱其所如零露輕霜嘯詠自得興盡始還朋輩亦呼爲顛生侯公廣城較士異其才拔之冠軍未五月鐵騎入洪都乃翦髮走龍江旋入匡山中居五峯下布袍棕笠冬則幅巾絕跡城市貧甚不開口向人人與之不拒亦不謝人不與之極困克然若有餘善病雖至危毅然若強有力喜讀書手鈔數百卷雖至博退然若愚無所知山居二十載即比隣罕識嘗遇奇荒絕粒閉戶棲賢覲公疑其死人見之有饑色而無戚容韻歌相答豁如也南康太守廖公文英

請修府志更修白鹿洞志爲幡然一就甲寅郡被兵公復病噎太守倫公品卓迎之授館操藥情禮備至久不愈還舊隱丁巳歲除大雪命酒救家人盡歡示偈云閉也閉不得忙也忙不得不閉不忙恁麼得橋上人騎牛橋下人害跌雨雪病中身埋頭煨榾柮今朝臘月三十日門神土地聽予說且待新年好時節重提起兩袖清風度明月笑語其子若遇明眼定有指教此平生行樂也戊午春病甚不以屑意且曰彼病亦留餘地以俟予養然三世皆不滿一甲子予今年已六十爲過分矣于是拱嘿終日夜未嘗須臾見

其欽側花朝前一日端坐而逝

贊曰雪嶠以山林之姿生於貴胤遭時不造遂其高節使得際昇平獻身朝廟必以清直震動一世而與巢許同生夷齊同死惜哉然聞其風者百世之下頑廉懦立遠於顯者之功此不與趙孟頫輩較優劣於出處蓋性所故有事非理御也時如大治藥禾入之而流精金入之百鍛不變金無避鍛之心怨鍛之色亦未嘗躍冶自矜吾每善益鍛每鍛益善何者不變之性金所故有耳易稱苦節不可貞節豈有甘者耶甘與苦判於此心官則安不官亦不貞嗚呼雪嶠之

節所謂苦而可貞貞而能安者矣

方子春先生傳

方先生子春諱坤若試童子數不利年三十餘爲子家塾師予五歲從授句讀一年辭去督學使者吳公之甲奇其才拔冠軍特超增補廩名藉其十歲與亡兄宗穎戲爲詩文先給事卽令學制藝方先生見之曰是子當以文名世非今年師所能教也宜易師先給事曰吾已成約矣豈敢背約方先生曰始作文者一年悞卽三年不能轉必易師先給事不從方先生復寓書曰今年師吾中表且吾所薦吾豈不愛所

就顧念卽君美材恐悞之公不知悞之可也吾知之豈忍悞之吾必不令公有背約之憾事在吾耳方先生論朱先生曰子寒士金氏館穀未豐吾有豐於金氏者盡就之朱先生曰吾已成約矣豈敢背約方先生曰吾不令子有背約之憾事在吾耳于是別薦吳先生先給事易西席朱先生易東家如不相聞者吳先生好奇初會稱賞予文先給事持所評示諸親串皆大駭先給事不悅每會必令錄數本遍質前輩皆曰此師必悞汝子矣先給事益不悅餘半年方先生來見予文驚曰吾不意此子速成若是因舉大白爲

先給事賀先給事益疑告以衆口所警方先生笑曰公所徧質考老儒耳此子且以文名世不僅取科第若信彼老儒當白首死牖下耶公毋惑人言先給事疑乃解越一年延方先生先生高視闊步能以跌宕發人才思一日會題或問子產全章予於三子畧點過獨以伯氏虛己讓善急公誼而忘私情爲論屬藁未半先生見之令速成篇大加評賞徧示同人曰吾所不如汝曹善觀之先生旋以病去遂卒予得此指每作文必縛題不爲題所縛嘗曰碎題使完完題使碎板題使活活題使板發昔人未發之理造昔人未

造之局道昔人未道之言初猶格格如生面人數年以後心手俱熟自成一家矣予每念此未嘗不服先生之才之識且感其相成之德也或曰有子之筆則可不然邯鄲學步耳予以人才不甚相遠悞之一年三年不轉今之人無一年不悞則舉一生而壞之復何足怪予不敢自謂不同於人惟願教子擇師者奉方先生此語如著龜也

楊二癡傳

予有與孔定南書瞿伯升梓之浩氣噓中不載楊二癡事二癡名藝當文忠授命衣衰經挂冥錢衣上號

哭於營市見文武將吏叩頭請收葬凡兩日見聞者感動皆爲泣下令備棺衾以斂予所遺僧三決義公持書欲投藝適見問其故索觀之曰傳世文也然吾已得請更上書復爲道隱先生多一事汝但同吾斂瞿公卽於義盡矣藝藏此書歸遺瞿氏瞿氏既梓不復及藝藝亦不言藝少年落魄曾遇所爲松仙者頗能知人休咎善醫藥文忠撫粵西辟置幕中狂慝無所忌諱人爭避去目爲癡藝卽自號二癡予成清浪道桂林文忠迎余居小東畢一日藝語余昨在留守席八人無一人有首者予曰公視我何如藝曰汝自

是過鐵人各大笑而去文忠就執家屬匿藝所居山中有魏糧道者發之藝亦就執幅巾寬袖衫抗論不少屈定南將吏更奇之爭與交藝辭還山相率挽留藝曰吾不惜居此但幅巾寬袖衫勿易服乃可吾往來山中任吾便若相拘制吾有死耳皆唯唯王撫軍一品病危甚羣醫束手莫措乃置酒延藝藝出藥與之曰席未終當愈席半果愈一品大喜拜再生之德甚厚藝每至直入臥內一品左右用事者素驕貴藝奴視之應對稍偃蹇輒唾罵積不堪一夕醉復罵左右故抵觸藝拔一品牀頭刀曰殺此羣奴奴羣前奪

其刀請一品殺藝一品曰彼活我我豈忍殺彼哉
先生醉汝曹奚爲明日一品好言戒藝藝笑不爲屈
疆直如故一品北歸挈藝出粵西至淮乃別藝還甲
浮沈不事事人或探休咎或言或不言言或中或不
中卒莫能淺深之澹歸道人曰松仙吾不知何許人
二癡吾不能定爲何許人吾傳之不昧吾心耳已以
吾一書掩二癡之義吾爲竊名瞿氏爲負德二癡故
有烈士風薄夫敦懦夫有立志兼擅其功于百世而
下吾豈直爲二癡表微凡可以維挽人心隱情蔽善
皆昧心也若王撫軍豈非不昧心者哉

編行堂續集

卷六

六

前封文林郎蒲田縣知縣青野府君封太孺人
宋氏傳

府君諱鏡康族姓金氏世籍德清生四歲而孤稍長
承母命以伯兄習舉子業府君治家人產早作夜思
外服田疇內課織紉營宮室畢婚嫁上承歡寡母能
色養稱孝事兄給甘毳市書史安形而專心稱弟教
三子稱慈於是仲子濬以己卯庚辰登進士筮仕出
宰府君就養莆陽之官舍所朝夕訓濬惟清惟慎惟
勤濬以考最內召予府君官如其子錫之敕命亡幾
南北統再絕府君所朝夕訓濬惟忠義毋或失足玷

名教而羞二親越四載病將屬纊語濬與沫倘藉社
稷之靈國當再造汝以一杯酌吾墓田遂就瞑又三
載封太孺人宋氏卒孺人與府君同德相敬府君之
孝弟慈于孺人見婦德濬之清慎勤執義不渝于孺
人見母德歲戊午距孺人卒二十有九載濬手行狀
屬今釋立傳今釋與濬同庚辰榜濬野服林下今釋
員顧方外相別已三十九載矣禮先王諡以尊名節
以壹惠惟一字二字盡其生平不取細謹乃爲次其
大畧而論之曰四民之美不出門內對揚天子休命
臣道爲大臣道有正有變依于時無負于國爲大古

編行堂續集

卷六

二

之邦君自稱孤或云寡人或不穀今守令視邦君信
哉其爲孤寡不穀也令坐堂皇羣胥吏眈眈其欲啜
汁歸私宅門下客僕妄眈眈欲啜汁雖兄弟妻子無
不啜汁予亦見封君盡汁而啜者幾不可情告理論
孤立寡助無由自穀傷哉其稱之也際事會之變胥
史各鳥獸散門下客僕妄不預痛癢兄弟妻子爲至
親以熱中故圍繞涕泣請避冷求死不能遜跡不可
加以在堂之逼舉生平而棄之者多矣然則莆陽令
克君於其治克臣于亂非二親之淑其何能淑節以
定謚論世而表之惟國事爲大則門內之美畧焉雖

然道豈有門內外哉理得於父子而君臣各得理得於君臣父子各得無忝人倫寧特府君牝雞之晨惟家之索外嚴正內貞順相與有成孺人之婦德盡而夫道允矣俾其子克子其夫克父由父子以克君克臣嗚呼夫婦人倫之始也夫婦失而四倫爲天下裂人道之正非以情欲主名世之言造端者尙辨之哉

敕封孺人金門且惠沈君傳

柔客宋氏附見

傳嫡而附以庶法之正也嫡與庶生常不能以同居死不能同域其可以同傳有以知嫡之賢也兩不賢則不安一賢而一不賢則不安今也同傳而安亦有

以知庶之賢也金門沈孺人諱淑字且惠清溪望族十七歸於若干明府若干成進士令莆陽孺人內政清嚴未嘗以衣食玩好墮其素節猶昔寒士之婦之風知足則知止少費則少求輦悅銘焉故能順賢舅姑之志相賢夫子之事及其守義丘園隱約畏人集棘茹荼備同艱苦無幾微見於詞色寒士之婦之風終身如一日若干稱其富貴不淫貧賤不移蓋無媿丈夫矣孺人中年無嗣視妾媵如姊弟行視其所出如已出于是有武林之朱秣陵之宋咸以才藝容德若稱宋氏名清字柔客事若干二十有八年無一言

忤意儉於身勤於家政婉婉以事上慈以接下生子倫奇穎絕羣十歲而殤柔客痛之既卒若千尤痛之行且爲倫立後云沈之歿宋之哭之如哭私親其賢不可忘益以見沈之賢之不可忘也瘡歸道人曰予性不喜婦人謂其陰賊近三惡道蓋貪一妬一貪之屬二財一色一貪爲特起妬其從生也亦有習氣清淨墮於女流以情緣一縷未斷故財之分存十之一二色之分或二或三則妬之分輕矣此宜去解脫不遠於是不登上壽而或至于中道散去亦以了此緣斷此一縷不俟多方然已纏綿閱數十歲甚哉情

之可畏乎生禪天者無男女根初禪有喜在故有火災二禪有樂在故有水災三禪有出入息在故有風災至四禪始泯盡無餘此世尊所入涅槃地也情雖至微猶存乎息不能免三災况羶重雜穢不堪見聞而下愚甘之如舐蜜於刀忘其截舌悲夫四十二章云色惟一耳若其有二普天之下無能爲道然男女之根從迷而生因根有情情隨根變因情結業業逐情深業還生根根復滋情如旋火輪不得休息古之聖王防其流而不反爲之制禮旣文其外亦節其中蓋萬有不得已耳而世儒奉迷情爲正道可不謂至

愚無知乎嗚呼予合傳二女美其不妬由於不貪一者清淨之因解脫之果二女不學而能而有所不知衆生於一切處皆有清淨解脫之妙亦有所不知若千於此不窮其賢之所從來徒思其賢思復起情精起今生業牽來世則二女之美遂爲酖毒其孤負二女孤負已靈抑又甚矣

汪孺人小傳

余轉徙嶺表旣以戍卒得度遂得放浪雲水間遇客問湖山風景里中父老子弟安否或及往時士大夫誰爲不變塞者乎客舉數指屈之竟則曰若孝廉汪

偏行堂續集 卷六

七

君淵兼有賢孺人所謂能相夫以成其志至死不變者也余曰何哉客曰夫汪孺人蓋錢太守之愛女也母恭人柴世貴且富汪君素寒士孺人歸之不自有父母之家有以竿牘謁汪君者輒勉汪君謝卻之脫簪珥供其皆盡天下適大故汪君齒齊民不忍上公車錢太守從林下綰銅墨綬百里汪君疏食不給孺人甘焉無幾微伎求見于辭色其母憐之好語孺人汝奚不勸夫子出就官卽一上公車百所須吾能給汝孺人曰兒寧餓死不能勸夫子出就官且一上公車也孺人竟死不食其言若是者奚如余曰信如客

所言能相夫子以成其志至死不變孺人當之矣

系之以贊

贊曰寧截而手無泥而口誰非鬚眉而一衣食可移墓不生桐祭之以薇嗚呼女之夷齊

貞順汪母陳太君傳

杭之汪氏有賢母陳太君徧行道入爲立傳助私諡之法稱曰貞順順婦道之正也太君之順有自上下者有自上下者自上下太君以順成身自上下太君以順成其子若孫太君歸於汪舉三丈夫子五十而稱未亡人不斲以貞著其貞也其在革命之際乎窮

偏行堂續集 卷六

七

則貞太君教其子以正終窮變而通貞以育元太君教其孫以正始嗚呼三才四德備矣順奚以自上下新婦而出移曰徙薪之言是也人必笑之太君廟見之夕姑病驟發亟拊摩而無澁容以至性合未制之禮順之本見於倉卒不學而能若竭力於疾篤救於垂焚可學而能也撫前母之子浩屢舉孫不育至於讓寢室割裏衣爲嬰兒之服壹意多方以求其效見於瑣屑不可爲典要而得其至情教其所出嚴而有文可學而能故曰順自上下也順奚以自上下汪氏凡三世克承太君之教子若婦孫若孫婦同室而居

未有一言之間一色相違妻子好合兄弟既翁宜爾室家父母其順乎太君居於上以享下之順其子若孫奉順而上於太君非曰善則稱親自施而自食其報亦羣食其報故曰順自上下也明室不造太君教其子無失其身指重於孝廉風颶與激澁惟隕越是懼太君躬率其子流離轉徙深山大澤草衣木食之不給樂於甘旨孝廉歿撫棺一慟許以無負生平若錫華衰子之貞惟母之貞家之貞則國之貞也諸孫崔起策名天路窮則變變則通通則久元之所以始貞之所以終於是太君年且九十七矣不俟百歲歸

從其子及其夫子謂之貞順不亦宜乎徧行道人口予曩爲介歸錢作傳稱爲女之夷齊錢順其夫蓋順夫之貞至不食其父母之粟今者聞太君之風則錢又能順於姑也內則則家無與於國男兒負國恆出於家范滂蘇軾之母一語正終一語正始北堂之護化爲松栢陽不專剛陰不專柔繁可識矣洛書於土有五無十寄成數於戊辰未丑與四行以有終其在坤之謙曰含章可貞含章故無成貞故代終妻道也臣道也地道則母道也汪氏之母道以正爲順不以順爲正卽用六之義亦盡矣

張母陳恭人傳

鹽官鎮海浮圖之重建緣起於張母陳恭人令子端亭爲予言先恭人長齋發弘願於千華座下勤行功德皆出自減衣損食之餘凡濟人利物惟恐傾篋倒廩之不速也蓋素樸少欲自其天性慈悲喜捨則多生菩提種子熟矣臨終無絲髮係念合掌端坐云有旌幢前導焚香捧節而相迎者其樂國歟抑諸天歟予曰樂國爲勝諸天則劣若乘菩薩願輪而生卽十法界現身俱無勝劣此辨在當人掌握中耳傳曰恭人出自名門歸於螺浮給諫事尊章至孝相夫子至

敬操作雖細務至勤以密佐宦邸引大義至動色相戒至端且直身先節儉教子至慈而不廢嚴切御下寬接族郇有禮蓋全德以發其才示生僅六十六年不及中壽任勞茹澹處富貴而不自享悉推其餘以闢福德之疇所謂信有後世疏觀於域外者也吾法門勸導供養惟在出世間若菩提薩埵滅度一切衆生無一衆生得滅度者豈有世出世之異哉稱性而行世間善出世間善皆無相三昧有相有作雖磨頂放踵於三寶皆小果有漏之因今謂平道塗治橋梁鑿井設厠爲飲食于路賑饑飯囚償宿逋排難解紛

不涉三寶謂之世間善功德未勝固也然一切衆生具有如來智慧德相豈有一人非三寶歟一事在三寶外者哉鎮海浮圖是三寶相而恭人因地乃在一方陸沈捍患則事全於衆生邑先有龍王祠歲久傾圯恭人竭所有以新之亦不爲一身家而爲瀕海之民祈福此卽建塔權輿自性眞三寶也恭人慈於其鄉嫡亭孝於其母咸歸無相道場世或以佞佛邀福文其慳惜而殘民以逞鬪然行之不疑聞張氏之風亦可以悟矣然則吾緇流勸行檀度偏于有相三寶亦名爲私而況私於身私於法屬違因錯果之攖攘

徧行堂續集

卷六

七

者乎漁歸曰須臾慰滿三農望收斂神功寂若無或歎爲眞宰相事大稱性而行饒益羣有從大般若中出生卽大般若中迴向雖發大勇猛起大方便如夢中渡河一覺俱息初無所迴向之地能迴向之人以其適如其無所從來而來適如其無所從來而去強名曰迴向耳誰爲收斂誰是發揮作實法觀全成障礙恭人未斷後有能識此意更於別峯相見布大法雲雨大法雨直用直行皆入如來智慧福德之海何用予傳若爲一切衆生作則恭人稱性而行予稱性而言後之人稱性而觀稱性而學譬如浮圖處則

重重建立非浮圖處亦事事圓成此嫡亭不廢請傳予不辭作傳之指也

杏母陳太安人傳

予於順治丙丁間寓錫東官東官士民爲言查令君有賢母朝夕以子愛潔廉爲訓當是時嶺表雖定山海伏戎軍興孔棘徵發旁午持符檄集琴堂王使如王督撫使如督撫令如家臣民如通寇用財如泥沙勒限如風火惟令君不激不隨壹化以誠信公鮮廢事私無竭澤士民稍稍知賢母之教戴令君如母戴令君之母如令君予聞而異之及令君訪予篁溪則

徧行堂續集

卷六

六

春和披拂飲人以眞醇非是母不能生是子非是子不能順是母宜士民稱道不絕也未幾母忽遽疾士民奔走禱祠乞靈於三尊百神凡七晝夜勿藥有喜予聞諸四方稽諸百家所傳有爲令君禱者矣未有爲令君之親致禱若是虔者則益異之令君報政得內召邑之逋萬餘金母誠令君汝不能以一官惠百姓忍以百姓殉一官耶亟稱貸以償勿以瘡痍更加鞭撻令君奉教來別予有出東官難到家難入都難之歎予以詩紀之康熙己未予來鹽官令君以給事中奉母封太安人諱持行狀語予曩者東官之蹟師

所稔知惟是待罪掖垣先安人手書面命以國是民隱入告爾后若漕徵利弊鴈戶擾害指掌激切促使上聞悉蒙俞允皆非某之言皆先安人之教也予復異之古之孝子善則稱親給事豈猶今之人哉無美而稱之孝子不出於誣則以令君之美信安人豈以給事之美疑安人哉士大夫幸出而圖吾君寧有甘心殘賊或庭訓不嚴熱豔相尚失其初志婦人淺識往往中之母后垂簾故爲家索使得漢之明肅宋之宣仁嚴延年范滂歐陽修之母與聞外政則大法小廉民安物阜可翹足待何必須糜普陀大士三十二

徧行堂續集

卷六

五

應現命婦大家身行菩薩道安人豈非現身之靈著者哉予於東官見而知之于鹽官聞而知之不舉小節以爲安人具大丈夫相不可域于內則索之男女之間也

贊曰諸葛公以澹泊明志寧靜致遠爲聖爲賢自儉素始今之俗已奢矣一衣冠用中人之產四五一宴會用中人之產二三一饋遺用中人之產十百民力幾何上下交征不奪不饜是故治一國則亂一國治天下則亂天下然則仁人克謹小節蓋以成大節也安人所自成以成其子之大節終其身服勞崇儉本

諸小節嗚呼出世之法至於結業亦惟飲食衣服臥具藥餌間立身行道由於發源得其歸宿可以善小而不爲惡小而爲之耶

米忠毅公傳

予以丙戌冬僑居衡陽客有談僞弘光事者曰妖僧查顯仁初至平溪大僚如李若星喻思恂命奔命若驚衆情響應留勤王之師稱扈駕招集各路將士不下二萬餘矣賴巡按四川御史米公擒以屬吏事乃定予曰彼羽翼既衆米公何策以擒之哉客曰米公初爲南臺顯仁慮其識已幅巾頻首而見公給之曰上

徧行堂續集

卷六

三

登極臣待罪上江未而天顏顯仁喜下手出面越日公以計先散其兵於城外再越日用獻馬爲名從壯士四十人直入手擒之遂伏其辜予曰卜者王郎詐稱成帝子燕趙景從幾危光武使當日有膽識如公者淨沱之冰可不合也成方遂單車詣闕京兆尹叱縛之故易易耳予于是每念念不忘米公爲中興將相首屈一指丁亥冬十二月公死節沅陽予時匿辰溪山中聞而悲之蓋國統將絕則寶臣先殞此中朝氣運所爲非公一身家時命之厄也又三十二年與公子順寧守三岳君重見於吳門示以行狀且屬爲傳

乃得備賄歷官昇績謹論次其大者公諱壽圖字子
輿別號青碑以崇禎戊辰貢元筮仕令朐城調繁新
鄉新鄉陸運遠抵天津民苦重累輝縣蘇門之水近
百里可通而勢下久有事於遷率弗效公密濬濠造
簞囊若干一旦治具招邑薦紳乘舟迎河不踰日水
大至復議造運艘公豫告罪于邑薦紳策馬行二十
里計其丘陵苑囿之材可爲舟者伐之再踰日木大
集出私財以成民皆不知及見始驚爲神賑荒有法
兼活隣封且萬餘口練鄉團步兵三千騎三百躬自
獎率與河內令王漢遥相應隱若一敵國寇不敢犯

徧行堂續集

卷六

主

方是時四海多故當宁拊髀深頗牧之思公以疾惡
如讐中里豪郭士權蜚語下民之愛戴不敵要津之
齟齬賴先帝獨斷僅得南臺所彈劾權貴斂跡食墨
吏望風解印綬去識者謂風紀司存猶公常分未足
盡其濟變之才也甲申三月闖賊陷北京南大司馬
史公議所立公首言天下無事當以親天下有事當
以賢而馬士英擁兵奉福邸公與史公獨不署不預
定策功遣按四川四川爲獻賊蹂躪輔督選懷不任
事公召魯英獎其百鍊之剛畫江而守卒保川南於
復命之餘剪妖僧之禍丙戌夏五月擢公副院撫貴

州則閩廣交喪獻賊從川北奔遼義由黔入滇公率
孤旅控烏江復移黃平收散卒招流氓荆棘漸開聲
勢方振而以新君之命解官赴召僦居於沅恭順三
王徇楚至武岡大帥劉承胤迎降沅守將張先璧不
戰而走公正衣冠坐堂上就執見孔有德不屈絕食
二日有德好語勸降終不屈遂與愛將於守方及其
家三十餘口同時遇害故御史鄭問玄從有德軍中
爲公門下士備棺衾公第三子聰匍匐出草間奉公
殯於雁塔梵次計聞贈光祿大夫上柱國少傅兵部
尙書兼都察院右都御史正江伯諡忠毅六典如禮

徧行堂續集

卷六

主

嗚呼公初令朐城流賊窺境卽指天自矢城亡與亡
積薪灌油於重樓下榻鍋杜夫人及三子瑛琦聰其
上戒曰賊入卽舉火邑薦紳吏士環泣叩頭幸爲公
子計似續堅弗許探騎至四望氛埃蔽遮棗棘叢密
疑有伏從他道去公不死於昨死於沅已去之撫軍
封疆釋負可以委蛇辟地而卒舍生取義不靳苟免
蓋大節性成克終如始無愧中華須臾男子矣
澹歸道人曰查顯仁以丙戌春扇動黔楚至遺璽書
飾讓位之說是秋八閩失文思帝殉焉微公擒顯仁
散其黨則東南半壁益腕勸進猶行復辟之禮羣奉

一妖神廟嫡孫斬焉遂絕然則丁亥以後有明三百
年一綫之脉公所存也厓山舟覆宋始書亡此古今
同有天下之公義明不亡於崇禎之甲申而亡於永
曆之辛丑公豈非陰翊國統一大勲勞哉公不幸爲
殉國之臣使直景運發其雄才於朗識行以膽決則
其樹立當有驚世絕俗者世多以成敗論人卽史家
所述畧於勝國務矜本朝則傳信之筆故宜還之草
莽之通人也昔張巡守睢陽李翰謂其捍蔽江淮有
不可見之偉績令唐祚遂終誰辨之誰聽之然則大
書特書昭回冊府巡亦幸而與唐俱存其忍俾公存

明者與明俱亡予故自附於表微以荅三岳君孝思
垂諸米氏家乘嗚呼巡死南霽雲等皆死之予聞於
將軍守方身長七尺力兼百夫侍公於沉不去慷慨
同難不亦與霽雲比肩稱烈丈夫哉

楊總督傳

故保定總督楊公死節於汝寧朝廷議加卹典有御
史以私憾論公輕進一死僅足塞責議遂格公同鄉
孝豐令羅君西溪慨任事之難而吹毛索瘢之易也
掇其大畧屬予爲傳公諱文岳字斗望南京人也年
十九舉於鄉二十四成進士以登萊巡撫擢總督保

定與督師丁公啓睿同討李自成戰屢勝擒其渠魁
一條龍遂決策大戰於朱仙鎮兵敗啓睿死之公退
守汝寧賊合圍數匝援絕力盡城陷被執自成嘗公
降公奮罵不屈遇害自成欽其義烈以禮殮公致祭
而去部將孫尙進扶喪還蜀蜀之計偕者遇諸塗曰
公死忠不宜以賊之殮辱公爲易衣改櫓面如生公
歿之歲元旦夢至一殿上案牘山積吏士林立曰王
久去此今乃復還趨走禮謁如新視事則公之去處
故未失公來處也其在朱仙將戰與其子書爾父辦
賊至此期一舉廓清使天下重覩太平不幸而敗臣

死君子死父妻死夫要不負一人字而已蓋受命之
初有死無二成敗利鈍度外置矣世之人方以吹毛
索瘢爲風采然而兩都陷後瓦解土崩求一浪戰者
渺不可得反面獻身恬不知怪公旣無忝於幽明問
之素心而足豈復與碌碌風塵者爭毀譽哉嗚呼人
臣之誼善則稱君過則稱己故曰濟則社稷之靈不
濟以死繼之死矣猶曰臣無狀亡以稱陛下任使則
一死塞責公所自言而非旁觀袖手者所當言亦豈
使臣以禮者所當聽哉羅君之爲此歎不特敬恭桑
梓揚清標峻其以伸任事之氣撲空言之燄定國是

維名教率於此寓之不可無以發其指歸也公任工
科直計典外吏於京朝例有饋遺受而不辭事竣悉
還之封識宛然其不屑以嘽嘽要名若此生爲重臣
歿爲明神宜矣

朱息園傳

引繩切墨不可以待豪傑之士然其見義敢爲未始
出繩墨之外蓋識能辨義而才足以發之如健鶻決
雲猛虎嘯風凡鳥獸望之而懾亦未始在繩墨之中
也予友朱子公是持尊人息園長者狀來見予初聞
崖畧及此乃得其詳歎爲豪傑惜其不大用於世爲

低回憑弔者久之翁歿於乙卯得壽七十二歲當七
十一歲時江楚倣擾寇躪婺源翁身率族人捍禦其
外預捐家財賑貧民潛消內變故郡邑瓦裂而月潭
遠近方數十里獨晏然人謂翁老且矍鑠有馬新息
之風翁長於兵事先崇禎辛巳歲大裨羣盜蝟毛而
起翁以諸生習擊刺彎弓躍馬於健少年場稱冠軍
癸未鳳督馬士英潰卒肆掠將及新安翁摩厲以須
會爲樂祁團練所殲士英歸怨于金公聲劾之罪且不
測翁憤合諸鄉鄰抗陳於南樞史公可法史公引
義力爭事得白金公聲始官庶常請纓自効後殉國

難其子望門投止無敢納翁留之家周恤甚至翁初
不識金公翁觀世亂度毛錐不足盡濟時之用思以
兵事奮其志與金公合金公歿於乙酉翁亦以是秋
遁跡顏公山山爲宋提舉汝顏公祝髮地翁十一世
祖抗節不仕者也翁見義敢爲不獨與金公合蓋亦
其世澤云未幾東南故家奴樹黨叛主所在橫行翁
家草奴謀乘宗祠長至之祀圍而焚之翁飜然曰吾
不可守隱服坐視不救卽從山中歸預祭畢門外劍
戟林立翁久以恩信孚諸健兒里亡賴聞聲輒斂手
至是出叱之去羣奴盡靡翁密語當塗誅其首惡亂

始定主僕之分始明新安之禍肇於辛巳延及乙酉
藉翁才畧公私僇力屢著保障功至丙戌劇盜數萬
焚劫其里殆盡翁復借兵殺渠魁十數雪桑梓恨甲
寅之役所謂叩囊底智猶發新硯皆揆於義所當爲
距如脫兔及其居武林遊京口與名流賦詩作畫登
山臨水汗漫于玄玄空閒蕭散高寄莫能測其靜
深復有守如女子之槩嗚呼天下未嘗無才顧有遇
不遇耳漢文帝謂李廣惜乎子不遇時使遇高皇帝
萬戶侯何足道哉然廣遇武帝終不得大用不能立
功絕域是真數奇翁之不見用則翁有所不用觀其

周旋金氏父子見義敢爲未始出繩墨之外非數奇也豪傑多俠以武犯禁則流入於姦雄故繩墨未可卒出使翁快於義所當爲豈遜新息而矍鑠之姿聊一覘於故里生不遇時亦宜有擊節悲歌壺口盡缺者矣

周公濟長者傳

長者姓周氏字公濟諱家楫吳之篤行君子也閉戶讀書不爲干祿之學以靜退自勝然意氣豪舉家雖貧見人饑必食之寒者授以衣死不能殮必給槥人有冤抑奮不顧身必得直乃已人謂長者有三友已

偏行堂續集

卷六

七

好讓於人之是非則好爭治生如極貧濟物乃如極富學務進身務退也歸心大乘晨一香夕一燈日所食飯一盂指淨土爲生處世壽六十有六去來之際蕭然獨脫予聞之文點與也云與也今之篤行君子也吳之俗喜逸遊走浮名而尚雜說較諸十五國如忉利之歡喜園國有國風國之中有家風國必藉家風爲砥柱吳之靡弊自夫差然泰伯延陵季子之教浹于人心故未絕也長者之祖有太常公爲興府教授凡得官藩邸若敎授率歸老其家公獨曰此君命也君子受其職則思盡其業豈可委諸草莽耶遂謁

興獻皇獻皇異之令授世子經甫五歲公抱之膝上句讀寫倣必誠必敬世子年十七入繼大統公以師傅舊恩官太常禮重逾等將大用公遽引年歸故以篤實恬澹爲家風其後人多隱德則長者學行有由來矣甘蔗生曰古今人何遽不相及周太常知止知足豈出二疏下哉君子之澤五世而斬此後死者之責也二疏子孫猶問請老人爲遊說置產太常子孫世履清眞長者克嗣之長者之子大千亦杜門自好有父風則太常之澤雖百世不斬可也

高天奇秀才傳

偏行堂續集

卷六

七

得宿命通自阿羅漢諸大菩薩以至於佛遠近不等予謂觀其一生愛憎一言一行可以識其前身習氣見如著鏡不俟得通高君念祖爲其子天奇秀才誌墓予讀之以爲秀才宿命持戒僧也秀才能飲食見肉卽呼臭涕泣遠避遂茹素終身如來說菩薩心地戒至楞嚴楞伽會上嚴敕斷肉自非純淨雖持齋或聞肉香此其驗一吾法欲出家父母不許則不受父母有病棄去者不與授戒故曰敬天地鬼神不如敬其二親秀才於其母病露禱請代父將遠客行泣且留授徒得束脯率以供堂上不私妻孥母卒長跽稱

佛號不稍懈至死請葬於母之旁此其驗二僧以宗嚴三寶爲願行護塔寺如眼目秀才於泮宮營葺雖食貧捐助特厚人迂之不顧此其驗三同行同學坐視其勞而獨逸非僧法秀才於親友劇務身肩之至委頓不自惜此其驗四僧有過相教相誡展轉相勸必三諫秀才勇於規切此其驗五世之言五倫君臣爲首蓋以禁暴止亂爲功或輕於親而後其師師若薦主禮敬至重授業者老生宿儒長被疎忽秀才於其師卒哭極哀歲已久言及之必流涕僧之法惟師是尊遠至數千里亡數十年每僧集日炷香禮敬不

敢畧此其驗六或以秀才六驗惟遠肉食爲僧習氣餘皆名教所有予以儒者卽有五驗聞不食肉嘗爲異學故以不肉食領五驗則五者皆僧習氣人非果地不能無隔陰之迷秀才幼時忘佛及母卒以孝母故信佛此從緣而種發也卽移出世之種從世間之緣緣異而種不異其爲持戒僧持戒而純淨之僧信矣念祖疑其不修壽則持戒而純淨之驗此其七也蓋世間之愛深則迴所修於祿位名壽福消而德亦消出世之愛深則世間依正二報受用俱淺秀才三十而脫屣於祿位名壽之場予以是賀其所往也高

氏世爲法地金湯不以予言爲河漢故以是爲傳而歸之秀才名洪謨法名興指天奇卽其法字云

金節母張孺人傳

予同堂兄文仙諱坡早沒嫂張氏撫兩遺孤三十年賢潔之聲著於宗黨其次子世鏌致書云鏌無似不能爲母表揚惟叔傳之數言庶幾不朽予以世鏌猶有不忘其親之風也文仙少年縱宕頗事花酒遂落其家嫂能習澹薄忍勞瘁所謂境愈苦而節愈甘足爲金氏閭則矣世鏌之兄世鏌已歿亦請爲傳予謂此可無傳然世鏌之友于兄弟意復可嘉予先世敦

尚素樸自予一輩始見浮薄予不幸讀書成進士羣從子弟趾高氣揚習貴介之習然家皆貧予宦復不終漸還其初惟予二子中天長女適朱氏者至無行生三女賣諸八姓以是構訟予惡之不許見遂極口大罵掠寓次菩薩像書籍而去予長子世鏌客死臨清有一子其妻虞氏歸母家欲改適羣小從吏畧利爲嫁一老翁合婚之夕虞氏立嘔血未幾死聞世鏌遺孤之死絕可疑先給事家傍地已賣去僅墓前一池有砌石世鏌又賣之焚世鏌世鎮棺不與其同房長兄世鏌及其遺女相聞皆世諦中怪事觀於虞氏

之改適而死而吾嫂之撫其子下報其夫可風也觀於朱氏之婦之罵父而世鏐之不忘其母可風也觀於世鏐之不顧祖墓棄其同堂兄弟之骨而世鏐之欲爲兄立傳又可風也予語世鏐吾已出家不應猶是金氏之人金氏之人亦不應以吾爲一家之人若眞欲爲一家則家法所宜申卽關國法恐大費一番鍛鍊吾不欲爲乃因世鏐之請旣表其母之節亦兼章善癉惡二義俾世鏐藏之爲金氏留勸戒於後人或於家風不無小補云

沈節母徐孺人傳

徧行堂續集

卷六

五

節母徐孺人者望出鹽官歸當湖文學沈麟瀕麟瀕二十三歲而亡母年僅二十一生子彪甫七月摧隕之至將以身殉舅姑諭以死易立孤難之指乃幡然節哀進藥一志於門戶踰五年姑歿又五年舅歿家業蕭然喪葬如禮敎其子彪以篤行聞及見諸孫四曾孫五凡守身四十六年如一日霜清玉潔宗族鄉黨無間言澹歸道人曰采風之史職在表微郡邑大夫畢訪幽隱少婦守節逮三十年卽具奏聞得邀朝廷旌表所以明人倫厚風俗也近世或不然其得以列名上聞者多出強有力之家自學師以上悉有所

費每經一衙門胥吏瀕索卽秀才里老公呈公結非酒肉饜足無由而合夫人子所以報親惟力是視惟寒畯無財不可以爲悅耳於是沈節母苦節四十六年不預例旌傷哉貧也予以庚申由雲間扶病至東湖彪請爲傳彪不能求之顯者而求之枯瘠老病待盡之僧良非得已予旣諾之而危懼甚恐一旦先朝露無以副彪報親之誠也乃力疾疏其義畧歸之嗚呼此予於當湖爲絕筆矣

徧行堂續集

卷六

五

編行堂續集文之七

丹霞今釋澹歸 造

侍者 古止 傳湧 編

讚部

畫佛讚

百千三昧不到一三昧一三昧不到百千三昧撞著
露柱沒有汝會放倒剎竿沒有不會一隊無孔鐵鎚
速退速退

阿彌陀佛讚

幾多人向西邊覓十萬八千纔一息五色蓮花驀地

編行堂續集

卷七

二

開忽見日頭東畔出咄

又

一念不住是無量光念念不遷卽無量壽箭發雨點
風吹石臼鐵甕不收箴籬不漏衆生在前諸佛在後
亦無成就與不成就

又

無人來接閉眼漆黑動憚不得有人來接開眼著賊
走入荊棘若還不說到底不識南無西方極樂世界
釋迦牟尼佛

又

只知接引衆生不知衆生接引立在十字街頭不怕
彌陀不肖

觀世音菩薩讚

四心無量用之莫窮方其不用如聲在鐘此名定相
皓月當空千江各應未出吾宗男身入定女從定起
生滅寂滅聖凡同體何必神龍有首無尾色後聲前
白雲萬里

又

寒時寒殺熱時熱殺烈火燎毛疾風捲籜九鼎沈淵
一絲挂塔甘露楊枝醍醐毒藥放下淨鉢何處摸索

編行堂續集

卷七

三

大王長壽萬民安樂

又

據坐悄然如意在手一指指處有何堆阜聲塵自空
舌根先朽莫令天花外揚家醜

又

見有生滅卽非寂滅見有寂滅卽是生滅人流忘所
境智同脫花落鳥啼怨龜傷鼈應物現形無是非月
水中不出天中不入我有悲仰豈殊慈力稽首白花
如此一室

又

或定或慧或慈或威一心地載四角天垂無緣忽現
有類斯隨堂堂獨步浩浩同歸非耳所聽其音如雷
曠劫之業當下全灰配德配名愈完愈虧禮拜則已
擬議何爲

又

以是灌頂四海不多如以江河置於網羅以是餉空
一帝不少尋源虛無觀瀾浩渺至人得此無所得故
凝冰焦火彌天甘露人以底受我以口藏天風海濤
盈耳洋洋

又

徬見側出明敲暗打正趣菩薩東方來也得人一牛
還人一馬稽首小白華山更不稱孤道寡

又 陸氏童女侍

西方之色也大悲之行願力也一切人清淨所由解
脫之德也爾幼而具成人之則也長齋繡佛多生之
淳善業也欲去而招人以別其化不怛也宜七來七
往無之而不自得也歸於大士之側也朝朝而夕夕
林下之風水中之月也證於甘露之滅也以童女身
而得度者威神慈攝之一也

又

備行堂續集 卷七

寶餅一寫銀河注大地掀翻欲流去下方湧出罔明
來此是吾家灌頂住

又

一切聲是佛聲刺破耳門一切色是佛色揭瞎眼睛
根若有塵根被害塵若有根塵作怪塔上風鈴俱不
鳴兩箇瞳人一腦袋我兒拜我兒拜且教磕出天靈
蓋塞壑填溝纔捉敗

又 大集洲都寺送藏還丹霞請

大士晏坐聲出雷霆童子繙經思入窈冥八字打開
無捺無撇鈎鑣連環亦不斷絕莫於其間立主分賓

備行堂續集 卷七

風日相守江河愈新嗟爾未識八功德水殷勤問取
蓮邦長子忽然舉手指地指天阿難門外已是重宣
不得西湖而得南海紫玉臺前敲金弄鈿遊西湖以
藏事不得往

又

蝸角乾坤蠻觸民一時幻作兔毛塵眼睛鼻孔天衣
縫綫腳鍼頭轉法輪

大士羅漢讚

二俱不是一無非水北山南信馬蹄月淨黃花連翠
竹露滋石骨透苔衣

普賢讚

遊普賢毛孔歷劫出不得一毛孔不遊普賢毛孔無一刹那出得一毛孔普賢自家出不得一毛孔手中貝葉有何言兒童立坐後花雨落庭前

法華經塔讚

當湖善男子李天衢書妙法蓮華經七卷爲

七級浮圖徧行釋今釋隨喜讚歎而說偈曰

以此一經成一塔別卽是經總是塔成此一塔以一經異卽爲塔同爲經一點一畫無非塔大地熾然俱火發一木一石無非經微塵浩浩談無生有人見經

徧行堂續集

卷七

七

不見塔不愛簪纓愛落魄有人見塔不見經不惜須彌惜眼睛有人經塔一時見背後瞳人坐在面有人經塔一時忘渾身雪點梨花鎗老胡當初不冒說四聖六凡齊喫跌我今說了又畱題鹿宿屋北雞啼西進前燒香退後拜繞塔轉經還不快如塔如經如是持曉風殘月綠楊枝

血書佛名經讚

一點一滴全經全血是血是經非佛非生請以此舌作須彌盧十日竝出大地俱無卽以此血作四海水因緣十二花生確嘴還以此經作妙天鼓白鳳纔歌

青鸞便舞眞公語我我見已淚雁過橫江不留餘影

以此智鋒化爲利刀卽刀卽筆驗彼吹毛筆筆見經不落宮商刀刀見血不落玄黃於不落中而得落處卽於落中不得落句諸佛之名諸經之王衆生之相寶網交光佛有衆生衆生不住衆生無佛佛亦不去佛有衆生作用無礙衆生無佛受用自在此筆陣圖二王所寶鑿破鬼頭吸乾人腦

達磨讚

西來作麼這白拈賊纔到江南便過江北鈍置自己元年面壁搗殺他人三更立雪將心來安了不可得

徧行堂續集

卷七

六

假藥眞方分文不值賺了滿地兒孫放下皮鞋一隻咄

富貴士眞讚

世之良業惟士與農不幸而達或終於凶利在萬民如秋有穫利在一家如穀有賊賊穀猶可賊民奈何君子固窮曳尾高歌允若富公帶經秉耒寧不遇耳勿遇以詭孟光擇配操作而前偕隱之樂之死靡遷誰持窮德而易通命堅松瘦栢得也獨正嗟彼顯者視諸國門慶少殃多危乎子孫無馬可騎亦無得失寄謝塞翁百慮一息

康完有真讚

抱玉而不得售吾玉尚在豈以足質愛珠亦不可求
彼珠非寶豈以腹留五經紛綸素業自敦育此英才
道於子孫引彼三爵直然而逝得全者天無求者世
目艷千金足蹶上駟生食死烹五鼎殊致則雖不飛
而不鳴故未嘗側決雲之腦折摩天之翅亦不可謂
之不遇也

祖振先像讚

挂乘風之帆駕破浪之舟不入大壑膠於細流燕雀
相賀蚍蜉難酬沒而猶視生未陳力有才無命龍騰

徧行堂續集

卷七

七

蟻屈各有其時非意所及嗟爾子孫植基固存馳霜
蹄而致千里搏風翮以達九閭未可艷花實而忘此
本根也

黃端四像讚

往者若是今則如斯今若便非來復爲誰遊戲塵勞
無所不可青天朗月卽我離我觀棊局外借箸席間
捉刀凜凜袖手閒閒溫室有樹雖親不泄三君一心
得之貴密幽燕老將鄒魯儒生物偶過鑑權常在衡
仁義遽廬皆是方便三寸毛錐四天寶殿讓人賢聖
屈己英雄子房後先黃石赤松日且隨行金非出井

世間出世現此員頂

公絢遺像讚

佛性無斷兵解有殺清風兩耳洪鑪一髮眸子已空
頂門忽鑿七山波湧五湖葉落以此噩夢生此大覺
凡存楚亡人愁鬼樂不生不死誰強誰弱六眼先生
虛空振鐸

輝生持此像索讚蓋在公絢歿身之後可謂不以
生死存亡移其情者爲點筆題之若知有死而不
亡則大寂滅海中故無庸置吉凶趨避之見卽親
厚之痛怨讐之快落得冰消瓦解耳

徧行堂續集

卷七

八

高念祖像讚

是宴坐者非楚貴而越嗟怒然其有所思惟先人之
志事是尋思之思之限於其時然則澹澹然遠慮而
憂深霜雪其侵川原其沈風生葉隕石冷泉鳴皆悽
然有恫於其心卽悄然而無言吾已聞忠孝之遺音
矣

王嵩渚像讚

斗牛之間復有紫氣非寶劍之精鬱久而發於地也
必有珠藏玉蘊厄於時而不得見其異者一嘿一語
一出一處物鈍而人靈豈區區於得主則雖豐城之

獄將開華陰之土待拭早已化爲神龍凌霄而去矣此非雲間高士王嵩渚也耶

蔣松如像讚

地之精天之氣人之神三緣成一合相始爲真不市名不營利以濟貧是道人非方伎如先民芒鞋竹杖欲何往一點微塵一點春

沈克齋明府真讚

垂手放光全歸祖父結跏趺坐交付兒孫白拂何言當門落齒天花動地退步知恩止水一簾居心湛湛春風四座及物溫溫鎮鎮劍下將迎立斷虛空藏裏

循行堂續集

卷七

九

攝受無痕判案成山峯巒萬仞揮毫簇錦桃李千村且道是文士是禪客是名臣逢人換眼沒處搜根明月清江是非不著毒蛇古墓凡聖齊吞

汪晉賢像讚

一見之緱氏山巔再見之采石江邊神遊八極之表身在五城十二樓之間隨風珠玉落紙雲烟嗒然其忘言浩然其無與傳入人而未始入于人出天而未始出于天若有真宰而不得其昧爲問藐姑射之仙周侍廷八十翁真讚

祇從自性尋三寶瞥起本來無處討掘開地底更非

天出得門前渾是草問君閱過幾春秋八十年中得自由分付兒孫勤早起青山不動水長流

周母華氏真讚

世界壞時此性在地還載著天還蓋卽今相見不相知兩彩會看一手賽壺德當年解坐家秋光可敬春光愛塵塵堅密莫他求一百八珠輪得快

王像讚

四十二年前四十二年後對影成三人誰取復誰受兩眼相看兩甲寅爾面光華我面皺打碎青山作綠波一漚全海俱成就生老病死是耶非火風地水無

循行堂續集

卷七

二

窠臼後代兒孫識得伊杜宇三更啼白晝

朱山立像讚

非松非泉習習驅濤卽雲卽壑泯泯干霄當其現處微風不度當其隱處全體忽露出世世間何用名模同今之人與天爲徒曳杖逍遙渺無所託汝欲致問我亦不答

張濟宇八十翁真讚

此無量壽卽無量光金剛正眼吹笙鼓簧八十年來八十小劫生住異滅穿雲漏月默存片石下視寰中須眉父老筋骨兒童出有峯巒處無窠臼帶索行歌

瞠乎其後江山如舊日月長新吾聞其語未見其人
不是俗流亦非道者小子識之先生來也三千學士
十八高賢維摩室中寶掌路邊行地行空一來一去
纔著眼睛便成破句

高寓公先生像讚

德純忠孝才擅文武擲筆登陴猛如虓虎投戈講藝
燦如繡組惟皇鑒之龜山失斧誰從長夜震此火鼓
一睨暫見以報死父十年同貞以訣生母豈云萬邦
遜彼三戶叱起青蛭疾呼帝所悲風四來碧筠滿塢
汝則醉耳攜鋤闢土敬俟其醒露子月午龍孫劍拔

徧行堂續集 卷七

三

天壇首俯嘉實是登鸞歌鳳舞

姚總戎采藥圖讚

采藥何必埋雲卻聘何必絕食外通而內塞馴其性
無鍛其翮故非鬪角之硯非化血之碧然而火不能
焚水不能溺金石不能礙禽獸不能賊人將索之高
陵深谷以爲可望而不可即豈知夫塵埃咫尺之間
早已交臂而不相識耶

傅子雲像讚

沒搭撒林君復來奚落趙師雄我有千年活計汝只
一夜春風從旁轉出傅子雲喝道一箇鬼窟裏一箇

夢魂中爭似我人人俱見日日相同噫原來也是箇
影子卻憶醉端攜手去醇醪三盞入鴻蒙

題徐榮菴小像讚

高松流水之間據石而坐眇然如有所思浩然而無
所挫雄劍欲鳴素琴難和童子不言其義皆墮蓋嗒
然遊於聲光之表索之千人萬人而不得見其一个
者也如何是一个過

俞念依像讚

柳下惠不以三公易其介此洞垣之見也柳
下惠至清伯夷至和伯夷不恭柳下惠隘皆

徧行堂續集 卷七

三

非皮相者所知念依先生當貢不欲與不肖
人同貢寧不貢其入對大廷卽賢者欲一見
其文一爲之地斷斷不可故曰坤至柔而動
也剛至靜而德方以剛爲用者必以剛爲體
若無此德方之體雖千動萬動求毫釐之剛
豈可得耶今之人以盛德爲鄉原宜其風之
日下矣讚曰

生鐵心肝春風眉眼日親日疎日近日遠護前七寸
退後三分首陽其質柳下其文通身有藥通身無病
全火全冰無人冒信

朱公是像讚

君家考亭筮得遯卷舌藏身得無悶耳孫公是稱寄菴棲蘆宿海収風帆數奇自歎凌霄翮酒後悲歌壺口缺吾所大患吾有家如蠶縛鯢魚行沙遯五之動之於旅其妙用賓不用主南海北海聲蓬蓬過而不著如虛空羣龍無首誰得比遯之同人化爲尾乾元用九飛亦潛用遯於旅藏於淵八百主人千年田天涯何處不作客枝上寒蟬抱枯葉

公是別來十餘年邂逅吳門近號寄菴此得遯之旅也漫發其義卽爲眞讚觀於此而天地萬物之

情亦大概可見矣

梅聖占像讚

砥柱亂流之中電激雷怒疾趨於下而不予從予拙毋汝工予異毋汝同獨戰萬古不與天通此非一世之雄也耶

賀客星眞讚

不與人同繪素不與天同舉措裁今則大義爲尊論古則多文以富百丈飛泉神龍隱而孤唵千尋壁立跛驢望而絕度嗒然忘言迴然獨露豈非遊物之初反已之故者耶刹那刹那念念密移往不重留來不

預期但一月眞無是非是纔說未生早成兩句吾將與之虛而遨遊泛若不繫之舟行無求而止無憂亦得妙於隨流也

張心宇長者眞讚

抱神以靜使物自正告天不愧與人無競其生也淳樸以遊非富貴所能移其歿也吉祥而逝卽人天之最勝宜爾後裔享其餘慶嗚呼昔者入廬兼詩書之本蘊今者入廬專仕宦之捷徑予於翁慨然思盛世之遺民而以未得見有恆爲不幸也

題張頴堅像讚

予與張子頴堅交在珠江爲令祖容宇翁作眞讚旣別八年浪跡吳門頴堅聞之驚喜時相過從每以志感今有請尊親銘傳如呼小兒遲卽加以聲色過而藐然若不相蒙者頴堅之厚蓋其孝也廣州汪太守聘頴堅記室頴堅顧力勸其乞休太守唯唯否否頴堅遂告辭太守將倍致館穀頴堅曰吾以道義相成耳豈爲利動哉襍被徑歸此一事古賢人立朝入本傳中稱僅有頴堅生平大畧可見矣乃爲題其眞曰

清直勇三人所難兼眇爾記室具此風節是可以爲天子大臣生平今之時行歌而負薪觀一斑識全豹隱得其忠顯得其孝我傳神不傳貌

史露生真讚

帶索行歌踞石繙經開卷自得杜口誰聽乘月斷岸臨風遠汀夢中了了醉裏惺惺一以爲披帷之名士一以爲入社之遺民蓋屈於今而信於古人眼白而天眼爲之青者也

張爾就真讚

擬德於玉擢玉於竹散竹於墨格韻天然一見決矣

偏行堂續集

卷七

五

不由比類而知爾就張子格高韻深時復寄意於墨竹書法詩法一徹永徹崑崙之玉流入三河是同異非同異一斑全豹切忌換卻眼睛漫次元韻以當舉似自是眼中難著眼空庭月落是耶非不離三寸霜毫外千尺如來丈六衣

金斐公真讚

揮毫多士之先折節萬夫之後神砂一點丹未九還寶玉三成記當重構是故豐於德而儉于名贏其才而縮其壽以爲有天耶不於其身以爲無天耶於其子孫君方排闥闔升崑崙夾二曜而竝馳超衆有而

獨存豈美夫一粟一肉旅進旅退於金馬之門也

端如上人真讚

世法休熱佛法休冷一毛頭現十法界影互奪互成寶刀不冒端公英英儒心俠腸楚存非存凡亡非亡老當益壯柔而能剛容爾蠻奴妙香一炷結蓋成雲飛花作雨眞既無來幻亦無去已傳爾相未出吾宗披開藻月嶺上松風三千里外切忌重逢

徐華國真讚

風吹雨作黃金麗一點沾衣登十地三十二口一維摩一一維摩失卻鼻無情說法如雷門白拂舉起翻

偏行堂續集

卷七

五

乾坤莫怪文殊錯選根自到毘耶遭剪舌蒲萄朶吞新卷葉

三笑圖讚

合卽三笑分卽三教此圖未知誰通大道卻見亦樵姓陸我曾點伊不到便應鶴擎金冠直上十洲三島逗取王家絕倒落下石門詩料忽聽大地胡盧圍作一團栲栳處則爲遠志出則爲小草全憑三勝流揭得廬山藁

陸珊瑞少年行樂圖讚

卽今相見已成老卻看少年還古董普天之下不曾

逢三十年前讀書種此道今人棄如土羣鬼空爭黑
漆桶自家壯色尙無情颯颯寒風透毛孔

李善友真讚

一念不異觀體金剛名山蹴踏上乘宣揚善與人同
德與天忘有爲之業無爲之幢完空碎空非妖非祥
來如去如非存非亡容爾子孫本土他鄉非真非似
萬法全彰舉頭便見日上西方

吳昉公真讚

謂之韓王孫則已老謂之臧丈人則已小千尺絲綸
萬里流渺然此意誰能曉一釣將再釣相赤甲獬龍

隨手上恰纔貪餌便吞鈎太公望久難輕放魚笑人
人笑魚柔柔曲曲竹竿舒釣得江中明月著全身罩
在一輪虛

沈健翎真讚

展此一卷書豁我萬古心靈芝冠衆芳百卉安足珍
白雲帶絕巘黃葉飛空林冥懷有一士清唳托孤唸
噫誰是知音

沈坤仙真讚

惜乎其不遇時而遊於神農虞夏之間矣當其存也
見而不知其歿也聞而思予得其形無絲寫其神也

爲之歌陳子昂之詩前不見古人後不見來者念天
地之悠悠獨愴然而涕下嗚呼庶其似之

趙天行真讚

是儒之巍巍堂堂者而覈空空譚玄玄不作傳大士
亦非陶隱居宜爲白樂天三教任其提衡九重觀其
揮塵顧乃托野服於癯仙然則常住不遷之性與人
爲善之願旣已漸入而逾堅矣清涼之山菩薩一萬
梵網之座學士三千豈猶曰有餘於才不足於年也

姚讓水真讚

其志潔其行方不離一室千里翱翔心休小草契結

長桑物貴知希無尤無怨人憎孤立疑猜疑狂獨嘯
歌時清音烈於山水誰來往者白日夢到羲皇豈似
陶潛忽返聞鐘之駕便同張拙連登失巧之堂夫夫
也故宜浮之江湖而樹之無何有之鄉者也

沈蕊雪真讚

絳灌能文隨陸能武快哉沈侯人中龍虎有天與才
無地可用造化小兒非意相弄造化曰不然才非吾
能用非吾權一切惟心而委於天誰知吾之寬有蘇
無衛有衛無蘇半蘇半衛君其能乎君曰不能則吾
豈敢吾表君心君遮人眼畧露機鋒馳電卷

蔣真讚

峭壁千仞蒼松百尺骨勁神寒清霜襲月胡然而有
春風披拂境繇心變萬緣何擇見公之貌知公之德
口不置斧胸不栽棘和積其中喜溢於色三惑俱微
六交靡及宛如攜手裁民之國應時而來爲物作則
既返淳風卽歸真宅影堂老人非生非滅是爾子孫
克家消息

許長者真讚

不同者狀不異者家前則鷺峯後則龍華我以老病
適來於此歲方沔饑盜賊蠶起孰能如公損己益人

徧行堂續集

卷七

七

此心佛心無著天親苦樂兩輪不移一線莫矜九品
自觀一念詩禮發塚未解裙襦生不布施死何含珠
竊財據理竊位軌法薦公於天有問無答

陳子威真讚

謂其欲隱耶蓋勢之所窮謂其欲顯耶非道之所終
知其不可奈何而安之若命奚以有克然自得之容
乾初之垢確乎不拔九鼎大義維於一髮遺其同憂
安其獨樂則起百世之風者故足昭日星而持河嶽
也於是倚彥達之指而爲之歌曰觀彼梧桐兮可以
知日月之閏兮挺生泉石之間兮有烈響而無淺韻

兮寧灰身燬下而恥見異兮蔚孫枝以待陰陽之所
定兮彼威鳳之擇而棲兮夫固以爲得其正兮君其
息景而無悶兮同其德不淫其性兮

吳高士真讚

是猶神廟之生民也見碧海起紅塵家雞爲鳳家犬
爲麟今已揖讓於磻谿釣玉之濱矣顧有太息而未
忘者兒時竹馬天上班春桃葉渡頭元在晉桃花洞
口各通秦噫爾是何人

李因培真讚

士人一妻一妾分日當夕然少艾多偏矣一夕與其

徧行堂續集

卷七

七

妻宿妻有怨言士曰我身在他那裏心卻在你這裏
妻曰我讓你底心與他那裏只要你底身與我這裏
此婆子可稱辣手今人影上用緇形中用素同此伎
倆澹歸翻轉面皮連因培無立地處且把鉗錘交還
婆子放一線道說偈解嘲出家是畫在家真纔要翻
身怕失身莫向畫中誇得意在家全是畫中人

高太君真讚

育嬰堂裏真綱紀識得摩耶應化身男女聖凡俱脫
卻頭頭磕著古能仁

令子星源爲育嬰堂作大綱紀秩然有序以知母

德之深長母於星源有母道星源於一切嬰兒有母道喚星源作摩耶喚一切嬰兒作釋迦牟尼祇是一摩耶事俱非分外

節士李求菴真讚

有今之古處之士不附人不阿鬼神醉以忠孝還諸君親其忠維何祖宗所知之臘其孝維何父母所受之髮露香以告則有終身之憂背葉而吟蓋無一日之樂嗚呼天亦不聞紅雨繽紛黃塵細縕雖賁志而沒於蓬蒿浩然之氣早已叱雷電而決風雲矣何也此心之力不與運數爲詘申可以考鐘伐鼓獨往獨

來於九閻者也

隔角老人自讚

拋卻羊頭去尋狗肉無端踏著野豬兒三聲大笑三聲哭忽然豎亞摩醯眼便去橫枯柳標木喫你伎倆元來只如此麼直饒聖凡情盡也不免入驢胎馬腹

偈部

寄汪漢翀

每歲寄石栗漢翀云大似納租今年石栗爲避亂人夾生折倒少有所獲近火先焦無由遠寄亦似兵後佃丁多半欠租耳

夾生折倒馬牯栗抵死滅卻豆皮宗豆皮宗與馬牯栗不到精窮不得通窮裏通通窮問取河南鐔石翁三跳前還三跳後大家跳出鐵蒸籠古人云一團茅草亂蓬蓬驚地燒天驚地空何似滿爐煨榾柮慢騰騰地暖烘烘澹歸卻又不然有我一爐紅榾柮分他滿把綠蓮蓬然雖如此一團茅草裏更有極大西瓜此是天然白虎湯最能清涼熱惱

達菴程君發願莊嚴無數宰塔波供養舍利丁

已至前得於凌江隨喜余亦以所藏分奉題此贈之

一念纔生法界彰大家有分莫囊藏神頭鬼面誰驅使全放全收阿育王

請藏乞路費偈

請藏卽有江南行曳轉東枝向西走忽聽旁人唱鷓鴣坐中悶煞江南叟江流和尚儻來僧青草扁舟落人手破瓦窩中風色寒兩眼相看生百醜解開布袋在長街不見其中應見口渠若無時我也無你若有時他也有何消遠道贈驢驢便去離亭折楊柳馱經又趁朔風歸恰好面南看北斗

重建會龍菴緣偈

不妨壞果便成因臘後春風次第新纔見會龍知萬
法解鈴須是繫鈴人

示大樹蔭院主

浩浩紅塵長說法只是有頭摸不著不如總不摸頭
時眼與眉毛一齊瞎

示豁大藏知浴

從來明膽互相生腳底何由著眼睛著得眼睛無腳
底一團烈火萬年冰

示一峯輪侍者

不見金輪第一峯元來長老絕行蹤卻從十字街頭

備行堂續集

卷一

三

看無數山花似錦紅

示倚北辰直歲

天下竝無老實人倚北也來索我字水溝切忌不通
流屋脊莫教生雜樹

示修己敬副寺

終日忙忙那事無妨騎聲蓋色作麼承當火也防賊
也防蟲傷鼠齧曬焙收藏出入分明製造精良開門
七件仔細商量本不酬因誰載果也憐特地賣生薑

示超宗越侍者

踉腳老僧行不得口裏巴巴偏要說喫盡山頭冷飯

團便要開言無氣力無舌童兒無足仙撞倒釋迦與
彌勒卻須問取玉川翁底事口寬肚腸窄

示三一西堂侍者

此地無銀二十兩一三三話俱多端能踏倒須彌
頂綠玉河通白玉河

示致和侍者

鎮日要歸歸不得如何是汝真歸處山前有箇古寺
基笑煞趙州不知住

示自破義監寺

此義自破不覺話墮腳跟絆著行者孫眼裏掀翻胡

備行堂續集

卷七

四

達磨直饒做得好當家供養祖師三百箇一頓痛棒
更須領過人人面目不相同總教鼻頭口上坐

示置答問侍者

汝有問時我有答一聲一啞天機發眼前無奈好春
光百鳥啼時百花落

示無漏果買辦

是鐵俱堪成巨斧須知易放卻難收空囊留下纔清
淨莫向空囊更點頭

示聖無化主

左微何事不全聰汝不爲王也是公萬籟喧騰元寂

滅觀音立地失圓通

示亦汝柴頭

木落霜清透體寒許多白骨照青山一堆火裏全身
隱又被羊皮襖子瞞

示十想足侍者

不會說法退身而藏汝要學我背上生瘡藥燈纔照
便清涼不知舌本爛翻意須信黃河到海長

寄劉仲良二偈

冷風蹙斷白眉毛切莫輕他爛米包肉上蓮花開不
得免來肚裏剝羊羔

補行堂續集

卷七

三

七穿八穴也無妨恰好追隨破錦囊護得過關書板
去入關經藏又生光

破院中寒風切骨乞得仲良蒲包緝爲長幃以禦
之予詩所謂救死饒一半者也今發書板過嶺更
乞百枚供稠載之用此請藏本錢不憚多求輒拈
二偈以博一笑

示佛六庄頭

獨漉獨漉水深泥濁泥濁尚可水深殺我殺者死友
不殺生交死友臟腑生交皮毛人王帝子撒尿痴矢
骨頭骨腦招財進寶巍巍堂堂捨飯尋糠齷齪齷齪

琢石得玉人若可笑我也不哭哭者如鉤笑者如錐
鉤之莫去錐之莫回俱抵一刀雲門一棒雙鵬齊落
天下天上

示三圓知山

我唱鷓鴣詞爾現鷓鴣身口中飛白雪腳下起紅塵
鷓鴣之飛必南翥此飛曾爲我所許似言行不得哥
哥此言復爲我所訶一訶一許兩不受大家面目天
生就一許一訶如合符南贍部卽北俱盧爾腳不如
我腳好衲僧元是無根草我座不如爾座高下有地
神名堅牢燒香勤禮舍利塔四花六動休客作

補行堂續集

卷七

三

示時出興知客

時而不出打汝脊不時而出打汝頭出與不出總不
得離間燕雀常啾啾打我脊也不出雪山老子狂心
息打我頭也不休尼山車馬偏周流我是迴關轉軸
手只喚時來隨我走時與不時二俱是大蟲面上有
王字時與不時二俱非左持芍藥右當歸聽我矮子
歌勸汝莫蹉跎殺得螭螭吱吱引得鬚子哈哈笑

示眞淨直侍者

南高峰與北高峰兩處無明一齊發銅砂鑼對鐵刷
帚面門鼻孔俱倒塌任他魚鼈競頭爭放下干戈便

太平過得經完無點事現成天竺古先生

示慧機定知衆

我住丹霞逾五載汝爲知衆亦長久人人說是好采頭怎生合著無明叟猴愁樓搜頭狗走抖擻口替賢毛孔一線開大家攜手遊去來無量劫中遊不盡誰知只得一條街

示大洲中維那

大洲不會划龍船我有大洲龍船記長桅五道十輪盤無數兒童搬雜戲暗艙裏面轉機關外面人稱不思議不思議會也未大家中了連環計淨名無語響

補行堂續集

卷七

七

七

如雷三十二門都緊閉眼睛從不見眉毛有甚逢迎與迴避鐵鍊纔將龍口繫門上蜘蛛頻打嚏一聲鐘鼓震天時好把繡旗颺到地

題片鱗巖示禪修知山

震霆激電趁罡風萬朵山河掠地空留下赤鱗纔一片至今無處覓真龍

李世輔字公左世弼字公右

分陝而治左周右召二人同心有物自造嬾殘半芋本分草料鬼谷全支呵呵大笑草鞋裏面一任蹣跳

示體圓居士

紫玉憑將綠玉擎白雲無意有逢迎石獅子在長街上不用黃金貼眼睛

贈巴學士

記得中丞同話處現前悲喜一時俱尖時圓相依然在看取珠江片月虛

各異文元不異手無人識處有人通金壺一點空中落學士毫端墨瀋濃

會與劉持平中丞同坐海幢論各國字體一回重見便有存亡之感

爲李岡齡字三垂偈

生子當如李亞子三垂岡上百年歌揮毫更奏從軍

補行堂續集

卷七

七

七

曲馬首青山入路多

馮文龍法名古吼字別慧偈

領取文殊分別慧出林獅子驀頭騎一聲吼處野干落頭作阿梨七分枝

示何直用居士

三毒轉爲三淨法元來祇是一精明轉與不轉俱不受火熱冰寒掉臂行

示開源初度

欲識黃河源須窮星宿海點滴不將來自賣還自買雖然不值一文錢下面拄地上拄天打得大人糖餅

破山川日月一鑾圈

示乘銷辭去

拘折拄杖著上草鞋汝信汝即得於吾何有哉雪寒
同向火風暖獨登臺兩道眉毛八字開何曾移入眼
中裁

示古忠

瑕瑜不掩是名忠爛熳天真背面同一片長空無界
限錯教門戶不關風

示不二

乞我爲書忠義語古今卽得二心人端能脫屣閨中

補行堂續集

卷七

无

物大地元無一點塵

問如何是閨中物答云大地元無一點塵

示功亡盡居士

識盡卽功亡非耳聾眼瞎根塵日糾紛瞎卻也不惡

示朱仁所居士

一念全成五分香不存餘念是金剛自家寶藏渾無

盡始覺泉源般若長

示若木童子

扶桑枝上天雞叫赤日隨潮湧海門識得目前無異
路長將眞智照重昏

示雲一童子

二十八人年最少通宗識量冠雲臺水深火熱誰能
救轉地迴天待爾來

贈蕭瑞郊

我得如君八十一君年又是九十七四條歡喜結眉
毛三十六年只一日提起覓橋兩故人蒲柳偷青看
松栢瑞郊與予相識在癸未一聞過此亟來相見歡喜之狀溢於眉端瑞郊年已八十一矣精健異常可喜也覓橋姜程亦予故人亡已久矣

戴雲吉五旬初度

大衍之數五十其用四十有九留下一籌不用閱盡
烏飛兔走卽此不用一籌從來不涉春秋莫問未生

補行堂續集

卷七

无

前事塵塵刹刹俱收

爲夏林山侶易字一枝偈

貞桂堂中無雜樹千枝萬枝只一枝今古不遷常住

義卻道天行有四時

金門李節母請法名古甘字苦菴所以表貞也

叔雲乞偈爲題此與之

苦節不可甘甘節在苦處心境一時消同行不同住
長齋繡佛前坐來三十年心心旣不二火宅抽青蓮
以此好回向會隨刀兵劫極樂黃金臺一子等相接
簇起兩重光不分存與亡花添錦上短炭送雪中長

鑊湯爐炭裏衆苦不能到眼底本無砂頭頭通大道

寄示程門女

生身父母見也無益不見無損我在者裏攔街打滾
有時滾到杭州忽然見了沒些齟齬沒些面目見與
不見著甚要緊從此以後更不思量我不說你忤逆
如今鎮日思量我不說你孝敬當下撒手何等乾淨
若肯承當是大根性

趙山子索偈

踏遍千峯與萬峯鳥篷盪滌白波中有時招起紅塵
賣點點雙行亡是公

補行堂續集

卷七

圭

遣告智篁箒侍者靈龕

戊午十一月十八日智篁箒侍者化去予以
三寶事滯留當湖不能躬往秉炬爲題一偈
令大集洲都寺宣之

我以請藏行爾以侍行死各不私其身相對莫相倚
爾性本孤潔雖癖我亦喜出家三十年嘔血已兩紀
既不偏衣食併不受藥餌身弱心愈強力盡然後已
八月至精嚴覆舟忽墮水沈綿抵仲冬三月不能起
昨聞後夜餘危坐索盥洗齊整僧伽黎蕭然如蛻委
爾不復俟我我不復送爾虛空皆昌塞孰能迴避此

不從嶺表起不從禾中止一堆烈燄內非事亦非理
十方窄堵波無此亦無彼情亡境自謝留盼非我子
平林卷北風聲聲絕首尾冷色隱孤檠攬之不相似
忽然筆端光爾相故如是

留別侍者

隔角老人絕筆

入俗入僧幾番下火如今兩腳梢空仍舊一場懣懣
莫把是非來辨我刀刀只斫無花果

楚詞四章贈巢孝廉端明

我所思兮松楸小築兮層樓朝朝夕夕兮告無罪於
先猷志在孝經兮行在春秋濯纓兮清流課子弟兮

補行堂續集

卷七

圭

服田疇吾遺汝以安兮汝勿遺我以憂相羣龍之用
九兮泯六交於無角之潛虬求仁而得仁兮斯已矣
何怨何尤

我所觀兮民生挽天河兮不可以洗兵下縱橫其銖
衣兮上芒角其貫城私卷土於四盡兮公析骨於三
征轉溝瀆而填谿壑兮兩相待而一不盈吾欲叩帝
闕而覓絕兮長太息於空庭掩吾室兮對孤檠擁吾
衾兮聽寒更笑杞人之徒憂兮地誰陷而天誰傾吾
碧瞳其未濁兮猶足以照映夫河清

飭吾舟車兮欲遠遊而無四方彼紫泥之海兮不足

以汙吾白霓裳況紅塵兮蒼茫匪薛荔兮勿垂吾牆
匪躬耕而穫兮勿克吾糧匪古之與徒兮勿登吾堂
瞻故閭兮墮嚴城而摧傷太行巉巖兮黃河湯湯信
美兮非吾鄉馳峻坂而蕩惡灘兮胡爲乎他邦委銅
駝于叢棘兮隕玉粟于秋霜吾拭背而不忍視兮對
土室而謝玄黃

我所悲兮春秋絕筆于獲麟魯非其地兮孟孫氏非
其人違時而動兮亡厥身抑先見於焚書坑儒之暴
秦兮垂涕泣而霑巾見諸行兮螻屈而不可申託諸
言兮激羣吠之信信彼亂賊之始而或懼兮終不足

儒行堂續集

卷七

七

與圖新蘭有鋤兮桂有斤投清流兮白馬津思壹鬱
其誰語兮惟三代之遺民遺民往而不返兮渺獨立
而無隣遨遊於無何有之鄉兮逍遙寂寞之濱風同
條兮水同鱗月殊景兮山殊絳琴一曲兮酒三巡戴
天容吾老兮履地容吾貧倚嗟名不可以巧得兮反
太古而還淳

銘部

陳彥達儵然齋銘

處處交肩時時掉臂見即有人行如無地誰於世間
得出世意文而貧不爲才累介而鰥不爲節繫蓋澹

然物欲之初交悄然華名之末際即時一盃儵然自
寄故能獨往獨來於狂瀾砥柱間而一無所借也

黃辛子二益堂銘

窮當益堅老當益壯翳榮茹冰天下天上堅且益窮
壯且益老鐵鼓銅旗長驅直搗四美相成二難不見
遠慮近憂一刀兩斷

秘閣銘

海墨無盡莫沾一點中書君惺惺著伐柯伐柯其則
不遠

又

儒行堂續集

卷七

七

沒字秘書有字秘閣不打便招賊真證確

硯銘

五物相傳不知好醜祇這不知天長地久鬧市裏輒
謹防剪綰

10630

徧行堂續集文之八

丹霞今釋澹歸造

侍者古止

傳湧編

塔銘

海雲西堂初千壁禪師塔銘

有序

或有道而無其才或有才而無其道或有道有才而無祿位名壽法性海中非因非果不以有無作勝劣解惟論其見諦而已予以戊申元日仰承本師是老人大法相屬時同受者爲初千壁知客僅四載而謝世法運衰晚法城摧頽遺予耄荒莫能埤益悲夫悲

徧行堂續集

卷八

二

夫公系出寶安溫氏幼探墳典未弱冠投簪拔俗初習毘尼於鼎湖止持堅確篝燈讀經伏几作字不舍晝夜遂致咯血追謁老人許以入室屢呈所見不諾研窮益苦尋於丹霞侍寮一言之下知解盡脫得大安樂不啻疎山之遇明招地藏之爲法眼執侍彌勤好學猶故羸疾既深同叅誠以節勞笑而不荅辛亥十月朔日分座海雲卽於十二月六日示寂停龕三日顏色無改雙眸炯炯仍有象王迴旋之槃四衆歎仰戊午二月二日奉靈骨葬於寺之南園別崇制底表有矜式禮也公旣得無上道肩弘法之任不遑應

世以大放其才乃於祿位名壽若一無所與予爲衆

生惜非爲公惜三祖有道而愈疾公有疾以從道達

本來空游戲生死一如園觀疾爲何物而以愈不愈

分憂喜乎度生之願一方月隱多方月現公自知之

不可爲不知者道謹因範監寺之請而爲之銘

大塊噫氣名爲風南海北海聲蓬蓬不容衆覈衆覈

容大小修短無不從或如奔濤走長松或如寒月鳴

秋蛩豈復有意存其中旁人側聽生異同如月臨川

月隱峯旭日昭昭雨濛濛此方不逢他方逢當其逢

時月非通當其不逢月非窮耳根有聰亦有聾分慳

徧行堂續集

卷八

三

分廷無分鐘吐血禿丁妄語雄聖凡灑血浮青虹大

道本無汗與隆我以此意銘壁公還如綽棒棒虛空

玄石一片黃雲封天風海濤千萬重莫教湧出白龍

翁一鎚擊碎水晶宮月上西方日落東吾宗不立立

吾宗

一超道人墓誌銘

有序

樓觀滄海日門對浙江潮靈隱老僧爲宋之間出警句或曰駱賓王也雪菴和尚掉小舟於急湍讀離騷經每盡一紙卽投諸水投盡慟哭而歸蓋遜國之行遜者吾法報恩亦有四種未嘗許人反覆背其君親

則鼎革之餘示跡於方袖員顧故如來所宜攝受者
一超道人姓李氏本名克茂字鑑湖號泛生系出唐
西平忠武王第十子憲世居陝之高平宋初遷吉水
入明遷孝感再遷南陽鄧州自高祖處士思明始明
生別駕柰柰生贈中丞繼先繼先生贈中丞泊齋翁
大醇生二子次爲道人長卽閣學文定公永茂也道
人生而倜儻有大志好飲酒讀書不務章句十八補
弟子員時中原盜熾結客講武能騎奔蹏馬挽強射
堅洞中百步外丁丑獻賊襲鄧道人率壯士三十二
騎出兩尊人於危城之中抵伯兄濬縣任庚辰復奉

兩尊人還鄧畏塗警衛晝夜匪懈屢遇賊輒先登奮
擊亡敢攫其鋒者辛巳辟地由光襄走武漢上湖南
下江左叛將王永成縱掠白虎鎮道人連鯨大戰自
辰及酉卻之同行士旅得免於難乃僑居蕪陰甲申
弘光改元道人預選貢授推官未赴調從文定撫虔
旋侍親就醫南雄冬十月泊齋翁歿卜隱丹霞丙戌
秋八閏陷永曆以桂藩正位號端州文定用推戴功
大拜辭不入直讀禮於容是冬趨北流轉徙於鬱林
博白窮山深谷間道人竭手足之力全膚髮分茶苦
戊子夏僅得麻鞋赴行在所未至文定卒於蒼梧力

疾營喪歸葬仁化己丑母夫人嫂夫人相次長逝拈
据貧旅不失典禮孝弟之譽騰於士林以堵督師胤
錫薦授祠曹遺諭祭閭武陟可義歲除夕及庚寅春
六日南韶俱失高臥三巖蓋將終焉辛卯扶四喪挈
藐諸孤以還襄大事葺廬舍之久敝者治田圃償逋
負教兩姪讀書有成畢婚娶謂可藉手告先父兄長
揖人間乃遊桂林順流抵穗石予初因汪水部漢卿
欲得丹霞爲道場道人聞之欣然見施有把臂入林
不越三年之約壬子始至仍居竹坡舊隱一衲蕭然
緇白無不仰其高致道人有成言生則老於是死則

葬於是其猶子古冶乞銘壙中之石予以道人齒髮
未衰神明方盛豈宜早計然予則衰矣行復出嶺唐
司空圖作壽藏時邀親朋宴集其中則道人未死而
予爲誌無不可者駱賓王草檄武曌閱之心折日爲
君象潮以示信古之人於君臣非必受深知荷重寄
當其獻身卽已死生無二矣雪菴與靈隱老僧皆以
文弱不能自奮道人角技少年場具文武才有英雄
之目經緯庶事無巨細井井有條坐而言起而可行
未有尺土以展其逸足雖蒲團枯坐每及忠孝大節
雙眸炯炯如寒星射人無芒角而有燄采其執義純

固有必不容泯沒者常得偽造白蠟渡鄱陽盡擲之水曰寧人悞我我不悞後人其于故國亦非深知重寄斷以獻身成信無愧世澤維名教于將墜興起百代之風意蓋如此予初欲祀文定於雪巖他日竹坡後祠前墓開山捨山同堂別室於叢林檀越之報禮因義起末之或爽遂系以銘

二道互破非忠與孝吾法一心世諦惟肖嗚呼道人

萬法全周求仁得仁何怨何尤金輪日湧碧海雲收

五

經翻片葉淚散浮漚儒不背君僧不叛佛義路禮門永安厥宅語我緇流匪躬白業之死靡他視此作則

棲賢石鑑觀禪師塔銘

有序

以透脫之見地超軼之才筆發莊嚴接引之行願不獲畢展則歸之緣緣者一期夢幻才筆如生花畫羽惟見地透脫乘一佛乘直至道場時有早晚路有平陂人有作止此皆一宰堵波事此予法兄棲賢石鑑觀禪師大自在三昧也師系出廣州新會楊氏能文章尚節義爲名流領袖初謁天然是老人於小持船甫拜起老人呵其盜法師愕然問故老人曰子以予

從儒來欲瞰祖關入理窟資筆舌非正信也師不覺折服始刳心受教歲癸巳老人隱圭山先華首還自長慶師扣擊頗銳終以礙膺爲疑戊戌復見老人於海雲悲喜併集庚子落髮旋入侍寮舉妙喜物格頌於明皇劍擊聞守畫像守於陝西頭落處泮然冰解壬寅春老人銘竹篋子授以大法偈云體露金風莫可追相隨來也又奚爲暗明鑑盡無遮護獨荷全機賴石兒復云他日有人問著但拈竹篋子劈口築殺甲辰舉西堂領衆之棲賢棲賢爲老人匿影圭山地破屋數間不蔽風雨師欲恢弘光大奉迎老人提唱

補行堂續集

卷八

二

之餘筴米鹽營土木早作夜思勞瘁無倦戊申老人居丹霞師以慶生至適長慶再請住持老人命師代往僅半載舊住稍偃蹇曳杖徑歸棲賢閱十年每以祖庭未擴大器未成弘誓未踐拊心嘔血師素病怔忡屢發益劇至是且不起戊午春三月之閏老人自海雲復至師喜甚霍然似無恙者請以院事屬角子龍和尚而身侍老人朝夕與同叅談道論文以爲生平樂無踰此樂也俄中寒疾七日而沒龍和尚經理後事奉全身塔於百花原委予以銘予於師爲同門雁行契甚驩不徒藝文結習嘗以師於吾宗有逸格

之詣其說法高妙圓脫玉轉珠回洞上縝密家風允
推克肖鍛鍊之下不輕許一人愍時神敗寧無紹續
恥以非類雜我宗祧盈虧皆月流坎非水隨緣來往
悉大寂滅場之所示現能識真風豈存異見銘曰
岡城白氣干霄直上化為神劍觸之皆喪全鋒敵勝
道絕人荒不見見存誰見見亡汝若不會我即便去
汝若得會汝即便住歸既無家入豈有門恰當舉起
與舌俱吞半箇一箇漫勞卜度大好兒孫七賢三峽
破茲實土藏彼幻軀各鳥獸散與木石居有沒字碑
一大聚火倘遇知音率陀天鼓我銘此塔不許人開

兩枝花萼萬古莓苔

官葬暴骨碑銘代

大清康熙十有七年歲次戊午春二月之吉葬暴骨
於此嗚呼此皆吾君之民吾諸大夫之子弟膏鋒血
鏃棄於山原吾不爲之主誰爲主者乃有丹霞之僧
焚而聚之曲江之人獻鶴冲之地以葬合非京觀誰
非叢冢員非墓方非臺銳非塔所以志變也後之君
子念此千餘之骸掩於一杯之土無歸無祀尙興惻
隱勿加毀伐銘曰

既死矣何怨何親汝無知耶休於天均汝有知耶各

息其戎心還於無爭雖不善死可以善生嗚呼

江母朱太君墓銘

有序

禮有定亦有不定喪葬禮之定也葬有歸其鄉不歸
其鄉有合葬有不合葬從乎時與地厚薄稱乎財塋
中之石惟名公卿或尋諸山林之軼士隨乎義所尚
則有不定者存江文學奇偕弟運機卜葬其母朱太
君於吳門不耐寅賓翁之兆且屬銘於予又衰病一
散僧也其於時地與財子路氏之所恫心者乎其所
尚則出乎世諦之外不可以辭按狀太君爲莘田朱
氏女系出沛國適梅田寅賓江翁皆新安著姓也淑

慎有儀恭勤無逸于歸未幾卽以冢婦秉家政上奉
舅姑內睦妯娌外不失禮於宗黨下恤其僕御賢聲
翕然寅賓翁慷慨喜結客座上尊中夜以繼晝太君
躬修具日昃不遑食宵分不寢務盡賢豪長者之歡
其教子敬愛師友澤於詩書與人豐而奉已儉持身
嚴接物寬有不習而能者崇信三寶持準提陀羅尼
精純一觀吳俗好冶遊婦女子燒香入寺尤甚於春
殆無虛日太君足不越梱姻戚之問自歲時伏臘吉
凶慶弔外罕得見顏色聞咳唾者闔門整肅不墮大
家風範予以如來四衆近事居其二若爲今日狂流

制砥與其通也寧塞太君之信而有則不獨女宗亦足爲法門標準矣太君享年六十有一距生萬曆某年月日卒於順治某年月日丈夫子三長奇浙江杭州府仁和縣學生娶朱氏再娶程氏次雲陝西延安府清澗縣知縣出爲君實公後娶朱氏再娶汪氏金氏三運機杭州府學生娶金氏孫男十人奇出三承伙承供承侏雲出三承僑承印承侶運機出四承衡承徽承緒承復曾孫二其清承僑出其徽承伙出今以康熙己未八月二十八日葬於蘇州府長洲縣陽山西之瑞山嗚呼男女之形成於業好合繫於緣當其

生而娶焉修短有數散則已矣豈於既朽之骨猶存愛戀捨身受身卽陰陽之器無定未有男終爲男女終爲女者在迷且然而況於覺乎故以不合葬爲得其正非世諦外之人亦安得而是之銘曰
其來有窮其去無終神從形而不從同佛不受諂咨爾心齋則近而遠生於楚葬於吳豈猶相望於天都非男非女緣而聚散誰爲我且汝維永此淑清如山王之體不驚不崩化一微塵世世萬子孫富有日新引之無盡定於不定是其獨也正

題部

斗母閣題語

行於二曜之前處六天寶師之位斗母威靈非羣貴神所能望也靖公王子嚴事有素香火緣深比於聚順非一世二世可致與善若一與不善若失天之道聖之教王者之法本於人之性下奉而上臨之則王子之過去福德無方未來福德無方取足於現在誠敬無方而有餘矣

題鍾離仙

松針滿把落腮鬚兩樣精奇一樣癡莫豎招牌來鬧市一拳打碎藥葫蘆

澄照堂題語

人莫鑑於流水而鑑於止水境風一鼓容貌汨然但不隨之其體常寂此照所由生也說寂之時照在寂說照之時寂在照繼升道社欲以澄心名堂予謂心本自澄何用更澄不爲境風所誘則全體大用時時圓現乃爲兼舉澄照并題數語歸之

題博山無字爲海幢和尚

五十年前有名未呼作此一字此海幢催生之符也五十年後應緣斯現收此一字此博山慶成之宴也古今刹海情與無情若事若理川赴雲屯不能出此

一字此衆生不二之門也三藏十二分教諸善知識
舉揚祖令風馳霆震鳥啼花落皆大圓鏡不能入此
一字此從上一法之印也逸格機緣超羣體制一鐙
盡劇連珠同逝縱橫於大千界上下於無邊世不見
首尾不知去至虛空耳穴猶覺其多此一字此吾兄
過師之智也

題瞎堂老人詩卷

此詩寄託高遠蓋悲夫逐逐於目前之繁艷者入山
惟恐不深非復二乘種草亦以云救也或謂菩薩不
行聲聞行乃執圓通而生二見三十二應豈猶有不

徧行堂續集

卷八

三

可現之身耶澤萌遇弟嚴氣正性冷峭絕羣老人一
日雜書十二紙畀十二人隨拈其一此詩遂歸西堂
寮琥珀不取腐草磁石不受曲鍼忽然而成取受皆
有莫之爲莫之致者法海波瀾極寬闊中狹路相逢
猝難迴避大抵如是

題仙山樓閣圖

十洲三島可望而不可卽往往仙凡永歎世人於塵
壑中偶經高山流水之下見樓閣飛騰神觀竦越褰
裳欲往能使解脫清涼之意暫得一現旋被汨沒爲
可惜也時披此圖時作此觀拂紅塵以金風降火宅

之玉露畫家之力與對治法門正爾相敵則以能品
發神功亦當爲五峯晉仙階一等耳

題素道人臨帖

素道人淹雅蘊藉胸中故自醜拙其寄意臨池得形
神俱似之妙或謂右軍爲東晉第一流人物惜以字
掩然畢竟有掩不得處使素道人以字顯非素道人
所欲也身不用於一時字卽傳於千載片鱗寸羽足
以結龍躍鳳翔之想亦令人歎右軍復掩則以掩爲
顯以顯爲掩皆是絕妙波瀾不妨爲素道人痛洗醜
墨耳

徧行堂續集

卷八

三

題聖教序後

聖教序臨摹甚夥展轉失真雪松此本尙有典刑也
譬如深山無意中忽見百餘歲老人雖五官稍見衰
朽而神骨自然古雅無後進浮薄之態蓋其來處不
同耳道流勝劣亦有來處不獨品題書畫而已

題三教論議圖

莊生云六合之外聖人存而不論六合之內聖人論
而不議春秋經世先王之志聖人議而不辯辯也者
有不見也辯旣有不見議亦有不見論亦有不見然
則存而不論庶幾有見乎存亦有不見盡三教聖人

伎倆或嘿或語不嘿不語全成負墮若總是負墮落得論議莫將六合內外打作兩截識得須下口萬事一切有識得口上須萬事一切無汝要有時渠不有汝要無時渠不無陰司裏美人唱一隻曲兒勸曹孟德道誰家一箇大鵬鵬變做花猪唱鷓鴣唱得好時猶自可不好之時喚王屠老老大大一尊南華仙卻只是怕王屠何也

題五倫圖

倫有五中庸首君臣五濁惡世全是勢利建立蓋不得已也易云有夫婦然後有父子五濁惡世全是姪

備行堂續集

卷八

三

欲建立亦不得已也君臣之名止於梵天君臣之禍極於地獄夫婦之勝止於六欲夫婦之劣極於畜生五倫從迷極而起從迷極中安頓一箇好道理如飲狂泉者以狂爲不狂復以不飲狂泉者爲狂可不爲大哀乎徽州客錢財有兩處使用烏紗帽紅綉鞋一切人性命有兩處拋撒公座上裙帶下公座上面目猙獰裙帶下面目覷覷覷覷者妖猙獰者怪善觀五倫圖直作千妖百怪會庶足當腦後一針耳

題山水圖

山水不能避人人不能就山水山水可憐人可憎雖

然雅人入山水中山水不增而雅俗人入山水中山水不增而俗人不累山水山水未嘗可憐山水不爲人累人未嘗可憎也宗少文老不遠遊畫臥遊圖曰撫琴動操欲令衆山皆響正是鑽故紙習氣菩薩無量劫遊普賢一毛孔世界都不能盡無論臥遊圖無著處卽遊盡名山大川與離間燕雀何異山水到底不避人人到底不能就山水山水又可憎人更可憐以人之可憐成山水之可憎山水到底可憐人到底可憎不如向自身一毛孔中消歸畫者觀者兩隻眼睛落在什麼處嘆爲他閒事長無明好箇虎頭癡絕

備行堂續集

卷八

古

題牧牛圖

廉齋托爲此圖蓋有取乎一回入草去驀鼻拽將來之語鐵橋卻似拋繩不顧古德又有頌云兩角指天四腳踏地拽斷鼻繩牧甚屎屁識得此頌義始識得驀鼻拽回之義且不是救取鐵橋然雖如是老僧早已全身入草了也

題乾雀見蜂

此公欲啖彼公口張尾豎便有探囊取物之興官出堂兵下鄉不消更呈面目矣惟恐螳螂失彈琴中全是殺心我爲題此墨池中湧起淚波一丈

題畫馬

方整不如方散真出於整散絕疎親只將白鶴凌空
意說與眼前無物人

澹歸云眼前有物說也不知眼前無物知也不得

題禾雀翻枝

山中有一僧於無人時自打幾箇筋斗又自笑一回
老僧欲見之不可卻向枝上翻騰處驚胸撞著老僧
既見此僧此僧亦見老僧爭奈大家輸了一籌與這
雀子

題孟昉扇

衡行堂續集

卷八

五

孟昉爲畫語所中留滯洪都擬便道候之舟抵市汊
早被連人押到且喜不差跬步相見懽甚卻胸中隱
隱各有不得自由處孟昉日望研隣未得即歸予請
藏半塗又逢阻截咫尺彭蠡無片板可渡本無纏索
不異拘幽入籠盼雲處陸呼水同此況味乃知世間
出世間總不自由世間有世間累出世間有出世間
累孟昉云事了卽瓢笠從僧祇是納悶不過語忽到
此際一齊納悶莫更從俗也無大樹大皮裏小樹小
皮纏我兩人性快正須納悶始得

澹廬道雅題詞

七子姓氏
洪彥持
屠卜長
曹日永
金元式

俞聖復
鹿仲虎

當湖有澹廬七子皆耆年也皆於世界遷訛之際不
求聞達又節士也易姓改物踰三十載計其執義年
志方盛卒不爲功利所移蓋穉而克壯壯而善自抑
者始以綱維名教而已及其談空空覈玄玄不主一
先生之言自澤於性命蓋正而能通者其結契上不
及搢紳下不及農工商賈謹守士林若奉王制蓋讓
而有則者花朝月夕酒杯茶具得散帶行歌之樂今
老矣人高其品而益下日進於德而益勤蓋達而不
放老而不荒者其陶淵明邵堯夫之流歟二君子皆

衡行堂續集

卷八

五

謚節一曰靖一曰康明夫節之不以矯激而奇苦自
見寂非山林喧非城市晦非逃名顯非竊位古之人
不云平常在闖闖中要且無人識七子不求人識而
爲諸賢豪長者所識已爲人識矣然不識者正自不
少七子自視何等視目前之紛紛者復爲何等隘與
不恭吾知免夫

題澄然水雲草

地力弱水水力弱火火力弱風風力弱於心有形而
重者鈍輕則漸利無形則大利矣一切法無住水雲
能發其相似之妙以其輕而利故旅泊三界者取以

自命澄然法友復取以命其詩詩家或譚練格練句練字雖極工至於精金皆在鑪錘之間耳卒未有鑪錘水雲者無論水雲不受即過而與鑪錘鑪錘亦自無下手處也水流心不競雲在意俱運爭奈腳跟釘煞行到水窮坐看雲起來來去有甚了期此一編詩通身是水通身是雲不見其真而妙於相似於是得其詩而詩得即於是得其人而人已不可得矣

題所上平南書後

此亦卑之無甚高論然人或相顧不言則言之者或指目爲高論矣書既上平南極稱有理遂發原藁改

正蓋人心之所同然無一人能爲不同者謂之至平至易陸子升初見而愛之持幅綾屬予手書陸子特賞其平易非謂其奇且難也識陸子此意天下國家可均爵祿可辭白刃可蹈元是著衣與飯事元極中庸何不可能之有若別有一不可能之中庸卻早落在索隱行怪一流去也

題孝節集

大孝之至未有過於我能仁氏度其二親俾登聖地則東明日禪師拔俗悟道以報一本亦無遺憾無剩義矣然猶徧徵詞翰重疊表揚或疑畫足添蛇蓋未

知以病爲藥也友與葉先生割股救母貞菴馬太君剪髮報夫捐此佳兒練斯白業果海因源不移點滴則以忘身獲法身即真諦成俗諦豈非名教外橫出一枝以筆墨全歸佛事耶斯集也爲孝作則爲節作則爲解脫作則出世世間自度度人如寶網交光天衣無縫嗚呼凡爲人子致孝之大小行道之優劣可以擇而處之矣

題朱孝貞傳

夫婦之倫生於男女所謂發乎情止乎禮義者也然則男女未合則夫婦亦未成蓋名至而實不至鹽官

朱孝貞一定其名終身不移其實發乎禮義止乎禮義而情行其中以禮義御情非緣情而立禮義嗚呼可敬也或曰夫婦之實不至則夫婦之名亦不至不字故奇字不失正此又發夫禮義止乎情者也譬之君臣仕則効命不仕則載贄而出疆岐之中又有岐焉豫讓爲之說中行氏衆人畜我我故衆人報之智伯國士遇我我故國士報之爲妻而夫愛之之死靡他其夫不愛之則背而去之可乎否耶爲子而父母慈則孝不慈可報之以不孝耶人倫之禍底於未流而潰決莫挽者君臣以勢相啗父子以利相結夫婦

以欲相牽必返諸清淨而後歸於解脫也夫輪迴苦業起自欲貪男女二根如火始然如泉始達開之以夫婦捧土而塞狂瀾滴露而消烈燄卒未易絕今使男女未合而夫婦已成則發與止全爲禮義夫婦有名而男女無實則真與俗皆入涅槃格欲未萌化貪未起梵行可以坐致斷德可以漸臻出世間登彼岸可以直往而無礙嗚呼五倫三界禍由男女二既不生一亦不立勢如交蘆本無實性六欲而上無夫婦初禪而上無君臣相與於無相與相爲於無相爲卽孝貞夫婦一倫不以欲相牽而君臣父子以勢相啗

補行堂續集

卷八

五

以利相結之患俱息可敬也

題節母丘孺人傳

有詩

丘孺人一生荼苦祇是單行不單行不足以見其才斷也予所爲心折者嗣子繼昌天三年不言一旦聚族而立臨奇樓有守如處女距若脫兔之風復迎其本生母同居以便侍養決乎義協乎情各得其理所安而家之和氣從此聚矣若令子遠遊亡不及見豈其所恤譬如繼昌死斷而不續亦祇是單行凡節烈之女無不具有丈夫作畧不可以尋常兒女之態相測度也

健婦剛明能禦變衰門柔順得全昌曾憐似續當重坎豈惜終天各一方辛苦未亡人獨立綢繆易抱母同堂碧松繡線孤飛燕不化梧桐繫鳳凰

題胡張仲畫冊

蒼或不潤潤或不蒼既蒼且潤大似桃花源裏俎豆猶古法衣裳無新製只黃髮垂髫怡然自樂便覺羲皇上人正爾可親也張仲今年七十餘歲老骨童心時復露神遊八極之槩興會所寄皆其性情非暫借長蘅用筆作優孟衣冠者

題李孝貞傳後

補行堂續集

卷八

三

有情而後有根有根而後有欲始於濫觴終于滔天聖人因男女之情制夫婦之禮所以爲滔天救也後之人遂以爲人道之正嗚呼情生於迷以迷爲正豈復有人道哉夫婦之勝至於六欲天夫婦之劣至於鬼畜若以無欲而生色界不惟無夫婦之情并無男女之根猶未出二十五有有升復墜吾法危之沉推迷波而助之欲瀾也孝貞李氏以養父自誓不嫁蓋以貞全其孝者予獨謂孝易而貞難人未成童情竇已啓孝貞世壽僅四十七閉情逾三十年雖號爲聖賢有不能強制趙清獻至懸二親之像於幃中以止

其作卽養父之誓不妨以孝全其貞孝貞故非步也
往詰者由其多生戒定執身不動執心不起故于本
來清淨本來解脫之性不因知解不因踐履自然符
合爾夫出世之障莫重於色佛不云乎幸止一耳若
其有二普天之下無能爲道予願以孝貞爲之標準
無令隨情造業者逐迷流而不返也

題潘梅巖西廂意

佛以一音演說法衆生隨類各得解卽今梁間燕子
語砌下蛩鳴池塘裏蝦蟇叫各各以一音演說衆生
亦各各隨類得解並無一箇出世拈香供養現住梁

續行堂續集

卷八

三

間本師燕子和尙現住砌下本師蛩和尙現住池塘
裏本師蝦蟇和尙者何以故非其境界故一等是雨
餓鬼見是膿血阿修羅見是兵器龍見是珠闍浮提
人見是水雨又見是什麼梅巖潘子讀西廂記獨有
所見於一切衆生情場熱艷中下一貼清涼散譬如
淳于髡一斗亦醉一石亦醉說到羅襦襟解微聞鄉
澤也沒甚閒言長語能使齊威王罷長夜之飲領兵
殺賊擒了王便休忽被衆生隨類作解自是根性差
別不干淳于髡事梅巖故是王實甫功臣一切衆生
慈母卻有一說路上有花兼有酒一程分作兩程行

也得便宜也落便宜澹歸者裏喫飯三扒兩嚥撒尿
一弩一箭正撞著五百年風流業冤便與一掌嬌滴
滴玉人兒何處也發去座王家作使下衆生亦隨類
得解不干澹歸事

題若千花月詩後

作此等詩不但天資聰穎過人亦須性情極耐煩始
得予於此服吾兄之才之德也兄屬予書已久遷延
及今乃克報命予性褊急自愧不能耐煩卽於作字
時且懺且學亦抵十年修行若欲效顰和此詩復欲
妄想如此詩之佳直待打箇筋斗買草鞋行腳耳

續行堂續集

卷八

三

題畫馬

殊有追風之態忽被人騎卻金鞍玉勒日致千里莫
道伊不堪我亦不甯在比來間日稍長山雲野水空
曠無人豈免枝癢雖則馳騁一回爭奈旁觀者哂

題畫羊

絕壁平坡有水有草臧亦不管穀亦不拘此間並無
岐路汝擬向什麼處去早出晚歸空鹿鹿自驅白石
上青山

題楊公錫望雲圖

日日思親不見親不相見處見天真若知相見無相

似策杖看雲莫問人

題張抱一畫

不用高深只疎疎落落令人神骨俱冷譬如阮籍見
孫登極其辯博以相扣擊了無顧盼兀爾忘言不覺
意盡此蓋抱一自家澹泊寧靜氣象流露借他畫藁
作頰上三毛耳掩卷之後亦有聲如鸞鳳振響虛庭
金風颯然木葉盡脫倘卽所傳蘇門嘯者非耶

又

居嶺南三十年見雪甚少長至前陰沍頗甚沈尙廬
過我云若雪當以扁舟相迎泛湖觀之今展抱一此

備行堂續集

卷八

三

圖慰三十年跂想亦不減東湖一棹矣粵犬吠雪吠
所怪也怪亦各異有怪而怒有怪而驚有怪而喜雪
中看犬且吠且走盤旋不少休此是怪喜然則澹歸
喜與犬有何差別犬曰我只欠汝一管筆耳汝若放
下筆時一種踴躍充盈興會恐不及雪裏盤旋四隻
腳也

題陸話山家慶圖

還有一人未曾在且道誰人未曾在素髭據坐話山先
生旁侍令子周達文孫西嶽峻嶒諸峯羅立可謂天
倫樂事矣只予過半雲閣話山出其幼子相見甫三

歲予謂話山眉睫間時露飛揚跋扈之槩決不日祇

恁麼便休後此以往更成一圖卻將此圖並展試攜

紅燭照着面皮厚多少雖然三家村措大於餅中見

粟紙裏中見錢黃瘦老婆見色祇合施與一聲可憐

郭汾陽八子七婿諸孫數十人豈有傷人爲伊愁婚

算嫁之理文王百子未虧聖德不妨話山拚著老頭

皮掙紮耳

題陸蒙菴垂釣小像

一釣得周再釣得商三釣得齊用餌愈大獲魚愈小
師尙父直寄意耳莊生云見一丈夫釣而其釣莫釣

備行堂續集

卷八

三

斯蒙菴所爲自托歟釣不如莫釣莫釣不如莫釣釣
真莫釣釣不如似莫釣釣真則兩所俱存似則一能
獨泯觀此標格不獨與雲水俱長殆欲神遊八極之
表然祇是絕跡境界不知盡大地人被蒙菴向船頭
上一時坐殺噫千頃豈容呼跋鼈一絲時足漾春雲

題張抱一像

閻立本善畫痛誠其子弟勿爲蓋當其爲大官時內
旨宣索爭呼畫師以此恥之祇是放不下大官面孔
耳王右丞卻云前身應畫師自先說了免人再題亦
是一著雖然丘壑在胸煙雲出手畫亦何負於人哉

殷浩妙解醫術有一小人常給侍者其母病篤叩頭泣請浩為處方一投即愈遂焚其書於是永絕浩心行如此其平居不見喜愠之色僞耳謫所述甥誦富貴他人合貧賤親戚離至於泣下咄咄怪事竟達空函所謂色厲內荏譬諸小人其猶穿窬之盜者也司馬溫公云人不能為宰相當為名醫此是菩薩人語當湖張子抱一長於文筆有名諸生間兼探性宗氣志冲靜不減深山道流特善畫興到自娛不輕與人復以醫藥行其隱德此二者皆予所願學而未能者也抱一持小像屬題遠神深寄殊有前不見古人後

徧行堂續集

卷八

五

不見來者之致為發閭立本殷浩之陋以見醫與畫之無負於人人患不能合清淨解脫本來之妙耳能合本妙則世間一切治生工巧技藝無不可寄意以遊大寂滅海況醫與畫他時設景不妨向杏林版屋中置藥具侍藥童遠山近水重重無盡為華嚴地上菩薩榻下此一葉子非真似俗故自天然勝絕

題沈尚廬像

無域外之觀不能解空無丘壑於胸中不能觀域外離間燕雀豈足與論大鵬之作息耶予至當湖識尚廬沈子以為具域外之觀者也此圖置身一丘一壑

中晝夜一百八神色靜專如未始出於一念見者便欲求之丘壑中不知尚廬於一念頃過西方萬八千世界親見阿彌陀復來東土萬八千世界不出一念彼搏扶搖羊角而上者九萬風斯下矣尚廬欲與予遊匡岳自許有濟勝之具尚廬工詩潛探性宗以靜慮之靈機發山川之秀色豈止登高不疲臨深不懼予甚許之若待遊匡岳而後知其能濟勝已蹉過尚廬不少予且從一念頃與尚廬遊華藏莊嚴世界重重無盡不出一念到西方萬八千世界不待十念此真吾輩濟勝之具也作解空見作域外之觀見作

徧行堂續集

卷八

六

一丘一壑見盡成離間燕雀見非尚廬吾誰與歸

題覆千上人行樂

流水高山長松怪石十字街頭不少此物身在江湖心遊魏闕一失其喧一失其寂不如向此圖中全身移入

題徐克伯真

譬如漁翁見桃花源裏人乃不知有漢無論魏晉及欲載往迷不得路若解向金閭問取克伯翁浩浩紅塵必為汝說

上有千頃雲下有一片石翁為添一句舉杯邀明月

翁爲減一句春風掃殘雪不添亦不減開花還落葉
長在關關中要且無人識分付與兒孫萬里一條鐵

題陽坡種瓜圖後

陽坡種瓜圖梅君聖占所寓意也其聞東陵之風而
起跡在逐世而情歸用世者乎秦漢之際羣策羣力
網羅殆盡餘此故侯不爲人知遊於蕭相國之門爲
相國畫策使釋疑於高帝當是時天下已定帝不復
折節人材侯與相國皆老矣一以自全一以全其志
不相薦引終其身懷奇不試畧見一斑而已抗節逐
世要非冷人孔子曰吾豈匏瓜也哉焉能繫而不食

編行堂續集 卷八

或曰匏瓜在河鼓之東亦如南箕北斗寓夫有名無
實不爲世用者生氣之發始於春東門也陽坡也與
物老則西不類瓜不可斂而藏天子樹之穀荒曰饑
菜荒曰饑以菜而兼果貴於爲民用貴於及時而
用然則聖占之意直於理有不可出耳豈甘心逐世
者詩曰匏有苦葉叔向曰苦匏不材於人共濟而已
五色之瓜所美非匏蓋無樂乎不食陽坡壘壘固如
是乎雖然匏可以尊可以享天地可以浮江湖於人
共濟不可謂之不材寄乎百世之上百世之下聞風
而起則不事王侯高尚其事繫而不食不繫而食誰

短誰長非優非劣箕尾之騎也用世也匏瓜之繫也
逐世也兩昭回於一天未聞分野之次別名甘瓠宜
矣

題顧雲馭像

爲人罵早魃卻被早魃罵打鼓弄琵琶說盡傷心話
常啼菩薩賣心肝未知若箇能酬價啼之不已笑顏
生欲遣周顛告太平世上無人堪共語便騎白鶴往
瑤京

題沈君輔像

道與之貌天與之情清泉白石共載同盟百八無患

編行堂續集 卷八

相尅相生入息不居出息不行詩書之華歸於本根
道德之澤洽於子孫經之營之以勞其形獲增上果
在解脫門持不二心轉不退輪以死勤事如實如名
此足以稱吾法金城矣

題王孺人像

信得自心三寶地時時踏著未生前有兒至孝終身
慕不隔慈光九品蓮

題徐用王所藏冊

秀峯已示寂處菴已歸其鄉用王收拾翰墨彙爲此
冊可謂一死一生具見交情矣中有處菴與陳靜機

札賓主重重妙有映帶時一披閱則此三人者故未往也澹歸題後又是一箇

題圭六仙掌菴

圭六朗上人結菴西山之介塢有石曰仙掌卽以名其菴地有此菴地卽攝菴菴有此地菴卽攝地舉目動步不離此義是卽是早已中了十面埋伏之計

題大雅堂

黃山谷書杜子美兩川詩刻石眉州堂名大雅子美有高節非以一觴一咏自放者石齋先生移贈大樽給諫大樽生不忤子美死不愧石齋陳君子采令嗣

編行堂續集 卷八

五

旅萬高才世濟不欲但爲文人取其義以自儼蓋器識有不同矣爲發其指歸而書之

題趙雙白眞冊

曹子建云過屠門而大嚼雖不得肉實且快意趙子雙白作二十圖九峯三泖之勝四時之美物華人寶之盛置身其中無一放過可謂不虛到雲間矣雖然有行而到亦有行而未到而未極其興會者乎圖始於讀騷蓋寄懷在雪菴急樂中流之哭更涉鄉思則一切快意全成不得肉之歎於是以前尊應彥會終之盡天下皆故土盡天下之士皆故人傾蓋如故傾

蓋非新白頭如新白頭卽故日日過屠門日日大嚼日日得肉日日快意澹歸作此觀時總不到總到全畫是真雙白成此畫時總到總不到全真是畫若解全真是畫方能全畫是真此不可與門外漢道且聽伊喉急三十年也

題友聖陋室

於陋中有陋見無陋紛然於陋中有不陋見有陋宛然友聖祇是全身裏許不作陋見不作不陋見不作陋不陋見如實解脫如實自在如實受用因甚到與廢地鶯鳩不見天池大北海空將河伯欺

編行堂續集 卷八

五

全眞子題語

不用求真惟須息見但有道理可依傍可把捉直饒立大功業擅大學問享大聲名皆是假金入煅卽敗矣眞亦不缺但累伊在假中滾來滾去不得出頭此英靈漢子所以貴見性也

題莊生撒手圖

南華老仙祇是會計快活別無長處卻要學他快活智勇俱困始知逍遙之妙全在於遊遊則觀幻住則認眞認眞則死觀幻則活有活有死有眞有幻有遊有住物論所以不齊也住卽是遊遊卽是住眞不見

幻幻不見真死無活想活無死想周有蝶分蝶有周分可以養生可以處世可以觀德可以卽宗可以應運北海之魚南海之鳥亦名曰忽亦名曰條時相與遇於混沌之地混沌待之甚善立主立賓突然落在差別境界也須一回死卻始得兩把鑿子七日工夫不如腦後一槌更覺省力也

題張超然畱別圖

不可不畱不能不送子美所謂別離已昨日因見古人情也從今見昨正耐人思送若無餘畱亦不足合二圖爲一觀賓主之心與境俱不盡矣超非非然非

是石谷所深契於張子其在不卽不離之間乎

題顧雲臣卷

南菊翁以高才挾絕技負盛名而有奇窮客歲赴京師奉天子英鑒一時傳爲畫榜中狀元旋以病請假歸窮如故是南菊之技能格天而南菊之窮天不能格也畫中人喚作真真與人爲妻爲人生子及其歸畫上眞子只添得箇畫子此不可思議畫境界卽空境界卽窮境界皆不可奈何境界僧問古德學人不奈何時如何德曰老僧也不奈何僧曰和尚是大善知識爲什麼也不奈何德曰老僧若奈何拈過你不

奈何窮到不奈何空到不奈何畫到不奈何連天也不奈何試下手看并占三偈以博一笑

此藥成於筆墨先天機合處本無傳林間重出丹青引闕下初稱畫狀元

畫中人卻喚真真眞子重添畫裏人是畫是真都不到借君筆底現全身

怪殺名高不救窮窮兵未退病魔攻儘教撞破天門去只在空王手掌中

題吳馨上葬母乞助卷

孝子事親一祭祀之粟必求仁者蓋有不義而不食

者矣則仁者之粟固所以養志也此其事不貧者爲之況於貧者然則吳子馨上不能葬其親而有求於當世之賢豪長者亦猶行古之道也賢豪長者於此起一惻隱之心無少無多悉具仁人全體馨上奉此以葬其親一土一石一樹皆仁人之元氣所環抱結聚青烏家言陰地不如心地況集仁人之心地以爲地耶吾又有以信吳氏之後之克昌也

題萬竿烟雨卷

張顛醉中頭濡墨而書醒後白視以爲神蓋得全於天也竹仙萬竿烟雨圖是此境界若向此境界更著

一隻眼睛祇做得座主使下

題張穆之真冊

長松之下倚石倨坐羅浮鐵橋虎視眈眈雲臣
自處於伏肉以柔制剛以弱制強兩箇老頑皮共演
一折圯橋進履黃石公形神俱似故是意中張子房
既不魁梧奇偉又不似婦人好女卻出意外七十四
翁喚作孺子一聲聲有唯無諾也被伊討便宜不少
英雄作用有放有收兩人道得一半兩半道得一人
更問取木公石丈

題忍菴

徧行堂續集

卷八

七

十不善道皆生於貪四忍之中嗜欲第一蓋心有嗜
卽失其平徇欲而執理皆貪也譬如己不嗜進趨謂
之高尙卻有些子貪賤消不去胸中人嗜進趨謂之
汗下卻有些子富貴消不去眼中則客氣成暴怒發
種種不相當之言出矣仔細檢點枝葉是理根本是
欲推之一切無不然者所以修心之士深照於一念
起處耳菩薩六度其首言捨捨到不思善不思惡時
無不思之人亦無見不思之人方能成就忍辱法門
若有些子忍不得必有許多捨不得處若有些子捨
不得必有許多忍不得處卽忍而捨卽捨而忍亦親

證此虛空平等地而已矣雖然人不識心不但不能
證此虛空平等地亦不信有此虛空平等地如石壓
草如灰蓋人忽然移開石撥開灰一齊生發蓋得本
不得本之辨也

題畫

一披對卽有凌崖躡景不落塵中之想其如濟勝無
具何便擬神遊則片片空翠排當在眼前不冒去
爾後夢魂亦應清絕

題陳石民畫

東坡爲賈耘老作枯木竹石一紙云吳中有好事者

徧行堂續集

卷八

七

七

能爲居士月致米三石酒三斗則與之不則令雙荷
葉收掌以俟添丁之長想見盛時風流不墜陳石民
以畫蘭濟金子車之窮所賣無算子車窮如故石民
又亡則風流盡矣子車悲石民復自悲顧際飛乃分
所畜以慰子車人琴之思人不可以無名位東坡負
重望石民老於布衣好事者常具一隻勢利眼宜其
多不敵寡子車謹藏此紙卽賣亦不能月致米三石
酒三斗不如長向此中與石民相見卽與際飛相見
則三人生死風流不至於俱盡也

題書法華經卷後

丁履純寫經孔文在贖經皆菩薩道中事分付與介
先轉經傳之澄然世世流通無令斷絕則二子願行
載多寶佛塔時涌出也入息不居蘊界出息不涉
衆緣常轉如是經百千萬億卷卽今口喃喃又是什
麼向蘊界衆緣裏贖來於出息入息中寫出一聲聲
依樣葫蘆般若多羅仁者自生分別

徧行堂續集文之九

丹霞今釋澹歸 造

侍者 古止 傳湧 編

題跋 遺命附

題紫栢尊者墨蹟後

若道普微二義精持齋戒殺二事麤敢保大哭有日
在即今有種狂禪和會世諦撥無因果引得無限人
弄觜頭說玄說妙裙帶下事捨不得觴酒豆肉捨不
得家業捨不得貪嗔邪見捨不得卻道持戒是三家
村婆子事心地品所稱身自謗三寶詐現親附口但

徧行堂續集

卷九

二

說空行在有中正指此輩耳無所不在謂之普不可
見聞謂之微二義是一是二一切衆生同具此二義
不同具此二義一等人識此二義不肖持齋戒殺一
等人持齋戒殺不識此二義誰親誰疎寧可不識此
二義不可不肖持齋戒殺何者真識此二義必合清
淨本體必起同體大悲若也迷中倍人如蠅逐臭欲
證解脫必無此理但自欺欺人而已尊實能於紫栢
尊者三段語只作一句讀是真持偈是真見如來日
莫問是何等偈是一偈半偈是百千萬億偈也

題丹霞化碗冊後

嗚呼今日法門久不聞如此言矣奔走因緣伺候貴
勢如齊人乞墦間之餘以醉飽驕其妻妾世之君子
猶或恥之十一禪人爲大衆乞碗一藏乃常住三寶
事吾法弟樂說和尚援大覺焚鉢之義憂憂乎其難
其慎蓋不得已而始爲化主出此引想見其住山高
潔之風也丹霞一衆能仰承此指身體力行足爲未
流砥柱若紅塵尚有具眼則壁立千仞常在目前不
妨歡喜供養庶幾無負作家相見耳

題石鑑和尚遺墨後

石鑑親和尚字出於蘇詩出於王孟見地超邁說法

徧行堂續集

卷九

三

峻潔然一往蘊藉多風人之致一住長慶再住棲賢
惜緣不勝耳其病時執事僧強半散去膳堂老人每
以致慨莊生曰鴆子食於其死母皆胸若棄之而走
不見已焉耳不得類焉耳亦何足怪已未秋予客半
塘證十禪友自浙中來其舊書記也出遺墨索題內
有二詩爲證十而作大似倚門倚閭識此一念不與
海同枯石同爛其猶未至於人琴俱亡也放筆太息

題樂地和尙手蹟後

十方三世一幅丹青伏義氏向白地上畫下一畫此
畫母也六十四卦三百八十四爻此畫苑也初動而

之妬其占曰潛龍勿用此畫筭也大衍之數五十其用四十有九其一勿用一切用一切勿用直饒寫出百千萬億此一寫不到者朗然而獨存新安方君望子曾及藥地和尙之門褒其手蹟成一冊首以畫終以論易請序之書畫即畫畫即易以爲不足盡易何處非易以爲足以盡易何處是易祇如望子欲見康流康流已不可得欲復藥地藥地已不可得有冊子寫到處即有冊子寫不到處寫不到處冊子上見寫到處冊子上不見一點一畫全用全不用更說箇全勿用全用早是畫蛇添足耳

題茅鹿門先生遺墨後

鹿門先生之孫邁奇禍舉族幾殲曾孫融辨以出家免其兄頓修先十餘年爲僧於嶺表亦復有蛛絲馬跡宛轉迴龍之妙融辨歸里養母見此帖於吳門創鉅痛深之餘百倍寶惜宜矣盡十方三世同在夢中鹿門先生值盛世得一好夢其孫值厄運得一惡夢當其醒時夢中境界歷歷現前欲求其實已全盤付與落花流水矣卽如見此卷如見先生縱極精明祇是影迹畢竟先生真歸何處意識得是夢不能云無是夢且云有是夢不云不是夢豈可於其間別生枝

節耶

題所上平南啓後

平南尙王屬爲料理年譜乃有此書亦且救得一半江北不知有弘光江南不知有永曆蓋其所不見者聞之蔑如也習鑿齒當晉世以昭烈宗室承漢正統魏受漢禪猶爲僭竊可稱眼正若以明室遺民置隆永於若存若亡而不知吳三桂身爲統領滅雲南弑永曆父子之爲不義烏乎可爲乎可

題樹護堂後

此以寄北堂之思也度諸從夫從子之義則勉中一

念全體二人河山雖遠目前無間故可不疑於襟背耳

題逆順風圖

一帆上一帆下邨亭有箇分風話我今上下只隨風更無南北與西東大抵胸中無一事馬喜牛噉俱嘿置

題弄胡孫

人弄胡孫胡孫弄人盡大地是者箇圈子如何跳得出去卽此一圈非一圈猴兒乞子各安然儘教拽脫繩頭去箇箇連環腳下穿

題狗銜枯骨

前來食有羣猪此處骨無二狗撞若無限喜惟銜了
不消抖擻更尋僻地蹲身敲得甘涎溢口雖然獨喫
自痴幸不出乖露醜

題徐克伯所藏墨蹟

已未孟夏過金閭徐子克伯出此冊相示乃三十七
年前筆也如異域人談隔世事濁醪一盞已無受處
清磬數聲亦無發處惟章侯畫大士像一段因緣了
了是道隱出家證佐耳克伯有取乎此蓋於世教具
正知見要非漫然顧予學行遠不及石齋翁豈特書

齋行堂續集 卷九

五

法之劣老子與韓非同傳正恐旁觀未免張目也

題甲午與聶樂讀手札後

此札在甲午寓虞山東臯爲謀食發時與樂讀尚未
識面今已未客於半塘吾兩人始相見東臯已鞠爲
茂草矣樂讀耐煩留此手札澹歸耐煩不死重見此
札樂讀更耐煩索題此札地爲至堅紙至脆遇著耐
煩漢令脆者得長壽報因甚東臯不肖耐煩持地菩
薩豈不貴有願力耶

題陸陶如傳後

舌者民有三疾必兼二疾陸陶如之狂兼廉與直或

謂狷者必矜恐不能肆伯夷於周室君臣無一人足

入其心眼豈可謂不肆耶讀陶如傳勿爲諱狂不狂
不成陶如魏相曰次公醒而狂何必醉也無論贊我
謗我引一大白顏延之曰其狂不可及無論人肯不

肯引一大白孟浩然曰僕已飲矣遑恤其他無論醉
後醒中更引一大白陶如少年不能飲晚乃可一二
升蓋以此故

題李如石邑侯墨蹟後

朱邑曰吾子孫祀我不如桐鄉之民遂還葬桐鄉其
民爭趨事雖衆情若一當其時必有起而綱紀之者

齋行堂續集 卷九

六

李公如石令長洲長洲之民至今稱道不衰鈕南六
氏復褒其遺墨人書畫舫中此亦桐鄉綱紀之別調
也世之草菅其民者生不斬相見死不斬相思無親
厚之痛而惟怨讐之快閱此宜知所自愛矣

題獨寤寐歌後

至人之寤寐恆一衆人之寤寐恆二以寤爲寤以寐
爲寐二也寤中寐寐中寤亦二也必也其大覺乎覺
則寤寐皆覺不覺則寤寐皆迷於迷中向裙帶底嘲
風弄月本自流連強作曠達愈迷愈妙如飲狂泉愈
妙愈迷如旋輪火此世智辯聰所以沈溺而不返稱

爲八難之一也

題朱望子畫寄劉煥之

不得入廬山孤負畫者指千頃清泉萬斛雲殷勤留
寄元誠子門前鼓角喧天卻是松風聒耳

題囑策前

范文正公置義田千畝以贍族人儒林詡爲盛事彼
出將入相力故能爾寶安簡君麗初析產得田三畝
銀二十兩入市辛勤成中人之產而營復祀田建大
小宗祠立三弟無後之嗣子推及母之父母妻之父
母之祭葬無不情文兼至其視文正公義田多寡之

補行堂續集

卷九

七

數遠矣其心未嘗有異也文正出於儒者稱第一流
麗初商賈耳豈可薄其質美而未學耶或謂文正得
一佳地讓爲蘇郡學宮曰使我家貴何如一郡貴
麗初斤斤於其家補接風水亦應有大小之辨曰簡
氏無赫赫名位則其祖居非大地且非郡邑之聚所
宜建學使麗初得出將入相安知其不能爲文正所
爲論人者豈宜以名位之高下爲軒輊予惟論其心
則擴而克之乘權席勢要非難事耳中庸曰致中和
天地位焉萬物育焉非獨君相之責一人致則有一
人位育一事致則有一事位育一時致則有一時位

育若隱而在下者不能位育則適當暴君奸相發號
施令則天之傾地之陷萬物之滅絕久矣彼陋儒之
見烏足與論心量之無窮哉嗟夫人不可自視太小
倘能識此心量則先天下而憂後天下而樂自當與
文正公同發此菩薩願行即各各種類俱可現身不
作勝劣觀也若創菴請藏供僧奉神予方外士津津
道之亦近於偏故不詳及

題福濟觀文錄後

西域婆羅門種最清貴其在家者讀治世典章事君
治民方此儒者或出家則修仙術有證三果極之生

補行堂續集

卷九

八

四空天方此道家此土道家以白日飛昇爲上作上
帝輔君臣之分義至嚴以密吳門福濟觀郭君宗衡
所以訓其弟子倦倦於報一人之貺集萬福康兆民
理盡於是然吾聞之白石仙人得長生而不狃舉則
周君北山似之北山奉部檄克郡都紀鬱鬱不得志
僅數月引疾辭去蓋謂道貴清靜豈得爲官使僕僕
郡廷耶都玄敬乃云都紀今之九品官授自銓曹爲
北山者亦可以慰矣宜腐鼠之嚇爲莊生所致歎也
夫道家者流超然塵壒之表然爲天仙爲地仙皆勘
其行善多寡以爲階差故二子有雲霄之姿不離閭

聞其裔孫姚君玉緯畢志苦行若觀中諸大營建奔走先後罔不盡力蓋能繩厥祖武予友朱望子其淵陽也語予曰玉緯有福濟文錄之刻可無一言予雖未識玉緯倘酷似其舅無論都紀一席必不厝足卽過而爲上帝所召亦當如白石仙人何者人天不同官使不別北山故自蕭灑若乃作輔玉虛護世利生君臣同德理事俱協宗衡焚修潔謹而深契水雲之趣所云物外詎出寰中則不爲隱仙豈曰不可三界無安猶如火宅無想天中大有岐路八萬劫後寧免飄零玉皇香案前有時誦摩訶般若是何章句更一

續行堂續集

卷九

進而問之

題史露生自述詩後

史子露生自壽引東坡身無病而心無憂語以爲病不病者天憂不憂者人有不病而病不憂而憂者有病而不病憂而不憂者學識之高下既殊身心之苦樂遂別其論超絕予謂此非觀全不可次莫若巧居貧而善自寬則病不病憂不憂皆存乎人耳露生有詩自述六十年事凡數百言輒軻歷落人所不堪既能不怨不尤於前矣以後視前如已出夢以今視後還如入幻寧復有所繫情楊柳曉風芙蓉晚月引觴

自命行歌相答作箇常自在主人不更數地行仙之樂後之攬者識其憂而不憂之旨卽可得其病而不病之方二時服食可以延年可以度世正恐業重福輕無好湯使嚙不下耳

跋李賢持誦金剛般若經

一卷金剛般若若著如許題跋畢竟金剛般若若有受處否趙孟頫書寫李賢持誦其子行質付梓流通一味老實十分停當書寫者有書寫見持誦者有持誦見流通者有流通見纔露第二念則一念不得相續早成破壞經云菩薩所作福德不應貪著如二乘爲三

續行堂續集

卷九

十一

昧法酒所醉如見道人向糞掃堆頭拾得一顆明珠寶惜不放化作生死業本豈況子孝父慈名根世相種種闌入從今截斷莫更塗汙

黎忠愍公傳跋

易曰觀乎人文以化成天下非僅立言也立德最上功在一時則文於一時功在百世則文於百世良臣文盛忠臣文衰禮樂文於定治兵刑文於革亂文不以一質爲章變乃化化乃成黎忠愍者番禺文人之冠冕時相欲引爲館職公不許遂以職方監粵東水師授虔州卒與楊公廷麟萬公元吉龔公棻姚公奇

胤同死稱五忠使公璠筆木天亦必能死節領修力
行間蓋欲挈二京以還共主功不成而忠乃成眞天
下之至文也二儀闢六子嬪八音比五色間錯聖人
化賢人隱四靈見景星卿雲醴泉之草山之黃戰王
石俱焚公以一身示幻於其間夢中之孔雀席上之
黃牡丹蓮須閣之筆鬱孤臺之舌受箭之脇飲刃之
頸生之名士死之鬼雄忽而冰玉潔忽而刀劍鳴忽
而虎豹變忽而蜂蝶遊忽而雷電合忽而風月麗皆
文人之心之跌宕而不可測者百世之下聞風興起
尊王室翊聖教敷春華結秋實觀乎化成天下而始

識文之大宜公之不以一館職自許也余友徐孝廉
柳臣試於鄉闈牘已落李司李清方就枕聞戶外洶
洶若數千金戈鐵馬聲司李異之起篝燈再閱無可
復收者再就枕聲再作再起再置三就枕聲三作取
論閱之及表而悟金戈鐵馬聲故出此耶表爲山西
賑荒廷謝柳臣援據古今皆晉事無一語及他郡國
於是薦之得備柳臣博學喜談兵自號犂庭旣有是
徵咸謂必以武烈顯未數年急友之病一日夜步走
三百里與其友同死或疑其不驗賑荒之表非金戈
鐵馬聲金戈鐵馬合犂庭之名犂庭而生不犂庭而

死犂庭以報君不犂庭以報友皆柳臣之文也功不
成而成忠影園賦詩撥牡丹狀元虎頭城死戰與四
君子稱五忠未知孰爲祭酒風人尙雅壯士矜正理
無彼此一發於雕龍繡虎爲恢詭譎怪之觀公乃不
愧番禺文人冠冕矣

劉氏族譜跋

山陰劉氏爲世胄冠冕然有小宗譜未及大宗旣知
有此譜求之而不可得今乃不求而得之蓋得之書
畫舫中贈遺之餘也此非書畫舫贈遺之物豈其神
者呵護棄子孫之不材而歸之材者山陰後人宜有

敬且愛亦宜有戒勿更置之書畫舫中使爲贈遺之
餘而人之不知誰何之手也

歲寒三藝跋

上古至今極天蟠地許大松栢化作一株七寶芭蕉
被帶三先生剝了一重又是一重愈剝愈奇愈愈
剝剝卽無窮奇亦無盡因甚芭蕉有此神異蓋是極
天蟠地松栢之所示現根本不同也帶三先生曰吾
祇剝取三重恐洩盡造化之氣不是膽量小直是憐
伊造化小兒局量小譬如一身中八萬四千戶蟲氣
生俱生氣死俱死耳七寶芭蕉笑曰幸我是箇肥漢

得汝狠劍子手快心雖然我輩尙當慈愍造化小兒
爭計較他蜉蝣朝菌

徐卓崙詩跋

逸羣之才遠攬之興蓋相發也驛驪千里必不官與
家雞家犬同棲同食坐老婆裙帶中妄稱風雅大似
被窩裏誦阿房宮賦聲繁而小祇是豆大蟲子耳卓
崙詩情清舉江山之氣相引而深此一回遊覽纔當
發軔若騁其駿足爭衡八極之表則穆天子債轅夸
父投杖忽見人頭蟲向鉢盂沿上行豈知爲釋尊弟
子神通第一大目犍連耶

補行堂續集 卷九

俞右衡雪詩跋

別右衡二十餘年彼此須臾老大吾近嬾作詩間爲
唱詠所迫生枝敗葉雜選併至付之一炬如見濕烟
疑是杜子美赴江陵還衡陽衰相見矣頃十二月大
雪右衡有詩相示風流蘊藉不減當年詠荔子時蓋
其情愈深其韻愈逸其詞愈俊情者詩之種右衡則
情種也吾以不及情故詩衰右衡多情故詩不衰若
情與詩相爲無窮則右衡福澤亦與歲月俱未有艾
不待占星望氣而得之吾所以益爲助喜耳

剩人和尙秋蟬八章跋

阮籍胸中塊壘故須酒澆之秋蟬八章則以長歌當
哭消之也一切法皆消年年消月月消日日消時時
消剎那剎那消剩人和尙示寂千山三年門人啓瓮
肉身不壞雙淚忽湧拭之兩布巾如洗此老胸中塊
壘到此方消真理無幻真幻無理更喚取鄧隱峯妹
子尼來一時推倒始得

跋施則威史測後

延津施則威不可一世獨向制藝中與予神合曾三
夢見焉則威夢見道隱蓋因中有想也澹歸不夢見
則威蓋想中無因也高宗夢見傳說醒後卽見傳說

補行堂續集 卷九

傳說不知孔子夢見周公醒後不見周公周公不知
佛身充滿於法界普現一切羣生前隨緣赴感靡不
周而常處此菩提座人人具有如來智慧德相特以
情生智隔無由合其本妙澹歸與則威相見於管中
子斑非眞非夢亦復如是黃辛子云則威今孟夏之
瀋陽師於孟冬來雲間邂逅之交亦復不易以其所
著史測一編相示澹歸云海內豪俊聞聲相思不得
相見者何限彼此作一箇古人相待見其文字如讀
古書未爲不佳也此非推開語則威於制藝見道隱
澹歸已於史測見則威矣黝然而黑頎然而長眼如

望洋心如王四國非文王也耶更欲向夢裏見文王
醒後見周公多了一重妄想沈友聖與辛子則威又
三相神合者謂予應爲史測作跋卽書其語遺之頰
上三毛大家有分畫蛇添足一筆爲多

書錢舜舉畫卷後

長恨春歸無覓處不知轉入此中來白香山此語直
用到臆月三十日不消回換古德云冬不寒臘後看
何見事之晚乎或以秋花明媚畢竟帶三分黯澹豈
知千紅萬紫全是雪窖冰天兩段不同總被蛙聲閣
閣一時道盡且莫令錢舜舉聽得硬著翅觔兒飛入

補行堂續集

卷九

五

花間去也

書楊楨山詩後

楨山楊公判嘉興府權同知松江以歲荒停徵投効
而去此古循吏也貧甚不能歸里僑居此地不能謀
養飧時復寫山水易米有古高士遺風陶淵明令彭
澤八十日賦歸去來貧而躬耕或至乞食饑來驅我
去叩門拙言詞無畫可賣有詩足傳公以畫代田以
交易代乞循吏傳中一幅佳山水得僧牛縮桶藁子
皺出幾重遠景唐伯虎云閒來寫幅丹青賣不使人
間作業錢伯虎際盛世不得爲官宜貧而不貧所賣

丹青常得善賈公爲官十數年不宜貧而貧所賣丹

青常不得善賈高士傳中一幅佳山水得投香齋
藁子皺出幾重遠景則公一生行徑便是一幅絕妙
丹青豈待解衣礪磻和墨祇筆始足供賞鑒家玄對
耶雖然當今之世如此丹青手不易得如此賞鑒家
亦不易得公乃託諸詠歌流連激楚分付詩瓢向五
湖烟水隨波宕漾後有采風之家逢緣收取循吏傳
高士傳兩兩映發又是一篇絕妙文字惟願世間有
心有眼人且莫作畫觀作詩觀作文字觀也

書節烈合傳後

補行堂續集

卷九

五

傳凡三人節以爲其夫上事其親下有其子沈信志
之妻并無子兼撫已亡之伯已去之姆之子變中正
節之至正烈以爲其夫守其身沈聖趨之妻被掠於
兵自沉梅里一再挽之及舫厲聲大罵一中刃再中
鎗以死變中正烈中之至正潘周嘉之妻上有垂白
之舅下有遺孤計不及顧夫死於亥妻死於卯變中
奇烈中過正抱石者過忠結纓過勇不食嗟來之食
過潔有過卽有不及死而死耳孤立行一意豈暇避
過哉人欲爲所欲爲事不可顧理亦不可顧今日此
不同於彼掠宜以上事親下撫子爲正是理也一顧

卽不可死矣性快人每不護前情深人每不照後一家非之而不顧一國非之而不顧天下非之而不顧過而奇乃成死而死耳豈暇得正哉爲奇所用必爲正所轉不知有正亦不知有奇死而死耳豈暇求奇哉予直許其情深而性快節烈二名分而奉二沈二沈受之合而奉一潘一潘不受受與不受亦無彼此正中奇奇中正節中烈烈中節正中節烈皆受奇中節烈皆不受亦無分合衆生於法性海中各成一段波瀾如此予於波瀾中觀法性海如此

書鄭硯菴傳後

補行堂續集

卷九

七

硯菴本是五臺僧以拒丐者寒夜投宿罰作讀書不了漢三十年人謂讀書不了所以行罰然則讀書而了便爲行賞耶讀書而了卽必取科第擁妻妾長子孫殖產業鐘鳴漏盡而不知止譬如遭戍終身不若五年滿徒猶有程限是故讀書是罰不了是賞讀書者硯菴一時失慈悲方便之過不了者硯菴多生承善根功德之力其病中夢師來召亦如賜玦遠謫之臣忽得賜環悲喜併集于今惜大家爭恨讀書不了是猶以五年徒爲輕而求克軍終身拘僉妻解也魯巖云吾姪臨終放頂上光人或見或不見或所見形

色各別予謂如來舍利亦復如是卽今一切衆生二六時中常常放光人亦或見或不見或所見形色各別因甚說硯菴奇特此皆讀書習氣不除讀書種子不斷之故又如硯菴在五臺山守殿時有丐者見有佛見便落在差別境界成如是障礙有如是墮落耳讀書不了四字乃讀書人所諱言愈了則墮落愈深愈諱則障礙愈重特爲拈出救取天下萬世讀書人與硯菴同出一隻手然雖如是此老凍臙未免香火情深了也

書過氏解環後

補行堂續集

卷九

七

叔寅先生解環大似鷸蚌相持漁人得利彼時更有鷸來不可得更有蚌來不可得更有漁人來不可得須是第一箇漁人先著眼先下手始得耳叔寅卻云兩君子皆大有功於周子斯爲名通之見吾佛一口說性相二宗彼此不許相難亦有冥權菩薩示作異道曲盡迷情互相掣難而後未剖之理皎然如日月行天然則爭而無爭非無爭而無爭也山峻谿深火燥水濕各相陵奪各不相礙是名平等世之人夷岳頃壑滅熱就寒黨同伐異結憾至死眞夏蟲耳

書史隱傳後

此節士也何以稱吏隱爲吏不先具隱心則必爲中蚓唾中蠅矣吏有三不要不要錢不要官不要命雖天子不能抑其強項隱亦有三不要也先不要官踰垣閉門而自貴次不要錢草木食而自甘終不要命封刀飲醜而自盡隱有平世有亂世隱平世而無三不要必爲克隱隱亂世無此三不要必化松而成桐矣然則曾君稱吏隱斯其所以爲節士歟雖然亦有隱而激者君以不激而爲不隨其德足以勝之也其攝威遠仁以解株連之網禮以化閭牆之爭仕義起兵不蹈白刃之禍辭官歸里不廢危邦之爵吏

既隱矣不吏之節亦隱謂之隱德豈復恃其三不要以與一世爭名者哉

書周芸齋血書貼黃後

芸齋先生刺血頌冤九重動色邀三百年異數於未得時蓋有必得之理及其構三百年異變於已失後亦無或失之事天耶人耶鬼神耶芸齋先生心光所持非天非人非鬼神而天從人從鬼神從各各不相知各各相到人人具此心光聖凡等無增減發處不眞用處不純則感者同應者異故曰一切世界爲衆生妄想所結卽爲菩薩願力所持同在一世界中世

界各異異在一世界中世界各同成與壞劃然是與非較然純與雜紛然皆不離乎一眞忠介公之世界以觸邪以養直以殺身成仁血肉俱糜須臾常動蓋以壞爲用不壞不足以爲忠芸齋先生之世界以繼志以述事以永錫爾類指舌可枯精誠不歇蓋以成爲用不成不足以爲孝人知成世界之爲世界不知壞世界之爲世界同一莊嚴同一悠久也嗚呼王得勝何人倪文煥何人文煥以同朝士大夫報忠介公之身奪其誥命得勝以異代之兵子歸忠介公之誥命慰其子孫此豈可以賢不肖之數比長絮短者文

煥入忠介公壞世界中爲壞所轉不知其然而成其壞得勝入芸齋先生成世界中爲成所轉不知其然而成其成菩薩與衆生同此世界一則能自作主一則不能自作主一則同成同壞自信其成一則隨壞隨成併不知其壞而各有入成壞之中出成壞之外者此吾輩於心光所宜自重而不宜自暴自棄也歟

書姜貞毅輓章後

先生之於忠可謂純矣豈斷以是爲重豈斷以是重先生予不敢復續惟結髮讀書私有所疑於賢人君子者昔所稱四衙門被譴謫僅一赴任而止編成者

一抵衛所而止擁輿張蓋持大字名柬如舊體統不少抑損是不受命也或曰長官不以罪人相待爲厚耳輿蓋名柬乃出於已豈可云白待不薄耶予疑以爲非則彼皆號爲賢人君子以爲是其如君命何先生戍宣州必葬宣州必存荷戈遺像此爲人臣有禮于君不易之法也癸未萊陽破太公以一家殉甲申春二月先生始出都門四十餘日而北天陷南都有繼統一切昭雪先生謹守苦由跬步不踰閩粵之際日跂老成終不以新環易我舊袂其純也如是予亦嘗致疑於末世君臣之薄也士大夫可殺耳解衣就

獄與盜賊惡人同其鍛鍊久而牽復氣餒逾張賢人君子不能誓死丘園使朝廷知有不可辱之節故凌侮日加勢位日驕道義日詘先生以成卒終因於時勢然一官七尺視之既輕并不借晉宋南轅以規名爵則鶴舉龍騰故有灰蚓唾蠅不能仰睇者嗚呼觀於先生待其君之厚則後之爲人君者待其臣不可以或薄也漢高帝曰吾能尊顯之斯語也恐非大賢以上所宜受然則士大夫所以自待又當何如耶

書袁重其軼事後

史記列傳或取一二事事取其大者如見其人世

新語或取一事或一言皆取其小亦如見其人李君令貽傳袁重其之孝只衣碎按摩一節直欲歸人霜哺篇五十軸蓋筆勝識亦勝也張僧繇畫龍繞點眼卽破壁飛去若知通身是眼則一鱗一爪無不破壁飛去矣或謂僧繇未點眼全畫鱗爪鱗爪不能飛去予謂僧繇未畫鱗爪獨點眼豈能飛耶且置是論孝惟眞眞惟樸吳母改故衣爲其子上服不知數齡之已弊可謂至樸服以輕爲妙按摩亦以輕爲妙雖至重之按摩不能碎至輕之服一按摩輒碎宜有不按摩亦碎者然終身不近按摩可謂至樸當其樸時

世間成壞之理久近之數不入其胸次而一以守節一以致孝故節孝皆眞予以是知六識分別眞作僞之媒而世智辯聰如來目爲八難之一有以也

書顧南寧傳後

出世世間之用不同然必本之澹泊寧靜行以剛斷嗜慾深則微纒固見理而惑涉事而流此雖世間不能具丈夫之畧況出世耶予讀南寧郡守忍仙顧公傳信其爲近道之姿也公守南寧時江楚粵閩盡陷招降之使直抵郡城諸大吏持兩端先去部士民爭欲保其家環勸公迎降公大哭衆亦哭乃爲陳大義

條晰利害卒斬其使不下發兵討橫永之叛遂復其城言者劾方面倡逃罪悞及公公欣然解官置不辨越二載事稍白以刑部員外郎召不就庚寅粵東復陷投跡空門張總戎聞其名迎之適值授餐擬薦於朝公宵遁入白雲山白雲與鼎湖相去十餘里棲壑長老持律清嚴修西方觀公師之往來不問寒暑癸巳八月預知報謝先五日禮辭其師屆期端坐而逝公爲臣執義不屈所謂以剛斷勝者一本於澹泊寧靜公於南寧有守功復橫永有戰功不賞而罰僅以部郎用夫豈不知郡守之由部郎陟耶予逮事端水

補衍堂續集

卷九

三

七

四方之來者攘臂張鬚某某有義旅若干某某所聯絡文武吏士若干恢復某某郡邑若干皆空言無可詰正朝廷不欲灰向若之意一切優答之所要挾非部院四衙門不受公秉不伐之德惟自明臣節退然無求以四品勞臣復官五品終不稱屈亦未有爲公稱屈者此澹泊寧靜之最著也夫惟視爵祿幻而後視道義真爲守土吏與其土同存亡爲臣不事二姓蓋義所當爲一以矜功一以市名則君子恥之入世者能以是爲恥即可與出世吾佛教諸比丘習頭陀行少欲知足習阿蘭若行人中無諍習菩薩行忘身

爲法至成佛道適還本有若作聖解即受羣邪公於世間法甚真故於出世間法亦真宜其預知報謝端坐而逝歟予以是知不眞之人行於世出世間蓋無一而可也

書高虞部行狀後

嗚呼予讀高氏兩世行狀而歎世主之不可爲也先帝以英敏有爲之才值人心大壞至於身殉宗社有羣臣負朕之言始於死不瞑目上訴彼蒼即今高氏一家功罪二案故有陰中而不及知顯格而不能詰者矣悲夫悲夫玄期先生無可死之法其致之必死

補衍堂續集

卷九

七

之地者閣票僅擬回奏內批遽行逮問蓋王進喜之線索通矣先生之獄日急內臣之獄日緩則黃用之線索又通矣進喜之線索在駕禍於黃用黃用之線索在卸禍于先生先生死三年之前黃用死三年之後僅足償代僵之命終不露設陷之機人知先生死於董羽宸而不知其死於王希忠雖先帝未之覺也寓公虞部令寶坻有全城卻敵之功吳昌時敢借計典以報私憾及撫按合奏頌冤家宰李遇知復持部科之局徑置游移先帝出獨斷以爲功在封疆從優另敘遇知廢格不行僅調涇縣此何理也人君舉措

失當爲大臣者上殿力爭可耳今是非功罪較然明白而朝廷之封疆不如部科之門戶一人之公正不如羣下之偏私遇知醇謹稱爲君子然則君子之心如此何以異於小人耶春秋曰人臣無將將而必誅度當日之人臣不止於將直敢於竟悲夫悲夫當崇禎之初先帝不信內臣而桂工一案陰爲內臣所顛倒崇禎之末先帝不信外廷而寶坻一案顯爲外廷所阻撓勢成孤立無可如何不然以先帝之明稍知大殿寢宮各有分責豈致此悞其所以悞者在旁之委罪浸潤已深而法司之讞詞推波而助之瀾耳夫

封疆者人主一身所共爲存亡計典者人主所與萬方共其休戚審之平時核之一旦寶坻咫尺京師虞部屢承簡在非外吏泛然者比計冊進呈何以不知且旣奉特旨優敘吏部仍補涇縣立加詰責此亦烹阿封卽墨之秋也除目進呈何以不知然則章奏之不經御覽或經御覽而以格例視之不復省察者多矣宜羣臣之敢於無忌憚淪胥以溺而不悛也嗚呼予旣歎世主之不可爲而益見人臣之不足爲也士大夫獻身成信生殺無逃知人則哲惟帝難之而死權死利之徒蝟毛而起卽高氏兩世未據要津非與

霄小有不解之怨特以孤立行一意不屑委曲將迎而一則罪生於分外一則功屈於分內柰何以不贊之軀逐無涯之知而爲衆射之的乎此達觀之士所爲脫屣功名而無求於世歟

書沈碩人行狀後

宋君實枚以其母沈碩人行狀相示讀未終三稱其善一曰視前母子女如其所出也子與婦歿視其女孫亦如其所出一曰夫亡子幼外侮踵至忍而不較一曰壽女孫之姑樂作拂衣起至不得辭終不視追悔不自己凡觀人之善觀其時之難事之所易忽而

後得其真故曰君子表微碩人厚其前所出夫子猶存當其嫁女孫家產落且嫠居恆情得委責焉昔有負長而提幼者幼其所出長其前所出也至遇盜而益見其難以其時難難故善也禦外侮健婦必以身當之小則爭大則訟寧百受侮不輕出形聲一臂耳爲逆旅所牽斷之以斧居室而守其身如未斷之臂事又難難亦善也稱未亡人終其世如初喪碩人斥鉛華絕足宗黨之庭女孫一強之聞梨園惕然心傷追悼其越禮泣血三年未嘗見齒旣除服鼓琴而不成聲或謂難或謂過踰祥已久赴慶禮偶聞而非習

見檢束所不及情易忽矣更難更善也人之制心不誠不純不底於一若碩人者誠且純矣一矣子以是復實枚庶不失表微之義用慰致孝之思不樂及其餘不取其膚膚與餘立言之所不貴也

書米忠毅公傳後

予聞弘光偽福邸也福邸已被難其妃有弟與一內侍偕走詐稱福邸既登極內侍懼禍不敢言童妃至偽福邸恐事露遂致之死馬士英特欲立福邸翻東林之局遂使東南半壁拱手以奉之清耳其後復有偽弘光甚哉福邸之禍與明偕極乎米忠毅公初在

京師善永齋和尚水齋神廟所賜紫也公殉沅州難前數日夢水齋來招之歸則公與水齋同一來處同一去處剪妖僧以全神廟嫡孫延朱氏十數年之祀豈陸法和所謂空王劫中有香火緣者耶太祖以僧建義遂有天下道衍以僧佐靖難蓋能起微幸之心查顯仁於明室若斷若續插此一科亦足爲法門殷鑒出世之士宜了世緣五代時雪峯有僧爲亂兵擁立稱帝未幾授首唐成汭雖爲節度使不得善終元劉秉忠庶幾克保功名然其陰行善深矣此事乘菩薩願力現身則可若以倉爲因必以殺爲果忠毅此

舉又護法之標準不獨有功於世教也

書顧雪石傳後

雪石丁革運不謀進取曰吾祖父侍郎公暨伯兄太守皆受國恩吾往見於地下不敢有視面目也太守抗節南寧歿於東粵雪石徒步往訪迎其喪歸門戶支拄務盡心力家益落與其內子習苦相尙有梁鴻孟光之風此世教所重也雪石自以無所建豎雖食貧惟孳孳爲善且與人爲善有怨家屢犯之置不較一日怨家自麗於法雪石更爲修懺摩端州之鼎湖有崇梵比丘者沙彌侍之行每數里輒作數十里遠

每遇畜生卽駐步與授三皈五戒盜劫其母尼菴崇梵聞之爲集衆禮梁皇懺曰盜比丘尼淨財是人有大罪吾甚悲之人無不傳且笑予獨歎美以爲此菩薩種子成熟所發菩薩現行雪石其有不學而能無師而自合者乎以德報怨儒者不取惟登地大士入極愛一子地始得相應然非證空平等地亦不易到雪石卽從此待怨家一念擴而充之小三災過後諸天護世者出所藏五戒十善人相見相敬相愛遂轉減一劫爲增一劫或疑爲不經劫入洞然此土安隱一切衆生無不現前安隱特患不知若一徹知則三

災起滅都不相到未嘗別有隱身法亦未嘗更有轉滅為增之法耳

書徐翁軼事後

人與鬼同一世界各為其事而不相知或至於相見非有異緣則氣類近之矣吳門道士為鬼所魅口耳鼻眼皆泥徐翁華國聞其聲大呼而入救之得歸以為無鬼則值道士鬼從何來以為有鬼則值徐翁鬼復何往道士之氣類近鬼則有徐翁之氣類非鬼則無滿世界皆人滿世界皆鬼鬼之惡見人甚於人之惡見鬼人見鬼則病且死鬼見人亦病且死蓋以今

有為幻鬼未嘗有鬼人未嘗有人世界未嘗有世界蓋以本無而真今有不礙本無不妨今有道士有鬼有徐翁之所無徐翁無鬼無道士之所有世尊謂三洲之人不如南洲有三事勇猛智慧佛出其所也諸天亦不如南洲夫諸天不如南洲況大力鬼大力鬼不如諸天況依草附木下劣之鬼宜其值徐翁而還所本無矣地力遜水水力遜火力遜風風力遜心心力最大以其本無佛出其所出此本無智慧見此本無勇猛修此本無亦惟南洲之人能還其所本無乎於徐翁見一斑焉

書周忠介李忠毅墨蹟後

欲再見二先生已不可得今者江河口下諂諛之內即公是賄賂之外即公非不能起天上人而正之則此一點一畫皆宇宙間元氣也共工氏頭觸不周山天柱折地維缺補天五石立極四足豈是異事用王具有正性宜其如水乳合如蒼龜襲也

書王石年王筍篆金剛經後

用輕易心無師承之學供養法寶謂之善根輕解王子石年以玉筍篆文作金剛般若一點一畫皆全力行之自一點畫至一字一句一分一部合之不增分

之不滅此心之所同然也心具三性善惡無記善有全力惡有全力無記之力荒忽昧畧世之人醉生夢死近於荒忽昧畧者多作惡者無論善有世間出世間出世有小乘大乘最上乘石年書學既勝用心復重於善法中四索而上至金剛般若合一點一畫之力即為一部分一部之力為一點一畫點點畫畫全具一部部部不缺一點畫大千世界碎為微塵一一微塵現大千世界一一微塵大千世界復碎為微塵一一大千世界微塵復現一一大千世界世界不可說不可說微塵不可說不可說皆此心之同然石年

特善用耳經猶他力心則自力師子搏象搏兔皆用全力老宿目爲不欺之力於心自力少有滲漏卽謂之欺閱此經者先識此意能使人人面門顯出金剛正眼是真供養

書隱求齋頌古前

予以甲午遊虞山謁豁堂岳和尚於三峯嗣文杲公時在侍寮歲已未借榻超果之西來堂是公脫白地也重舉二十五年前舊話欣慨交集久之以頌古一編見示皆自胸臆流出盡洗摘摩湊泊之陋庶稱從上爪牙矣諸方坐丈室如逃於空谷見似人者而喜

徧行堂續集

卷九

圭

何以至今不舉也凡事兩就則合一推則離卽不輕合須有半推半就之態公豈能徑與一推乎審能如是則黃面老子亦當倒退三千里但恐沒飯又思冷粥耳

書茗理微言後

事無勝劣惟觀因地陸羽嗜茶重之者奉爲高流輕之者令取三十文酬茶博士高下卽從時轉清濁豈受名移唐子匹士深入茗理則以事兩尊人先意承志爲因也孝子之於親眎於無形聽於無聲卽製茶一法不能視無形聽無聲必不得妙旣無形矣何以

徧行堂續集

卷九

圭

用視旣無聲矣何以用聽則當其有形有聲適合於無視無聽之微者豈可與羣人語哉必有事焉而勿正心勿忘勿助長子輿之養氣輪扁之斲輪匹士所謂名之理全於此一也徐則甘而不固疾則苦而不入不徐不疾得之於手而應於心口不能言有數存焉於其間徐則忘疾則助正者不徐不疾不能言之數也譬之推門旣久忽然落曰當其落時求其第一恰好之時不可先得求其第二恰好之時不可復得正當恰好眨眼便過匹士得妙於十餘年因地旣超於技用心復入於道今其書具在有能視于無形聽于無聲者心手俱活意言俱親如其不爾無論犯疾犯徐卽慘澹經營求合於正早是刻舟求劍甚矣堂上之桓公鋪糟粕而不知味者何其紛紛也

書王兩瞻先生遺像冊後

生死之權可以臨小人不可以臨君子以生誘之君子不欲生以死脅之君子正欲死則誘之脅之兩路俱窮矣封疆之臣當死封疆兩瞻先生素志已定雖有南面王樂不易此刀頭尊貴則殺之者特如僕妾事主謹視其所嗜而進之耳故曰君子得所欲小人亦得所欲君子得所欲其權長在已小人得所欲其

權長在人小人生而無權君子死而有權君子之權由已而不由天立義而卽立命世有聞先生之死或叱咤於殺先生者或咨嗟涕洟於先生之被殺皆所謂倒持太阿授人以柄者也

書陳鏡非雁字詩後

鏡非筆妙寫生尤工蘆雁題詩盈百可稱雁史矣觀其思入杳冥氣凌霄漢雖復印雪有痕要自排空無跡或以慘澹經營全身裏許則法身流轉理故有之此趙承旨所爲未落墨而先現形也鏡非詠物悉從人事作觀蓋倫以性成文由義出言可法行可則於

徧行堂續集

卷九

七

一雁中備焉此足度生未爲逐物也心無定相數取諸趣衆生異名而同體大士同道而異相馬中無人元是子昂大士中有子昂不是觀世音在一毫端自知轉變而已切忌趁快自墮撥無

書陋室銘後

遺教經云知足之人雖臥地上猶爲安樂不知足者雖處天堂亦不稱意山見不高卻見有仙水見不深卻見有龍勝負互爭人我角立此玄都觀裏桃花所爲致嫉也南陽廬何必諸葛西蜀亭何必子雲卽今晉天率土茅簷之下破絮自擁薄糜不繼者十分而

九如我祇是九分中一家一人而已何陋之有社先道社屬書此銘漫題其後不妨爲汨沒塵勞者作一服清涼散病還大衆藥出主人

書李長蘅巖壑秋高圖後

人不山居卽當舟居然成之既難住亦未易予來吳中遊且不能況復議住克伯出所畜李長蘅巖壑秋高圖森秀曠遠之氣侵入神骨層崖直上便欲結茅逝水排空又思鼓枻幾令五情無主更想臥遊亦不可得乃知極清雅事無不仗色力財力挈起箇具臭皮囊予既不會向大朽杉裏枯坐又不曾三文錢買

徧行堂續集

卷九

七

黑撈波卽爲阿堵物禁持也須自家認取三半不是始得

遺命

吾去世後卽剃髮澡身外衣舊葛衲長衫內衣舊葛布褲披茶褐布通肩祖衣露頂跣足便入龕龕取舊杉木板極薄者不用費工足以蔽形一時而已入龕訖不停龕不設供不請尊宿舉火侍者舉毘盧遮那如來號十聲卽下火次早檢骨不用罌盛隨所在水清深處散投其中不設靈位不守七侍者卽日各隨緣好去其入嶺南者持吾遺命謁淨成老和尚及丹

寶海幢諸刹此卽報聞矣吾生平以畜積爲恥今所
存資斧之餘并隨身衣單書籍別有板帳除吾別有
支分外俱現前侍者均分此僧法也汝等不得留吾
臭皮囊作扶龕回山擇地建塔之局累諸護法隨處
死隨處燒隨處散骨水中吾出嶺時便有此語非今
日始作此語也若違此語惡同凶逆徧行老僧濟歸
今釋手勸

10690

徧行堂續集尺牘之十

丹霞今釋澹歸 造

侍者 古止 傳湧 編

尺牘

上本師天然是和尙

得大至捧讀手誨更領三頌筆墨之氣雖存意言之路皆絕直使形神俱解今釋諸頌縱有著到處只喚作著到譬如射箭箭箭中紅心卻有一箇紅心在箭中終非好手然此等境界決非學步得來恐三十年後乃好送土宜與和尙也日來了少應酬還山尅的

徧行堂續集 卷一

尙容報聞暫此陳謝

又

曩蒙慈諭撥楞嚴直指敘未敢輕易頃始讀全藁僅得成篇老病昏煩豈足發揚妙旨於萬一錄呈法眼所冀指示紕繆使知改正也此書乃和尙住丹霞所撰聞有謄真本取去歸宗有所增刪幸賜發回俾今釋獲觀全璧又貯之丈室永鎮此山且欲稍集因緣付剞劂以公諸天下萬世也前屈樂說爲首座力勸不從蓋其意不忍竟離和尙亦恐被丹霞法席粘住耳不忍離和尙是其孝恐法席粘住是其高皆美德

也豈敢強奪其志然丹霞一坐具地遂爲凶衰不祥之物亦可憐矣今釋前路無多然違昔年之重誓而處此者以方丈一日無人則不待分房已成子孫巢穴長慶歸宗皆此物也苟繫籍於法門豈可不爲凜凜耶規繩嚴正寧免怨望旣自信其心亦置之不顧

但存此空言使後之有正信者得援引以相規切則方丈或終不至於無人耳知卽歸暫附此白不盡

又

去臘得慈諭并直指定本卽與樂說較閱發寫每讀之但見其不可思議故非游夏所能贊一詞也領衆

徧行堂續集 卷一

宜嚴乃古人垂範不易之論至於今日尤足救時今釋老矣食少事繁加以多病斷不可久樂說解行相應終當以此席累之渠怕粘著伊所謂士各有志者何可抑逼然今釋或死或去倘於法門少有關切安忍不回心一顧念耶時事紛紛非目前所能寧謚和尚慮路塗梗阻或致流落故鄉今釋以爲每念不忘處乃是故鄉若和尙之粵與今釋之浙正他鄉耳年運已往前路無多荔子之緣遂絕俟入夏又看江舟消息也

又

雲根副寺來伏讀慈諭且喜且愧今釋無德無緣不能盡教養之職上煩憂念至分雷峯之油相濟未知此衆何福以消若乃擁堂頭之虛名自救不了又置之不足道矣人心泮散於今已極向來相從穿州撞府者既不束以叢林規繩亦徒長其世間知見忽然放出一副冷面孔豎起兩箇光拳頭非其境界無足怪者然早已撩定此著故胸中亦自翛然也仁陽石砦賊不敢攻丹霞開門以待之猶且望而生畏治亂不聞終推此地倘雷峯未免警柝之勞則杖履來臨儘可高臥通宵也今釋每有積穀之論而三年來糶

補行堂續集 卷十

三

去千八百石舊監寺辭職又指倉中八百石抵債今年亂後田土拋荒佃丁強半白賴若無化主飯盃裂矣頃擬下山托鉢救住稻子蓋章貢應有戰爭南韶勢難休息大衆食輪不可不慮也螺巖眞色乃生曬茶色香味俱佳未烹時只不可看如面貌不揚之人舉止蘊籍談吐清雅正自可念幸試之

又

伏讀慈誨無可預料之事亦無用後悔妙絕今釋於請藏了後度夏半塘除飯米外更不經營有欲爲覓靜室者語之云第一要境界好第二不要我修造第

三主人不著相以此來者皆望崖而返矣沒有住處尚有行處不可悞了行處又悞住處今釋卻似防後悔之極者竊歎服和尙之不可及也許逸老爲料理結茅之地殊感高誼若待今釋還山興工卽屬第二條不要蓋怕見木匠之病近來又發也然豈有現成住處從天而下到不如行處稍覺現成耳

又

不能再入匡廬侍杖履徒有結戀所耿耿者承和尙鄭重付囑無從覓一箇半箇以此負恩然法緣澹薄定矣惟恃願力問之他生耳古止雖於石鑑兄有罪

補行堂續集 卷十

四

其在今釋則善始善終失之東隅收之桑榆望和尙宥其前愆開人自新之路此今釋臨終切懇千祈委曲聽之傳致是緊峭行門作事俱有向前傳湧頗能參尋向上不落時蹊惜今釋非煅煉手往往放慢若奉遺命入嶺更至座下猶可供鞭策也惟古止居身孤潔不失爲乾淨衲僧然而多病非壽者相僅足付之一把茅中耳武夷竹杖一枝陳章侯山水一幅留供此杖天下無第二枝此山水天下無第二幅僻見如是未知和尚玄賞又若何也法門秋晚老成凋謝雅恃淨成作狂瀾砥柱幸倍萬保練以副人天之望

臨牋悽斷不知所云

與海幢阿字無和尚

兩得手教具感吾兄惓惓關切各職離心已非一日然欲掀翻窠臼豈免淆訛但放下面皮與之厮挨就中亦有識道理肯轉變者固不礙其玉成若怙終不悛聽其去留於教人之心亦無負也寬嚴二用未可偏枯威令稍行局面稍定自當濟之以寬不敢違明教耳海幢營建方在半途吾兄精神要大於身亦值得種種勞頓若弟薄福德人折倒久矣石吼還得些刻書之資尙自分派不下常住有無弟近掩耳不聞

徧行堂續集 卷十

三

六十年來所作所為何但十年一變忽變得好忽變得醜皆足供撫掌之資也風便幸示近耗以開懷抱

又

久不得信甚以爲念記汝住山已有成行忽然知非立地放下仍歸老人懺悔亦自可取頭巾跳不出道理道理亦跳不出頭巾卻有不戴頭巾依舊跳不出者道理之利害如此豈可獨屬之頭巾耶然在記汝此舉不得不把頭巾捉正矣山中無事日爲人理是非并自己俱落在是非裏幸是光頭不則勸鬪底掃了髮毛也筆墨之興日來已盡佇俟大序開我懷抱

餘不多及

又

顧家船子來知吾兄正在忙中不暇作東忙乃叢林好消息弟雖極閒卻被不甘心諸公厮煎厮炒亦在忙中又是極窮極苦之候惟有睡中銷繳耳徧行堂集刻成前許大敘尙未擲下幸於去僧歸時賜藁弁首爲光壯也丹霞近無監寺亦復不設兩序有缺但補一知客餘俱不補到得難解交時自克監寺走一兩回耳緊閉山門睡覺職事僧尋是非但向道老病且死沒氣力奉承諸公有心機卽耐煩等候若不耐

徧行堂續集 卷十

六

煩一任去來所以胸中條然無事耳

又

閱方書食松葉粥能健腰腳卻病山中饒有此更不費錢欣然服之雖極蜚口亦自甘心然其性澁大便不通痔瘡舉發四十日未愈德甚依舊腳癱手軟每念及輒復大笑欲益反損日暮途窮人故當如是寄語吾兄爲撫掌之資也

又

平南致祭非貧人所及今遣監寺行禮旣已後時又不親往幸吾兄善爲吾解也衰年病懶欲作故人書

疏才一兩紙便眼昏手倦輒復自厭摘三化去或憐其不壽第謂人生世間決不當有壽若色力頽塌四支百骸不奉天君之令便是業報亦何足貴第今年六十四歲喚作下壽且不耐煩豈可更多於此外耶嶺頭大將外懼強敵內憂潰兵縱令金印如斗大求解去而不可得亦若是耳解虎欲得水真詩冊敘力疾成之俾設供宣讀然喚水真作乞兒老子恐水真不樂受或解虎亦樂聞但言吾所欲言而已徧行堂詞集三卷先奉一笑諸不多及

又

徧行堂續集

卷一

七

洞開來韶得手教殊快傾渴弟承謙菴諸公相留度歲今且領人檢白骨俟老人至相從出嶺也一向建立決不願主法無人流入同鍋喫飯分房厠屎惡道今幸大衆發憤力請樂第已於元旦上堂拈香矣弟於丹霞夙願千足萬足但請得藏經勾此一念老病餘生聽其死符早晚更無他想也承示二月初卽來韶陽可以歡聚數日豈能恣然謹當奉候於相江之許不盡

又

都寺回得手書領悉八家之成畫餅此殆鈍秀才所

帶累耳五十金畱俟七月豈以爲遲第所攜路費八十金并吾兄四十金已盡作買紙之用則留此項抵路費正自得宜耳頃在南雄大病若成瘡便不死然老年氣血衰憊抵不得凝冰焦火日夜簸弄也南雄自孝山去後轉見不堪前云送濟司至此再相會極好未知七月間能來否第若病不好便決意出嶺蓋死於嶺內不如死於嶺外之妙死於牀第不如死於道路之妙隨處一把火拋骨江中省卻許多繁文乃素志也力疾作答發回丹霞隨時奉寄

又

徧行堂續集

卷一

八

所欲與吾兄痛談者豈有盡耶今旣不能重見亦無力作字且與一時隔下黃皮蠔第所寶愛寄克遺供宋詩抄一部并往聊足供博覽之樂聞吾兄近亦脾氣不佳須及早料理藥是本等然飲食之際穀氣七分菜氣三分爲第一義也餘惟珍重爲道爲衆生千萬

與棲賢石鑑親和尚

老人之意祇欲吾輩出頭支拄法門弟還丹霞坐方丈隨例顛倒所謂事不獲已老人見許亦是憐兒不覺醜也兩接手書推獎過分又寄所愛法書以贈皆

非薄劣所能消受也宗門根器萬中無一卽今竟一似衲子者尙少況真衲子乎叅請無人吾兄猶有此歎如弟病思自治豈能爲人又置之不足道也知虛山近狀雖干戈之苦已息而粥飯之緣甚難每與阿兄共此挂念以爲吾兄宜扁舟入嶺諸方每每散衆蓋時勢使然亦不消定要有箇住處也弟住丹霞只似不曾住者樂說在此與共晨夕甚樂吾兄自來不少虛堂倚杖大家團圓舉古論今此乃末法希蓮之事弟不遣一化主出門但與大眾喫乾澹飯耳此何等時有一片淨潔山場喫乾澹飯苟全性命恰得二

補行堂續集

卷一

七

三兄弟啜茗快談亦恐此福不易消受豈可復求多於造物耶鐵庵來專附此語幸高明從長熟計勿謂驚馬棧豆之見敢測度不思議境界也切切頃常住欲刻徧行堂集以語錄併入之所刻未勒卷數承索觀輒奉寄望摘其不到處以示庶見吾兄相愛之深也

與訶衍摩大師

兩遇廬岳人具悉法體勝常殊慰積想干戈已息單丁住山道糧不甚棘手孤往之風直追先哲不能不爲吾兄服膺也弟衰病之餘料理丹霞任勞任怨勢

不能支得樂說晨夕相對稍有生人之樂出世拈香聊以結老人付授公案自顧初心每每失笑夢幻之影且復聽之耳

與廬山諸位大師

匡山歸老未有結茅之資兼欲少致內外典章緣皆艱阻一病淹纏遂致不起便不欲以後事累吾師友今已乾淨斬截與伊結果矣樂說弟血書法華經奉供棲賢道場安之舍利塔前使其亡親得增福慧也姑綴綿袍一領遺供訶兄黃楊木如意一木所雕亦未易得并自用一爐供角弟紫檀印廂用之最久連

補行堂續集

卷一

二

圖書并藏墨乃積之二十餘年以供塵弟不能多作字故止於此惟爲法爲諸衆生珍重

與丹霞樂說辯和尚

夏至已過荔枝正熟吾弟豈能痛割也然美酒飲教微醉後好花看到半開時亦不消喫得闌殘矣空山斫額以日爲歲幸念之念之

又

邂逅徽州程達菴乃老人白衣弟子出所造靈隱寺一塔隨喜此公發願以十五塔送十五省直廣東舍利某意極喜之許以所藏分給特遣智光清德來請

達菴云臘月老人付法二子殊可喜慰某雖叨賞識大似開花不結果吾弟不可不努力爲人也口號奉寄又報新生兩法王誰家兄弟沒耶孃長江後浪催前浪只恐遲枯出世香

又

叢林之事提起便做乃無遺害猶憶向出廬山令乘銷輦稟命於吾弟謙讓不遑遂致事權旁落然今釋卽歸不妨有說今今釋決無再入方丈之理則此道場之成壞與大衆之升墜皆吾弟之責若漢地不收秦地不管則驕縱日生壞法亂紀之罪日起然後從

備行堂續集

卷十

三

新整頓傷鋒犯手之處日多此今釋所爲灑淚刻心爲吾弟老實申明者也時出云吾弟欲俟老人來請其重住丹霞今釋尙不重住丹霞況天然老漢耶又云老人書來不曾言及此事此事本不用老人言及若用老人言及則今釋之住丹霞與出丹霞皆須稟命此非從上坐道場體式亦以此坐道場者作地方除官可乎

又

手札到喜極欲舞吾弟於嗣老人之孝愛愚兄之悌愍大衆之慈一舉皆備矣今釋宜躬詣法座率衆拈

香以與諸護法有成言初三日親登檢骨之舟爲校濟加持息壤在彼難遽歸也特遣業勤打供代今釋行禮此間事畢還山更設一席與吾弟對噉不及其他何如薄儀致賀非敢落世諦中所謂恭敬之實非此莫表耳祖衣白拂寄爲登座之用古人有以上賜法衣遺弟者愚兄薄福難邀上賜但以內外護所供得吾弟身上常披手中常舉皆足爲檀越增長福田幸納其誠不盡

又

得手示澤西堂入山甚爲喜慰吾弟於此有善巧成

備行堂續集

卷十

三

就之功亦正得道義天倫之樂也世風薄惡卽吾法中父子兄弟常如寇讐則友愛之情足以挽澆漓而還之淳古大抵使衲僧風規端素和雅必自丹霞始耳

又

一峯空歸亦事理之常且語之不消著忙但攘得身心替箇住山翁十年五年道風自然遠播不愁四事不具足也卽門庭冷落正爾無礙今釋一身做化主時卻似熱鬧做堂頭時未嘗不冷落也

又

豁大來得手書極慰老懷竹君自是快人可愛可敬也直指每卷後列銜但今釋已作前序吾弟當作一後序爲緣起具述竹君高雅爽拔之風更有情致刻成裝訂與豁大賞送也斗母殿上梁文或可抽思一助其興竹君於此定要莊嚴非鎖屑會計者客堂前定基填卻三角池甚是但面前地太窄須連磨房地併砌成得二三丈寬深便多費些石工使寶殿莊嚴明堂爽豁乃叶其本願耳青雲菴告示乃兩處成就之著可速遣人諭之勿遲豁大念頭甚好此子自從大處起見非專從自己生滅者庶幾菩薩種草已極

備行堂續集

卷一

三

歎賞之李太尊頃在南雄接米何乃往韶州錯路耶來示徑作一人情極是研老又有書到今以數行候之併備一禮見意而已圓淨去卻卽已不必更遷人來多一番周旋大抵今釋人緣亦只如此不盡于此輩事也烏米不必更製聞印書已得百四十部便將百部於月初發來得伴卽行遲速如意若有伴而更俟書便失算矣頃因棲賢之信亦欲早往廬山過去可痛現在可慮亦如吾弟意也

又

八月廿三日至嘉興九月廿三日往平湖孝山窮極

無由踐約坐七十日同人相助得五十金湊上路費所餘以一百零七兩請得正藏矣續藏尙須四十金送回盤費亦須四十金正在料理不徹也吾弟近履定知清勝大眾安和道糧不致掣肘否念念老兄以一念之悞投入金家生下子女朱孔暉夫妻只將三箇女兒賣了八家結下訟事雄者逃走雌者乃至劫掠寓中行李而去又以一念之悞讀書登科第欠一至親債千餘金其孫竊極持七百餘金欠約相還念其苦則不忍欲救之則不能於此有生生世世不作俗人不作讀書人之願亦攻玉之他山石也去年歲

備行堂續集

卷一

四

歎常鎮一路榆皮俱盡頃再走數處料理得藏事成就送回丹霞恐在今秋之杪矣角子去冬結制並無錢糧大是狼狽一麟際朗來廣城化緣便附此信縷舉俗緣供吾弟一笑其中尙有零星淘氣處然心眼正自翛然耳下江叢林風氣不堪著眼楞嚴有請住之舉已力辭之并以相聞

又

藏船發後十許日卽過吳門度夏於半塘壽聖寺惟乞米耳此外不開因緣之口不投一刺於貴人之門也五月末感冒愈後兩腳發腫至今未消自是衰年

本等有欲爲覓靜室者語之云第一要境界好第二要不費一文錢第三要主人不著相此題出後便難完篇卽有交卷者亦被塗抹矣來札云早發南還之棹道人行處何事纏綿耶只吾弟行乞羊城今釋以爲不必蓋古人坐方丈惟以提持道法鍛鍊衲僧爲事有謂今年田稻無收我都不憂只一千衆中舉箇狗子無佛性話無人會得是爲可憂此眞法王標榜也丹霞向來門風做壞務以豐足爲安不知此間眞正叢林稀粥盞飯一日出三五次坡坐六炷八炷香客來最盛六碗菜待客僧尤簡畧亦未聞有驕縱不

守規矩者惟丹霞僧不肖出坡不肖坐香不肖睡長連單不肖奉行堂頭約束其最可恨者只要善知識出門化緣自己安坐喫用且乘正經人不在便以私滅公驅除異己爲做房頭散十方張本此皆今釋起手引壞後來稍欲掃除爭奈老病掙紮不來所以負疚法門退謝師席惟吾弟力追先德之風長作箇住山翁到飯盃不繼時何妨散衆若有不肖敗類說澹歸當日在山上親自化緣如何若何立刻趁下山不守規矩立刻趁下山總教人議論者箇新長老不如老長老澹歸長老有因緣吾弟只站定腳跟不動五

年十年門風成就追配古人足以挽末俗之奔競救今釋之愆尤其感激何可言盡耶且丹霞積習未變堂頭下山久必乘機竊柄以恢復舊日汚染到得吾弟歸山整頓又傷鋒犯手不少矣化緣一路易壞學人心術卽如今釋十餘年穿州撞府隨從諸人竝無半箇長進者今釋不怨不尤自艾自悔蓋實實見其悞人然當年發意本爲老人身爲弟子身爲當家猶可稍解吾弟已居方丈職當教人不可更蹈今釋覆轍也且丹霞僧風卽善知識終年累月化緣供衆渠亦落得坐享了逞人我爭是非以爲例所當然必不

生慚愧心說我輩不合勞苦堂頭我輩也合供養三寶我輩不能行乞也合修行則吾弟雖極苦行供衆亦只供得些壞法亂羣之僧亦只壞了法門亦只孤負佛祖願留意將鄙言通前徹後一詳思之如今更有一種明欺吾弟與宰官寡交便說某甲發心去某處某處托鉢卻須幾封薦書入手料吾弟無以應之落得說了大話又對衆揶揄云若是澹歸和尚在這裏定有薦書定能成就得我行願此等皆姦人祇欲逼得堂頭親自出門自己好在山中結黨做巢穴吾弟待渠開口便與一推山僧揀得一生門庭冷落汝

等愛熱鬧便向熱鬧處去爭奈我何直饒此輩都走散了有得幾箇眞實幫住山翁底從新做起尤見吾弟妙絕此乃法門中流砥柱一粒還丹還元氣於無何有之鄉者也高識以爲何如

又

制臺書到山只合令職事僧具一稟摺云澹歸和尚於戊午年六月出嶺請藏至今未回誠恐遲悞理合報明則一了百當矣今相尋於數千里之外往返動踰半載豈不勞而無功今釋自去年得病愈久愈深坐而待盡不作則孤一峯遠來之意作則不減生龜

徧行堂續集 卷十

三

脫殼之苦也斗母殿碑須候將軍鑄像到時一併詳記當請其主裁不必亟亟今釋本非安靜之人拈弄筆墨亦性之所喜然病入膏肓形神俱脫一步難行萬念俱冷漸登前來已是一場狼藉所以再四丁寧勿復相通吾弟乃視如通套之談耳有生必死有聚必散人之定分縱不能太上忘情至於老者安之料吾弟同此懸念也承惠黃麻布海膽盃俱附璧隨身衣單早作估唱觀矣更畱此長物何爲況業勤來已領貢葛香根不應重疊費事也涂英伯六金陳長卿二金前已有書畱供方丈今併智簞齋儀付一峯齋

繳吾弟憐愍亡僧只消令庫司備數品蔬食如常持誦足矣此等禮數恰似澹歸與智簞是箇的的親親底殊不相應也章侯畫黃皮蠨蛸怕是非卽畱於此間聞祖墳被人葬壞傷損人丁吾弟稍爲動懷果然乎當日琉璃王殺釋種三十萬人世尊惟有八空三昧耳吾輩於俗諦力可爲則爲之不可爲則以此生善根功德升濟神明而已欲言無窮力盡且止

又

竟不能復與吾弟相見豈非分定耶金剛讚一幅乃班學士番書奉上方丈鐵鉢一口相從三十年矣特

徧行堂續集 卷十

六

以遺供石鑑兄集已爲編次值病未能再閱今令善孝賁歸幸吾弟法眼更一確訂也徧行堂續集藁并往料無付梓者庶幾藏之名山耳明史貫通史學殊有可觀望愛護之勿致埋沒借常住涅槃等俱遣送還欲言甚多力竭而止惟爲法門爲衆生自愛

與棲賢角子龍和尚

漸登去曾有復言想已達矣十一持手札到具悉老人納福諸兄弟各安好甚慰某行住儘可隨緣只無如此一雙空手卽所云吳門靜室大須拈据亦只是一派空言耳十一來卻又硬差排作丹霞化主天下

無不散底筵席不可離了丹霞常將一條繩子弔住也仔細思量澹歸是銅板判定一名化主除卻化主更無絲毫用處向來頗亦甘心然老了病了亦須討箇長假如今米貴如珠開口向人人皆不顧撞著不知痛癢之流如此擺布直是叵奈叵奈某自出嶺後竝不見一幸官卽有舊交送督撫幾封先容竟不投進請經嘉禾有以先容劄子屬郡縣者俱原封納還亦是僧家理合如是目前許多貴人豈知冷灰裏有箇澹歸若他人不爲緩頰自己不肯趨風敢保沒有站腳處吾僧家眼孔淺便伸長頸子說澹歸自有許

徧行堂續集

卷十

五

多當道相與只一開口便可掘開寶藏豈不可笑笑得久了不覺口酸更借其歸供老弟一捧腹也老人座前爲某代一語不敢獻書

與澤萌遇大師

一生閱歷世界遷流不少此回亦是司空見慣只老頭兒沒氣力不能作壁上觀時復於枕邊聽耳竅到沒擺布處欲遣候雷峯都不可得副寺到接手教具感垂注之勤痔疾已愈然老病發歇正自無定任其去來而已天台無人遣僧看守并僱一工人伴之丹霞左右巖洞有當尊意不妨直示亂時總爲俗漢占

卻亦復生起是非若道路疏通便可商量也僧還新口復一箋博笑諸不多及

又

臨濟門下一隻箭誰敢當鋒卻向夾山蘂裏淹煞古既有之今何不然小詩見意并拙集請正非敢云成禮只丹霞早把天台路頭一徑掘斷倘於老人鄭重付授之旨深有當乎晤對非遠此不多及

又

三人同行忽分兩地情懷無已彼此相同聞移居毘盧閣極佳彼中涼風乃其故有今釋此處卻有千尺

徧行堂續集

卷十

五

寒冰窖九格熱蒸籠并日竝到不少寬假豈能與吾弟披襟共話消此長夏乎

又

不見不聞絕妙古方不特卻病延年亦足坐登聖果曩來亦曾合了卻被同行分喫去輪不到愚兄一粒今當藏之荷包私自服食耳示及閱藏曬經法足爲後來標榜此可徑與方丈議而行之何乃詢可否於已去之人耶惟僱長工一說可以不行十方叢林供養十方豈有本家得法大師而有喫閒飯之說今釋向來曾有此等舉動蓋因自己料理不欲自己受用

亦爲耆舊逞微勞而視常住爲已有者下此一鍼此
後若有說澹歸在此如何若何卽鳴鼓而攻之其說
申明已久矣

又

藏願旣完卽放出舊日迂板面孔不似做化主之圓
融以此到處落落難合卻以此自喜也承示料理後
山二百餘松樹五百年箕踞其下白眼看人不妨添
作寶掌千年爲吾弟自受用三昧也出嶺之計亦且
收起滿鍋小米粥夾些大米早是挨擠得不見徒辛
苦耳今釋順風遊戲住卽不行行卽不住望七之人

徧行堂續集

卷十

主

時時作死想而不作死在何處之想再回嶺南不再
回嶺南亦無處更著此一想矣

與塵異但大師

牧馬童子知具茨之山又知大隗之所存引得黃帝
稽首問道若遇新安牧童更須喫痛棒始得老夫耄
矣孤負老人付囑喜見英俊爲吾門昌大不禁起舞
也小詩請正并寄拙集一部非敢克賀或可與春禽
秋蚓共一賞音耳廬山定在待行相見於相江凌水
間知不遠矣

又

好師友遊佳山水自是人間至樂然非大福德亦豈
能受享老兄卻向民窮財盡處看蹙額攢眉之態百
徑千蹊自旣登門惹厭人復登門唾罵提婆達多陷
大地獄自謂不減三禪天樂老兄自視亦豈減三疊
泉之遊耶然爲山水之遊者易爲風塵之遊者難吾
弟謹識此語莫道癡狗不養生天也遊記筆力開濟
足以發揮靈秀但未講於體裁耳忙中趁筆看去未
知有當與否特因下問不敢虛雅意想能亮之不多
及

又

徧行堂續集

卷十

主

辭楞嚴之請蓋以老病偷安詳思之未爲至當蓋般
若流通之地近來內僧外護視爲奇貨已大壞不可
救矣某減得十年結幾箇信心護法揀身捨命不避
勞怨徹底清楚挽回一番方是正理今之力辭雖不
同於流俗然負愧於菩薩家風矣吾弟莫便道此是
救時正著也飽食或至於殺人而終不廢五穀庸醫
或至於抵罪而終不廢七方若使受請如法住院如
法規繩如法舉揚如法豈非末流一大砥柱耶吾弟
年志方盛老其材以待用可耳老人所云與汝志合
者且莫草草東出扶桑之日與西逼崦嵫者相似可

不洗然警發乎文字忌元今此刪改已大合格矣朱
徵君傳豪邁復明淨可喜也藏船行後某過吳門度
夏遂病於此兩腳浮腫乃脾氣極虛耳結茅一事絕
口不復向人蓋吾輩所宜乞求者惟叢席十方三寶
之緣若一身住靜不宜煩聒倘遇知己無害商量今
了無所遇但化米使不至饑餓而已一草亭承許逸
老買山相待寧非勝事白地上建立亦大累人某復
空拳不耐經營土木則歸隱匡廬尙當聽之後緣也
三吳久旱卽擬逃荒未有路費或可沿途抄化耳或
疑澹歸一變遂至僻錯某以爲圓融則索性圓融僻

徧行堂續集

卷十

三

錯亦索性僻錯直到水窮山盡便休耳

又

去夏得病日久日深頃承當湖諸公相留每月認供
米二石銀二兩且可不憂餓死乞兒見小利欣然聽
之入秋再作計較也老人座下候問踈疎蓋自行旣
難遣使亦不易窮境界病境界時時煎逼有人憐我
老困風塵有人怕我終無著落只堪付之一笑若遇
事便厭乃是老年本色某近來尤甚至喚一峯作無
常殺鬼也辛苦一生極思休息仁義道中往來候問
皆不耐煩閻羅王拏蔡清錯拏了債精喝令放回陽

間債精曰此處卻好躲債愚意亦如此矣

答一超道友

再發來貴友書卽付侍僧一併收貯不致浮沈也長
塗客況屢承注念具感愛厚肝火久不發頂以長行
料理驅策不前未免更發然肝火自發心地自涼此
間無木火相生土水相尅之說也別緒甚多到明年
春末夏初料可少慰山靜太古日長小年吾兄自受
用三昧當相領畧率草奉復不盡欲語

又

手誨至殊慰遠懷然諄諄商酌猶是戴君定未到之

徧行堂續集

卷一

三

局今君定已到已畫蛇故不須添足也承惠藏墨線
絛極感雅意然第非久於人世者幾件舊衣卽散衆
一具臭骨頭付之烈火受此長物固無所用之謹付
來僧壁謝非敢自外樂第所寄亦發還也欲言頗多
不能多動筆諒之諒之

又

聚散短程去來恆理吾輩有死而不忘者亦貴自保
而已舊磁器五事寄爲幽居餽飮之具嘉定竹臂閣
一枚舉似淵明不妨見把菊東籬風致耳惟願養天
和致信上乘餘無可言者

與雷峯兩序

空山多病久疎晤語相念可知聞老人屢欲來山爲諸公懇留而止此雖愛敬至情不能自己然雷峯時有震驚大衆分番守夜則職事既多辛苦老人又少安恬而丹霞天險寇無仰攻之勢通宵高枕人無擊柝之勞理亂不聞安危懸絕吾輩有一珍重之物尙思置之穩密之地豈有以弟子事師而置之不穩不密之地者乎雖龍天呵護然於人謀未可謂盡善也今後老人欲來諸公便可護送若太平有象荔熟蕉香扁舟奉迎某不妨隨侍總是老人道場任意遨遊

徧行堂續集

卷十

三

則吾兩山不必更分界限耳言出衷素採納爲幸

與旋菴都寺

別後匆匆都未通候爲歉日來想益清健丹霞只如常但赤窮耳古人云窮當益堅老當益壯然窮可以堅老不可以壯兄是老而能壯者可有單方見示乎記汝歸雷峯甚好因其行附此

又

兄來時山中雖窮局面尙可支撐今則郎當不堪矣一生頗捱得窮苦只有這箇門戶有這些大衆直是逼拶殺人也聞道體近復多病然經營常住正自費

心我輩不肖暇逸乃是自家招得者只澹歸多了一箇堂頭名色處非其據便生出無數嫌恨來如今思量退院仍舊做當家克化主修供養法庶幾相應終當以兄爲我師表也老人分付雷峯油分半與丹霞此衆何修何以堪受令職事人舂米三十石寄去稍免慚愧尙圖報答更看機緣耳知卽死於公事此福德儘勾來生受用但眼前少此強幹之人爲常住惜厚惠敬領無以相酬尤愧

與應物監寺

惟進殿主來具述雅意卽爲落囊納去盛儀藉璧蓋

徧行堂續集

卷十

三

請文備禮所以見恭敬之實雖爲古今通義而作文者之辭受則有分矣今釋於仞千大師兄弟之義死生之情銘塔故其分內則有不應受者在雖絲毫不可受也若因其不可受而遂不備禮則請者之恭敬亦無其實此老人之諭與今釋之辭竝行而不相悖也老病廢學恐不足以發大師之光明當呈老人改削乃書丹也

與願海

寄惠篆章佳甚自題數語早已說盡不消澹歸添足此後遇筆墨稱意時乃用此印餘不輕用也卻有一

說澹歸老矣不知更受用得此印幾時願海公何不
早與我此時遲了也須痛與一頓願海非無好情只
是筆力到此時纔進進得遲了也須痛與一頓

與解虎都寺

都寺但總大綱稍覺閒適吾輩老矣不能大歇亦須
有箇小歇分兄且留意藥餌周旋這箇殼漏子臨池
弄石以娛晚景細楷多書亦宜謝絕也還山未免爲
方丈二字多些躊躇乃是自蠢所招想得脫卻此地
有人肯供給我檢藏庶慰餘生至願若無此便宜事
則叢林中肯請我做箇訓蒙先生博些子書儀辦藥

契盈現成飯過時皆所樂也兄謂我此祈嚮可得遂
否銀調羹一枚寄賀克飲食之用聊以見意諸不多
及

又

比來起居想當康勝六十外人只覺病一次衰一次
昨小小感冒亦復不堪聞公尚能爲舊債奔馳眞所
謂身弱而心強矣石吼云大林已問得碑石向令弟
取價不可得而止阿閣世王爲太子所禁僅於半果
而得自在若要明王道闢異端省寺院僧尼無益之
費則第七公亦不妨得一頂大頭巾戴可賀也時事

紛紛深山中亦復震隣江岸鷓鴣只向踞腳法師奚
落亦自不聞不見與之爲無窮耳

與開雲監寺

知受監寺之任極爲叢林稱慶爲善知識座下當家
第一調和衆於人我是非未起之時潛消嘿化此
必細心兼有大量公一向見機圓活有些善巧方便
足以勝此職也領起各職奉行堂頭教令勸發僧俗
供養十方三寶稍有外患便以一身擔荷上不驚方
丈下不累同住具此四者當家之道業成矣此皆非
公所難澹歸所以喜而不寐也程繭爲公做件衫子

亦願公如此千絲萬縷衣被叢林也

又

監寺以來賢聲滿耳此皆公菩薩行願所發現爲增
上福德之因極慰老懷矣得手書并領雅惠知倦倦
不忘山中病叟且感且愧近來已到囊底頑空境界
澹歸本來面目見矣卽令侍者以其半買燈油時一
照着只見釋迦慳不見迦葉富更須倩雲門一棒打
殺也人便寄謝不一

又

辦祭物發回蓋大師與公等深念丹霞之窮然在丹

霞亦須稍知慚愧始得乞紙復承畱念尤感新監寺出門借此殺渠水氣耳世態荒涼人情澹薄誠如來論澹歸不下山所見畧同然近來逃兵山寇聚而不散皆欲爲飯盃計若四出劫掠則我輩飯盃無不破矣世有忍饑修道之人必無忍饑不作賊之人恐有土之君侯王之佐亦未易知遣禿頭沙門更不消提起也

與非世

老僧本不欲住丹霞其放下面皮收回苦誓蓋爲法門太計今山中局面稍稍清楚更得新堂頭擔荷老

備行堂續集

卷十

五

僧死可瞑目矣藏經之請既是願力所存又關係因果不小前路無多風火相逼豈敢偷安而不行乎扁舟尚泊韶陽大師曾寄語遲一相會未忍忽然禪勸我且住靜丹霞具悉愛厚要以自家分內事不能不自家向前若天假餘年則請藏事完正復有烟霞之癖耳

與祖印

連日事冗未暇答柬爲歉竹篋子偈尙未到家幸加精進待將火裏蟪蛄一指躡殺方有共語分也別紙歷敘所見境界亦且放下

與栢巖上人

賤恙未愈暫起讀令先公行狀自是一篇好文字其中於愚意有未安者恃愛不敢不直言幸察其誠按狀云敝身覺皇希心超拔乙未諱日虔請費隱尊者爲授具戒則府君於常寂光中第一清淨位同大覺前來行履應與夢幻同觀固不足爲府君重輕矣是則一入佛乘卽世間期望真無有可著心眼者理已較然不能易也後來卻云不肖所最痛心者府君於不肖期望最深而不肖不能仰副先志雖糜此軀不足以贖大不孝之罪及述令先公所期望者一曰學

備行堂續集

卷十

五

顏子之學志伊尹之志又曰立志經文緯武存心義轂仁車如此修身砥行方堪治國齊家此乃世間儒者期望耳夫出家爲無爲法最尊最貴至於密契本心直登祖位三世諸佛讚歎功德有不能盡今兄已云嗣法平陽稱善知識而猶云府君之所以望不肖者如此而不肖碌碌半生行將腐同草木何以見府君地下則似於世間功名視之甚重而於祖師心印視之甚輕得無正信未具而有慢法之愆歟且令先公一受冥戒卽可使前來行履夢幻同觀而身佩法印者乃復有世間期望百倍負親之痛得無擇理不

精而於文義亦互相矛盾歟且所謂逃者蓋不得已而爲之詞也鼎革以來寄跡於員頂方袍實繁有徒然謂之高尙其事以節義文章坊表名教則可矣世之闡提以此名奉善知識則善知識恥之卽真正衲僧亦必恥之以其等於謫三寶也而兄亦自稱曰逃之枯禪錮於空門皆弗敢違府君乙酉七月朔日永訣之命則尊指所重惟以抗節爲孝耳以禪爲逃以空門爲錮是以出家比於賣卜賃舂之流皆不得已而爲之終不能釋然於世間期望則必罷道還儒紆青紫立功名而後可以仰副先志免於大不孝之罪

卽兄出家之心未眞出世之位亦未定得無使旁觀者生假名比丘之疑而正眼者亦有妄稱尊號之誚歟今僧風日下其所爲至有鄉黨自好之士所不爲者世之人見謂佛法本無長處徒有虛夸此吾輩所宜爲法門憂也讀兄此作則佛法實無長處矣栢巖長老名家美材有托而逃其心歉然時抱不孝之恨卽其所云第一清淨位同大覺皆成妄語祇是虛夸何者冥戒如果有靈則悟道豈當有恨若悟道尙不如世間期望則冥戒豈便爲出世津梁此理甚明決難兩立恐兄有負於法門而且無補於世諦願取愚

意詳審思之某衰病無似承兄虛懷不敢含糊兩可作秦人越人之視故直抒胸臆仰佐高深勿罪狂悖幸甚幸甚

與大集院主

海幢和尚到下院應一聞想以老僧往省城故不遣信耳然老僧不在山樂大師在山今不相聞便致樂大師失兄弟之禮卽令樂大師不在山亦應相聞於山中職事若總不相聞亦致職事人失一家師弟子之禮也兩處下院一樣疎忽皆是不關切之過特爲說明以後凡事與山中有干涉者可以類推應爲得

體也

又

大集克下院主三年十方頗傳道念凡接待往來乃佛明制福德良田宜益發殷勤歡喜之心不可卸擔聞有辭職之說老僧必不相許今因知卽上座之便預爲申明當體此意仁化下院主過三允其辭職仍不同住韶州下院主青來不待辭職遣人往代此丹霞爲法門存紀綱其去畱皆不敢苟也

與時出

一切發無明是罪過惟禪回山一路發無明乃至大

展九拜懇請主法爲多功德也乃知無明有好处只人不會用無明帶累無明不好了老僧於深源一峯有何意旨但看新和尚意旨耳禪自說疎懶便是薄福不干無才事何不更發無明一路耶

與大樹

來書已悉然在韶州時已畧見其意矣禪以六句之人出家非少年不更事者其在下院相應與否亦可自決既不必過於簡點以滋煩惱亦不必過於周旋以妨道業惟斷之以理耳山中枯澹老僧亦嚴冷若能不怕非吾所拒也

徧行堂續集

卷一

三

又

來書已悉新舊院主交盤自聽當人本念既有收支數目不妨成禮而退也十方接待祇是一箇歡喜心廣大局便是無上福田其往來之人賢愚不等或住或去聽其自然可留則留不可留則已時有不堪著眼者正以一副大肚皮包之耳青來到山令別克職事亦自有以安頓成就之也

又

下院主接待十方用度不易老僧每不忍分其心力禪此番入山多費意殊不安然衲僧福德長短所關

亦不作分外觀耳每得禪書帖無一次不及大師語兩序大樹識禮蓋今僧風逢惡則怨逢善則欺往往怨老僧之惡而欺大師之善惟禪此等心行足爲叢林標榜耳潮州行期若定當一相聞

又

手札已悉知禪獨力支持甚苦然到底不能覓人相助此箇道理與禪闡明已多徧矣自家有一半奈何不得別人亦有一半奈何不得便向奈何不得裏硬著頭皮頂去做得一日是自己一日福德之田世間人在酒色場中爭鬪場中喪身失命者何限但撫此

徧行堂續集

卷十

四

一身命在十方三寶分上迴向竝不會錯了也

與慧石院主

昨仁化縣尊送到本府行下二牌其一有房頭管事僧納牒四兩叢林挂單一兩之例其第二牌則奉撫院批有行令各屬繳回詳停止叢林挂單僧納餉一項原行不得藉此滋事之諭蓋以叢林有接待十方之義故特加優恤也本山四下院一爲曲江會龍菴一爲仁化準提閣一爲保昌龍護園一爲始興新菴皆係老僧分差院主接待十方正合上臺停止納牒護持至意恐禪住遠不知來由爲人欺騙特此通知

庶可安心無慮但宜益加勉勵使道風遠播以報佛祖之恩卽以報當道諸臺弘護法門之恩也

荅自破監院

無穀可糶無緣可化叢林澹薄不足爲恥惟逼得堂頭下山行乞爲可恥耳蓋丹霞之僧以澹歸下山行乞爲成例纔見錢糧不敷便見得新和尚沒有因緣老僧退院時預爲說破倘有如此議論立刻打趂下山此種肺腸是地獄滓卽如石吼輩鎮日望老僧還丹霞別無他意祇是要老僧做化主耳老僧坐了方丈不做化主整頓起規矩來便尋是非討散火公書

徧行堂續集 卷一

中所謂杖錫早還丹嶠得以侍奉左右者亦不過此種肺腸若真有尊重道法之心則堂頭必不下山行乞卽自欲下山行乞亦當再四懇留自己發憤向前若自己無能大衆無助捱著窮苦幫著住山合著些有志氣衲子惟道是務如今引澹歸之例憑新和尚下山便想引一拍勤修之例爭權植黨縱容些下流僧破戒毀律敗壞法門落得堂頭化些錢糧來喫了用了造地獄業若堂頭回來沒甚錢糧便一絡索道阿字和尚如何若何當日澹歸和尚如何若何一唱羣和只說因緣不重道法作此舉動黑面老漢決不

輕恕莫似世間婆娘寄些相思說話與孤老道我等不忘澹歸和尚也只似不忘孤老向他討錢公且斬新做箇好人莫學石吼等心行著實信心以不負衲僧無忝宗門爲主新和尚主張法席不得望其措處錢糧須知老僧所爲是在老和尚座下做當家做弟子事萬勿顛倒欺心將善知識做箇化主看待自悞人千生萬劫打入惡道公怪老僧但憑見怪

徧行堂續集 卷一

徧行堂續集尺牘之王

丹霞今釋澹歸 造

侍者 古止
傳湧 編

尺牘

上平南親王

間氣鍾靈英才蓋世建大有爲之業是不數見之人
一匡扶義領袖以挈羣賢駟伐申威鼓鐘而張八極
盛事難逢忽覩風雲之作餘年易送重披日月之華
未遂瞻依徒深跼踖乃者驚聞先王遽捐賓客雖乘
彼白雲自返圓生樹下而睠茲黔首共沈獨漉泥中

徧行堂續集

卷十一

二

況今釋空門三世結宇長城倦翮半枝移陰廣廈者
也所恨臥病荒丘不獲泛舟珠水虔修薄供潔上瓣
香禮無責貧力無求老幸曲赦於世諦之邊去不至
方毀不滅性更曠觀於大道之表且也戎務殷繁重
以民生顛頽或傳餐而欹枕亦操扇而投醪強食節
哀俯酬下土之望撥亂反正仰答上天之庥莫罄愚
誠伏惟睿鑒謹遣弟子古義專貢手啓奉慰今釋無
任悚仄

與馮大中丞

恭惟大護法大中丞從人天而下立文武之間發三

千歲優鉢之華搏九萬里天池之翼朱璟之節度南
海香徹梅村張奐之鎮撫西羌風清馬廐雖今釋支
離老病永懷未見之勞而嶺表凋敝軍民早慰來蘇
之望敝同社朱廉哉不限方隅每論人物謂明公且
自置於內外護法之先卽野叟宜通問於左右執事
之側瞻仰甚矣遲回久之復念靈山付囑託重旣在
王臣加以道樹交羅分榮亦兼桑梓法無高下寧有
乘車戴笠之疑理絕炎涼豈落下詔上驕之陋是用
聞名於鈴閣敢希荅響於松關里言山刻畧觀就正
之勤溪月嶺雲莫寫寄懷之遠

徧行堂續集

卷十一

二

荅新安衆護法

伏以登山得主不煩蠟屐經營擇法逢人豈免鐵鞵
辛苦揚眉便見似有夙因覲面相呈更無餘事恭惟
大護法居士人倫陶冶佛種津梁五百年名世上元
之會三交九萬里搏風忉利之門四關卽世相卽實
相兼覆有無非背人非向人全超取舍干霄紫氣拔
地黃山思所從來始信水源木末尋其向去尙聞玉
磬金鐘今釋滌器雷峯誅茅錦水癖生痼冷寸綈縛
蠶病狎奇窮斗灰縮蚓想三十六峯之秀色庶幾遇
之如一百廿歲而勤行嗚呼老矣忽承招手不覺頻

心休言住院且供看流水行雲切忌談玄恐鈍置良
猿曉鶴把尾據頭虎項下始終盡善居今稽古鸞頭
邊彼此難忘草草荒穢未訓密意遲遲春日載觀仁
風今釋臨啓可勝馳仰之至

與傅竹君撫軍

豁大歸具感護持成就之雅已畱數行於敝法第囑
其專使陳謝矣好友鄒致菴乃祖秀庭協鎮幕中上
客秀庭爲將慈和廉正第與交十七年不見其生一
事害一人取一非義之財今貧甚至不能具一馬致
菴亦因之貧甚其妻孥僅未餓死至不能具一衣項

編行堂續集

卷十一

三

附貴標之舟奉謁倘有可提攜處幸吾兄不惜多方
成就蓋好人可念亦吾輩平日所存心也發足度嶺
附此不多及

又

出嶺一年相去數千里不見邸報亦不得粵東西一
信未識起居何如恢剿大績已有成局否念之念之
頃發藏經還丹霞記得吾兄攬揆之辰作一篇文字
畧申頌禱事在世諦中而義不在世諦中蓋世諦中
人非但不能亦不知也揄揚盛美極有漏落處然使
撥拾無遺又落世諦豈吾輩所取耶

寄徐浩存方伯

月朔曾有數行以保昌別立僧戶上懇想惻隱之心
不惜護持也會重令親益悉道履勝常但仰屋之苦
無由脫然爲之歎息兵多地狹民窮財盡當復如何
韶城數十里殆無片瓦第檢白骨坐臥小舟一月餘
大兵往梧州亦被奪跟踰入下院頽垣敗壁值風雨
寒甚如凍餓於破瓦窰中庶幾與斯民分痛耳然較
之仰屋微有緊慢蓋第之苦無人煎逼吾護法之苦
則有許多煎逼也春杪出嶺請藏後會未有定期
相去益遠可勝苑結惟爲國爲蒼生珍重自愛

編行堂續集

卷十一

四

與陸筠修方伯

連日讀大刻不禁頻首快心今釋每謂作文只說得
自家意思明白痛快便休如今人只管商量左國如
何若何史漢如何若何唐宋八大家如何若何將古
人衣冠作自己面目亦太不俊氣矣文之妙者只似
說話此筆端有舌之註腳也但沒有幾箇得到此田
地讀先生之文如人欲到此田地忽然見了自別有
一段歡喜踴躍耳乘興寫得一篇請教非敢謂可以
作敘亦只要說得自家意思明白痛快而已不妨一
笑置之也

與王仲錫臬司

別來許久候問殊疎老病支離想蒙垂諒頃至海幢聞堅推憲長之請可謂特立獨行非時賢所能企及矣弟於吾兄剿賊之事極所心折每以當今節鉞之選屈第一指破格用才不可望之此際而惟利是視日甚一日有品有識者故未肯隨波逐流於此又爲心折耳偶成長律大似習氣未化然世道之憂亦不獨有位君子之憂也

又

世局雖更人情猶故丹霞乃至不能修候臺端蓋病

則懶於作書貧亦艱於遣使也頃爲大眾嗷嗷走南韶兩郡望空啓告而檀越不見能施之我化主不見受施之人世間不見所施之物直是親證三輪等空境界便還山矣然不免過計者此稱維新之時而有不終日之象蓋兵愈驕將愈懦賦斂愈繁民生愈困也各縣派米已於一年中納三年之米送過庾嶺者每石費二兩有奇至於賣妻鬻子各縣派夫已於一年中用六年之夫送過庾嶺道殣甚多至拘留軍中不遣喜亂之民挺而走險其無能者或死或徙卽如丹霞所有薄田佃丁逃亡拋荒強半則徧地情形

大槩可見若章貢不下轉輸之役勢不得休又豈待其君子化爲猿鶴而小人始化爲蟲沙耶出世間之饑飽常視世間之安危深山病漢坐而待盡理有固然不知當路諸公救民水火者何以解此益深益熱之苦耶吾兄以菩薩心肝具救時才畧久有悲愍之懷輒因風便聊寄數語然今日挽回之權不在文吏亦不由臬司卽方伯公仁心爲質仰屋難籌亦僅可付之無可如何耳放筆太息幸勿爲外人道也

又

僧還得答教具審憂時念切天下事未有可言而不

可行者其至於不可行則權籍不存也使吾兄提衡數千里獨行一意必能爲予遺解倒懸今託空言於一世并不獲息勞肩於一身此苦豈堪與彼蒼共訴乎禿頭沙門祇顧一鉢一鉢此牀故與世人共安危此鉢亦與世人共饑飽山中病叟於寂靜中彈指歎息依舊不出一牀一鉢之見耳大集快讀樹林水鳥聲中忽聞橫空天樂雖無薔薇露濯手然香清茗潔之餘時一啗之未爲唐突西子也

又

南雄晤白令親謂奉候不遠今乃不下南海而出西

江蓋事理宜然耳粵東非卽安之地每恃吾兄爲江左夷吾然權籍不存爲復奈何人事十分抵當不得天意一分天意十分挈帶得人事一分乃人事之一分十分早有莫之爲而爲莫之致而至者吾輩亦盡其在我而已知道駕常過海幢共話以超逸絕塵之姿探沒量大人之道豈復有讓昔賢一聲霹靂豁開頂門有此消息不妨垂示使我聞而起舞也客冬寄惠甚愧重疊并此陳謝

又

聞有愛子之戚至情難割幾於痛不欲生未能奉慰

備行堂續集

卷十一

七

爲愧父子之恩故是世間深重然實一期之緣短長多少皆如幻觀耳吾兄盛德坐享三多理所宜然然孔子大聖止一子伯魚先死惟一孫子思更無第二孫吾佛止一子羅怙羅七歲出家亦遂無孫玄真子紫芝翁皆無子不可謂皇天酷罰況吾兄尚有公郎卽以孔子自居未爲報施之爽何必區區銜悲無已乎吾兄自視此身當有大於愛子者幸勿過傷以招陰陽之患也頃出嶺請藏并此告行不敢言別蓋未欲與梅關斷絕策杖晤言應有後期耳

答陳階六參藩

至嘉禾請藏事訖卽擬走山陽奉訪話四十年契闊病於吳門復過雲間盡力討得鉢盂兩度濕以此蹉跎忽得手教如從天而降喜慰無量大壽自當躬賀然竊途殊費經營幸且見寬小古文率成一段白話仍是舊時頑皮故態閱之想爲絕倒耳頃又去雲間矣腳跟無線長被俗漢擲揄道是老困風塵今將赴黃山之請聊以遮眼若此緣不就則淮揚一帶皆吾風塵中之一塵也或徑來作月餘盤桓亦未可知但以口腹累人更莫預生厭倦拙集俱盡此一部原留以奉獻者謹附來使馳納雅贐拜登寸片莫展旅次

備行堂續集

卷十一

八

如洗并望垂諒

與戴怡濤憲副

前讀大集卽擬題數語於後以賤恙遷延近來空山無事輒復抽毫自訓宿念荒落久矣殆不成章然未敢自匿其醜非謂足以發揚萬一亦見論交好學之懷雖老病尚未衰也聞高涼有變吾兄吉人自不墮此塗炭未審借才復在何地乎監寺還山具述愛厚倦倦益深感佩拙集不應問世諸及門爲災木之舉正是叢林抄化資糧耳遂損廉橐良以增愧風便暫謝

又

答教至山具審起居如宜展誦之次涼風透腋暫若披對可勝慰仰吾兄於吏事煩劇中寄託蕭遠時露出塵之資所謂自是君身有仙骨也拙詞呈去豈免布鼓雷門全集刷成自當續致特以覓紙稍難尚需時日耳黃參頌惠乃近來希有之物此真意重如山矣今歲三春未成一字承示爲苦思添津正恐孤負不妨向看病福田迴向也茶笋獻新愧不能佳

又

拙集刻成第卽度嶺矣丹霞道場已交付敝師弟樂

徧行堂續集

卷十一

九

說和尚卽囑料理一部寄呈此番出嶺補本師老和尚七十大壽兼了藏經之債捧藏而歸當策杖奉謁作無邊際劇談未知吾兄有此閒工夫否只弟退院老僧了卻此二事除卻閻羅王來請更無一刻不閒也倚舷草草未能盡所欲言惟祝順時珍攝爲嶺海蒼生自愛

又

出嶺匆匆未遑謁別但有依戀入春伏承道履勝常佇聞殊耀以慰遠懷謹因棲賢化人之便端勒奉候并有懇者江右諸郡南康最貧南康諸山庄廬最貧

匡廬諸刹棲賢最貧積此三系之貧而敝法弟角子禪師於此領衆結制東坡滑稽日供糲飯幾使沒毛驢盡作溝中之瘠亦仁人君子所深愍也一麟際朗托鉢嶺表尚恐遠水不救近火弟爲發告急之書幸吾兄稍損廉橐以救之貴屬縣中有可勸導者更賜數函先容俾之滿載而歸起死肉骨真大功德主也旅次未盡觀縷近作橫卷聊克一刻之談

與曹秋岳侍郎

昨敬老兄顧具述吾兄高誼欲爲弟覓一靜室翁振老云有一處現成甚便擬與吾兄相商別後思之賤

徧行堂續集

卷十一

十

性隨寓可安出家以來惟三寶叢林事乃上緊耳此何等時耶卽吾兄近來拮据艱難之際弟豈不知若以一身便安而致護法費累非道人心幸且置之弟料理藏經乃是正意倘得完成去住亦尚未定自可從容斟酌恐諸公以好我之故急於倡論先此奉聞惟察其真切

與查王望給諫

臨行爲筆墨所累竟不得抽身面別至今猶歉仄也委作令先堂太安人傳已落橐書橫卷專遣侍僧齋納衰老廢學無以發揮盛美不足存也名園題額輒

作兼山兩字并一跋請正亦有少許佛法奉贈
吾兄四威儀所自有也何時更續賸言臨牋悵惘不
盡

與戚朗園給諫

衰朽無似過承護念傾耳則風生四座捧腹則香流
七日所謂分外之樂不易消受者也席間雅論不欲
使老年人有奔走之勞此種至情滲入五內纔一舉
起便覺玉山座上大似靈山儼然未散耳頃赴桐谿
石門舊交之約仍還郡城遣侍僧走崎亭所領圓滿
淨檀率勒荒函奉候起居此後三吳山水任意遨遊

偏行堂續集

卷十一

三

興到相尋尚可更圖傾倒耳

與黃伯和內翰

昨承黃山之招遂有率爾之興蓋以公函鄭重不暇
致詳比聞八水禪師在彼住持八師爲一方知識臣
徒領衆歷有年所諸護法別請今釋而晏然受之是
驅除八師而攘其院也日來諸方頗有新舊住持爭
一院子鬭諍不休爲世間有識所笑今釋恥之豈宜
身蹈覆轍以違素志謹再拜辭謝惟道兄知我愛我
以德卽爲鼎致貴鄉諸護法立止此舉以安愚分眞
護念菩薩矣至今釋衰病日深飲食不進行且湍先

朝露有辜付託盛心卽八師不住亦請另延名宿無
使佳山水勝道場遂致凌替以重今釋之愆言出肝
鬲千萬照鑒不宣

答李研齋內翰

臥病嶺頭日與寒熱爲伴侶出關請藏不覺濡滯得
山中信知台駕暫駐河頭若未能趨候徒有悵仰承
示旣已了悟則今日之澹公和尚必不迷在昔之道
隱先生殊不知今日之澹歸已迷澹歸豈有在昔之
道隱更見道隱者且共置之不足復道也賤恙未愈
稍俟秋涼縷縷不盡尙容續布

偏行堂續集

卷十一

三

與徐健菴太史

寓跡半塘遂踰五月重荷護持稠疊感不去心衰年
恙病腳氣方劇瘡鬼復侵精血愈耗昂噎漸作顧此
頽累知不可久已決意還廬山歸死於叢林師友之
手藏骨晉同不更占檀那寸土矣前承高義爲住靜
勸導今旣理行策不敢過費淨檀併致鹿公收回題
冊惟是種種法愛於龍華會上別有消歸老僧薄德
未能仰報但有沒齒不忘而已本圖晤語病不得前
專此奉聞臨箋馳結

與陳長卿太史

頃來珠江卽入雷峯候本師老和尚數日當還
聞阿字兄與張葵老同行月內便到更一俟之盤桓
數日卽返棹矣奉違許久擬一晤言然不欲更入老
城想吾兄深悉衰年減事之意也賤辰過辱佳章錦
帳之錫尤非薄德所堪拙詩志謝并以志愧幸教正
爲感梧州詩偶得之敝篋中在家時藁皆散失此出
家公據也災木未爲分外并奉一笑

又

承賜問一詩用十灰四支五微三韻古人有此體否
古人竝無此體蓋自唐以下用沈約韻我太祖以其

徧行堂續集

卷十一

三

音不正特命宋濂諸臣改訂仍奉御裁刊爲洪武正
韻一書頒行天下凡館閣制作皆遵之第所作詩用
正韻者十之九或與同人唱詠彼用沈韻因而次之
未嘗自用也此詩在沈卽爲三韻在正韻則一韻耳
學士大夫不可與莊語沈韻本出吳儂元未確當祇
因唐以詩取士以此爲禮部韻有出此者不得入彀
亦如時文之用朱註倘自具眼目豈真奉爲不刊之
典其靡然而從之者直以利耳太祖雖改正然不以
詩取士不以出韻爲之厲禁卽以天王之尊無由責
臣子以同文之義蓋利之所不在卽義之所不在也

山人墨客以詩盛於唐稍乖沈韻便違唐體其悍然
而不從又以名耳名利之所趨狂瀾東倒真是眞非
有所不能障大抵如此第素不喜沈約之爲人又不
然其韻案頭不復置之蓋當吾身而爲詩既不與唐
之人爭進士之利復不與今之人爭詩人之名何苦
而不用正韻卽使世之詩人共相嗤點不過斥其詩
不選斥其人不比數於靈徹惠休之列而已復何苦
而用沈韻耶孰見成癖久已忘矣忽因吾兄下問輒
復抒寫以報想閱之一笑爲狂奴故態也

又

徧行堂續集

卷十一

四

出嶺亦欲與吾兄話別然不欲更至珠江多一番應
酬也丹霞寄到答教距度梅關已閱一載雅懷篤摯
復損腆儀感忤無已拙集獎許過分第於四子亦與
吾兄有同好蓋有一二分相似非能得其全也似處
近於四像不似處便可謂之四不像矣衰年多病怕
住道場近來做堂頭大似道場一隻守門犬卽在門
裏喫一碗飯也須幾回搖尾沉門外耶若有力亦
欲翻轉面皮挽回末俗爭奈年運已往且打箇筋斗
轉來再作商量耳藏事已完隨風遊戲南北東西腳
跟無線晤語之期正自杳然丹霞僧歸暫此稱謝未

暇多及

又

僧還得答教具悉道體勝常窮悴二字乃吾輩本命元辰不容卽離豈容取舍卽眼前吉凶亦非趨避所能著力吾兄以力不能遷而得免何必更向塞翁討開示耶承示令孫聰俊極爲喜慰世濟盛德固宜有此爲高大門閭之慶也踏莎行一闕聊以應命懷中本無正錦豈勝剪裁近來欲了俗下應酬一近體乃至竟日不成大可慙笑吾兄憐我五無詞豈知賦此一無滿江紅俱黑乎一歎一歎

徧行堂續集 卷十一

五

與公綯兄

老病之餘忽得數日奉談笑皆幸事也掃室讓牀授餐操藥情文濃至如此而弟不能久住蓋麋鹿之姿真以長林豐草爲適耳吾兄比來想益精健見飲食不弱知中氣未衰若看字稍難責在腎水但屏去女色則目力自復期頤之壽固在掌握中也聞詢及拙集無力乞求辱注念輒質已刻數卷呈覽奉商也

又

石吼還山賁到刻資費吾兄盛心不少且感且愧弟一生爲文字所累今復以文字累人豈非造孽然結

省所驅要不可避徐文長身後乃得袁中郎發揚而第於生前便有吾兄授梓較之古人所遇爲過幸矣頃已完二十六卷尚有十六卷畢工後先刷以呈聞卷時定有一片化主柳鈴聲震耳乃古今文集中所無不妨另闢一世界呵呵

與黃端四內史

久不修候每以疎節自愧伏承尊目全愈此大慶也弟老病不堪扶策日與藥爐爲伴一箇叢林百餘癡衲子殊難支應輒欲棄去卻於寂寥枯澹中得些太古風規山鳥呼更松濤蒼響又有條然之處覺甘苦之味亦自相去不遠耳人便漫寄以報知己山果少許并克空山一信諸惟努力安攘遣我餘福

又

耕市震驚則山林亦難安隱所謂世出世間無二相也承示病臥中猶視簿書吾兄以爲絕奇事弟以爲極好事隱權說中具述二種功德弟所相期不淺粵東民困已極吾兄於簿書中時出救人手眼豈非世界之大幸耶武夷茶清河參皆遠道難得之物高誼下頌慙此衰朽比於東坡所得扶劣膏抑又勝矣感謝感謝

徧行堂續集

卷十一

五

與汪漢卿水部

衰病之餘又得幾番談笑皆此生難得之事以後或斷或續總付之前緣矣此行識朱監師知兄領服不虛公綸云監老頗惜弟入了佛法中弟又惜監老不入佛法中彼此相愛誰當放下弟做過儒來監老不曾做過佛卻須放下呵呵廿一史已致之鑑湖矣此是熱鬧東西硬差排他到空山裏亦不甚相應然他在世間都置之高閣與空山亦未始有異同也人便輒寄茶笋少許

又

徧行堂續集

卷十一

七

七十四歲六十四歲同閱此苦世界吾兄早出世十年多十年太平之樂此後大家再活得一二十年亦恐不見太平則澹歸便輸與漢卿矣杞人天墜同塵此憂然當其未墜憂固無用及其已墜憂亦無用到不如癡漢子日裏三餐夜裏一覺落得些便宜也

與吳孟舉中翰

語谿十五日獲傾倒於吾孟舉自謂得未曾有別來尚有朝霞鮮采映照目前也黃葉村莊一詩纔落半葉爲應酬所隔頃來續成請正工拙非所計亦見茲遊之不可忘而已

與張皜亭中翰

侍僧還得答教以白衣菴藏經見託攜歸不欲錯因果虛功德具服護法至意前所以不允頓覺之語蓋以其心行不實既欠經坊債又欠旋法師物未還恐致貽累若仗鼎論與之結絕則亦不敢不任勞也丹霞藏經已得圓滿前貴鄉題數尚有未收者可移爲白衣菴藏經之用今釋非借題撈摸之人此在吾兄主持分擘耳卻有一案決須辯明者頓覺指稱敝法兄阿字借渠藏資二百金數千里外無從質証乃取其所寄白衣菴及海幢之書拆而觀之其與白衣菴

徧行堂續集

卷十一

八

主書云謝澄波所借分毫丕吐張賢若不知去向高州緣已成畫餅海幢和尚在金陵所目擊者竝無阿字借銀之說其與海幢書但稱世態艱難苦力數年方得成就絕無借銀致累之意并無此間尚欠經價之說若海幢果欠渠銀正好借此間欠債索之速償何乃一言不發耶阿字兄與其師祖契厚愛屋及烏託重於令先公本出一片熱腸今反得此無根之謗且此藏本是令先公成就書中竟不一及以慰阿兄之心不知渠更欲將此項錢糧開銷與誰氏之子耶憶渠於壬子初冬至丹霞口稱張謝二人許爲請藏

領袖不知其能踐約與否今釋語之但辦志誠自有緣法特示以偈有莫看張莫看謝白向衲僧看活計之語且爲渠撰募藏疏文渠不出此則到平湖沈融谷諸公處妄稱丹霞請藏索其薦書或見與丹霞無交者便稱海幢請藏及聞今釋欲來貴鄉始至郡城一見卽面詰其虛誕稽遲之過渠便欲將藏經交付今釋載還而自在化緣清楚旋法師欠物今所寄海幢書卻云卽欲回來因丹霞和尚留待明春又聞其語護法云丹霞和尚留我做執事今釋一行十餘人支持日用正爲棘手且未有一把茅作度夏計有

何職事須留渠做渠指稱今釋云云無足重輕所可歎者阿字兄以好心成就而渠報之以誹謗不忍不爲雪屈耳今將渠手書送覽幸與願老漢老共詳之則數千里外無從質証者渠自向業鏡臺前獻出肺肝矣頃發侍僧往吳門探船歸卽料理行計彼藏附去惟速賜璧書勿再蹉跎法門中自有規矩今釋已與此人絕矣兩書閱過發回當仍寄去并錄今釋書白之嶺南大眾耳

又

示及聖法垂秋種種不如人意思之但有慙默真可

浩歎吾法中只許實頭做花子不許虛頭做光棍此如來至淺至近方便之門其如人只愛做光棍何此種僧亦自不少但我輩力能教誨者不忍放過此外亦惟慙默各盡其心各修其身而已

與史庸菴太守

得荅教甚悔不覓一晤言然幸而不死終當有扁舟奉訪之日也吾儕老矣四十年間值此兩亂無論民生之苦不忍見聞卽此一身在風濤震蕩中但靠著柁工耳僧家干係輕做官人干係稍重吾兄兼有骨肉之痛旦夕情味料亦寡歡然如夢如幻境界替他認真不得許多也文老挈印而歸便無罪可坐若要

與李謙菴太守

還山晤范令君談及開罪原由甚有悔心蓋地方士民公呈訴苦屬在兵火之餘不得不爲申請而道臺輒以詳督撫奉此嚴行其實省郡城垣大兵芻豆皆係軍公無損於守而適以重令之過則道臺非惟不愛府正自不愛縣也范令年少質美然於吏事未練豈免疎忽之咎願吾兄勿遂棄絕開導誘掖使卒底於成蓋下屬有過爲上臺者不賜督責而與以包涵

加之培植則其感激更自出於尋常萬萬想闊達之才容忍之德必於鄙言有水乳合也范令曾有一稟不妨裁答以安其心古人使功不如使過用親亦可用譬況在屬員不出爐錘之間終歸桃李之列者耶專此布懇不盡

又

丹霞僧至具知福曜已歸韶石此大慶也近來事勢頗無芻掣之肘可以展布自如則六邑之民皆襲冬日坐春臺矣第自去夏請藏事竣即病於吳中今春幾至不起頃雖幸存視息然形神已離恐不能再入

徧行堂續集

卷十一

三

嶺與吾兄續高齋夜話之樂也拙集承大序光壯置之廣弘明集中不特丹霞增重即天下法門無不藉峻極崑崙而增重矣謝樂說做法弟近況殊澹薄幸時加護念勿令十方大眾失所如弟身受切祝切祝

與陸孝山太守

春初別來便過三月頻聞起居安樂爲慰藏經仗底已於初四日遣行此後幸無一事然筋骨俱敝矣體中極不佳正如馬羸尅路不覺勞苦卸下鞍轡則通身病發未知何處有潔淨水草打得幾箇好滾也頃

即前去隨路遊戲討飯喫過時念與吾兄相見之期杳難自定若北上非遠則蘇常一帶或可續圖傾倒耳貴鄉諸相知恐添酬應故不走別想察此意

又

竟不復與吾兄重見緣自有定不可強也然生於此館死於此焚賢喬梓行慈於不可報可謂深且遠矣地水火風有聚有散乃一定之理兩腳捎空一絲不挂正可與鳶飛魚躍同觀也珀間金剛珠一串聊克遺念幸保練自愛諸不多及

與姚嗣昭太守

徧行堂續集

卷十一

三

別駕登臨江山增勝惜匆匆別去不能作信宿之留入夜風雨念此泥塗展轉不寐豈特欸待簡畧抱愧無已耶計此時還署得無勞苦敬遣侍僧代候台安小詩卽事識一日之勝存爲山門佳話并錄請教前懇免荒寺差徭令庄頭具呈上覽幸賜特恩批免想知愛之深護持之切不以爲分外也第每見菴寺有田其桀黠者與百姓同一當役同一比較大爲法門之玷而山野之僧畏入官府一聽里胥科派力不能及至於逃亡并菴寺俱廢時切痛心今但爲自求尚無長策以救同病亦覺有愧吾兄智慮過人能於此

中留神一裁酌乎大抵三寶事全恃王臣若宰官有才力身當其任凡可主持常爲加意此則靈山付囑所共讚仰也恃吾兄善根深重輒復及之

又

客鵬仁化風鶴之驚時聞後得雄州捷音殊慰遠懷布置機宜想亦勞神不易未能躬候但有馳仰山中窮到極無聊處又爲預徵取遍兩縣田糧每年上納不下五十金皆弟下山抄化所辦今老病不能奔走來路俱斷若賣穀則食米不足若借債則利錢更多料理既難躊躇甚苦未識吾兄能發慈悲與同心斟

徧行堂續集

卷一

三

三

酌爲弟解此一結乎僧家了卻官糧夢醒俱安但得一碗澹飯卽其餘用度不敷可一切聽之也

與魯謙齋太守

高才美政藉甚三吳傾仰之懷故非一日乃者寓錫貴治而未敢晉謁蓋不欲以物外閒僧煩邦君之酬應也農山侍御傳語下交雅意亦復逡巡未敢遽前向苦腳氣近患脾疾衰羸極矣宰官多冗不欲以龍鍾之狀候見公府爲世間傳笑此亦嬾拙自便而已復聞有以緣冊奉干者益爲傍皇裏足此冊健菴太史欲拉吳門同好相留住靜第決計去吳門卽囑首

事之友置此冊無事甲中乃於此地不相謀而相賣殊乖本念頃受黃山之請現成院子不費經營豈可復藉健菴之重言作結茅之妄語騙違因錯果之緣造欺已欺人之罪伏請道翁一筆勾卻永斷葛藤始爲相愛相成是我真心護法耳兩詩呈教直抒胸臆無一飾詞素扇無華料大君子非責華於野人者也草率披露并恕唐突不宣

與朱葵石太守

乞食自活乃僧家分內事然道人之心初無固必昨承施米一石得過且過瓶將罄時又問一兩家若秋

徧行堂續集

卷十一

五

五

老歸來更尋舊約無不可者老居士年尊德邵而以此重累清神此豈所安耶前偈謹已註銷幸察其誠勿復挂懷也

又

昨晚同安來會復有從吏吾兄爲楞嚴再請之說未知賤性僻執不迴徒增此一番勞攘無益也幸聽鄙言勿爲所動弟或可暫寄郡中稍慰晤對若必作此不知心不近情之事則住院啓便是逐客令矣吾兄誠心愛我其忍爲之特此再懇天日在上萬惟鑒納不盡

答徐英伯郡丞

聞題任桂林郡丞雖未足大展驥足然萬里之程從此發軔殊爲慰藉來示借以脫殼具悉雅尚竹君勞苦行間吾兄情難坐視目前事爲之馳驅不妨炙艾分痛第所心許吾兄及竹君者不獨以才思之敏亦愛其器局之大他日竝駕爭先尚擬一拭老眼看雙鵬同搏也急欲出嶺承海幢見留助印拙集百餘部爲請藏之用坐此濡遲然亦省嶺外許多仰面之力爲愛不淺今行矣一詩寄意承推愛及丹霞新堂頭尤切感佩一切護持無忘靈山之囑當有不俟弟

徧行堂續集

卷十一

七

歸而特地莊嚴有過於疇昔者始爲真與吾兄格外相見耳

與池儀伯別駕

初聞擢知崖州意殊未信侍僧歸得手教始知其實復爲歎息州雖五品大夫然其體與縣令等此任在他人爲墜在吾兄不可謂非屈也但借此脫去韶陽未爲不可耳偶成辟地說一篇不敢稱賀此意亦惟吾兩人自喻不足爲泛泛者道也相別頗遠未知何時更見欲扁舟奉送賤體極不佳亦恐重費酬應輒遣門人代致區區想不爲訝發下書院帖領到令介

龍院主常加照管當不致委之草莽尚恐郡邑諸公有異議者須從容料理以成雅意也

與周文山別駕

不相見久矣聞道駕在端州恨不縮地已有相期同溯連江者老病恃以安枕且徐圖晤語也吾兄既脫虎口挈印而下較之身陷粵西爲人臣而懷二心者已大逕廷矣豈有悒悒不自得者卽吾輩生當此世無論做官不做官皆是苦人旣無所辭其苦亦須向苦中偷些快活勿自致悒悒以增陰陽之患也庸老亦在苦境朝夕相對說苦正自不惡但無許多苦可

徧行堂續集

卷十一

七

說耳弟連年大病皆死症也復得視息人間只爲苦趣未盡秋深無事大家傾倒一番便算作苦盡甘來之候不知有此好緣否

答朱天然明府

瀟灑人分中俯就徵辟拮据危疆此自救世熱腸所發菩薩現行皆吾佛所悅可也卽吾兄於竹君親友情誼亦宜有不應忽然者來札有秋冬請致之語幸且放下率題一詩奉勉出世人勸人用世雖似自語相違然世間判吾教爲冷門亦大不著痛癢俟功成身退掃石共話時乃和盤托出也臥病嶺頭幾兩月

本行矣請藏入嶺想在明春晤語料當不遠方州清
苦損此遠惠殊非薄德所堪正在征途未能自外敬
留荒城陳謝餘惟珍攝為萬姓白愛

與何鳴玉明府

初任事冗不更盤桓頃還山休夏亦不敢至曲江作
熱客也日來整頓衙門想有頭緒舊令尹交盤已畢
乎近來此事遂成苦海求其彼此大雅不羣者難矣
前諭施鹽幸不承領昨入仁化江值埠主盤鹽既無
所獲乃至開箱發籠嚴行搜索亦大可笑子瞻以餅
中見粟紙包中見錢為比今乃知有箱中見鹽者聊

徧行堂續集 卷十一

奉聞博一撫掌也

又

蒞任以來仁聲盈耳為之喜慰人生富貴受用不過
數十年每見殘民以逞者忘其業果隨身之苦第雖
世外人談及官做好官者便如宿契此非世諦蓋是
佛種況吾兄與翁為法喜之遊者乎小敘一篇書橫
卷為攬揆稱壽以志傾倒之懷非獻諛也

與李雪巖明府

昨承頒示府牌具感護念至意謹閱先一牌則五款
通行其第二牌則專為停止叢林挂單僧眾納餉也

僧有二種不受戒不參禪不請善知識闡揚佛法不
接待十方其於檀越所施祖孫父子相傳自用謂之
房頭僧能受戒能參禪能請善知識闡揚佛法能接
十方其於檀越所施與十方僧同用謂之叢林僧十
方之以修行至叢林者生則同養死則同葬有則同
逸無則同勞去來自如主客無定故住叢林者謂之
挂單取其不住不著白衣被蔽形而外私有畜積則
羣起而誚之故叢林僧無有不窮也蓋仰遵少欲知
足之訓遠符大道為公之風此會城諸當事特加軫
恤亟為停止耳荒山托庇宇下現是叢林恰在後牌

徧行堂續集

卷十一

天

停止之中庶免大眾抄化之累詳味憲行可謂深知
吾法門差別不負靈山付囑者正當以一瓣香為護
持正法廣大功德加慶想吾道兄應有同喜耳久病
未得晤語頃以供眾維艱擬下山托鉢乃菩薩行
願所不容自己者奉謁台階俟之歸日一箋博笑在
知愛前非家醜外揚之比也臨啓馳仰不盡

與余天木明府

奉違芝宇遂已改歲仁風及物應與春日俱長矣去
臘曾於下院度一鍾姓老民年已七十有六蓋為
子不自破碎其家一身無靠弟以慈悲之故許以

髮藉十方粥飯之餘終其天年今聞其逆子投營而逃復遭牽累護法已洞察其無辜矣然事關跟緝則人懼株連未經審釋則後患難測風燭殘生淹繫日久瘦死幽室情尤可憐伏望大君子特與超豁立案使在家破家之冤孽不貽害於出家無家之老親不特三寶蒙護念之德卽維持風教亦於是永賴想高明不訝其妄瀆也臨箋虔禱

與丘貞臣明府

貴郡晤言屈指遂踰十稔山雲江月時塵夢思手教忽頒披讀之餘喜慰無量滇池初沸人稱故國之旗

弟卽辯之蓋取六詔戕共主皆此公也世豈有項羽而可復爲義帝發喪者乎佛法世法同條共貫釋迦如來亦不曾許人者邊那邊到處倖逆傳撫軍受康熙再生之恩盡心無二亦是本等況與永曆之讐爲難此弟所以亟取其擇義之正也偶因示諭輒此剖析初不欲使傍人聞之想高明者於彼中一目洞如觀火耳

又

前寄數行於不與周人已有同見得來書猶似介介於出處之間何也世間無不變通之理爲貧而仕古

人不以爲非況兄負經世之志有人民社稷之寄苟能濟人利物則一身出處可不計也華夷二字乃人間自家分經立界若同一天覆則上帝必無此說亦但論其所行之善惡耳吾法中非無因果然自起曹翰李林甫秦檜皆墮地獄受惡報未聞馮道趙孟頫輩以不能高尚而墮地獄受惡報也但願吾兄居官不忘爲民父母之意於催科刑罰中寬得一兩分則民便受真撫字實教化之惠孟子不云乎民之憔悴於虐政未有甚於此時者也若有聖賢心胸亦應具豪傑作用決不拆獨木橋坐冷板凳做自了漢而已

弟常云天下有道則見無道則隱只是篤信好學守死善道之流有脊梁漢子天下無道纔方出現既有道了要你出現做甚麼所以上有堯舜下有許由上無文武下有孔子許由若見只當得一隻鳳凰孔子若隱便成了縮頭底龜鼈豈不可恥澹歸爲此說不是解嘲祇是要有心肝人著實幹些濟人利物之事如莽將軍有仁義於南韶南韶之人至今頌美不去口不可說渠不是中國人便抹殺了他也其二詩所感慨皆漢兒事凡弟之所是非從民生起見不爲一身出處起見併不爲一國土內外起見此爲天道此

爲聖教高明以爲何如示及荒山諸事一一與野老
照應最爲感激丹霞一坐具地是弟半生心光所凝
注卽今不住丹霞交付與樂說徹法弟乃是弟心光
凝注之至深至遠者明教嵩禪師上書於宋仁宗有
爲道不爲名爲法不爲身之語仁宗大加獎歎當時
宰相如韓富諸公無不折節相交卽排斥佛法如歐
陽永叔亦爲之傾心蓋其行履處明白正大如青天
杲日故也弟料理丹霞道場只是菩薩道中極小一
事然決不敢如齷齪輩計得些錢糧便爲自家養老
長子孫之計惟念念爲闡揚佛法成就修行公之此

備行堂續集

卷十一

三

道中賢者而已無所與焉亦非向人討好名目但得
吾兄及諸相知識此一念護持樂說比弟更切幾分
則鏤刻之私直與靈山永永無極耳

荅蕭簡菴明府

豁大回得荅教具悉避寇艱虞近狀殊挂老懷然吉
人後福久已信之矣開疆展土彼此爭衡豈免危險
譬如自己種殖當暑雨祁寒胼手胝足時亦自見得
十分辛苦到收成了喫自己辛苦種殖底東西較街
市上買來底卻有十分滋味也

與范憲遠明府

待僧行值水漲昨始還山已索得謙老荅台臺一束
繳上大抵地方利病越府而詳道便與揭報相同居
士於此事亦宜一引咎耳爲縣令而欲愛民須與郡
守相合若有一參差則事事皆成隔礙決不能行其
志矣太守公練於吏治此後幸虛懷與之商量若縣
庭稍暇不妨命駕躬申謝過之意開心見誠彼此無
絲毫芥蒂更作一相知未爲不美也

與朱廉哉明府

聞地方忽有異變旣已殲厥渠魁一切惟寬大處之
俾反側自安爲佳此際爲民父母須一意撫循勿結

備行堂續集

卷十一

三

黔首之怨始可靜耳然此等議論早已笑爲迂腐旣
釀患於不迂腐而仍歸咎於迂腐聖賢之道宜其終
不可行矣

又

劫運如此亦只付之無可奈何示及放手中流任其
所止而休焉絕妙此在心上討耳若在境上討終不
得休也弟於世出世間吞過幾許辛酸苦汁今雖爲
丹霞所累亦比世累稍輕卽此便覺佛恩之難報耳
又

兩得手書知吾兄無意於復任然愚意與其在粵東

得一進步不如出嶺外守一退步之爲佳也局外旁觀有此閒話不知有當於高明否客冬在淩江日望晤語至韶陽始得確信弟已將丹霞方丈交與樂說大師偶然有檢白骨之事事畢使往貴郡請藏矣子蓉相期同行然亦未可必出家人行止極鈍滯然當其決絕時往往有撩起便行之槩也風便率寄有報章不妨詳示近況以慰遠懷

又

別後賤體徐徐向愈今雖未復原然衰年豈能更復濡滯已久不能候吾兄之歸也冊頁落筆爲題三幅

徧行堂續集

卷十一

三

博笑素不識畫但取其偶有合意者題之合不合亦各隨人意耳不有當於此必有當於彼也請藏了或自送歸或不自送歸皆未定平生喜行不喜住或更入嶺與吾兄同出嶺事亦有之揀得一箇老頑皮隨處死隨處埋腳頭腳底不妨天空海闊耳

徧行堂續集尺牘之三

丹霞今釋澹歸 造

侍者 古止 傳湧 編

尺牘

與劉煥之總戎

老病漸覺人事之繁大抵不耐俗情正是習氣耳閱舊扇惘然如此種子在彼時已抽條布葉亦怪不得如今懶散也承教卽照樣錄去吾兄心眼裏常有此詞豈免天地間孤立之歎乎

又

徧行堂續集

卷十二

二

同舟劇談五日乃結契以來所未有之事可謂至樂別後出滇陽峽次早發興遊碧落洞玲瓏壁立劃然門開其中飛泉迅流深不可渡悵然而返此地舊稱到難今真怪其難到矣蓋春水方生山靈亦如設險且俟秋深重約登臨之伴也是日歸舟卽雨還山雨益甚山水衝激佛殿右廊倒塌韋馱殿後地基崩圯落下一場愁悶右股復生一疽痛楚半月餘尚未収口苦人得意外之樂便有意外之苦以酬之此理固然不足異也車騎至連想益清適盛德所被地方枝寧則吾輩相見之樂亦尚可續正恐費吾兄許多調

劑苦心耳然此時苦心亦不容不費費盡苦心皆分內事吾兄盡分內之苦而吾輩成相見之樂俱非意外料足以慰此至望也五月間阿兄當至丹霞更有相聞風便不惜數字以知近履

又

答教至知旌旆已還連陽王事鞅掌故應如是示及瘡痍滿目未知作何收拾良用憮然計吾兄與同事諸公協力撫綏已見小康景象矣古之爲政務得人心今之爲政務失人心然有行得去時有行不去時行得去在眼前行不去在腦後渠既不曾看見便有

徧行堂續集

卷十二

二

人從傍說與亦只撇在假道學故紙堆中耳第日來老態益甚撐持叢林亦大勞苦殆非藥力所能補救筆頭子高興已減十之八九惟口勞勞未休歇也昔有告打死人命者官問打死的是汝何人云就是我官云汝旣打死如何還會說話云渾身都打死了只有舌頭不曾死此乃澹歸供狀然牙齒不關風語音時或失正亦遞得一紙保辜也呵呵拙集已刻完二十六卷尚有二十卷未完前欲相助剞劂之費不敢自外或有可措置隨便發下此集不下六十餘萬言此時筆頭子高興已減前途有限續集料亦無多蘇

子瞻云可以爲多言之戒未免心口相違第則云亦可以爲少言之資也曾語公綸吾集中有一片化主柳鈴聲震耳公綸於此亦復自克化主覺裏裏外外純是柳鈴寫至此又是一陣柳鈴皆古人所無想當爲撫掌也

又

漸登來具聞道體勝常山中大眾悉叨衣被之德歡喜無量第屢分府金益增愧荷獨是石鑑兄樂說弟皆在吾兄愛念中吾手足卽若手足此種高誼古今能有幾人其爲佩服尤不可言也拙集雖可觀亦怪

徧行堂續集

卷十二

三

不得煥之之有遺憾卻不知澹歸之亦有遺憾何再入嶺來專圖消此遺憾也正字通敘業已寄海幢矣此舉真快人意惜快意事不可多得生天地間一年作此等事一件活得八十年庶不虛過矣束裝匆匆陳謝未盡

又

兩年不聞問適以請藏蹉跎決計出嶺留數行於丹霞囑樂說弟遣僧專候以此行非長別故不言別也貴標官來伏讀手示知吾兄決不忽然於弟阿字兄又力勸大約謂是長別耳弟不住丹霞正爲遨遊之

計若無丹霞而遂不入嶺抑何視住處太重而自視太輕耶弟於吾兄決不能不相思決無不千里命駕之理請藏還決當痛快盤桓已與阿兄有成言矣此身雖多病亦不便死嶺表舊遊決有吾輩聚談之樂請吾兄候我不汲汲於此時也倚舷草復匆匆未盡

又

相遠數千里相聞要自不易伏想道體勝常時有以自樂也頃遣藏經還丹霞然筋力俱敝衰病益深矣吳中間闊數十年風氣變壞不堪入眼若此身不遽死更覓得少許典籍攜向三重茅下煨折腳鐺子以

徧行堂續集

卷十二

四

畢餘生有興相尋更與吾兄劇談爲樂但恐此樂亦不易得適來禾中竟未遇一劇談之人殊可歎也石鑑兄已成古人弟到棲賢值其造塔所惠藥資卽令克此一項矣

又

藏經還丹霞曾附數行計已入覽涉夏入秋伏承起居勝常楚粵烟塵皆成光風霽月不禁馳仰弟借榻半塘蓋有一兩樁心事未了不可與悠悠者言之立

難有人從更從震澤之縹緲峯覓數椽爲歸老計意欣然欲就之猶未定也樂說弟差僧來候因其歸卻寄拙作爲壽只寫得相思兩字未盡贊揚然朋友至相思而不可忘則其人可知矣出嶺迨一年餘討第二箇煥之不可得此真語也

又

生不愛一條椽死不愛一寸土水火兩無情老僧亦如是人謂澹歸癖求癖而得癖臨命終時又似作得一篇得意文字呵呵雖然朋友之情尙有耿耿不能忘者吾煥之耳寄去方竹杖一枝是弟近年所摩弄

置之坐隅時一畱盼如相見也吳門友人朱望子送行畫一軸意甚愛之并題數語奉寄餘惟保練自愛

與蕭柔以叅戎

丹霞別來十年如一瞬山川修阻無從寄訊素心之交所耿耿未能忘者兄耳昨六月廿五日出梅關走嘉禾請藏今四月初四日已發僧奉回丹霞矣哀年多病不復能支拄叢林已將院事交與敝法弟樂說大師一瓢一笠隨緣去住倘有茅菴佳處則掩室讀大乘經以遣餘生若無可居卽沿塗乞食更盡登臨之興亦自不惡也頃寓錫吳門邂逅千巒使君稍悉

近履平善爲慰惟精心至道勿虛棄光陰吾輩老矣相見無期數千里尋一閒僧豈有此理閒僧未死乘風遊戲忽然數千里尋著閑居士亦未可知也草草不一

與鄭魯城廣文

此回又落孫山使我失望擬更得快談乃徑上淩江復使我失望也入雷峯受戒極佳要認主人公切忌於時來時去外覓箇把得住者操則存舍則亡出入無時莫知其鄉只作一句讀也

與方大林廣文

世界如此風波二字世出世間皆不能免聞近歲賢昆玉具受種種苦況爲之慨然世豈有憎大林者特以方氏之浮名而及大林旣生其家豈免其累世復有憎澹歸者乃以道隱之浮名橫作陷穽然道隱澹歸是一是二本等分疎不下便須塗抹由他忽然殺割不成也敎慚愧有分老僧於此只作家常茶飯幸兄以如幻之觀照破身世大丈夫各有隨身宮殿寧復芥蒂其間頃將度嶺率寄數言奉廣兄襟懷元白空曠不俟饒舌直以相念之久未能忘言吳山越水倘有遊興不妨遠尋瓢笠作籬落之觀也

與朱弘遠司獄

久不聞問同此相念頃知借才司獄甚慰甚慰然此等衙門做得好則福甚大做得不好則罪亦甚大不可不慎也彼雖罪人宜起憐愍之心於飲食起居疾病多方體恤勿令禁子輩非刑勒索若盜賊入監勿令指攀平人人所以昧心爲此不過要錢耳錢有盡而業報無盡公是聰明有善根者知不以爲迂闊也承惠卽轉發令尊勝於老僧親受矣老僧決不因令尊叨公供養亦不使公供養令尊之力有所分也并語令尊使識此意矣公此後專心於孝親爲祝

續行堂續集

卷一

七

與錢爾斐孝廉

劫餘相見豈免留連竟日之談亦情所宜有然饕餮亦太多矣別來郡城正爾怱怱每念吾兄論道虛懷尤爲鮮邁文章節義非道外之物然以此自足便爲道外之人殊可惜耳一詩寄正能聽取周顛告太平乎我輩向道纔用心常坐此病三寸苦竹鎗細拈細弄卻須使一回大刀闊斧方見英雄本色也

荅巢端明孝廉

披閱手教嚴詞正義足爲名教干城儒流日下得此古道挽回末運第所爲推服吾端明不置也然世間

法不可以律出世間法出世間法亦不可以律世間法兄以世間法見責第僅爲世間受過兄亦存此世間大議論爲世間作則弟自任出世間法者固無疚於心無負於理也來札云旣不能稿死高山之頂不得不寄跡禪棲庶幾無碍此以弟爲有託而逃者耳夫域中有三大曰君曰親曰師服官死職下無敢二心與爲人後則嬰相之射不容在位執弟子之禮而北面受教豈可漫然爲之哉吾法於師敬之如君愛之如親非若世間之泛泛者世間之師誦讀講習雖不足尊猶近於道義然所以待之者甚輕座師薦主

續行堂續集

卷一

八

不過執位相扶而待之甚重第在俗時不輕與人門生一刺若無故而稱門生於弟必痛拒之出俗之後僅奉一師非心性之學不請益非大乘經不請業也不能稿死高山之頂以一衣一食苟活而稱弟子於不知誰何之人此與寡廉鮮恥與爲人後者何異兄何居之高而視之下乎兄非有意薄弟者特不信有出世法未講於師之名師之義故言之若是其輕耳今之儒者以文章節義爲至極談及心性則推而歸之於禪談禪則指爲異端聖經不云致知格物耶中庸不云天命之謂性耶孟子不云盡心知性耶吾法

之師弟子親用力於致知格物而以明心見性爲歸
非誦讀講習從事口耳者比卽三達尊中兼爵與齒
不能有其二以慢其一而可僅目爲寄跡乎第少年
時素不信佛自流寓辰陽閱維摩圖覺楞嚴諸經始
知慚愧謂佛法高妙如此何敢不知而妄加謗毀便
超然有出世之意特以狂心未歇得金吾一頓惡辣
鉗鎚乃歇下耳旣落髮後欲依文解義自作修持渺
難著力乃尋善知識入叢林行苦行下手參禪十六
年而始灑然有自肩處眞見今之儒非孔氏之儒今
之師非配君與親而竝大之師也蓋執位爲上口耳

次之心性之師滅跡盡矣第出世不因節義不敢以
節義自居亦非謙也節義者道之因時而見之一端
耳來札云有界限者地道也無界限者人道也無界
限而有界限者性也命也天道也專以性命屬天道
則地道人道遂爲性命之所不攝耶天道地道人道
也有界限無界限也無界限而仍有界限也皆吾性
用之發現而不可實指之爲性此不可不知也來札
云人處世間不過滄海之一粟而七尺之軀歷萬古
而莫之朽然此乃吾性自然之體非精誠所結菩薩
之精誠結而爲道力衆生之精誠結而爲業力善衆

生有善結惡衆生有惡結期響必獲因果不移心思
才力併歸一路此謂之志不謂之性修行道中理亦
貫純然世間法而雜於出世謂之不純出世間法而
雜於世間亦謂之不純又不可不知也來札云天道
人倫不可一日離人倫則五倫矣畢竟以何者爲天
道若天道卽是人倫何必更言天道夫天道可以統
人倫而人倫未足以盡天道復不可不知也兄所責
第重在君臣吾法門上堂說法卽以師道自居不更
居臣道卽拈香一例先一人而及兆民此乃普垂悲
愍善嘉頌禱原非君臣之禮若是君臣之禮則拈一

人之香豈可復拈文武諸臣之香耶所以明於師道
而後可以論佛法明於心性而後可以居師席書不
云乎天佑下民作之君作之師上古之時帝王一身
竝荷君師重任至殷周而師道歸於宰輔伊周是也
至春秋而師道歸於韋布孔子是也吾佛舍轉輪王
不爲而專爲出世之師開佛知見示佛知見悟佛知
見入佛知見倘能信於此道則天子之尊且當北面
膝行順下風而請問豈可區區以世間之禮相繩哉
總之爲世間法而無疵者兄也第故當推重爲出世
間法而求無疵者弟也豈惜推敲兄但存此大論干

成名教弟仍爲名教推之重之必不作是非勝負之見若出世間法兄既未學亦且不信弟雖欲進其狂愚恐亦不受未敢輒陳但願勿以勢位加於道德之上勿認節義便爲心性之全聊盡朋好一念而已前卽擬裁荅適爲俗家眷屬所撓數日無暇遂致稽遲幸高明原宥

與鄭野臣舊友

見尊銜知在竹老幕中極爲欣慰干戈搶攘非昔年詩酒清燕之樂然竹老歷經多難吾兄亦偃蹇諸侯久矣舊賓主相對亦應有可深念者想高懷同此意

編行堂續集

卷十二

七

也弟爲老病所逼歲歲待死而未可得今請藏出嶺乃還三寶未還之債譬如地方官交盤一倍清楚乃甘心耳瀕行留此於樂說堂頭寄候并大義遣興一長律請正古人道提刀上陣亦得見之若向大義頂上索高寒境界則已十萬八千矣

荅沈存西老友

兄之念弟如弟念兄八識田中熟分已久豈能一旦生疎耶茹素自是好事卻恐尊年不能久枯澹若動念時以鹹臘等物畧解之但永不殺生可也京札四函具感融谷護持至意請藏亦不敢煩當事弟原欲

以精神捱歲月了之耳今孫念母索爲題像亦是一點孝思自應更作數語以慰其意只吾兄不忍使弟過勞一種心直是宇宙間元氣若撞著少年人驅老頭兒辛苦得一絲兩氣尙嫌少在

與劉漢臣舊友

到山二十餘日強半在病中有兩法第晨夕共談東裝之事未免蹉跎吾門世外別無牽絆尙未能撩起便行況世間耶乃知斬絕二字不易責人也寄去古詩幅綾以供芥壁悲天愍人一點血性乃東土尼山西乾驚嶺所敬奉爲證聖成佛之丹頭則我輩道義

編行堂續集

卷十二

三

相勉必不出此但隨時隨地隨事隨人於自己念頭起處細加檢辦勿令走作而已弟行期不出閨月上旬吾兄往省城定在何時幸示及

荅沈融谷舊友

寓德藏七十日同人歡聚俱以不得融谷爲恨弟意正爾朝霞軒舉故自惹人懷抱耶然每自思老病雖逼亦尙未死要當與吾兄再見遲速之緣且又聽之也此行蓋爲請藏更一百日似可結局丹霞已交與樂說第住持但差僧送回藏經而已一瓢一笠放浪江湖做堂頭坐道場力所不能俱放下矣承寄都中

護法四函極感關切至意俟與孝兄斟酌乃行噫觀面不顧人情之常融谷旅食於數千里外未得澹歸一字相聞而注念周帀如此豈能不淒然心納耶

又

丈夫當乘時以取功名若年運稍往則神志漸鈍兄此舉可謂達變李德裕云好驢馬不入隊行此英雄語也欲拈弄些筆墨奉寄只今病到十分提起一分心念了不可得強作此數行便與吾兄永訣矣他時蒞政撫民之餘好行其德護持三寶勿忘本命元辰落處乃所望也餘無可言者

徧行堂續集

卷十二

三

與若干兄

菊月登堂共慶大壽今爲黑面老子見逼不能待矣力疾作得拙序一篇寫小冊請教莞香二觴以似晚香蘊幸願養天和字此遐福第一期去來浮雲過影無足道者臨牋結跂

與唐潔菴老友

臥病月餘尚未能愈吾兄長弟十四年而康健如此豈非中和之氣特有所鍾耶壽文落葉呈正比靜機作較勝然所謂極力摹擬者從議論旁見側出耳畫家亦未有正面十分法也欲持此躬祝卻恐太遲故

先納去大旱不得雨意欲就熟逃生猶未有定則奉晤之期正在不可知之日耳幅紙附繳文長則字細眼昏腳腫殊不能堪遂以橫卷代之

與周問公文學

久不聞近祉得臬臺答書知賢主嘉賓之相得爲足慰也去年以來寶安割爲兩國宅眷應久住穗城想俱安隱世事糾紛殊未有定昔人有老計有死計既老且死何計之有衰年多病活一日了吾僧家一日修持而盜賊所至菴院悉遭劫掠每有罄身避至丹霞者見之愴然同道有無故宜相共若民間追呼之

徧行堂續集

卷十二

四

苦不堪提起僧寄命於俗民寄命於吏文寄命於武將寄命於兵兵寄命於敵盡世間無非寄命者不知遣誰造命或歸之不可知之天不知天又寄命於人也紙盡且止

與丘函五文學

出家人只知自己急不知他家忙真箇是沒緊沒要然亂裏化緣大有閒趣吾兄乃能於亂裏應緣尤有閒心惟格外人於此開一隻閒眼共相鑒賞也

與陳伯恭諸文學

仁陽僻儉橫遭塗炭可謂觸目傷心丹霞與半峯同

託一山劣得無恙雖未能晤語而消息相聞亦足少慰耳警報初聞時卽諭下院主僧家之法謹守佛菩薩香燈不得妄而去之置僧越功德於草莽倘得站定勿貪小利取劫掠之餘致招物議爲清衆之羞也時出獨住閣中耐勞忍辱亦而獎之偶有所聞未知虛實卽遣侍者嚴加訓飭蓋領衆之道不敢忽畧渠昨還山自明後承諸居士代爲申雪具悉護念雅意大抵一番風浪一番警惕正足助人修行不致於平常時縱逸耳紛紜稍定尙圖話言率復不盡

答沈仲方文學

徧行堂續集

卷十二

五

三十餘年不相見忽得手教如從天而下豈可不圖一傾倒兄善病未愈弟亦以藏經事料理未完不妨遲遲蓋尚有數月留滯禾中則未死之日皆相見之緣也承示逸民錄內列賤名讀之媿汗謹再拜辭謝此過實之名已落盜案矣當年半局未終本爲嚴緊菴過訪東山出迎弟卽款坐爾後與絮菴往還甚數豈可謂推突而起急避去終不得見耶出家學道本非專爲高尚弟執役法門近三十年強半穿州撞府爲十方克化主絕無高尚行徑若任兄虛加褒贊不自辨白欺世盜名義所不敢絮菴待東山甚厚待弟

亦不薄吾兩人躬領其情而置之鄙夷不屑之列又心所不忍豈特弟不忍東山之心亦豈忍耶且無論絮菴凡一切護法衣我食我信從而護持我皆法門親友皆不可以此薄道待之幸卽賜削去乃爲真愛我真知我耳東山年譜見兄門牆之誼甚篤歎美無已不獨文筆之妙委書扇頭輒次沈君詞韻別錄請教天氣漸寒惟倍加珍攝自愛諸不多及

又

手示領悉刪其太不真者使無疚心而已所見異詞所聞異詞所傳聞異詞一部廿一史豈有真耶東禪

徧行堂續集

卷十二

六

自當奉訪路遠意欲稍遲弟不還嶺南則此地皆杖履行遊之所他日扁舟攜被作經宿緣正不必以遲速爲限耳拙書如教奉上并賤名先呈聊以請罪餘容續悉

答沈尙廬文學

前以他出不得相接晤言爲悵十律具服雅人深致筆墨委積未暇次韻匡山行一首佐笑置之案頭亦足當息壤之盟也

又

承示二詩佳甚時露本地風光知兄宿慧不小矣詩

人寫景有人微處便得禪意禪人見地有獨脫處又得詩機但不可與講求格律者言耳

又

道駕從武林歸曾顧精嚴卻值遠遊失此良晤甚悵藏經仗底已遣還丹霞矣澄公云廬山之遊尊意已中輟此時入夏不可行弟即從吳門隨路遊戲看可避暑處有檀越能爲月給三石米三貫錢者便作九十日安居不則乞路費或還廬山或入天台或奔泰華春秋即行冬夏即住死即沿路燒沿路埋不妨灑灑落落兄以爲何如忽有援而止之者閉戶緇經總

徧行堂續集

卷十二

七

不出行亦是一著聽人分付而已未由話別風便致此

荅陸平仲文學

別來時有依依之懷以公相顧真切且念貴鄉風流之未墮也賤辰素不受祝以聞百亦樵遠來遂至破例今於雅意未敢異同輒復納之徒愧心耳近來爲俗屬所矯使人有生世世不落塵緣之想然請藏結局非計日可成則煩擾尙未有已老鼠入牛角尖滿眼苦趣難尋出路不妨於此證果上涅槃也使還率謝仲孫二詩甚好置之檢草刻中亦似重皴幾筆

更覺山水俱遙矣并爲致意不另

與周濤岳文學

風雅擅場天才不易如君清思疊疊異骨稜稜故自後來之秀衰年退筆直欲避三舍矣至桐谿作五日談與令伯別即過石門半月而歸遣侍僧赴崎老之期輒作數行奉候鹿鹿風塵每嫌其俗想尋春敲韻之樂正復邈然天漢耳

與汪子倬文學

令郎自是有根器人可愛已作一荅書不妨取閱之纔破第一疑大家不肖爲世屬禁矣不肖到第二疑

徧行堂續集

卷十二

六

也若有根器人向第二疑中破第一疑纔說到此并第二疑不願破矣呵呵令表兄見招亦不敢辭吾法且沿門化齋喫豈有辭法耶

荅蔡非我文學

綱常不可不重財色不可不嚴能以謹獨作工夫豈非儒流中賢者只老僧這裏獨字又別獨者孤而無偶之謂時時處處無第二人若於一時一處流入第二念便是不謹耳今人向喜怒哀樂未發時討箇中底體段老僧這裏喜怒哀樂已發無不是中底體段上天之載無聲無臭是儒家極則之理與老氏殊塗

同歸老僧這裏時時處處無不是無聲無臭消息不將人生而靜作一座靠山把心境打作兩截此非見性真悟門正不可也別諭吳日千悼雪峯僧二語非沈雪峯耶雪峯自是節義一流不專僅以詞章求之但謂之僧則不可耳力疾奉荅語不盡意

與沈班叔居士

北寺重荷垂顧竟疎報謁抱愆深矣遠惠成藥自是老病所須此仁人之用心不落世諦者且感且愧淵明一飯冥報相貽東坡在黃州製藥以施貧無力者則以西方公據仰酬吾班叔亦理所應得耳率題長

編年堂藏集 卷十二

九

短句俾亦樵附之集中以傳佳話委書條幅對聯俱寫去

荅王梅符居士

別來三十餘載僅從聲上一悉動定此後杳然便如隔世手教至如暫披對喜慰無比居士道氣冲澹自是火宅青蓮他時能爲二老往來不減毘耶室中忘言各得耳請藏禾城舊時相識非窮卽死聞之吾杭尤甚六親同運理有固然寒宗薄祜卻因庚辰挂一虛名帶累子弟化爲浮浪積薄便衰積衰便絕亦其宜也誠實好善始足留一綫元氣於無何有之鄉耳

今釋萬死餘生出家學道祇是懺悔已往之愆修習方來之德寸絲不挂一念不渝而已近乃有指爲肥漢可啖者澹歸在家時且不問家人生產豈於出纏更營囊橐欲將眷屬一切周旋違因錯果義育不可便須還俗成地獄滓設令不顧後世而爲之六十五歲老人做不得官做不得童生做不得行商坐賈究亦何益悲哉此輩之識見短胸襟小善信之根大淺也以居士靜慧之資超然物表輒復及之奉佐撫掌初意卽過武林值請藏之緣甚難恐當遲至仲春晤語非遙此不多及

編年堂藏集 卷十二

三

與陸亦樵處士

林士曲子力大思深所謂師子搏兔亦用全力者爲題數語幸轉致之原藁留此亦欲時一披閱也三笑圖贊納去欲差排寅旭恐落在王道士場中不如總成姓陸人爲本色耳促織蟋蟀一物二名已問諸博雅者矣

又

前札月初來吳門想亦無暇要之出門亦自不易也頃感冒之後兩腳發腫醫人云脾氣太虛所致非極補不可王孫公子之病落在窮禿兵身上亦失卻一

眼矣此間有欲爲澹歸覓靜室者語之云第一要境界好第二要房舍現成第三要主人不吝相若要我起爐作竈化錢糧修造則我不能又要我搖尾乞憐捨面皮捱住則我不肯也如此難題目恐難得好文章則秋涼行矣意欲從太平遊黃山從徽州過浙東遊天台雁宕未知此病得愈能遂此願否若兩著都不成則蘇州欠我三擔乾柴不妨索此一項冷債也欲言未盡病次值丹霞差僧行迫遂不多及

荅孫擎之居士

久不得音問殊挂老懷忽接手翰喜慰無比如從天

而下也涂英伯借河頭紫素其租約蓋不敢以居士之屋作人情也英伯在省城寄書云已會居士承諭此屋已送丹霞租銀應歸常住當卽如數送到第荅書云錢財事輕信義事重前已明言此屋若係本山所有決不取租特不敢以孫擎老之屋作情耳擎老旣云已送丹霞則是本山所有豈可背自己之信而取租耶此租英伯若再送來便是薄待愚兄弟愚兄弟若受了此租便是薄待自己一種正大光明總在居士布施福德中普同迴向更無彼此想於高情至愛有欣然相契者矣張謝二公與英伯同事一體曾

與英伯令叔相依避亂亦不敢分別取租以傷雅道然二公皆推居士覆庇之意所以照拂荒山大衆者甚厚愚兄弟雖感二公要之飲水知源亦在居士布施福德中普同迴向又無彼此也謹具述前後情事奉復幸賜照察至居士護念丹霞久而不忘此等行願直是菩薩道中純熟真摯感佩固無盡也

與姜奉世居士

曾青老持手札至未及裁荅至今歉仄偶然過此諸公念其飄蕩承兄以山水見招令親屬有同心具感受厚青老口傳謂日後擬作墓田此非老僧所可自

主也行雲流水初無定向夢遊旅泊皆號寓公況六十餘歲衰翁詎宜復作久計行止遲速在令親擇便而已一詩寄正殊不多及

與徐鹿公隱君

每一晤言見兄相爲之念過切正恐弟行時空囊羞澁耳道人行履不但隨緣亦須循理第向在粵東創造丹霞穿州撞府身克化主蓋是義所當爲今孑然一身相從衲僧數輩片衣口食祇合安分若分外奔競卽是義不當爲今承貴鄉諸護法見愛二時粥飯並無關乏素心之交朝夕往來卒歲有約旣可踐矣

明正扁舟話別賓主無厭便是結緣不淺豈可更有憂懸耶至於太守公處切勿再令玉峯片言相及大抵當塗下交古來所少盛德至道猶或難之弟雖哀庸亦有自循之理所謂見非吾所避不見非吾所求也弟或無力不能徑入匡廬到處浪遊討得飯喫足過一生況望七之年前程無幾寧復區區兄意氣如雲恐弟以寂寞之嗟作然諾之咎此乃世間俠客所尚彼此責成若吾儕道人旅泊三界直是逢場作戲必不墮此見也幸諒其真率寬懷聽之切祝切祝諸不縷縷

徧行堂續集 卷一二

與吳瓶菴長者

擗管作敘忽成一篇訓詁文字卽名爲守口如瓶說請教諸作者祇發得守口之義若將瓶子細看一回則守口之義纔發得全也卽自敘內滿則覆一義亦少有發之者然滿則覆一語出自孔子觀欬器欬器圓底而無足故滿則覆瓶之爲器平底而有足滿則溢耳不覆也愚意欲兄將尊刻改作溢字爲穩孔子云滿而不溢所以長守富也豈不與慎言一車二輪耶幸裁之鄙意率直恃高明不訝餘面盡不一

荅汪元隱居士

吾輩於此道常患不信不信之患生於不疑足下於佛教有疑此老僧所樂聞也足下所疑與老僧四十年前相同其致疑之端有二如來札所云禁天下相生相養之道而棄其君臣父子其一也天下皆五倫所持也五倫中最尊最親者莫過於父子易曰有夫婦然後有父子然則男女二根豈非相生之道耶夫男女之欲生於迷情足下試思之一男一女向被窩裏所作何事決不可作於青天白日之下大庭廣衆之中者以其可恥也天下豈有可恥之事而相矜以爲正理者哉人生之初殆如禽獸聖人制爲夫婦使

徧行堂續集 卷一二

之有別以殺其橫決之勢譬之一獻之禮賓主百拜終日飲酒而不得醉焉此先王所以避酒禍也酒既有禍豈可以禹絕旨酒爲有罪耶有識之士不甘與衆生同迷必先絕欲亦云不忍自居於無所用恥者而已矣出家者千人中一人耳佛故與九百九十九人同處此世界亦與此土聖人同作此方便凡爲子者父母聽而後許出家爲臣者君聽而後許出家在禁而不忠不孝又吾佛所共禁也佛不許世間人棄君臣父子而禁出世間人相生之道蓋中人以上中

人以下衆生之所自分然中人以上者一人而中人以下者九百九十九人亦豈佛之所忍分哉佛故無如此衆生何也忽有聰明特達者出不甘以衆生之中人自居則進而求見性之說求其說而不得則如來札所云禪家每託於空虛影射以自處於高深使人有莫可如何之歎又其一也彼丈夫也我丈夫也何至於有莫可如何之歎耶吾僧中有出身至微目不識丁提一無義味話猛欲破之忘寢忘食畢竟破之而後已必不甘心發無可如何之歎豈有聰明特達而反爲其所困者此在信之不篤而疑之不深也

學者之病莫大乎求解子貢曰夫子之言性與天道不可得而聞也不言則不可得而聞既言矣何故不可得而聞孔子曰朝聞道夕死可矣何者是道何者是聞天者理而已矣命猶令也豈不易解豈不人人可解足下冒許之以聞道冒許之以夕死可耶孟子曰引而不發躍如也中道而立能者從之然則儒者之說亦不貴其曉然而大白也吾法除一棒一喝千百則無義味話外如卽心卽佛豈不易解豈不人人可解若眞透得此四字則一棒一喝千百則無義味話一時俱透若祇解得去註疏得去汗牛充棟夫子

之言性與天道其不可得而聞者何在亦如畫龍不興雲雨凡吾禪家作畧不敢輕一人不忍誤一人止欲使之無可如何到無可如何極處疑得十分忽然撞著信得十分不曰如之何如之何吾未如之何也已此孔子之法豈止吾佛法耶今之人自待甚薄自見甚淺并聖人亦待之甚薄聖人之言亦見之甚淺卻以高深推還禪家豈知曉然大白處便是一座千生萬劫過不得之鐵關門乎承虛懷下問爲畧陳其梗概如此總之舍參必不能悟舍悟必不能出生死證妙常舍無可如何必不能參已則不知而指爲虛

空影射若一知則皆有著落不悟則必迷迷則必隨情流轉必不能出生死證妙常欲出生死證妙常必先斷愛欲愛欲之根男女爲重己則不能而指爲殘忍刻薄若一能則皆大慈悲也幸詳思之更有所疑不妨盡情披剝知足下非甘心於中人以下者老僧亦不惜盡情披剝也

寄荅唐若營居士

玉兔冷得快活金烏熱得快活甘蔗蟲甜得快活黃連蟲苦得快活苦不知甜甜不知苦熱不知冷冷不知熱而後有此快活也若營唐子性高潔復承其尊

人之志隱居不出蕭然環堵作字易米以供堂上予
意其俯視一切必有超然自得者頃寓書云磴磴守
拙襟懷不能開豁故貧日甚病日增夫貧以爲高也
高以爲樂也貧則全身在貧裏病則全身在病裏病
中思不病之樂貧中思不貧之樂則終身高終身不
樂亦何貴耶夷齊餓死必不嚙舌比干剖心必不皺
眉范滂之母見其子就獄必不墮淚黃連蟲知有甜
甘蔗蟲知有苦金烏知有冷玉兔知有熱則愛憎趨
避紛然起滅各不安其位而得失攻守之患不可復
止古人蓋有得力於病適意於貧者不特不見我不

足彼有餘亦不見我高彼下分別心盡一念不流非
悟理之士故不能與於此也若營未到此地位且俯
視一切看不俯視一切則不能高不貧則不能俯視
一切既已俯視一切則貧能成我之高高能成貧之
樂樂與高與貧一以貫之卽能作延年卻病之方忽
然有病愈病愈貧愈貧愈高愈樂大似錦上鋪
花豈望雪中送炭真快活沒繫絆萬兩黃金都不換
古德曾有此語只是伊還有箇萬兩黃金少不得三
十拄杖也

荅汪周士晉賢昆仲

又節來具悉雅意納之中心春間造謁得數晨夕與
高賢傾倒故餘生樂事也大惠拜嘉綿定奇溫衣能
貼裏所領一體相關之誼甚厚何敢忘之草泐陳謝
餘容晤盡不一

與汪晉賢文學

草堂次韻八首請教道旁老馬只合田子方贖而養
之若與驕驕並駕必速其倒斃要且步驟亦無可觀
也頃卽往吳門發藏經入嶺後更圖一休息之地半
年餘奔走勞頓衰病日增殊不能堪過語谿極承孟
舉高情益感雅愛并聞不盡

荅金舞兩文學

來札具見宿慧只是算計太長局面太穩耳老僧卻
不然樹根龕樹根座舞兩贊見已竟此後我兩人或
相見或永不相見此三物或作一處或不作一處豈
可定耶於長處見不長於穩處見不穩始能於不長
處見長於不穩處見穩耳兩日冗極未暇卽荅幸諒

荅陸贛菴文學

大詩寵行甚感高誼語及性學則老僧不敢不荅以
負此心也燈下草草奉酬幸觀之若不甚解不必著
忙亦不可置之不理也佛說豪貴學道難此土有才

有學人更難又說貧窮布施難則兄於盛族中屈第一指矣此同道所共讚何復以一疏陪話爲歎乎

又

亦樵過吳門得手教并大作吟諷再三感服無已久客半塘幸有二時粥飯一行人爲遠行計路費稍難卽還匡廬尙無住處以此徘徊頃友生從更向林屋洞天覓一把茅意欣然欲就之然買山而隱更俟因緣也聞吾兄有納姬之慶弟卻見多此一舉豈裙帶下事未易剿絕乎兄旣委家政於郎君正好享無事之福忽然生下兒女則漸老之年微盼拮据步步皆

徧行堂續集

卷十二

三

苦趣矣一切衆生向姪欲中繫此生死苦海沒頭浸和身滾稍有血性人決不甘心陷溺世人卻被造端夫婦無後爲大等語蓋卻面皮兄已無無後之慮何更索造端之始古之聖賢不會定要箇女人伴老曾子出妻之後到易簣時祇是樂正子春曾元等在側元紫芝無子以兄之子爲子終身不娶楊道州兄弟亦相誓終身不娶彼皆不可已而已兄何可已而不已耶若信得此一點靈光本自清淨本自解脫則無量劫來就裙帶下討出身之路皆是極愚極迷思之痛心如避焚溺豈可褰裳而就之卽今志求解脫叅

尋向上之流于色貪未能剿絕敢保其依前墮落蓋於本來清淨之理早已背馳矣此種話對信者說已見扞格難入況於此道未得深信然冒進芻蕘亦且愛兄討些乾腳燥手而已旣往不咎那更有將來當戒不妨疑一番惱一番忽有人道澹歸要拆開曠菴新寵著實無禮特恐曠菴無此辣手何必澹歸畏此惡名乎一詩仰訓雅贈復自歎縹緲一峯平頭小屋之多事也四律韻高而感深詞與氣俱非人所能措手歎美之餘益令小巫氣盡矣敬謝教不盡

與周青士文學

徧行堂續集

卷十二

三

精嚴枯坐長在積陰中得吾青士來如朝霞相映蓋入耳便有不同處卽心眼俱開也當湖一會卻又匆匆老僧未免俗氣此不可與雅士言亦不易與俗人言耳因青士而得周士旣見周士便欲見晉賢李青得隴望蜀苦不知足此二語惟友生分上用得恰好三子詩總序如敎草納乘興落筆自有莽蒼之態附又節往他日桐川一棹此禿廬非生客矣三子不更作書

荅程唐侯文學

出家以來生辰久置度外何復爲賢坦費但一點遠

心不能自外已領矣謝謝俗緣維還其非道人所宜
古修行人不習還鄉蓋有以也金窟雖有徒有空窖
公一雙冷眼觀之老僧亦不妨笑面對之落得便宜
只在局外耳此番不來極是天寒地凍多此往返無
益也明春扁舟過觀音橋便可面談致語內人不煩
懸念

與孔儀大姪

婦人之法不得已而有違行上從父母舅姑次從夫
再次從子非此則不行所以別嫌也朱家婦自杭州
至平湖乃與方氏疎屬同舟而來大可怪恨老僧既

徧行堂續集

卷一二

三

出家無繇行家法但拒之不見耳然此後亦不能復
見老僧矣姪於二房第三支居長具有正性今發此
札存之亦足示後昆作家訓也老僧或還郡城或往
他所尚未定然去平湖則定矣續有寄聞

畱示孔儀

蓮逆行劫與金氏大義絕矣老僧已出世不復以世
間法處之則如蓮逆之類以世間法待老僧者可以
止矣金氏族屬不能絕蓮逆於一家之外亦不必置
老僧於一家之內且蓮逆於親生之女展轉騙賣至
於一女三家第二女又三家失身受辱陷於禽獸則

蓮逆不但自絕於金氏亦與其夫同絕於朱氏矣爲
之親戚者相與羽翼而分其利爲之族屬者恬不知
恥老僧卽不出世亦應自絕於金氏況已出世耶特
以數言示孔儀姪與倬雲姪孫并令示之六親中稍
有血氣者嗚呼世間法所以持世今爲世間人壞世
間法彼唱此和以爲固然老僧雖出世亦不可不存
此說於一家之內也

與陳伯恭帝容昆仲

知山月印來傳諭以瑤塘劉氏收半岩地租欲告轉
竟老僧謂瑤塘人收地租非丹霞人來收非轉竟來

徧行堂續集

卷一二

三

収何得見告云轉竟不合送半岩賣契入丹霞也老
僧謂若如是則與者有過受者亦有過何不徑告老
僧乃諭知客令月印且去彼時卽欲作數語析原委
以臥病困頓今稍愈始觀兩公所與樂說第書公僧
知有天然老人手書照帖則法門之事不妨與公剖
明庶見道俗相成雅意率直勿怪憶老僧初入丹霞
轉竟卽來受戒且欲入叢林大眾中修親近供養之
法我佛教於一切僧發心者理宜攝受蓋度生之道
然也轉竟卽入丹霞則山菴不可荒廢乃以此山送
入常住差僧奉事香燈我佛教於一切菴院理宜護

持蓋報恩之道然也諸公慮丹霞關爲道場則避亂無地上白天然老人老人卽手書照帖與公等永遠爲據我佛法於一切事無論僧俗理宜成就安頓蓋慈悲方便之道然也丹霞受半岩非有所利而爲之卽如田租三十一石每年僅取十三石餘一僧一行歲支米七石二斗則租穀尙不足以克口糧所支油鹽等項以至上納正供皆丹霞貼出也前年章于安諸君欲借半岩一茅之地老僧語之云此縣中諸公避亂所在陳氏久稱山主公宜一往拜訪異時不致參商丹霞之待陳氏未嘗無禮也轉竟自入丹霞一

把鋤頭供給大衆不食油鹽不到城市今年七十二歲老僧憐其守分令於石巖習靜彼於半岩祇欲保全先人香火初無貪伎之情避亂之在半岩者亦繁而徒陳氏或以此取利轉竟未嘗欲同其利陳氏或以此得情轉竟未嘗欲見其情丹霞與轉竟恪守天然老人之訓全以半岩予之避亂者一無所預亦可謂退讓以自處寬大以及物矣乃猶不免兩公之怒歟公謂轉竟不應將此山送入丹霞且道三寶物送歸何處當日寂賢買斷劉家半岩出價七兩借重懷觀公作契主此乃僧家仰仗護法之例帝咨便欲居

爲奇貨於鼎革之際用許多惡辣手脚欲置海緣於死地此固非仁人君子之所爲乃復因此向丹霞作種種障礙於轉竟作種種仇怨歟使丹霞獨擅此岩可也而丹霞一無所預而陳氏名實俱全是亦不可以已歟嗚呼無恆產而有恆心惟士爲能今則棄其恆心以圖恆產公等何不自愛如是卽如公以志書爲據請問韶州新志修自何人當日馬子貞太守以志藁專屬老僧見仁化藁中竄入陳家一段此等機關難瞞明眼老僧若一筆抹煞太守豈有異同然而老僧爲公等存之者蓋以丹霞本無利有半岩之心

不妨存之以慰帝咨獨擅之志也又海緣以帝咨訟事賣田斷石得銀十六兩吳道尊憐而代贖之伯恭經手贖田而原契不還海緣不還轉竟既入丹霞亦不聞之丹霞老僧亦付之不聞者以丹霞本無利有半岩之心亦不妨聽之以爲伯恭起釁之局也嗚呼丹霞之居心如此轉竟奉丹霞以居心如此而終不免兩公之怒兩公讀書識理者猶如此又何責於鄉愚無知之劉氏歟老僧不惜忤怛爲公剖明非欲以成是非蓋勸兩公可以相忘於丹霞也老僧遨遊四方今六十餘年所見存亡得失如浮雲閃電者何限

諺云千年田地八百主人何苦以死時將不去之物
遺之不知誰何之人而枉用此等心枉結此等業卽
老僧偶以丹霞之緣建刹貴鄉此山靈所啓護法檀
越功德所存十方三寶修行者所寄偶爾成文旣無
在家兒孫靠此山過活亦無私立徒子法孫向此山
割據老僧去後忽有不肖之僧墮壞門庭安知不爲
公等所魚肉而又何卹於半砦公等靜待之不必汲
汲耽耽於此際以起滅詞訟之能事相恐嚇也至於
劉家曲直當道自具明斷公等已有天然老人照帖
韶州志書原不靠舊契此等亦祇是機關不堪明眼

徧行堂續集

卷十二

金

人一噓耳率直草草勿怪

20089

徧行堂續集詩之一

丹霞今釋澹歸 造

侍者 古止 傳湧 編

五言古

送方伊蔚

層嵐千嶂遠疊浪一溪深落日挂危樓倦鳥歸疎林
韶光亦有涯寒雨增窮陰北鴻與南燕錯跡到于今
飛聲豈得忘接翼難爲尋方侯古靜者鉢水會投針
安節遲曠觀觸熱早休心孤燈展素書凝香弄瑤琴
清言合小坐花月分微陰中丞不可作絕軫歎知音

徧行堂續集

卷一三

二

我來結殊契薄俗思同箴石蘿垂參差松風散蕭森
西湖一少長客夢罷登臨黃河既混混白雲復沈沈
永懷雜春草別恨寫秋岑已無重見期扁舟照虛襟
時哉各自適勿受雪霜侵

南韶雜詩 十一月朔出丹霞

籃輿已下山送者意未測我有決去心愧無攝衆力
此間人天表抱道復懷德籌室難久虛諸子宜自獲
晚風落空江羣動半明滅笑指西流水東還安可得
登舟尋就枕睡鄉逢舊識語笑猶未終篙聲喧一葉
晨烟逗林杪偷眼送遠碧

又 夏富覓萊蕪不可得

萊蕪性所好七節時相須停舟問夏富出土無根株
新苗幸可撥霜冷葉未舒疏食飽已得萊蕪安用餘
園丁終歲勤三秋望成虛毀屋編爲椽欲歸更無居
由跖豈有性業力何其殊臨風一太息吾亦憐吾迂

又

聞韶水口值兵子取船收鷹羈留竟夜

將軍方臂鷹掣條飛度水落日如隤丸寒流募益駛
策馬更踟躕兩手拍復指我有溯流船闌作收鷹使
去住忽生疑化爲交質子田衣眠帳中霜刀宿篷底
老叟爲一笑人故不徒死天明各無事鷹歸吾亦喜

徧行堂續集

卷一三

二

持贈一香鑾屬垣未有耳

又 賣舟

念此非虛舟安敢悞相觸紛紛岸傍誰赤脉橫兩目
蓬窻樹一幟覆蕉每失鹿且未失凌江幸免中道踣
同途況靜好早晚共饘粥元戎能護念未煩七日復
屢得仍屢失多愧再三瀆窮魚直泉涸於法宜處陸
有客來請買不疑何用卜以彼買舟錢克此僱舟役
可以適珠川無求意良足

又 有所見聞

日行不見人夜宿不聞犬惟有鴝鵒聲時近或時遠

圍門白晝閉餘息不暇喘忽傳轅門令長跪蒙黜
生殺問錢神無勞讀囚款吾民尚有根芟草法應
源源後來兵殘汁舐破盤赤體無完衣此肉不待
朱輪及墨綬活人用死眼皇天倘有淚一滴庶可轉

又 龍護園寒雨

寒雨不作雪嚴風散如霜落葉望故枝枕藉盈道旁
土偶挺猶昔木偶立且僵何當春水來各適行與藏
剝運遘龍戰灑血紛玄黃左右兩不袒水弩交中央
浮名能悞人挂角思羶羊我有一寸地千仞同飛翔
大哉寒號蟲文質隨炎涼

徧行堂續集 卷十三

又 凌江放舟

出城天遂霽此意吾所歡江水溢已黯晴雲盪會寒
欲行會羣公不歌行路難上下交相征官貧民亦殫
送遠有殘僧別語勤加餐日暮舟倒行新月生前灘
忽聞呵叱聲柔櫓浮驚湍乘舟似懷璧匹夫終未安
東江復西江那得乘飛翰

又 修仁憶范雲事

始興古一郡分卽兩修仁不飲斜階流存似則亡眞
勝母且不入而況弑其君借問君子人何以反諸身
又 草間免

蕭蕭荒原草被霜不得起上有寒兔兒何時復蹲此
寒卽草所遺暖卽免所止推寒兔不辭攘暖草不厭
相借不相知萬事同此理於此能無心可以忘彼已

又 岸旁荒院

昔年好村鎮今來存幾家敗屋半無門歷歷蒙霜花
菴荒僧亦去老樹啼饑鴉丈夫薄兵子何得如劉巴
枕椰與芭蕉直上皆無又一堅復一脆此事誰萌芽
附驥不離蠅扶蓬不謝麻前緣各信天我生豈無涯
又 寒雀

口不釋詩書手不釋錐刀吾悲紙上言不如頰上毛

徧行堂續集 卷一三

肝腸迴面目殘忍依食饕天網布雲中奮飛安可逃
時哉籬間雀戢身隱蓬蒿萬一鷹與狸高視遺秋毫
有險不俱行有幸或俱徼括囊無出地毀譽本同條
又 雁起

爖被多寒風展轉勢愈作昨宵未覺長二受俱無著
夢中屢遊歷不復見衰弱萬化如園觀達者已忘覺
又 雞籠石

水落見雞籠誰鑿太古先當其值水壯誰飛復誰潛
此中未有物長鳴亦無言大地無一眞相似垂千年
空花結異采陽燄抽靈泉不開一勺池而開十丈蓮

倚窗過子夜聽此玄非玄

又見峯巒

江上見數峯遙識丹霞處丹霞不漏影忽與江水遇
江水不留盼豈爲丹霞住因誰日夜忙萬派爭一注
到海各銷聲蒼茫失雲樹

又平園

落日山半赤白烟浮草上欲寫慘澹心看此蒼涼狀
一兵挾兩馬不知何所向或云近周田得微有懲創
吾聞莽鎮南道合古良將不忍刈遺黎生氣日疏暢
斯民老不易由穉漸以壯歲月費拊摩呼吸便凋喪

備行堂續集 卷十三

孰能同此心拊膺獨惆悵

又橫灘夜宿

枕上聞江聲平展一瀑布能流卽所流此意常獨露
譬如人壯色剎那變朝暮變者無剎那三世惟一步
雷霆與冰雪寂滅莽回互早來風力緊蔓石有餘怒
衆竅解相傳金人口已杜

又佛成道日供舍利塔

扁舟載舍利臘八具晨粥果蔬隨所有鹽豉偶已足
吾生晚聞道教養緣未熟分此甘露餘服彼慚愧服
應量給舟子此道非真俗如來白眉光法界同所有

妙香七日浮遠風散朝旭前途指韶陽猶及鼓吾腹

又會龍下院

佛前歡喜九砲子亦不少衆生旣蒙難法地安可保
金身長不動二諦同一表砲子穿柱折梁及佛前從後左右五寸許皆墮
容論將畧拙速勝遲巧一隅久聚兵分道忘直搗吾
法貴干城智勇故所寶衰慵惜微勞哭廟恨不早淚
落斷磚中疾風慚勁草寇退子擬躬至下院不果僅遠職事僧相度埽除蓋有愧
于古人哭廟之義矣

又塔下得海雲及海幢書

慶生魄已遲扁舟具亦久無物獻高堂醉翁不在酒

備行堂續集 卷十三

六一

晴光搖塔影暖眼入蒲柳人語風吹斷落帆見招手
停橈讀素書土偶念桃偶吾生本無常行止復何有
出關復入關問取喪家狗

又相江門

我非玉泉來不應是細作嚴城苦詰問有理無可答
羽毛輕自升骨肉重自落四寸不離地一前還一卻
俯慚雪間鴻仰謝雲中鶴回頭還一笑戰守借雄畧
昨來操秦刀今來握楚槊刀槊汝所爲豈爲我所約

又郡城隨寓

夜或於此眠晝或於彼步或時居僧寮或時入官戶

時饑或不茹時飽或不吐閒或不得起忙或不得下
豈不失其常吾亦行吾素處世若大夢作夢
人境現一時有新復有故新者不先聞故者不
浮雲忽起滅太空無舉措何有醒時人更索夢時路
念此一捧腹古今卽旦暮勝負旣不容何地容喜怒
又喜聞樂說辯弟受大衆請繼席丹霞

山中速我歸使者日相望我昔有成言復濟如此江
玉友有繼席元日初開堂聞之喜不寐獨舞如商羊
久旱泉脉枯龍雨吹天香遣人往致齋力短心自長
大親或以柔人疎或以剛道隆不在炎道汗不在涼

備行堂續集

卷一三

七

又

戊午元旦在岳廟關祠問語耳無寐

兩地發鼓鐘子夜挾一我眼聲纔欲合耳色忽已破
孤燈照欹枕披衣泯獨坐昨年與今年糠粃刻刻簞
有人見行蟻有人見行磨磨蟻兩不行開口成負墮

又

買舟

好友欲相留結茅依舊院締構未及終客兵已先占
我適買扁舟彼此得自便閒步閱經營滅裂愧深眷
作者與寓者無心各一半住山鹿豕驚住水魚鼈散
今來入市塵瓦礫復生厭人能早相知何必見於面

又收戰骨

無誰收戰骨青燐蕩風雨夜深聞鬼鬪勝負兩無取
筋脉纏蔓草肌膚落野鼠痛汝無所歸似我宜爲主
韶陽有賢守未語心先許掩骼乘春令王政故可舉
怒蛙式武車雄魄亦可與吾意平如砥四海一子女
順逆豈有常時哉審所處

又蓮華嶺

言登蓮華嶺云是昨戰場據險雖有勢持久非其方
兩勝成一負殺傷互相當折矢如敗葦委地棲巖霜
冷風吹白日慘凜無精光山谿自高下俯仰隨低昂

備行堂續集

卷十三

八

又瘞馬

牛骨能致富馬骨能致貧求富卽有主求貧卽無人
生則竭其力死不藏其身我爲一目觀人馬非同倫
爲馬常自卑爲人常自尊不可同穴埋亦可同時焚

黃金臺上土微帷篋中塵爾不安驚駘豈復能空羣

又蔡寶珠施地爲塔

鶴冲施墓田爾意良足嘉我欲問之官吉凶生疵瑕
我欲問之民可否成紛拏以此地下土行彼天上槎
人情若相安四方爲一家亦如春水船到岸無津涯
持錢買撈波陸地敷蓮花

又頗有見罵者

壤福非所宜有心各盡力刀割而香塗于我無損益
惠亦未可懷威亦未可屈驢耳羅春風自入還自出
說者與聽者問汝何所得

備行堂續集

卷十三

九

又皇岡寺見廢鐘周人取作大砲之用

韶陽古蘭若轉盼成荆榛皇岡未全毀重華倏威神
完鐘委牆壁碎鐘積沙塵毀鐘未爲砲幸免戕吾民
雷霆同一發生殺俱無因亦聞菩提苗執爨摧爲薪
沙門克力役擊斷同雞豚汝雖一闡提此性天然眞
毀砲還爲鐘豈涉秋與春胡爲自殘賊害氣連波旬
歸來失路兒奚不親其親

又武江夜大風雨

入春能久晴若輩豈非福移舟溯武水陰雨日淋漓
北風夜怒號石浪利如鏃孤燈發猛燄通宵自晃晃

須彌碎爲塵神光不可觸早來更相慰掩篷且蜷縮
擁被罷繙經斂膝還閉目天道寧有偏人心每難足
此門值饑寒作苦無斷續遠峯呈霽色晚香吹薄粥

又友人至

江干無定泊素交或難尋未知相見好試問相思深
人非異緇白事亦分古今方擊有心磬更撫無絃琴
筆墨非吾長以慰來者心有時攜果餌枯茶卽同斟
放眼寄長懷白雲起遙岑可以送老年隨地成知音

又掠舟得免

一月泛雙江幸無掠舟恐八光湧旛幢白骨遞相捧

備行堂續集

卷十三

十

又從者慍

欲行未得歸孤舟隨所繫寒雨更侵陵厲風不自濟
濕烟貫篷底濃雲方罩地司爨小有言苦戍得無替
汝曹尙加餐尋常飽我淚老子猶有耳掩卷適假寐
怨天天不知尤人人不計魚水儻相忘江湖托遙契

又通天塔

浮圖逼太虛昔爲文運開卑如白玉田高如黃金臺
帝座若可通呼吸資英才六經委糟粕七就加鴛鴦
士林一失勢老大成嬰孩福生故有基禍生豈無胎

北溟不藏鯤大鵬何由來怒飛叶神化潛伏疑心齋
萬變乘一念次第非安排壯生不志怪吾欲稱齊諧
又 掠舟不得免

白骨既已葬扁舟尋被奪向來一月安真得死士力
生王幸勿媿老僧更無德

又 漢臣逃宿齋中

逼遷在沙岸世尊加我膝遶城無寸土可以置几席
昔非斷往還今莫問消息劉郎遣使迎煖色盈一室
談諧各俊爽飲食且精潔中宵忽感慨風雨正蕭瑟
民田半荒蕪民居半蕩析吾生獨何爲飄塵安密葉

備行堂續集 卷十三

寄語塞上翁我馬殊未失

又 送贈堂老人出世山

三年關省侍彩鷁隨歸鴻及茲得起居夕月來江中
歡聚殊未久惜別何匆匆問津有後先出關無異同
稽首臥榻下醒語聞晨鐘古人重一介而能輕三公
今人變利衰或爲師子蟲法藏從此去五月多深松
相期庶無負歸與紫霄峯

又 宿會龍破院風雨寒甚

朝日足療饑晴空宜破院一旦值陰疑根塵忽生變
疊磚猶未塗夜風散若線虛檐洞無榻晝風連若扇

我無牙可關百節自相戰衛寒榮益餒下利中復斷
敗席緝爲簾救死饒一半乞兒此上服取裁適至許
臥閱陽明書開思玉局傳有堂酒可載有亭易可玩
有不善居夷居夷豈不善

又 相江月夜溯流宿橫灘

初月淨無翳江水增空明牽舟獨上灘傾耳無人聲
白沙斷橫浦玄石開斜屏野懷且自得舟子如懸旌
叢薄疑虎狼卽彼談無生停舟傍澄潭潛魚自相驚
置身丘壑間一歸無所名推篷起四望天宇方崢嶸
浮生六十餘獨立還孤行豈無離羣感葉底黃鸝鳴

備行堂續集 卷一三

安得千年籌坐待河之清

又 到山夜靜乘月入寺喜聯樂說長七澤萌內
堂兩法第

晚鐘已結響乘月登天梯白影飾松陰參差不能齊
萬類向春榮亦有秋蟲啼石角轉微風衆香何紛披
文繁互可畧眞色眉間低此宗迴向地異武皆同蹊
復如日車行西逝無東移薔薇隱幕屏薄烟澹迷離
吾歡亦若斯黑甜赴前期枕簟一以設爲遣長鳴雞

寄別漢臣

烈士聞雞聲踴躍破霜鐘曉一椽僅抱膝結友故難少
多君曠世才獨立羣類表純鈞奪月利海墨翻波老

金門萬里遠玉帳千軍掃丈夫貴得志意氣莫草草
與我物外人對現寰中寶真俗四無礙彼此三絕倒
似騎孤月輪喝散眾星小舉手望江南共唱江南好
結廬有水竹乘桴有洲島旨酒不獨醉異書得同討
以彼水底魚例此天上鳥民生兩不逮藏身安得巧
我灰久已寒君木幸未槁努力當乘時時哉苦不早

寄別徐浩存方伯

薰風垂五兩急漿浮西江回首念丹霞道遠心愈長
薄田佐饘粥三征烈如霜善護問靈山夙諾安能忘
一言拔火宅千里分甘棠法門有神駒愧我非乘黃

惟公刮目視響答如笙簧其時當用兵飛輓資騰驤
等慈願杼軸賈勇酬封疆中澤有歸鴻岐路無亡羊
松枝自西引明月懷東方未還先舉似微塵蘊洪荒
憑公指端開星斗羅文章其中有一字非梵兼非唐
化爲毘耶鉢七日吹天香或鳴率陀鼓或流甘露漿
俯垂七寶蓋仰結蓮華房飛入公懷中世界俱潛藏
攬之不可得杲日升扶桑白雲自峩峩珠川自洋洋
嶺南百萬戶洛誦聲琅琅秋深別傳禾粒粒登神倉
始知餉空叟不在無何鄉

病中卽事

少宰公來視疾恐予多言損氣迴策而去予
於客至雖轉側枕席間袞袞問答不休侍僧
力諫予指其舌曰此豈可嚙也題此示之

老僧不下牀將軍在佛殿客將來傳語彼此已覩面
多言恐損氣迴車罷相見愛我豈有私往劫託深眷
我有信口癖如弦不挂箭空牀臥老病寒灰煖一線
客來多問答袞袞不能倦客去頻轉側輪火罡風旋
倚著苦諫我無言豈不善一笑指其口此舌安可嚙
譬如鳳凰斂不作麒麟檀或吐或以茹各從性所便
雖吸氣不續言語道方斷此際如雷霆六動互呈變

及其有言時點畫豈自辨耳識合聲塵虛空無兩片
色後與聲前鬼穴窮莫戀單刀能直入恰好言中薦
世諦第一義雙鵬一鏃貫

記舒公語

忠臣不可爲良臣難自致龍虎倘無能風雲有何事
爲上患不作作或非其人爲下患不應應或私其身
一私生百欺至於賣其君一欺生百疑至於殘其臣
勢利有旁操法度安能申大運還諸天道還諸民
形廷剪勁草四海隨風塵惟皇其立極知人乃稱哲
一夫如善射百夫爭決拾棄置此一夫百夫皆屏息

漢文赦魏尚馮唐使持節豈無石將軍君仁則臣直
太宗皇帝嘗對羣臣有不得驕傲之數石將軍進曰若唐失言轉以待罪有問帝出曰汝

文趾許中翰論治以安靜為先予美其言述意

成詩

有病不服藥或謂得中醫活人與殺人反掌成兒嬉
興利常得害除害常失利庸人自擾之天下本無事
曹參於後相所寄惟獄市飲酒日歌呼小康坐而致
許子方妙年出此長者言文網密以張猛火無涼泉
丈夫能救時此道非經權鳥飛不疑天魚躍不疑淵

天淵亦不疑魚鳥同儔然

九月朔日嘉禾郡城講會見招因與施約菴論

克復格致之義即疏大指呈同席諸公

尼山昔所難躬行未易獲偉哉施先輩萬人傳一實
狂瀾日以下天傾地維缺以此補其傾指端飛五石
以此奠其維足端安四極適我來隨喜結習故難脫
大道絕名言有見即有物逐物化為已執已化為賊
吾法烈于鑪王鉄燦如雪九伐自有征所以謂之克
兩階自無戰所以謂之格始覺合本覺有復未曾失
本覺泯始覺有歸未曾得見聞則不無運冀豈容入

踐履則不無步空豈留跡明德用有二至善體無一
於斯不能止全家自離析無功中有功妙悟以為則
雙眼若圓明決不走荊棘相將墮火坑眼病非足疾
捨眼而扶足放杖便顛蹶朝聞夕可死延促非日劫
時地不相到何人共閱歷立知行必迷立行知必惑
率爾復何云曉風落殘月

赴陸話山明府茶集聞其三十年行履奇人入

險境發快論神疎意消歎其俊爽不羣將登

半雲閣出所贈詩于徧行集有爨下焦桐之

賞次韻奉酬

徧行堂續集 卷十三

七

疾風起窮髮貞木凋繁陰蕭蕭頂上絲早蒙霜雪侵
丈夫無破局雄畧存完心或為大樽浮或為鴻毛沈
浮沈豈有常如幻觀雲林寒威結敗絮炎景披華襟
已峙矗天峯寧辭蔽壑雲謹護堂上萱敢克席上琛
無始即反古有終亦從今悲來發長嘶恥同凡馬瘖
物承華自化烈火疑柔金火盡金復剛鑪韞空相尋
濯溪易獲淺封谷難窺深種瓜人似邵垂憐吾非任
君遊徧行堂能賞絃外音我登半雲閣欲拈毫上鍼
安知止樂魚即是飛空禽境內虧智刀哀響纏秋砧
冀無撥禍戚先斷邀福欣高山與流水何必理瑤琴

訓項長孺

秋色澹四野孤征意蕭蕭有客來相觀轉手浮輕舸
別懷未覺遠破臘成春宵投詩見雅尚風末傳松濤
余生本乞士薄遊遜賢輩和羅一鉢飯顛倒三重茅
饑驅不擇食豈問西山高文筆復何能雜笑謹兒曹
媿君此華詞枯腊生柔毫湖畔有垂楊微吐黃金苗
碧水宕綠莎緩策臨芳郊爲余寫別恨一寄江之臯

訓徐子慶

人才不易生家學每難久名節況艱貞事亦鮮世守
寶氣重連城此璞無輕剖丹穴生鳳雛得一可當九

徐子慶集

卷十三

七

卿雲夾日月華岳羅部婁風旨擅四詩博物傾二酉
唱訓在趨庭至樂宜不朽我從雲水來垢敝遮老醜
投贈驚黃鐘荅貺慚瓦缶吾兒自豚犬不死故當走
天倫頌衍祥彩衣獻春酒而翁思弄孫宜男卜佳偶
尙看遶芝蘭寧爲薄箕帚因君復太息脫粟方拒口
明廷大典冊父子稱作手昔賢逢聖主今時寡石友
何當撤陰翳爲爾開星斗

贈袁廣文實齋

古道久不作今文薄已甚濁中謝淵涵萎外虧岳峻
理窮才莫展志劣氣亦盡天台摩蒼穹潮音生海運

境風蕩楞伽智波翻識蘊靈根結異采詩筆天下動

情從義農遠義兼雅頌正渺然越三唐率爾駕兩晉
健格挺雄姿秀藻洩英分懸崖漾春華列樹散秋蔭
赤城建霞標金地傳玉磬夢中如見招塵俗奚奔命
我攜重卯往爲君發幽興與君驚人句山鳴谷羣應
清籟動帝庭衆靈一息靜黜耳更剗心各以氣來聽
深潭有老龍虬縮不盈寸寄言鶯與蛩雷門且勿近

同俞鹿牀犀月徐子慶周簞谷汪晉賢郊外伴

青 桐鄉于清明日出游名伴青

衰遲宜緩步遠道豈能及爲作伴青行同人意各得

徐子慶集

卷十三

七

今年春久寒桃李苞未坼菜花先送香桑枝慵獻色
婦子雖傾城容服少華飾此方風尚樸田疇半已闕
招提且覓坐茶芳泉復潔主者繁應酬客意頗簡直
迴塗駕涼颼友袂自由繹吾生若萍浮聚散寧有跡
楊柳不飛花池水不盈尺索之條與枚新陳兩無跡
日月遞變遷風雨或狼藉後此復何有看朱每成碧
歸臥淨名牀心忘影亦寂

曹遠思招同阮不崖家若干茶集順安堂出北

郭觀菜花卽事

飯罷思散行春郊可遊目道塗非所宜一徑轉幽曲

凝雲漏微碧條桑吐柔綠好鳥枝頭鳴將飛翼還縮
蘭若更尋僧法筵方整肅揮手欲迴策菜花吹遠馥
相引入平疇連村聚同族忽憶少年時提壺日馳逐
布席臥田塍暖香透春服危橋露小閣餘勇趨渴鹿
臨深易爲高據水不成陸田公與田母意古語彌樸
昨歲薄秋成窮民窘糠粥山左人相食江南榆盡剝
用兵及六載辭齧空皮骨嗟爾則先農勿厭再三賣
豚蹄酒一盂五穀報蕃熟攝衣度畧約翻雲美鴻鵠
驟雨乘東風枯藤起寒粟似聞泥滑滑奔車戒折軸
所樂卽所憂萬事觀倚伏主人且具火燎衣止我宿

備行堂續集

卷一

九

夜久談或倦垂幃呼滅燭夢中莫化蝶枝上正淋漓
在山泉水清出山泉水濁尙念古人言杜門豈非福

黃葉村莊茶集呈孟舉

名園吾所敬負形齊五岳風雨宿已辭登覽豈可畧
主人報我晴浮雲頰隕籜郭外無泥塗陰晴兩不錯
涼颼送軟欸衆芳迎綽約遙指黃葉村此意匪臺閣
迴廊合松竹夏屋分丘壑虛池疏十畝廣庭距一索
夕月饒笙歌朝霞散華萼矯若出谷鶯化爲摩天鶴
窮源得建置使才見揮霍當其經營始軍書起芒角
城市自空荒魚鳥自飛躍五月遂斷手天然謝穿鑿

觀者不謂新疑是古人作木石獻蒼潤圖書頌卓犖
閒尋種菜詩寄意出寥廓小人豔富強君子服禮樂
大星繫匏瓜神龍隱尺蠖一朝乘風雷仰視迷燕雀
歸來過僧廬周垣易籬落女蘿附喬松安危信所托
中宵雲復垂乃如隔日瘧人定亦勝天速強遲自弱
許君午橋能付以北門鑰

語溪留別次桂

我昔別爾父太歲在庚辰是時爾未生爾今已三旬
吾儕豈不衰隔世招離魂明室當易姓爾父稱遺民
執義伏草間隱約常畏人田廬悲舊荒族姓甘新貧

備行堂續集

卷十三

十

我亦號癡叔一鉢依空門對客但申手所志惟盤餐
爾不汙吾行容色猶溫溫語溪半月留日夕來相親
爾父老而傳爾才秀且淳傳亦遺清白才豈徒詩文
功名泛春華道義爲之根老馬幸識路小狐賤同羣
旨甘省未闕倫物思長敦循牆瓦忽飄厝火巢俱焚
勿遺老人憂謹潔安其身我曾習輕薄斷種連雞豚
武林劣子女相齟齬聲信信人心故同源遇濁流自渾
爾父性寬和元氣方氤氳積善降之祥宜爾能兒孫
階庭茂芝蘭籬落歸風麟念此未易忘杜宇啼殘春
明年秋九月傲霜菊花新念爾著綠衣玉液飛華尊

仙人王子喬爲爾攜嘉賓我有花鼓詞蹋節敲砂盆
文康歌九九眨眼穿晨昏忽疑李八百乞食過前村

孫熊襲以詩索字戲次來韻答之

落日不再中閉邪遂成邪虛名繫天半南箕連北斗
金吾有切訓汝罪在汝手長操苦竹槍石潭克墨守
退軍給雜役田荒豈能久蘆中人見招此卽逋逃藪
笑林忽破膽避聿更逢帝

訪新安吳瓶菴於清和書院因晤瑤如太守卽
事

晨風吹我袖出門問同流朝旭被遠山野水銜平疇

徧行堂續集

卷十三

主

列肆未全啓蘭若三分幽主人臥宿醒爲客迴雙眸
昨宵月旣望好景如中秋吾家賢太守瓦注輕於鉤
吳民誦漢相寧一賡齊謳以吾喜不寐側齋沈糟
興來不覺醉矮榻垂泥頭相聞有同好何必重相求
皆瓶
菴語
斯須出相見一笑兼相留獨上可中亭共到梅
花樓劇談且解衣似海浮羣鷗飯罷鐵橋來之張穆
手連方侯月斯
新知與舊識忘形各天游瓶菴勤守
口語嘿分恩雖忽逢我輩人潑水真難收齒則敗於
剛舌亦長於柔鬱伊無不宣吾得忘吾憂唾壺久絕
響老大矜虛舟祥不鳴鵠雛妖不鳴鵠鵠豈非千年

計三緘謝包羞王家鐵如意平地生戈矛守口成
口閉戶人焉瘦頻伽聞之恐擎空復擎愁驟雨駕疾
風闐然鼓無休是時嗟亢旱聒耳誰招尤君奚負此
才博金遂亡鋤不如打破瓶倒峽仍傾湫

雲間徐鹿公苔溪潘霞山欲爲予謀習靜地題

此奉柬

有此一枝安像毀土自復無此一枝安水流梗不宿
攜瓢過吳門意與孤雲逐未能辭聚散客可占久速
良友顧我憐衰年何鹿鹿豈無三重茅蓋汝暖雲谷
感此過量情安居得無福我不多累人所乞惟脫粟

徧行堂續集

卷十三

主

土鏗未生烟負新覲盈東隙地可栽蔬賸水可映竹
近山不甚荒近市不甚俗支牀闕一脚古人有餘樸
方便或未諧秋風跨鴻鵠

霞山饋藥

四蛇并一篋瞽然不相知面目始自異干戈遂交馳
嗟爾養蛇人未聞養虎術饑飽定有時喜怒得無節
藥病兩相待貧兒況爲客勝流能勤施此道在疇昔
念之復自慚破牒趨驚潭逆水莫放舵順風莫張帆
違時一失手四蛇墮地走爲我謝醫王做篋故難入

答武林汪元隱

枯木不依巖附火亦無燄忽然夜有光逢人遭賊劫
俊哉元隱子欲爲儒釋辨如見彼此心彼此不自見
先聖能自見與人同不知隨機示化儀五濁稱導師
世無出與入權以經爲則上下私一手輕重兩俱失
我眼本自明著物便成惑金玉與塵沙等爲翳眼賊
心空故眼到眼空故筆妙識心而讀書下士之所笑
訓當湖陸曠菴

我欲歸廬山如風吹木葉過谿或百步近樹常咫尺
半塘借一枝初秋思理檝側聞縹緲峯絕境冠震澤
友人請結茅買山埃區畫復如已絡馬遲疾問鞭策

備行堂續集 卷十三

三

因人作行止豈能制南北陸生有妙句以寵遠遊客
長天共秋水墨花宕沈碧矯首望冥鴻煙霄疑掃跡
依然落眼前如目不見睫萍浮寧有定風起杳難必
子旣新納姬我乃妄卜宅同累各區區此道觀損益
有事可以無無心可以逸山空羶羊老戴草足遊息
巧雀構危巢高颺傾木末求減且得增求增復何極
爲公佐撫掌閒庭樹叢棘勿云一法界重分動與寂
答張洮侯

神龍泥屈伸適時成隱現一念起無方六動互生變
吾愛張子房始終不執券全體雲雷中轉盼如過電

哀哉秦若項驚濤穿一線漢高且難存梁楚何足憑
逝從赤松遊早輸黃石便遇主亦偶爾豈爲名實眩
時似吾洮侯聳身出狂狷詩筆和於刀酒等疾於箭
雲上俯籬間大鵬仰斥鷃聽其友覆定安用玄黃戰
昨來得公心不止識公面新詩奏咸英爰居非所辨
空階滴微雨冷風饋餘善欲報無可將試舉風與扇
扇靜風不生扇動風不見一動一清涼元是空王殿
沈友聖有和阮詠懷見示題此以報

備行堂續集 卷十三

三

起落成萬古是非誰取裁阮公一白眼青色委荷苦
英雄卽豎子錦衾覆枯骸有語不入耳無語徒相詰
嶽嶽沈昭畧八斗量天才瘦狂勝肥癡玩世如嬰孩
有時逸氣發揚袂登高臺閭闔不受叫慟哭歸荒齋
達士戒傷心生火焚其槐身後噉浮名露葉棲霜荻
五岳鈍自老四河蕩無涯遨遊得至樂獻笑非安排
詩酒供驅使顧盼何雄哉病僧老未已念欲投胞胎
爲君挹爽氣挂我雙麻屨

閱松江府志見貞簡王先生傳知農山侍御世
澤之長感而有作

化機有顯晦德業潛相斟爲熱非其陽爲寒非其陰
秋實卷繁芽春華舒茂林雲間靈秀聚自古冠於今
榮榮王侍御蔚爲邦之琛三桑吐錦絲四海資文价
當年貞簡翁山高水來深懷中五色筆指下無絃琴
披帷發陳編揮鋤棄兼金同學車馬肥捉鼻供高吟
矯如九臯鶴孤懸萬里心有才不配命悲風口蕭森
龍騰與蛟屈一體分沈何以傳其仁洗兵沛甘霖
何以傳其清澄潭絕飛禽何以傳其直危言聞六箴
何以傳其雅和氣流元音繩武自淳樸造物無愆淫
百卉示苑枯倚伏非難尋豈以雨露滋敢忘霜雪侵

偏行堂續集

卷十三

圭

掩卷托長謠帝鑒存欽欽

留別顧介石給諫

旅雁落沙際浮海息銜蘆生面識同羣鼓翅遙相呼
威鳳昔在御風雲咨壯圖一朝丹穴毀萬里悲瞻烏
君挾濟川才擊鼓誰爲枹我非摩雲翼墮棘無完膚
得從怖鴝棲仍索水雲通震澤歸海門落落一星孤
問我何所須遠夢存江湖非無稻粱謀往拙來自疎
歸爲振其乏啜啜飽茭蒲黃海泛羣峯浮沈與見
我作觀幻遊凌空陟天都聚難散復易短景生長途
如觀案山樹一榮還一枯榮如洛陽春芳華耀清臚

枯如爨下桐火烈聲未徂遙天寫一行義有形中無
於斯得神合古撰開新模

扶病至孝山南園承筠修翁率令子文孫同家

梅格過訪賦謝

倦翮擬投林理勢謹籌度故人有荒園安臥慰所托
豈不念素交一步屢前卻忽枉長者車內省良自忤
長者壽幾何今年八十八神觀日俊茂齒髮未凋落
令子綵衣鮮文孫玉樹匝間以吾宗彥高言如繡錯
深情飲醇醴病眼得疎豁我本空門士一瓢勾升合
挾刺問貴人有時不成蒼尊年宜就見於禮更何畧

偏行堂續集

卷十三

美

題恬冷翁真

先施軼古道此意非酬酢是日垂陰雲衰氣凜難作
翁來若杲日清光照牀榻翁去留春風至今滿林壑
知冷乃能恬不恬不能冷世間明眼人進步常落井
此翁本貴介名場日馳騁革運適相遭時復涉坎墮
戢身後萬夫退步習三省紅塵飛寒雪春禽噪秋蛩
化爲百合根七箸得雋永恬中味愴腴冷外驅熱疹
每聞紫芝謠白雲勞引領羣生在火宅各具無相頂
大車自莊嚴小兒正酣寢天然白虎湯一甌忽滿引
足底清涼山煩襟披渴吻行止無特操罔兩莫問景

浙西與嶺南隔世見俄頃後境既難憑前緣亦無準
現在豈有哉有之宜日損請看闌闌間不離我與君
七言古

陳長卿諸公以丹霞雪幹圖爲壽賦謝

火龍行處無飛雪十里丹霞一痕碧緇塵湮出死灰
心鍛定寒鑪成古鐵北風凜與冰河連破絮敷雲遠
蔽天須彌作鎚太虛碎白日墮下義和鞭刀稜削盡
壯士肉花情又向南枝簇是月非霜寫不真夜夜生
香落空谷我疑此公猶熱中此公疑我非固窮千家
一鉢草鞋脫耳根孤負晨昏鐘卽今息影已長病齒

循行堂續集

卷一三

七

不關風語不正待得人扶嬾出門點點塵封山水恨
半間雲不肖離山山外雲來爭半間龕無六尺雲千
里何處能尋一箇閒諸君義高憐吾老唐突梅花亦
不少纔說調羹事已非安知碩果人皆好老僧老只
寺家奴愛到人間唱鷓鴣春水春風三世影雪花雪
幹半身枯莫遣虛堂挂此圖長松叅天壁插水怨先
在焉不可呼更移繞屋三千樹得似孤山樂也無

池儀伯重遊丹霞

僻地休傳鼓角動深情會入松風夢使君乘興更登
臨一丘一壑真天縱當年未上海山門絕頂煙光意

獨存及此摩空疑有翅繇來選石信無根自鳴孤掌
還傾耳不發長歌亦斷魂老我隨肩虛柳標憑公高
步陟崑崙鉢中一筋新挑菜飽人不愛饑人愛饑將
公事問閒鷗忙煞何嘗不自在且喚秋蘭充下載香
闌草座同無礙霜清木落掩柴關失卻街頭簾布袋
金山不擬放扁舟三到亭中應別賽離思簇起玉臺
西疊疊山連曲曲溪蓋出暮雲三百丈雙眉莫辨阿
誰低

丙辰二月之事海幢有詩寄懷題此奉荅

九隻金烏不當一彎弓擬落天邊日海立山崩勢自

循行堂續集

卷一三

七

驕魚驚鹿駭欲何逃大衆方窮我方病同死同生豈
無計將軍縱掠韶陽城傳呼日月今重明廉石山中
槍已朽師子巖前失卻口稱戈荷校網誰投刮皮醫
骨何時休雷峯擊柝夜未歇忽聞海幢清晝劫丹霞
重門雖洞開便有白鼠無銀臺業海風濤八面作百
苦安能思獨樂汝曹莫尋沙打油佛燈滅後聞鷓鴣
老來甘食還甘寢茫茫大地誰安枕一星火焚須彌
盧集苑不如仍集枯六十餘年一長歎玄黃血濺龍
酣戰山空夜寒啼杜鵑今年可是周三年

春雨歎

春雨時鳴泥滑滑暗雲覆頂青山沒老夫深擁雨重
棉苦憶三冬偃日腳種菜不生生菜死饑未知終
知始昨歲無油亦無豆轆釜方來漸生鏽幾年
老竟乾撲塵泥水勤加餐一二五日愁欲盡破納招
風人復病九旬埋殺煙霧中水聲壓倒晨昏鐘倏忽
休誇鑿混沌聰明依舊歸盲聾君不見火伍無薪撤
人屋濕墮朝烟午未續百里方員草不萌健兒剩有
皮穿骨又不見官夫枕藉死道旁鬼伯就吏嚴催糧
窮民入夜走空谷溪深棘密逢豺狼六尺單前交腳
坐莫怪山荒老屋破一盂澹飯且調饑不求有福求

徧行堂續集

卷一

元

無禍篆縷初飄擬報恩白毫纔照四天存不關算子
乘除事喚取松枝掃石門

孟夏

孟夏之初海波作鐵鑊欲橫中宿峽孟夏之末大庾
通凌江直下三江同過電光中無一色左手解來右
手結城中村中官如麻或有起家或破家只遣窮民
填性命前供猛虎後供鴉吾宗三剎懸兩地不解憂
身解憂世苦雨連宵不肖乾皇天有淚曾無濟層崖
四面婦子啼朝來失牛暮失雞兵聲喧喧何日定
後催科皮骨盡

答贈廖柴舟文學

廖生手筆嶺表雄摩青欲峙雙芙蓉半生落魄不
志妻梅子鶴隨飛蓬于今梅枯鶴亦死無難直道非
頑空王郎同運東坡窮卻尋舵石如涪翁長篇落落
紙一丈管城秃頂生獐龍丈夫舉步輕八極穿離熊
雀徒啾唧此身無挂等浮雲何不東西又南北屈
安能附世間半張白紙三重關直入蓮華臺藏裏一
光放去千光還此內無賓亦無主萬里蒼烟獨鶴舉
業海全成智海流混沌方生儵忽死何須更說古龍
門一句鏤空天地根廿一史中無點墨可憐白日足

徧行堂續集

卷十三

三

黃昏

送彭玉翰移鎮惠陽

救民水火中行師衽席上將軍小試駐仁陽萬戶春
風開玉帳玉帳春風接鼓鐘倚天劒發青芙蓉忽攜
荊楚三千客還鎮羅浮四百峯老僧適欲過梅嶺相
思各泯如來頂此相從來不可窺山頭問取華陰井
期君話別來丹霞五百生前是一家月裏河山消一
點座旁燈鏡現千華人生何必長相聚不同行處同
無住迎新送故一根塵千百句中非此句升平還憶
致君身南北東四奉一人生草不攷輕踐踏自將名

德配麒麟

殺星歌追敘黃碧生明府談張獻忠遺事戲束
昔年獻賊破川中川民殺十或存一吳川黃子與我
言此賊來蹤頗難測沐猴而冠非其性雙昨夜夜不
交睫獸蹲數十女兒中一女不曾成狎媒營盤定後
營門開毀屋縱橫一萬尺飛馳馬路直如絃長行廣
柱森成列此柱計千不計百縛人於柱纔斬截生剝
人皮作地衣行者落魂招不得夾道如雷呼萬歲回
頭一笑恣呵叱成王敗寇我何名我是從天而下殺
人星嗚呼殺人豈有星下土積惡上帝瞋上帝那得

備行堂續集

卷十三

三

非人情一波忽動千波鳴同業相牽如引繩欲止不
能火旋輪又如賊既破武昌城臨長江留一門
一旗大呼人速行前者欲退後者爭後者不知前者
傾長江一水如長平趙人楚人同一坑此非地出非
天生死不疑冤生疑親我聞此事心欲碎率土之濱
亦何罪此賊現身作屠創因中不解辭爛熳果上烏
能免顛顛對酒當歌幸勿醉是時黃子令吳川好官
萬口同聲傳太上感應持靈篇已銷故業無新愆此
賊之行太上言我不殺民專殺官宗姻黨友奴僕連
父兄子弟全勾牽沒人妻孥侵人田落刃如雪頭如

山居鄉害鄉國害國村村雞狗曾荼毒汝今是我狗
與雞殺人自殺何須啼日持靈篇一百篇不如此賊
長見面此賊之言長入耳便欲愛錢莫愛死從來不
肯訓兒孫此賊言言祖父尊從來不肯守國法此賊
一呼羣唯諾從來不肯信天道作惡降殃誰立教此
賊奉令疾於風善惡明明日在東不待三災通劫火
無煩午夜聽霜鐘世人爲官狠似賊火到洪鑪不怕
鐵黃子爲官善似佛眼裏何嘗落金屑更作吾門法
喜遊心口意業兼和柔聖凡四相等不起得失兩路
皆隨流我爲狂歌世所警忽推此賊居上頭手把猪

備行堂續集

卷十三

三

頭口誦戒無縫天衣七寶蓋三十二身齊現時喚作
觀音都白賴卽今何者是觀音纔到琴堂便有琴此
賊有詩不求是好好面門休刺字

此賊忽題詩云衆人皆避非而我

采藥山人歌壽周俊生

采藥山人頭戴笠手提斧子斲泉石山薑結出紫金
芝仙術釀爲玄玉液空山撥雪松下臥額際美人弄
明月偶看馬足踰紅塵依舊梅花嚼寒雪樂天信天
長任真救人忘卻自家貧熱官到門嬾不受紛紛濃
艷如傳薪傳火滅薪官滅身古今人送古今人心之

不同如其面聲卽縛聞色縛見見聞聲色不相聞金
屋有誰縫閃電口中甘露下穰穰手底碧波分片片
人間噩夢一何長山人夢在無何鄉丹砂九轉成大
藥冷眼一隻留單方知足知止爲世則無終無始還
心王三千學士各歡喜一萬菩薩居清涼

莫愁歌戲東沈存西

雖證阿羅漢各不同軀命至疎之人有同親至親之
人無同病慈父手中忽生瘡孝子手中不貫漿沈侯
仰屋長太息我勸沈侯莫啾啾人生百歲會有極勿
以有損加無益天不怕人愁地不怕人愁人不怕人

愁鬼只愛人愁天若怕人愁落下黃金雨打頭地若
怕人愁腳底全成七寶洲人若怕人愁助錢助米高
山丘鬼只愛人愁敲針作釣鉤牽去欄中水牯牛丈
夫何得落鬼算面前作事背後看劉毅一擲輸百萬
家無儋石從何辦且如寄奴戰敗墮高岸突照躍起
奮長刀獨驅千衆如焦僥梟盧雉憤豈有定手援五
木眼不瞬快心大膽發豪興萬事何須論畢竟有時
我去愁亦盡一鉢徒勞安兩柄或則我存愁去時兩
不相知一不思我與愁俱不可得萬重雲裏遶天鵲

次韻答王岫青

片雲忽覆青山頂眼底冥蒙如墮井須臾日出
東把手招雲雲不從瓜牙已露鱗甲燥定知此物非
眞龍前門鳴金後擊鼓三千年前佛滅度喜君磊砢
如長松亂枝倚壁成雙峯胞胎入時便老大須臾白
後還兒童一山纔見隔千山此處元無函谷關綠陰
罩地鳥聲碎水流花落何由攀

陸園

故孝廉馮茂遠園也茂遠經營數十年身歿
無子今爲鶴田侍御所有戊午初冬三日招
予茶集桂山堂因得歷覽諸勝卽境卽事卽

同人所共論錯綜成詩非與坐者不能知其
興會耳

名園我不知金谷滿腹豪華難入目何處微吹村落
風臥稻正黃蔬正綠勝流結構見心髓定不分皮又
分肉迎門蒼翠撲衣來夾道長身列修竹竹盡相逢
天目松矯如鐵柱蟠龍或欲摩雲或吸水怒張鱗
甲呵晴空宛轉橋垂詒屈影虛明一片生玲瓏主賓
揖坐語猶默千里飛塵蕩寒雪置我深山意悄然明
明密密俱狼藉蓮臺一葉湧層樓香靄烟光樹樹浮
見說秋花開四月紅雲不動妙香流我疑此卽圓生

種遊戲諸天聊作偏分取無憂現半身西方東土遙
相拱鵲榭高題疊疊山人工已竭化工還年深異體
併一氣生烟細冒莓苔斑罷茶散步長廊外秋香
結黃金界不得銀橋看白鷺微分密葉間清籟挨紅
拶白本同條送暖迎寒元別派樹旛擊鼓愛能勞斬
棘誅茅憎莫怪塵塵剖出大華嚴行布圓融等無礙
樓頭揮手卻花神跨礪登峯別問津丹砂井揭葛洪
稿希夷峽寫陳搏真解衣礪礪各選石不知誰主誰
爲寶疑然相聞不相見見之如舊思之新舊若有餘
新不盡兼葭秋水伊何人此是名園出名手每于離

偏行堂續集

卷十三

三

三

合翻空有人時標格借鉛華絕代文章兼老醜昔主
人嘗緊閉門狎遊不敢輕攜尊今主人來門外立五
指直欲排崑崙一則示高一示廣二主人同一玄賞
胸無丘壑豈堪來意有町畦何足往歸堂更飽淨名
齋眼角風流腦後開幽興冥蒙落空谷逸情朗拔起
高臺坐上彭翁愛小築巢林一枝意恆足陸公方駕
古祇桓七日擬成三百屋蒲團若箇話無生拳石倏
有松風鳴石斷千尋松一尺夢中還與蛟螭爭千尋
松是一尺石石欲避松路已窄千尋石是一尺松松
欲就石途已窮路窄途窮人或問說是一家都不信

儘教不信仍一家一條直路三條叉世間事事皆此
理閉門用卽開門體前波後波如連柯遠山一點青
嵯峨取之不能捨不可紛紛萬古肩相摩莫向行窩
尋住窩小車軌軌傳清歌蒼天蒼天柰樂何

贈張伯宣長者 年八十三

先生文苑曾塞旗時違抱甕居城西杳如絕壁臨深
溪眉高眼直腰難低春秋八十過三度神志精明骨
疆固不說門前元有路擁膝微吟長閉戶戶外雖窄
戶內寬四海十洲相往還飛塵隔斷三重關鬼簿休
爭上下班穀城山邊見黃石此是雷侯腦後骨與赤

偏行堂續集

卷十三

三

三

松子同一質劫火洞然時出沒全體清涼兼潤澤南
海之神號祝融熱非夏令寒非冬爲翁傳語張龍公
一鶴能登天九重豈無蓼人爭鮫宮我出此言息戰
關天還高高地還厚八萬四千本來壽大鵬斥鴳俱
成就

訓陸曠菴

曠公寄詩徵本性萬象森羅一法印一聲彈指聞不
聞認得聲前失卻命老僧欲行殊未行每念當湖格
外情彼此須償文字債坐令瓦缶如雷鳴我目其篇
曰捺草是中狼藉亦不少持語廬山兩侍僧依樣

來緣起彙緣當起處本無生蛇尾龍頭不用掃總同
門前看刹竿聲喚聲應全放倒面前是地背後天八
百主守千年田錦上添花我在後雪中送炭爾爭先
底事甘稱離外客運身不出繡牀眠兩度歸飛隔夜
雪報道豐年好時節三冬挾著一春秋九夏如焚五
穀結儘教遊子落他鄉關山萬里同明月綠楊枝上
喚歸來鋒刀截斷啼鵲舌

曠菴長歌送別遂及見性之事題此奉訓祗是衲
僧家常茶飯卻須問取鄉下夫妻耳

廬山行訓沈尚廬

續行堂續集

卷十三

毛

老我方思蠟遊展濟勝有心已無力搏風不得欺怒
鵬豈與燕雀同啾唧匡山拔地四十里漢陽去天不
盈尺面臨星渚背江州風靜鄱陽獻沉碧共言奇秀
甲裳中水在均堂翻一滴我向其間浮芥舟片帆撞
落天邊月恰聞寶藏在龍宮半雲半水尋雙楫忽遇
高人沈尚廬襟懷浩蕩開江湖紅鱸未消眼底雪欲
行無伴心羈孤自說扁舟擬同往新詩十律垂五兩
安得長江借北風五老聞之遙撫掌大鵬未到須彌
山七日七夜窺天關有時低頭復視下微塵九點齊
州煙老僧近覩不能見蒼蒼一氣迷中邊莊生聞之

笑相語我在漆園只如許俯仰高卑事偶然一拈一
放嗟重舉井蛙不羨黃鵠飛修羅卻道玄駒微有人
愛行有愛坐我與尚廬且一個

舞兩以樹根自然龕見貽

本從山林來應轉山林去浩浩紅塵中知汝難久住
當日曾邀兩貴憐而今忽與孤僧遇千峰萬峰一把
茅滿塢白雲無覓處鵲湖吾宗有俊才見我劃若雙
扉開此物氣類頗相似延津劍合資良媒眼前突兀
思太始冷泉怪石相胚胎筋作盤腸髓作肉皮毛不
得生根芝良工入山苦搜索敗葉繁枝嚴剪裁條如

續行堂續集

卷十三

美

老聃八十歲一朝墮地成嬰孩大士塔中鎖寸骨斷
肢錯節交縈迴擁腫玲瓏一合相補陀巖即蓮華臺
堅牢地神請作座頭髮挂破菩提腮樹神之髮亦下
垂喜摩怒戛騰風雷溪山佳處著草屋折腳鐺中煮
黃獨前窻一株支離松後門十個龍鍾竹中間置我
邈邈叟相對忘言意常足刀鑽古怪那斯祈拂拭勤
渠休齷齪有根不得無枝柯三生石上如連波爾我
毘耶曾搗影阿誰無分山之阿雲封古洞纏藤蘿支
頤枯坐放兩眼無明岸口觀填河

草庭歌爲聲來賦

鮑子草庭不落剪空牀夢與天俱遠三重茅蓋恰當
名百種花開未過情堯峰爲分香與惡古道長見久
不作惡草不存香亦芟長波斷岸連青山明明雙眼
未落井那得開畦種鉤吻室內橫陳只異書今人與
稽古人居一枝巨筆點鬼簿死者如新生者故此樂
不數南面王敷蕭榮艾悲秋霜題閣復名驚歲晚怪
煞時文能礙眼爲文所礙非眼睛西方落卽東方升
日遶妙高峰一匝明非汝見暗非瞎夕月晨風開亦
關詩筒酒琰忙中閒金風凋盡梧桐影掩卷挑燈人
未寢學海初成縱鰲魚三豕渡河收墨猪天門直上

徧行堂續集

卷十三

五

九衢路巍巍堂堂惟獨步寒松青青寒菊黃胸無萬

卷休登堂

訓李瀟月長歌之贈

老夫賣書過當湖有不愛者有愛者尚廬室中見李
侯信爲解事人來也一朝相訪不數言睂間眼底皆
豁然始知根性有利鈍石鐘自倩桐魚傳長歌惠我
意傾盡波瀾浩浩生晴川有時閒窗一朗詠耳邊金
石聲淵淵松子墮地不成棘家風豈得非青蓮素友
相期惟此道幻影牽人日顛倒蘊崇三毒起三災舊
業未酬新又造殺運相尋正未休寸草化作千戈矛

誰說來年欲苦旱跛鼈不去窮魚愁與君一坐同歎
息今日驟寒昨日熱刹那起止似循環那得興亡問
疇昔長將冷眼對青山不見亡珠豈見還別後爲搜
訓唱意紅塵深閉白雲關

贈于甘山

年八十三

念佛欲見性已落第二念一句阿彌陀心心無間斷
全身一念中如見不見見豈有從旁人著眼旁邊看
忽疑念佛是鈍根智者面前三尺暗神龍不居一勾
水七分謗借三分讚尚虛謂予神龍豈可居于一勾水予笑云此語亦是讚亦是謗
無窮世界一毛中歷劫遊難尋畔岸情存大小立封

徧行堂續集

卷十三

四

疆二鐵圍山坐塗炭卽此鈍錘打利錐得了明珠將
餅換于翁自昔負才名老來淨信西方觀六時風鐸
和哀吟輪珠稻草渾忘算法苑同推精進幢外道天
魔不敢犯請翁住世一千年我翻筋斗長相伴如今
識面便知心此後知心不識面

米貴歎

米賤討米易米貴討飯難賤時檀越有一石貴時檀
越無一盤地自窄天自寬斫竹布梯空裏看左手接
右手搏長粳白湧瑤華山入水取月臨風餐丙丁之
際悲南安米貴催本色米賤催折乾肥水從來不到

田張弓彈雀兒早晚落簷端汝曹何地逃飢寒長安
路絕黃金丸

訓俞右吉

構李名流誰祭酒俞子分才羸八斗水輪百折海潮
飛雷鐸一聲山石走世衰道喪心無田惡順人情善
逆天欲挽銀河憐獨掌問誰金谷駐千年我昔盡言
曾結怨棒下刀頭爭一線老來無力發疎狂生鐵心
肝含笑面請經初作販書傭忽聽寒濤起碧松錯落
長戕珠萬斛昭回破寺月千峯茫茫往跡難重舉雲
密西郊仍不雨造物因人喚小兒火車旋煞誰爲主

徧行堂續集

卷十三

三

黃金臺下騁驂騑蹇兔飛龍各掩眸大鵬展翼覆九
州雀躍鯤潛總掉頭牆東欲炙尚有日硯北欲枯尚
有筆西方彼美是何人綠萼南枝漏春色短章未足
報瓊瑤客在天涯別夢饒五老峰前增二老送迎莫
限虎谿橋不然榻下丹霞臺絕壁鄰虛見三島臥遊
不出枕函邊毛孔無窮天地小我把君詩雲半間五
湖烟水日潺湲妙音秀色仁風裏白犬青猿罷往還
朱山立有詩見贈喜其不落世諦走筆奉訓
老僧不敢居名節世出世間因自別詔獄餘生大願
輪曾仗摩訶般若力因地不從名節生果地肯從名

節結人人關我入此門此門我已先關出有時關開
解藏身吹起黃塵遮日月諸人議我不知我見諸
人人不識兩般毀譽一徒然旁觀笑倒朱山立說我
且非忠節人麻衣揣得骨頭親三世以前三世後誰
無父子無君臣此道卻能作忠孝忠孝不能作此道
三十六宮全是春點著春時偏不到逃情故生男女
根生生不斷誇兒孫橫流難返制以禮亦如賊去關
重門欲結爲貪貪結殺弱弱者出肉彊者吞大則興師
小構訟和事老人成至尊有權有利復有名諸侯之
門仁義存唐虞讓罷商周奪微塵點裏爭乾坤夫婦

徧行堂續集

卷十三

三

倫爲人道正以理覆欲終不淨卻向無聲無臭尋冥
諦全摹外道印況復沉倫勢位間差排義合奸天性
還聞不共戴天仇殺業循環無畢竟我法曾傳國士
風三千里外絕羅籠不涉衆緣謂之節不存二見謂
之忠一雙眉下同雙眼底事交光分近遠天空海闊
本來真坐井而觀徒見短喜君立處不尋常三寸柔
毫更舉揚門外莫教人聽得勞他磨動舊刀鎗

天寧禪寺千佛閣災

己未正月之四日天寧火焚千佛閣老僧合掌懇
笑人或咨嗟或錯愕笑者將無或幸災我見此災福

徧行堂續集

卷一

२॥॥॥

THE UNIVERSITY OF CHICAGO

裘杼樓藏書歌

徧行堂續集

卷十三



中華民國教育部

111

龕主人分光闕白月非俗非真人莫識碧穴寥廓夜
氣寒銀橋路滑金風乾

徧行堂續集詩之二

丹霞今釋澹歸一造 侍者 古止 編

七言古

念峰居士姪長歌見贈題此訓之

已老何由復年少擬鑿中央不成竅後句未就前句
忘上三下三各顛倒始信前賢畏後生秋氣已竭春
氣盈百花無語同獻笑黃鸝紫燕相和鳴枯槎不得
無雨露即有春意非人情語兒吾宗爲我集烏衣玉
樹如林立念峰旃子出新篇似水空明涵遠碧戴民

徧行堂續集 卷十四

二

國裏鳳鸞歌蒼頡臺前鬼神泣三世悲歡並一時萬
籟銷聲山竹裂馬家汝似白眉良風雲直上資騰驤
霜蹄尚屈天衢步白汗鹽車走太行不愛黃金愛駿
馬古人真處今人假道交日淺利交深且驅駿馬尋
黃金欲入天關先入貨凌空白鶴泥中墮千里之足
胡爲來不見黃金誰見臺慧業文人道所重短詠長
吟天忽縱野人傾耳即知音破囊百納無絃琴暇日
爲吾彈一曲高山流水更相尋

梅涇老叟歌答贈濮澹軒

我尋虎丘第三泉太息何取虛名傳卻來半間樓頭

硯池裏一勺剝與蒼龍潛梅涇老叟日驅使短律長

歌偕作止詩魔窮鬼如連雞一起一仆難高飛怪得

通身挾災異七月胎前思墮地急性安能不憚煩悶

殺老聃輪俊氣雙胎中未七兩手失卻雙眼睛金針

一撥纔分明三載頂門結毒潰高冢敗血如潮日日

湧脫皮脫髮頭欲空青青車蓋還孤松聞有羽流爲

施藥便擬凌虛飛一鶴頂生異疽得異忽然幻出鳩

槃茶行扶坐踞悲匏瓜羣陰決盡陽亦固不待綢繆

問桑杜鳩槃茶負陰而行踞陰而坐有時墮水直巖

冬矯若陸海鞭泥龍寒夜墮水無知有時殊連棲棘

徧行堂續集 卷十四

二

木雀角無由穿石屋客語以直言爲人言此翁命豈

殊四山沓合吹鄰虛我見此翁有至性人定豈容天

不定當年四歲哭北堂無前無後無中央聲聲相似

不可斷已與秦庭七日同剛腸夜不絕聲者三日祝

融縱火圍七匝眼看洪爐只秋壑石攜萱樹左攜椿

所踏何物風爲輪二親在火中不能出與赤身人復

言翁有三絕才一絕慙一絕慙一絕我復見翁三不

絕窮不絕病不絕禍患攻之總不絕此三不絕非爾

才絕慙絕慙從何來玲瓏七竅歸無懷直如嬰兒之

未孩分別不行聖所胎機心機事胡爲哉我昨爲翁

作詩序意有欲行手不住翁爲我歌我亦歌依然窮
鬼連詩魔說與病魔避百舍歡入期願如啖蔗不妨
清酒日三升葛巾闌入東林社卽今傾盡復何言我
昔聞之王石年石年吳門一奇士一般潦倒無人憐

贈王劒如善友

夢中爲惡不知短醒中爲善不知長一樣不知成兩
路可憐同室變他鄉進前豈復思退步牽羊入市羊
不悟擡頭識得是屠門欲轉身時已無路我昔全身
妄想中將心逐境如追風一回痛喫金吾棒始信途
窮不是窮喜君未老作死想不肖虛生道愈廣四大

備行堂續集

卷一

三

無常四導師攜登不退黃金榜從今步步是空行到
處留情不繫情兩個不知歸一路同條懺懂各聰明
王農山欲先顧寄語鷹垂止之卽次其意代柬
垂老更作雲間遊一心兩足成戈矛農山先生憐我
病欲枉高車愧非分憑人轉語復鷹垂盛德微公誰
與歸筋力之禮不責老我行後公三歲小借君半晌
松風聽爲我龐公三到亭不立賓今不立主葛天而
往定何許家庭不衰人不驕隱者不賣顯不勞滿公
曾入洛陽會無礙雲山出天繪有時野鶴連孤雲乘
風不覺離其羣相思欲問無由達五老長爲二老答

贈周鷹垂

日月繞腰海作口豈數雲夢吞八九眼中塵落須臾
盧不見紛紛蠻觸走周侯古之俊邁人一語相當胸
立剖人間瑣碎安足論支分節解爭微塵搏風俯視
九萬里浮漚點點翻乾坤嗟我此來何所事非聖非
凡休位置半尋拄杖折爲薪五色柔毫禿無字可從
忘處畧偷閒收我孤雲還半間峰頂潌澗成九曲泐
心跳蹙見千山不思議力雖奇絕舒卷隨緣了無跡
墨池一滴下虛牕倚天萬仞開青壁

諸勿齋過訪期爲九峰之遊

備行堂續集

卷一

四

公一訪我於金閨此再訪我於超果不因親到古雲
間同在途中各相左山水爲主遊者賓意氣落落難
相親山水無言遊者倦作合豈得無幽人夜起剝泉
得落月朝來移石連飛雲桐葉題箋待詞客蒲團結
座延孤僧經營丘壑聽部署蹀躞風雅傳丹青住名
主人不住客客有閒心主有力僊人論處生羽翼世
諦無損道無益一笑相攜在疇昔我老恨無濟勝才
芒輟未踏松門開撥草瞻風去處去明明此路來時
來驚頭莫遣生蒼苔

贈沈健翎

沈翁念我見真色如鳥命命相因依我荅沈翁殊草
草談玄早遜長鳴雞蕩水盤山老逆旅翁以浮名繆
相取其間饒有渭陽思夏功舞仲其渭陽也死節於乙酉大指不容
輕出處有時篝燈鈔細書碧眼雙懸照乘珠有時勤
禮四法界燈鏡重重等無礙東方爲飯西爲湯過喉
炙穀馳康莊塵積彌盧智發火一星空劫灰蛇舞斜
間精悍倏飛揚殿中愛我爭如虎我今化作繞指柔
暗牽衲帔尋繩頭寒山拊掌笑不已豐干雖好非同
流鬧市叢中且面壁誰喚罡風追白月罡風不住月
不行茫茫萬古皆離情祗是月長風陣短換卻風頭

備行堂續集

卷十四

五

月不管

南園口號

自非知己誰堪托況復衰翁不再來分付東風勤守
戶莫教吹我白雲開劇憐人面似蒼苔初擬客子書屋以病甚侍

孝山久交乃假榻社門

又

雨雨風風切骨寒畏人提起路行難眼前何事先孤
負滿樹梅花開又殘記曾月下雪中看梅花盛開竟不能扶杖一觀

又

使者時來問所須多求多愧輒躊躇可堪老馬反駒
意妄想如輪轉頻車驗他食指動何如久病思味惟即厭每承下問惟有增悔耳

又

四大空煩八苦酬七方那見一人留爲憑本草來遮
眼免見良醫去乞頭老農老圃復難求借本草綱目從穀部榮部中求食治相應者亦不易得

又

貴人病把乞兒尋欲探清河怯水深昨日吳門歸白
舫今朝藥裏見黃參是伊一念重兼金孝山續參一兩

備行堂續集

卷十四

六

又

我爲遠遊方出嶺如今多病不能行蜚鴻躍馬看人
健似有罡風兩腋生扇開蝶翅聽無聲聞友人遠行湧乃不離牀冷桌角耳亦復遊思空

又

急難鴈原問弟兄難相商處卻相通雲中欲喚三青
鳥籬下長憐二小蟲頻頻納與信天翁聞百時過問起居飯食幾爲吾作三青鳥矣

又

五夜休尋鸞底眠一尊不費杖頭錢曾提布袋逢彌

勒誰踏金臺問酒仙麴生風味在東邊古機愧家語

又

天邊一隻戴角鷹墮地化為沒腳蟹悶來側目似愁

胡欲射神魚泛滄海笑汝童心死不敗病勢極目乏時遠遊之思

未嘗歌下豈所謂鷹眼猶存耶

又

右拋竹杖左拋籃烈火乾柴一草菴無家可埋雲外

鶴有湯能煮親中蠶自家著落自家諳初離黃山詩吳門復有觀

音山之約伴者不欲就然往往以沒著落為嫌嘆弟

備行堂續集 卷一四

討處分耶

又

吳山粵嶠各通津我是寒灰與濕薪緇素兩行排煞

曜火風一道走生輪不能脫去怪何人一峯自片霞來虞紹遠自

杭州來皆老牛病脊上鐵鞭也

又

清齋老病得公憐寬假聊從方便傳若遣豬羊來饋

藥先教魚蟹不論錢空囊賺我已多年存西勸我類

予笑語侍者吾非不解食肉但無錢耳窮之能成人如此

又

寂寥無事坐焚香忘卻迎南令節長忽見櫻桃成立

夏已知角黍穩重陽吳門五月憶飛霜立夏日陸大

豆百草粉餅之餡昨歲半塘無錢買角黍一行入遂不解櫻

又

太平廣記五百卷十法界海呈全潮老僧不見不聞

地山鬼門庭一樣高浮漚起滅不容刀借太平廣記其荒誕予謂是平實供通耳

其荒誕予謂是平實供通耳

又

怪力亂神祇是我語無斷絕如鉤鎖真道齊東假捏

成畫影圖形無地躲差別稠林一炬火儘他怪力亂神做盡手脚

備行堂續集 卷十四

於吾心不思議境界直一毛頭許耳或謂婢官野史無一真者韓幹畫馬纔脫棄時已被金天王騎坐矣

又

稻重東南少不知麪尊西北病休思花開二麥元當

畫簷曝招誣在幾時憑人遠寄火燒兒簷曝叢詩北麥花開在

畫南麥開花在夜故南麥不宜人也然今南麥開花皆在晝矣直欲勒令招誣

又

衰年關鬲冷堪憂白粥相當玉筋頭卻怪當湖無此

物石門饒與麥俱秋移茅欲蓋菜芝樓種一名菜芝本神云雖白

粥煖胃健脾近囑石門家姪致之

又

入夏尚擁三重綿太陽落在阿誰邊人人都有太陽
在只汝落在陰山外勾卻千年老兵債立夏八日二
脫何時能卸袂使我一身輕手雖然
汝是清浪配軍只冷做千年老兵耳

五言律

送記汝幙公還雷峯

不作住山翁回頭路便通扁舟辭錦水孤錫嚮雷峯
此意如能切安心豈未同全身纔放下無處弋冥鴻

又

掩室罷登臨徒拈枯骨鍼病龍虛作雨獨樹漫留陰
送子知歸日憐余不住心空山人已老江水爲誰深

備行堂續集 卷十

次韻海幢被劫

獨立危峯上相呼落月中墟烟移樹白營火出江紅
淚向聞後續心隨逐鹿空有人悲躑躅無語問鴻濛

又

滑滑鳴春雨荒荒失暮烟險崖尋是路絕壁倚非天
匣澁摧鋒劍橋傾漏網船不知山鬼面認取懣懣前

又

虎狼如恐餓臂指亦堪燒白賊徒饕餮青山未寂寥
此門行似幻使爾意俱消如聽風鈴語玄音下赤霄

來詩感而不怒蓋吾輩
自有劫掠不到處也

倬留須子

亦知終不免此路倩誰通未遂赤松子吾思黃石公
有身隨禍福於義得初終幾夕聯牀話悲來問朔風

又

豈得無私憾相忘事亦難看雲裁羽翼借水作波瀾
口內曾攜斧空中莫弄丸深山陪木石今古夢俱安

又

春雨千花重秋風一葉輕淚徒霑枕蓆語不諱家庭
筆墨勤相愛功名懶自成傷心何處劇未得信無生

又

備行堂續集 卷十

白刃追魂到春風過耳酬此心元爲漢大義不從周
灰土虛存壘生王苦戀頭莫牽二世業庶解一家憂

生曬茶

妙質隨時采生香不日成蘭膏清露擢石蕊冷雲擎
水外無餘色茶前未立名人間巧自足且莫與天爭

寄懷劉煥之總戎

不見元誠子相將二載餘青林應入夢錦水得無書
世事俱如幻人生各有初隨流真未易獨立近何如

又

出粵全臨楚遑谿此漢關乾坤百戰劇風雨半生閒

曉角傳餐去昏鐘策杖還雲低天盡處日斷萬重山

又

牀下聽逾劣天邊看亦慵狂花飄五等敗葉墮三空
老病徒留我安攘且問公玄黃頻灑血無計慰群龍

又

呼猿停楫短拱北坐更長片舌辭雷電顛毛隕雪霜
何人同語默沒與抵存亡欲解思君結來書細作行

畱別尚羽階總戎

未忍輕言別春風次第寬幽齋傾玉屑野寺簇金鞍
江靜布颿隱山深竹榻寒臨行須寄語念取局中難

儼行堂續集

卷一四

三

三

又

楚粵同持險安危只自強穴中論鼠鬪天上憶龍驤
士豈全超距人誰習處囊東南民力盡永夜獨迴腸

又

密室寄鳴琴相思託雅音關梁來未盡湖海去何深
斟酌饑時鉢蹉跎病後鍼盛年難再得珍重惜分陰

寄別李韶州謙菴

叱馭當危地儲胥唱夜籌軍資分負戶清嘯獨登樓
白骨能相委青山得自由平生孤立意真率付滄洲

又

慧業非專巧通才不擅名靈驅龍爪重雪捧鶴毛輕
畫水初無跡鏤空別有情雙瞳何待熟一面見三生

又

方員徒自畫上下莫能知守黑全知白爭先卽用遲
此心能及物吾道不違時苦雨辛風地回甘寄所思

又

枝葉俱成蓋山川更出雲晨風勤運甓夕月細論文
史卽三長具書從二酉分名流來未已憶爾惜離羣

六月廿有五日度梅關

出路明明是蹉跎只未能一朝成決絕如翼會鸞騰

儼行堂續集

卷十四

三

三

荷擔無今古安居有廢興梅關爾何事氣象獨崢嶸

與樂說辯弟別於南安

不少分攜恨嗟君淚未乾卜鄰吾亦易弘道爾非難
解夏月常潔立秋風漸寒雲山江上影仍舊大家看

軍需船

聞道軍需急千艘濟粵西官私無暇日水陸儘遺黎
戰苦兵鋒澁村荒徑草齊畏途兼落照天際一眉低

停舟西昌問研鄰近狀

物態嗟零落家聲未寂寥犬休疑破壁鶴自信危巢
天濶雲俱懶江昏風更驕此門空底事心境一時消

過樟樹寄夢破傳物故久矣

傳此蓮花寮吾今不食言三年纔阻絕一夢已推遷
呼吸真危甚幽明各悄然見聞非爾事此話古來傳

七夕抵南昌

老去休尋巧時危拙愈多扁舟憑掠奪折柬自消磨
淚盡征夫血聲闌估客歌人間風浪大將就只填河

候孟昉於郡署之寓

樂非行患難悶卽遣文章花底迎朝馥風前納晚涼
徑猶來二仲枕或到羲皇此亦袁閼室歸家莫暫忘

悼黎先生博菴

倫行堂續集 卷十四

三

會託青雲契遙同白社遊見能通現量識欲泯浮漚
大節畱千載閒名謝一丘晚風吹昨夢不忍到西州

法雲堂喜晤余霽巖別駕

邂逅成相見清歡且一時詩文雖薄技丘壑有深思
花雨浮金地卿雲結鳳池吳興古勝槩一葉問新枝

經堂寺燈下招詹變公話舊予以凌晨之廬岳

五嶺眞難往三山未易歸八年纔此會明日又重違
老景吾何戀長眉爾自垂同懷如白月盈處一痕虧

悼棲賢石鑑覲兄

未和遠遊賦先吟歸去來達人緣卽道乞士法爲財

龕窄宜枯坐山深好活埋畱將慈氏下方便爲渠開

又

退院何容請思君亦太勞痰纔攻若綫血已敗如潮
走向狂邊歇言從囁處消恰乘懽喜隙撒手更逍遙

老人至師喜甚遂愈後卽或疑之予曰正歡喜時不須便非後物

又

病愈方堪歡來不用生劇談會淡日快讀每三更

泯跡歸全主摧鋒陷老兵未知誰勝負一笑且橫行

山人云石鑑讀汝集每至三更復病而歎予向與山尊長老劇談三日開先僧云因此疾篤遂化去

又

倫行堂續集 卷一

四

夙別都休哭生離應有歌莫言三際斷筆奈一家何
急雨礪中落涼風月下多挑燈發高論識取病維摩

與鶴鳴摩兄棲賢龍弟談卜居匡嶽之事

住院如退院入山休出山老僧當此際二與四之間
欄月尋峯上林烟罩地還雨餘無虎跡深夜莫畱關

又

鶴鳴峰頂嘯槽斷水邊詩老不能登頓貧兼守拙遲
矮離垂雨葉曲礪颺晴絲記得村居裏雞鳴犬吠時

悼朱隱君燕西

往歲棲賢谷清言許唱酬晴街纔易米夜壑竟移舟

後事存賢守新阡表故侯幻生知幻滅非幻復何求
倫使君宣明於君生養以葬復恤其孤可謂至矣

宿龍王閣

半夜月窺閣清秋暑退餘南來成水母北面拜江豬
逆境懸相待虛舟信自如晨風涼透腋高臥即安居
倫宣明太守遣令子子受相邀晤語

一見佳公子曾聞倫使君自憐行計促莫怪不相聞
澤物三危露傳人五色雲後期知未定分手惜無羣
鄱陽湖

未識鄱陽險安知萬慮空聲非驅白馬力不借黃龍

偏行堂續集

卷十四

五

莫辨存亡地誰分上下風浮生難了事飄泊趁飛蓬

左蠡之民以覆舟爲利

左蠡民風薄歡呼有覆船不辰生此地苟得儻由天
各遂因緣後非操固必先風波即傀儡喜怒落誰邊

愁鬼

刺耳聞愁鬼估客云愁買愁賣愁風愁水愁盜賊愁官府祇是愁鬼說甚商人聞之歎絕
回頭笑老僧寓形同泛梗寄命即風燈解帶誰懷壁
披襟忽飲冰衰年何自苦薄德正相應

落星堆

巨石奔濤會摧舟急趁風使君標鐵柱漁子竊鯨鐘

無復知趨避安能薄事功鞋山曾建塔濁浪正排空
廖百子司理此郡暨鐵柱於此夜行聞鐘聲即知避後爲漁子盜去鞋山塔毀亦利涉者所宜復也

守風十四日乃得南風乘夜出湖口

北來吹欲盡一雨得回南天意元無黨人心豈未甘
雲痕迷斷岸風影靜飛帆永夜誰同醒秋懷冷自探
馬當

高閣遲王勃神風贈馬當一時成此勝千載夢俱長
渡海人何在呼天問已忘片帆秋色裏山水自蒼涼
東流

彭澤未分邑東流陶令家公田虛釀秫隙地豫栽花

偏行堂續集

卷十四

五

九種鹿邊草一江鷗外槎寓形知幾許何處不天涯

皖口

李唐文盛日盜亦愛詩人漫讀蕭何律休傾白墮春
此公那易得今日定長貧莫惜弓刀便來翻案牘新

望清溪塔

曾上青溪塔于今廿六年已無升降力祇任往來緣
皮骨酬三藏雲林問一椽此心不盡處長在碧霞邊

蕪湖

絕岸指螺磯湖深頭角低生涯利市倍殺氣要津迷
孤客無留血連檣有噬臍地形隨事轉此穴近堪隄

夜起對月

秋熱有如虎，艤深易聚蚊。起乘風月下，曠若水天分。
人說烏江渡，吾聞采石軍。山荒爭讓絕，搖曳愛涼雲。

度楊子江

大江臨鐵甕，一寺裹金山。日昃雲初湧，風驕石愈頑。
弄潮漁棹去，戲槳蝶飛還。蹴破吳天看，人忙境自閒。

菱豆

菱豆中秋事，離家久已忘。小舟誰喚此，入耳便還鄉。
粵客曾知味，吳兒應解囊。宛然舊風物，珍重滿頭霜。

覆舟

偏行堂續集

卷一

七

少有艱難事，能生警戒心。物於偏處重，舟以蕩時沈。
且誦前車覆，休從逝水尋。灰中還得活，一笑語知音。

贈朱子葆

舊國秋聲裏，孤鴻落遠天。相看饒白髮，獨坐剗陳言。
世事俱冰解，人心只火傳。欲尋真率意，釣艇五湖煙。

又

何事得亡求，蒼茫老未休。迷途憐七聖，絕岸指孤舟。
遊屐君初歇，無菴我亦留。莫分方內外，都不涉春秋。

次韻謝李明遠

夜氣深更復微言，四座傾貧須開白眼。健不飽青精。

砥俗春秋義傳家，廉遜名濁流。知自革爲爾學，河清

賣書

畏逢收責使，甘作賣書傭。世下文當賤，年衰路自窮。
低昂酬白紙，顛倒販青松。鈍市同愁鬼，開船遇逆風。

此集二千紙，客云藏經百紙，三分今以綿料百紙四分侍者云，如此則折本予笑云，鄒陽采頭逢鈍市。

蔡石爲予乞供客有阻之者

乞食吾家法，無緣有命存。維摩纔遣鉢，香積便開門。
豈望蛟龍奪，誰分雁鶩恩。故人逢不得，攜手過前村。

陸孝山太守聞予至郡，卽自當湖來會宅中，多

穴一面而歸，感其至情，惘然有作。

偏行堂續集

卷一

七

重逢初未擬，意在起東山。難得流泉便，休過湯竈關。
青雲方落落，白水尚潺潺。且解相思渴，扁舟又不閒。

又

乍見還成別，羈懷倍惘惘。如問邊增一劫，將罷第三珠。
泛水流桃梗，攜書走蠹魚。路難心不變，滿眼正崎嶇。

又

星搖悲烈火，絃急憶柔風。襦袴歌彌切，蓴鱸夢更濃。
老來行蹙蹙，事了話從容。怪煞微塵破，深經轉不窮。

又

萬軸長操契，雙眸冷擲梭。迴風移岸艸，滴露老庭柯。

家食貧如此詩情近若何浮生如幻意祇合付狂歌

采臣見招話舊尊人調之病未能起即君舞兩

已有二男撫今追昔爲題二律

三十年前話春波醉露桃子年方舞象吾意在持螯
轉眼餘三世隨身剩一瓢閒論別後事索句水雲消

又

相見初如夢追思亦惘然浮萍雖暫聚落葉豈重鮮

白髮高堂病青氈舊物傳龐公兒女意十月小春天

用韻訓王寅旭

曾讀潛夫作思君道氣深炎涼無異用丘壑有同心

徧行堂續集

卷十四

九

痴落先知味桐焦復賞音來詩見冰雪颯颯響空林

又

寒天應乞火跛鼈豈容知四禁俱消後一鑪全颺時

水流千里穀柳拂萬條絲失卻橫斜影臨機那得師

升初以幅綾索書所上平南王啓

直道斯民在空言亦可存何人操史筆不意到王門

內外無殊體興亡共一尊吳綾閒索字字裏立乾坤

贈陸右韋

秀自烏衣出文從丹穴來寶珠王髻得嘉穀石倉開

白玉初成液黃金更築臺斑斕天上落片片五雲裁

赴沈季輪茶集

隔帶無多水披襟卽是林毘耶賓王話兜率弟兄心
未擲雲中鉢還聽石上琴青山時覆頂得路官相尋

悼趙帆青

七子才名盛帆青欲冠軍人間方尚武天上正修文
各秀湖邊樹孤飛嶺上雲不知隱顯法一界向誰分

喜若干兄自石門來看

此夢無今古乘時見短長別君逢坎窞寄國到寒荒
未落空梁月俱添兩鬢霜相看在何處閱世有虛堂

又

徧行堂續集

卷十四

十

嚴風何凜冽一面盡悲歡逝水勤趨海桃人懶下灘

道南禪自少硯北坐逾寬異域餘生話頻將燭燼彈

又

緇素雖殊路平陂共此時冰霜元自潔花萼有何私

不遣來情擾誰將去影持現前珍惜意應許雪鴻知

贈陳孝廉子木

意外重披對心存道未荒守身尋石戶論世到羲皇

天上醒難俟人間夢更長高秋蔬笋會看目見風霜

又

我昔名場客君登宿將壇題詩桐葉小說劍酒盃寬

不覺江山異相逢雲水寒殘年勞慰藉細縷切春盤

贈王方伯言遠

早已除三惑寧煩鼓四鑪浦投香一片洲刻木千奴
白眼酬公事青燈返故吾饑鷹休見附集苑不如烏

又

鼓吹來人思孚公啓悟門君詩真自得此道與誰論
九奏歸雙淚孤絃轉六根人間無聽客駕鶴到崑崙

又

日中收颺颺斗北隕招搖不信波翻舌安知蜜在刀
獲麟終絕筆得鹿漫藏蕉青白渾無意空花眼底消

徐行堂續集 卷一

除夕周青士自桐川徒步過精嚴卻寄

趺足來除夕尋言到竹林寂寥貞士夢徐橫秋急難故
人心盛葵未覺團圞晚先期慰藉深青士向高山流

水意何待理瑤琴

又

且著門前眼難逢格外人桐谿頻有約雪嶺正無鄰
別館新春樹殘年客路塵因君念民事吾意闇相親

汪周士晉賢寄語闢館相候青士復語予今歲薄收
青黃不接之時窮民可慮勸人發粟宜早計也予甚
之是

示姪孫正漢

獨立塵勞內如吾亦僅存破家還祖父樂道許兒孫
五繫空魔胃三絨出禍門圓明惟一點赤手立乾坤

又

桑梓衰誰敬松楸早自凋心存天即見學到古非遙
比質宜金玉敦仁絕貌梟淳風期汝在家醜不堪描

吾所出有爲鵲巢破鏡者矣

次韻謝王次張

入市憐垂老登峯且索居詩難訓刻燭塵易析鄰虛
尚飽鉗中粟空傳枕畔書高才驚下訪歎我不如初

次韻謝徐卓崙

徐行堂續集 卷一

後起聞群彥推公一俊人清思來鼓吹逸翮上風塵
未覺名根重相看道意親遠公留白社可得兩遺民

李子喬明府自武塘來訪

頗記長安夢疑從絕域來離懷悲處失生面笑中開
霜雪鬚眉結風波義命裁雙眸燈外朗此地絕纖埃

又

老去宜安節閒來得固窮吏非能擇食吾亦解觀空
映水松筠月吹田禾黍風無人窺研北倚杖只墻東

又

凋謝酬餘業孤危剩此生畏人前路遠多病老年輕

密坐何當續浮雲不可擎五湖烟景濶長對少微星
題城南書屋留別皚亭

十畝能逃俗千金會買閑遠心依白業冷眼注青山
道在空三世雲飛剩半間高流相得處黃鳥語綿蠻

又

雪意晨迴薄潮音夜寂寥似雲還見石疑閣忽成橋
倚杖聽花信攜經辨藥苗馬頭塵撲面此隱不須招

又

路難千古歎客喜一如歸宴坐花頻落徐行鶴懶飛
設身纔處地稱體復裁衣已熟休相戀憐予未息機

徐行堂續集

卷十

三

又

重來難自定何地更相逢萍散元隨水鴻飛不印空
登臨遺小閣消息問孤松此後看圖上而今已夢中

次韻謝梅靖菴

矯翼風塵上長謠烟霧深秋山分道骨春水濯文心
自種湖邊樹相憐澤畔吟曾將丈夫事一問徑山欽

次韻謝王千里

陋巷能尋樂吾猶識此賢晨吹梳密樹晚照濯前川
肯續無涯夢還隨不住緣聞聲定何許霜信落南天

贈周芸齋

何處尋高士橫舟一水通瞻雲初掩日載雨忽隨風
門巷靜如此詩書樂在中家珍待傾倒茗盞自從容

又

薄俗流方下高山仰昔賢風雷至性作日月大文懸
恨逐攀髯逸驚看化碧傳雙龍意外合在我不關天

忠介公諱命爲倪文正公筆神道碑則黃文忠公墨蹟也芸齋血書貼黃及諸公題跋皆得隨喜諸軸失於兵亂有健兒手捧拜還故有雙龍意外合之語

又

紅塵一點雪特地立乾坤所見惟君父誰能勝子孫
口門辭雜客心影絕偏痕此道無今古聞風遠愈尊

徐行堂續集

卷一

四

贈龔硯石

莫釐傳昨夢旭日颺遊絲歎我衰忘事聽君癖誦詩
懸壺堪近市耕硯莫逢時心跡雙消處同流那得知

與硯石相聚於莫釐已二十六年邂逅吳門誦予
舊作皆稿中所逸也近以醫自隱長於詩而不沾

沾苦吟亦少誦唱予謂苦吟能損神少誦唱則可
以逃名此衛生之經足爲予對症發藥題此贈之

寄毘陵史庸菴

嶺南官亦好顏色但隨人得爾歸鄉信添吾喜意新
詩筒猶可寄茗椀正堪親回首風波地誰留不繫身

又

雷雨東山起金銀北關開尚存楊子宅莫信沈公來
長日奇書展疎籬上藥栽無誰堪下榻三徑沒蒼苔

又

倚月同千里停舟隔幾年哀蟬寒抱葉病馬懶加鞭
著處成離合醒時無後先期君見何許秋水一帆邊

次韻訓顧伊人

觸熱都非客迎寒卻似僧故交存落魄退卒讓超乘
未靠千山杖空挑五夜燈虛君珍重意誰信一無能

又

德符堂續集

卷一四

三

不涉全成礙方行又落岐國能應併爵家學自兼詩
金屋看人貯鹽車負爾悲如吾亦可恨剩有髮如絲

次韻橋李高寓公虞部哀歿節同年詩

義在立今古心存超死生白頭無自辱青史不求榮
血裏神龍足風吹山鳥更何嘗興廢濟濟見周楨
寓公執節從容而志切忠憤於死事二十八人作
詩哀之顧以鐵崖自處爲恨予謂人非一死生國
非一興廢仰無愧俯無作諸公可以見先帝寓公
可以見諸公足矣時位不同落花流水此復何有
因次其韻意在寓公譬之馬新息不入雲臺二十

八將中然不出二十八將外也

次韻訓吳江徐松之

蘭外無餘地蘆中得此人橫經長作客釣澤懶稱臣
識泯山靈幻心空風雅真往來能自信見影莫疑身

送米三岳太守北上補官

孤坐問秋聲聞君復遠行人憂藏鼻鼻天醉出機槍
五鳳元當紀三刀夢又成雄才今有地傾耳聽先鳴

又

天濶河難挽塗窮背各遲倒懸民欲解中立吏誰知
得此二千石賢於十萬師處囊方及此莫訝弄丸遲

德符堂續集

卷十四

三

又

氣決將離易時危小歇難悲歡人兩世夢覺日三竿
雷雨龍思起冰霜歲欲寒家傳良牧譜珍重使君灘

次韻秋岳邂逅澹軒過半塘共飯

好友方接坐高流忽叩關逢迎傾二老突兀怪三山
詩料雅相稱菜根香未慳客途俱有事惜取一時間

又

影落千尋壁心休五味禪貧無朝市異病有水雲偏
龍伏虛招雨人荒錯問天東山將北海吾意亦翛然

瞿壽明自虞山過訪

迢遞關河夢蹉跎魚雁書吳門重會處粵客已無餘
撒米成丹後尋山隔水初東臯嗟舊隱兩地一榛蕪

又

長材宜廣馭一志老衡門泉石消圖史風雲寄子孫
每添新鬼恨多愧故人存斟酌扁舟便殘冰刻水痕

秋岳有興福茶集詩用張超然將字韻次答

欲話任山事白雲情共長道流能致客作手許同堂
對景各相惜會心無可將微風分密坐隨意得清涼

又

黃山曾入夢作客勝還鄉雲海不時湧丹臺千古荒

補行堂續集

卷十四

七

老松枯尚未危石墮方將卻恐天低處遮迴雁一行

秋岳有卜居
黃山之勸

次韻訓橋李陳藍菴

未得堆坵坐將尋汗漫遊挂瓢纔倚杖涉夏忽經秋
高冢深埋筆空筵冷覆甌寂寥能見訪竹影共修修

又

學士饒三絕閒僧欠一能鳳樓資大匠櫟社裏枯藤
擊鉢來蕭寺方舟泛武陵誰分全錦艷吾昔夢中曾

又

層霄霜信到曲岸荻花灣謀入稻梁簡機隨雲水閒

巧非傳刻畫高不住孱顏那得同無事凌虛日往還
陳以自畫
道雁爲贈

次韻訓雲間陳彥達

老去休前輩閒來託外臣難尋醒後夢易見影邊身
似倒三生石眞逢一面春煩公頻剪拂瓢笠舊行塵

又

不誠舟車覆徒憐城市空子能塵落日誰解御長風
鷗擊排雲黑鵲啼散雨紅尊鱸堪送老羸得在江東

又

次世全無路銜盃便是山蝸纔分地角鵬已過天關

補行堂續集

卷十四

六

有客攜詩到呼兒種菜還清談方阻雨晚色似人閒

又

風切謀添絮霜濃喚啜而澹雲孤客遠深水故人思
筆陣推同甫杉菴挽大隨自然空谷裏響答有何私

次韻訓茗溪沈驕士

旗鼓還陳亮門庭謝李膺雙眸消野馬一指破春水
艸滿幽人宅烟空帝子陵古今多少話數不上閒僧

又

浮雲舒穠穢敗葉卷筆毫不分穿梁燕相輕繞樹鴉
途遙方繫日親老未成家瑞草繁書帶扶若筆上花

又

門作連眉互詩催老眼開光華分玉樹蹀躞念金堂
學有趨鋤獲思從鼓吹來莫孤頭角異時與釀雲雷

七言律

送似石汝公歸瓊州

老病相看覺爾真昨春風雨又今春此身不效徒勞
我有志無緣亦聽人楚客吟愁纔是越海魚吹夢忽
生塵他年約畧重過處虛室仍銜片月新

人日

莫序屠蘇甘失歲便扶柳櫂能登高雨連人日添惆

惻

卷十

七

悵病似重陽轉寂寥登高賦詩古於人日自放青山皆行之不獨重陽也

難著眼誰鋤白髮易生苗澹攢七種春盤縷窮到空
門也不消

開燈夕

春雨綿綿愁不絕活埋丘壑百千層蓮峯直上應無
月蘭若孤懸畧有燈夜氣切膚頻撥火早雷動地復
凝冰初九立春後雷聲已再發寒雨益甚此時相對誰相得枯木寒巖

與病僧

雨

極目寒荒結野雲湘君山鬼亦離羣誰操日月星三

點莫覓初中後一分燈影空挑青黯澹花光鈍置罍
氤氲老懷恰有銷魂處只在聲中不可聞

同節生居士樂說梅叟二長老雨窓小坐

獨坐時堪三兩人香鑪茗盃未生塵暗雲尚鎖千巖
夢破衲同回一縷春事在那容分寂寥老來還欲負
松筠不知此地清談外誰是虛舟不繫身

送一柏雙公之雷峯

覓不心來孰與安且乘春水下前灘雲垂南海方搏
翻月上東峯復弄九老樹笑人空著屐直鉤怪我錯
投竿如君壯色休輕擲坐破蒲團幾箇看

偈行堂續集

卷十

七

與方伊蔚談劉中丞往事

兩點孤燈照素心珠江錦水共霑襟不言有路超生
死如見虛堂定古今四海橫流分土梗百年散影碎
人琴重來欲斷西州策刺得存亡一念深

贈劉子安

天上已垂新湛露人間勿翦舊甘棠自知來處占奇
質每爲趨庭念義方六月搏風歸紫極五雲籠日漾
扶桑承先識得當先務兩世懷清在北堂

任崧翰憲副見招茶話并得晤薛重起爲行塢

宗伯之孫

未能持贈半間雲先施何由及野人不覺清風生密
坐如乘霽月散輕塵夢中得失驚蕉鹿天上存亡感
玉麟各自忙閒無任相使君丘壑見全身

回棹韶陽贈李謙菴太守

滇武合流南下處輕舟又溯北風迴自聞五馬嘶雲
上如向三巖拂月開菡萏昔曾敷獨坐鳳凰今已下
新臺爲言春到虞城久花信非從臘後來

姚嗣昭太守與同里丘函五遠訪山中卽日別
去卻寄

疊嶂迴溪隱一山微風不動白雲關使君元在烟霞

德符堂續集

卷十四

七

上有客相攜丘壑間絕壁破天開睥睨深松喚雨蒼
潺湲何來忙裏同眞賞不是忙時那得閒

又

世外情從歷劫長群峯一色曉蒼蒼天花散落纔成
雨雲葉縈迴又結香不得追陪輪老病無多欸待足
家常憑君半榻松風韻吹入三巖透體涼

又

玉臺有約更攜琴信宿難留愧此心風雨聲邊銷永
夜水雲夢裏度遙岑別已向夕風雨大作一枝短錫曾來往幾
點浮漚自古今他日扁舟重到岸試同小歇半山亭

挽開先山鳴和尚

圖鑑擁毳意俱消鴻跡龍光望已遙三尺水蛇留本
色一番紙被寄孤標雪邊聽竹無空谷月下斟泉有
破瓢公去卻憐吾病在可還生死不同條

子圭秋捷

玉皇案下稱仙吏太乙藜邊較秘書一夜秋香分月
窟十分春色在天衢青龜未委傳家物白象還擎鎮
海珠霖雨卻看燒尾後風雲萬里送雷車

陳崑圃秋捷

垂雲去擊天池水照乘來尋明月璫纔向文中呈虎

德符堂續集

卷十四

七

豹便從絃外發宮商一枝自折黃金粟三策應歸白
玉堂爲語春風快馳驟馬蹄透出軟紅香

喜祖秀庭入山

幾載相期探紫玉此來幽興欲平分沙頭簇馬三巖
出谷口呼鯨一水聞欸客愧非香土飯撼山易似岳
家軍憑公大樹垂餘蔭石榻隨時覆白雲

送周庸夫之仙城

美人江上久迴回一片心孤紫玉臺忽報閒雲過碧
落已聞秀句接蓬萊清尊自喜天倫合春草應憐別
恨栽惆悵竹鑪茶熟後三巖梅好爲誰開

海雲聞慧後堂遠訪卽歸卻贈

危石千尋俯一灣老來無力罷躋攀共憐空谷成賓主不覺孤雲信往還剪燭漫酬寒夜永持瓢祇乞半生閒莫教菜葉隨流去踏破松陰怪洞山

公綯募刻徧行堂集寄謝

灰底應埋田水月杖頭多愧卯金刀玄亭有血非丹鳳黃面無眉放白毫易說存亡休自慰國門增滅豈相饒聲前不辨風塵意句後誰將冰雪消

又

照影自矜雖可惜嗜癡成癖亦何妨空花易落重留

徧行堂續集

卷十

七

果家醜難遮復外揚未許奇情遺草木便教野唱叶笙簧卻憐笑倒維摩詰沒字碑中話更長

賀王呈祥郡丞

珠海曾聞波不揚皇岡又見日初長鼓鐘已出三王右雲錦猶從五馬藏皓月中天垂湛露清風匝地散微霜高齋未隔松窓夢時聽簫韶起睡鄉

涂英伯過訪卻贈兼懷竹君

空山寂歷無人到送老殘經對落花真氣忽然開四座快心時復聽三椬深林冷夢堂前燕東海閒愁井底蛙爲說寧江傳介子與君兩地共朝霞

傳竹君招晤相江

大績誰傳續一匡先聲會憶誦三章共憐直路全成棘獨對梅花半吐香江上故人重遣信山中野老未褰裳卽今格外相逢地掃跡猶殘挂角羊

相江發舟數里值魯城自山中南下停橈共話

一片白雲留不在幾灣江水恰相逢離懷抱我影未脫歸夢著人途又窮野艇斷鴻晨露下荒村寒犬夕陽中期君淨洗三秋耳聽取輕濤走碧松

壽周逸人

千秋自信人俱遠三徑相邀路未窮風外爪牙生繡

徧行堂續集

卷十

七

虎雲中頭角浪潛龍蒲輪獨笑商山老藜杖偕吹太乙翁不遣紅塵過硯北每傾白日到墻東

張貞元六十初度

橫空一鶴度烟波秀色遙分佛頂螺吾道不從登岸有勝情卻比在原多赤松未覺張良遠白石誰聽甯戚歌指出目前無異路耆婆祠下見恆河

得文山韶陽寄柬

故人已去留深念韶石江邊尺素書別緒重能沈釣艇先幾捷欲駕鋒車松風夢熟無生客天鼓聲微有道樞忠孝不虧何所戀長憐禾黍送枯魚

秦六御董小字二將過訪泰有重來夜話之約

萬峯齊插一溪橫殿角風微午篆輕豈意雨中來二妙會同石上話三生令傳玉帳兼山靜心在金臺自古平爲說重過休爽約臥聽幽鳥報寒更

贈范霽遠明府

隱顯鏡中同一照吏民于此不能欺已知利器分虞詡莫把英年測子奇生草讓成嵩作柱名花種出錦成溪春風佛日相當處笑向松關倚杖藜

送朱蜚英之穗城

隔水通山又一家遠風近月思無涯展痕同護苔錢

補行堂續集

卷十四

送

老杖影孤懸蝸線斜世事幾爭龍與虎此心不異鵲如鴉別懷應解長相見滙海全呈小白華

贈郭公玉總戎

萬丈危波繫一絲清霜白髮苦相支和門闌入如天覆寶界重來有地持大用可堪深倚樹餘生豈合更憂時卻尋三十年前夢老去應懸兩世思

丙戌於此會寄載尊

公三顧先生舟中

挽旋菴湛都寺

一聲斷雁忽相聞合志祇林手暫分退院我方慚老計息緣公已歎離羣葛洪井畔三生路曳率天邊一

片雲不向雙屣橫獨木明湖巨榜待高勳

賀澤萌遇西堂秉拂海雲

記得玉簾泉上坐谿山異處月雲同未知薤露深於海且喜赤梢獐似龍二十年前曾自見三千里外莫相逢好教十字街頭立不把天台一線通

曾自天台在靜之約

賀塵異但侍元秉拂海雲

少年長老足機籌滑路憐人得自由萬里無雲成二見五臺不去是同流高堂已奏歸鄉曲古渡還乘泛月舟老我豈堪論勝負一時打滅火柴頭

李我玉過訪舟中卻贈

補行堂續集

卷十四

送

蕭條人事昔非今何意扁舟枉獨尋半世浮名猶見識滿頭殘雪正相侵干霄有氣占雄劍在野無心發寶琴惜別可堪江水遠重逢應不待春深

立春日

苦行頭陀意自閒江波層疊驗峯巒寒暄莫辨陰晴路難易休爭上下灘野外殷勤收暴骨舟中寂寞話春盤從今百草承恩後願與斯民一例看

萬子上送走馬燈

輕舸碧水關春晴佳客因時爲試燈走馬豈知仙是鹿伏龍亦避酒如澠熱心只看光三點冷眼徒遮紙

一層隔岸可聞簫鼓競莫教忙煞定中僧

陳子喆送水仙爲佛前之供

一寸焦芽更發祥凌波有夢寄雙江金臺聚影蓮花
小甘露垂枝柳葉長曠覽忽來秋水觀幽懷會到白
雲鄉梵音落處天香起燒燭何如照海棠

張雲山過訪卻贈

感慨今時更有人境風鼓處海波新儘從雁鷺分餘
粒誰在門庭問積薪坤上稱龍俱失水穴中鬪鼠只
揚塵多君法苑英雄手肯向毘耶復現身

送壽峯司寇之粵西

備衍堂續集

卷十

七

攬轡已澄江左右伏波又到粵西東帆低急浪迷春
雨鞍簇連雲見別峯昨夢憶曾經八桂遠遊興只寄
孤筇可能楊子津頭水解與相思一派通

蕭子韶少參同張殿一來遊卽事卻寄

擇勝難迴避地輪不辭風雨關深春使君丘壑傳神
舊上客機鋒脫穎新不去三山先謝病但傾七盃正
安貧插天峯在烟雲際略示龍牙半露身

又

攜燈纔得下高峯袖裏雲歸暮靄中作霧自能埋片
石嘯風誰使戰羣龍河山券上君親絕雷火符邊婦

子空枕角義皇方就路荒雞錯喚五更鐘

寄荅庸菴見懷

曲肱無分拍浮丘衰病添人白髮獨翻覆山河輕似
掌乘除氣數薄於漚一停安石尋山屐屢奪玄真泛
雪舟用拙不如能用巧聞公還是直爲鉤

寄別龔升璐歸毘陵

七年嶺表難相見千里方舟豈易同三賦尚沈被褐
叟一拳何取住山翁喜君遙集松筠外挈我全投珠
玉中承以客安詩屬評閱想到瘦筇斜倚日滿庭秋色在芙蓉

寄送馮再來司寇還朝

備衍堂續集

卷十

七

風雅元音奕世傳紫芝秀色白雲連圍棋野外歸安
石挂鉢堂中得濟川霜雪居空頻解網東南力盡獨
回天輕帆未獲追隨便寄取松濤荅響泉

留別鑑湖

有相都非無任因雨花吹萎又飛新德隨建立還檀
越權作驅除助轉輪楊柳春風橋外客兼葭秋水意
中人往來不借松梢信一藏全經一點塵

留別貞元

癡風點雨卷空山何處相尋僧半間舊德懷君新夢
起微塵出我大經還月堂近憶華千葉風葉遙呼水

一灣鎖鑰若知門內意同歸深護白雲關

安南將軍舒公過訪龍護

劍倚天峯控一門烟嵐江楚淨無痕不教跬步移耕
市總爲遺民長子孫野老病中忘地力將軍格外見
天根自還仍舊團藥相手捧金甌獻至尊

楊若雷處士七秩初度

上世相傳清白吏先生只讀聖賢書併將直道還三
代合得高峯逼太虛鋤下卻觀金似礫歌中不歎食
無魚百年春酒家家滿安樂行窩候小車

留寄竹君中丞

衡行堂續集

卷十

七

桂林江水字相思誰在當年記此時百戰奇功君自
有一生多病我何之雙雙翼上天門近縷縷雲封谷
口遲最是邀權新護念遠遊歇得老來癡丹霞新堂頭予法弟

也公護念無異予所切戚

又

赤山鈍處黑山尖雲月相同各解拈麟角鳳背絃更
續虎頭燕頤相仍兼我宗無語千霆繞斗極成形百
怪潛記得關河重疊路暗通一句首楞嚴梵語首楞切事究竟堅固吾師天然老人疏此經公捐府金全刻又建斗母殿於丹霞爲國祈福故有後四語

朱鬱林天然書至有拂衣之語題此奉勉

故人消息近如何收拾殘黎苦趣多白髮無時能擺
脫青山有興未消磨方州漫擬先投幘開府應思尚
枕戈有日功成拂衣在相期掃石話烟蘿

寄周孝思兵憲

相思何必曾相識萬里神光一點寒忍土藏身毛孔
窄燈王借座室中寬松風夢拂連雲石花雨觀空釣
月竿更有餘情寄勾漏瘦筇歇處放蒲團

侯公言以高涼分鎮提督粵東寄賀

空挈嶺南歸鎖鑰一壺瀛海散醇醪江河自覺朝宗
易山嶽相忘拱極遙八表已安仍賜履五風不動正

衡行堂續集

卷十四

四

揚鑣還看妙墨留銅柱鐵畫銀鈎借寶刀

送豁大知浴之平遠

老爲法門心未已同參愛弟況相關予退院後樂說和尚繼主丹霞

子能出入瘴烟裏共此經營丘壑間長老襟期如白

月將軍與寄在青山竹君中丞家菴且莫多濡滯千里相

思水一灣

龍王閣夜坐贈宣明倫太守

孤竹霜風仍峻潔五峯雲氣自高深三科募士千村
靜一曲招賢萬壑陰白鹿門庭輕碧落紫陽舂插重
黃金卻當待月登樓地鶴去龍還憶朗吟

鶴鳴峯廨查餅其味甚長戲東訶行摩兄

不因苦笋脫春衫且爲酸醢買曲鑷落下雪花羹
糝熏來魚子粟仍黏曾將白餅欺蒸餅卻被淮鹽勝
粵鹽飯袋得伊春滿後兩旗同試一鎗尖

八月十四夜龍江舟中對月

來宵旅泊又中秋眼角金陵王氣收逝水聲俱忘斷
續連山影不到沈浮每憐蝶夢迴蟻穴多恐鼯更隔
鳳樓欲倚興亡尋往跡一輪冷艷正當頭

中秋大風雨旋止見月

飄風暴雨落危湍不得終朝亦未安雷電欲加天本

徐竹堂續集

卷十四

望

淨江山依舊月常寒明珠隱顯從前事實鏡妍媸退
後看來歲春燈誰作伴一人一境各團聚

舟次嘉禾曹侍郎秋岳過訪卻東

處陸非圖激水寬樓廬暫覓一枝難全經恰在塵中

出古道還成城外觀敢到國門懸敝帚不因時序擲
秋紈許多歡喜重相見又向春風識歲寒

朱葵日太守過訪精嚴奉贈

年八十四

猶是神宗全盛客典型不動老成思青蓮舊業能相
守黃檗真珠許獨知漢代高風歸角里東籬晚節寄
新詩卻看迎葉須廩古還憶靈山未散時

陸亦樵遠訪有詩次韻奉酬

路合行時不計難迎冰送檠得清歡君因故老能重
繭我在空門愧納肝風齧殘燈談更勝雨吞斷港夢
初寒誰論蠻觸爭衡事曾作三巖壁上觀

又

燭乾磬絕費吟思才盡江郎豈入時傀儡一生纔線
斷轉轡萬轉又颺馳窮魚大陸飛塵重老馬危途落
日疲未有前期無後至此心何地不相隨

再次請藏韻

顛倒風塵賴自休肯將故里正孤丘收來義虎歸三

徐竹堂續集

卷十四

望

藏釣得連鰲蕩七洲囊減一文埋禿筆門衰千尺跨
清流柔聲只喚西枝轉破衲蒙頭百不憂

彭雲客太史約晤於孝山所期過寓園共話次

日風雨漫東以詩

別來江水生叢棘老去詩情叫碎蛩客賤可能剛傲
骨談深更喜值衝鋒通名且放舟車外倚杖還尋丘
壑中風雨欺人成一笑蒙頭落得七分慵

贈陸筠修方伯

時年八十六

香水海從塵際現靈光殿在劫餘存此來欲探八難
得何處更逢三達尊幸有羽毛分驚嶺不將頭角到

龍門莫移杖屨煩前輩已向詩書識後昆

雨中梅格姪過存執宗盟之禮甚謹納之增愧
卻示此詩

風雨蕭蕭倚瘦筇一家消息是誰通翻空十影飛神
駿湧海千華起臥龍肯更低看來物外敢言垂手入
廬中納君雅尚吾多愧衰病難遮萬事慵

20030

徧行堂續集詩之三

丹霞今釋澹歸 造

侍者 古止 傳湧 編

七言律

陸鶴田侍御垂訪相期不作往還卻贈

清流特立門千尺名世同歸第一班
夢叶鶴毛楊內翰經乘虎背李方山
墨痕雙注龍鱗上霜影全遮蝸殼間
已許往還無俗諦自東往處自西還

重到北寺訪陸芳洲孝廉村居已久喜見孟公
令子題此奉柬

徧行堂續集

卷一五

二

猶記昔時沈醉地于今醒後卻重來
老年兄弟耳頻熱遠道風塵眼倦開
家學再傳俱到海物情每下獨登臺
柴關未擬輕相扣辟俗休增一點埃

俞君山孝廉過訪頗述加稅之累

全體塵中欲破塵一回逗漏一回新
故山識我非生客冷地逢君是昔人
似鶴一身輕未老如焚兩稅重俱貧
薄田尚作高眠累何計能消劫外春

鮑聲來以黃山遊紀相示

擬邀白社作同流忽見黃山得臥遊
卻問鳳池歸早晚不知雲海幾春秋
從今自卷三張紙此後誰登百

尺樓他日攜筇能快讀老人峯頂墨華浮

喜李竹西孝廉遠訪話舊

四十餘年重此見喜君壯色尚如初
長驅花月天無限嚴守詩書古有徒
舊夢寫來交筆墨遠情寄與問江湖
不知楊柳春風後可得扁舟話別無

次韻酬曹秋岳侍郎

餘生每覺自淹留水剪雙瞳一片秋
倚伏先幾看塞馬去來隨分信虛舟
尊壘北海徵新得烟雨南湖入舊愁
風送菱歌聞隔岸不勞洗眼認杭州

又

徧行堂續集

卷十五

三

天空月淨列星稀落落相看忍遽違
井有寒泉應早汲巢無阿閣莫輕飛
貔貅十道疲酣戰禾黍三秋怯阻饑
憂樂不知誰作主畧分痛癢問麻衣

又

樹生霜雪石生雲懶上匏居望國氛
小歇一亭無夢夢高言四座未聞聞
浮蹤豈是會安土至德須知不亂羣
回首蒼梧先醒地乾柴烈火判俱焚

以時識相累

又

耳根寂處響風鈴誰見談空更有亭
閣上分光雖五

夜窗中落影只三星霞皺沸海潮全赤月罩枯巖晚
倍青君昔夢餘能畫斷憐人同醉不同醒

又

寒烟絕分挂松蘿鄰榜聽歌柰若何怪我全身埋地
戶憑君一手挽天河適當空乏饑鷹少不避豪賢猛
虎多缺盡唾壺長太息層霄俯視莫蹉跎頗有外侮
同人共爲

不平

又

全收法藏意迢然別影翻從此座懸肩負故人眞愛
我可堪秋水遠連天冰非耆冷虛相結膏不求明枉

徧行堂續集

卷十五

三

自煎一鉢千家緣已定寓諸無竟得忘年

次韻訓沈客子

碧山曾不罩黃塵在野何辭草莽臣卻向耆閣忘故
我忽從姑射見斯人千花欲放先供筆一夢將回又
露身何處梅間分半座幾年蹉過臘前春

又

名士由來解賦愁同方自許不同遊先聲欲奪紅綾
餅後至休題黃鶴樓春沼纔探珠在手凍雲未破雪
盈頭愛君清到無寒處萬頃玻璃一片秋

次韻訓陸平仲

同質誰分大小年家傳慧業豈由天冠成十地金方
艷刀發昆吾玉未堅故國重來無異路新詩一往落
寒泉相期亦有還鄉調衲帔朝章共講筵來詩故鄉
重到非悽

土肩許霜
清待法筵

次韻訓徐又孺

黃梁未熟休拋枕青草全湮且泛湖萬里客來仍灑
落一家人見忽踟躕風前別調聽還有雪外生香取
便無我欲與君成二老莫教眼裏著頭顱

贈過叔寅

年八十

三災過後重攜手悲喜全爲愛敬情五色早分飛鳳

徧行堂續集

卷一五

四

羽一泓遲聽伏龍吟家徒四壁難求賦月有千壺懶
署名隕海莫言如雨散卽今屢見老人星

贈施抑菴中翰

年九十一

此地曾瞻先相國今來舊德已無餘擬因長者知寒
署恐爲閒僧動起居黃髮何人能問道碧瞳入夜尚
繙書目存不隔當年事識得交光領內珠

陸永錫過訪卻贈

悞投名版幾成賺徑扣禪扉卻過情似我祇堪隨收
種如君便合請長纓看間爽氣朝霞舉耳畔雄談天
鼓鳴廣武登原聞太息也應格外更相呈初訪永錫
悞投刺於

未居之新宅
彼此不知

次韻謝沈聲陶

立錫無地更開疆客座相逢夢未忘
涌塔妙華重勁筆如鸞清嘯發崇岡
衣翻薜荔形俱古露濯薔薇手亦香
卻愧詩思同老去上池官爲乞長桑

貞順汪母傳成東子倬

二難昔在毘陵別孤客今從庾嶺來
越紉豈能當過禮請文不覺起深哀
素風嶽嶽河山捧生面稜稜冰雪開
白字青松全體具且將此意慰泉臺

朗如來訪

徧行堂續集

卷十五

五

偶然再見似還真樸實看來意倍親
一段家緣存感慨半生夢寐已沈淪
東湖未納相留意南海曾餘不任身
官更盤桓休計日蹉跎仍負昨年春
朗如微子移寓化城故有第五句

次韻謝馮石良

一棹烟波意惘然不逃文字恰逃禪
業風吹處全成倒夜壑趨時半未遷
彩翮自來丹鳳穴赤霄誰奏白雲篇
只今皇甫文何在千古惟傳左筆妍
石良編爲詩序

次韻謝獨案禪師

月前露下墨牀邊一句全超憶皎然
此去詩僧應有

伴從來祖道本無傳爲題落葉林間坐
不管流泉石上眠剩爪殘鱗難自惜爲公
視起得珠篇

陸石年過訪云某一切俱已看破惟讀書
一念未全消耳時將北上贈以此詩

讀書心也莫全消且向春波掣巨鼇
獨對天人三策異誰歌徵角九重遙
文中旗鼓陳同甫格外笙簧張子韶
行地行空非兩步至今心跡未相交

張友聲以薊門懷古詩見示

騎龍誰共白雲遊愁滿天邊莫寄愁
野老無家難覆鉢才人有筆易登樓
空中指畫皆王土紙上傳聞只

徧行堂續集

卷十五

六

帝丘衰艸西風何處覓短衣瘦馬不禁秋

訓陸仲孫次韻

徑開不得避求羊明握雙珠映雪涼
卻見同人皆故我更尋何地作他鄉
目低梧葉三分短思逐葭灰一線長
眼底無生無舉處那將昨夢問韶陽
來詩從公好會無生義直上丹霞語夕陽

陸古璣郊居茶集

舟通曲水映門清屋遠良疇鑠徑平
寒日疎籬分野趣微風密坐透書聲
尋僧入寺非來往掩室橫經減送迎
未出主人青眼外當湖七子舊知名

屠我法遠什先投次韻奉答

嚼雪吞梅歎碧霞喜成安節漫興嗟堂前養志先辭
祿闕下輪心已破家此老開田惟滌硯有兒舉筆便
生花塵塵領得天然句滿鬢霜風漾月華

次韻訓可登菴主

一樣孤峯各莫攀誰將壯色換衰顏絲牋欲擲詩千
首鐵鉢思懸屋半間風定落花分逝水月移橫笛響
空山眼前拾得全詩料省力忙中得力閒

叔雲頗扣此道詩以示之

肯談佛法如公少懶讀經文似我多劇喜頻來盤寶

藏閒拋幾度聽清歌停雲已覆青山頂流水還成白
月窩彈指一聲何處去寒儒爭奈幞頭何

程唐侯自武林來訪告歸卻贈

肯向溪山尋往返卽今相見復何云赤貧同著孃生
袴白蹋單拖尿臭裙脫體詩書休自棄到頭老病倩
誰分贈君一陣柳鈴響貼耳無聲可得聞

予自謂純是柳鈴聲唐侯試一側耳不妨領得無聲三昧也

尚廬見招東湖泛雪雪消過半寒風浙瀝水雲

杳靄亦自雪意滿天不減一幅水墨平林也

泛雪不成成送雪依然人到白雲鄉寒鴉古樹今還

在瑤室瓊宮昔已荒野色漸分天未遠高懷獨出地
俱長是誰慘澹經營手筆筆皴來水墨光

松風臺

松風臺上望松風松風城北有松風閣百世清音起碧簑水上蒹

蘆長按捺月中銷子正玲瓏殘碑讀罷斜陽下宿鳥
喧歸霽月空可是古今爭讓異一垣橫斷舊玄宮

十一月之望同友人登松風臺問訊竹菴法師塔
則開世堂後一垣橫斷直壓碑前院塞殊甚侵占
墓道世諦猶嗟嗟況在道流豈忍出此輒題此作庶
幾有望于繼踵住持者耳

寄融谷

芒鞋初脫嶺頭塵鳴水將迎憶故人見惜高文仍被
放那堪客路正逢貧西山冰雪嚴催臘南國烟花懶
報春我欲尋君悲遠道梅梢難寄一枝新

示孔儀姪

請經只是販書翁教學還勝賣菜傭乞我一文吾醜
拙讓人三步汝疏通此心結處爐中火八面來時水
上風老作少年須剗絕實觀如幻便玲瓏

次韻訓陳天旂

深擁書城未許尋忽從山水發清音淵涵不借吹藜

火獄負還能到竹林局外相逢皆慧業老來自喜復
童心歸帆一箭連雲遠擊鉢何時聽朗吟

舊同門徐橫秋孝廉先至精嚴予自當湖歸喜
此邂逅有贈

垂老更能安苦節賦詩且足破窮愁近川白落天邊
影俠路相逢海上鷗棘滿故鄉還裹足雪深蕭寺正
蒙頭卻憐三十年前意一笑爲君說夢遊

訪項翁雪于歇菴止宿

一派嚴霜透曉寒輕舟幾曲鬪清瀾會憐往復煙雲
幻自愛東西水草寬地闌更成開卷易情空未說治

徧行堂續集

卷一五

乙

生難我來高枕如歸處大隱何如小歇安

宿武塘蔣孖九宅

石佛未嘗沈弱水鐵船偏會駕罡風孤留肝膽無生
客同伴饑寒有固窳讀史儘堪浮大白談經更許別
殘紅不知閉戶持籌者可得清流入夢中

束錢爾斐孝廉

共話竟日頗以
根塵未斷爲疑

此地更能留碩果我來論道慰餘生家風真率鷗盟
重慧業深玄蝶夢輕一念不煩頻顧盼百年可得暫
消停從今識取根塵法虎躍龍蟠各太平

贈吳非菴

由石佛同至蔣氏

直心直行吾家近忘食忘憂此道親凡未喪存休恃
楚憲非有病只能貧迎風久溯停舟晚穫稻初歸藉
草新最喜黃花開晚節空憐白鶴墮飛塵

寄李子喬

出世何容問出身偶然說夢似疑真武塘信美無二
宿廬嶽思歸有二人未得登堂勞寤寐更思買棹復
逡巡卽今信使相聞意雪裏初回一點春

張孟高同葵日以楞嚴一席見推承其知心許

以辭免題此志謝

一點孤情冷處挑千盤曲徑直中消如公護法心俱

徧行堂續集

卷十五

二

切顧我移風力自勞每怪寶階橫劍戟祇堪箬笠
漁樵聲清火烈拌灰燼不斲爲琴義更高

訓林文未

法幢和尚長公

高士亦能從野服閒僧不解背窮途月驚旅雀勞三
繞風掠饑鷹愧一呼有向忽看天地窄同歸未覺水
雲孤善來不出能仁口密行羅云聽得無

贈鍾舒聞

猶見紛紛擅五經肯隨塵俗掩文心階前露葉繁書
帶檻外風枝動玉林信有江沙先結字可無鉢水更
投針子期傳得聞根在曠野吾能發寶琴

次韻訓陳堯夫

蓬萊深殿五雲屯處士高名動至尊
新語回天歸鐵馬歲星辟地卽金門
鴻儒經史三山捧盛世弓旌一綫存
莫倚簫聲傳絕調會聞諫草闢重昏

又

簪筆何人賦翠微登樓有地不堪依
文中龍虎攢魚字海底兒孫割祖衣
五色分毫憐月窟千尋結幹憶松扉
寄言磁石難留鐵化作金雞透石飛

會爲董茶名同北上來詩曾及之

應華國明府索題小影

徧行堂續集

卷一五

三

尚友詩書結古盟懷人丘壑寄深情
居官不作傷心事去國仍留強項名
千里金城秋月靜一庭玉樹午風清
不知遊戲人間世誰識東方是歲星

寄贈湛公居士弟

神駒未肯寄風塵野水橫山意更親
瑞集麟鳳先世德音傳花萼令君仁
烟無火續能分熱海有河源不患貧
莫道潛龍歸勿用渾身翻轉足陽春

沈參辰文學招同橫秋文可小集

管得春風不世情席間國士串閒僧
花逢老去忘閒落夢到依人悞寢興
客話未闌歸伴晚主心無盡別

懷增卻思把酒論文後如見孤行入寺燈

子與可公先歸

喜曹遠思自石門來訪卻贈

不談世諦惟談道此外如君未易逢
天遠孤鴻輕掠雪夜來寒月靜浮鐘
往還曾憶亭中客得失休尋策上翁
爲寄語溪烟水語長留春色待從容

次韻訓沈宏畧

春燕秋鴻各自還詩囊鉢袋豈能閒
家傳八詠繩先敏路滑三登起後難
耳畔蕭條新徵角眼前迢遞舊江山
透過沒字碑中外擲管才窺全豹斑

贈項子聚

徧行堂續集

卷十五

三

舊國規模不易論名流舉止更能存
已從墨寶思前輩還見書城擁後昆
世盛有人忘帝力才高無地立龍門
偶窺峻壯傳家法纖草柔花欲斷魂

觀董少宰并閣子聚近作

贈徐淵中

相聞便入相知地格內還從格外看
雙眼自能冰雪淨一肩更許水雲寬
風前書帶翻心印月下松濤結歲寒
最是深情憐病馬春湖春草日三竿

次韻荅高文山

水窮雲起見全身棕笠芒鞋絕四鄰
熱客未堪煩送

老道流何得暫安貧座中賓王融殊相筆底河山署
外臣不惜粉箋投白社滿襟香雪一枝春

宿梅菴東張皞亭中翰

未見已知相見好世緣何似道緣深春風入物齊先
後白月成規罩古今錯落千華分密坐殷勤一鉢寄
平林存亡應有無窮恨爲看孤貧不繫心暗亭於三
年間有雨
尊人一愛
子之變

贈查王望給諫

記取簞路待月歸王望令東莞過訪予有
詩即倚結句爲起句廿年消息
斷雲泥人間未覺流光駛物外渾忘故國非日暮松

徧行堂續集

卷一五

三

枝迴白邇天低簞笠覆緇衣自從一片花飛後惹得
空生又出機

過涉園悼張螺浮給事

梅關一面成長別電影穿雲不可持報國有心堪任
怨惜民餘力敢求知自聞薤露行歌後定憶松風入
夢時卻怪巫咸招未得海天春冷雪絲絲

訓查聲山雪中過訪見贈韻

我無春事偏宜雪君到詩壇獨建旗一點不加鸚鵡
賦雙聲相應鷓鴣啼入山卽擬尋黃獨蹈海還須問
紫泥最苦三空蒿目處誰將殺氣逼荒雞

題張咸尚玉照堂

海濱寥廓歸無相晚色淒清別有神半郭半村塵外
夢一丘一壑畫中身琢磨冰玉全分孕長養虬龍細
上鱗風月卽今誰管領東雲野水倍相親

贈曹中陝

不甘燕雀籬邊活曾向鯤鵬雲上來獨往爲誰探虎
穴遠遊還我讀書臺中陝讀書必走遠地
雖兵火載途不之避是貧非病
嗟多口學佛知儒許獨裁三寸硯池傾海墨一枝菡
蓫對人開

張離侯孝廉將北歸題此志別

徧行堂續集

卷十五

兩

同在閒園探落花春風春雨正無涯雙眸冷徹全成
夢一念眞歸卽到家歟得英雄方解活蓬中將相不
如麻殷勤別後誰相憶千尺冰崖漾月華

題王望如圃

金石聲中曾曳屣烟霞骨外更無羣暫畱魏闕三更
夢獨對英峯一片雲纔到舊亭思百可漸看老圃欲
平分秋心正在春光裏風落潮生試返聞此鄰端倚
百可圃也

王望構亭
仍其名

宿桐谿草堂呈汪周士晉賢

前期不覺至深春栽到幽居絕四鄰各擁書城移富

貴同開筆陣蕩風塵竭來把臂皆名士正欲論心見
古人方外客遊方內王一時贏得百年身

又

西引松枝漸轉東左攜勝友右攜筇離羣夢往無生
客合志人來有別峯先後點名聽說鬼玄黃戰野看
屠龍天花欲解空生意只在蕭蕭風雨中

俞犀月次予梅花舊作爲贈奉酬

風雨寒宵已破塵迴天氣象屬詩人杖藜太乙曾然
火進脯麻姑又擘麟春水方生思澹宕嶺梅不落句
清真誰將一點金壺汁散作祇園海墨新

偏行堂續集

卷十五

五

贈俞鹿牀

已識國能休敵手相逢恨晚愛深談羞將丘壑充孤
注每到羲農輒久淹人物權衡歸水鏡東南風雅出
雲巖爲君筆上催花使百鳥移巢不敢銜

訪吳可黃于語溪

生面相看四十年不知華表鶴何言毫釐風火存呼
吸尺寸關山罷往還麟鳳卽看餘慶遠冰霜未覺獨
醒偏劫灰若待胡僧問蹉過黃鸝一著先

吳孟舉過訪以宋詩選見贈卻謝

紛紛耳貴三唐體別眼誰將兩宋看解得出身元有

路但求入格亦何難鄭莊置驛無分舍李渤藏書不
獨觀海上釣鼇知好手月鉤風線一垂竿

胡星來遠訪予已買舟還禾郡未暇款曲期於
茗溪再晤題此爲訂

方舟纔聚又單行去速來遲別有情庾嶺烟光還夢
寐茗溪風杲待逢迎已知此後常常見更話從前細
細傾聽取茅亭幽絕處老人星下白鷗盟

崇福寺居停以階上人索詩留贈

草枯木落一枝藤敲著山門便懶應忽到語溪崇福
寺如逢絕巘竹林僧眼中秋水纔輪硯面上春風已

偏行堂續集

卷十五

六

破冰卻問木瓜含笑意許多歡喜爲誰增

次韻訓若千兄贈別

成壞空憐海一漚合歡起處是離愁路當重險休輕
退情到方濃莫久留古道未窮天自遠扁舟無定水
俱修明秋杖履知相待把菊東籬紀勝遊

次韻訓鍾湘濤

青山深覆白雲中忽見扶桑影在東紅杏枝頭推曉
日碧桃花下掃罡風蛾眉自託千金重駿骨先驅萬
馬空我欲因君焚筆硯隨肩畱得敗天公

汪晉賢以草堂卽事詩索和次韻寄之

吹面和風老愈耽近看日腳漸離南周妻何肉俱離
累島瘦郊寒不用貪官爲稻梁重乞雁欲當衣被獨
吞蠶元來別有生涯在拄杖斜挑小竹籃

又

志遠徒勞視近耽漏天多淚濕西南千尋石寄三分
恨萬派泉収一字貪花外遊魂飛玉蝶路旁嫁蠱拾
金蠶已知無物堪持贈皓月孤擎沒底籃

又

散坐高談盡日耽行來水北去山南可人花鳥同尋
樂得意圖書獨使貪點勘蟠蛇兼舞鶴調停冷麥又

循行堂續集

卷一五

七

溫蠶只嫌奚落杭州客新摘含桃欠一籃
是日立夏
輒憶吾鄉
蠶豆樓
桃之會

又

長憐逐逐又耽耽海底潛魚愛徙南萬事都休誰作
夢一文不直自忘貪仙人指鹿全成馬少女鞭龍忽
駕蠶愧爾毫端分異采五芝滿載百花籃

又

碧落紅塵各自耽短歌填得望江南六經註我重重
錯五種資生薄薄貪食字無書堪作蠹藏頭有繭不
如蠶片帆莫問前程事堅密三身一漏籃

又

春事全歸且罷耽義皇近在北窗南新圖貝葉怪仍
足舊掠離支飽更貪乍暖乍寒輕似瘡三眠三食爛
於蠶不知銷夏灣頭路可許攜瓢又挈籃

又

細律休教病客耽粉箋約矢射弧南相聞白雪驚還
喜各吐玄珠妬復貪字落一行筆上雁文成五色襪
中蠶丹霞不解尋詩料祇識提籃與放籃

又

迷傾法酒醒誰耽兩岸分飛一翥南劍逼能仁吾好

循行堂續集

卷十五

大

殺座聯多寶爾休貪空中擊鼓馳天狗雨後攜鋤掘
地蠶偷得忙時閒半點可憐佛日便搖籃

次韻訓海昌潘梅巖

紅塵點點是冰澌除卻今人更問誰笑我空山遺木
石因君壯采見鬚眉忘機卽有知機處出夢何如入
夢時連臂踏歌風正暖從他猿鶴怨歸遲

次韻訓陸宙肩

歸盡春光不解寒消停長日總無端烟雲落處分銅
鉢風雨生時掃石壇探筆已還愚更樂反駒未得老
須安爲憐壁上紛紛者更作支願壁下觀

次韻訓褚芳型

風輕露柳萬條斜客夢徐牽星外棧壁上影惟留水
月巖中雨莫散空花詞人擬古開清賞野老生人解
破家怪得衰遲吟思懶懷中全錦待君賒

次韻訓徐昭千

一棹烟波遍五湖老年更莫計程途同心自覺言俱
到各夢誰知路不殊拂袖貫休曾獨往偏師秦系卽
長驅千江忘卻中天照回首風塵影亦孤

武林徐充伯過訪壽聖話四十年重見之緣且
出舊時墨蹟相示

隔世相逢話昔遊薰風吹面雪蒙頭情緣已與灰同
灰心影還隨墨竝留獨向塵埃行古路併將道器載
浮漚北窓趁得羲皇暇萬頃松濤一鉢收

贈李灌溪侍御

且從未俗見先民一坐眞風萬古醇進退有生觀自
正憂疑與世合方親斯文未喪推先覺此事須知待
後人誰向吳分占紫氣岱宗眼底絕纖塵

又

取義何心更取名脚跟點地得空行觸邪早泯神羊
角養志全歸鳥鳥情已過三災看獨立不消一句證

無生女媧莫費爐中石仍舊乾坤掌上擎

張穎堅見招作竟日談卽事

似將雙影照珠江一綫波瀾引愈長往事不嫌提火
鼓新篇更喜對笙簧新出子佩與也風流未墜烏衣巷
潦倒休尋明月堂好是停舟徐步處橫橋野水送清
涼向夕停舟同過社先書屋散步野岸而別

訓文與也見贈

每怪逢珠舞未休誰知琢玉句先投賦成春草烟初
結攜入寒風翠欲浮獨掃風枝傳偃竹并吞月窟憶
清流應憐觸熱無高寄分與袈裟一幅秋

喜晤玉峯徐健菴太史

漳海曾同浹日談餘情剩得憶江南揭來耳熱三珠
樹亂後心蘇八寶函不爲風塵收病馬誰將眠食放
春蠶一毫端外重逢地月影波痕各自諳先一日健菴以予舊草索飲光題後卽知予已在吳門三人重見各自一段波瀾不妨同探同會

訓桐城錢飲光田間集見懷原韻

出海楞伽取次登夢中羅刹有何憑未能食菜還如
虎但解吟詩可是僧搔首卽聞通帝座攀髯長恨失
橋陵憐予不作翻雲鶴坐斷盲龜第一乘欲食一人
人哀求云一家待我以活王食我是食我一家矣家有一猪願取以代虎許之隨其人抵家南之婦歸曰

一家靠汝汝靠此猪若食此猪與食一家無異後出
有菜可令虎食之其人以語虎虎曰汝也說得是此
汝看我嘴臉可是喫得菜底麼飲光不能茹素舉此
調之以報三十年前天師請客之誼近日能詩隨侍
吟詩僧不會喫菜老虎恰好一對

誦贈周牧寧

潦倒真堪與世疎愧君青眼未曾孤黃山一覽纔如

夢白雪重賡已作逋承有次韻三詩即擬奉調適友

蹤月照江沙驚勒字風生庭栢恥爲梧更看血漬

無新故有向枝間問苑枯屬題尊公先生血書貼黃後

栢巖黃公招集寓菴次青印長老韻

披襟共坐竹風乾陌上飛塵各自寒僧集已將花作

徧行堂續集

卷十五

三

座客來又湧日如盤戴千機使截流我卽輸香象錯

采公俱奪錦官借取一筒尋拾得齋厨穩載鉢中殘

次韻訓朱望子

重疊關河未易通相思長寄碧山中明湖雅集留人

夢文苑先鳴讓爾雄欲化五雲飛夾日那堪四極隕

隨風東籬不爲黃花醉且旦扶桑挂白虹

又

綠淨山塘夏未深餘生意表得重尋少年只似人難

老落日安知影易沈浩蕩相期雙鶴鬢飄零自守一

蓬心卻思天上修文客欲見嗟分背與襟德雲子

又

三絕蜚聲不借天併將慧業破枯禪行來離落三千
里賣去丹青五百年可更留連文字飲莫教孤負水
雲緣卽今抹月批風事會見尼山說近川

又

此身前後悟還迷狹路相逢莫再提萬馬可憐爭海
市一蟻恰好潰金隄枯腸偏側休尋幾短髮蕭疎不
用鏡判盡人間無可否玉皇敕尾倩誰批

重晤米三岳太守

楚國烽烟猶昨日吳門笑語又今時相逢意外原無

徧行堂續集

卷十五

三

意自許思中尚有思出處不同同是客舍離非異異
於遲請看步步行空處逝水歸雲各不知

次韻訓雲間徐鹿公

離分片縷繫袈裟擘海分波早破家千尺冰綃全織

淚一江月篆盡雕砂逼天未許藏龍劍而地曾聞噪

鬼車此際憶君愁絕處可能雙眼徹空華

姚均裳過訪卻贈

驚濤浮木不期逢隔世相看一夢中白月青林魂已
斷殘山剩水路還通德存安樂窩仍舊人在寒荒國
未空最是虎丘籬落下往來片葉趁樵風

次韻訓武林丁甯菴

誰添竹院幾竿風雲暗花明各解空作客他經來去
現題詩遠出晚初中蘇門有嘯盈虛谷蜀道何知信
轉蓬愧我研池無勺水桔槔聲裏一輪紅

寄毘陵鄭素居

自齋章甫輕之越更直荒年重在陳曲阜虛文曾徙
市毘耶滿鉢未嘗新老妻善病兼忘藥稚子長饑各
慣貧莫怪天花難結果巖中自有解空人

追次樵李譚埽菴韻贈高念祖

剝海何如願海深淵源更向一家尋大莊嚴劫會同

偏行堂續集

卷十五

五

三

調小白華山復罄心手眼不甘虛六度兒孫仍足繼
雙林莫將記前規三世燈影香光貫古今念祖兄王助建東塔

大悲閣爲祖
父莊嚴報地

賀天士自丹陽來訪

別夢長憐江水深停舟多愧故人心觀生未肯隨寒
暑論世安能隔古今閱盡窮魚來處陸欲兼倦鳥去

時予欲隱林屋天士欲隱惠山
有二老往來之約題此爲券

題雪灘釣叟冊贈吳江顧茂倫

鶴駕鸞輪天半身橫空絕跡渺無鄰湖山繞座來佳

客風雅升堂得主人自許旌心惟白月誰知辟世卽
紅塵雪中識取垂綸意透出層冰一綫春

興福禪院茶集爲聖予開士之招

筆湧蓮華墨湧波清秋一氣落庭柯僊人論處三山
近長者牀邊一句多潛伏金鱗從擲餌周遮翠幄罷
牽蘿更乘晚色穿微雨眞賞能忘拄杖歌秋岳出雲巖拄杖歌

橫卷是趙
松雪墨蹟

次韻訓閩中張超然

偶開青眼當優曇一芥誰容七不堪十影連雲空冀
北百金訓字失淮南扣舷月下全無地側笠峯前便

偏行堂續集

卷十五

五

三

是菴何處風流似相識碧天傾蓋倚晴嵐

三山林天友別駕招同袁重其高澹游徐用王

夏來雍悅可上人茶集半塘客舍竟日同賦
熱客逢迎意漸慵使君高寄在觀空爲攜名士來驚
坐且喜閒僧有別峯論世獨超疑信外忘形各出王
賓中草根莫怪無吟癖四壁秋聲一短筇

八月十四日張穎堅攜蔬共話

不妨爲我借中秋深夜聊將永日酬一鉢喜從香國
滿半生病人杞人憂因花見月催丹桂度曲停雲讓
虎丘多少桔槔聲裏淚可能載得畫船浮早桂山塘水調畫船

簫鼓不復能
至虎丘矣

十五日雨

猶有閒情慰寂寥
晨風吹雨故蕭蕭
田家樂事來何暮
石室歸途去尚遙
緩步祇堪闢硯席
長吟倘足寄詩瓢
莫從華頂尋明月
寶鏡舒光不待招

家若千過半塘同
袁重其夜話時若干有安陸之遊重其入暮著屐行雨中來會

瘦筇六尺倩誰安
不意重逢且盡歡
老涉泥途燈火晚
貧當儉歲水雲乾
勝遊近怪吳儂冷
別緒長牽楚客難
見說燕京災異後
幾家夢向月中殘

北京地黃城根人高壓

偏行堂續集

卷十五

美

陷歟者甚多

寄柬萊陽姜奉世

時招子隱光福

龍歸鶴舉不徒然
蹈海棲巖各聽緣
旅泊不知誰作主
夢遊何得遂長眠
飛來前後三三衆
蹉過春秋六六年底事
勝心容易歇
任山簑與買山錢

贈程子敷

雖居闌闌無人識
時聽雲音共往來
揖客有今還有古
焚香如蓋復如臺
畧存兒女團樂樂
長謝人天大小災
兩兩相知渾不會
青蓮陸海一枝開

度夏棟石草堂呈古方居停主

修竹輸風早自涼
高桐停景午初長
不勞頑石頭重點
會轉深經舌亦香
何必東西分遠近
永儘堪夢覺共義
黃清秋更伴銜
蘆雁寫得寒空字
幾行

壽寧都魏和公

易堂有客推三鳳
幽壑何人取二奴
樂合宮商存玉尺
文成篆籀出金壺
清尊豪挾四公子
高蓋羞傾五大夫
會見龍湫湧甘露
集賢從此表仙都

次韻謝新安方望子

雲海蒼茫解畫風
偶從硯北過牆東
未生一綫誰能舉
已落千差不立中學
易有師隨世變題
詩贈我怡

偏行堂續集

卷十五

美

途窮金華墨妙吾無似
過雁橫江片羽同

次韻謝張六子

情外閒題景外詩
清秋恰菊到菊花
時南山獻色高無比
西陸遺音冷自知
國是人非何必問
夢前醒後不禁思
韓陵片石曾經眼
獨許君家絕妙辭

荅徐用王訊入山之期

如芥乾坤信拍浮
絲風燄火不相收
何當礪礪連年早
分與筆毫幾幅秋
雪掩山椒眠野鹿
雲皴海濤泛輕鷗
吟窻更索閒詩料
夢落茅檐理破裘

九日

近緣足疾廢登臨鈍鳥蘆中正息心不爲題餽搜故
事恰當把菊寄微吟勝情未得江山助衰鬢先蒙霜
雪侵多謝素交能共惜每因佳節便相尋

翁季霖有初度述懷詩索和次韻

然否無憑付混茫我寧作我計還長投丸莫遣詩瓢
窄偃蓋曾留鶴骨蒼魚服登盤澆苦酒虎冠據座伐
甘棠知君解發咸雲奏分得琴絲出壓桑

又

落魄何妨百不能跛驢自愛罷超乘虛名飽噉黃河
客實地長邀白蹋僧酒陣排雲憐戶小墨華湧日頌

徧行堂續集

卷十五

三

川增如今狂到家常處消卻前來一字吟

次韻荅王石年贈別

四照舒光一點明海涵地負漫相爭始終條理元非
器黑白縱橫忽到杆般若經開垂玉筍天台賦就擲
金聲人中第一休標榜與子同爲物所輕

石年見推爲天下第一人此語不可使聞於鄰國
恐有唾石年之面者石年才高學廣遠過澹歸然
且困躓以老澹歸亦可自安矣更一標榜則吾輩
眼前一片地都無立腳分隔卻三千里無端趕入
北通州震陷隊中不是小事

以樹根天然座貽鉞菴佐以詩

住山本色天然異輪囷離奇野外尊峻極千尋歸祖
父養和一握付兒孫盡除花葉偏成座畧識枝條已
得根卻請頻伽餅作主篆香如蓋倚黃昏

次韻訓陸陶如

日隨心逸自然休五嶽何妨一室遊句到冥搜驚入
甕書當快讀穩騎牛狂來更飲中山酒夢去誰遷夜
壑舟乍見可堪成遠別斷雲落葉不勝秋

次韻訓子車居士姪

如雨會傾隕海星觀空已後愧先醒偶然瀟灑逃三

徧行堂續集

卷十五

天

伏愛爾紛紛綸帶五經每見麒麟驚老大迴思華萼歎
凋零夢蜚弟化去久矣祇今萬派秋聲裏隔斷孤舟各自聽

贈曲周路蘇生

北天霜信已南來雲滿衡陽黯未開兩字固窮圍二
老百年如夢破三災莫釐把臂人還健縹緲埋頭事
不諧我便踢翻君豎起眼前一樣望鄉臺

與蘇生別於莫釐廿有六年喜此重見予擬卜隱
縹緲以地近武林棄去故國歸思蘇生菀結已久
特爲竊累爲之慨然

桐城姚彥昭張如三句容王大席廣文同過訪

病足未能報謁卻寄

衰至徒存一味頑芭蕉展葉情當關君於古調能留
聽天許幽尋不放閒豈敢閉門高世柳尚慚舉棹下
金山請看客去雲音在莫信爲霖失半間

去吳門

困魚止滌鳥棲蘆點點分光一點孤贏得主情延客
夢輸將昔我換今吾巢間故繞鴉驚樹車上何來豕
負途方信非親卽非怨斬情刀是出纏符予之去此
蓋爲俗家
眷屬所驅雖吳門諸公
勉留不能不歸決也

又

徧行堂續集

卷十五

七

無行坐處莫留情野水柔風片羽輕月出微帷埋
馬忍封瘦肉啗饑鷹蝗飛赤地方催稅鼃槁枯池待
洗兵好近包山遠廬嶽滿湖烟雨半峯晴

又

一片秋心寫數峯幾莖病骨寄孤筇五哀相現身將
轉三界情枯境始空喚醒牧童荒草畔收回釣艇亂
烟中如今不用商量得蘆荻蕭蕭趁朔風

贈瞿端叔

桂林畱守三公子不得東臯守薄田筆墨寫生雖有
技稻梁救死祇隨緣一條陌路風霜裏五種交情露

電邊卻似過河悲處陸可還捧日悞回天

次韻畱別濮澹軒

偶當場翅想投林雲散秋空不可尋別後情懷能似
昨病來消息可如今神鼃自矯三山首老鶴相憐萬
里心何必雞鳴風雨夜庭梧吹葉正蕭森

次韻訓汪元隱送別

不折將離不見難雲橫天濶路漫漫客來長夏因人
熱詩到深秋得句寒未數鳳毛池上見曾將鴻爪雪
中看妙高七日搏風力金作天光玉作翰

次韻訓別文與也

徧行堂續集

卷十五

三

夢中出入醒誰憑染靜俱超總是僧臘有晚香供粟
里能無世澤配延陵不分去住波間月曾度高低嶺
上藤他日輕舟重發興雪封斷港更須乘

又

分得溫溫四座春詩筒見逼敢辭頻誰能把臂皆同
德時復揮毫卽現身色後聲前休問我水流花散恰
逢人攜將竹塢烟霞去併入匡雲別樣新

題羅漢

獼猴獻桃

全身喫卻祇餘桃核子還渠未易消我不取時君不
與中無受處外無交反實爲王憑三點見佛如魔用

一刀且喜和雲連石送何煩捉月帶泉挑

法華樹南祚公見招予以足疾不赴重承過訪

有詩題此訓別

不得扶筇更毀茶輕舟重爲攬袂裝題詩獨秀高明

教下語全超念法華三疊晴雲鋪白練一方零露俯

蒼葭卽今兩地休回首同在清波鬪碧霞

訓別周芸齋

天遠帆輕抵雁行江空荻冷下微霜星騎老友身難

贖淮谿翁初發情逐孤僧夢又長素業相承盟白水丹心

不轉向秋陽來春忽見三更月想煞梅花萬樹香

偏行堂續集

卷十五

三

又

彭澤西來震澤東偶然把手挹真風似君全在義皇

上好我同歸丘壑中不寫麒麟空萬馬爲吟蟋蟀倚

孤松如今老去休相憶聽得鐘聲是遠公

孝山過訪半塘

頓面霜風老自憎盲龜跛躄借誰乘半塘重訪俱爲

客廬嶽遶歸尚是僧賢者出山應有待道人住世本

無憑最憐畱滯三吳久獨鶴摩霄愧未能

至雲間贈徐鹿公

暇豫聽人說烏鳥安知集苑不如枯也曾北望啼鵲

鷓只見南翔翥鷓鴣義在魏梁芟正統時移王謝失
先廬鼎華後鹿公無居樓於墳屋家貧劇孟長豪舉席勢侯門到
得無

又

一語全成傾蓋歡將離更軫客途難棄家自厭三吳

近擇地先籌五老安雲海茫茫鴻跡杳水田漠漠鷺

飛寒從來未識華亭路憑仗深情取次看

別董蒼水八年喜此重晤

珠江分手見孤雲雁遠天空久失羣怪我懶攜扶老

策爲君偏作證窮文昔以磁石海說爲詩序大似一篇證窮公據擅場有

偏行堂續集

卷十五

三

價名難奪過隙無情路易分且喜紅塵車馬外爐香

硯霧共氤氲

又

紫石潭深墨海垂湧泉猶遜舍人思未廢客路遊仙

曲又得莊家漁父詞此會從容能幾度一回潤絕定

經時可還更出梅梢嶺折取南枝問北枝予不復還丹霞蒼水

將有兩粵之遊

閩中趙專客以梵雅一冊見貽先得我心題此

卻贈

同還雲月異谿山纔見僧詩便合刪已落貴人才子

後可堪聞秀羽流間選詩者置會詩於羽流之後單
行俱到茅菴冷結伴孤尋布衲閒危石別開天一角
松風起處水潺潺

謝楚畹過寓脰脉

壁倚枯藤倦出門意中峯柳隔寒溫雞聲已欲收殘
夢稻把誰求發穉孫邀得隱君能枉步來爲過客暫
招魂卻思共醉青田核雨散風流歎獨存丙戌與龍友茂申切
菴同在復陽席上今無一存矣
楚畹會爲誠意監軍故及之

贈張帶三吏部

猶有知幾張步兵尊羹鱸膾不勝情登堂瑞結椿護

徧行堂續集 卷十五

茂鼎華不仕猶得承歡繞砌香分蘭王清習苦自甘

貞晚節藏忠於孝謝開名莫遷陵谷勤相護長爲風
流告太平

董律始自九峯來訪

每思清淚欲登臺葉落霜乾響易哀四句早離名士
席九峯忽降逸人來義皇夢外刪羣動風雅壇中秉
獨裁搔首問天天不應塵封碧落待誰開

張繼升以令先叔青瑀職方書并詩見示讀之

愴然題此

珠江欲見終難見燕邸相聞竟不聞青瑀待予於珠

寄書僅一達此青名士風流今已盡野人雪印復何
瑀答書亦復浮沈論千秋未往惟殘稿百慮全消只斷魂最是阿咸重
舉後小窗寒雨動黃昏

許鶴沙憲長過訪卻贈

逼上初聞亂在商何辭九折避王陽江山有主身難
屈霜雪居空德愈長腐鼠不知丹鳳遠高護更作紫
芝香雙蓮白燕曾呈瑞願保東山護北堂鶴沙長憲
活人甚多時與三桂待命吏無
禮卽以歸養拂衣未幾果叛

贈吳孝廉含文

有客頻推第一流聖友稱爲霜風切骨許同舟登山

徧行堂續集 卷十五

始信天容放到海應知水勢收力爲粉榆均賦役心

存松栢重箕裘可憐曾見開元事輸與宮人語白頭
雲間糧差不均大爲民累舍文挺身力請積瘼始蘇
令先公殉難留都舍文沒齒不赴公車故有五六語

訪顧介石不值卻寄

意外差池四十年燕南粵北路迢然香山不覺虞琴
歇黃浦初驚仙棗傳小鳳再來情自足聖借中翰孤
鴻未去跡猶鮮憑誰更寄相思調懶放王家雪夜船

次韻謝王農山侍御

繡斧肝腸鐵不如直鉤無餌恥爲漁庭空自種三槐
樹室滿惟藏萬卷書貴并國能歸上壽塵分淨色過

鄰虛昨來一坐忘衰病元氣全濡至足餘

已得子武詩文復惠瑁湖儼齋二刻再疊前韻
以識侍御一門人才之盛

巨鼇連獲事何如釣得真王始作漁積玉易逢玄圃
壁洲金難改國門書繡絲補袞歌山甫健翮凌雲賦
子虛我亦望洋窺海若不知流慶幾多餘

子武次韻見贈再疊奉酬

天迴壯采見相如不問溪漁問海漁調鼎卽陳燒尾
宴勝衣曾讀等身書水行得勢奇而法日影方中道
集虛欲向老懷搜剽錦半生割截歎無餘

徧行堂續集

卷十五

五

陸蘭陔憲副過訪卻贈

瘴烟欲破得抽簪故里風光寄短衫賀監曲無煩賜
一陶潛徑亦未荒三詩新花氣猶縈座棋靜鶯聲忽
度檐從昔橫雲不飛去是誰閒卻半間菴

訪唐興公水部

時年八十四

擬與華亭鶴結鄰野雲曲渚闌相親塵中識王非生
客地上逢仙是老臣眞率高風傳令子耆英雅集冠
嘉賓自存流水桃花意不住深山也避秦

玉峯盛珍示中翰以故友萬允康墓前之石爲
屬允康遺骸其所葬也慨然有贈

故友昔煩封馬鬣老僧今愧乏雄文興亡業影全追
夢生交情獨見君暖露年年抽宿草寒風夕夕卷
浮雲身前身後分明處祇是同羣歎失羣

次韻謝沈孟檀

眼前塵事送風烟淚灑窮途慙昔賢未得過都先入
夢不煩面壁已逃禪身名莫信千秋在家國同歸一
體捐借取長吟消永夜暗燐息影共翛然

又

古道難翻冒逐新一庭松竹攬蒼旻亭邊赤鳳辭玄
客雪裏黃精賺野人漫說雲霞猶有滓卻看珠玉本

徧行堂續集

卷十五

五

無塵尋公戲指諸郎爲查浮聊以解嘲自從休戚相關後水落霜清
是正因

維揚席書樵有詩遠寄丹霞予已出嶺今冬始

見用韻奉酬

萬里全心不隔塵何須相見始相親曾居物外元無
物公在人間卽有人甲乙庫中開異撰東西嶺上過
修鱗憑將揚子津頭水辨出珠江一勺新

至前一夕燈下

此地今宵稱節夜旅懷一味是平時百年刻子之
半萬古茫茫人不知墨影乍移燈下字風聲長攪竹

間枝病來無力深更坐消受衾寒入夢遲

至日

醒後仍存夢裏身病中不見健時人情分藥裏全成
悞意落毫端半失真兩地形神休問蒼一堂出入限
關津黃河莫有陽回候怪我飛灰變濕薪

遣病

生从無勞更卜年剎那斷處便忘緣從前閱境非開
我此後休心不在天壯士途中推轡輓美人苑內試
鞦韆於今識得偷閒法萬竅號呼各悄然

次韻訓張帶三寒夜見懷

偏行堂續集

卷十五

烈火青蓮一線關凍雲黃鶴萬重山常懶說貧非
病顛倒隨流老愈閒林有疎鐘迴昨夢苔無密屐上
新斑王宮不到村師子同去誰能免獨還端師子戲
圓照本直

饒弄到帝王宮也
是一場乾打鬧

單孝求遣郎君會柯來見遠頒雅貺卻謝

寂寥雲水渺無鄰不意相看劫外親杖亦剖胸羞匿
己竹杖形製甚異表不在外裏
不在內頗似道人行徑也瓢惟應量得資身哀年

食少憂飄適如其
量合節受之宜自攜天樂潛丘壑不隊家聲見鳳

麟他日千峯孤月上猶聞鶴唳出霜筠
過白燕精舍懷單獨菴用前韻

荒院危橋絕四鄰霜根露葉各疎親不踰淨土休行
腳曾踏狂瀾未失身十畝有誰歌白燕千山何處跨
黃麟我來亭下徘徊久剪剪寒風掃碧筠

東黃辛子

筆龍墨虎黃辛子好我同歸陳長卿少日恢奇追四
老殘年與博愧文明石齋別峯相見千門關寸土俱
封號無十道平且放睂間天眼豎與君分手各橫行

辛子見予近刻謂可配黃先生石齋予愧謝不敢
當三山陳長卿云平生酷愛漆園龍門蘇子瞻李
卓吾師殆兼四老之勝人豈不自知要以束髮讀

偏行堂續集

卷十五

卷

書此四老故所好也每于石齋翁作即坐臥以之
近朱者赤不無稍似兩公論文具有高識以爲偏
則可徑以爲謬則不可耳

慈安鄒道者壽

照徹千江用未焚雲間更現大家身插梳髻後三尊
泯得偈經前萬象新南極呈祥旌上德東皇助喜及
深春今辰細把生因勘眞智誰來索了因

冒寒擁被王聖時來訪榻前共話

雄才高義遠相矜玄學儒文愧見稱亂後寒翁頻得
馬病中禪客乍飛鷹人荒大小兒俱盡道悲春秋筆

莫懲擁毳藉公懷抱展儘堪春色上行滕

次韻酬黃在川

同是浮雲不繫身硯田三寸海之濱畫隨人遠天俱瘦詩爲窮工老更親獨立卻須知去路相逢且莫問來因欲搜囊底無佳料鈍置枯茶三兩巡

新安諸公請住黃山東秋岳瀛山

黃山何意解招魂病不知亡老不存漫道裏屍須馬革還如拌死食河豚秋深竹杖曾偷眼春盡芒鞋欲躲跟莫向白雲論畢竟由來舒卷不留痕

又

好友相攜丘壑深聞聲見色總知心海中白涌山根汞火底丹浮水面金每念魏侯休背本長懷船子忽投林華亭平湖頗欲置予于湖洲間今乃與船子朱涇長別矣妙音妙指吾何有走石穿松是寶琴

次韻酬姚讓水

誰從見妄得山河勘破生因便息戈二我同歸惟冷癖列楊獨撫莫輕哦暮雲野鶴孤飛少白骨青山浪擲多卻歎耆婆來較晚幾時塌落病維摩讓水爲予彫脈處藥

又

兩世無聞卽暮年如今知愧罷談禪小儒待結空中

果大智先開陸地蓮睹影不疑曾息馬觀河仍舊更知川莊周蝴蝶非真幻領取逍遙第一篇

次韻酬周我匏

同衾各夢未爲難一字窮當萬仞關白月心期輕灑艷青溪耳語重潺湲古人似畫徒能仿高士非僧不用禁劫裏生還劫裏病老來惜取沒多閒

六十三六十六皆萬曆末年人生時遼事已起壯歲鼎革甲子重逢干戈又擾彼此珍惜老景餘閒耳雖然吾前路已無多矣

乞書

性耽開卷力詘收書諸護法宰官居士家有三藏典章及儒教經史子集所餘副本不論新舊敬求分賜俾得載歸空山資儉腹送殘年亦以嘉惠後學卽風雅一門流通大道則般若海中天風紫瀾不妨格外更傳佳話高識廣度倘能首肯乎小詩二律并呈削正老來甘作蠹書魚結習眞憐未易驅四庫分函歸二酉五明合撰載三車不離斗室登臨偏如此播間與受殊一笑窮年鑽故紙重將記事乞遺珠

又

忘食忘居事亦難祇圖遮眼太無端風清硯北焚香
坐日煨燭東倚杖看病有單方千古在寒依大被百
城寬津梁不盡檀那意拌與癡癡一體乾

次韻訓帶三除夕見懷卽以留別

不思議變眾香中詎出微塵一點紅密密谿山隨步
異明明雲月舉頭同碧潭聽飽龍吟霧黃海飛殘鶴
唳空道遠莫從三笑後相思爲歇遠公鐘

東魯謙齋太守

貧賤驕人道所訶飛騰急景況無多惟公特發下交
禮顧我殊非高士何已向薰風分暖律更從藥樹陰

備行堂續集

卷十五

里

繁柯侍郎自識黃牛政豈必朱輪蹀綠莎

又

老計先從無任傳近家頻贈遠行鞭吳門已是全收
局此地何由更作緣丘壑安排第五枝風塵顛倒得
三禪注銷卻請如山判六六峯頭駕鐵船

千爲結茅計頃有黃山之約特請注銷

贈徐安士

名士風流迥出羣大家氣象動如雲酒泉長寫東西
玉筆陣橫開龍虎文業有中衰方念祖才非特起不
生君麾戈豈俟迴三舍及第心空賀策勳

留別雲間諸公

不覺蹉跎又改年遙峯近水各迢然九旬安飽人心
原千里風塵客夢遷來去忙情酬露電登臨無力信
山川夜深獨鶴摩空響長記華亭矮榻邊

又

身同老景食同貧一面相看面面親作客全身俱用
轉爲僧到此不容真開元以外無餘說震旦而遙莫
問津聚沫吹風成去住可能俱負再來因

次韻訓別農山侍御

不勞杜宇喚春更一枕秋聲宦況輕三鳳已從丹穴

備行堂續集

卷十五

里

起五雲長向墨池生遊魚易屈龍門峻斥鴳難聞鶴
語清別緒爲公牽寸縷夢中時有九山行

留別超果自牧心長老

毒藥醍醐信手拈春風滿面出得尖金鰻掃跡休窺
井玉印生文不借鈴師子獨絃羣響絕龍淵三尺一
靈潛動客何必重回首挂起輕帆便下簾

留別魯謙齋太守

更向時艱託小康使君善氣結殊祥逗人山寺雲猶
濕送客河亭柳漸香動地雨花隨馬足弄風天樂闌
鶯簧不知別路思多少江草江烟與夢長

次韻酬蒼水贈別

敝硯休辭龍尾旁春寒野色尚蒼茫看他變海雲如
夢憶爾生花筆有香棘路每添窮鬼笑糟丘且喚酒
徒藏何時更躍登峯屐帝座驚呼獨擅場

寄壽涂英伯郡丞

雲車塵路不容輪底事嵩高此降尊別有麟鸞延上
客未妨猿鶴憶王孫朝霞自舉來眉際夕月相思豁
頂門寄取金壺一點墨濤翻黑酒蓋崑崙黑酒爲西
域上尊

陸鶴田昆玉過訪

塔影湖光漾短篷賑荒喜爾奪元功多情更探蕪葭

徧行堂續集 卷十五

水軟語如吹楊柳風得玉土中憐老馬分珠頂上憶

斑龍始知善見城中事祇在毘耶一榻中報云也
古歌所謂斑龍頂上珠也

話山餽藥資

四事難求五味足衰遲不覺有餘思故人一舉新成
典病客三年見藥資九種草還丹再致半尋靈壽杖
初持殘僧豈合重叨忝未斷袈裟角底癡

柬沈尚廬

欲遊廬岳君難去不返當湖我又來垂老錯爲身後
計卽今推不眼前開桃花已被輕寒勒柳葉還從遠

夢裁多愧勝流如上藥分香一樣起枯骸

柬陸曠菴

君憐我病特相畱我納君誠豈易酬山上碧雲纔引
領水中白月便迴眸窮年文字緣都謝首路風塵業
未休孤負贈行好詩句一帆春夢又經秋共歲卽有
山之作不謂蹉跎
至今尚未成行

贈李辰山

曾向來風辨衆香似從雲鳥聽松篁名流獨抱生花
筆長者兼傳卻老方座上尊中訓北海金漿玉液賚
華陽時有木
煎之惠緣知有病非無意藥對重開蘭譜荒

徧行堂續集 卷十五

竹西至西來及東湖皆有慰畱之什賦答

百篇斗酒李青蓮挽我頻將秀句傳沒甚棺衾煩歎
後有些口腹累生前下生已勒西湖榜北望猶存丙
子年連臂踏歌無異路重逢祇是各忘緣

徧行堂續集詩之四

丹霞今釋澹歸 造

侍者 古止 傳湧 編

五言排律

次韻荅朱肇修明府見贈

信有支筇癖長攜蠟屐登坂方馳九折壁且置三層
易發中宵磬難挑暗室燈公猶需帝簡我已愧師承
覆蔭虛千眾艱虞闡一乘弄丸兵自息滅燭鬼休憎
赤腳徒然走空拳未可憑窮途拋短策急影斷長繩
扣石無同響歌風有最能驅山雷鐸起鎮海月珠升

徧行堂續集

卷十六

一

吏道誰當比詩流每見稱經營來慘澹裁制斤模稜
驟耳非常駕哀梨不受蒸屢操輕切玉相對速消冰
錦水波初靜雲門雨再興備乳源有惠政卽眞名子父久屈
負予承秀句驚投璧孤懷慶得朋烟霞青嶂滿星斗
碧天澄積病絲懸鼎凌崖鐵作絛何時慰岑寂一笑
看騫騰

劉煥之分鎮連州寄懷四十韻

不有魚書怪誰登麒麟閣崇地腥思寶玉脈正識良弓
到處堪論道從來可卽戎一關穿楚粵雙峽控英雄
王事應無忝臣心必在公憂勞百戰起旋轉萬方同

憶昔鼎先革其時屯後蒙與人觀塞馬恥自賣虛
卻掃元知黑卑棲儘固窮獨醒窺象表宴坐傳虛中
昧職嗟周勃明經陋馬融遂能研道妙眞欲定儒宗
念彼灰全冷於今夢正濃高齋頻下榻蕭寺或聞鐘
墨守憐金注雷爭笑火攻商量得共結揮霍壁俱空
此樂眞難老無緣豈易終溪山纔左右兄弟忽西東
我老宜多病君才慰大風義聲傾鉅鹿德化集哀鴻
擒縱謀逾密安危望更隆臨軒頒鐵券拜銘勒金鏞
劍履趨朝重琴樽顧曲工筵前圍翡翠帳底結芙蓉
泰岱三千士羅浮四百峯勛名殊赫奕器度益淵冲

徧行堂續集

卷十六

二

烈士當如是閒僧只放慵近將雲水納消受雪霜封
拄杖行須把方書閱漸通爪牙非睡虎伎倆卽雕蟲
國主三生幻將軍四願洪苦煩青眼客甘歛白頭翁
未暇倍芳茗徒然指直松海幢春草綠湖口夕烟紅
率土皆浮梗深山復斷蓬湟溪高疊疊韶石隱重重
丘壑懷新面亭臺訪舊踪元劉餘感慨支許定從容
何日聯歸棹羸糧待宿春相思如瓦裂憑藉一彌縫

贈王仲錫憲副四十韻

戡定非無武英雄自有文試觀虞詡傳誰數馬援軍
禦盜誠多術藏奸豈在民苞苴吏道雜城社王情親

瓢笠藁長儉檣帆柝屢巡倏如眠與室無復阻通津
共說監軍使潛籌致寇因鵬盤不覺下蜨屈忽然伸
徑斷修蛇首空張周狗斷從來銷劍戟所至樂耕芸
公刺賊方畧殊絕嶺海一近日常邊隙乘機鬪海濱時寧謐數十年所未見也
風霆增萬竈血肉吮千村嶺表逢吳芮師中失祭遵
論官仍就地配位亦由人廉訪冰霜潔平反雨露溫
牧民驅害馬護草湧祥麟百怪逃懸鏡雙九隔覆盆
物情初未慰公意若無聞時議公即補憲長輿論謂未足盡公之才然公以太夫人老堅
婦不應正氣長酬國私恩短報親晨昏扶易闕藥
餌候難勻養志餘甘曉知年益苦辛長安遙倍日薄

宦冷如雲進敢遲三揖歸寧少一貧於茲覘器識尤
足衛彝倫世逐江河下風遠懷萬淳生惟負忠孝貞
肯放金銀判鹿留虛案飛蓬失故根魚龍元異服玉
石每同焚似爾堪持鉞何心學掃門深經熏般若熱
鐵走波旬香土稱來路蒲團想舊輪兩峯青照眼片
葉綠遮身長者思流水危時感夕曛咏懷俱叶義立
教必依仁誠輒窺前史被衣惜後塵林幽苔鎖徑月
落火忘薪迢遞湘江楫遭迴穗石春賀休同燕雀盟
卽訂松筠

賀徐浩存方伯三十韻

海嶽三韓會風雲萬里圖殊形鍾地脈勝日挽天弧
盛德歸元母雄才失萬夫東方瞻領袖北極待匡扶
福曜分行省嘉聲滿上都儲胥疑湧出羽衛各歡呼
居士金輪寶將軍玉帳符紫微真拜允黔首再來蘇
杼軸其空後瘡痍百戰初羸糧猶秣馬賦茅莫欺徂
不種千頭橘休誇十丈蒲持籌雖尺寸宴坐卽虛無
蕭寺談會接衰年迹愈疎黃參腴起病紅繭暖噓枯
屬有江舟泛憂來祠牒連十行邀護念一眾罷枝梧
皆公施德於野人及丹霞一眾之事返棹餘狼狽支筇剩鷓鴣易參栢
樹子難了寺家奴穗石思彌迴皇岡夢亦孤已憐調

醉象還見打慈烏共許公才望僉云帝典謨闕中蕭
相國江左管夷吾桐柱安裘帶珠池走舳艫治成推
獨坐痛定恤援枹觸網文常密驚眠息更羸王非捐
貨色人得保妻孥憲學尊兒齒升堂頌碩膚一枝存
老計七聖涉迷途白髮何煩種青山尚可鋤浮生如
幻意斟酌問交蘆

次韻伊蔚讀四浙客詩見示

不得乘風便相將凌紫霞雲低藜杖火雨墊角巾紗
與子稱同里論心非兩家道腴收玉液墨彩奪金華
嵐碧初當止江清忽有涯扁舟別緒滿孤枕臥遊賒

正憶扶筇直如看點筆斜詩筒他日到山志一時加
此意天中月吾行海底沙長亭歌折柳危石欵栽花
素業老逾拙微吟愁更嘉合離何處覓流恨落悲笳
壽池儀伯別駕二十二韻

一念從緣起千秋卽此生鶴毛隨夢出龍種踏空行
試筆驚題鷗銜杯欲跨鯨監州休自苦隱几得餘清
藻鏡開雙闕朱絲發九成泐巖飛舊雨錦水泛新晴
暖挾三冬日涼分六月冰謳歌騰薜屋姓字勒瑤京
雀噪晨衙靜花翻午榻輕囊空歸故我齒冷畫前程
有并憐虛潔無家美耦耕不須增感慨祇覺減將迎

徧行堂續集

卷十六

五

抖擻何年毳摩娑幾尺藤烟霞砭俗病松竹對深情
卻憶懸弧矢誰當洗甲兵鯢髯纏積草烏足繫長纓
未許沈西陸相期奮北溟春風圍玉樹秋露酌金莖
公望還書帶王言入鼎銘尚能資白業豈必飯青精
寶網重重現蓮臺朵朵擎同條無異曲天樂滿真城

感時寄懷孝山

蕭索悲人事蹉跎閱此生干戈從二代溝壑轉三征
荆棘梅關灤波濤錦水騰官私同困敝上下各分崩
搯腕趨藩鎮流涎遶貫城兵呼頻唯諾寇退獨驕盈
劇有傷心法休論沒世名春秋聊藉口君父莫留情

鄱陽湖阻風

是手能翻覆非時并送迎饑來元似虎飽去卽爲鷹
酒德重賡頌錢神又作經騎危須後命鑄錯問前程
易得田疇廢難教丘壑寧無人堪地墜有淚與天傾
每憶雄州守爲吾白社盟削成華嶽峻徹底鏡湖澄
釋爾千鈞重飄然一葉輕是非都不涉禍福兩無爭
問歲來龍護中宵斷鶴鳴市門嘯魍魎牆角走鼯鼯
豈厭交游冷長憐格韻清何時別緒展不分畏途平
面目衰雖變江山美未更丹靄歸臥處冷雨暗孤檠

徧行堂續集

卷十六

六

勢緩流難下聲囂戰愈酣渴龍初入海饑虎不歸巖
白日非全喪青山忽倒銜潮頭方躍馬津口遽亡驂
擎鉢頻傾蓋繙經每失函火傳生便滅碇落再還三
左蠡鴉相慶官亭蟒自慙鼉鼉齟齬鯨鯢眈眈耽
隆祐遲追輦淵明早脫衫沈淪如息苦留滯亦分甘
朔氣消晨露商飈散夕嵐雷邊遙縛豕雨外近驅蠶
換節吹猶甚鄰峯望莫探雞聲迴蜀魄人面借吳藍
估客腸俱斷舟師舌互緘從梓疑仲路掩室信瞿曇
大叟禪應學偷生法屢及千金危泛宅一掌穩燒菴
地險由天設空觀卽有談常非常可守定習定爲貪

泡幻今時證風波昨夢諳井蛙吾自恥河伯爾須參

小孤山

獨立驚濤裏高名讓大孤步趨非砥柱開示只窮途
日夜分風兩生成厭髮膚小兒提石丈故態接狂奴
崛強輕乘險侵凌重集枯觸頭寧玉碎卷舌謝嵩呼
東海疑來鼉西方許折蘆一門深入後三徑未開初
鳥雀雖通信蛟龍不敢都星辰寒寂歷雲水暖模糊
見色遙還有聞聲近卻無疑冰懸覲面炙轂過承跌
已絕攀援路仍留瞻仰圖共知難倚傍不覺兩生疎
古道會如此今人有是夫長歌相惜罷餘興托江湖

備行堂續集

卷十六

七

陸林士盤面人詩刻畫險與賦贈三十韻

侯喜吟難續彌明石鼎詩爲傳天際語那許世間知
盤面人排律耕廬草見貽小言非破道大指則傷時
劫運三災起生民十歲期口門慳未麥眼孔窄蜂蟻
海鶴吞千族桐孫刻半枝漫誇顏似玉休討骨如絲
糾斷空抽脊梁頌放壓脂衣冠欣古昔品格愧今茲
首按喉無轉尻穿足不移餽酸逢暑敗圻裂聽寒欺
達士聊觀幻頑童劇弄癡未能忘感慨豈欲索瑕疵
墨點華分艷毫端利露奇團龍名最曩怪叟號支離
谷藉開山擘鋌因躍冶施罇彝甘剝蝕金玉苦磨治

字出周宣鼓文微夏禹碑珠曾探象固節木雜龜

險押拈膝韻聲牙鬬雪兒且鑽心上竅史問腹中

辨物追雷煥窮工剖偃師踏翻一窺醋洛萬

自笑收劉父相逢說項斯提刀憐小試補牘憶宏詞

騏驥挨牛早鳥驚鳬鳳池錯膚安布絮小戶習糟醢

翻見搏風起簫停合抱吹畧依同類攝暫與入塵宜

赴仍韜茶集有每事退一步之語可謂識時安

分矣題此卻贈

穩惟退一步迷亦莫三人爽拔情俱出安和物自親

移居聊近郭蕩槳恰通津雞犬迎門舊詩書卽事新

備行堂續集

卷十六

八

水心會江熱雪眼未回春野澗有同遠天空無

我來能飽飯客至得比鄰陸開百在坐水木非生分香花

見性因相過休責禮每話必依仁步履長隣緩衰年

懶是真

贈西蜀余生生齋

相逢皆旅困絕遠是川中入座推先輩應門無小童
擅場詩筆健問字史材豐每發傷時論長爲辟地宗
盛朝傳祖德名世著邊功閱閣家聲舊圖書國寶雄
興亡千載恨休戚一時同舉族誰遺種全身只斷蓬
歸鄉惟飲泣作客信觀空今祖肅敏公一代名臣賊入川舉族被害先生

客於外獨存故鄉既
不可居復老於客
何處堪投足論心可穴胸自難
平五嶽不肖易三公劍桂老逾辣持醪愁更濃玄精
傾到海白水紋成髮我豈戀流俗天將開固窮前期
呼大鶴後乘載非熊似爾用方壯與人如擊蒙未消
龍劍氣欲喚馬當風爲報林間雀休窺雲際鴻

次楊震百感懷三十韻卻贈

結體占來鶴趨時讓集鳥有歌盈陋巷無淚灑窮途
莫極連鰲足凌空十影駒疾流爭大壑列曜徹昏衢
日月非天掌玄黃戰野圖銜冤長枕由學鈍暫棲盧
墓下會枯柏齋前莫化梧界河通島索別徑走陶虞

備行堂續集

卷十六

九

吾道千秋重斯文百世須自從觀象活不共獲麟俎
俯仰勞生幻縱橫立處孤妙裁資朗鑒雅詠發清娛
揚震非生魯要離出本吳同風包異域烈士并鴻儒
運轉追三傑魂招下九巫傳家機上錦照乘握中珠
金玉嚴分管腥羶介達廚何人堪竝世是子足齊驅
每歎書難信相聞史易誣衣冠存晉宋門第削崔盧
一柱全稱砥三桑屢喚扶岳傾高自險天醉尹誰爭
魚爛兼龍種鴟肥嚇鳳雛沙填甲冑鳥獸散妻孥
拚目爲佳耳交肩得過乎狹中纔懷熱失口復驚呼
軸折逍遙谷匏懸饕餮乍逢交短夢遠別起長吁

白雪廬多愧青山話未辜合離懷此地消息寄彭湖
長公次韻甚佳
故有齊驅之語

七言排律

閱吳船錄遊大叢一則極狀高寒惜不見其全
記漫題遺興

大叢境入吳船內墨瀋疑將丹粟填黃隔塵埃全墮
地白分綫縷巨成川颺輪掃跡無飛鳥雪掌排空有
伏天花卉不傳名字外羽毛都出畫圖前風枝偃蓋
雲斜壓露葉垂珠月倒懸髮挂老苔長百尺松蟠小
塔瘦千年幾重羈擁寒礪炭萬歲漸流凍穴泉碎擊

備行堂續集

卷十六

二

玉砂非飯顙高擎黍谷是山巔聖燈亂落繁星起古
殿平臨帝座偏版屋秋來蹤自失鷺峯西去脈同躔
尋經且未逢迦葉呵壁應先問普賢畢竟冰河難發
燄那教火宅易生蓮

賀公絢敘功特授鴻臚卿二十韻

青村二百年之後珠履三千有丈夫長白山前成異
撰越王臺上獻嘉謨活人似授金丹訣卻敵仍懸白
澤圖到處溪山供隱几隨時花柳聽提壺虞翻自許
鄰三島范蠡誰教泛五湖共喜庭前圍鴛鴦漫勞澗
底覓菖蒲憑公嶺海咸安堵隱我川巖獨放鋤六詔

劇牙麋虎豹八閩趁脚賭臬盧寸心莫遣東藩改隻
手還將北極扶德在金甌新有報功追蓮幕舊曾通
世祖有以三品敘用雖憐此老頭全白已覺吾君喙之議益濡遲至今矣
未烏每出恢奇陳曲逆徐當鄭重大鴻臚鄺中銖鉞
爭衡急象表丹青托興孤天地殊能空躍冶古今變
態立交蘆已爲服馬寧辭走不是饑鷹豈受呼據坐
偶聞談般若入林猶見說於菟予初欲入山或云仁虎枕邊遊戲黃茅瘴灰裏飛揚赤伏符雨濯江波終
慘澹風吹樹影正蕭疎濠梁魚樂忘蝴蝶巴峽猿啼
領鷓鴣勿訝短章遲燕賀也應長笑置狂奴

徧行堂續集 卷十六

七

班侍讀以烏斯藏體書心經密語筆勢奇妙爲
賦七言二十韻奉贈

名句形身入義句法源深遠法流長祇從般若因中
顯元在耆闍窟裏藏筆陣開時分左右墨濤落處合
低昂三身豎亞摩醯眼六字先稱密教王心地中央
尊寶所伽陀前後絢天章有情種智無疆壽萬象空
明一點亡鳥跡依稀沙界上刀痕刻畫竹書旁鬬蛇
出草玄精隱舞劍生風白日荒倒薤懸針占果殺垂
雲布穗現慈祥其間位置殊眞草上古規模壓漢唐
曲折隨形觀決水步趨絕分驗乘黃疎非斷續連環

徧行堂續集 卷十六

七

巧密不安排脊弩強傳法白推張長史勅碑共許蔡
中郎章成但覺波瀾老體結還看筋骨剛十載研精
窮異撰一音圓演會殊方不緣文母能迴向爭得賢
臣互闡揚金葉未離青玉案白毫如映赤珠幢應眞
五百同星共學士三千各雁行老我羣盲迷一象懸
之捧日上扶桑爲公更發流通願鼓寂鐘沈湧妙香
輓李灌谿侍御二十二韻

太華千霄驚峽斷靈光矗地劫灰空老成謝世吾安
放少壯登朝物所宗筆陣千人俱汎掃訟庭一鑑獨
昭融參麟遠遁奚山虎濯鯉羣飛寶水龍三異爭傳

眠雖雉五絃徐撫落薰風珊瑚洲月淨疎沈網烏府霜
清密扣弓墮日潛輝天斂碧隕星散燄海浮紅尊王
未見齊兼晉養老長依孝作忠皮裏陽秋歸副墨眼
前高下信孤筇志輕溫飽師惟儉禮在裳衣戒必恭
祇許名流窺硯比漫勞顯者揖牆東兒孫削跡箕山
外祖考聞聲漢臘中咳唾卽堪鐫琬琰枝條不得變
梧桐草廬尚揭黃庭字蓮社曾輪綠野鐘極望雲間
儀大鶴忽尋雪影失冥鴻賜環帝所元持憲降寶民
間且送窳玉角陪巡逢跨鹿鐵冠後卷憶乘驄低回
醉夢何時醒直上虛無絕徑通我識紫芝因白淺家

懸白澤敬相同挂帆易逐魚鱗漲執紼難親馬鬣封
惆悵餘生畱覺淒涼往事益衰慵便敲短策州西
路莫覓羶羊樹杪蹤

六言絕

項辟塵以下飲約見貽卽拈二作

槁木灰灰自待好天良夜相期二盞長辭筆畫三當
落得便宜

又

刻燭吟無剩思下簾下有餘錢不見箇中兀爾兼忘
此外蕭然

備行堂續集

卷十六

五

除夕辟塵招同橫秋爲守歲之會

今夕恰當除夕閒人便是高人捏聚一團冰雪辟開
滿地風塵

又

飯盃透支正旦燈屏預借元宵飽愧胸無宿物煖慚
舌在寒號

又

舊話幾般噩夢新歡四座春風亡望燒錢祝硬何爲
開宴迎窮

七言絕

侍者作寒雨夜坐絕句漫次其韻

放顛風雨輒連宵擊木敲空各次寥悞遣雷公
鼓欲添強弩射寒潮

又

更無燈市入元宵莫向虛堂歎寂寥一派松風騰萬
馬海山門下浙江潮

次韻謝方伊蔚夢中見訪

勝流有夢過珠江歸客休開上水艚眼底飛塵如雪
片從來不隔水雲幢

又

備行堂續集

卷十六

四

夢裏相尋月印江醒時不見雨浮艚若知醒夢非更
幻恰好全身豎法幢

悼曉聞

人間偌大一紅鑪身入焦原有便無橫活不能須橫
灰至今疑殺小柴胡叢林無醫無藥或隨所傳方不
合脉聽命而已灰卽橫灰活亦
機活也此語服理中安蛇湯後只有小柴胡一
方免柴胡黃芩不可得遂至於灰爲之痛心

又

一縷寒雲欲障天荒唐去住只隨緣少年卻去老年
住引得江山顛倒顛

壽方文木

霓旌絳節下遙空曲水橫山遶直松見說白頭翁在
上卻須領取黑頭公

安南舒公餉松子仁

三十年前曾得味五千里外未知名今朝一一都嘗
過透腋松風入夢輕

荅李謙菴太守

棲塵已覺生非久欠債須知歿必還請藏歸能成後
會憑公先爲護松關

文趾饋米

是珠是米費商量曼倩休嫌月一囊纔道人荒須覆

徧行堂續集

卷一六

三

鉢有人爲我破天荒

南雄米貴如珠許子兩饋白粳
吾每日所啖不滿五合始足充
半年糧矣謂之破天荒不亦可乎

贈馬曉山

家無女子如蘭若自發炊烟飯遠僧霜壓野航人未
起隔林應有佛前燈

訓陸匡山次韻

寒色全埋一點春芒鞋未識軟紅塵吳山觀面成生
客鷁水逢君是故人

來詩當年舊舊今何
在只有吳山是故人

又

一日相逢便十春胸中雲海各無塵勸君莫信漁翁

語流水桃花不避人

來詩聞來後墨支韻
坐杖底追隨好避人

陸介菴明府不能事上官拂衣歸田予語梅格

云渠得侍八十六翁膝下豈復羨台鼎之貴

耶因題歸去來二絕以贈

莫怪先生懶折腰葛巾依舊漉春醪滿盤贏得斑衣
樂歸去來兮不和陶

又

澤畔行吟也不勞誰嫌安宅趁驚濤老天無荅吾無
問歸去來兮莫續騷

贈沈子政

徧行堂續集

卷十六

六

嗣宗理體殊高妙把臂林間見阿咸丘壑胸中元自
足廬山面目好同參

顧遂韓六十初度

尼父行年六十化不言五十九年非時時處處無虛
棄打散壺公杜德機

贈陸聞百

幅巾曾謁天然老面目于今見也無不是一回親切
處爭知人到水雲孤

次韻荅俞聖復謝澹廬道雅題詞

老去行吟且負薪冰霜誰解臘前春不容光處長辭

照點與孤燈發隱淪

張豐城以畫觀世音爲供

濟甫時時安養國豐城筆筆落伽山不移一滴簷前

水何必金臺費往還尊公濟甫今年入
袞精修西方觀門

荅王梅符

昔去已爲真必別今來豈得似生還大家把滑冰稜
上方信吳山是雪山

雪

老袁閉戶惟僵臥小宋烹茶未解饒落在叢林三種
內苦腸漉汁有誰甘覺範謂大雪時叢林有三種僧
一坐禪一作雪詩一圍爐說食

徧行堂續集

卷十六

七

坐禪者可憐食而止於說大可憐我卻被介
右衛生逼作雪詩作詩被入逼尤可憐也

又

聲銷師子纔呈色觸著梅花又竊香試問毳毛作何
味更從大窖學休糧好一箇休糧方子且喜蘇卿寒
有餘衣若是窮漢喫了毳毛須

防凍
殺在

又

今年歉爲昨年少來歲豐因今歲多肥漢難禁七日
餓迢迢爭柰麥秋何人不食七日則死今冬鄉民已
有食粥者得到麥熟尚懸百二

十日可
若何

又

烏質帳中休動腳奴訛路上莫違言明鎗暗箭相關
處鵝鴨池邊未曙天右衛詩有語是
蔡州城之句

又

穎守賓筵重舉令梁王客座獨揮毫乞兒更有眞消
息籠統乾坤好白描由他詩賦妙絕不如曳白之細
腰女子由他細腰女子妙絕不
如乞兒唱一隻黑狗身上白
白狗身上腫一些沒事也

東沈苞菴

韶石重來金道隱永嘉一別沈苞菴不知今日雲山
面更把當年水月探

次韻孟舉種菜詩

徧行堂續集

卷十六

六

寄身在野不稱尊果腹供人緩步捫木札味中誰辨
舌河沙子外莫畱根

又

一橫一直更無斜人盡天來便有芽籠內藥惟收遠
志星邊木只繫匏瓜

再疊前韻

藿食偏憐肉食尊有謀待獻舌嘗捫人從花下兼求
果我向苗前已得根

又

匏曲仍嫌蒿亦斜苔絲采罷又槐芽莫貪野蕝忘家

覓曾擲話瓜種苦瓜

題一竹齋爲毘陵唐若營

賺煞王家癡子敬眼光如雪又迷真元來只是刻溪
興撥棹何須見主人

又

長留此意掃天壇一點飛塵不敢安莫把龍公當實
法鵝溪千尺一枝寒

輓橋李徐初鄰

初鄰懷才不偶時有胸中塊壘未易酒澆予
欲與之言而蹤跡稍疎事故有待忽聞化去

徧行堂續集

卷十六

五

爲之愴然檠菴攜詩索挽情文相生循覽凄
斷漫題三絕句以應出家人一味頑賴生者
歿者不妨各疑三十年也

百歲更無如意事此生元似不曾生一腔熱血全傾
出萬里雲霄獨鶴輕

又

與君一飯精嚴寺別後誰知不再逢君自少年吾自
老人間有耳只堪聾

又

帶索行歌萬慮休八千寒暑電光收井蛙不作生天

想眼底冰消十二樓

題端如上人六十壽冊

一日全消四百年閻浮天子電光邊若知水火風無
性何必三禪換四禪

又

風雨聲中聽次寥大椿無口說逍遙卽今鴨腳蹠跚
外不記乘除十六朝寺有銀杏自生公至今人稱晉樹

穎堅盆荷開花全身是白外則深淺二紅爲邊

內則水綠爲邊微帶嫩黃色異而題此

七金山下七重海五色蓮華爛熳開分取一枝須自

徧行堂續集

卷十六

三

信飛行直上妙高臺妙高山下七重山七重海環之海中皆五色蓮華此仙靈所住也

又

到得妙高防錯路眼前失卻率陀天一聲彈指門開
處青徹中邊火宅蓮四天王居妙高山半帝釋天在頂其上四天空居惟率陀則慈氏如來主之爲諸菩薩說大乘法須達長者願生其中蓋欲界法不淨皆錯路也雖然有生率陀而錯路者能入內院親聞此法始可發火宅青蓮之瑞乎

送別三韓戴千巒使君

一時談笑風生座幾處思量月上樓壁立千尋難舉
似雲領雪捲洞庭秋

謝徐用王

大地一時俱火發未知諫草倩誰留可憐把酒投衙後若箇男兒得自由

又

大千壞處不隨焚不是空羣也亂羣覲面可堪心悄悄攀條切忌口云云

又

芳草年年青出處幾回錯過歲寒心祇知砥柱能中立誰識神州解陸沈

又

偏行堂續集

卷十六

三

莫怨王孫久未歸關河重疊淚沾衣卽今萬古隨陽雁春去秋來一樣飛

寄懷炯如上人

十年前有同人約老去都無住世心他日扁舟相訪處不知聞見較誰深

又

歷劫因從一念裁每從輕合到輕開種成千尺孤桐樹不信鶴雛待不來

素居有詩見招具道炯公聞聲相思之雅蹉跎十年至今未面頤在吳門題此寄之

題石兄壽冊

自隱巢由不買山一瓢蓋住白雲關卽今馬首紅塵外養得松高鶴愈閒

又

不求聞達豈成名振手何煩說上京莫道斗間無紫氣少微光映老人星

題萊陽姜勉中思嗜軒畫棗冊

開篋每增紈扇感誦詩長發蓼莪吟憐將直棗成橫棘禾黍秋風淚滿襟

又

偏行堂續集

卷十六

三

許國忘家歸路絕卽心是地本無殊鄉風依舊堂前樹手澤如新架上書

題袁重其真古木慈烏

疎枝月落曉蒼蒼香稻銜來薄帶霜母哺小時兒哺老不知若箇哺時長

又

能養名爲孝已非兼慈德與二人齊若言反哺非常理只恐烏聞徹夜啼

反者非常之詞是以父母爲不當老也更名以慈子兼母德倘思其義已見人之不如烏矣嗟乎忠

孝人之本然借君親以市名者何限此烏卻未必
有此狡獪可敬也重其寓意於寫照特爲發之

訓別朱望子

望子以重賸詩當而怪供別詩當後怪石供別有答序

有用餅輪無用石極頑石遜極靈詩東坡不是空相
賺要見將珠換餅時

又

不能換餅詩難賣詩日新來窮日新一對煉成窮一
片不消立主更分賓

又

不說野人無答供支離絕樣豆皮宗曲終莫問人何

偏行堂續集

卷十六

詩

三

處江上青青剩一峯

送吳瑤如太守北上

獄市不驚曹相國門屏盡撤阮東平于今此意無人
識只覺杯中別有情

又

做僧不似做官難此去清霜拂馬鞍莫道同行不同
路紅塵一樣碧峯寒

袁重其索爲鈕南六贈

云南六欲刻
十吳門詩

等一黃金看用處人間雅俗有何常官將驅使隨文
苑天半銖衣齒齒香

董平子過訪重話臨清舊事

夢中更說舊并州未謝閒名已白頭
海喜君不壞一浮漚

贈寄浮老宿

祇爲十方勤打供迴身自顧總無心當年妻至同因
地千佛同扶願未深

又

三界無安偏執總篋中難貯海中漚百年一夢如親
證我亦同名是寄浮

詞部

偏行堂續集

卷十六

詩

三

減字木蘭花

題張擎菴真

一雙不借深山大澤曾遊戲三寸毛錐舞龍吟好
唱隨濟川老手唾壺打缺嘶風口修竹長松金石
淵淵透碧空

又

元宵風雨

今朝元夕破寺孤燈無熱客風雨蕭蕭更有勞人過
板橋天涯何處領取竹爐紅裏句烟火低迷春草
禁寒出不齊

又

東風沒興恰到元宵增冷病一座燈屏全仗家家鑼

鼓聲聲塵以小有茶有果只欠珍珠三百顆作珍珠圓謂無力營齋大口蟾蜍不月來

又

春帆似箭誰向平沙尋落雁天下吾廬一把黃茅何地無智珠寶藏未見團樂空作相留滯湖邊老得今年勝去年

思佳客題孟蘭盤冊

業力纔牽法性隨如來有手不能垂便將一盃和羅飯打碎千重大鐵圍拋線索任鉤錐一朝七世共真歸本來各有耶孃面不看耶孃欲看誰

偏行堂續集 卷十六

又寄別

松走微風石走泉有聲無意向誰傳不因曉夢邀蝴蝶爭得春愁委杜鵑來去影合離緣關山重疊路依然他時睡足能相憶更問江南估客船

又解嘲

烟暝螺巖倚直松風輕梅嶺挾孤筇病深枉覓三年艾夢熟空傳五夜鐘看畫虎說攀龍鳴雞吠犬白雲中餘生幸免拖腸鼠一笑難辭焦尾桐

又阿字兄爲助印集之資

張說憑誰鑄四鑪左思錯欲賦三都儘教礮礮辜山

水刺得蹣跚辱道途虛更有實還無鵠原急處便相呼一時舞欲低鸛鵒此後歌休怨鷓鴣

又用韻謝王寅旭壽詞

日暮途窮喚奈何草深誰墊兔兒窩冥鴻易失新蹤少凍鶴難禁舊話多乾北海脫東坡聞君示作病維摩不堪此日歌天保會憶高吟剩蓼莪側方子春先生題有淑氣培雙桂高吟剩蓼莪之句先給事忌恰在小除

又王良夫長者心言

冷眼相看火裏冰熱腸還慙唾中蠅非是是還三代止止行行運獨輪白月湧碧天澄老僧自小厭

偏行堂續集 卷十六

模稜蝸牛戴屋頻頻縮乞活枯枝也不能

虞美人祖秀庭饒白米一盤供薄粥之用令孫殿臣繼饒一盤米方勝貴遂成異數黃梁升合明珠斗抵死休開口西江看不見枯魚人沒黃梁我也沒明珠一盤白粲精於玉緊火熬晨粥生憎病鶴把人欺且得翁孫同調賦緇衣

又贈翁鑒公

兩峯忽向眉間簇世講來空谷卻憐天竺古先生作夢茫茫說夢又惺惺閒雲搖曳渾無住隔斷溪前樹南邊燕子北邊鴻俯視池邊站箇信天翁鑒公屬行寄用公可爲法緣資助

玉樓春 示世誠

貧士且捱貧歲月纔有妄爲成妄業錯將鳥喙濟饑腸尺寸饑腸分寸截 贏得春光迴臘雪掃盡迷雲見秋月但求自已莫求人折卻繡針還鐵壁

踏莎行

四時景應若千兄之命

鳥語輕柔花光零亂何人識得東皇面年年處處不相逢枝枝葉葉俱相見 蝶夢尋歡鶉啼索怨未能歸去誰能戀儘教捐與比飛鴻爭如問取南飛燕

又 夏景

梅彈揉圓荷筒擎細竹林開處松門閉風行水上合

偏衍堂續集

卷十六

七

文心月來雨後分秋氣 熱客休前孤舟不繫蓮花博士高陽意晚烟莫討黑甜鄉午雲便入清涼地

又 秋景

河漢微雲梧桐疎雨寂寥四座難重舉卽今百代有清風從來此地無殘暑 把菊高人乘鸞素女秋聲獵獵催機杼夢回露草瘦蛩吟思牽霜柳昏鴉語

又 冬景

不用聽冰惟堪煮雪風塵裂面休輕出經霜楓鬪蜀茶紅眠雲鶴啄江梅白 千里還同一枝更別寒香送老黃昏月那能明歲獨添年每憐今歲雙除日

又 長卿之孫聰慧可人寄贈

辨鹿藏欺登龍送巧五乘載出甘家寶無之不足俱齊有朋未正巢難擣 鬼谷棋高武夷鶴老一廚俎豆千秋稟會從牧馬小童來卻於彈指聲中了

臨江仙

壽彭王翰總戎

上下四方六隻箭用長須得強弓齊驅九馬各凌空雙燈懸智月十道展仁風 海遠七金蓮五色萬花一派春濃尊開二玉汪西東三千賓主異八百祖孫同

又 寄侯公言總戎

偏衍堂續集

卷十六

八

卻憶梅關相別處病餘似隔三生高涼重借舊威名分茅持蠹鼠矯矢落攬槍 韶石風光先蹉過瀝湖烟景誰爭花飛揚子片帆輕還將他日夢追敘昔年情

又 題吳荃菴真

積玉垂珠纔露影君苗筆硯俱焚詞場飲至策奇勲一絲紫日月百變走風雲 深柳堂中書萬卷茗香花氣氤氳九臯清唳碧霄聞野鴉才思短繞樹莫紛紛

又 題孫東暉真

何處飛來一片石爲誰嶽起胸中烟閣翠湧玉玲瓏
火風翻五色雲海割三峯 六欲華冠鮮木菱小市
擎出珠宮錦衣染透異香濃紫霞猶獻北白日更臨
東

又題湛公眞

元是宗中飛兔子莫疑坂上鹽車屠龍不怕握明珠
有人分地界何處問天樞 氣作風雲舒復卷誰知
所收非豬百城長擁石倉書覆蕉悲夢鹿透網識神
魚

湛弟少年文筆甚高予曩目爲宗中飛兔今且跼

補行堂續集

卷十六

无

伏林間來書更理前話然神駒不必定在天閑錦
韉金勒平沙芳草初無二致丈夫擁書萬卷何似
南面百城漫寄長短句以當轉語

蝶戀花

魯瞻索爲平仲新婚

簫鼓催粧聞絕唱五百年前曾見嬌模樣暖玉凝香
垂寶帳人間今夜如天上 曾把仙郎閒處放舊夢
新歡一寸絲微颺晴雪和雲將雨釀春波湧作梅花
浪 此續絃也

行香子

光半還帆城

一望丹霞奇鬼枯槎漫懷人秋水蕭蕭不流菜葉誰

泛胡麻把法身喫連翠竹帶黃花 天無短嶼地無
長袖甚山中有片袈裟何來石上閒弄琵琶可還傾
耳聽曉角又昏笳

驀山溪

送旌菴湛都寺還山峯

杜門無事吾欲安吾老老似逼公來特立見疾風勁
草海雲枕上佳夢不曾終嘔盡血賣完心日落天方
曉 卻應笑我縮得春蠶小繭裏自搖頭懞懞較惺
惺多少請爲桃梗流入浙江潮荷十里桂三秋畢竟
西湖好

滿江紅

睡起

補行堂續集

卷十六

手一

空谷誰來道嶺表衣裳俱復正值我匡牀睡醒茶香
飯熟折腳鐺兒雖上下開心梳子無翻覆補饑瘡笑
倚綠天菴連人綠 徐捧著便便腹旋拭著瞋眈日
更虛亭坐對紫臺寒玉漫說車書通六詔閒思杖履
過三竺莫相猜鈍鳥慣棲盧吾尊足

又感舊

萬竅呼號青林外忽忘昏曉遮莫是旋風千市一塵
難攪身在赤烏年裏度心從白澤圖邊了怪無言童
子話何長三聲好 夙已足休添老病已足休添惱
看空花空果空中空計不見角端元是獸安知杜宇

終非鳥卻相逢伏日問清明爭多少

又 早禾無收

白馬青袍偏打算窮鄉下邑時正是秧針透綠波
浮碧呼犢田間空老牯插禾耒上惟頑石待迴旗
火已炎炎嗟何及種得許抽芒急收得許吹稭密
聽莊頭報道四分之一舊穀已將填舊債新租更苦
無新入歎過堂板外事還多眉毛結

又 無油

膏澤停流守兩字焦乾而已紅米飯綠菜紫莧勾消
白水黠鼠且休圖啞尾老僧更不思肥腴只長明刺

偏行堂續集

卷十六

圭

有佛前燈今無矣窮鬼笑空囊底詩魔哭枯腸裏
儘廝煎廝炒還他雙耳塗血可能持此物壓脂爭敢
求諸已漫經行黑路一拋筇扶難起

又 無豆

天上酥陀有一月四餐豆腐算今日荷包開口篋圍
收肚菜菔投湯虛解毒蟻蟻出水乾浴磨對酸漿鹽
澆也稱慚多擔悞薤菜老充窮措秋茄小承光顧
便雪花向火飛霜莫賸已自一文渾不值賺他百事
都堪做問冬瓜又被賊兒偷尋誰訴

又 無笋

病入衰年空山裏倩誰操藥真箇是說時有口行時

無腳餘子爭言歿去好此公剝得生來惡勸窮人莫
算算仍窮餐松法澁不了尋些滑健不得添些弱
又歇時易問起時難答客到三秋多下利人於隔日
頻逃瘧說先生自救也徒勞休擔閣

又 無筆墨

旅雁高飛因甚在天邊畫字向我道長蘆卓筆平沙
鋪紙每愛晴江堪滌硯安知無墨能磨子世間窮我
與汝爲三渾如此心路絕生而歟腕力弱行而止
縮春蛇秋蚓茅龍誰致千里同風誰舉似百年如石

偏行堂續集

卷十六

圭

誰驅使也元非怪事莫書空亡吾指

又 中秋無餅

一箇圈樂窮老子輪身供眾霄漢上五雲捧出五風
徐送是狗非天都睥睨玉盤金餅全空洞便補陀大
士負錢來成何用乾盤底波流汞熱鏹裏灰埋甕
笑舌頭已展指尖未動銀作蟾蜍難貿易麥飛蝴蝶
誰調弄更倉無糯穀且休心端陽糴

又 寒夏無衣

欲賦無衣怪零落眼前何物都只見袖牽肘露膝連
踵決無帽且無巢貫頂有視便有蘆穿膝自片衣罷

乞豆皮宗難收拾 蒲團靜挨尻裂扁拐動摩肩缺
儘草鞋似虎皮焦毛脫卻想冰蠶九夏冷不知火鼠
三冬熱也一身白汗出坡回巾須拭

又晚禾無半

載穀船回結局了數聲長歎誰承望薄田三頃地荒
一半棄去投軍元作賊刺來非佃還思亂問汝催可
得似官催聲聲怨 差使到雞豚斷兵馬過妻孥散
把生愁成樂添修空觀縣尹已開明歲卯庫司未打
今年算怕長溝大壑有人填無人看

又納糧無辦

循行堂續集

卷十六

蓬

不是家兄爭比例鵠原相救只落得熱腸冷眼多般
僥倖命與財連天不管骨穿衣表人方瘦見空梁空
挂一灰囊空生受 四事關顏長厚三征欠眉長皺
卻正供未了加徵還又便有一錢看自笑此無二兩
聞誰詬喜門前碧水遠青山元如舊

又戴千辭使君招同青印相嚴
二老宿茶集周紫林二丘堂

勝日招攜緩步領涼颼朝旭平隄外支流散碧新田
抽綠長老風俱餐玉版使君跡自來金粟倩素箋傳
與二丘堂茶初熟 石已點仍留樸笛未弄仍聞曲
到達人高下何關陵谷見我橋邊飛白鷺有誰雪後

尋黃獨且休論香勢幾時消悠然足

滿庭芳

陳雲木七旬壽冊

老鶴三山小春十月仙人騎下瑤京東皇新令桃李
薦寒英袒割麒麟作脯瓊田屑露挹金莖且休道江
天寂寞還有少微星 青龜垂世業秀分書帶雄築
詩城料太丘令望未數公卿爛熳五雲深處聽高岡
威鳳傳聲又道是吳分佳氣列宿達長庚

百字令

次韻贈墨公即沈仲方

冰霜特地拓乾坤直抵寒荒邊國暖伏寸丹荒未盡
歎出寒香疑雪蟬潔長饑鶴癯善病古劍挑新蕨劍

循行堂續集

卷一六

壽

花如水奔濤迭射孤月 流光又作毛錐悲來吊往
照見生俱滅揭得東風真面目蛇紫嫣紅爭發方王
疑中圓珠走外一對虹垂白韶陽耳熟九成不斷雙
闕

又次韻訓陸亦熊壽詞

鐘聲纔喚便夢回演若狂心頓歇蓬矢桑弧齊拘斷
誰向虛空喋血欲出深經還尋素友老去無時節蕭
條舊館永懷屋梁明月 昨夜人定春來孤燈二妙
同來煖映眉間雪歲歲小除除且盡多愧高歌清絕
擬唱三生未成四辯莫損紅蓮舌相期攜手剎那坐

消長劫

又 次韻謝宋廷元

世間兒戲共觀場底有衝冠怒髮天柱與頭俱折後
又道地維難缺四足粗安一刀忽斷歷盡連螯血女
媧爐火賺人眼迷雙闕 偶然醉裏惺惺夢中了了
說甚金僊訣依舊行藏顛倒處驅遣七賢三傑勲業
文章誰能勘破繪素都休設與君嶺上白雲持贈爲
悅

又 壽陸明府詒山

小春應候有寒桃微笑一枝半吐家慶成圖圖不盡

徧行堂續集

卷十六

七

歡徹鸞歌鳳舞刻燭裁詩引盃看劍悶纂英雄諸鬢
華如許書城自闢東府 閒將如意傳心唾壺擊處
見風雲旁午尚未解開囊口智兜底埋龍沈虎日月
長新江山仍舊驀地分今古翠巾輕溫遠峯遙映眉
嫵

水龍吟 壽尚總戎

朝生王子空羣南溟水擊三千里垂雲布翼搏霄直
上去天無幾白澤懸圖青山倚劍黃輿聚米更投壺
雅詠圍棋乞墅右儒將今誰比 見說狼星未落好
男兒桑弧蓬矢金輪左捧銀河右挽甲兵全洗綠野

堂中平泉莊上笙歌間起看功成身退松風藻月神
龍藏尾

又 壽辛韶州謙菴

眼前閱過賢豪才兼膽識如公少五官竝用八方齊
應一塵不擾似劍吹毛似珠現影似風行草似林焚
澤竭神龍起處雲雷走河山倒 薄海甘霖都徧莫
能窺半鱗全爪虛空無動蒼蒼下視茫茫洲島忽似
金雞一聲叫出扶桑樹杪在忙中收得些子閒情後
天而老

又 一宿武塘承魏友讓顧輝六
諸公見訪未及報謁仰寄

徧行堂續集

卷十六

七

西風一葉將離漫言桑下無三宿孤雲斷影冰輕野
渡霜寒晨旭舊面重開新知初集來情未續憶廬山
高處飛流直下吹不散龍鱗玉 應事縈懷如許對
陳人蛩然空谷夢華雜感名流雅詠故家喬木往未
登堂歸惟倚杖老梅修竹但粉牋寄與春波微漲月
勾心曲

又 同橫秋宿周青士猶子濤岳齋有贈

擬尋一宿誰家草堂風雨扁舟外步兵語我阿咸佳
士超然流輩兩晉清言三唐雅詠錦囊兼載有蕭疎
四壁名章俊句倚人寶聞天籟 慘澹羣峯掩黛便

垂垂同雲如蓋移花就茗呵冰散墨凍毫無賴萬馬
銷聲千林失色歲寒人在倩君才寫取寒衞吟肩滿
橋遺派

又壽陸廣文岫丹

先生投幘而歸杜門卻掃無餘事涼雲度嶺冷雲和
月小亭客至一局雄談三盃軟飽頓生秋思歎醉醒
勝負難齊物論磋磨盡人間世爲問公移強直渾
不記當途姓字青蠅可點黃金休買忝師多士還我
詩書還人富貴各行其是也蕭蕭灑灑百年消受幾
聲安置上官有無故而吟諸生者
公移文力爭遂拂衣歸

徧行堂續集

卷十六

三

又用張氏事爲中翰編亭壽

因君重舉生緣千秋孝友傳家業經文緯武秉鈞五
世垂紹七葉楊柳風清赤丸宵靜彤廷晝接歎曲江
先見一鵬兩免霓裳奏漁陽劫解憶亡書三篋掌
中天星羅眉睫九重西顧嵩呼雷動坤維脅貼春草
鳴蛙秋林隕籜馬駒蹀躞笑孟空董酒生新落舊移
周分蝶

永遇樂 次韻謝陸曠菴

妙有遺音一彈三歎朱絃疏越頓絕塵韉凌虛十影
山海資超忽烏衣巷裏蹁躞燕子慣傷畫梁花月更

秋空驚鴻嘹唳獵獵霜風晨發天峯寄和往思來
恨老去吟情衰歇陝右前身西湖清夢巨榜何時揭
扁舟落手烟波澹蕩照映冰心玉骨酬新喜九迴結
悵輕於拾後

一萼紅 過叔寅八十初度

算春秋八千年百一祇到半枝籌雲上龍騰風前虎
嘯材高五鳳層樓卻又似充間新喜伯陽翁兒戲雪
盈頭骨重金芝髓堅玉液胎結瀛洲爲問閉關日
至甚壁開冰屋散作珠流釣渭波澄得璜符合太公
芳餌纔收還屈指河清難俟把連環妙解一鉞休挂

徧行堂續集

卷一六

三

起青鞋東壁不用馳求

叔寅有過氏解環
折衷朱陸異同

又次錢武子見贈元韻

玉珊瑚聽清歌何處拂座氣如蘭遠客來新老人話
舊模糊水剝山殘枕穴裏乾坤路窄橫撞破夢已出
邯鄲千葉青蓮九枝秀草一縷梅檀美爾癯鮮似
鶴有毳和雲暖骨耐霜寒棹撥桐溪鐘傳蕭寺合離
如許波瀾疑煞我無情有恨難整頓文酒少年歡報
道劉郎醉也溺卻儒冠

疎影 戚畹園見招小集用瀟岳韻

午風送雨怪微塵已破孤雲猶挂石潤疑浮花輕善

笑半冷疎枝斜亞閒提昨夢說開元待幾箇幽人來
者看晚烟合處還分星月窺簾欲下便爲元霄置
閨情春燈照映好天良夜內外同方主賓共許此後
更誰騷雅短兵未接長城峻吾老矣不能豪也少年
時賤賣韶光買轉而今無價

沁園春 壽張夢回

潑黛晴山泛花流水集鷺平田但隨時消受暖雲涼
月誰能踟躕厚地高天風磴攜枰雨窗披卷更聽提
壺荷鏹還閒斟酌看鷓鴣林下蝴蝶枝間英雄退
步神仙任蝸角縱橫觸與蠻到黃梁出夢雞啼草舍

偏行堂續集 卷十六

完

青龍罷舞鹿遶柴關坐卽觀空行還破有陸地偏開
十丈蓮無生話向龐公領取兒女團樂

又 壽汪母金孺人

人月春新東皇貽穀乾下坤升見五雲結蓋金童絳
節九鸞奉座玉女瑤笙一動凌空再流到海霹靂聲
邊星宿傾終相索更時行時止其道光明側聞三
鳳齊鳴擁萬卷休誇俯百城況操堅松栢姜家孝友
文成龍虎孔氏才名南岳夫人崑丘老母姊弟忘年
戲太清還能信有摩耶世世兜率生

又 贈金孝子制股

親是親身子非子肉名爲誰名看最初一念不流第
二刀前見性刀下忘情路上還家處中兌活互奪機
關有互成休驚異把人間難事做得平平會將事
竟提衡也各自前程各自行使藥能長效人宜常住
眞非無灰幻卽無生三世排空十方過影漆桶空煩
二鬼爭陶菴內且詩壇遣將酒陣塵兵

又 題趙二火笠澤看雲圖

問我看雲問雲看我欲答無辭向晴巒倚迷離淺
夢澄湖徐曳涵泳深思舒爲誰來卷從何往纔入松
門意便遲空中跡甚了無根蒂布葉垂枝也能濃

偏行堂續集 卷十六

完

澹隨時怪熱頓爭雄冷漸雌想幽人已臥千林暗鎖
老僧未起一雨潛滋仰視非天俯窺是海獨宿孤峯
許共知休相問只純情純想瘦點肥癡

大聖樂 寄賀竹君

自成一家別行一路誰解翻騰喜節樓初建風生八
桂和門重闢燈現雙旌二曜飛九七星擲劍半壁乾
坤一手擎先聲到便桑麻無損雞犬休驚古今格
外相呈卻正局旁敲未易尋看相思江裏波濤忽湧
點蒼山上培塿皆平借汝觥籌消吾塊壘快點胸中
千萬兵還揮淚憶晴天冰雹帝子英靈

蓮陂塘

次韻融谷見懷寄荅

問寒蛩微吟斷續何人與汝言別北枝未暖南枝冷
一味冰霜愁絕聲啞咽危石驚泉雲縷風絲夢夢
藤纍葛將錦水魂縈金臺夢繞忘卻共明月 纏綿
處哀響難穿破壁殘缸乍起隨滅桂花雲落桃花懶
且鬪徂秋紅葉垂垂雪又淺岸孤篷莫盪雙楫輕
歌無節是黑塞青林往來絮語先向夜深說

金明池

和沈克齋白菊菊見意卻贈

翠葆朱闌幕天席地未數槐陰晝靜仙橘裏虬根嘆
水灑甘露顆顆朗潤似灑珠百琲難穿纔撒手兒戲

徧行堂續集

卷十六

望

麻姑行徑看盤琢玻璃香盛龍腦皺出蟾宮微暈

還向赤瑛空處問怪昨夏合桃忽蒙霜信銀河燦冰
絲千尺金輪碾玉華萬乘更碧虛寶蓋垂垂見一點
勻圓幢光交映便覲面相呈南方無垢只抵秋風歸

興

10690

古處齋詩集十三卷(一)

〔清〕陳祖法撰

清康熙刻本

上海圖書館藏

以上原缺

無源者如是也古大家詩文如司馬子長杜子美可謂至矣論者以爲二子者歷險阻經波浪得乎山川土物之所助者多是說也吾疑之吳商越賈千里萬里週年或三四至因其所歷者廣遂欲以考其胸中之得失辟如盲目者目引之珠玉錦繡之區莫能辨其爲寶也吾友陳子終賈輒搦管作詩古文詞雖未得古大家十之二三而磅礴高古縱橫新爽皆非古人陳迹駸駸乎喪之矣嗣後凡兩漢唐宋諸大家之所傳以久者親自丹黃誦讀聲徹戶

以下原缺

以上原缺

彼方哆然談文章論得失義不可辭曰未嘗學也又不可下問則悍然爲之於是始作詩古文辭則又不知古人爲學之法卽有告之曰是當多讀書浸養氣如柳子厚所謂取道之原旁推交通以爲之者彼將曰是老死具也爲力省見效速吾故用吾法爾試以爲古文則儼然周秦兩漢六朝唐宋矣以爲詩則儼然漢魏晉宋齊梁全唐矣凡此皆可以套得之則又就其中擇其名之最盛而易飾者套焉文則必周秦漢也詩則必漢魏盛唐也立說旣高附和

尤捷流至今日其焰益張雖高人名士禪客女子無不翕然論體格擬聲調作煙火臺閣塵土酒肉語云是正宗遂牢不可破此無他天下庸夫多而有志於學者寡惟此可不讀書而能也若曹固不足道弘正嘉隆之間名公迭起得斯道之正者凡數大家幾入韓歐之室矣然以語神明變化有難言者則猶本領之未忘舉業之累於斯乃見耳吾師陳湘殷性清真古淡與世接無畦町兄柳津弟有上紫綺各負才致聚居秋廨真率如一人每置酒輒見召亦

序五

時狂傲廬呼酒命醉出手指爭勝負爲驢笑或竟醉臥齋榻不返者累日當酒酣解衣脫幘狂論迅發座客皆愕眙相顧師獨不怪也曰是真可與語因出古處齋集稿一卷曰試爲我訂定之退而卒業則天然爛熳不假粉飾而鑠肝琢腎官官離離無所不有然又不可摘謂某首似某某句調似某也乃大驚曰是豈舉業家所得者師笑曰吾爲舉業亦未嘗解套人一字此真不拂其性生趣爛然者矣因自信病坐舉業舉業無罪之說於是乎益堅然師且不

以爲足誦讀徹昏曉響達行路雖疑寒暑不問也所手鈔古今書等身者三四不知其志願何居昔嘗問黃太冲浙以西人稱多慧而學者每出南岸何也太冲曰浙西之材未十歲許便能操觚文與年進至三十許而止自是以後則與年俱退亦如進時日就銷落吾地人差樸然三十後正讀書始爾時竊震其言今師挺不世之才無俗學本領之累著作益上而且益厚其養如此所云根茂者實遂膏沃者光曄將爲玉樹琪枝丹葩瑤草非人間恒有又安

序六

可必常理淵識蓋也輪薄柳之質向未嘗有所通取余

集兒呂光輪用晦題

世無不朽之物而不朽者惟精神夫精神之靈削天地間者則惟詩與文古今著作家其弗克垂者不具論豈無焉

擊沉毅力追先民以圖永久者其詩古文又不足以副之終亦湮沒不傳而已甚矣不朽之難也吾友湘殷陳子少讀父書獲於庭訓然晝意嗜古於典籍罔弗窺攷矻靡倦蓋其天性然也予與同里幼不及同學長不及同遊步士申其伯兄柳津與予同遊頻官時陳子甫十歲卽未謀面已嘖嘖耳其名矣登賢書予自以升沉異路欲交弗前迨今丁戊間司鐸語溪予亦往來一棹始獲讀其所著遂江集淵博宏深和平典雅罔弗字珪璧句琳瑯也夫詩古文著作家人或各擅一長陳子顧並臻其妙直可前無古人後無作者予學詩每恨不工年來喜得陳子頗見許時流沐陳子之教多矣陳子篤友于伯仲濟濟競以詩文相雄長雖辯論蠡起而和藹之氣溢於庭除真不愧榮荆棘夢之風生平無泛交交則必其文與行符者談聲氣之通雖千里猶同室初終無異觀也嗟乎此非精神之爲而誰之爲故善讀斯集者想見其人垂之千百禩有不足起頽風而挽敝俗者哉然則陳子不朽之業于是乎在若夫陳子

建樹年方強仕正未有文也予何贊

同邑管諸祭襄指題

予讀江草竟而不禁愴然以悲也予仲兄梅如最早知陳子每一莖必擊節稱賞質之先師宸簡先生先生曰是當以詩古文名其家寧僅樹幟菴林已哉嗣是兩家兄弟幾不欲分兩姓歲壬午秋各報罷悲憤抑鬱予師與予兄相繼沒陳子蓋將碎栗不復彈矣旣而曰吾業未成詎忍負我知己因肆力詩古文間而此集閱今遂成乃渠兩人先知之于二十年前是當手一卷向墓前讀罷焚之如洋洋戔戔高山流水之音至今日方當起九原而聽之二十年如一日也

同邑茅其蘅荆來題

余少喜少君方術之書每想躡迹恒山追踪熊耳浩然與偉人爲伍夫是以閉戶不友天下士我湘殷投尺素勤勤惓惓勉余美青雲而棄丹鼎往復留覽乃歎曰此其人遇我以誠告我以過卽末俗中神人也遂輒定交而迄夫今

日二十餘年以來大抵愁苦之日什九歡愉之日什一此
離之日什九平康之日什一道途祖別之日什九把酒細
論之日什一故雖杖履青嶂翱翔銀川雲物如故而兩人
紀遊之跡特奇文章贈答之篇遂於是乎盛焉余夙性偏
禪而古文必欲如龍門司馬爲詩必欲如十九首遇左國
兩漢唐宋大家之文未嘗不心誦較之好史記則萬不及
一焉遇昭明選詩唐宋明諸大家亦未嘗不心誦較之十
九首則萬不及一焉往往目高手澁寡所撰著由此余之

序九

詩文日衰湘殷電矚雲披覽給衆有跬步而闕都京之賦
千里不忘風雅之編由此湘殷之詩文日晟若夫曳尾泥
中余也猶昔乃湘殷回翔奮興奕奕皇路內無酒漿瓊碎
牽於其中而復得涉京師之浩區覽宮闕之巍煥挹公卿
大夫之微言由此詩文之衰者日彌衰詩文之晟者日彌
晟展衰之故明而湘殷之著作可論矣獨憶湘殷琅璫偕
余連床思遠樓夜半澄江皓魄藤蘿松檜蕭颯縱橫三人
譚譙每至漏盡十餘日率爲常十年以前湘殷多悵愴十

年以前琅璫多蘊藉十年以前余亦多慷慨十年以後悵
愴者變而好默十年以後蘊藉者變而好睡十年以後慷
慨者變而好鈍改柯易葉非關升沉而三人如出一轍固
奇晚交紫綺其人或悵愴或默或蘊藉或睡或慷慨或鈍
性各不同又與吾三人如出一轍更奇吾聞蘭蕙合臭以
况同心輪菌無材卒廢繩墨吾鄙果何爲者耶吾鄙幸有
湘殷之文可以沐浴天下士使之彬彬質有其文湘殷之
詩可以薦之清廟爲郊祀樂章而仍不失楚人遊女倡狂

序十

之致蓋其靈思奇崛出自天授體格崇宏開於近功落其
實而取其材四方之人率同余嗜無俟子雲書成歷桓譚
而後知其美也試思詩文何昉也夫太行之山自北而南
山有山之轉折華陰之注自東而北水有水之轉折唯其
百轉折是以爲山水之大觀也湘殷詩文十年之轉折如
山一篇之轉折如水蓋其由崎嶇而褒斜而平曠因其所
值之地現爲峰嶠此十年之轉折也山也由奔駛而隱而
伏此一篇之轉折也水也今屬余較訂編輯其先後次第

類分體格隨年力所至相續而成文亦猶是云爾余也近喜素問難經之術以爲聖人之道在欲挾此遊近挹雲門季苑之秀遠行衡山湘水之間湘殷其能與我遊乎當此之時試取一篇振聲讀之又當何如也耶

同邑鄒上驤子靜題

予與陳子誼中表而鄉城居距四十里余季弟季青同研壘時時爲予言陳子於周秦漢魏五代唐宋暨明大家文無不繕錄精緻每晨起輒朗朗誦述數百遍陳子曰必使

序十一

古人之精神與余兩兩融洽而後矢口振筆相肖也已而相忘陳子於古逸漢魏六朝唐宋暨明大家詩無不繕錄精緻隨意吟詠不相記憶陳子曰必不使古人之成句熟於胸中而後自出新裁不則幾不知已之爲有與古人之爲有也以故陳子古文詞無不浸淫古大家而詩則自出機杼不名一家予季弟喜之甚微予亦喜之甚癸巳春季弟不幸下世予悲泣不欲生因不忍讀陳子之詩古文者垂數年昔冬聯轡上公車逆旅中陳子謂予曰比年以來

自知力稍進而悔前之孟浪付割剝也不得已附鐫其後成全書曷寓目焉見夫恣益古筆益峭思益沉着語益清俊使予季弟而在喜不知更何如者昔古人孤舟讀離騷讀罷輒哭哭復讀予於陳子詩古文亦然蓋不僅追哭一詩如聽窻前蕭蕭白楊風也

年表兄張之拭則宣題

予舞勺時先君子月夜攜予渡蕙江橋上令之曰龍山嵯峨而峻峙蕙水湍激而怒流終古猶是也顧能使山靈增

序十二

價清流不滓者山頂有巨石焉名祭忠臺是固答賢隻鷄杯醴奠劉忠愍者也其下棟宇禪聯望之栗栗而兢兢則嚴子陵之高風可挹謝子喬之相業巍然王文成倡南宗之絕學孫忠烈濺西江之碧血也亘城東偏臨江而肖像者毛忠襄公祠在焉西又有白安黃公祠與之輝映繇是姚邑名勝遂甲天下士人寄此七尺天壤間不能於忠孝節義有所建明縱巧靈筆墨厠文壇末座亦雕蟲小技究與腐草同盡耳予自揣才質駑下碌碌無足爲世重經景

行行止雖不能至然心向往之因執贄施四明先生之門
追先生身殉鼎湖姚邑風雅盡矣誰與考德而問業耶爰
是杜門却掃息意枯槁僅從慷慨悲歌想見古人風烈二
三知己羣相嘲詡聖賢不疑滯於物何事經綆繫爲也
回顧鴈行中唯季弟湘殷與予同心堅矢無替先君子之
所期以爲今日所得爲無過作老蠹魚攢破故紙庶幾良
知一派不致湮沒夙昔所欲溯洄前哲者藉此百尺樓當
西臺片席耳從來風人之旨喑鳴涕洟頰皆有所寄託用
是學爲詩歌巖遯穴隱之流往往勒一編以遺後用是學
爲古文辭此蘧江草之所自始也使得永遂其願專力學
問一途其所造詣庸知涯量無奈事與心違猶忌朋起予
幾蹈顯禍田園蕪沒殆盡而弟始思竊微半祿供先慈菽
水之需然則縱使吾弟詩歌古文辭登堂入室猶屬雕蟲
小技而況士之篤學慕古者彬彬蔚興容必與之頡頏角
勝耶特其集中恒多淒涼激楚固可知膏脂之著於茗葉
寶屑之翳於矐子有所迫而然也

伯兄祖肇柳津題

勝常讀書竊歎二陸之在晉二蘓之在宋四皇甫之在明
不出戶庭而自相師友文章氣誼傳之千百年而頌述者
不置何其盛也然子桓子建非兄弟而以文章顯者乎然
其泣豆無怡怡之樂而有憂生之嗟此其所以可悲也由
此觀之子桓子建其才非劣於二陸諸人也特當營其心
以享高位取厚祿而常忌其才之勝於已是以雖能文章
而未知有天倫之可愛二陸諸公從行旅患難陋巷蔬食
中共相攻苦以逮名家然後知兄弟之樂不常有而相須
以成者之爲不易得也然則居斯世爲兄弟而遭遇乎富
貴困阨之中者乃有幸有不幸焉其亦可感興也已予家
嬰禍難嚴父早背慈母辛勤祿不逮養兄弟八人率皆從
事於訓詁括帖之學期得當焉庶謂足以報吾親然有志
於詩歌古文詞者獨伯兄柳津四兄湘殷耳余不敏心好
之而不能至竊從兩兄之緒論餘言以當草野之建覽而
歲月荏苒功名不立伏雌蓬牖半菽難飽肚懷半銷落於

米鹽酒脯中雖終朝行吟子夜咏歎不足當時賢之一瞬
而何以希古作者之林也丙戌之交四兄司鐸語水余負
簞徒從見其丹鉛校讐詠歌嘯日之不足夜以繼之直
欲以身入古大家之林不至於登堂造與焉不止然霜朝
月夕鳥語蛩吟登高而唱臨流而哦賞奇文而析疑義予
或謂有微功焉而兄輒以爲可赦也命余以脫換勦襲之
不足爲而以解尤自出者之爲可畏嗚呼余固陋頑鈍固
不足以希古作者之林觀兄之脚躡滿志引滿其言縱橫

卷十六

淋漓慨當以慷其所以自命者視二陸諸人爲何如也丙
子予既獲爲四兄僑余北上以迫放廢南還其間風寒水
冷霜白沙飛舟車遲疾旅舍羈栖起居動息疾痛呻吟無
不與其方且江下兩淮攬北固眺金焦歷齊魯經燕
趙禮聘大夫之所交遊宮闕冠裳之所鱗集鳥或高舉魚
則驚波崩雲墜石頽垣荒塹興會所屬輒自成篇雖不敢
一陸之入洛二蘇之入京四孟甫之同時金濟而兄唱
和填片毫和洋洋灑灑成一家言亦差勝於獨行踽踽

形影自弔者矣詩有云豈無他人不如我同父余自南還
以來每三復斯旨未嘗不嗚咽涕洟而無從也夫邀名沽
譽賢者不免怡情養性達人斯殊兄今者方究浮屠氏齊
得喪一死生之旨而予亦以鑪香茗椀一切厭棄人間聲
利之途蕭疎閑遠悠然自得不得復知機械之可憂而唯知
天倫之足樂則其於燃其泣豆之吟何有哉而何富貴困
阨之有異焉也讀古處集者可以知予兄之用意有自工
而并以知余兄弟之天倫爲共摯云爾

卷十六

八弟祖則夢園題

自鴻濛以迄于今其爲文日益以富然體凡數更卽商盤
周鼎渾渾噩噩已有不勝異者而矧乎後之後也文日益
以富論文者亦日益以詳譬則天地晦明之異狀山川之
異圖而月旦其中者又曷能以一雖然不一者一之散也
以至一而觀不一則不一者未始非天地之奇使之幻化
而不可紀然而至一者終莫之沒矣故作者之自一而萬
猶夫論者之由萬而終安于一也予讀陳子湘殷先生古

處齋集有險若太行孟門者有浩若彭蠡震澤者有同鳴
鳳而以廊廟爲朝陽者有同唳鶴而以山林爲商律者凡
夫展頤也軒髯也攢眉也裂眦也鼓掌也頓足也整冠而
危坐也箕踞而偃仰也無不一一于詩文焉發之所謂自
鴻濛以迄今者幾于是集備之矣然由其不一以觀其至
一則洵乎文生于情爲千古定評也蓋先生外嬉怡而內
貞一與人落落不妄友友則肝膽誓金石故其爲文雖若
晦明之異狀山川之異圖而其嚴正之性亦無不拂拂從

卷十七

指甲聲韻中傳之讀是編者必其實音而知道也而又何
不一之與有是足爲詳于論先生之文者已昔太公有言
曰凡兵之道莫過乎一一者能徧往獨來今先生擅雄詞
場麾白旄立赤幟其得是道矣乎至其體制聲律之高阜
出入乎風雅上下乎秦漢唐宋大家以還者諸君論之詳
矣余不以贅而第就先生之人以觀先生之文則所謂不
一而一有如是者而豈其呶呶呶口而從諛云先生曰有
是說試亦誌之

同邑邵貞顯錫閒題

天下無讀書人因無著書人士方窮居里巷無官守言責
之及宜可以尚友千古恣意於探奇索隱而科名誘其前
妻子驅其後謂嘔心時文庶幾可博一第以爲飽身肥家
之計於是所習皆應舉之書所著皆應舉之文而讀書人
遂以絕於野及夫奮身當塗莫不思各効其職然所稱仕
而優者則有矣卜子夏之訓豈不聞焉而交游奪之聲色
移之不趨走乎權勢卽耽悅乎酣歌當官之事猶或有所

卷十八

弛慢又遑恤其他而讀書人遂以絕於朝吾嘗悲焉曠曠
天地豈可無讀書人點綴其間徒使簿書案牘日與聖賢
之書爭勝彼之勢日積而贏此之勢日積而絀百十年後
將僅留簿書案牘括數編其禍幾烈於秦燬不亦大可慮乎
故當求其可以脫身案牘而不遽牽於簿書者不得不以
讀書一事歸諸郡邑之師儒蓋師儒旣無科舉之累亦少
當官之責固悠然讀書地也雖然何以揆貢爲之其人類
皆充祿待年之輩間有起家科目者亦多衰朽而無志於

詩書今幸盡易以甲乙二橋學校之除授煥然一新而宿習未廢絕俗者不多見狗彘括者泥首於月課季考之文拘簿書者悉心於往來期會之細由是居可讀書之地而自願爲不讀書之人往往然矣嗚呼非我湘殷先生吾何敢有他望也乎先生年二十八舉於鄉又五年調選爲石門教諭年方壯氣方銳也使出其才力以奔走於僻公貴人中朝騰仕非難致者顧以一廣文淹其遠到俯仰十年一時同舉諸君已有陪九列躋牧伯者而先生客坐無種

第十卷

論堂有艸曾未嘗介然於中嗟嗟先生吾知其所志之有在也往歲癸卯余客授其縣始得與先生定交兩年之內每過必相與誦古人詩文以爲樂一日余訪其署所推門不應置造其室則見先生於圖書歷亂中橫一小几伏首細書宋名人詩簡視他帙母慮數十百卷皆唐宋元明諸家集也手墨整整朱黃之色翠然他日出其古處齋集而命余以序夫余非能知先生之文辭者惟是古人之書爲桀括簿書埋沒盡矣人人有可讀書之姿而競託以爲無

讀書之地幸而有其地矣又卒爲流俗浸淫出於不讀書而止決防壤隄靡所底極有人焉唱而築之已足爲載籍千城矣况復能會英咀華成一家言以自鳴於世耶此余所深慕而不可得者而惡客以無言也歐陽詹生有曰由四門助教十年然得太學助教由太學助教十年然得國子助教由國子助教十年方得遷他職三十年間未離助教之官此詹企夫高途遠衢之言也若以先生處此有惟恐歷考之太速者而

第十卷

今制亦以縣學滿考陞府學府學滿考陞國學則先生之肆力於古而優游涵泳以出之自此方多暇日寧以古處一編已足雪簿書桀括之耻而不勉其所未至增其所未能哉吾知此日讀書之責斷屬之先生無疑也

鄞江萬言貞一題

古處齋詩集目

卷之一

樂府

卷之二

四言古

卷之三

五言古

卷之四

七言古

古處齋

卷之五

五言律

卷之六

五言排律

卷之七

七言律

卷之八

五言絕句

卷之九

目一

九歌

卷之十

書

卷之十一

贊

卷之十二

題跋

卷之十三

行略

古處齋

目二

古處齋詩集卷之一

東海相殿陳詛法者

古樂府

古別離

大麓風煙曠往來無虛息欲使盡成川浩浩渺無極不則變窮
谷屹然相逼又從此阻行人山川無恨色舟車起何代渡陟紛
如織朝時出門戶暮遂成孤特豈無岡且高空勞登與陟觸目
皆離情風霜意中識

擬讀曲歌十解

古處齋

卷之一

繫古玉失手郎隨碎錦囊重置內非愛玉云是郎所碎

其二

郎令關蟋蟀未關心忡忡所負恐在雄

其三

昔時愛月光今夕畏月光非是儂情變見月郎思鄉

其四

置古瓶插花香氣舒一朝將花碎恐郎疑道郎貌不如

其五

置古瓶將身向瓶舒瓶空莫栽花令郎想儂貌可花如

其六

香巾郎拭面儂藏不令見郎氣空在中拭時儂示便

其七

對月歡操琴儂自矜知音一曲不令終何似歡幽陰

其八

約歡郊外游不許稱歡好歡好儂自知旁人焉能曉

其九

郎別竟何之痴心不可航聞書君小字日日費紙張

其十

古處齋

卷之二

二

日日登樓望秋江空客瓶友願烟嵐接歡歸或難量

薄薄酒

桃李一何芳不如芝蘭意笙竽一何美不如土鼓試厚者常令

爭薄者常令思思在百年真爭取一時偽孟蘭興不孤一日有

天地

其二

江左風流事一醉各非偶以我太古人飲茲太古酒詩人咏百

壺先輩名五斗唾壺令不空一碎復何有散髮無古今聊容感

慨否

其三

日永盡寒光燈涼無壯氣提壺伴東村樽罍盈東肆遠寄生香
風買吟味無二清泉引濁醪斟酌盡一醉靜與震澹心儵然陶
真氣何所分古今忽爾渺天地稽散與胸中從古無擇味

其四

人老爲枯木青春送馬蹄念此真何事陶然與古齊味薄興何
厚餘慨發狂題墨寒燈未死途窮墓草低誰將薄薄酒其此夜
風淒男髻枕村北女髻席郊西誰將薄薄酒真爲荒魄齋狂飲
解禪渴呼歡心亦迷

古風

卷之一

三

其五

朝時未出戶暮憂旋盈秀生年未必老少壯圖遠長天地不能
常混沌日月不能長昏黃取吾醇酒置吾琴音酒理費思量
常怪王無功多吟落暉章座有高客傾盡觴座無高客携樽
向牀薄薄酒勝茶湯

其六

炙肥牛啖蛟龍陶觴上周秦清器惟瓊琮一派清光何所有天
地曠然生心胸吾將遇談興廢歷洗今蒙遇評臧否滴殘令封
縱此紛紛何足較盤飧餘歷至理宗仰看明月斜倚長松夜任

山鬼嘯孤闌畫勸飛光舉盃重肯美又何較村醪亦爾容薄匕
酒飲兩鍾

自君之出矣

自君之出矣儂今喜未央與鄉風味好歸時佐話長

其二

自君之出矣儂今妬未央隣女雙出入形儂是孤涼

其三

自君之出矣儂今夢未央徒聚別離况恨非語笑忙

其四

古風

卷之一

四

自君之出矣儂今疑未央行惡雙鯉約反畏簡書箱

其五

自君之出矣儂今悵未央寸心成波浪歎舟恐或狂

其六

自君之出矣儂今拜未央祝即旅况苦念儂可分嘗

春江花月夜

夜氣宿前村清影長不沒幽香暗中生宿鳥啼喧發江聲走夜
理空潭起明月照見潭中有魚光作花穴春事胡闌珊花枝生
岸髮靜對月無語斜收江欲裂春規纖夜啼花月盈江血

擬子夜歌

中庭閒呼喚不辨爾與汝相好已一心有何可爾汝

其二

濕却盆中水更却箇中鏡照影無評次胡如與歡映

其三

儂只閉門坐終朝向歡對浩浩山水觀歷歷寸心裁

其四

歡手持亮亮儂手持綵線各有錦繡心相換相稱羨

其五

倩歡手中毫摘儂綵中樣已自稱心情假欲令歡償

其六

各有錦繡心閒情忽飄飄兩兩相起倒到曉成虛蕩

其七

春光使人愁秋容令人老風風雨雨中多半爲歡造

其八

幾欲向郎語未必郎能許知郎徒口許能不向郎詛

擬答白頭吟

相如終免茂陵之娶正見才人有情處但白頭一吟怨憤

矣不妨故作冷語便久客還家日增却一番調笑也因代擬

答 踏雪不辭霜明月列小星但恐決絕後慚負意不靈 一解初會

今人好再會願草草寄語清頭水東西隨意遙明河在天上爲

雨分澗潦 二解 燕子亦有婦樵婦亦有夫喔喔鷄出門日沒歸

影無 三解 座子嫁時蒙爲我理新衣願得新與故兩心俱不移

四解

楊柳曲

江南楊柳黃手裁百絲隨上刺錦芙蓉下刺雙鸞阿弟年二

古詩

卷之一

六

四阿姊十五長學來紫燕語罵姊走道傍怒擊七寶盒撒地鳴

琅璫吳宮一千里今復囁嚅梁梁下擊璫 九原徒獨傷 一解

江南楊柳綠窈窕秋初旭粧前漫幙頭一心對山曲山曲曉禽

鳴樓高聽不聽九原春幾日莫怪草青青 二解

行路難

青岱草枯金書歇夜長靜向無芳華贈君玳瑁與漢環弱水西

入於流沙河漢流日傍龍門聲咨嗟霜下月寒古木平鳥下從

君相縱橫京都流浪不復返妾死決絕莫呼名念妾欲罷生意

機晝夜以爲聲

青驄白馬

青驄白馬錦雕鞍霜高月白曉雞寒

強提別恨踏寒雪不載歸心照明月

不願載郎去復回錦鞍何不送儂來

可憐上馬頻回頭可憐日日倚空樓

歡乘白馬走大堤儂繫小舟遊湖西

錦鸞寶馬意氣雄輕舟柔櫓聲息鬆

湖西亦自大堤路相逢恰喜在日暮

馬堪並轡郎肯否舟堪共載儂不咎

鳥生

鳥生八九子乃在高枝百尺顛口晚枯桑足拾錢楊管巢惟恐

不得堅乃生八九子啞啞爭食紛母前一子未徧母心苦腐肉

餘粒何敢私下咽八九子羽翼成反哺不反哺而老鳥曾無一

言奈欲覓稻梁際此旱天欲啄魚蝦際此枯泉衆雛養母不得

全始之啞啞爭食胡爲焉八九子相與謀庶其散處山之崖水

之川一旦老鳥毛羽剝落終天年八九子乃悲號紛叫高樹間

人聞鳥號頗厭怒張弓挾彈喧使去鳥言母死我心傷悲號紛

叫仍不顧

烏夜啼

有意莫教烏夜啼良人戰罷枕戈栖羽書已報邊烽急依舊明

朝聽鼓鞀

其二

有意須教烏夜啼良人別有合歡栖雙栖不念孤眠處月落空

庭一夢迷

戰城南

昨夜羽書告急大紇百道齊來蛟龍怒飛波浪惡諸陵風雨白

日哀行人阻絕官吏驚危昔聞帝京麗且都懸望船廬之間帆

檣往回一朝戰書下金戈霜燄寶劍日開中有奸人反間之術

降受款防維弛敵外江中復離繼火焚其舟路敢鉄蒺藜江風

飛揚江水赤跳足蹂躪不可支戰城南鼓聲死大將齊開百道

帆天子再臨南指誓此江水

給餉票

某年某月某日象璽大如斗或曰南山來或曰海上走妻啼兒

哭百屋十有不見守家狗

紙老虎

紙老虎狼似木皂隸吏左手伸紙官右手如筆南山白額虎家

家門畫開

六月行

六月晨征燕雲迢迢戒彼舟子與我同袍一解早發語溪暮泊橋

李朝發橋李暮泊許墅胥臺在望吳市于止簫聲鳴咽江流無

底二解雞鳴楊帆羣言籍籍相視不前我心惻惻三解烟迷渡口風

阻石頭血染陵寢鎧耀松楸四解

語溪城

城鼓鑿鑿纔三下手持羽書三四馬云是報大將軍起兵者一解

縣前兒女紛四啼臨問不似去年否去年走兵食無糜二解所

東麓

卷之二

北

向天未明但聞羣聚嘈嘈聲欲之鄉鄉多寇驚欲之城傳言三解

番將軍人不許縣官閉城三解一夫獨懷惶淚下頗草草骨肉既

凋殘結義苦不早以此城無可居鄉無所道四解沙飛塵逐無虛

假一卒騎數馬破釜下丁敗絮疊餘馬線統之間以棄駝高

于鳳聲言城中人城中人閉門高坐胡為者五解今日白日且莫

下日下令屯營日未曛四野紛呌啼哭聲弓索馬銕十室九盈

粒米寸銖無匿形今日白日胡不下且其明六解馬騎過水兵來

中有巨艦如樓臺中坐者貂帽而狐裘右割炙左唱之語喃喃

殊不解縣官猶戒言莫大將軍須整齊哉七解縣官呼百姓匍匐

雷迎彼百姓戰慄左呼右集持香伏道左縣官百十稽顙猶未

已舟中無一言乃進曰大將軍喜一解諭爾民軍令宜取一粒者

稟首城還下指此水上指此天爾何相栖皇皇然爾何栖栖皇

皇然九解趣入室急閉門吾儕無日有令莫憂吁嗟乎有令莫憂

城外無一粒城邊無一頭十解

陌上桑

秦氏名羅敷采桑城南隅粧束頗草草觀者盡言殊耳殊弁一解

髻下裙及上襦纖纖映柔條筐筐亦扶疎客止貴人婦不在衣

服餘一解使君從南來車騎麗以都殷勤前致言誠哉使君愚深

東麓

卷之一

十

宮聞鼓勝盆手亦劬劬試入畫室中官中洛窈窕皆名姝官中

數千人莫言使君殊誰引使君婦一觀羅敷夫二解風起趙王臺

日昭秦氏樓君為臺上人妾向樓中居兩兩不相識風日空躊

躇三解寡女歎獨宿製蘭學悲愁購之作琴絃聲聲慟形孤事見

傳一解價稱夫婿貴價稱夫婿殊不作空房飲四解無能植香草蔡邕

仙傳采桑城南隅客顏自媚媚行步自徐徐觀者自驚失采桑

仍自如五解殷勤飼蠶子此外復何求織成羅與錦染之綠與朱

微物手自理裁為夫婿襦寄許空桑卽山野色照椒榆六解

華山集

南徐士子從華山畿往雲陽見客舍女子悅之無因遂感心
疾母問故至華山尋女得蔽膝令置席下舉席見蔽膝遂吞
而死氣欲絕謂母曰葬從華山度母從之比至女門牛不前
女歎曰華山畿君既爲僂死僂活爲誰施歡若見憐時棺木
爲僂開棺應聲開女透入棺乃合葬呼爲神女塚云楊鐵崖
太史有樂府詞予特爲廣其意

華山畿一片綵雲飛綵雲常自東西遠偏爾獨傷華山長依依
解一吾心胡自識嬌妍胡不旋遠華山前朝作同心結暮操知心
絃疾亦誰憐解二如席不可卷卷席增縫總物是人耶非吞之甘

古處詩

卷之一

十一

如怡紅靈輻動素旒揚只聞歌薤露不復賦求凰歌聲切入冥
茫黃金棺應聲而開開作合歡牀君不見紫玉墳前煙氣高韓
生重與結綢繆獨死地下泣孤另獨生人間痛寂寥從此神女
塚前木枝盡雙條從此神女塚前鳥聲盡盡同調解四

石溝泣

宦僕之子合色日謁見主人遂欲留宿婦不從羞楚儻加納
之石溝中是夕婦哭泣解帶自經死

今日是何日是儂結褵期「竟拜阿母下堂別諸姨共祝慶連
久食云好客儀辭妾門入君帷亦有蕭管聲聲中不作引鳳吹

亦有巨羅酒酒中不作合色后朝見不敢後姑嬪不敢弛諸姑
伯姊一一相見之底幾禮無虧灼氏前致言主人胡可違妾非
越石妻爲人僕焉敢卑但傷此禮幼未嫺登堂踉蹌不知所施
爲主人顧我笑稱妾好客儀執役分所當承夜非所期一言拂
君意鞭笞甘如飴莫謂僕人婦大義可垂迷明燭光未滅煌煌
向妾寸心窺主人當年結堂構砌石爲溝深且夷納妾溝中妾
莫恨從此溝流不令東西移解我合歡帶羞言交頸時妾心堅
如石妾氣垂如絲嗚呼今日是何日焉知是妾正命期

張灣水

古處詩

卷之一

十二

舟婦姑蘓人隨夫駕舟至張灣而夫死于其回南日哭之哀
甚因作張灣水詩

張灣水不照鴛鴦雙雙飛只照孤鴻夜半起儂理棹夫持篙兩
意商量徐到此日烈雲蒸沙黑水沸摧肝裂心良人是日死
眠姑理棹儂持篙今日云回南摧肝裂心一似良人時初死此
鬼恃強而欺人渺渺旅魂何所倚張灣水爾曾照儂雙雙栖亦
曾與爾停棹逐流兩相適爾夕陽風起時迴波繚繞照荒塋
大河西水西流流儂淚點三尺墳前止大河東水東注爾魂順
流而來前吾其停棹住蒿俟爾于河之涘更灑酒炊黍迎爾于

爾之里

蠶租行

丁酉夏有民家養蠶質衣釧鬻桑而催租急遂縊死其夫歸
見之亦縊王阮亭作樂府哀之舟中無事因和其篇

和風鳴好時戴勝鳴好音東陌與西陌青青桑柘陰解一少婦治

蠶箔殷勤自踟躕今年司蠶事云須拜三姑解二卸却明月環豈

却七襄衣何暇理膏沐朝夕飼蠶饑解三朝采東陌稀暮采南陌

盡理儂環與衣鬻桑莫鬻椹解四叩門何太急定非急催征儂聞

言蠶時陣無鷄犬聲解五出門片紙下逋賦已遭愆願再緩須臾

十首集詩 卷之七 十三

視蠶已三眠解六吏嗔婦不良豈無衣與環不思鬻完賦而思耀

容顏解七再拜辭三姑飼蠶有儂夫但囑齒子厚瞑目在泉途解八

良人帶笑歸柔直頗相宜招歡歡不應粉頸繫朱絲解九寬歎右

垂絲雙繫寢門外不是續命絃錯認合歡帶解十

王敬伯歌

大唐人
李端韻

江上涼風發悠然來素琴同爲江上客歎息兩傷心交交連理

木繚繚比翼禽何須波浪淺不畏舟航遠飛蓬明予心隨風南

北轉明星夜若何始儂歡愛多歡多翻成惜纏綿結茲夕茲夕

同衾人來朝異地客王敬伯淶水青山情不隔

古處齋詩集卷之二

東海湘殷陳祖法著

四言古

懷鄒子靜

君居城邑我居野廬孤舫思駕贈雙鯉魚

其二

君居城邑曾聞曉鐘吾居野廬漁笛樵松

其三

蕭條陰雨遠不見天亦既見天視天若泉

古處齋

卷之二

其四

夜庭有光維螢則明空除有聲維蛩則鳴豈無他人予炤子庚

思竹詠

小園傍牆每欲植竹一竿底幾不俗早久土堅踰八月則非

時致有隔年之想賦二章

予何爲兮載想斯干瀟瀟風雨夜窓誰憐

其二

森々在望豈必湘川猗々可卽寧曰淇泉月落千尋理則有然

未聞無寸影亦能旋

哭故友茅梅如

維彼鳳矣爰棲於桐采芝爲室聚椒爲宮北風烈烈巢覆於空
覆巢猶可墮卵增恫

其二

念彼薺菜胡長以茂念彼芝蘭胡萎以仆維彼茂兮紛左右兮
維彼仆兮徒使嗟嘆痛惜於山之岫兮

饑鳥吟

使我豐年飛鳴自若遺其所啄以翔林木雨雪肱股底幾皆足

其三

古處齋

卷二

二

秋感

蛩吟在牖葉落牆東砧高秋月杵連曙鐘成婦停針怨彼孤鴻
於我獨處憂心則同夜不能寐戚戚金風酌酒起坐以待楓紅

有所感

高高諸天三三其級吾欲夷之叩關排闥卽登離恨重陳細說

其二

一情所牽山崩水竭夢感情生生阻死合註書無是情多乃折
爾詩十行我書千葉

奉贈橋李司理尹舍美先生

厥刑與獄民命以之惟茲吳人實繁揚之金可使鑠山可使夷
殃流數世快逞一時孰平其反尹公是資平反云何載明載公
皎皎秋月炤圓則空非必圓空宛自不逢融融春日窮簷盡同
何以能同惠暨無窮胥山東峙驚湖南通自公之來玉節光隆
水且增清山爲加峰文心日月文聲鼓鐘文代周秦文名岱嶺
亦有鳴音鳳鳴華之嬾彼驚蘿喬松繫之奕奕尹公吳人賴之
名聞天子玉簡召之在天子所兆人賴之

擬曹操讀孫子書

嗚呼吾人而不我處公無日操我無日武列几置炬對汝惟予
惟此數篇曹劉之譜蒼蒼者天高視下土禪讓已遙湯武堪祖

擬二妃哭帝子

哭致哀言我英我皇率均及女燭明宵光星寒夜冷水遷天長
渺渺帝子忽悼遺芳我欲從之孔道何方憶昔多難歷野荒唐
爲帝裔女下降傍徨淩泉幸吉遇應復康賴茲允若乃陟帝鄉
大超秀啟云何徂喪羣侯何述千官孰張壽百一旬我視若殤
蒼梧之野雲物爲章顧我渺茫失隊離行蒼梧之水亦宿雙鴛
傷我子處感彼孤凰湘竹參差淚血失睂湘雨黯淡神魂淪落

賁賁言新主嗣昌云避箕山乃卽廟堂我嗣不道守此雲泉
痛帝何在豈復來祝帝之往升天聞感我之名日稱未已

贈黃琅甫

皎皎者日蒼蒼者天言念我友憂憂是愆憶君之居橫臨大川
蘿徑拂蓋蘭路承軒亦既至止三人心喜進我肴核待予稚子
窮云車輔燕其似此黎兩夜白蒼露春紅載言載笑靡勿與同
刻期聚會在城之東奕奕龍山我邑岱嶽爰居鄉子信誓久通
潛鱗驚鴈素書屬之昔會非遠而有今離騷風浩歎曷任悽而

題魯魯山墨竹

東湖渭川南懷君山亦有蕭森乃在魯山

其二

穿雲蔽日拂霧衝烟宜晴宜雨乃在茲編

其三

森然而茂官然以深以宿日月以栖翔禽

其四

千畝叢篁數紙烟雨蒼篠勁幹而實媚態夜半作聲聲落九天
身在重塢

古虞齋詩集卷之三

東海湘殷陳祖法著

五言古

秋曉樓眺

晨起一眺望後風生衣袖曠蕩野氣靜悠然對遠岫初旭來雲
端明滅窓窗遠夜蟲尚餘音明河光猶留萬木領晨容在承新
露後高樓爽氣浮耳目清光奏農子遙問答相商錄刈候

坊間得倪文正公應本感賦

葡北風慘慘帝宮星子子先生拜天恩投繯畢大節老僕泣解

七言古詩

卷之三

一

救正氣愈凜冽明主在泉臺敢後侍從列行義天地昭文章星
日揭百錢易市賈十襲藏寶玦懷古齒與笏胡如此冰雪筆墨
光燄處不數侍郎血

擬古

林火烟微微光影何參差枯木來小島沙水流前期上堂酌良
夜下堂拙言詞瑟瑟書劍光徘徊散幽思依人夢獨宿山川繞
魍魎因此感死草風雨吹男兒

子靜送別河干與琅舅同行十里復別

樓高寒氣靜凜凜蕭秋客燈影為誰明黑林為誰白雁聲來夜

半餘感從屋擲子時向二子榮與星漢聯江聲絮別語歌橋橫
今宵送者荒烟情別者塞草魄古道成獨影海風告岑寂

採菱

約伴向溪行吳歌遠水情恐虛溪影亂戒將蘭棹輕棹聲空溪
路菱刺鬚邊侵雙手掠鬢影綠光生空精小妹持菱刺擊使驚
驚驚阿姊遽前止予伴胡可輕摘菱菱欲盡驚驚尚輕盈

感郭子不過作

東海有鄒生落落徒自異寸絲起風濤古人生胸次逢迎尺幅

短眉曲竟奇字筆墨有幽光寔理無數淥負抑何時申光滅倏

七言古

卷之三

二

成應天意困鄒生太滄非所利天意在好奇不顧受者躑好奇
宜憐奇反將奇士試遂使描弄中留為蓄才地

觀書自笑

溶溶讀古史一月數十讀未閱月與歲靜理不堪掩口吃等期
期目光仰視屋既愧復懷憤視書若蛇蟻亂攪無意理驅之欲
高東發誓與之辭再讀我其哭以兩用無成何殊為啄木

卜居

微火炤羣燐湘娥變噓迹始念山水淺復悲天應幸結徑在胸
中脉世涉若尺

謝茅荆來

荒山草影燃悲鳴感僕烏無效值暮烟懽碎計仍無古誼感茅
君載泰惠我須意氣一何厚出詞復踟躕嗚呼世俗子冷寂泣
荒厨西成頻計日晨夕向塋塗初視苗盈寸再視苗仍銖得錢
往東市市賈意氣殊與粟似恩服納錢若獻輸千金生氣色炊
事遂紛如此荷茅君惠豁達佐之輔

弔忠介施先生

吾爲先生恨亦稱亡國臣山川無故色爲作雲烟身吾爲先生
喜得同聖主湮失國豈君罪慷慨地下新吾爲先生悲爲魂歸

古風

卷之三

三

何辰落日起林風忽做故鄉燐吾爲先生慶忠名低千春風雲
察氣色天地生精神悲恨固無端喜慶亦何因燕山月皎上蕙
江水鄰上來去誠無迹漠上忽暮晨欽思我若遇靜中知飛塵
爲懶書者策

一几能人苦卷隨意沉浮不如爲蠹魚簡編靜言休機時隨得
餐間時恣所遊奇字成奇腹異書供異眸棄書得懶名策從茲
類求魚以書飽腹爾以魚潤喉一魚得一字百魚文已優

阻黃琅甫

憶昔爰之仲偶向柳舉徒却日作深林灑雨盟水淡予而雨中

行君向雨中止兩足濡泥坡雨目生洪水湖光無橫直天漢在
烟裡今復至柳舉烟雨仍前似及至向樓樓餘杯傾不起君來
不暫留云隔紙盈處君向雨中行予向雨中止行止怪其外天
心不能使

代寄懷美人

年少愛閒遊未解相思味一自見郎姿汨汨如泉沸思郎得親
郎郎對漢無謂因願伊人通朝夕得所慰獲親郎笑語強聞終
日憶

設爲夜與月辨

古風

卷之三

四

夜色已蒙晦何國得色名入檻若無影開窗僅有鳴遠鄉獻低
羣月影照潭泓愁人思有結終夜悲歌生爲月非爲夜因月夜
亦迎月固係人戀夜若爲之伴亦有不然者請與兩息爭夜固
無所有借夜爲彼明試當初弦際傍日鮮繫情望月必月望人
靜鳥不驚信知月佳處必在夜之盈

雨

空雨響不聞候熱盡秋氣心向慘肅收清泉悔受沸屋樹覺天
短荒山真可貴不長空庭立一歌換十歌

又

空濛盡烟樹幽咽乃如此西氣寂欲來暮山意中起山光變雲
光蕭索寒蛩裏萬木生悔容天地捷於使晴雨怪其驟歌哭非
意爾一似坐東樓耳目發新理

夜宿石門荒涼不堪作

遊子適異土餘火猶縱橫瓦礫猶有跡珠玉杳無精荒荒成白
日鬼火相驟迎

過五人墓拜之兼弔玉重許先生

忠戚屬匹夫剝野有餘愧矯旨在何人先將綬騎試墓道蒼蘚
斑痕如前日事陰風生怒濤古木戰寒吹清流向墓前名丘復

古墓

卷之三

五

相比來往阻征帆瞻拜無虛地奇忠空千古至今復音嗣痛哭
殉明主聞詔中夜涕橫流無忠魂首陽有同志投水不死天高
無可語遺詩剩戈騎墓道雖未殘天地欣共祀

火變

紅光作怒力青烟環相輔天地慘無光黯澹公然睹山風無涼
力一躍延十戶月光如初旭因變不復戀我時立高樓餘光壁
間吐喧然語相雜不辨哭與咻念此數居人豈盡不堪取精光
民珠玉莫曰此泥土菽粟胡亦燼何以餉諸父

雪夜坐于靜樓同黃琅亭拾竹木向爐爲火至爐沉就枕

無友寒氣寂况值暮雪時燈影涼欲歎世情盡收肌取紙引爐
火二子實司之寒威已知懼歛氣不敢施佐談有餘清烟氣靜
亦怕無酒得陶醉無字境謝詩幽事恐夜闌芳華孰令移

詠芙蓉

秋容本慘淡綴色復何爲所以空濛際常生情于痴艷粧知甚
意艷中想素姿履霜極尚蚤破鵬梅遲思寒風先到葉卽葉使
花難目斷秋江裏痴情竟何之

喜獲新禾

常見不相知一別長令思憶余秋禾登價且復倍之富兒利在

古墓

卷之三

六

有一面亦難施茫茫空秋郊於言不復欺貧子得一飽富兒啼
且悲來春不爲顧豫園誠非宜客至聊與樂觀物各有儀饑屬
振羽翼饑鼠豐朵願各自生意氣風雨偏相染

昭池自歎

負形稱壯士寒心向泉因亦同蒼蒼天倒影矚其真百年等朝
旭誰復爾識尋有時經瑩壘歎嗟是其仁海門不可越蛟龍空
呼人

雪後復連雨十日

萬山無媚容古木無響力巨浪暴千里光茫一何直靈雨散憂

結蒼苔畫四塞青氣散白彩幽微易以黑塞歷絕遠空啼鳥夜
惻惻誰使凜冽心觀此慘淡色爐火無明烟濕薪冷氣逼既嘆
炊事空復嘆杯影不乞食無古誼青燈良友憶

記夢子靜

茫茫夢中路是非可弗論往來兩不着苦道成虛奔願復無勞
夢君閉夢中門

毘陵歸興

迢迢遠客夢鄉心定有時所恨舟情險千里一航之毘陵風雨
夜憂懷斷復追客舍既苦單客夜永胡爲家人念喪亂故園渺

古塞齋

卷三

七

可追飄泊非久計毘陵卽天涯

讀史

縣令一何倣悍然犯當事封章數百言憤激無虛字談笑枕戈
矛風生快其利湖山佐其險英雄無辟易寸膚俱非真半鄰豈
容僞至今古史明森如聞怒詈

贈松韻上人

癯容學名山水落應相似齒鑰與眉蓋尊者應何是月下琴與
絃吾心灰與水不解相思操相信在卽是笛聲飛忽暗悠揚任
素指入寺喜師間秋拜亦殘子况歷名山游雪光佐尺紆不存

山川心信手自得青

予病瘧子靜慰以詩卽韵答之

嵐深門前經水色逐寒雲別君君兀坐明窓碧若岑履平如歷
險心佈不敢吟禍目皆魘影反疑白晝陰病魔弄衰容翻覆倥
知余堪憐清苦月偏聽亂離音昨炤嶺止竹今輝柏上禽一月
分兩炤惘然各示人

戲作劉項辨

項王失天下漢高顏自伐謂子多戰功胡云一朝歌垓下草終
枯英雄淚常汨項王頗不怒含笑與言曰滅亡非戰罪壯志同

古塞齋

卷之三

八

石碣回思人晁日愛姬護且關漢王無以應僂首受之許有時
怒氣盈旋作悲聲忽

月夜溪遊

友哉溪與月至期兩相俟遙見山旣吐破浪延之通不揣予賓
之三者情若比溪月雨不厭深盟謂我爾以月爲之介紹予行
數里夜半猶欲過主人聞之喜汨汨作迎聲揖予令予止擬作
竟夕談寒露復相抵豈其忌相親抑或憐不已皇皇各言別溪
月不忍徒若悲歸途寂送聲隨予趾

夜與子靜翫月橋邊湍流迅急遙見漁翁駕小舟往返數

十次神致猶夷遙望龍山日影熔松梢若近若遠條明
條滅因與記之

夜行別有天問月江邊討登高遠眺望頓覺天光矯絮絮問所
思不答徒自了欲吞入懷抱恨我咽喉小漁翁扁舟駕俯仰皆
可眺驚波下釣磯巨鱗有所授張羅尚未展罩月可空眺影落
波潭裏蛟魚吞却早誰識深山內松間復相繞清光懸孤映驚
曙起小鳥明滅雲可欺相持惟芳草切切枝頭吟若知幽玩好
與子豈得知小蟲亦不道

胥永公邑師賑貧詩

古唐書

卷之三

北

饑鳥遶樹悲饑鼠遶釜泣餘瀝不可當民生胡太急持錢往東
市得粟意氣別旁觀徒口美含淚顧衣製幼女呼甘糜長男願
殘汁賢令得吾師軫輟中汲汲朝俸令師飽師俸令民諾泣謝
諸鄉老捫告諸商俠豈無吝子心亦有義士合一錢積可千斗
粟積可什微某某使司檄某地使給薪釜問老炊漿勺吏持入
村吏杖以從村媼扶而及提孟隨意飽飯兒豈餘粒聞羹走鄰
願誦得至貧初入時憔悴客出時潤生頰歡聲語相知寒溫相
拜揖亦問始妙妙明朝相約集咄咄訥縣官千孫千萬葉

晨起

曉霞含碧色月孤礙婦山隔林鳥聲細近窗旭影班甫起衣未
結清氣吹吾開簪花惟茉莉香風落自襲晨光無媚人領受恍
忽間

懷鄒子靜

忽然情相照一夕百年真披帷閱簡冊相對論古人雲影低別
路參差意逡巡凝眸遠矚望青山隔渡津迨重携手日知負月
幾辰

代古

君王不愛才美爾皎若霜意氣固自重勢家多輕狂溪水盟未
幾勢能浣別粧吳王以此意生女亦妄量所志不得遂結氣死
荒鄉一塚兀然高旁皆烟氣張遠遊多悞人永不覩爾亡塚上
慘青松仰視盡無光輝客重一覩明珠贈之將忽見孤鳴雁何
爲永翔翔夜臺誠有路用以報所傷寄語生孤雁不若死雙鸞

古唐書

卷之三

十

詠弄色芙蓉

秋容已慘澹綴色上枯枝素質宜爲白月宿蘆花垂艷妝不辭
朱日映楓葉低白微露朱色驚向斷霞追朱且藏白暈燃火烟
復吹山青隨樹生水碧隨雲披粧成似有意素艷一任思

竹月

山行遇疎竹夜行見明月難時矜獨勝相影情兩悅深林開微
炤空光影普舉二君神相合奇光實相發

詠懷呈馬乾若先生

秋水胡太寒秋草胡太殘抱此一片心風雨長悲酸卜於垂雙
髯孤兒名未安廬墓作庭趨泣對一青鸞骨肉戟森々亦知摧
肺肝忽下片紙微熨檀不爾寬羽書曉連夕更皂夢燈炬竭髓
何足較王事胡艱難聖主寬通人赦勅帶淚看眇焉作諸生負
氣頗英英看花無意曉彈瑟以生平十年湖海意中事遭變更
兇虜敢自藏利興思鳳鳴世盡鑠金口高樓忽空極昔日荷鋤

七虞蕭

卷之三

七

處履歷戒輕盈羣香省先蓁翁仲無余形感此省墓時樵斧聲
丁丁有淚不敢拭哀風無松聲亦曰吾舌存重看棘門旌以示
感情意躊躇鐵羽情中夜走荒絳都報忽傳名意疑和史別爲
正果非精光蓄時逢鑒胡至泣始明問誰得知已感恩荷生成
乃上武林道吳山寄幽情八子齊入座私愧後登程凜々瞻顏
色英々欽風神爲溯北照川小飲開蘇船諸子爭問業四座生
風烟買舟渡蒼瀟持平刃頌傳忽々返故里復蒙尊指宣北風
裂肌理輕裝慎衣堅至々請尺素深厚復縹緲望見長安花枯
枝佐我筵相見惟感惜後期可勉旃蕭城感越水高情寄吳泉

文章隨意發蒙疎滴露新但恐爾未成無以答高天蒲觴佐蕭
艾願感之惠延

促試

意氣頗自矜姓名胡可消結願永爲辭自有深林竹葉去不可
得聞試中夜哭豈曰渡無河仰視數間屋

牧童詞

敝裘朝烟織短襪晚露幾豈不悲憔悴職此何言劣枕石宿荒
莽芥突食苗節責債無仁理驅之就家歇棄牛主咄加索牛隣
怒烈牧事太濶刈進退兩周折幸無輕牧童牧童原委哲在昔

古丘齊

卷之三

七

孔夫子茁壯號人傑

立秋

清氣吐空樓炎涼分朝夕月顏受暑侵清風開其啞音厄腹内生
秋光悠然對四壁

感遇

吾來陟山鬼孤石蹲磊磊上有幽人心下有芝蘭采芝蘭本香
草冷落貴所待不生俗士亭寧爲樵人載短草覆空陰晴雲來
空發榮落亦有時枝幹曾不改歲寒有同心孤貞持若壘佩紉
誠相宜百晦寸襟在

若中留別正則宗叔

離鄉意氣薄今爾古已然况予朴愿性舉世尚輕儇以此欲閉
門閉門不能堅仰視星與漢俯視澗與泉孤影若徘徊孤情僅
纏綿嗣宗誰爲大乃在異地連出言尚深厚謀事貴周全斗酒
不辭醉東歸維佐筵卜居苟有意可無告言旋二月涉江關三
月聽啼鵲條條見榴火開條開高枝蟬感物驟于此能無故鄉憐
征帆駕夕陽分袂感渭川錢江潮勢險娥江音信偏持此一片
意何問險與偏

擬項王別姬

壯志學從戎劍橫渺天際英雄志戡亂百戰皆精銳張陳悉俘
囚麾指戲義帝已成萬人敵何有一劉季父向釜中殘兒乞釜
餘惠本期所志成復官盡姊姊存亡理未卜一姬徒悲涕伯業
秋原艸紅顏寒霜帶平生恩愛心今夕一連袂江東水色清江
東山光麗山水一片心楚歌聲裏感從此殊歎生願言保佩悅

擬姬別項王

嗚呼千百載乃爾生項王劍成羣辟易侍妾盡生光天意暫一
挫爲妾增淒涼大王願捐生妾敢愛死亡置酒慶高會飲別無
一觴置歌慶永夜訣言聲不揚一時恩義斷千古薄命揚妾請

登決絕竿騎更戎行婦顏有時盡伯業所垂長所願壯志成臨
風興北邙

聞光宸李先生疏請終養感述

明廷重前席慈戶勤倚閭兩意相躊躇事遠抑事親公知已
恩欣然得御李執費厯儀型孝友盈前几復余叩德維傳情之
暫已秩宗所司事乃在綵班裏禮垣祿養有年望餘德於
旨師誠速親歡法罪速親紀卽此負罪多奉壽將何似展願
一薦公恩所遺矣切切感所成蘇蘇傷所特兩情纏綿處兼風
中夜起

擬桃源人贈別

離亂成隱志縱橫遂長生平生弄白雲星漢爲飛橫桃花手山
爛紅雨落簪清抱琴看東鄰商巖巖雞鳴亂關關月月俯仰一
身輕欲識世人顏絕絕如仙產而子然然至喜子言世情舊
榛莽長贈別無遠情或者蘆蘆內漁火千歲明

擬漁父復入桃源

昔我至桃源桃花千樹明紅雲覆溪陰烟山夜半清種桑無時
影種禾井井應往來盡親熟野犬向我驚柴扉白晝掩故老餘
半梓獻我今拜跪同我古逢迎日月寒不冰滄海東中平卜

幸無鄙高古宜四隣暫出解所知以此永生屋屋所至均爲
曲夢中情澗花無故意山鳥餘舊鳴蒼雷走大荒隱約無定形
故道莫予追渺然天漢橫

哭表兄張季青

憶昔十載前余少壯年諸弟承師訓登樓共硯田壯士窮途
淚偏酒暮雨天鶴唳中宵重厚羽蓬暮憐以茲不得意兩憂艱
一烟各自意氣負晨夕相纏綿蕭颯忘中酒淒涼快傳篇何圖
喪亂起悲風奏鳴絃昔居異城市今居異山川寒馬嘶中野素
書何繇傳相對衣冠泣相慰隴墓全叔實稱善病風流更娟娟
何意兄暫試半載泣別仙母乃以蒿里爲兄之酒泉應慙共近
者古人情獨偏百年中表淚千年知已連白楊蕭蕭風偏近夜
總邊

慟哭詩

杖淚仰蒼天潰血俯地軸罪重十一年孤兒名何速長兄初束
髮幼弟宿母腹其餘紛啼笑半髻方半禿咄嗟聖善人婚嫁任
惟獨伯方解舊襦季旋斃新服朝餐理經師暮案問鄉塾納采
甫就筐問名復裁牘視囊空半鉢問箱艱斗粟解愁喜質成開
因產竊經營二十年霜髮盡朝沐羹羹不孝子奉養艱半菽

母領頤怡之肥美等藜藿慙哺在鸛鳥爲鷓鴣鳴鹿祿養不一
遂九原從父連孝思昔有待悲哀今胡續噉噉白鴈鳴颯颯松
風哭爲棒廬江撒摧肝等計贖

將赴語溪留別諸兄弟作

阿爺幼見背諸兄共追隨患難啼噓日詩書誦讀時賤貧不得
志艸艸天倫怡云胡違天倫獨向語水移長兄執余手涕泣河
之湄家居嘆龐壘豫章遊可追但歌行路難不願乘馬馳叔仲
執余袂指顧河之湄高鳳無衰音羽儀志所期棘門獻策罷訪
汝語水涯五弟稱公人一塚山之崑松楸橫烟氣登樓遥望之

從行有六弟索莫堪佐悲婦也抱奇疾行阻任復疑七弟顧我
言家食艱暮案余將負囊笈殷勤謀絳帷季弟顧余別送別不
作詩愴然負意氣黯然拙言詞紛紛摧心肝寧止悲別離皎日
正當中百艸方披迷還視園中花萼萼無全枝還視雲中鴈獨
雁有悲思寄語諸雁羣羽翼貴豐儀矯首洞庭陰垂翅雁門陲
慎無啄魚蝦魚蝦淺水窺慎無宿榆柳榆柳多枯枝慎無卽平
田平田增弋危慎無過荒原荒原烽火摧闕近貴園遠就高莫
就卑獨雁不知此嘆息又胡爲

詠芙蓉洲

晴穀何渺茫秋光澹衣裳容與涉秋水湖洞轉荒埔小渚接天
蒼采采詎可忘錦發耀星月華蓋鎖鴛鴦坐對南湖出遠湖來
夕陽聲帶蘆花明寒增蒹葭香上結幽人心下開明月鴈鴈開
金液冷爲歡樂未央

丁酉冬日集携李弘文館

名山千載後四望河蒼茫筆札走尚書邀賓入洞房雲來漠
北夜漏飛寒霜大旗正蕭蕭錦幔何煌煌潭潭集高素氣焰同
翱翔托體在河漢妙理紛飛觴袖拂龍門煖文移仙仗香最苦
白日短顏色今正芳吳江罷鵬鵬青鎖栖鳳凰一歌獻清廟一

古事齋詩

卷之三

一七

帙登明堂乃知天下士何莫非文章

詠懷

我有一方玉荆山光氣盡連城稱十五欲易及局促願言君子
佩因遂出幽谷黃河水勢險蛟龍紛來觸我寶難強求迴舟計
亦足

其二

我有一張劍拂拭無時厭溶溶耀日星晶晶奪漱澌倚頭與仇
血朝夕紛續念龍文一朝舒墓樹千年歛茂先不爾求玉匣無
遽悶

其三

我有一卷書珍向芳袖舒綵帙取古樸不事錦綺餘振詠白日
下天地爲躊躇東紙盡奇與叔末與阜初蒼鬼紛踈哭出之求
少徐

其四

我有一張琴結響在高岑金徽既綽約玉軫復琳瑯一彈低明
月再彈響疎林不事中郎尾何必廣陵音欲奏清廟曲帝京遠
且深

是何堂公謠

建安體

古事齋

卷之三

一八

朱明正中候綠艸盈荒塘榆柳紛以披新燕繞雕梁有客欣高
會列坐排中堂筆墨開精理聖賢語煌煌選體澤風雅選韻叶
官商振詞甫云畢爲君進圖方先達停素蓋叨陪侍末光同人
霏玉屑翔翔學鳳凰莊嚴踰三爵酣適過千觴扶光將西已明
月矚華牆既醉可言歸池荷葉芬芳領略諸君少素袖盈幽香

田家樂

土牛出東臯農人東作始越阡復度陌紛紛就疆理種植欣有
方斟酌成耘耔長男年十三幼兒未一紀各自稱老農荷鋤良
甚喜晨出曉星殘暮歸明月起布穀鳴東岑哀蟬鳴西圯高歌

當其中懷轅轅不止乘風緣陰晴古今供驅使高論多帝王引
據偏經史愛護在冬青傷殘戒桑梓一片忠孝心斜陽細雨裏
缺竟睡有餘芳艸綠塵里午夢半未成酒榼欣得旨何俟西成
日擊鼓樂婦子

擬陶飲酒

西沈有落日悠然向南阜漉漉視聖賢我懷良何有平疇州新
長獨影無與耦迎門稚子歡開徑漉漉酒與世無斟酌孰薄孰
爲厚醉人理宜恕不恕復何咎飛鳥成倦翼翛然宿高柳此意
復何知北應喜獨受

晚出西射堂

宋之三
蘇東坡先生原韻
史曉齋先生命作

散步解煩鬱悠然對西岑青蔥樹如接宵冥天沈沈輕風吹夕
陽澹蕤芳艸陰撫摩增感慨一歎情忽深別館來秋月長風散
空林羈禽無定柯能無感故心短褐走中野意氣絕華衿短噓
忽未竟已來松上琴

奉贈徐大千年伯

佳時風景麗良宴置中央絳燭低列星迭奏笙與篳捧卮盈三
爵玄官叶清霜山川限吳越大江阻錢唐令嗣美容止幸得叨
雁行登堂踞且拜肅穆生衣裳文章青嵩岱聲氣走八荒振詞

柯都雅羽儀丹山陽是時令初最無勞諸貴楊松花香第伯芝
蘭椒錦塘米之無遺飯盡登君子堂是時同諸子陳詞各有方
疏執爵無笑或爾樂且康或歡今何夕華池宴靈鴈或美元興
李王樹揚芬芳歡情紛四座圖月某低昂末坐東海子殷勤把
輝光

送別管襄指

雅志植芳草立意不苟賒與君本同里結歡曾未施遊子有行
役息駕語水湄暮君古人誼語人群頌之願以君所植贈贈結
君知清商叶玄夜平酒良不辭辭以兩載餘腰膝諒若斯窮冬

宋之三

宋之三

宋之三

每言別後長相思同作故鄉客作君歸鄉悲河漢渺無極此
意誠何爲賦歸我未決枉道君所嗤錢江與城水天帶寧終際
參商亦有合膠漆亦有宜視彼意氣人款款指春期今夕執君
手明朝想君姿群鴉啼晚渡周道紛追隨念我素心子夕解披
光儀

郡丞吳煥如先生沿鄉安盜隨行賦贈

金風曉啟候炎日正當陽我侯循郊原再盜賊跳梁甲羽何因
閃旌旗正燭大舟紛羽蓋小舟列戎行周行五十里蘆葦風
正長一山兀然高俯視原與壤卽此稱奇特慰公故鄉望駐節

進父老溫語相爲商盜行干天討止卽爲善良戢兵擾廬舍大
憲縣中堂迴舟華別徑周視村落傍幾幾盡甲第中半多頽喪
諸生容楚楚逡巡道旁申論無多辭鄉鄰善自防保甲爾其
飭撫字何敢忘行也十里日光薄扶桑莊嚴入寶刹頂禮諸
法王高樹快扶疎古殿生清涼暫爾息暑夕叨陪仰清光自慙
絳帳人曷待虎帳房遙歸落月黑夜氣何蒼茫

贈呂黃之

濯濯風前柳皎皎鹿柴詩吾懷晉處士千載孰與期何幸飾義

士文章昭令姿吾越得呂子振古諒在茲攜藻振京雅舉筆快

古塵春

朱乙三

二一

獻義昔待金門詔今賦林下詞身名亘日月金石永無移

途中卽事

曉星明歷歷天路何蒼茫征夫戒前發四顧以傍徨宿葦風蕭

蕭我衣單且涼我馬歎厖羸蹄蹇慎冰霜長途含苦辛悲嘶一

何長昨猶吳門客今來止齊鄉工瑟雅不好工竿志激昂念此

積困頓燕雲渺難量

京門卽事

三月長安道鶯花何繚繞枕簟意有餘喧傳達昏曉絡繹無輪

蹄隨風快騰踴仰看馬上人驚夏良縹緲前騎同奔塵後騎等

飛鳥末俗無一有功名偏足矯僮僕無光儀親知慰未了我本
具達觀反爲慰者擾上視視浮雲下視視春草

東余楊生年兄

桓山有威鳳約畧同年諧思欲振光儀洽比相容與贈之翠琅
玕戒以潤毛羽

禮贈適與楊生同號也以藥酒

一者翔天關一者委塵土塵土

與天關區區何足數顧此琅玕食饑來將見拒古言重素心今
言重肝膽心膈本相托何事分今古

出都門留別妹倩孫紫瞻

楊吟欣共渡縱轡欣共御相對逆旅中余爾相晨暮共作看花

十塵春

朱乙三

圭

人胥爲看花誤我今故里行君止京門住贈送各有因握手銅
駝路薄俸不療饑饉時聊一顧荷師彭澤意何論令與傳

至臨清張則宣年表兄之荆門州省其五兄聖木

臨岐忽成淚淚豈在臨岐功名君自重擯斥我何悲同舟風雨

夜泊酒村落時云何事遠遊乃在楚之湄白日馬首烈苦雨荒

店迷村隱不解醉百憂來相遺離騷讀未竟鴈鳥賦堪思蒼梧

雲欲待衡陽雁已遲遲影排天路一日羅網羅

五兄爲州守悲時方疊羅草

鳴求其侶去去不復疑君至重慰稍切莫更索而試看洞庭陰

風波時一危及平恬定際臍然心日怡何堪窮途淚移向原野

詩

途遇姜武源北上

落落知名士悠悠二十春此行過易水冠髮何從嘆嘆息黃金臺徒多落花茵卽令燕市中斗酒無復陳以吾倦翼還看君飛羽新停舟兩相問涕淚各有因白日徒相照逝水徒逡巡嗚呼千載內我懷無懷民

至維揚送張康明年兄之江右

別去一尊酒東西兩岸舟濤聲壯今古月色自春秋君違廣陵道遠聯廬山幽一行詢故人坐對歡無在

朱湛侯司李南康

平生感意

卷之三

十三

氣俯視無平流歸帆我獨掛寒意到孤丘

至語溪上舟別鄭康木

本爲同里人反作故鄉別燕雲數千里越水成漸絕君行渡錢塘波浪相掀揭長留一片影烟霧遙遙接我時上小丘相對靜怡悅將此居者心重爲行者說庭前一古柳酒罷重攀折

歸署示諸兄弟及黃二舉粵鄒九子靜

聽言兄若弟天倫胡不怡恩受趨庭訓友弟義無虧少小陳雜戲誦讀相追隨故多歡笑處亦成岐角時忽忽數十年年齒成暮追長兄四十五幼弟廿九期爲歡及早暮時日猶奔馳況此

一歲內強半賦別離歡笑長相憶角岐亦堪思未俗耻功名衆

年念同支功名不我同支念更悲戚戚賤貧內何以慰饑糜同里黃與鄒然諾誓不移落落瞻光內結交惟所宜素書不可前形影成睽違高天有鳴雁錦水有鯉魚獨此摧心肝俯仰成悲歎鐵羽與戢麟此事良自知遠此羈與緬免爲親故虞

贈山陰謝無可

吳越乃志在越鳥忽聆謝君言重上山陰道謝君天下才身作末俗表尚令同高風諸謝繼詞藻愧予學無師振筆願草草坐君明月下披示如風掃義直應少可情親亦稱好片羽

卷之三

十四

鳳所珍隼麟龍亦獲不吝金石傳明星共皎皎吁嗟末俗人能無愧虛矯

悼奚童來進

吾讀少陵詩有與伯夷語情旨何纏綿惻惻動肝腑勤勞分所當再四加思生者猶相憐能無嘆賢主吾僕名來進今且稱以豈追念平生事寒燈泣夜雨賦形同鳩拙賦性亦椎魯簡書成歷亂筆茶於輕舉而其所最優伐不與則圓高數十尋倏捷如猱舞旁酒每不辭薄杖時見拒以我貪薄宦致汝葬旅土勞糊多瘠瘦一病歸與俱汝父感恩言藥蠟成虛煮自春歷秋

冬骨支肉成腐汝又惑愚言禍福善公署決然思外還白晝腐
破戶林實誰相親或見妖鬼伍此說不可信信汝妻涼苦汝生
期不遠仲冬月之五先期尚五日辭世成人古時方大雨霖途
滑誠念汝旅旅四顧望旅魂向何所不見揚棄施不聞舉金致
素紙買路錢燐火同妻楚停棺在路衢束草爲楹廬計指寒食
期冷烟殘風舉金棺與石柳從汝惟一鯁以我馳故鄉拊汝葬
故土追隨大江濱飄泊長河游

唁臬憲法黃石先生太夫人代

朔風淒淒窮巷逆旅寒永霜驚聞呼號聲慘裂動中腸啓戶問所

重刊

卷之二

二十五

由賢毋空北堂敢言照令德筆短情弥長芳采鍾樊溝德耀降
雲莊手扶兩鳳雛杵聲夜未央高年有老姑唏噓嘆淑良老姑
有愛女早年稱未亡何以令無饑日時進酒漿何以令禦寒日
時簡篋箱賢書得奏捷夫子姓名張何以處姒娣和聲洵婉揚
何以畢婚嫁後先無輕昂使星耀靜海相佐綰銀章饒慈遍哀
鴻愛勞泣孤凰內外咸待理處之靡周章籌燈佐夜讀兵火室
相望耀首有明珠撫掌失珪璋兩兩願相易兩兩相對傷嗣此
蜚名遠銀魚佩煌煌惟聞實多材月旦盡琳瑯惟願著慈績詎
歌起病瘡雖切瞻雲思莫慰情聞望天子重平反掌憲詔茲方

千里具節蓋迎養祝壽康晨鍾持佛語夕磬拜梵王茹素三十
載五盤薦鼓薑吳山峻且麗聖湖清且芳皓髮星日下掩映增
輝光云胡青鳥至蓬島奏開鵬毋靈鸞鶴駕毋德山水長勉旃
失恃子祀邀仁粟嘗佇看數年後華表旌連岡

贈某署令以吾號丞扣石門令

閭嶠富山水晉安更挺奇巖巖仙掌峯特立如霞垂名流代不
乏岳降非凡姿漁德杯好古博綜靡所遺武庫既縱橫志畧盛
當時應求仗大節僕射有令儀磊磊千百言奔競風少移節義
與文章聲名振九區惟君生此地瓊瑤標芳規下帷領金石便

古虛聲

卷之三

二十六

便稱腹笥有時參議論捷如桴馬馳偶爾爲詩歌煥若錦繡披
鳴柔宣散邑鸞鳳寄一枝廷椽與監鄉官部戢無差勸農與制
度四季量有且公能領大綱不作恭藹爲直諫喜恒譴慈愛希
溫舒安陵與石苞吾邑能兼之鄉譽達上官歌頌遍蒼黎所以
百里任群口交相推使君再分符雙旌馳驅兒樂兒煩冗已才
德方能治錢穀識所繫敬謹無差池既以董憲方還欲惜膏脂
孰云非保障豈敢爲繭絲察微諱平允以情不以私生死洽玄
化爾曹有日知持筆作讞言矢口卽成詞朗如玉山照卓似岳
山碑庶務不遑舉金玉者不殫女勳執伊篚農樂爲耘行迴瞻

河陽花翩翩生塔塋某也掌寶官首舊累水尉多士有善教賴
公鼓翼之既得鸞集學庶見龍生也凡茲儀範盛宣謂無榮施
出爲兆庶責入爲拜獻資緋魚與銅章佩帶何難離懸知恩不
大遮道恐後期

小亭爲龍風所壞感賦

小亭結構雅四面皆開敞憑欄鳥聲幽俯檻松風響書畫延竹
色綠陰遍虛幌肅然夜氣清明月隨俯仰所以動旅懷時時勤
想像去夏風雨惡崩圯成廢築白日照殘礫苦雨滴空梁淒涼
求仲宅芳徑盈榛蕪我今復旅遊中情殊愴怆爲問故鄉事誰

復園亭樂 見王勣功詩

哭張康明

小人好議論每樂稱人死英偉如吾子傳聞遽止此惻惻重驚
悼朔風淒淒兩耳春正得北書驚定易以喜三月春闌珊心緒不
堪理悲音感啼鵬零亂泣挽李復言張子死計音已在里割竊
昔說言重爲新聞爾子時到端司起讀案上紙慶源縣令某陳
情有所指同寅有司教某月某日死此亦豈說乎而子真死矣
惻惻重驚悼悲仆不能起一悲良友情再悲同譜還三悲抵京
都連鑣而其曠四悲至我界餘跡猶堪紀人士咸覩觀儀表噴

稱美慷慨無嗚嚚不平輒嘯凡以情相往復以意爲可否酌酒
必盈卮典盡則竟已角藝與閒譚刻燭及移晷事事宜遠大修
短非天使明年春正月始得哭君里昔時拜揖處凄然落草裏
昔時聚譚處風吹空床第昔時燕飲處荒涼盡殘七昔時送迎
處荒溪徑路圯帷哭有吾婢泣血惟君子引予至後庭曰君其
在此有情不堪陳陳情在拜跪陰雲覆短垣荒日照敗几寂寂
而淒淒嗚呼君在此

癸卯冬同邑胡勛叔四明萬貞一俱有序送子北征詩以
謝之

謝之

宋之二

三人

朔風西北起霜高鴈影孤長帆連朝暮絡繹上公車嗟予獨何
爲閉戶守蓬居同學有胡子評詞壯行途勉勉孝友言惻惻動
中孚四明得萬子筆墨以神符偶代校文之役責以起衰任中
夜成歎歎平生良自揣文行俱迂疎燕臺信高敞黃金耀天衢
五關三不上子乙未戊戌已此意徒自喻生不逢漢世名賢不
我俱治安與過秦何從究根株甲第春風麗耶云畢讀書父師
幼提命棄置同椰榆敢以老拙容新粧學村妹謝子敦勤意爲
子陳須臾同譜有張子昔年同馳驅謂康明辛丑昂首向天路
風霜背蹇驢至今九原下不復學操觚故鄉有美酒相邀共歡

嶺南轅而北指吾乃未死徒

送八弟赴雙河

人人向子言羨子多弟第一朝離羣去涕淚雜河翻持書將子
李暫爾別家園荒署扶疎柳高夏聽蟬喧齋前雙古栢明月坐
談博奇書分校錄疑古共討論惟子伯與叔同茲設絳尊乘閒
偶過訪焉能及晨昏不意歸鄉樂反生離別寬一意作人師去
留非意存際此慘冽候悲風號前村促子以就道言拙勸停轅
此別何足惜燕京昔曾奔衣薄裂肌肉沙揚窘蹄痕第恐此別
後幾時共寒溫計子束裝期孟夏草初蕃燈子凄然影念子臨
去處者
卷之三
二五

寄內

憶昔賤貧時晨夕常相隨高樓爲書屋樓下春杵垂誦聲與杵
聲兩兩復相追愧乏四方志而徒守房帷壯遊無千里遊無數
月期春鳥與秋月朝餐與暮餐未知聚首樂而免離別悲一自
登賢書遠觀京邑奇送我至中門慰屬離涕洟子視不敢仰予
悲良有爲老母哭泣送此情曷忍窺而其纏綿意餘情一及之
摘選語署中六載復無岐寒暄時補綻首舊親薦炊去冬逼歲
暮攜子返里居子留我獨往官守難久羈少年悲分散老年怨

別離此意何分別子淚復漣漣寄子莫悲傷子婦尚堪怡勝我
荒齋內啼鳥間鳴鷓鴣健婦持門戶古語良有詞盈途多戍卒彼
婦洵難爲

其二

計子坐草期應在夏月五而曾不及待先期赴案廡征塵歷江
津心長恨短羽迎風素書來將開慮復阻慶幸得虎兒魁梧復
健舉母安已堪慰多男亦足取云胡未經旬患疾復寢處簪珥
易參木典衣佐巫鼓雖云已奏効得無聊寬旅慙愧勤王事
聲未一觀此亦非所較此事盈今古見生方寢床父骨已腐
及其豎立時音容渺難叙相見定有期背生何足數

寄示長子新烈

旅况蕭蕭條家音復濛倒飢鳥夜雨侵枯荷秋風掃馬子有書
來道汝形枯槁而子所自述伶仃歷夏杪憶汝未三週曾未離
襁褓夏締與冬褐襟袖成葉阜嗣此苦疥癬歲時常繚繞以之
體屈弱柔條畏風矯未病屢思慮既病傷懷抱臨病撫視勞憶
舊夢幾幾念子婚娶畢應思娛衰老而無術養衛旅情復如舊
我無七發書即有子石曉庶其示此言念吾以自保
仲夏余體崖鍊師橋之西湖夜宿孤山精舍

愛展出郭門遊展定何方初日已曠皎微風正涼涼小艇橫中
流酒榭列中央鍊師從中坐客與復矜莊家孟及良友情致各
倚伴不逐泛湖者絕與山水忘山光與水色青草共綠楊以意
相領略而難形詞章挽舟出三橋隨流汴芳塘舟師無急篙值
僕無譁張靜中風徐來莫以名其香停棹向荷渚忽焉香暗散
又忽急露時衣裾盡芬芳十里至茅埠云路已斷航久不至雲
隱登陟日正黃盈途盡樵牧一一讓之將缺幾續壞木古墓眠
石羊飛來峰下穴馬鳴嘶且長已得瞻紺宇鐘聲出上方殿閣
洵高邃金碧間輝煌山林太岑寂富麗或相當於焉竟同舟此
理費商量時愛孤山游曾未領夜光荷師殷勤意下榻語誠良
忽然烟雲繞驟雨胡蒼茫池水添新波荷葉被晚粧視昔停舟
處香氣覺別嘗雨過別數星黯淡坐修廊論弗令燃火火明靜
氣妨遙瞻山脊上一燈遙相望幽意留不盡松風到枕傍

得子靜病起信越二日復開簾候病甚

白露蕭清秋納焉思良友滄洲在何許實鴻阻隔久隔水見芙
蓉采采不盈手想像生晨昏高風來枯柳河汾函丈尊落日明
虛牖譚罷有閒情一念故人否千里來素書讀書涕沾裾隱侯
初患病纏綿二旬餘病起得病信惻惻寸心枯無力謀養殯而

暇及醫巫風精衛生術庶以全區區參苓何辦繼使我正躊躇
復得馬子病呻吟牀簾初伯兄有手札之子應無虞母病不解
帶天心鑒勤劬而况檢飭間芝蘭與瑤琚要之修短理原不問
賢愚伯牛得奇疾子淵芳歲徂情真自慮遠驗古欲今殊紛紛
增百感歷亂盡難處得信在病時此情更焉如願使子憂過不
欲兄言誣安得修羽翰共乘長風俱

寄答八弟秋澗

倏忽成五載感慨同昨日情至不暇陳悲往重院塞四序連催
謝玄冬忽迫又曠野盡蕭條悲風來牀簾念我同氣人何事不
堪憶東水來雙魚素書成五色歷歷訴中懷紛紛生光澤初讀
木葉脫再讀嚴霜白讀罷繼以歌雁聲從空擲荒署苦相守寒
江理鱗策故里相對歡空舟獨馳迥皆我共歷情成子獨吟魄
我鴻無遠羽時危慮戈弋子駒離窘步天衢堪奮迹來詩有鴻駒之喻故
之嗚呼時未成詩書與迥窄既乘幽人心復臻達者席此懷堪
想見對酒臨風夕而我正擾擾煩襟何時滌因子抽生涯無能
代刻畫始知獨無數古賢良側惻

贈謝贈君詩

醴泉行大澤芝蘭秀中庭源清流自潔本芳幹自馨煌煌三古

德切切未俗聽聖賢重色養俠烈貴輕生次第晨昏節殷憂
痛情最難黃巾幟戒入孝子極最欽青衿子喜就絳帳清羔膏
洽祠考廉饒給貧憐曰惟仁侯惠曰惟曾孫誠讓田與還金古
道存典型兼之無乃難煌煌播義聲昔也美滿箱百千尚輕盈
今也祇盈筐僅給釜與鑄而有產可鬻敢使節古萌古渡隨落
照屬涉苦羈程誰令一犂高跨龍與巨星寒烽滿荒野竄伏多
震驚誰令一堡築磐石與長城所全有大小所濟皆急更仁人
惠施術英雄經濟名余侍君之子皎皎星日明飲醴人欲思佩
蘭人欲迎兩雨不忍舍要須究其萌千等與百畝長自快縱橫

卷之三

七

卽原韻贈謝定夫明府

蕭蕭霜露盛天地正氣迎金門獻賦客百里寄專城霜以明其
潔露以喻其清冷冷洽霜叶矯矯齊琮璫顧此下邑里凋瘵嘆
風成陽城無下考卓茂有仁名驛遞紛使節徵調皆重兵御之
以靜鎮喻之以至誠接之以謙恭志之以廉明祥麟馳林藪威
鳳矯蒼旻皆以讀史識形爲循吏聲微絃不須軫性情生餘音
花影香公座玄冬正敷榮昔年祥星降茲日紫氣明君里高閣
聞此地快風清

用原韻答吳自牧招飲不赴之作

盤餐盈蔬蕚無乃太清素忽聞折簡招鼻端滲香具寂寂晚照

空經年坐寒暑何暇擇賢主聞招卽奔赴重疊日三至將焉決

去住吳子最後期水關素心慕主人夙雅辨肝鬲炯炯吐日照

寒樹明夜語驚棲驚相許竟從之主賓冀歡聚而他不忍捨欲

令更期布此固意中事第難形尺素勉強竟辭之手軟不得顧

爲我呼僕從取道城西路君家賢大阮寸絨達情懷呂子往龍

山四座歡無趣習池風景佳何妨易遲暮三招不得一此悵何

從訴出門作訪友所辭偶再遇延我坐小齋烹茶僅盈注少焉

杯半陳少焉芳鮮度半作辭謝語而中甚不惡聞子情款款賓

古風書

卷之三

五十四

筵復屢屢勞君親踵門奚童往來背我意誠徘徊而彼已扃戶
此中多反覆去留意如霧以此反覆情成君翺造句讀罷更沉
吟珍錯盈芳箸

乙巳孟秋大風折署中古柳借賦

戊拆起寒更夜理煩超越河漢瀉清影柔枝忽明滅青青色堪
餐皓皓光逾潔疎條橫堦除空明數毫髮一朝忽圯傾誰與宿

明月

其二

古幹參天漢靜氣自融融微颺散林際搖蕩綠陰中柔枝旣旖

光黑淚痕灑衣帶波聲生床席我望芝溪峰
青田名勝子望禦見城

奉贈秀州郡伯王公遠先生

鶯聲和以婉松華落澗香風日洵佳麗壽觥列華堂夫子人文
彥剖符三吳鄉胥山壯節蓋蠡湖耀清芬金魚艷艷垂廻鏡長
水塘奏課稱仲都神明美孟嘗荆棘無刺枝榆栢森成行有時
几案清藁氣紛蒼茫高乘人倫鑒多士盡琳琅非由蓄智珠胡
能月旦臧法也荷憐懷風昔欽聞望瞻光旭日麗入座清風揚
永懷惟令德勗哉無能忘

永懷惟令德勗哉無能忘

1. 10. 1962

吳孟舉初舉子詩以賀之

憶時歲丁酉予始蒞語水所交盡羣彦年少最吳子神駒與鳳

離所譽在齟齬倏忽八九年多男慶伊始驚蹄應空羣翠羽復
何似吾過吳子居壁觀盡圖史既有藏書樂自得傳經喜念予
苦久羈賦歸切故里相訪踰十年能呼老博士是曾昔過我饜
我家酒旨相訪再十年英風難逼視珍重出詩章肆應壯堅壘
如日麗初照莫測其所止如泉始流源莫窮其所底甲第春風
高君家餘事爾

其二

我年二十六有子續寒遯歲月方俄頃孫枝將嫣然君年適相
倚啼聲驚四筵在昔疑遲暮而今起纏綿我意在有後君喜在
光前昨夜胡續紛紫氣滿州錢吳子名無侯頌君名方廣公子篇
之振

丙午元旦且舟發之秀州

堪憐亦言職朝賀及爾身五更霜正嚴肩輿戴及晨中懸至尊
牌拜跪稱微臣歸來展雙像草草省吾親一飯甫未畢舟子俟
河津禮空謁上官不謁上官噴逆風吹浪急一火如微燐孤蓬
挾淒雨濕重更遶巡舟子頻歎息聲言胡苦辛中途逢大艦蕭
蕭處蕭蕭
宋之三
三七

燈夕復泊舟謝村用前韵

佳辰能有幾兩見隔餘旬元旦及燈宵俱作舟中人珠箔與繡
幕孤蓬歷草茵或借星月光權爲燈火輪四望盡烟雨慘然氣
不春蛩燈及龍燭略盡此寸藥借舟子前進言今夕際良辰盤
餐無方員村酒進願頻出言謙而厚卽此盡主賓陶然三四酌
風雨復相親意止集孤舟而不及城闕不然輝煌夕將同聚青

憐何堪綺段裝屨鳥集垢塵何如寂寞子兀然守河濱寂無聲
竹喧香無金鼓填一枕欣逢旦樂此得靜真

汪子約爲其尊人仲常公乞詩走筆贈之

春月旅携李淒雨來晨夕遠探得古書近投有佳冊挾冊何所
云披覽生光奕誰於服賈中而美詩書澤誰處奸利時而見市
義客至今仰君名淮波爭清碧同氣敢不敦况毋實愛擇畀之
司管鑰遑敢問出入及其處流離遑敢吝田宅古人重大節聖
賢首庸德承志在生朝泉墓永朝夕吾觀永俗風掩卷深太息
道傍有棄兒平野無虛弋攫金盡閭里絲粒來驕色君今所施
爲事事準古昔如讀義俠傳如入清白室載讀嗣君言每字無
虛飾云有考終訓佩之敢不力吾今得綢繆真氣盈几席向見
淮流清今見驚水碧

呈陸鶴田大參

君爲三吳秀我居東越村受知在一日異流得同源相遇吳山
上丰采何軒軒北關師禮肅健馬夫子於西關舟中復會同西湖友誼敦
子相期在不負意氣比蘭蓀都門相聚會惟君開芳樽君折上
花我起下澤輶願晦旣殊途素書阻南鯨琴堂日光雨柏臺
霜色繁危言切國計改容動主事寒夜讀公疏體稟復加溫古

來忠盡士盡此激烈言藩宜任不易驄馬出太原予時復入都
共饒都之門盈盈忠君淚風沙霾日昏旋聞疏歸養光采耀田
園君誠天下士所全俱大倫視顧當湖惠臨先華轡感君故
人意亦爲寒士存撫今追疇昔能不涕瀾翻同時八九子睽異
各寒喧或名列霄漢或身躋鸞鵠卽有未遇者豐韻定高歎賤
子獨何爲身辱名亦屯一悲榮枯異再悲生死冤翻淚雜河水
一向蒼溪云謂李于嵩

贈當湖倪石麓明府

不才甘役役輕舟之當湖一入令公庭花香滿堦除父老爲予

古意

宋之二

三九

言使君政實殊昔日嘆凋瘵今日頌來蘇讎獄稱平反輯盜免
荏苒千塍徧膏雨鸞井樂笙竿荷茲催科靜敢令國課逋以之
獲上考全由撫字嚮弟子爲予言聖宮首闢除穢極與桷棟一
一親拮据十年茂草地輝煌盡塗意主典文教尊聖自崇儒
最喜人倫鑒明月照扶疎雖顧慙鸚鵡願作龍門趨聲名走他
郡昨舌讓大巫數載過相思朝夕接芳裾詩才輕鄴下賦名高
京都始知循吏蹟出自名士書良晤恐非久柏臺應左虛皖江
清且潔鷗水紫而紆名宦與人物兩地載輿圖

贈別潘泳瞻

自予少小時君文滿萬頃安仁美詞華賦名等江陸鳳羽倦翔
翔鸞鶴與碌碌絳帳同施盤盤其首藉十年相浮沉百里時
寒煖霜冷弘文館宋詩試士之所月明東湖麓此時良聚會披襟快幽
暢一時君奏最所司仍寒整我越近凋零非君誰起復壯麗夏
王宮風流蘭亭躡山水留待君文章應川谷予友與予兄函丈
得親沐何時返故都公門領芳馥獨憐舊游地嗟風滿破屋

入弟秋閑得傳聞報後作

予季傳賢書喜極轉涕泣憶昔辛卯秋郵報狂雨抑吾母晨起
望四顧心惻惻吾子讀父書羽翮豐殷葦予年不及待或僅光
泉石須臾得喧傳理髮未及樽涕泣父云亡須臾決亦拭至今
我闕里喧傳應知書北堂拭淚人尤原空汲汲

其二

美子美羽翮因風縱高翔高翔在何許道里未易量鸞鳳無卑
棲騏驎志遠驤東西直馳驟滄海與扶桑無或言倦羽羽倦難
再揚

其三

惟予多弟兄朝朝長苦飢每至聚首日首問及饗樂良賈非所
任力穡胡能爲妾風斜雨日苦吟在讀時嗟予首藉盤焉能公

晨炊子其亟努力鍾鼎有餘施志非存溫飽庶幾敦倫義維予
賁負或望子補救之好友黃與鄉盟好亮不移

其四

有客前致言公車可早卜庶幾借新劍或亦利廢鐵聯鑣入國
門意氣相征逐所以功各士入洛稱二陸予則笑謝客此志寧
容復鹽車有敗輟利驥亦驚足看花成獨往何事嘆孤特古來
勢厥坡不在鵲原側

一 丙午同舍魯秋渭北上管襄指呂莊生邵雅公鄒子素馬

錢侯俱送至甘露巷爲別不見楚都愴然志傷

卷之三

一

客子悵行役揚舲上帝鄉帝鄉三千里此別一何長親知抗高
誼祖帳出芳塘咸云屬壯遊意氣當激揚攜手上雙關燁燁金
鳳凰姓名動京洛獻賦重明光再拜感高義執手以徬徨須臾
淚欲下不爲遠道傷憶昔良聚會錢子實在望今晨成遠別恐
不赴河梁遙知九原下延頸徒茫茫徘徊意未竟悲風起北邙
玄雲復冥漠旅鴈不成行數子返故道觸目動遠愴

過半塘乘月登虎丘眺望和秋渭韻



玄陰結薄暮夜理蕭寒清揚舲芳塘流光不勝情廣漠浮雲
歛銀漢發新晴徑路藤蘿合青娥塞難遠孤燈村落近宿鳥靜

自鳴捫磴碧蘿滑循階履齒輕亂柯翳崇密商巖發林聲憑吊
佳人迹流連伯主名墓悲蔓草斷石見光怪生珮環歸明月劍
戟起空精靜觀來冥晦燐火光青焚甲古久延佇露下衣帶橫

贈李文白

我翁與若翁情意同膠漆所以少小年與君遂成密嚶鳴方共
雛蘭芷方共茁左手持棗梨右手持卷帙出試童子科俱振凌
雲筆握馬思遠鳴長鴻快輕逸遂振千里遊安能守斗室泰岱
香煙雲隴西聽軍威遂巡二十載音問成蕭瑟辛丑入都門與
君重促膝燕歌自慷慨燕酒成淫溢寒潭秋月中各嗟驚忽失

古唐詩

卷之三

四二

予昨而終難爲主者所賞有寒潭秋月弊裘返里門子送我停
蹕每欲寄素書鱗羽恐阻雁今朝重入都往事不堪悉爲觀宮
前柳新綠耀初日爲觀寺前松蕭疎更森栗獨觀明鏡中霜髮
不可櫛問君近何爲致君精法律遠志邁鄴侯英心越丙吉國
家搜異材如君定遠出而予頗多事處禪矜捫蝨重上黃金臺
臺高等岸崖燕酒姑重斟燕歌振林蹊

都中贈期生姪

吾邑古越州歷山獨自歸先人結室廬詩禮素嫻備所以高第
名庶幾易衣地吾姪擅英姿玉樹真堪比少年懷遠遊京華快

感致慷慨同仁俠然諾一秉義叔度與士行古人定可擬壬辰
上公車籍咸初面試恂恂執節恭不以齒自恃辛丑重入都下
獨不我棄朝夕相晤對纏綿復命幸以此感予心豈緣旨飲待
越今逾六年相對仍無貲各各前致詞美子多令嗣既播荷今
香復燒貳車利從此功名傳家聲庶不墜而子復美我曷昆相
聯譽利鏃復雙鵬宗黨實榮昇在我爲妄覲在子乃實冀清談
越午夜幾忘鞍馬憊張火酒屢斟頽然盡一醉

阻關第一日

帝鄉懼不遠故鄉憂不近幅紙計程途傷心紙將盡御河北風

古處齋詩

卷之三

四十三

烈逆浪如奔陣徑路多曲折橋柁難奮迅歷亂涉此灣地名
遂巡復不進虎豹守天門獵豨壓重鎮盈盈一水間守吏令嚴
峻高下限地勢宜塞難意任渺渺無前期安心俟河潤荒涼四
野煙憑陵難一瞬隔岸古廟有板橋難飛迅

第二日

吾愛張志和浮舟作泛宅飄泊等浮雲東西隨意適我困孤蓬
下經今兩阻輟萋藹覆迷津黃沙障廣陌巨艦當其前高葦森
若戟爭首在泥濘能無困戶塞陽春不我留大火流今夕古人
愛日意秉燭歡無數而我獨何爲陽光欲西匿盡此一日留庶

幾快行役百年有盡期此意真乃感

第三日

鷺島困樊籠惻惻已成誤仰首一悲鳴俛首復四顧感激縱飛
翎此意誰復悟壯士嘆窮途幽人悲窘步有楫不堪理何如值
岐路西視白日下晨起溫零露傷心三閱此徘徊自朝暮跂首
望故鄉遠道終可赴屈指溯流光久長終一遇揚舲渺渺期邈
如墮煙霧太息籠中鳥共爾守貞素

第四日

晨起逢長官戒吏謹水虞蓄之利糧艘小艇空驅除予欲告長

古處齋詩

卷之三

四十四

官安用驅與除我舟敢偷渡不比江與湖切切鄉中心當亦念
勤劬官吏不復言揚鞭矜疾徐感此有餘慨何以畢長途游魚
欲縱鱗而多設之罟停舟月在晦三春已告徂及茲幾晨暮茫
然歲年俱舉頭何所見新月已弦如

第五日

五日遊一山景光堪遐矚如何酒轍中終朝相拘束筆墨生餘
塵心思等局促散步上平阜飛塵紛四觸止令枯蓬中于斯成
歌哭長揖問鄉人遠道何時復答言無定期水深期可卜朝觀
不盈寸暮視不盈軸四顧徒徬徨枯腸有轆轤黃河無泛濫崑

崑徒停蓄大風能揚波吹沙上爐舳

第六日

喔喔鷄一號惻惻有所思底幾歌邪許輕舟暗得隨水聲徒涓
流極輦有風聲紛四吹用是結中腸嘆息聞前帷予季婦抱病
歸心不可支相對兩相慰默默兩自摧盛氣語舟子約我五六
期停泊竟及此而曾不少移明禁在朝廷漲酒任天時柁櫓不
堪使我輩詎能爲怒至無可罪欽容以謝之

第七日

困坐無計策語僕探前因或云渺無定或云及來晨適意易得

古詩

卷之三

目五

喜愴懷生噴浩渺終難卽知非達者倫緬懷達者士此際亦
遂巡語我以忘機鳬鷗去淺津語我以聖零飛花咽路塵浮雲
起天末倏忽東南屯朝生心飛揚暮生心沉淪戚戚長離憂沉
沉若飲醇古賢能坐忘七日及茲辰

第八日

公冶困縲紲文王囚羑里當其拘繫時耳目不堪使以茲魚鳥
親孰與行徒週借理聊自慰安心任所止聞鼓響巨舸喧聲紛
四起云已開水禁驟聞色驚喜須臾風奔觸飛沙走荒壘黯淡
天無光震蕩日沉水關吏告舟師國儲無輕徒所隔祗一區所

爭止一畧不敢問天心默默徒自靡

第九日

五更聞人言水勢快奔溜巨舸已揚舠虛傳不似舊平原示飲
期劉伶值醒候遜期尚未及溯葦或者驟篙工束茅前僕夫作
勁後舟婦挾兩柁指揮令輻輳堪憐舟中人汗漬重裘逐鳥驚
在傷弓魚志在網漏溯洄或後期意外成反覆得過如仙舟飄
飄矜不謬又慮前川隔復幾晨昏退

過登賢鄉聞纜上而後舟卽阻爲之代悵

時日旣已久揚帆苦迫窄每至過關隘天險不可卽臨食糜七

古詩

卷之三

目六

署當寢床簀與舟競爭先儼然赴巨敵持纜如負弩持篙如
執戟奮勇可先登少怯成敗續今日予舟利瞿唐已溯逆後舟
嘈雜聲追隨如不及登櫓一回顧水涯壁堅壁又如一隊軍橫
衝作兩截推我利濟心况與連晨夕遙知彼舟人延頸徒佇立
其二

我舟旣得上紛如獲寶瑛篙工盡矜揚僕夫皆雄傑或云如御
馬稍縱卽成踟我惟開六轡縱送成奔疾或云如運斤稍頗成
缺折我惟正心手風生與電掣我舟飛隼利彼舟枯鱗竭我舟
劍飛揚彼舟絃中絕我時默自思偶爾得便捷如何倏忽間便

自分優劣咄嗟後舟人失意拙言說臨風發長嘆長嘆凡一切

蜀山湖

平阜散林楚極目鮮暹眺停橈南柳林繞湖光相窈窕延袤四
十里水天容浩浩沿堤柳如線清陰快晚炤萋萋綠葉齊波紋
亂荇藻鳬驚靜有餘魚鰕樂清潔蜀山當其中丹堊曠古廟漁
舫紛四出聚畧復施旂鄉老爲予言天朗日光耀東北望泰岱
高峰見遠邵只今白沙張隱約露餘嶠安得明月遊坐茵發清
嘯遠山鬱雲藍疎林叶商調耳目紛應接靜觀生奇妙寥落青
徐間秀潤而幽峭因念明聖湖延佇俟憑弔

過滄州候馬乾若先生不遇悵然志懷

每懷知己恩感激涕泗連如何十七載姓字沉寒煙今藝固齊
瑟昔賦豈青錢始知得所投遑問嬾與妍迢迢吳越水流不到
幽燕獻書北闕後執經函丈前渺渺古滄州延佇幾逝川停橈
問遠道脩途正茫然落日逆風急孤舟苦迤邐徒步逐飛塵度
陌復越阡賤子通姓名關人阻寸箋時值寒食節臨墓潸豆筵
世兄美容止相對情纏綿踴問詞未畢流淚與傳宣高卧東山
久而復兩遭慙陟岵生莪怨撫琴無故絃賤子實負疚弔慰詎
缺焉所嗟道脩阻及門復棄捐願少俟須臾同舟急言旋廻視

清風樓中對渺渺若高天安得生羽翼絳帳時往還

卽席呈謝蔣虎臣先生

夫子握寶鏡朗如明月光至今吳山上猶自亘光鉞十年卧
山銀魚重銷銷下車櫛京華寧敢後登堂不以賤貧故恩遇
非常始知時澤播庶卉沾春陽錦綺何璀璨音曲何淒揚方且
旣雜陳蘭蓀在瑤觴出日君子賜嘉旨更芬芳夫子抱微疾
爵傳論詳爲樂當盡歡明星夜未央憶昔叨公譙及門列成行
今者二十餘寥寥嘆同裳卑者入九淵高者上闔闢自傷異
晦復感殊壽殤參差理非一嘆息結中腸負報知已恩山高而

水長

舟中見新月

孤蓬清夜坐空華散餘影長川光漱灑萬山氣深靜幾忘歲月
徂對此發深省焚焚來皓魄仙娥垂素頸浮翳四野歛飛雲屏
空逞瑤星與碧漢華池而璫井隣此一線光延盡無窮景

復次韻

李侯濯濯姿不侑俗俯仰寄跡塵寰中托身雲霄上興來輒沽
酒餘錢掛印杖來作任城遊風日美踈爽殘樽發餘豪勃勃流

指掌空華摩蒼穹容與漾決潏既得耳目幽自慙心神敞是
與共親歌嘯成孤賞四明賢主人專城茲邑壤徘徊明月夜
手共來往夜即亦風流輩鼓忘悵快况茲佳美地行雲過流響
至今風雨夕綢繆話雙像鳬峰與並高汶水與同廣欲繼二賢
遊空自說高明

舟中書示八弟秋湄并以志勉

既嘆關山遠復嗟行路艱風霜驢背徧烈日孤蓬懸其間天倫
樂莫令草草還自得為弟兄三十有五年當子騎竹馬予已束
簡編年既踰十載情性難共宜迫知兩兩慕中已多變遷屈指

古虞齋詩

卷之三

四十五

一年中能幾晨昏聯不意遠行中六月得周旋北風共旅舍明
月共夜船開談論理亂抗志景聖賢對酒述先德詳細而纏綿
臨風念家勢慷慨而悲憐篋中唱和詩搜篋盈百篇盼望近故
鄉反傷賦各天予既濬仕宦而猶戀語川汲汲衣食謀敢云絳
帳專婚嫁粗堪畢銳志賦歸田而予遙歸日正子初着鞭人壽
能幾何安得久遷延予上有三兄子兄增倍焉安得孝友堂輝
銘堂雍雍樂天全酌酒復行歌白髮共華鮮及時須行樂作別
數日惡每懷二公意反復歌樓事

其二

緬懷吾先祖抗志青雲路坎壈屢不投志堅得晚遇吾弟勉乎
哉一挫莫窘步士不有先容幾失阿房賦已杜牧之阿房賦主司
勸歸韓子獲管文初試已成誤讎微是公賦不題一字竟售云
始知窮達事紛紛何足數囑子西歸日筆墨自朝暮秦漢及元
明文章與詩句縱橫而沉酣奔赴若風雨指掌留古史經濟及
世務至于逢世言束之在雲霧信筆掃千言自足空流互左持
魑魅頭束手令驚懼不敢笑人過命達無憎忤我已遭三刑治
然任天數大怪與小怪此輩直庸豎李杜無知已名山徒四顧

恭謁仲廟

古虞齋詩

卷之三

五十一

欽哉仲夫子千年德彌耀鷄冠何峩峩雄風四座炤一自聞微
言投劍佩聖教百里勤負養千里勤前導意止申大義敢云明
所報當其墮費時權姦氣盡耗始知氣槩人至性咸精妙仁風
被蒲民遠邇感德邵所以澶淵間結纓皆震悼奔走求遺藁
殮盡仁孝相傳招魂葬群然修隧道仲夫子墓有三處皆
而名爲招魂葬
至今鳬繹間草木發清嘯小子勤景仰豈僅瞻廟貌一拜返孤
舟汶流何浩浩

高郵湖

曉氣入湖青暮氣入湖白蒼茫千頃波光景隨意適吾時過

楚對之心神得浩蕩水天間黃河如溝洫小鳥不知名低飛貼
水側漁師網四張布巾如軍壁倒持鴈與鳬意氣矜著弋既樂
天地寬復荷天地澤蘆葦風蕭蕭藻荇花寂寂高賞洽玄化幽
華快晴昔湖容美竒宛精榮光四出觀此相昂峙高柳後實相連
尹號真邢匹震盪波雄偉都許並吳蜀縱觀奇紛投靜收理均
獲值此落日時魚龍靜自得

秋涓預約歸舟當晝遊虎丘再窺其勝屆期霪雨且舟子

以水酒從楓橋抵閶門不得過悵賦用前和韻

客子西北馳氣凜霜霰清炎夏返故山林泉樂餘情結想在虎

古唐詩

卷之三

五十二

卑顧曉陰與晦浮霽冒通曦初陽不我迎枯若聚流漸河州爭
細鳴不聞登山屐而因冒雨輕半塘路若斷縹緲無人聲溯洄
從別徑脩阻不通各玄賞既已失幽適何由生坐石發清嘯臨
池得光精局促步成窘惆悵心徒焚後期遯難卽盈盈一水橫
過陸雯若故居感賦

主人營小築初開闢草萊玲瓏開戶牖次第成樓臺圖書列曲
几荒園植早梅良辰開芳宴張燈快傳杯時予亦在座主人洵
豪哉百年期苦促晨夕以徘徊閱今曾未幾庭鳥聲餘哀寂寂
雙扉內淒淒素帷開曉昔風流地黯黯閉重苔停步徒延佇傷

心自去來不及城東月時照舊水隈嬌艸

飲西園雜興

涉園自成趣曲折來幽雅戶牖松杉清紋石與碧瓦嘆此徑路
殊如未覩瀟瀟濕路俱主人延入座坐我古樹下遠岡生晝陰
方池冷長夏睥睨落照餘豁達同廣野昔年長過此開樽復設
鮮今日復何爲重追高陽社賓主成故歡園亭非初假月照有
新楹燕樓仍舊厦變遷可不言臨流快杯竿

大日飲許歸堂觀詩人

飲君真寄亭風物洵高曠小橋流影清梅花開遠嶂落暉與初

古唐詩

卷之三

五十三

月承席成殊狀今夕飲君堂別有風光放疊石爲小山方池文
魚漾芳草不辯名隨地成奇貺古木有餘蔭好鳥來遠唱結構
自幽雅踞此便疎暢達人齊有無高士冥得喪有酒堪酣飲君
懷素豪放餘情不復縈歸途值月上

刺東呂夢懷孝廉讀予詩文極蒙見賞似非浮譽者賦此

志異

少小弄柔翰長遂思紛紜志與古人抗席共作者分吟成聊自
識秘之篋笥中卽或付棗梨千年託氤氳焉有今世人喜讀今
世文吾時遇呂子冀北之旅次日出各揚帆日入共停轡予性

苦霜寒子氣作蕙吹靜好各自知短晷稍不秘挾之竟登舟永
日供笑習快讀等騷雅歡呼亘淮酒同舟爲予述一言無異
古今筆墨中偏生情性事勞君開青眼婉予初問字咄嗟一人
知有恨直埋地

劉汝瑞明府尊堂自鎮江迎至任所感賦

城中紛旗彩城外填車輪簇簇復鱗鱗令公往迎親父老伏道
左香烟咽路堙大舟前容與小舟後逡巡將迎恐不及各各生
精神乘此風日麗重開北堂春人生貴努力榮耀及此辰資級
有崇卑至性無顯淪顧此苜蓿盤堪充菽水陳亦切瞻雲志雲
行處詩
卷之三
三三

贈邵雅公

與子生同里聞名若珮瑤結交在何日越城風雨餘兵燹正紛
擾談文樂遽遶芳袖懷試讀讀之聲笙竿蘭亭珍奇序禹穴來
素書自此各分別芳訊阻鯉魚卜游得語水子已十年居茲地
人文盛云半屬吹噓以子絳帳高槐我青瓊瓜所樂從晨夕開
尊擬園蔬姓名慰寥落京洛憐馳驅鳳池春晚集鯨海浪暮馳

廟珍五色采賤貧豈子虞燥燦黃金花采色耀通衢皎皎白玉
霜骨節映水壺懸弧在茲辰明月光正舒時值九月十五盤盂盡員方
酒不記巡行寄語介眉翁問夜正未央

夢伯夷求太公書薦子仕周和襄指題用臨齋韻

日瞞行采薇倦息山之阜一歌大節明躊躇復心口通翁守臣
節而子佩黃綬未聞秉堅貞貽謀令世守西山有捷徑胡不
我後猗歟秉鉞翁夙昔稱老友尺一試貽之顯晦寧遂負略陳
寒賄情備誦勲業厚卽非素心人譽言寧予咎賤子曰某某驅
策頗堪受而其汲引功能無望黃耆君嗣作廟珍子胤棄敝帚
其處詩
卷之三
三四

其二

朝采山之巔暮采及山阜薇蕨行療飢憔悴子同守憶昔膺侯
封循大爾當有一念重父命再念在我後致令秉鉞功咄嗟讓
呂叟呂叟伊何人居海曾對偶新主難再夢故交可引手何所
致殷勤薇蕨以爲壽拜授丹書暇何惜一舉口或者薦賢功十
亂不僮九卽事隸家宰亦是君實友端望弓旌光焰耀山左右

憐予商遺民龍節定不受理無事或然聞言堪佐酒

秋涓至武林屢約到石門以游興蕭條擬由苕溪而返迨

于歲暮不得果來次錢侯韻志恨

聞子涉錢塘湖山快相聚兩峰空縹緲烟雲繞其處小艇駕蘭
槳子應自來去而予夢想間恍惚京都路共被得間關寥晤在
閉戶徘徊明月夜有酒誰共娛聞子苔雪游山水美無數望望
語溪人邈如墮烟霧俛首觀近川仰首看歸雲雲盡川窮處有
懷直到君

次前韻懷琅數時同秋涓由武林至苕溪不果至

五言詩

卷之三

五十五

聞子挾余季晨夕相共聚廿載素心期渺然在何處終譽貴自
保初心何忍去皎皎明月懷悠悠芳蘭路良晤洵非逞敢令勞
題戶積懷良夜傾臨風把酒娛忽云不我即愴然淚無數碧浪
無晴帆峴峰有宿霧悵矣悲寒雁淒然念凍雲此情誰與共書
之一問君

與黃二琅蓴鄉九子靜訂交詩

交久感歎故重訂之

白日麗當陽浮雲蔽其中積雪瀾四野青山忽當空明晦有異
致變遷理則同如何不榮朝光景無終窮達士抱貞素君子保
令終予性本孤子少小罹鞠凶特交鄉與黃讀詩廢谷風意氣

各自負刎頸不難逢中年閱歷久自愧方仲仲素心苟不渝何
當論窮通故交易銷毀新知每崇隆重作訂交書故由啟新封
昔如今日始後如今日終守此歲寒節澗上青青松

丁未仲冬連日大雪因憶往歲與秋涓弟阻河間

夙昔天未曙烏雀喧林柯五更城柝盡寂寂寒意多白光盈窓
壁晶然焰綺羅橫林積寒玉廣野成素波穿屐履登高閣漫漫山
真河千家炊烟靜數犬奔騰過閉戶增凄戚長途更若何感懷
念時昔聯袂入京洛白河水瀾々冰結盡溝洫出門稍飛揚數
里遂迫側冰壺成空觀銀柱連廣陌疲驢鳴且悲僕夫盈嘆息

五言詩

卷之三

五十六

卽此不堪行何暇論其落茆屋收同低行李往卸之拾簾舉地
火烟漲不成炊側側弟兄情妻妾道路悲如何苦鞅輪而反總
霜蹄云當舍轡就驢師古高卧意公車有嚴期村醪不可致村鷄鳴故
遲以茲今日景不堪往日思天涯多作客風雪隨處迷嘆予久客石門
寄問苕溪子重成旅雪詩秋涓時客苕溪

春日游鶴洲

大錢侯韻

春雨散平皋華滋盈綠艸出郭尋芳洲繾綣聽鶯鳴園扉晝不
扃石磴位置巧林薄烟氣沉竹密雲光少小閣暫幽憇靜默得
遠討彷彿孤山樹緬懷武陵島一坑多梅有桃數株甚紅雨已迷徑綠草

自悄悄相約訪高僧禪林鐘磬杳

祝同門勞曾三孝廉

朱明乍啟停涼風襲衣襟晴光盈野綠紫氣亘南岑出郭駕蘭
索縹緲思盡簪去年當茲日絲繭拂獻對芳躅留京國浮踪返
故林殷勤因遂失有懷敢重欽去歲爲勞道阻五百里吳謳異

越吟黃河勢九曲其源本同尋名山紛無數崑崙發根深况連

風雨夕設帳君城陰情好弟與昆贈答珠與琛卽不望膠漆敢

言同參商同門踞頭要叱我如尊臨賤子何足言古道或浸淫

君才富八斗石渠留待任令屬美文彩吐詞盡珠琳森森橋梓

苦處齋詩

卷之三

五十二

茂嘆嘆鳳雛音勉矣古人誼姑哉今日心

天目僂中上人有詩見贈用原韻如其數答之

倏忽三春徂綠密鶯聲小韶光易去人中懷常悄悄焚香冥心

坐玄化誰能了上人來訪我禪氣清儀表天目古名區靈秀而

深窈仰矚山蒼蒼俯聆波森森振錫於其中領略盡昏曉暫來

寄塵刹鐘磬忽清曠一几盈梵葉風來自縹緲名花發新詩有

詩壯丹掩映良不少與之究無生定能發杳渺倏焉遽返棹贈章

意矯矯時予欲忘言長川月正皎

和秋澹茅瑩語溪數日黯然言別詩

謾言來華非感彼鵲原人道遠縱弱羽飛鳴良有因東歷錢塘

路西抵闔閭城語水堪中止往返無停輪孤舟連雨夕擁枕聽

鶯鄰皓日空奇雲旅寓雜炊煙暑衣葛未成深秋艱重茵或者

篤至性寒海不能侵而我念弱質何克任苦辛今日重聚首往

事不堪陳惻惻商公務淒淒念賤貧鼃勉崇令德何憂嗣續涇

酌酒願子醉東歸及來晨追憶旅况苦妻女樂天倫原詩有弟

之傷故

秋涓歸寄諸兄弟及鄒黃二子

末俗工譏毀至道多周章古來貞固士阨塞何能防嗟予遭時

十難齋詩

卷之三

五十一

忌宵小逞無良予季往行役奔馳吳越鄉淒不在旅館因不在

風霜憂不在饑渴倦不在舟航仲兄來訪我情意多徬徨戚戚

對牀語淒淒驟束裝故園多風雨鱗鴻不時將感彼同氣厚念

我同人良我以天自信何有彼臧倉及至發書緘一讀淚數行

友恭我何有急難致悲傷明公允執法小醜自賊戕植蘭去莠

菴擊鳴待鳳凰非敢我自擬此道古今昌請張洵無畏險波亦

難量安得歸來早風雨話連牀

寄呂用晦

國君謀大隱上策在東莊但有書連屋外不列壺觴雪深梅花

放秋高桂子香息心讀易罷幅巾時備得課僕補時蔬呼僮拭
墨牀門無俗士駕此意將終藏憶余初交君原以道義將云胡
請張起累若逐風浪挾策走西湖湖山助高長始知靜者心喧
寂不相妨荷君有好友任俠擅名場意氣耀日白肝膽酬金黃
相共申大義名教自煌煌始知高人得不僅閉戶良懷哉魯仲
連高風千載揚

送邵子峻之商河令

翠羽拂雲漢振響協笙簧邵子握天寵袖染令公香君無輕百
里我視登仙航祥刑輟明允撫俗資循良時裁刑官缺故
邵子調補縣令柏臺

書屋書詩

卷之三

五二九

應虛左小試先琴堂憶昔往上都挾策共觀光予音慚鬱鬱君
采耀鳳凰升沈各異路慰藉結中腸君時責禦兒寒暑共翱翔
沽酒資夜談脩之以豈薑味涼意自豪醉歌音琅琅即今孟夏
初畫語忽中傷坐踞吳山巔目空西湖易山水有餘適雲樹共
蒼蒼情義成縈繆贈言可無將富強稱齊國濟南古名疆梁父
高突兀汶水流湯湯商河漢濕沃其地云荒涼凋疲須善撫素
善經濟方其一善征稅其一寬刑章其一旌仁孝其一黜豪強
几淨名花滿風清素琴張君子樂保障小人饋酒漿稍歎歌聲
遍飛局馳帝鄉

許子顧言索詩爲贈兼勉之

威鳳方少小氣已凌鷹鵬相踰未十載文采自翩翩憶昔初見
子方當舞象年太丘人倫望義方訓經綿君家有大陸聲名爭
喧傳門內得師友絳帳復名賢以此快下筆朗朗金石宣文章
有原委作者須究全六經與史漢蘇歐繼柳韓各各臻神妙讀
之神氣鮮變幻而離奇如雲麗中天蕩折而潔澗如風生下泉
精神融洽處熟巧自生便貴精不貴博取全不取偏譬如登山
者務須窮其顛俯仰視八荒飄飄似登仙子能自振刷已足齊
時賢勗子崇令德垂後而空前青紫何足美大道惟乾乾

書屋書詩

卷之三

六十一

哀詩

哀詩者皆陳子之親若族及方外交先後云祖或人望足重
遽返青鸞之駕或私情方軫已成宿草之哀各系短章代歌
薤露

其一 鄒五玉先生

翩翩佳公子儀采五色綯分齊丈人行子外交
之仲兄德並先民禮而
蒙特達知殷勤異諸情縱酒話古今豆豉常手薦夜寒被加溫
歲歉謀佐膳薄宦任廣文城許邀盛饌郵致寒暄語尺素必莊
繕恩動千里駕云艱杖履便一朝訃音至望風遙拜莫忘分與

忘年此情何繾綣
睽違閱數載
訣言不能前
盼我未歸人引領
在九泉

其二 茅荆來

卜居得仁里
燈火常相望
荷子綢繆意不以賤貧放日晡
勤加餐寒夜進佳釀
分金古人誼所感
道義睨談文過夜半層峰與
疊浪因結姻婭盟
兩兩在泉壤君子子俱殤後次女孀
姻復君若子成人後旋祖羈旅
在吳中故人音容曠君一至荒齋予兩理故舫六載成睽違尺
素見高亮鄉人語鄉事首及茅子喪聽罷淚湧泉天高莫可量
子婦孀幼寡繼嫂年相况哀哀兩黃鵠夜半音爭愴貌焉一孫
校堪憐稱重孤經理蕭蕭珍重君故書誰矢程生心握手話
泉途

其三 張則宣

至誼忝中表交結在少小辛卯薦賢書蘭譜增舊好挾策干明
時聯轡長安道兩兩遭按劍長途傾懷抱離索向語溪公車必
我造乞恩踰十年力撥嚴陵棹緬懷石英山風月胡皎皎授嚴
安廣兄踞坐其巔高懷共縈緲握手在會城兄顏頰枯槁而尚
文任云無疾悲風旋縈繞傳聞奄忽逝清俸囊無盈解驂望令公脫
購在諸生靈輒不得前江風吹素旌每念傷哉貧薄宦無變更

寒蠶從古歎生死有同情

其四 孫爾占

少小誦君墳墨花光簇簇踰蹉二十年猶然困場屋戊戌上公
車共君飭僮僕左手拂長髯右手持醴醪孤蓬兀然坐曾不磨
筆墨春官終不遂荒署理首荷量移在樞李共事良稱淑孤舟
泊宮前泊舟多聚招飲不俟速連袂謁上官促膝話明燭春仲
便訪君卧病就寢宿姜子夜呼我為君倚慘然聲雜哭聚首三
載中生死胡瞬倏在昔稱老友在今稱同寅送死偶相值拜奠
得少申靈車過語水俟送河之濱悲風胡胡寂然夜半過城闕此
情良缺然難索愧古人

其五 邵立夫

惟予之內子屬子之妻姑誼屬交親厚憐子先子歿負笈到語
水云謀絳帳舒遂將說項意而為曹丘徒自此十餘年過從曾
無虛餘歷為我壽首荷為子蔬執節惟謙謹酒後常狂呼令嗣
稱雅飭善能讀父書一試空桐川桐人羣來驅寄試桐郡得首
籍名成慮復敗力抵寧辭劬冬仲來別我雨雪間歸途情傷家
食艱色慘謀面疎殷勤寄詩篇佐之以素書八月秋氣矯長風
落葉堪予切回氣傷涕泣心如擣君嗣有書來予隕亦胡早念

子赴冥期中秋月正皎惟子與予弟旅館稱風好後先甫一日
攜手夜泉道寂寞慰心魂窮愁話昏曉生死理不渝庶一慰子
抱

其六 陳以人

吾鄉冢宰公恭介稱其謚再傳及吾子才美而學廢少罹陟岵
傷僅荷渭陽誼予時婚鄭門朝夕惟子比係鄭甥私慕計然謀亦
善方朔戲空齋明淡泊設醴不解醉拮据十載中羣推善權利
賤士欲逡巡隸廝無仰視有子甫六齡蓄之將盡被而無却死
方一朝成委棄太息入室詩悲感滄桑異惟予念故交結好在
其七 高且中

賤貧乘風無長羽無心效停輪愛鳥護其雛此意何由申

高子聲如戟英風振八荒詩名擅晉魏書法追鍾王而師康成
意賣藥以徜徉內子遭疹疾賴君起衰亡從此遂結交實慕氣
誼良皎皎中天月楚楚蘭蕙芳來時成歡晤別後費思量君家
住何所乃在四明鄉傳言君已死中夜起傍徨驚過問呂子云
得遠書將卧疾良有因壽考卜彼蒼云何不閱月君果赴北邙
念子稱同庚相踰十晝夜不顧良友衰止速修文駕哀至不成
聲淚淫如泉瀉桑車走呂子用晦往送入墓風霜不告貫我持一片心

寄達黃泉下

其八 翁鍾之

翁氏實望族孝友人倫紀詩書以傳家師友家庭裏異姓列厲
行予實漢仰止絳帳高懸處予居不離咫尺慮鄉城阻今得朝
夕比命達文章憎下第劉生耻赴試入會城予亦時偕止訪君
君開門意無青眼視英雄咤不平非以憤知已每誦應試篇耳
目發新理更兼筆畫良秋水生素紙何庸嗟老大而無術遇說
卧疾逾半載參苓扶不起棺累令尹兄喪有門人使移居十載
遙親知半零凋泥君更卓絕愧予情薄淺藥餌生缺略賻贈死
寂寂首荷欲爲羹將君靈輿邀念君爲才鬼何文可相招況久
厭青瑣今君轉無聊嗒取掛劍意不獨在埋軀

其九 爾超

予固錫原盛君亦棣枝盈系同出潁川比居燈火明宗支雖約
略實切同氣情往來隨興至絕不事逢迎而略無諧語雄談里
俗驚斗酒頻呼酌所別惟餽飮昔聞君劇病紛紜炊藥鏹風流
未銷隕庶幾得長生云胡不二載仍踐夜臺盟手奉一寶錄晨
夕禮太乙鍊石與餐芝浴月而沐日卽無不死方定工羽化術
一旦驟鸞鶴玉京入復出世入徇俗傳某月某日卒予胡能免

俗聊哭之寢室

其十 協和兄

先人種世德，徙居高第村。前後相對峙，七服稱弟昆。惟茲羣從中，氣誼彌覺敦。貴介稱公子，僕略無繁喧。游俠志不尚，謂子意常存。中年棄諸生，捷戶此渠園。手持地理書，朝夕與討論。懷哉郭景純，此道古獨尊。兄幾欲嗣美，登陟盡丘原。挾策來三吳，聞名如追奔。方息武林駕，扶病返里門。相踰未數月，慘然賦招魂。予宗素單弱，衣冠今落莫。哀哉子弟六，秋期風雨惡。棣花一夜殘，黯然墮魂魄。悲兄迺先期侯之乎？夜經死者吹墳荒，生者泣離素。如何一歲中，堪此數零落。

其十一 叔平兄

兄與梅和兄實為同祖弟，一以愿懷鳴一以雄放寄。當其少年時，日不可一世。驚鳥無近羽，奔蹄若驚駟。所試輒不售，悲憤徒墮涕。尚冀賈餘勇，作書勉彼季。丙午秋戰罷與弟書有共相振勵之言云：何數月間，兩兄相繼逝。謂梅和兄憐兄八旬父尚不費逢迎，如何西河淚偏向暮年傾。四子俱婚配，中自多英英。但祝懷先德，墳麓奏和平。老成漸零落，淒然感中情。

其十二 金體嚴錄師

曾於顧子座，謂快邂逅初識師。忘言臻玄化，至道見鬚眉。何須鍊白石，不俟餐紫芝。訪師於孤山，暑雨夜正宜。山客靜若沐，晤對情自怡。十載一廻想，恍惚神覲之。移杖駐大滌，惠我居山詩。如觀突兀峰，如親冰雪姿。洞霄古道場，敗簷與殘棖。迎師力振刷，庶幾復古儀。如何驪鶴駕，遽返天門期。傳聞畢命夕，夷然如平昔。欽茲空幻心，渺然去來迹。羽化誠何奇，尸解良亦適。我懷計籌山，風清與月白。

其十三 松韻禪師

歷山古名利，我居亘其前。繞塘數十里，往來如逝川。茗待曉行客，燈給暮行船。以此作住持，心力頗云艱。我師自得度，棲止常不遷。玄言隨意發，詩名同皎然。我時過其處，然爐佐話禪。枵枵餘殘子，清韻雜鳴絃。有時興未盡，索酒沽前廛。我來客語水音，問開十年其中一。返里情致仍纏綿，殿古遭傾圯，重興費周旋。以此誠告瘁，奄然化長天。傳聞示寂日，一偈留素箋。師或了生死，我何去來異。獨念賦歸時，三逕未荒墜。縱步登山巔，大海縱目視。夕陽隨杖暨，逡巡入古寺。俯仰時觀懷，感故人意愈前餘。古石昔時促膝地。

別文廟

觀海知流長登山識原遠幾幾素王宮至德原有本習禮組三
旁庶幾知所返而况羹糲思欽崇得朝晚意不在拜跼誠不在
鹽醢踐履祈無惡祇飭如琬琰廟貌雖云遐山川將偃蹇詩書
垂深澤書紳與佩綬吁嗟陟降靈渺渺發誠懇

別學署

初至值初伏小窗開西牖案上披書快烈日來白晝方快急雨
過涼風生肘後簷棟無完瓦傾滴如決瀝寒暑迺迭乘嚴冬朔
風奏禦寒無重裘青袍嗟易透頽垣與破壁奔騰而馳驟君子
無安居達人容圭實寢處十四年貧交不敢負一旦將去此居

古詩

卷之二

六十二

亭非復舊他年試重過登堂已肅候內庭如天漢可想不可還
一犬先九原義不他人守一大書自初年
先一月忽自殞天地一蘧廬我身何
去就了然得達觀賓主誰分授

別庭柳

古柳森如蓋每憶盤陽時未須行人贈常碍飛鳥低子規啼不
徹落花滿酒卮蔭暑宜夜月新秋動涼吹既悲中心盡復傷風
雨危一朝遭隕折兀立惟枯枝閱歷未數載曩復華滋嗟此
一樹爾盛衰忽中移嗟予一人身感歎能無施淹留寧不久忽
焉申別離淒淒斜陽影拂拂長條垂不俟荒渡泣無聞征戍迷

他年重過此攀折可相宜

別南茶亭北甘露菴

晨聞有微至暮見府帖盈長官騎南發大吏舟北行汲汲敢辭
倦勞勞惟送迎烈日不我貸嚴霜復我傾有時侵晨候薄暮未
回程南亭與北菴廣狹不同極鐘磬發湊杳佛火有餘清時一
憩尼間對之息紛爭修焉舍之去依依垂蔭情勞吏千古歎嚚
囁盡平生遙念山左地何處息征塵耶縣亦屬
孔道故云

別呂用晦

憶予方里居君名已噪耳迨至結交初驚喜無虛士起衰繼昌

古詩

卷之二

六十三

黎博物儼平子凜凜聖賢範所爭在倫紀遂締姻亞盟皎如星
日比日發城西駕呂子居
城西門時蒞學宮趾斗酒量不盈狂態正堪
擬草書走龍蛇高歌按宮徵予某究禪宗君志惟儒履相持堅
不下朱陸成異理要其授難意十載長松峙遊子就遠道山川
指西鄙遙陟太行高徘徊徒遠視膠漆無終固參商天上使但
守歲寒心何問間道里

別吳孟舉

美彼延陵祠翩翩五陵芳奔騰神駿捷閃爍寶劍光顧我寒暑
中歎息感淒涼贈我紫玉軸貽我青琅玕我時登其樓四壁盡

縹緲欲假拙言詞慷慨不我藏得觀未讀書中夜音琅琅十載
縹緲意不僅在壺觴吁嗟有行役迢迢三晉鄉故人將日遠惻
惻中心傷幸君摩健羽帝京將翔翔願言快馳驅不遺我荒涼
君如芝蕙芬風吹入我堂我思結芳草和煦披春陽無令空梁
月中夜徒仰望

別諸同人

太史重貨殖爲能緩急人許子謂青實市義所志敦人倫二難
苦苞彩肅我如大賓登堂惟問難載酒在佳辰呂子用有別墅
讀書招比鄰徒步偶過訪八牘朱墨新殷勤爲我言吳子謂自

古唐書詩

卷之三

七下

宜交親傑然一代士不數璫璵珍自此遂定交爛熳樂天真年
少有鍾子謂靜遠英英如初春能文追風雅小詞王與秦登堂溫
溫恭對之如飲醇胡子謂二比屋居文雅而恂恂不幸遭妻菲
同患良無因皎潔如明月何憂聚夜燐益此敦意氣每事辱容
詢更仰北堂賢謬助在親仁乘輿郭外遊聽鸞坐草茵實感沈
子謂吏韓意方員屢雜陳入座盡名彥談笑風雲生軒昂屬英俊
典型在老成或如觀大海蛟龍快紛爭或如入名山便楠盡奇
形或如陟高岡鸞鳳無凡聲或如入都市百室瓊瑤盈從此悵
離別惻惻中心鳴

別升萬弟

歷山與眉山相隔止數里家聲既相類行樸復相似吾弟之先
子惟予曰叔氏暫作梅溪遊子遂家於此冬夜來訪我不讓惠
連美鄙作商賈行常懷貧賤恥酒酣意不平咤叱悲憤起挾瑟
齊不好懷玉楚不視古人歎數奇變伏固宜爾肝膽向誰披顧
予稱知已昨日我心傷開楫讀素紙既鮮骨肉歡離索將何倚
居者歎參商弟親支皆不相善行者隔山水會合安可常神情可相使
慰子相思處定覓錦江鯉

別褚彥兮

古唐書詩

卷之三

七下

有客登我堂涕泣下如雨問其何以然無計畱君住憶昔給升
斗念子貧貧宴卽或致排解職在清強侮茲事常行之子獨銘
肺腑吁嗟末俗人恩怨茫無主蒙恩可輸頭下石同乳虎歎子
獨何爲舉世笑愚魯使予感愧并此意在往古

別先塋

累石兀然高指是先人墓夜經間松風樵蘇與狐兔四顧莽無
涯凄然明月路兒孫一展思春秋感雨露而予獨何爲七年俱
成誤自甲辰後不得展先墓今日肅瞻拜涕泣如泉注遠別從此始渺向
太原赴主屯賴伯季駿奔子姪務農太行高白雲起日暮百

感因叢生瞻望迷煙霧何時賦歸來得卜茲土耐生前決定省
死後勤孺慕

別故居

門對青山繞中懸數樹孤規制頗宏敞隙地植嘉蔬憶昔坐小
樓披閱盡圖書明月照小亭俯視神氣娛作客未數年龍風爲
掃除墻垣既崩潰苔蔓滿庭除不僅張蒿滿將同求徑蕪歎息
先人德拮据植崇圖凜凜堂構懼戚戚茂草虞陶令未出門三
徑不堪扶股勤語松竹爲我少躊躇新篠宜宿月脩幹且藏鳥
歸來同嘯傲歲寒可相如

別本師遠瞻和尚

我師人天望遠邇欽慕尚辛勤利人心蹴踏盡龍象一月映羣
山峰峰光相向海內百川流流異原自暢念余嬰塵網幸得蹢
履杖息心學無生靜觀得無妄飢自知加餐倦則親牀帳非云
成一片庶幾免惆悵忽作山左遊慈訓遠相昵選佛與選官何
須分兩樣昔日丹霞意于今正堪況自信苟無餘何復得疑障
再拜謹書紳電勉不相讓從此擁百城無殊禮方丈

別諸兄弟

憶昔赴語溪曾作畱別詩今復將遠邁詞意更酸凄昔俱號強

壯今咸暮氣追吳越數百里三晉處遠陞水阻魚書杳天高雁
影遲聚首時光駛况際遠別離別離當遠道慷慨列酒卮且盡
此會歡驪歌落日低念子作民牧方略宜善施壯語難悲辛強
笑盈涕洟卽有同行樂其如素居悲索居悲不勝會晤良可期
痛彼泉下人使我中心摧昔年纏綿意今朝無一詞汝兄就遠
道我弟知不知

別鄒子靜

結交在年少倏忽成衰老其中聚散因常自縈懷抱鄉城各分
居相思輒相召歷山無停雲惠川發孤棹月夜坐江橋芳春上
城堡呂園踞石嘯龍山拾瑤草一一在目前相踰若昏曉予爲
君溪遊子亦同潦倒同夢喻三月情懷更浩浩自此走語溪離
索遂不保赴試入會城三年一歡笑閒坐吳山顛靜看湖光皎
况多鱗鴻便錦字藏素襖今予獨栖栖遠赴太原道攜子欲同
行山川苦要眇懸知跋涉艱何如閉戶好願子乘長風羽翮凌
天表因以上公車遠向故人討莫徑上燕臺琴堂風悄悄

別管裏指兄

語溪風月意兩人誼獨敦聞予將遠駕感兄復來奔贈我扇一
握佐以贈別言置之懷袖中時時清風存思君誦君詩朗朗清

心魂數日復言返涕泗雜河翻念兄敦氣節何能泛寒暄興來
惟敲韻愁至卽持樽親知在天末何與話晨昏念兄生平志一
一心相論鸞鏡軟早折曾未營墓門詩文慮散失托傳梨棗恨
贈以杖頭錢山川恣吐吞勉爲見了此庶得樂丘園一意參無
生祈不負師恩至理非有他兄其善養殯

別馬錢侯

馬君稱夙儒博古困場屋晚歲得吾子千里稱驥足敝廬焚無
餘經尚堪讀嗟吾有上弟分屬卜鄰睦殷勤泉下薦詩文雅
若栗意真語自佳情厚物其醜以予下榻意定知文行淑慝涼
西席懸躡躡北堂哭子身廬內顧棄予遂不復載與妻子俱庶
共西行穀舊盟云須踐此意良亦毅

別諸相知

予性甘寂寞落落稱寡交古人不揣美庶幾陳與茅謂荆來姻亞
盟則虛常同漆與膠九原不可作歎息梓與喬謂令嗣此意誰
堪續喜觀有鳳毛比居有沈子文章喜同調黃子謂琅敦氣誼
皎日同盟要餘子多素心敢忘曾投桃內戚與中表亦有瓊與
瑤離索能無感折簡不可招我愧臨卽令富人招客豪君皆仲
叔賢致令口腹邀古人分傳意師之敢辭違

贈趙天羽年兄

把臂武林道分袂燕臺路倏忽二十年聚散若朝暮士元天下
才百里何足數讀史慕循良寧以小試忤聲譽上官驚姓名天
子顧予謬分符命幸得隨驥步共事慶方新寅恭忠共慕況重
蘭譜誼寧云非交故飄飄神仙舟指日帝京赴君如天上鸞子
同洞轍鮒升沈既殊途可望不可遇願言一援手今昔成回互

贈同寅邢逸園

之子南國秀聲名振霄壤揮翰風雲生吐音琳球響分符金婺
地神君號無上山水風稱奇令公與俯仰移秩得晉陽風烟四
浩莽杳靜風自清花香氣自爽一見肝膽披星月共昭朗謬以
下士胸而荷高人獎願言惠締交遲暮何足快

在闕中呈兩主考及同事諸公

幽蘭在空谷衆卉雜紛披香風自遠獲庶幾美人怡和璧埋沒
久散璞會有時明月照秦庭光華粲陸離嵒嵒雜陳日朱絃將
焉施領略在太古不異奏天池平莽親崑崙頗快登陟疲携之
觀泰岱鸞從天際窺文章有至理所貴開闢之晉陽處西北文
教將大治綜理有明公釐剔無不宜雅志作人化心存王國儀
主司人倫鑒聲名寓內馳霜瞳各炯炯琉璃照四垂同事諸君

子各各樹鼓旗蘭將自呈芳璞將自獻奇至會悅人耳高山曠人思天地有真色鴻濛不敢私愧予荷道難努力敢後期

祁縣八景 龍臺龍洞

龍臺山名龍祠濠四丈強分四小洞正北一甯為潛宅內有水池細橫三木朽若終古如不勝梁者南二小洞一則太子據之蓋龍孫也一則潤濟侯據之皆澤昭餘之神東南搏一洞幽不可測據之者毛髮豸影疑肅間遂不敢濫入

逕遙入洞口衣帶盡寒色疎身至濠遠亂雲千里黑四洞各離奇儼然如分域北雷處至尊潛龍為窟宅古木橫濠瀾危梁俯

古龍臺詩

卷之三

七十五

空碧稍南聯二穴水乳交凝滴龍孫與潤濟據之司霖澤東南更濠宵腥風朝暮迫日沒萬鬼號雨來千弩集奔雷與噴霧鴻濛終古闕茫然驚飛鳥何從振杖策緬想月上時皎皎照寒栗猛將擁嬌娥新花附古栢

其二 龍臺春水

源出武鄉胡甲山謂胡甲水北流入龍舟峪合龍舟諸碎泉始西北流又西經縣北入於汾乃名曰源灌溉之利多賴之然春漲時亦多漂溺之患

其源胡甲來北入龍舟大淙淙更西流勢繞衆峰背匯合非一

源氣象幻晴晦星漢爛其中清濁光景碎石壁立噴吭橫波極

西塞白雪何皚皚天青入煙靄既無孟門險不與滹沱配拳石屬珍瓏清流聲淅瀝不待山水觀千夫恃灌溉春鍾響風雷枯槲樹旌旆旣荷造化功隄防使弗壞莫似塞宜房白馬沉河瀨獨于歌終哀桃花漲難退牲牲牲祀河伯早潦祈無害庶幾沮如塲百川於茲會

其三 龍山曉照

山在縣東南六十里古隱逸之士多栖此每當夕陽時虛室生白此際大有可觀

古龍臺詩

卷之三

七十六

出郭東南望嶺山名自昔屈曲入層巒叢陰覆泉石日入松杉動星辰來几席巖虛猿鶴啼幽棲高士宅曉茲宵渺景流連在將夕曉霞飛甫散搖搖暮練白落日衆山陰拍拍舞幽禽晦冥杳無際雲寒古木淡而獨澄秋色不與月浮沉斜景照林牖餘暉落衣襟微髮人影亂頓忘天地心策杖自容與我欲謝朝簪

其四 龍舟夜月

盤陀一川沿遡龍舟峪水峪村北關多旅店估客常解鞍焉東岩一潭寒泓淨杖峰虧鬱藪間忽月上松梢亦殊愜幽興也

太行插青天枯樹來悲風客行哀清秋游覽多朦朧徑歷千萬
轉條與清谿通峰峰不藏雲湧出奇芙蓉女蘿飄蕙帶秋響鳴
山蟲寥寥天宇曠變化窮鴻濛月出動萬山羣泉涵碧空谿禽
白如霜淡入蘆花荒洞開玉女窗直入瑤臺宮仙人披髮嘯
鳳操絲桐白光搖寒烟萬里清無窮鳥啼月漸落倒映溪邊松
我來落花晚蹀躞騎青驄寸心寄幽遐何殊上崆峒

其五 高峯積雪

在嶺山東十餘里峻削寒聲冬夏皆有雪

古詩集

卷之三

七十七

天地渾一色大雪積林丘鳥道橫天險絕壁難窮搜恍若銀河
開立身瓊華樓鳥跡絕枯樹龍氣潛古湫白華何蕭颯孤兔幾
見游遠村四五家茅屋無烟浮對此晶心魂竟欲陟之杳何來
班馬鳴豪士青兕裘抽弓顧我笑仰射天西頭太行爲手臂雁
門爲咽喉白光吹不斷紫氣連雲稠邊塞地雄闊長思江南洲
簑笠戴漁父獨釣弄扁舟散髮看梅花烟波長悠悠

其六 故縣龍槐

卽晉大夫祁奚食邑在今縣治東南十五里有老槐一株豈
本臃腫臚枝卷曲匠者不顧故得全其天年或亦祁大夫之
甘棠也

鳳凰鳴梧桐鬱鬱來荆棘聲名一千載各自矜羽翼一朝取其
材道旁堪嘆息何如輪菌姿千春老顏色青天絕攀躋俯仰空
淹抑城東有古槐當大夫食邑歌舞朝雲散鳥鵲不欲入桑田
几變更婆娑此樹立仰者如抱甕俯者如負笈大者如臃腫小
者如束濕亞者如瞰淵伸者如喙粒青葱鬱鬱中蜿蜒龍蛇集
君子花自芳東籬不堪挹美人色自好風雨嗟何及願言托大
樹逍遙在原隰

其七 雙井古栢

在城西五里白圭村雙井相去十餘步栢居其間喬柯分蔭

古詩集

卷之三

七十八

井則一廿一苦

兩聲常相應兩美常相映伊彼濛濛井雙欄時溪徑老農資灌
溉少婦持釜甕轆轤與瓶甕昏旦爭相並東西既分源苦甘亦
異性取用各有宜分別何足病一栢峙其中蔭蓋遂分贈蒼鱗
與虬髯古貌而堅心俯視清泉冽仰視古樹陰古樹搖空碧清
泉照寒林井水靜不流源從海宿尋秋聲亘長風樹杪波濤滾
德鄰曾誌美高下有同音

其八 沙城斷碑

在縣西北八里趙襄子實經厓始舊有石碑文不可辨石雖

者於此得一雁去俄而一雁投雲墮翻轉晝夜哀鳴
而碑立斷

孝婦哭東海能令滄海乾義士五百人捐軀同遭難感慨萬物
埋思之長盤桓皎皎秋月明妻妻芳草寒依托儔侶百歲相
辛酸邊塞苦無食太行高噴天天涯各期許日日顧羽翰夫何
歎離羣相思絕加餐哭泣碑陰畔不上高樹巔高樹恐多風何
似碑陰安苔蘚久剝落高卧几千年飛鳴者爲誰願與共九泉
鴻死碑已裂一望惟寒烟錦江有寡婦日日金叵羅道旁有王
孫哀哀發浩歌決絕思與義不如鴻雁多

七言古詩

卷之三

七十九

陳子性寡交凡宗族親友志同道合者指不多屈自庚戌成
哀詩甫年餘而動陳子哀者又不能不見之詩矣老眼將枯
何能堪此

其一 追哭李光宸老師

負笈西湖道拜別承明門歸來讀邸疏陳情返丘園既遂舞綵
樂彌將古節敦策蹇尋雪徑把鋤植蘭蓀高風駕往古得之故
人言余揚生到師里爲言愧予疎函丈廿載荒討論鄴亭無征輪來往勞
夢魂自至晉祁陽千里隔郊原趙子爲予告師已駕鶴軒聽罷
不敢仰涕泗波瀾翻心喪在何日曾不薦酒樽世兄訪我來欲

迎倒屣痕相對各拜罷不暇泛寒溫荒田迫官租荒廬築他垣
殘書與遺衣讀之畢晨昏方悲先業廢旋慶先德存行履既卓
越出語復和悌愧予荒署內不能具饗殮致勞仲叔駕匆匆遽
返轅君上黃金臺在易州師故里西視盡蒿萊我登麓臺山紫氣亘北
來相望各相慰落日俱徘徊

其二 邵子峻

美子魁梧安鬚眉張如戟雄譚空四座黃河湧几席肝胆良自
負千霜爭共白石門蕭寺鐘西湖孤山屐相與共流連兩月同
晨夕自子奉簡書百里專城責銳意肅大綱釐弊遠奸逆鸞鶴

七言古詩

卷之三

八十

振清音鳴鶴暫鍛翮安見古正人不遭陽九厄朱綬謝花封符
速修文宅予初聞訃音停舟作旅客廣陵月色寒楊子潮聲迫
有淚逐風高酒並楓林赤傳聞君既死英靈胡顯赫邑人獻酒
漿奸徒奪魂魄天地有正氣日星河岳關而公洵不死此理自
噤昔憶昔送君行把酒壯行色今君旅視歸寂寂雞黍設生死
非異情關山嘆阻隔

其三 張彬若

渺渺鄒湖水寥寥客愁輕張子能下榻剪蔬薦春醒寂寞荒齋
內故人霜履明一燈首藉設四座風雨鳴憶予厭塵鞅官然學

無生而子更超越踞地龍象驚師承繇一本膠漆遂同盟維時
秋八月別子事遠征叮嚀床第前不將至道傾癯然若野鶴一
振天外聲豈知贈別語遂作永訣情浮雲誠空幻流水亦孤清
嗟予獨何爲塵勞尚營營傳子臨死時妻孥遽床榻傳言迎若
翁長笑振冠纓一偈并不畱恐傳身後名反怪龐居士死法太
縱橫

其四 管裏指

慘聽薤露歌悲聞河梁詩兩情一時某追憶更難爲賤子遠行
役遠送河之湄舉杯強歡笑停杯雜涕洟晨起成聚首暮宿成
宿

其五 送美師

天涯況兄無骨肉誰與慰相思舟影分西東人影遂參差何日
重會面得與話別離豈知不數月計音西北馳君性常嗜飲脾
疾固所宜而且不善飯一疾遂不支別後有書來開幃見鬚眉
初夏宿予樓殷勤謂吾兒爽氣看山色新聲聽黃鸝縱觀得奇
書興至頗自怡淡秋予初度長篇祝期願叙詞情娓娓舉管力
靡靡此意殊堪念口授甥書之最痛開幃日而同計音馳長吉
有詩文杜牧收散遺舊館人有喪脫驂贈所知况予情好篤盟
許在生期耿耿二事踐不同金石移

其五 送美師

急送索兄詩已渺不可得矣遂成負約良深痛恨

英英關人下長夕動瞻仰住持有吾師亦樂觀方丈靜氣朝山
齊高懷明月爽對之耳目清別堪數時想憶昔羅雀角交遊疎
來往贈金俠士俱解紛高人仿方嘆遠公章山川資履杖嗟予
遠行邁中情兩怏怏囑予慎風塵勸師勤內養惟師風善病以
此作贈享折柳北門外四顧何茫茫步行隨芳草舟行駕蘭漿
遠風蕩征帆追隨不得上欲回尙遠巡將回成惆恍既回屢反
顧拭淚不成響離予別離情紛布如風輪予友話啞咽別酒進
數巡予季遠奔逐出語多苦辛而其豪情處又在忘情人生別
慘心肝死別傷精神云何數月間遽爾反其真哀哉北風厲爲
傳師死辰沐浴而跌坐寄語猶諄諄

其六 設玉叔

我家起南渡祖德亘數世邇來風稍戾所競維刀利亢宗得吾
叔典型賴不墜七宅虔牲牷尊墨及鹽豉能於一身中欲綿數
代祀常傾北海樽不盡東隣賜初日開廩倉再時發衣笥意在
濟匱乏婚葬咸周賜維予多弟兄尤荷青眼視羞言玉樹明大
阮風流異霜晨因病經雨途爲喜至惟此骨肉中而極情文備
予將役太原風塵將遠離不似客語溪音問朝夕寄侄拜堂之
左叔送河之次相囑惟強飯所望在屬治有弟抱奇才秋風逐

猛鷲傳聞仍鍛羽於焉生嘆喟一病胡纏綿梁木遂毀棄欲馳
歸一足雲擁托風吹

其七 蔣龍老師

翩翩佳公子昂首躋雲路風流類洗馬聲名齊太傅垂垂金魚
佩影逐花磚暮浙水喜龍登燕臺快驥附而恒樂漁樵不在親
鷄鶩十年卧東山蒲輪屢徵赴朝方美赤舄夕遂製芒屨故鄉
咫尺間徑去不回顧渺渺匡廬峰乘風振其羽浹浹我巖雲躡
之恣吞吐僧連風雨床是接烟波渡非僅縱奇觀而實絲禪悟
一偈表源流振筆快雲霧既能空死生何復有來去名宿直云
古處齋詩 卷之三 八三

其八 程貽謀

闌中得子卷神理光一片擬登作者堂喜古大家踐衆容衰頹
中能不美婉孌奇文風雨鳴姓名鄉里美執贊登予堂謙和而
雅綯初志感佩言隨將家世串曾祖少司空先朝叨主眷叔祖
及從弟同時荷公薦予掄士六人半爲子家擅此事非偶然古
今不常見送子赴公車花遶曲江宴慰有舍人詩慙生季子而
予加以慰勉仲仲返鄉縣云胡未半載遽赴修文殿老親盈白
髮稚子前筆硯嗟哉原憲貧簞簋悲空廬旣忝師生誼不以公

死變贈棺周子身贈粟給親饌朝暮已饑予俸捐征戰時用兵各
官任 去年具羔酒客前致賀獻今年具生芻客前致贈冥瞬息
一年中凡客情仍繼

其九 張子虛

予母汝祖姑於誼爲中表兩世篤周親庶幾見古道古子能醇
朴翫清一一掃汝父子表兄讀書能明了阨塞童子科十試仍
潦倒未世競營求青衿希世寶子年方終童采采盈芹藻西席
延佳賓予子奉師保登樓親古史下樓攀芳草兩載相綢繆情
意良云好別子赴語溪執手雲樹低送予之昭餘登堂風雨淒
古處齋詩 卷之三 八十四

凌漢章爲其母七旬乞詩

遊子思親淚長自酒風前上感感飛鳥下感感流泉鳥哺常在
側千里朝暮還泉流何迢迢其源自不遷獨有千里客承歡渺
山川凌子客予署此意常纏綿缺茲晨昏候况值介眉年禮疎

倫自厚情至地何偏我爲慰凌子此事讓子專高堂尚膳飯遊
子定飛旋值再稱觴日聚來來僮仆太行原晉地子試涉其巔
遠視倚閭人白髮宛雲烟渺渺獨姆湖悲風亘長天余先望在獨姆湖

甲寅三月送二兄歸里

聚首閱四年而無一日誤相隔四千里而難一朝聚以此賦別

離淚落不堪數情淡稱弟兄嗟年各遲暮况兄染痼疾何以涉

遠路叮嚀囑子侄九侄次兄同行殷勤命僕僮入店伺藥鎗寒溫時加

護庶幾慰旅情抑以起病痼躊躇對吾馬淡情試一訴渡河無

驚蹄登山惟安步與中有病人不堪偶奔仆吾兄夙諱疾出門

古處齋詩

卷之三

八十五

不回顧平昔問奇人兄在祁有執贊學麟經者東門治祖具三竿不辭斟持

鞭矜馳驚朝爲連理枝暮成分飛羽此情難與陳願時來尺素

壽范母爲進士彪西太夫人

熠熠芝蘭葩植根信貽美冽冽醴泉水尊源得其旨何地不生

才於茲得范子少年入承明天子欽姓氏不以捧檄歡而以舞

萊喜范君博羣書剴劑盡情理每多型世言不工作音聲贈我

如琅玕讀之婉宮徵我未儀其人神交良以此令子垂芳名賢

母獲修紀朔氣亘天風與母水雷擬我止佩其香不殊飲以醴

登燕子磯

南樵圭組累途動山林興何意艤舟地適與幽懷併未至烟嵐

蒙既至峰巒淨矜重似乍交相親呈情性斯時值暮雨呼童扶

循磴笑指西郭子得踐清奇徑僅係太原人歷寺既宏敞孤亭更清

勝俯囑波浪洄仰視霄漢剽悠然何所管冷風來清磬舟子促

回船告子四山暝

其二

昨宵清夢洽今朝擬前征舟子來致詞風浪前途驚古人喻窻

轍此阻有餘清帶笠凌風上直向亭上行暮景紆回拾晨光次

第呈烟嵐靄四合風雨斜照明樹喧鶴鶴寂浪掀魚龍輕始知

古處齋詩

卷之三

八十六

清絕處紛囂亦靜寧予愜登山興初無懷古情四檻皆列坐多

半樵與耕閒及興亾事紛紛話戰爭遠溯情感慨近指語縱橫

遂疑波浪激爲作不平鳴

升萬第壁間見大兄詩悽然卒讀因出去年未達書泣賦

息鞍到梅里爲訪同氣好十年不到地竹床仍洒掃四壁列圖

書煙雲快繚繞中有長兄詩贈言非草草初時讀其詩儀容生

懷抱倏憶兄已亡所畱爲遺稿尙有未達書乘風寄遠道別離

叙殷勤家勢歎潦倒其中最關情勸子歸田早常恐衰疾羶旦

暮或不保嗚呼半載中何遂知前兆痛絕第已歸何處同兄老

聲大侄怪予全帙無其算人贈篇因答

有侄字聲大陳言向予詳我伯精詞翰予父能贊揚設帳十四載歲時良云長情意稱相好胡無贈答章以此令予省此意誠茫茫雄譚入予座置酒到君莊情意宛如昨高詠應浪浪相好在真摯不在文采彰驅車至京洛攬轡歷太行遶邊達貝錦卧病值初康贈別與慰勞予翁曾無將書此答子怪即以補遺亡

祝蘇丹生雙壽

少小志丘壑村居樂耕鑿時作城中遊更喜出南郭一帶風景殊遠山勢迴薄高樹影扶疎溪流清魂魄集勝美蘇園高人欣

古處齋詩

卷之二

八十七

寄托蘇君才略優淵源承家學琴瑟雍雍和靜好美園關自予三十年浪遊成落寞每詢鄉里事賴君增光澤豹霧文暫隱鳳雛采加腹去年秋八月旅歸錢塘泊賢書乍傳各蘇子振鯁翮少年美能文旋蕭趨庭樂予歸歷春夏初秋佳興作出望南郭門風景美如昨一片紫氣浮芳園亘寥廓太君先二年紛披下壑鶴麻酒藏之半爲君更滿酌舊遊玩酣暢新情復怡懌山水之清高樹木之交錯并集壽域中巨觥敢辭醉

維揚寓中紀夢

羅子有諸孫數之已得五三者在武陽一倚外祖呂阿代方

週朝夕我獨撫寫言游維揚值汝病未愈五更將出門戀戀我

懷處業已戒行李強忍將汝拒離家纔十日夢僕向我傭家中遣來迎舉輿復張炬首問汝安否答言不堪數夢中盈涕淚醒時惡情緒亦越月既望旅夢復見汝素帽懸明珠短袍穿綠紵笑言汝強健胡令我心楚廿五與廿六長夜得夢屢一者手握箬懷抱在汝父齋在恍惚間面龐不甚親一者汝大母抱汝向汝語別祖已兩宵未能呼阿祖笑汝既嬌痴責汝胡愚魯予曰夢汝或今健乃如許得非仍夢中驚覺夜正午倏忽又三日似我已倦旅倏忽纔到家駕舟復出浦小鬟懷抱汝隔渚呼認取

古處齋詩

卷之三

八十八

停舟亟呼前猛力纔一舉忽汝大母言已能行數武置之即傾

贈朱喬三郡司馬

憶予在語溪君舊已籍籍曾未聞三月秋風萍動翮從此十餘年情好常自懌橫譚論古時置酒張燈夕移席令祁陽遠辱使者歸文爵光曜瓌雅雅雅珍詞璧師古分俸意贈之愧局迫江南財賦地佐郡惟君擇輓輸無後期釐別有神蹟相思卽命駕千里豈云隔俯仰蟬踞勢憑吊興亡跡懷古情殷殷覽勝興漠漠一刺鄭重投莫令嚴逐客但資杖頭錢不使虛遊屐

古處齋詩集卷之四

東海洲殷陳祖法著

七言古

薄暮同子靜過史晉生

暮光向水天欲寒空山靜氣樹中得此時出門欲何之不畏前途雲氣逼鳥聲散亂覆烟空幽結欲吐費氣力草色竟爲夜色收畫影還向草影織此時訪君無他奇肝腸炯炯各無匿清言能生天地光頃令天地從茲黑歸路黯然幸有侶反覺主人太孤特

五言古

春之四

開詠

湖南相思只自酸湖北鴛鴦相約入遙見鴛鴦雙雙飛徘徊影若雙集低頭訴與相思語依然獨守無共泣飛向諸鳥不成群非是知音何處雖無脚飛向枝頭啼啄枝上紅豆粒相思豆予名相思名子傷且自嘗盡相思汁

尋筍

儒寒名瘦不須避還尋瘦客佐清茗呼童抱鋤經屋斷鋤添淺校半橫藤蒼翠翠常相護漫留寒梢映空庭班鱗寸許燒好疎影橫窗甚月隱

試茶

山中著光綠且鬱山下溪光清且冽主人愛溪并愛茗日向山中不忍別取吾古缶還自拭汲泉無語中懷節茗光忽引入思牽衣摘取我非抽細潤生光綠欲沉色映銀河自清潔薰爐生烟繡氣并香愈入泉靜相悅聲滅故之盛以磁佳茶先狀峨之雪兩相融融芭蓮殊明月入孟光欲泄上有靈氣相護持靜氣高風不忍吸

卽山居實相一蒂雙蕊爲黃琅夢賦

空幻主拈今古色聲光寒滅徐相遠天地多情巧位置陰壁層

古處齋

春之四

二

衡常青複情迴夢繞幽人親幽人不能秘之獨圖古竹石麗寶相氣靜琴窓與雲谷香飽蜂情閒意懶他叢後期難共日主人愛花多餘情花以餘情報之複夜半零落泣春晴晨光幽盛起新冰一莖之中散雙采茱萸欲妬開似復易凝空幹逐霞啼日焰寒枝驚有復佳入巧倩洵多情一笑願將再笑禪

雪

空濛雪瀉青氣盡烏啼夜散何處霜白光到松嶺影急黑猿愁挂髮蒼蒼孤桐何以留注色溪流倒影瀉天光冷簾斜倚無村路曙色連夜色商深山老叟白晝眠起開竹扉掃石過呼童

取雪和泉煮餅對寒燈明滅煙摘梅數片雪泉裏梅雪映心心
成泉

丙戌十月訪楊晉公遺

數里訪師不憚遙晚烟暮景天欲暮師方靜居且杜門徑報客
來回不遇欲見不見心炫炫侍童察子若爲怒方承主命逐食
人雙扉因此拒益固心急叩扉兩手鍵十指併一不堪數師初
開聲亦或疑細辨知子忙相顧開樽飲罷醉寢衣瓦聲浙浙驚
夜雨易啼花影日寒山欲留欲別茫無措殷勤從此強就道執
手莫令向前路

古意

卷之四

三

古意

憶自束髮共君歡朝朝暮暮影相連參差夜坐開月炤攀蘿捫
壁搔花嗎當窓刺繡倦成扶贈君夾蝶宿君編獨愁獨笑強不
能共歡共淚花月前情深十載無敢私蟲鳥爲君皆情願塞
黑沈魂不返豈憂極青不可穿

壽茅荆來三十初度

古有顏回執云天英英得道稱名早廟食不分漢與唐天子拜
跪良甚小天地空留蒼古色銷日鑠月永無香亦開彭喬數百
歲際回之年願曉熊彪忽經歲月深十圖勁竹聽好鳥音子

回名彭喬身寒泉夜月爭共皎

百憂集行

二

憂樂均爲天地使何必令憂百倍之東髮操觚作魯儒十五拜
跪仲尼師從此姓名沈三尸二十上書執政疑蔡劬欲生章句
死鳳凰沉淪群鳴鴟因之釋褐宜泉石百憂紛來不我遺淚吟
杜陵彭衙句饑看儲王田家詩吟成光怪心頗喜曰天地繇來
好育有妻忍令咏無衣幼兒索食苦無菜縱此紛紛胡足論毋
食無旨曰毋慈

對月歌

古意

卷之四

四

空庭黯黯然天地變能令天地顏復見深情自與素心人莫謂孤
光炤常偏月影有明滅月情無背面相信若貧交精神各自薦
夜盡孤涼一寒林流華長教心如練

哀難雞

有詩

家畜雞雖零斗者四夜爲鼠傷其五俱去其一二足而不卽
隕另置他所聞母呼喚聲遂自上赴下思刑而且以走也跳
躍之狀哀憐百至遇檻則止焉鳴乃愈哀嗚呼慘矣恨不手
刃黠鼠以慰垂死者又恨其不卽死徒多自苦而感予心傷
予目也

爾難復何爲不邀天幸錫純嘏裂肌猶癰齒牙痕白骨
離爲血瀉折股何堪佐爾鮮餘爪剩羽半入瓦計生不再計死
苦痛慘心如聲難灑酹刑自付何罪致一聞母聲身遂下自隣
死伴遙得五其如母兮歎孤寡獨足跣不成步徑往赴之詎
忍捨豈思近母或得療兒死母生泣長夏爾鼠其皆有子母皆
有肢體寧可蹠實傷予心思報之稱干比戈向爾打其如爾點
古有稱迎貓寧爾爲田社

若中贈郡侯張叔之先生

杖策訪師到茗居爲愛茗行風物殊小艇迎帆泉影亂遠浦疎

古詩

卷七

五

林垂蔭餘白髮老更雙鬢重終朝竹馬及短筇歡呼太守康且
慈歌聲夜半雜鳴鐘自慚東海作書生使君一榻塵且盈潁川
南陽古史爾忍有先生徒聞名一刺益浪姓字投沁如涼風生
虛接清談何數江左輩論文爛爛快雙眸遠遊蕭索挾殘篇榻
紹餘燈不欲燃時向故人問旅子琴劍鐙鐙明夜泉身非佳士
荷品題洛下何須歎數奇京都流傳天子詔精神山水如已隨

和小青焚餘

陬藏古鏡光不流昨日開妝照梳頭影逐瘦形臨花外花遺枯
影落教樓孤塚冷夜人行少幽燐相聚復相繞腸魂叫回生路

難卽腸卽我誰能曉合歡何曾厭杯小傳遞依然手悵悵

過錢江弔古

日光漫漫炤春深寒風瑟瑟復相侵衆卉猶戀昔日枯征人舊
染恐難尋天地黯然無氣色波聲汨汨思同沈將軍已逐胥濤
怒隔代忠魂兩盟心夜半慘然談舊事戈投戟擲聲淋淋更憐
鬼妾訴無路一片荒丘路與衾

感懷

鳥語重烟濕不聞聲走寒山蕭颯處荒雲浩笑向水心青半
作白光戌分我寸心幽以結落日何堪值岐路黯如鬼神生床

古詩

卷七

六

席慘然風雨連朝暮

買書

蕭蕭殘帙何所有士貧非患貧書大積書與後未必讀先人過
慮亦過無女子猶得嗜書癖序讀金石中夜歔歔慨慨賑子
貧索之數四心忤如書乎書乎何負汝癡似終朝伴狂徒

夜集聯句 有序

月南呂七之夜新月在天山林改色子靜偃卧小床予則搖
曳忽已走兩人談鋒如襖林簇無礙複語柳子上忽相謂
曰今夜初月君輩能句聯上夜月石時涼風狂觸發人新

新思子靜即應聲起曰

黑城擁出千山月上狂風奔觸不得穴法千年老去作蟾蜍蟾

欲妬難吹齒髮缺法四女淋漓泣河漢銀樓千朵一齊折蟾人

間餅餌饋中秋蝦蟆代啖半染血法天心冷結未敢吐短髮凝

霜悲古節蟾塞林明滅光所連月容不分涼與熱法

誦晉永公邑師勸農詩

針雨茫上披藪而天心物候兩相值令公爲作勸農行度阡越

陌不辭逼見短髻婦輭髮老叟和觀聲叩上紛紜新勝與舊時

旌光杖影兩無匿時哉不容失出公之口入民力野儘不可餉

古詩

村醪胡以獻感恩報之惟力穡

送伯兄遊吳門

昂藏七尺稱男兒何用閉戶對殘樽居天之下皆中土不分碍

石與崑崙崙則淵淵滄海十日百日何足論杖鉢之外挾奇

音更負壯心日月存徑此千里獨往返荆芥一任上龍颺

古桐行

桐影蕭蕭上簷空陰寒稍夜半接天青光搖日星動靈怪鳳凰羽

儀巢其林更閱百年折音發虛鳴疏越傳絲葉芳聲遂見人初

古風上林杲月低岑天地挹取此靜理從此消廟無古今

留別錢大

我來禹穴探宛委艷豔明珠光蛺蝶次第落溪棹正寒桃花風

煖翠琅玕思君兄弟堪道古姑射神仙縹緲看吾兄十年領英

絕有奇名者有奇節宰相邀賓于黃金何人不曾願交結文章

三史堪並傳人如秋水菊花天元亮何時得隣里空餘歸棹生

寒烟

辨西子沉江

江影澄空如深練湖光戟戟聞怒戰有恨從教泣忠魂有情未

便留名媛若耶之側溪水明輕紗永期色不變君王非跪夫人

古詩

扶諸臣齊上展深殿奇謀已得越功成種蠶不敢首功擅少伯

千古高男子從一之言權所善輕舟作五湖游妄言沉江情

一片姑蘇臺下幽魂遠錢塘江上寒燐見有警有情皆如此是

使陶朱直墮賤

辨王軒遇西子

浣紗有女稱奇絕口言西子已心折溪邊盟重復入吳至今咸

謂有奇節視彼夫差如無人歌聲宛轉皆瀉血唐時王軒一儒

者吟詩寧便通幽穴此情不爲吳王留縱勝少伯何足說西子

此時尚生留鏡中瀉影應盡雪春歸誰唱曲聲寒敢復入間說

風月若言泉下不老人何視少伯如衰薶浪言能令失貞心好
奇遂使識見劣可王軒豈可郭素爲何門扁徒泉咽

乙未元旦竟空同集至劾同谷七歌有吁嗟予年三十三
之句予適符是年而可嗟孰甚因援筆賦之

吁嗟予年三十三燕雲北望暮嵐秋原千勝斜陽雨荒陵白
晝帝妃談宮鴉仍啼柳仍垂啼聲起處速朝參嗚呼一歌兮歌
欲絕無數寒蟲盡剪舌

其二

十齡孤兒稱太蚤望見音容亦艸艸九原慟哭迴不聞藉艸眠

烟諒無好斜陽影裏讀殘書寒雨聲中瞻華表嗚呼二歌兮向

誰論千門暮雨黯黃昏

其三

啞啞慈烏啼古木遶遶慈雲連古屋昔年未盡奉觴思今日相
聚衰麻哭盤殮空置杯觥陳曾有當年未薦菽嗚呼三歌兮更
凄憐月引規聲到寒泉

其四

憶昔結廬湖山旁朝隨松露暮斜陽秋風一夜鴛原急錦羽倦
倚天門翔長兄十年銅駝泣叔仲徒勞賦鳳凰嗚呼四歌兮聲

一片淚剩窮途今復見

其五

諸弟紛如翠琅玕參差寒影待神鸞識字擬學阿兄拙聞聲空
起隣人酸一者徒泣松間露三子朝暮摧心肝嗚呼五歌兮歌
半裂春艸欲枯春泉竭

其六

荒丘一片塚纍纍有女何堪遭四徙平生愛讀嬌女詩長在松
風夜泉裏八齡弱子纔讀書辨字但喜學韓子嗚呼六歌兮歌
蒼茫寒艸白晝遶我床

其七

晨行猶見列明星相知海內幾淺深落落卜交今猶古一片心
肝千黃金我方潦倒君寂寞歟幸有劍生有琴嗚呼七歌兮歌
高舉天地從此無寒暑

贈魏大

與君相隔盈百里幽夢寒燈異地明出君胸中奇字書百卷千
卷未足盈錦囊未盡王孫意處士長留晉代名佩荷紉蘭湘水
綠越阡度陌盡周京憐君壯年登樓興一夜霜天鬢影生衣冠
相對百年泣鐘盡成樓杯未傾別君一載重訪君溪水仍寒山

尚清請君開匣誦君詩松風露石星漢橫

得蔣虎臣先生養病山中信

不生先生廊廟間金門玉殿永無賴不生先生山水間翠壁蒼崖誰堪對風流不讓洗馬如善病更與休文配一朝辭病出都門天子倦留云有待金陵奇氣稱莫京得公之奇更稱快時看銅駝泣曉露何似金馬寒風載時看雙鯉揚清波何似銀魚暖間佩拾烟餐霞宿日月經崖斷樂問鼎齊東山高臥十年意徐慰蒼生千年戴愧不追隨作青童徒見白雲山中露

贈錢大

昔年逢君讀禮居衰麻楚楚君容劬令我重作茗溪客倦賴逢君哭泣餘桃花紅雨逢君日菱烟縹緲君初至今菱荷秋坐老幾當兩兩俱彌孤昔年君開峴山宴江左風流茲復見鷓鴣啼徹暮天寒綠帆飛盡吳江面主人守禮方閉戶芳軒空冷落花片我今仍訪昔年遊逸老風光空引愁朝烟暮雨芳艸路長歌短嘯亂山頭勸君無復列芳尊孤兒焉能橫酒籌

哭楊晉公師

二十年餘朝暮耳師生意氣長已矣憶昔設帷絳帳初寒心屢歷明河水坡文輟自蟬姑鳴析義多因綠醕起東山暫隱西河

席鳴騶數過我北里楓林青時鶯聲迎楓葉紅時鷗羽從其中

猶有相思字臨風長自託雙鯉壯年未入明光屈中夜悲歌伏

櫪耻甲午之年重求賢珠欲明時劍欲指休文多病茲方甚江

風岸雨凄行李一試凄迷再試傷三試徒自守床第病劇不能起第三竭

茂陵遺賦求者誰湮沒殘鍾淒角裏紫陽山前暮鴉啼河汾官

中古木火錢塘江上素旄歸野渡淒淒芳艸靡

擬明妃夢還漢官

屠蘇宴罷夜色明玉臂光寒翠幙輕金笳寂寂歌聲沒明妃夢

作漢官行不聞雕鞍控紫駟不聞沙艸動飛塵玉門飛渡關何

處回馬飄緲峰何平官漏沉沉銀箭杳一山便指五鳳城昆明

池畔集官婢明珠玳瑁裝輕盈今日相逢如不識近前各自佯

背立借問至尊在何處長樂官中歡無極官門深鎖扇不開娼

見金罇流玉液明燈璀璨隔闥窺天子迥異舊顏色須臾忽近

至尊前嵩呼拜舞費氣力千里關山方覩面曾無一言相慰恤

相傳身去延壽幾始悟君恩在塞責風聲起處燭光殘盈座蛾

眉盡屏迹天子傳呼可監來喜見王嬌今夜回爲詔司樂奏管

絃爲詔司復列芳壘爲詔翠鈿灼灼製爲詔鳳袿艷艷裁相別

相逢細飲陳妾意方深君徘徊爲妾傳恩頗未了夜深露立伴

荒州綸音纔罷鳳駕迎驚傳天子回輦道

賦得野渡無人舟自橫

輕風誰曳波如織輕舟一葉隨風逗長天橫空明蘆荻秋水隱
帶斜陽色有客新從燕方來下馬欲渡且徘徊黃河渡口波浪
危艣指篙師聲如雷屬羣過處暮山紫纔繫垂楊誰人使野渡
亭前居民喜官軍不得從此徙

贈柳敬亭

并序

荒署崩頽棲身于敗椽破牖間條同曝日幸庭除獨柳古甚
倚徙其下開襟招爽聽廟檐風鈴丁丁碎碎如官商相應夜

十集卷

朱之昌

三

則羣鳥對月淒鳴高下間無殊宮姬白頭說遺事冷冷然深
人聽也柳繫人思固如是哉猶憶數年前遊人士爭傳有高
人柳敬亭者跡其慷慨任氣節俠生風出入公侯門不少訕
訕已往日事嗚呼紫塞風消銅駝淚落安必起柳子雄心而
重與潮泗于大江戰艦間作金鐵鳴也其以說書技絕天下
數年想望于今一慰知其慷慨任氣節俠生風傲岸于貴人
門者當亦如是非徒作往日事也獨是予越人不及交柳子
于越而于語水柳子不姓柳倚柳下甚適而因以爲姓予倚
柳亦甚適而猶自僞知爲柳子聊以適柳下者并適柳子也

于其將行送以短歌

柳君柳君天下奇姓名直走公侯知至今公侯復誰在能見柳
君談笑時廣座高張訴遺事紅羅映耀爐烟吹古人已沒淒烟
碑古人復生君猶唱斯時七月苦炎熱四座清涼生冰雪說罷
爲君連江鵝鶩添花香候明月花陰掩映華髮疎明月照見心
腸裂江上琵琶山水琴大絃小絃移人心君今憑取廣長舌風
西鬼神集空林蘇門長嘯窮途哭英雄隨意訴愛獨君今嵬嵬
百十回龍翔鸞鳴鳥啄肉柳君此伎願非傳寒蟬咽咽衰柳天
競取新詞供絕技誰解傷心寧南鎮楚年嗚呼不止傷心寧南

十集卷

朱之昌

一

鎮楚年

贈語水錢子與

春來苦雨連朝夕柳暗沉烟漬床席今朝小鳥弄晴光扁舟近
作游仙客憶子生長北海霜結交常願携長策語溪之水流潺
潺語水高人名噴噴錢君意氣凌霄漢傾蓋潦倒空古昔朝日
白時寶缺鳴榔烟紫處高秋生苔成錯落搖尾斗長令洛下欽
才名至今霜髮照明鏡後生不識誰紛更鳳凰之下無凡鳥常
遊玉樹樓瑤草長君稜稜時月高次君英英初日皎神武門前
姓字傳閭閻宮中文光繞古來二陸何足數太丘當世稱嚴表

匡羅之杯琥珀色醉我十斗不辭少回舟何處夕陽低照臺深處無昏曉

夢中有美人淚落知何處之句起足成之

美人淚落知何處明鏡照痕莫數青山不斷古今愁偏向枯枝難深露曲岸空流來往潮不向蛟龍泣朝暮提濕鮫綃紅袖歎絕塞何從寄遠戍良人心內耿憂妾願啼痕從此駐

病中徐次璆年兄惠教新詩賦贈

詩告入闕及遊靈巖十章

曉日炤衰柳秋聲入枯樹蕭瑟意何如藥鎗相晨暮桂叢香近休文室蛩吟寒向洗馬戶有客惠我珠琳琅開雨令我生靈方

十歲書

年之四

采芝蘭秀映明月光採之欲盈把炤我無昏黃我住荒齋

對首荷君遊八閩襟標細絲漲紅蕊烟日迷光彩輝如鳳凰

雨生榕葉暗風高薜荔香君行八閩涉溪嶺我爲君歌閩風景

四月新荷發遲君駕歸航六月新荷長送君往帝鄉楊子渡頭

風浪惡金陵道上海烟蒼靈巖山磧欣君來攀蘿捫磴意徘徊

嘯嶽崢嶸自古昔緩步極目空蒼苔昏曙常歷亂樵薪共往回

帝京不可謂名山恣我寬賦書與賦詩此意何殊別載誦七發

爲心神借朗徹

邵立夫以筵索題贈管裏指

秋雲澹日星河薄秋風漸落梧葉獨坐吳門月二更沽酒邀

君共交錯同心同里生同時此日此時意氣接龍山之上古屋

桐歷山稜獨不稱良知空負入室心巖陵獨見遺竿設龍山上有

陽明子歷山有惟有樓西荷鍾鼎渺陳胡荒故業虞帝祠論古嘗同

景高賢二十年不忽失命駕何妨千里思雞黍况非生虎別

四海九州亦遼廓四海九州直迫隘天生才賢等蟬嘯詩凌晉

魏氣荆蕤迫隘翻令困尺澤書麓徒聞彈空鈇我將挾策燕市

遊何似君今返舊丘燕筑委其不可聽蕭蕭易水誰唱酬舊丘

人情真古朴立夫邵子誠其儔感君獎借芬齒頰索予短句訴

十歲書

年之四

六

離憂離憂雖訴亦何有騷吟未唱生百愁倘仍淪落逐此水哀

鳴鴻鵠徒吟風香蓮葉長堤畔莫話風流野渡頭

贈蕭山張嵩同

嶽嶽淪落生斯時極耳棠頭髻爲徒意氣卓犖白日消心肝妾

歷霜樹枯我欲吹笛徹明月裁竹置鉄悲猿狙一聲激越振沐

木竹裂鉄碎空于于君今爲圖眞清絕左列琴瑟右笙竿我欲

把酒問青天一五一叫一飲飲壚邊渺爾輶車影星徂泉竭徒

躊躇君今爲圖無虛疊左列陶尊右秦壺我欲登山恣游眺攀

蘿捫磴不辭劬展穿烟斷足跼欲前不前畏崎嶇君今爲圖

峻以峭巖巖泰岱間峨峨我欲泛水意容與涉棠寨惟不降迂
天吳叱咤馮夷怒慙橈桂漿誰復須君今爲國嘆望洋湘水茫
茫雲氣虛意須不得何所之披圖靜閱知有餘憐君少年不得
意浩蕩去去將焉如涉山無屐河無梁杖頭屢空歌鳴鳴爲此
短歌壯君行君其按拍爲我歌或似勝君閬苑圖

宿李家庄紫瞻訪故交朱西山因知其族仲興僑寓來訪

并留飲

李家庄南日已西李家庄北行人稀孫子下鞍初拂塵開筵題
刺前致詞故人朱子別三載昔赴公車盛款待有核頻添東與

卷之四

十七

梨下榻不因今昔改孫子有族今姓周齊越分居只三代朱子
爲介前來訪弟握手歡相對有子有孫皆越秀問言故里淚
沾帶剪燭置酒有重陳族懷因之釋塊壘吁嗟乎今人骨肉皆
參差何況區區僅同里千里之外有同心百世宗支本相似吾
辭故園草我別故鄉水相逢故人奈若何峻骨稜稜泰岳起雄
譚浪捲古黃河周君周君更盡爾一杯酒明朝重與聽驪駒

過蔡市口

長安大道蔡市口悲風怒號神鬼啾沙揚塵漲白日暗吾今過
此重停留憶昔相從十年前挾妓置酒彈箏度意氣凌凌干雲

漢直欲睥睨公與侯一朝大獄興棘院桂柳羣森西市頭竄
三聲淒風急熱血數斗濺高丘可憐有魂招不得烏鳶劍啄聲
慘慘嗚呼一死已足謝天下紛紛是非可不求雞黍有意不敢
設私情聊一寄短謳

答管襄指留贈詩

我爲燕京百日留管子重作禦兒遊主人不在客大醉醉後歡
呼聲琅琅念我間關數千里挾貲載篋向神州闔閭門前姓字
罷下第不爲諸公差親知慰我燕市酒子醉我酒偏夷猶慷慨
今燕雲激越兮吳鉤情之所均達者殊憂樂何在非其儔佩吾
劍迴吾舟管子已歸詩句留坐看亭柳生長風髮髯君坐百尺
樓

送同門陸鶴田侍御左遷冀南大叅

誰謂威鳳遠振響在天門誰謂太陽高皎皎烟葵根吁嗟陸君
緒衣使危言激越叩九閭氣槩能恬斧與鑕忠誠何論怒與恩
計死盡親故保全賴至尊左遷豈曰謫驄馬趨晉原天子降堦
動顏色臣罪主恩兩無極三嘆風烟連漳潞太原本生光澤
分陝咨汝不辭勞環賜何憂人下石露棲荒店長草萊猶然夢
繞烏臺栢雞鳴吏趨就道時依稀魚鱗千官入

燈夕過泰山下

岱宗高高青接天一十八盤勢蜿蜒精靈閃爍通明月名光彩

晶瑩映水簾精靈光彩遙可矚策蹇縱書意所便踏澹不知令

節動纏綿已讀燈夕篇燈夕風光世希有朱門玉戶無與偶蓮

焰遙起笙簾燈燈明徹匪羅酒酒散聲沉樂未央銀篝綠帳

鎖鴛鴦豈知巖巖遠山下有客餐露棲嚴霜石燈參差雜烟霧

沙塵慘迫見昏黃是時風俗勤瞻禮天門之南絕頂徒火炬輝

煌碧霞拜跪聲聞祠帝古踪如讀封禪文勝跡不數磨崖

記碧霞青帝胡爲乎炬影呼聲徧遠迤我從山脚仰山峯其間

十處著卷之四 九

無或少停止更且徘徊想日觀當有紅輪從海起試一寄問豪

貴家燈夕風光應無此

弘文館卽事呈胡階平先生

春和正當陽萬木觀光昌秀質快紛披枯枝盡凋喪亦有旭日

中皎皎照扶桑鮒影驚晝伏湘簾婉清揚胡公秉人倫銀璫羅

中堂藹藹扶羣彥朗朗日光芒星眸墨球壁巨椽斷圓方諸生

閉戶垂十年硯光墨影拂拭鮮數載空懷御李意一朝欣逢却

鑒賢數榮輿拉朽高高何所偏剖珠與薔瓦無乃從其便一秉

霜評和月旦吁嗟恩怨兩無傳佩公訓飲公酒自荷吹噓一垂

手始知恩光所照處何數皎日與陽九

雪後寒甚錢二堯都過訪索飲漫賦

北風慘未收餘威尚凝結飢鳥紛四號飛擲雪水雪閉門氣寒

寒出門風揭揭誰作訪載遊入門色猶冽吾欲清言師江左君

言痛飲學高陽建業城頭三尺雪諸君羣落快傳觴吾輩窮愁

寂寞今日甕頭倍清香擲杯靜看明月上不則傳觴坐待梅

花放

送邵立夫

夜夢江聲起寒濤無數飢鳥啼且號故人從此東渡歸寒風寒

雪連昏朝猶憶昔時十載前與子先子稱交好姻亞雖憐世道

親道學常欽得名早一朝吾子赴語溪妻孥行李落日西雄談

自愧北海座下榻敢言汝南齊自從入洛聲名徧項斯不假達

人薦語溪城東終帳高九曲名里阜比擅從此三載得羈留時

向荒齋語舊遊苜蓿之外無多設亦曾沽酒爲夷猶此別不作

陽關唱濤聲風影連祖帳東歷錢塘更曹娥君居蕙水高樓上

上慰高堂倚閭心下慰愛子瞻雲望

題如此江山亭圖

古今亭榭孰爲真倏倏倏朝夕速大約得人點染之此名終

古得不仆或有集衆成悲歌或有西向增慟哭哭聲已逐寒雲
空淚影更隨白日覆當其朱檻碧檻時俯仰江山俱在日有時
觀玩興會真有時憑吊感慨獨一朝風雨遭圯傾荒烟蔓草等
謁促古人山水寄性靈常思筆墨傳山水山水不改可憐色誰
從荒蔓尋遺址染毫展紙供揮灑一楹一檻靡不似朱碧掩映
落日明江清山峭長如此如此江山名其亭斯亭早已泣殘毀
會稽烟嵐作障屏南渡陵寢問劔履忠魂時見擁怒潮俠骨徒
憐埋荒壘昔人登亭而長嘯今人披圖而熟視昔人攀蘿躡磴
目橫空今人惟聞謖謖松風潏潏波浪在圖耳嗚呼此亭旣已
亡矣

卷之四

二十一

傾如此江山感歎何時已卽或江有時而竭山有時而崩筆墨
精光直與天地相終始卽或筆成雲氣墨化煙斯圖光怪不可
紀而今人後人之揣摩此圖想像此亭俯仰乎此山此江者之
情之悵綿綿無盡矣

贈鄭觀之孝廉太夫人

粵聞鄭母貞且賢皎如雪霜亘長川攸血爲歌孤鳳操傷心載
讀黃鵠篇不幸有身稱未亡相從直欲爲黃泉亦聞死易古有
言以母視之良其然下有呱呱待哺之黃口上有蒼蒼待養之
高年兩代直令一身肩婦道母道何能半茲聊承歡一經幸

可傳有婦如此幾忘亡子痛有母如此可令父教全鄭君今日
聲名振天下翔翔皇路信聯翩嗟爾黃鵠與孤鳳有雛長養羽
翩便臨風刷羽耀五采上達重重之九天下徹冥冥之九淵

古儂歌爲茅荊來壽

古來仙人何所分衣松佩芝弄白雲宿日餐月氣氤氳笑指羲
農胡紛紛指彈素琴聲幽聞鄙彼焦尾爲遺焚時乘古槎戲水
濱仁溥爲心動呼羣時訪東海有茅君邀入桃源雨意欣吾欲
訪君雖情慙徒見洞口烟氣熏

渡河篇送友往粵東

春水漲夏水如江流泛河流淤惟彼舟人操櫓與柁高歌遠唱
招人是移音波濤驟至舟平際礮烟雨茫然笠衣是簑中有伊
人張篷獨坐慘容側貌遭時砍斫適彼異國避險就安我欲留
君君不可我於是呼舟人而告曰子來前孤客去國嫠婦顛連
水枯舟泥不得前爾胡以離鄉別淚引之澮爲川又呼河之水
而告之曰爾來前吳越異域燕秦殊邊爾以一葦使之連更以
一帆令之便志士欲去兮不迷嵐烟我欲溯洄兮難裳之褰俯
首河梁正魂斷孤鴻一聲喚徹天

同黃二琅舅鄭九子靜登黃沙湖山坐石話舊因述昔事

惠勝招

我來湖山下登陟快風清孤石當中碣話舊情縱橫憶昔鄒黃
二子遊彼此少年時悲鳴鐘漏未沉雄譚發滾滾倒峽到殘更
莊言理論復誰喻弔古論今雜間情意氣風流長似此於今何
事囁嚅生悲子才高困場屋登高俯視增不平是時歷亂春鳥
啼松風怒氣亦悲聲起行爲逐孤兔迹今墳古墳不可名他年
寂寞長如此後生指顧增論評子允我不從我瑩子不迎不如
振衣從此下豪飲橫酌西日傾曲几可以當危石湖山彷彿列
座極紛紛肴核陳我前何殊左塚而右塋飲今日之酒溯昔日
之盟相期與君同一醉明朝酒醒送君行

哭族兄煥中及其二子章之二盡

嗚呼吾兄樹室東慷慨常慕古人風偶遇不平輒按劍咄嗟里
兒敢怒逢二子文詞頗好古以其恂雅易父雄予時止宿值夜
半雞黍有核何豐隆惟客苦酒前致辭主人豪飲欲千鍾是時
明月過西牖照窗朗照在高松紛紛家事不堪數目睨二子非
凡庸託子惟此期不負齒牙拂拭并磨礪嗚呼鴉鵲高張鳳凰
死遺響剝粒在梧桐引其二雛豐毛羽底幾高舉達蒼穹一雛
零落埋塵土一雛繼之泣命終鴉鵲將據梧而長嘯吾欲射之

誰其授我以長弓時煥中死後即有家難

語署中書示四姪駿烈

五更雞喔出門行箭橫殘卷孤舟輕經過曹江心感惻復歷錢
塘淚縱橫半生忠孝兩俱失對此能無感吾生老妻稚子守故
鄉獨攜一姪赴長征寒暑何殊林下風荒除擬看玉樹明讀書
射策司爾事課米問薪兼我營晝靜荒齋聲出戶孤燈照處聞
論評爾父拮据殫心力鏡中霜髮已如脰困頓場屋六不遇幾
經風雨并寒繁簡閱黜卷幾入穀爾當亟思父志成鳳羽鵠翻
翼遠舉莫學汝叔鵬鸞鳴平時節義猛自厲臨事尤或多紛更
慎勿立志少寬假晝以自惕夜復驚我慚負筠潤筆意爾厯刻
鵠畫虎情讀書務精不務多當使心口相逢迎黃河流漫數千
里崑崙要須究其萌衆山嶙峋而聳特俯奉聖尊以岱衡孟堅
平子稱博物歷紀逾載成都京老輩出言多迂腐至老方知少
年輕少壯不力老大悲莫學汝叔悔恨盈

送呂仲音刑部游淮

高秋夜雨落梧桐淮水淼淼淮魚豐聞藉欲作遊淮客獵獵征
羽壯秋鴻君昔少年事豪俠意氣犖落貫長虹錦綬王孫誰不
羨豈止邑里相誇雄名園芳榭半邑里開樽四座盡名公賦凌

屈宋詞枚鄒錦纓十萬一笑中才名直已走京洛姓字猶爾田
詩言是時欲理鮮平允借公刑曹漸斷公一朝屈抑不得意長
揖歸來倚長松邇來亭臺多索莫羊徑半已寄鄰封尚有參天
之綠竹更兼屈曲之梅峰紫雨蘭風芳春發桂葩芙蓉秋
池鱗可以作客鮮園蔬可以當客供好客雅懷今猶昔綠黯長
令杯不空真奇亭中風月美魚鳥仰識陳子蹤霜髮水胸湖海
氣安能終朝困蒿蓬何以挾之壯淮遊手持蘭竹挂長風二山
三洲聞名久遲君來暮盡改容揚濤已聽浪拍拍鼓鐘又覺
髮髮剖釐酌酒延明月橫琴遠嘯看暮楓爲我弔望陸君墓更

卷之四

二五

一寄語狗屠雄

由梅谿遊峽石山歸飲舟次

我居禦兒已八載意盡登山空懸履平原亦有蒼苔意烟稠
密無客隙出郭間行數里賒大麓風高桑柘迫吾宗有支居梅
里清秋過訪井作客黃雞正肥整正鮮清尊夜醉明月魄載酒
復作峽山遊深秋落葉滿林丘石磴層層苔蘚蘢烟羅淡淡清
氣浮寺宇屢瞻古迹存茅菴僧室窄且幽借竹前屏收遠翠琢
石空明生光怪似此陰寂清人心月夜雪朝更何待我試登巔
一四望千林楓葉盡皆醉長風習習吹我衣秋雲皎皎如欲墜

客言此遊最宜春景色融和人氣淳士女如雲成雜沓蘭泥
吹步香塵忽然茂林屈曲處嫣然紅紫掩映新似此富麗艷陽
天何能奪我清皎蒼潔之秋旻一溪徑渡西山上
有東西二山
光浮增氣爽暮影沉浮欲迴舟未窮幽勝矚虛敞不聞古來遊
山者徑穿直渡成鹵莽近聽松風清心魂遠瞻烟霧來屢杖卽
此徜徉相遇間猶勝危坐孤舟成虛想銀燭夜光生綺筵巨羅
之酒色甘泉勸酬無過弟昆禮亦有大阮稱前賢共言茲遊不
盡兩山美佳期信誓在明年傾倒且盡今夕醉不覺皎皎明月
墮前川浩歌四發輕舟動驚起無數浮鷗飛上天

卷之四

宋之月

二六

壽秀州司理湯伊人先生

值瑞陽
先一日

五月榴花紅灼灼滿眼錦城光綽約仙人捧進九霞杯菖蒲煮
酒色潔白北堂佳氣此日新百觴何厭數先生產自七閩
英文章珠璣驚錯落共吟賦成泣鬼神何似光搖動星岳壺公
山上宮闕明桃花塲中煙雲迫勝境自與異人親先生于此推
宗伯天子間名被簡書吳人欣逢若降陟道逢無冤稱平反胸
如朗月氣春澤煙雨樓前范湖畔風月自昔美無慚躋公之堂
稱公壽風月宛然收几席異日泰階奏鳳皇今日瑤墀舞鸞鶴
翩翩嘖嘖誰得聞先自吳邦後九域

呂千之八十歌

君家遠祖號純陽鍊精葆元上閭闔至今容與復徜徉往來吳越及鄂湘君今繼起誠未決無俟服食刀圭方自然元氣相周章想其客止何輕揚捷若驛騶下康莊矯若鷹隼飛八荒坐人春風桃李鄉飲人醇醪氣芬芳家藏八法首鍾王宋元山水復休霜海內鴻儒盡登堂肯酒不問巡與行飲酣相與評否臧此意今人誰與量况復偉然秦冠裳此身此圖更高蒼有家何在在冥滄言如四十徒想望猶欲乘舟到燕方燕市之酒誠淋浪更有燕歌復激昂欲行未行意難忘今夜北斗倍生光俯視君家壽筵張鸞羽鶴影何飛翔從此千年樂無疆寄語吳越及鄂湘來往仙踪須細詳呂翁非復昔時裝繼起何似乃祖芳

五姪定烈首錄府試仍厄童子科感賦

寒燈欲落未落鏐午夜擁被聲琅琅策窮天人何所用操錐探舌舌本強儒儒咄咄衣食謀敢易宵雅歌三章念子郇試冠諸英恂恂幸不肥家聲鄰里聚觀群歎美今時能建此功名司衡開館羅群彥身踞高臺紅炬明三鼓纔罷魚貫入唱名獨爾首成行脫頂解胸復跳足霜嚴水厚值深更揭榜爾復得報罷肯工今拙懸絕生鄰里聚觀更歎息今時焉能自建此功名我今

易子無自足更無一蹶便沮傾以子之得原非意以子之失何足驚但守窮管更矮編此外得失原自輕

春日在當湖遊東湖諸勝

微雨沾沾天欲落有客來約出東城一里二里小艇便登岸謂可舒吾情弄珠樓上樓欄朽弄珠樓下瓦礫盈數道河光互爭勝前四後五兩奔傾小舟支撐帆影亂一來一往中復橫恍如駁馬相奔突亦如尺梭相經營黃花燦燦成隄岸中斷復連綠野塍謂此不盡眺覽興持篙直入放生亭荷鋤老叟讓途徑碧眼老僧廢達迎東塔塔成纔一級已具高矚俯瞰形河岸園亭

對雅翠竹古樹間雕楹木橋斜通亘十丈柱朽木敗身欲輕

三九

相對雅翠竹古樹間雕楹木橋斜通亘十丈柱朽木敗身欲輕週圍園外不得入云已數易主人各花聲出自化城菴亦有陸子讀書聲案懸名繪柱懸琴床覆蒲簾有餘清揖之入我對竹坐清茗數啜爐烟明時值陰雲覆四座雄談不教黠澹生相傳城北仙人壇母子意嬾云已傾縱使故壇隨白鶴何妨遺址聽流鶯碧紗護處劒鳥古瞻拜之餘生精神寂後一園更幽艷惜花門扁今尊行碧桃咬如星漢曰垂絲艷若醉顏醒餘香雜芳來何自闌影參差池水泓以其一日登臨興徐入小舟箭點明行館堪携酒堪酌忘聽茫微雨近初更

寓當湖客有餽餅花者賦謝

寂寞觀門扇白晝空濛梅雨走宿留
常白上殘書蠅更復驚來衣袖侵晨
剝啄自何聲有客忽攜餅花授俯首似
欲明可憐嬌柔已落零雨後可憐一半
沾絮泥一枝又向寒窓伴消瘦寂寂幽
香何處聞微風常把疎簾透挑燈爲解
茗飲時開軒忽聽語燕侯

贈季介庵刑部

笑君射策明光殿翩翩影入曲江宴
烏石山中望節旌深煙殿霧盡朝霞愛
君云人民無冤司理刑曹兩稱善一朝
公誤忽左

古詩

卷之四

三

遙銅印黃綬冠進賢玉杆子殘夜雨靜
牙籤軸亂曉露研鴻材何事不堪理孰云
冲疲無餘閑悲予老大成困頓潮厥源流
有共傳一朝得與同茲土晨夕相對涕淚
濺我既嚕呬同池鯉君亦幽咽似鳴蟬五
更嚴冷蕭寺火午日妻迷館驛煙勞勞送
迎無停晷朝鳥莫鳥啼聲偏嚕呬既十載
幽咽亦五年因此長哀首嗟吁復纏綿絳
帳風寒應久困承寔負君誰見憐奉君危
視君壽悲歌亦足侑黃耆賤子不避忌諱
言名公重進淋瀝西塊壘澆盡得揚眉返
君舊服金懸肘鳳凰重振天門翅勢斯可
一從否

河邊柳

河邊柳憶汝應獨故鄉有寒暑歷亂生
煙雲小閣扶疎映戶晴如何遠客遇他鄉
野曠沙黃色不負

其二

河邊柳此地風光何消受梨花月下明
素心精躋明水煙邊爭清瀏閱盡天涯作
客人曾憐消瘦似予否

其三

河邊柳滿空飛絮落平阜靈和殿前憔悴
年處士園中零落後如何出處兩茫然殘
條徒折牧兒手

古詩

卷之四

三

聊城泊舟有園儵然賦之

三春飄泊幽燕路極目黃沙與白霧逆風
吹浪數尺高吹轉船頭日欲暮村村籬落
棘爲門東茅聚葦稱完固青徐已作數日
遊風光一似初相遇聊城城外泊小舟忽
美風日欲和柔誰家樓閣傍曲嶺雕檻畫
檻稱雅幽咫尺瞻天光延入戶更待明月
爲唱酬昨黃河水聲朝括括秦華雲氣暮
油油一帶高柳綠蔭疎中有小鳥聲啾啾
此地此景已不惡徑路難覓高人最怯君
徒作開關人憐予不是窺園客門外遙巡
徒延佇忽憶故園風雨夕

過掛劍臺追哭亡友錢幾都

停舟弔古過孤村幽陰一片啼暮猿石城斑斑莓苔色依稀當年舊淚痕至交不以生死異神物豈以有無論至今天寒日暮時居民似聽哭王孫燐燐寒光飛千尺星文夜半雲氣屯孰云今人不如古意氣相并無寒暄我與錢君交十年何曾丹鷄結盟言郭外假迎列絳燭蹕蹕寒暑珂鳴倒殘樽異地相逢明宿好天涯淪落嘆晨昏烟烟肝膽相照處能無相感古誼敦八月霜高木葉落是君臥疾稱幽煩仲冬朔氣吹霰雪是君易簣赴九原是日幽陰晝欲暝披帷相對涕河翻殷勤托我致夢園

古長春詩

朱七

三二

永訣千里不能奔胡適詩嗚呼兩稚侍其旁長願慈原覆孤根遽領懼或負生託相辭何以慰死竟但期銘此一片意無寧珍重信誓存詩成歌罷心幽咽夕陽斜照河水渾回視前村掛劍地煙雨迷離滿墓門

登任城太白樓

和黃香山原韻黃謙佐

先生才名高突兀酒星墮地洒泉出村帘颺處典偏豪手執金龜氣拂拂任城作客是何年賢令驚呼欲墮天相逢異地神蕭爽共對瑤樽醉忘眠此樓此像至今在氣凌泰華與蓬海綠草輕煙歌青春愛捉明月驚潛鱗

其二

此樓千古尚兀兀一帶柳陰傍樓出汶濟括括清流通鳬嶧我巽煙霞拂王孫馳譽開元年骨節珊瑚寒徹天豪歌水石皆震動清吟鳬鵲忘憂眼賀監導城此地兩賢睥睨空四海采石煙波鑑湖春何須兩處托魚鱗

泊舟南陽湖次秋浦韻

疎煙輕靄澹落日一帶山光慘澹出芳塘祗隔蘆葦多汶水南湖欲通波柳影搖青浮水上紅霞碧藻難名狀泊舟夜靜忘憂眠簫鼓隣舟徹清唱何處堡樓一燈清藤蘿搖繫女牆城城中

古長春詩

朱七

三二

過淮陰作淮陰行

咄嗟哉男兒意氣胡紛紛推山頽嶽凌風雲青穹黃壤亘今古此身直欲與之分登壇既今天子拜推轂還使丞相勤但得姓名勒彝鼎誅夷烹醢何足云世人大半多正命百年誰憐突兀墳經侯之里幾曠代感慨猶憐故將軍趙幟倏忽變朝暮楚壘一旦生煙霧至今榮陽汜水間陰陰猶聞哭風雨相傳釣臺百尺高清流激石相吞吐清隱何如嚴子陵壽考孰似齊尚父游

鮮未致長竿飛鳥先令良弓誤丈夫生即爲真王東征西討
如拉磨蕭曹不敢爲等夷布越之徒何足數分明恩怨何敢藏
直以源母對項羽相背之責不足憑獵獵旌旗雲夢聚一朝身
赴西市中蓋世英名死於讎當年埋伏於計奇劍飛埃下曾不
顧鍾吾夜雨氣連離三楚悲聲落日低淮清之水流括括流入
黃河作浪次項王韓侯俱人傑三百里間路不迷一爲公府一
成俘地下相逢道別離

寄慰孫聲遠

咄嗟豐城劍寂寞誰見憐當其巨斗牛槍懷同棄捐縹緲千載

古風詩

卷之四

三

後而有張茂先允矣稱博物鑑別無不專所以三都賦長晚質
前賢知音不遇賞十載徒攻研至寶光陸離至文光華鮮明月
未流光耿耿浮雲邊清輝盈萬里智愚矜其妍寄語左思與雷
煥藏珍豈甘付俗玩莫以旦暮不見收寒煙衰霧共零亂

贈管襄指

方今交道如塵土丹盟皎誓何足數冉冉暮雲東北浮馳如車
蓋茫無主杯杓初陳戈矛生晨星但有參商聚君從九曲初訪
我何曾託交言肺腑只此素心淡漠中十年曾不異風雨月下
看花太有情披榛帶露屐齒輕幽夢方酣聞叫呼夜半斗酒爲

君傾醉出衣袖芳香字長篇短篇何縱橫問今誰主風雅位校
讐詎非吾輩事意賞歡呼聲激昂君亦撚髭鳴得意藍田之玉
光陸離安必盡無斑駁視詩文直道最難行如君處可忘諱忌
逢君對之蘭芷芳別君想像明月光立身大致直峻絕依然寒
露與清霜古來論交不輕許管鮑雷陳稱最良姓氏與君兩中
分易哉此意永不怠進君霞觴君不醉祝君岡陵亦尋常惟以
古人交相勉庶幾山高而水長

管襄指哭兄之哀詩以慰之因憶七弟病

偶行長堤風如掃寒鳥悲呼枯林杪管子入門步嬌兒皂帽畏

古風詩

卷之四

三

頭衣素縞笑問老僧何自來帶皂帽一語未竟淚潦倒晨起倉皇
接家書大怪平安二字少一行讀罷氣慘悽二行三行心如擣
予兄久病忽長徂九月霜風吹柔草恨作天涯飄泊人撫棺慟
哭亦難道兄弟何論意氣投豈云相投不更好從此旅客歸故
鄉何從再見一回老酌酒勸君飲君還應自保君弟有三人棟
榑正續纔聞言更爾轉傷神慟哭徑自出城堡送君君不顧獨
坐地懊惱前月得家書七弟病枯槁雖曾遺之藥一囊臨風長
囑保昏曉遠道無由寄相思夢魂徒向江天遠

短歌行

東鄰老翁年八十，鴈眉皓齒顏。丹墀西鄰有子，神清明呱呱甫。
月出母腹，昨日蕭鼓震東鄰。雄雉露聲，送山麓西鄰之母。善護
雛，一朝何事，抱胸哭。令終人美，殤者悲。達觀何事，分遐促享年。
八十今何在，直與殤兒同朽速。古來彭回俱已亡，何況此輩徒
倏倏。

次安裕師臨別見示韻

欽師道氣空時英，更有慈航隨處生。迢迢爲阜梅里錫渡江，徑
作廣陵行。憶今初夏返京都，小船決季行李輕。拜師徑造故人
宅，子陵寓揚州，師因住彼。入門稟如履，堅冰巍于聖水來。迎我鶴林，寺名在鎮

古處春詩

卷之四

三五

江深處指雲程，舟人急漿渡前溪。金山掩映樹萋萋，官司急下
捉船令。予季昨病閉，船扉咄嗟覲面忽。相左病中小詩記所疑，
歸來閉門，鷗鳥齊往。茸又驚梅將開，庭空風掃雪花，擲陰雲下。
覆重徘徊，忽報吾師飛杖鳥，縹緲輕舟千里來。停盃呼前問所
以爲，此殷殷輕道里，寒光一片接几席。須臾明月，烙屋底，皆作
蒲團坐。上人敢云，灰生遠一視，臨別重將塵柄標，再拜珍重。丰
韻饒。

讀學憲金陟三先生學政論文一則賦頌

茫茫斯道誰宗主，千入雷同等塵土。高者聳牙矜神奇，卑者偃

傳甘肅腐理源，誰闢聖賢宗。簪畫誰責帝王，補挑燈靜夜費尋
思。今人大宅在稽古，千年不掩奎壁光。定有宗公，建旗鼓，衡文
使者八閩英，夙昔風雅得柱獎。多士欣觀簡命新，學政首頌高
賢矩。西漢名儒入座隅，唐宋大家重布武。政如平野宿莽中，忽
瞻泰山祀梁父。又如涓涓爭小流，颺颺萬頃海。濤怒荆蓁滿，衝
出幽芳曉日青。山開宿霧市舶堆，森百寶光宮廟古。樓陳重簷
峙，看煌煌垂世篇。鸞鳳煥煥盛儀羽，真才磊落快舒毫。咄哉何
以容卑努。

贈顧文之

古處春詩

卷之四

三二

顧君顧君人爭識，幼挾圖書聲噴噴。何曾甘心萬人敵，數奇聊
爾逞胸臆。將軍位號古堪匹，天子重君靖鋒鏑。生不逢時暫自
匿，漫誇寶劍同霜碧。不向南山採紫朮，暫向鹿門埋黃石。鄉里
貧窶望周郎，鄉里負氣求曲直。彥方之名，人籍籍萬石之家，世
奕奕令嗣。英才豈易得，振筆凌雲彩五色。騷雅壇中驚樹戟，明
光殿內看獻策。賦賦雙鳳刷羽翮，更美八龍奮頭額。唯君脩然
種世德，自應紫氣亘南極。

仲夏苦雨因憶秋涓之禾中

五月森如十月寒，終朝霪雨苦汎汎。芙蓉葉亂清池影，錦葵花

落碧階殘條爾明應成黑塞萬竹千林盡改觀默如雲暗蒼梧
色急如潮湧海門寬閉門方覺天地窄出門何堪行路難孤舟
乍開見微旭小鳥枝頭弄新綠遙計繫纜向城東驚鷺湖時波
浪遠直如空山瀑布垂橫如蒼林飛寒王戶牖已見點淋淋船
艇何以免漉漉攜酒一壺憂已傾四顧誰堪語平生風搖短燭
旅懷暗憐舟燈火認天明

馬錢侯開母計奔歸

錢錫索食東海隅毛羽未豐道路迂歲荒稻粟不可得風雨巢
覆傷老鳥馬子有母餘六十絰織未遑輟勤劬挾策遠遊非素

三十七

志我常招之無躊躇有妻可以任洗滌有弟可以供菽蔬子今
日守復何爲將旨或亦脯脰俱中更無端羅貝錦投杆致生北
堂虞有璞不堪獻邊辨珉與珞有足不堪騁奚問驛與驚馬子試
得與古人捧檄喜戚戚何其殊晨光初入計音至據牀號泣不
能起脰欲絕眼可枯擊石觸柱陳所以屠沽猶得享餘甘腐儒
何所事片紙婦女長得守牀幃丈夫漂流不如死痛當辭世歸
泉慘何如而猶快譚劇笑紛未已傷哉異地不相知思之寔乃
乖天理出門拜母母顏淒入門焰見先妣字離別傷母子情撫
棺慟哭長已矣送子涉江江亦赤驚天之恨我累子

贈別張田功

梁園佳客姓氏殊茂先平子與齊驅予居東海之蕙川樓高百
尺且荒蕪大江阻隔三千里一朝何幸得連袂君堂白日朱絃
沸我署寒風首肯俱憶初把手常殷勤爲言曾屬舊葭莩若如
天上月我如水中鳬欲往附之駢羽翼浮光下照快清虛君負
沉寃摘組綬我悲淪落無遷除十載蕭寺風雨夜寒齋燈火常
相呼君今飛鳬往帝京離亭折柳駕征車升沈仍異跡聚散遂
分途贈別慚無瓊與珞願君珍重故人書

壽邵母孫儒人

三十八

皎然一夜散秋光素娥亭亭寒雲裳金風猶動菱荷香柔條凜
凜肅初霜似此皎潔而端莊惟母應時標孤芳母生望族若鸞
凰邵子同里厥惟良理學欲接濂洛鄉行事羣稱王彥方惟母
佐之伉儷臧藻茲豆蓬蕭蒸嘗嫺戚告以厨無糧何以遺之釵
與瑞良朋名師紛成行何以佐之酒與漿父觀渺渺在遐荒楚
些一曲聲浪浪靈輻冉冉修來將萬里何憂津無梁中年一旦
稱未亡晨夕清磬禮空王雛鳳翩翩美文章更美復續蘭枝昌
制作既已溢縹緗姓名自應奏闕開母如秋光皎潔而端莊今
嗣又將乘秋氣而翱翔老夫何能一詞佐母賜一片秋空萬里

長

贈胡王叔尊翁元孚先生

歷山之高如壘孤石峻嶒無林翳湖光山色遙相連東望梅
川邇十里里中玉叔交最早丰神奕奕富經史意氣直擬凌青
天風流何湖洛下士黃河發源自崑崙應從家學究其始肅容
登堂拜先生人倫羽儀王國紀絳帳已接河汾傳理學無媿文
定齋載酒問字曾無虛門下聲名藉甚矣北堂開宴盡豪賢解
珥典璫佐賓旨先生古誼起澆漓惟母賢淑實堪比三策未蒙
天子知一經已傳經庭美庚子之秋著先聲黃金臺高虛燕市
鳳羽千仞從天翔鳳詔千章亘天起春風習習碧草霽介眉堂
前稱雙喜六拍雲璈奏變成賤子舒毫色自喜會看紫氣亘梅
川遙從歷山延語水

贈邵時成先生雙壽

君家高樓蔭喬木兩城江水寒波綠澈澗清光躍玉壺銅盤雪
暖曉絳燭仙人舊宇董雙成二十四絃花月明按拍一彈南呂
曲十二峰頭鶴並鳴飲君酒祝君壽榮孟風光映先後芝蘭遙
嬋燕山寶富貴如君何壯哉青雲久別長安街曳杖高吟歸去
來天寒對飲雙星杯

前七歌

予弟予弟字有上年餘四十稱強壯落落丰神秋水同炯炯肝
膽明月狀救難何殊魯朱家市義堪與馮子况一朝蘭莠詰人
凶孤山寂莫孤穿壙嗚呼一歌兮淚湧泉讀詩欲廢急難篇

其二

兄弟八人幼傷一餘者天倫情倍密亦遭患難與賤貧彼傷此
慰歡無失尺素之中見離情何況聯牀與促膝恨予薄俸難分
飽致君設帳遘閑疾嗚呼二歌兮天欲寒霜高孤雁摧心肝

其三

嗟君有婦夙稱賢竭誠茹素踰十年徒勞孟案常空舉幾罷機
杼伴曉眠秦嘉使有書相寄旅夜君言常黯然何爲一朝永相
棄傷心令讀黃鵠篇嗚呼三歌兮風雨惡綠華一夜還枝落

其四

嗟君有子二十餘伶仃何暇讀父書索租常嗟吏胥入稅非應
督園丁鋤霜刀一旦淬臂血感母之誠與婦俱借其母與婦同時割股高

高蒼天呼不應傷心自此稱遺孤嗚呼四歌兮淚如注傷殘寧
獨手與足

其五

嗟君有孫甫四齡子常對之如蘭馨翁歸牽裾迎門喜翁出已
解送小亭竹馬之外索果餌更向小姝爭零星堪憐今作王父
尸許書泣血同列名嗚呼五歌兮墓衾冷痛我枕餘被更刺

其六

交君何在黃金厚對之春風滿座右常將綈袍贈故人肝膽時
時不吝割愁雲黯盡越與吳一時齊聲哭死友輓詞不同薤露
歌應勝素車莫雞酒嗚呼六歌兮行路難天風一夜折鵲原

其七

嗟君有志志莫伸讀書意欲窮周秦手錄一編夜未倦墨光淋

古處詩

朱之目

目一

滿指與脣卞玉四獻終不報龍文寶氣埋延津藏君書於故簾
悲手蹟之已陳刻君文於初編時予初刻課徒痛姓名之猶新嗚呼七

歌兮時逢重九候遠寄茱萸插靈柩

後七歌

古來婦道孰爲美夫亡與亡其至理腐儒鞭口好雌黃有子或
云可不死柏舟固已紀風詩激烈胡亦誦良史子每擊節稱爲
奇吾門何幸親觀此嗚呼一歌兮歌正長隱隱飛燐白日揚

其二

吾弟一疾遽閔幽婦也傍徨計無從霜刀霍霍臂生寒驚看紅

雨濺碧空眶淚爲漿股爲藥再拜進之心忡忡但使沉瘵果有
起敢卽寸臂惜微躬嗚呼再歌兮心爲摧啼淚未足盡其哀

其三

呻吟曾不減初夜焚香呼天願身代乞生註死古有之笑入重
泉增感戴白鍊繫喉喉作聲病子驚起恫五內此誠不荷彼蒼
知此志不渝試之再嗚呼三歌兮不堪聞孤鴻夜夜求其羣

其四

腸斷曾經畢命時日暗雲霾天爲低哭聲一震悲風號鄰翁里
姬盡涕洟崩城不崩古善哭聲枯淚盡血淋漓沮者不能助者

古處詩

朱之目

目三

倦隨慟得絕甘如飴嗚呼四歌兮寒氣逼楓林一夜盡成赤

其五

欲薦一杯村沽酒痛憶生前量不厚欲薦一綫金紙錢黃泉應
有望賑友聊將一卷貝葉翻感恩字字向君受再拜誦之靈輻
前能證子音無訛否嗚呼五歌兮轉無聊續命何處覓香膠

其六

急死庶幾追冥程服瀉何必殊維經舉杯入口鄰姬覺鄰杯傾
瀉遠近驚子婦環伺守益固此心不渝金石誠歡顏溫語今非
昔給之以畢泉下盟嗚呼六歌兮光日月海枯石裂情不竭

其七

防維少弛出小閣尺練繫頭容如昨西計倉皇走老父歎息稱
揚盈賓客景氏有女生時蘭馥而蕙芳陳氏有婦死處山增高
而水增白曾將小略紀生平只此一死炳史冊嗚呼七歌兮歌
將央使我尺幅生馨香

予至語水惟管子髮指邵子雅公錢子巽都往來無虛日
錢子不幸溘先朝露邵子則得薦賢書挾策北上矣管
兄又向法華巷中有終焉之志不勝聚散之感爲賦

我挾妻兒客語水故鄉山水空杖策座中結交有新知肝膽未

詩

卷之四

三

敢輕相擲邵子先來訪荒齋談文論心憶往昔管錢二兄聯臂
至時正蒹葭秋水白他鄉故人倍有情坦懷傲骨兩相值何俟
空雪夜之舟約遊山之展命千里之駕落登高之憤有與徐來
酒可傾不數月夜雨朝和雪夕錢子不幸赴修文臨訣之言傷
心隔未幾妻孥泣飢寒徒使孝標淚沾臆八月秋風鷹隼高邵
子英名人嘖嘖挾策竟上黃金臺凌空何有高百尺法華之山
峰最幽梅花萬本足寄高人跡枯禪兀坐學焚修誰攜村酒潤
詩魄嗚呼生死既異理升沉不同跡范張無復握手期李郭誰
是同舟客年來我已悟無生爲問花塲鐘聲幾共江湖落

哀祁十詩
無兵馬交馳

我悲祁人農事勢朝朝荷鋤出家事釜中曾無三日糧還顧我
忝僅成苗一朝早暖枯雨澤汲井澆澆資桔槔秋成幸得報田
功荷向東市易錢刀上完國稅下私租依然空腹事索綯

其二

我悲祁民學爲商未卜經營向何方朝來策蹇披羊裘亦有徒
步共行裝彼此相形意氣得囊中剩有乾餼糧道逢江南大賈
客珊瑚七寶盈車箱共入旅店兩無語從此不敢生顛昂

其三

我悲祁民勤工作不安故鄉生意薄一自輕身赴京華富家會
募灌園客纔將溉灌向孤蒲又復勸擾刈藜藿囊中何日有餘
錢累累試作還鄉樂十年空負雁孤還仍寄空書慰寂寞

其四

我悲祁人作役夫暮暮朝朝候官符一時旗帖下郵舍十名五
名相連呼雨途滑滑風障面暑日炎炎汗透襦無端官物遭損
失索償之外鞭垂俱既受官錢供官役何敢低頭效長吁

其五

我悲祁人作村婦土室不堪蔽風露耀首曾無沐與膏短褐爲

衣礪爲吳轆轤常分汲井勞鋤耜不僅餉餽赴一朝驟而起
畢拾穗沾泥連雨袴獨有剛猛一片心每對縣官語如注

其六

我悲祁人俗勇悍輕生自古堪感歎一言已自戈鋌逞一錢不
顧頭顱斷百丈溪崖十丈井欲往從之生羽翰朝廷曾無給償
條徒向泉途悲漫漫惜哉移此剛烈心不爲名義扶昏旦

其七

我悲祁馬胡奔馳官衢之下不可支方欣芻豆纔半飽旋將組
舞試平坡朝檄北趨成晉道暮符南向平陶追更憐負重步崎

古處齋詩

卷之四

四十五

輟鞭影常向日中垂自顧廢中有餘粟笑勝衣繡入廟犧

其八

我悲祁牛常殷觶有角何曾敢狂觸大車羣挽餘百箱小車獨
推盈數斛一朝檄下載官兵丈八鞭箠常手逐索向圉人穩車
錢咎我不穩鞭及腹喘息常勤宰相問試問何時能脫輻

其九

我悲祁地多棄壤一望蒼蒼平如掌自從涓源肆虐後膏腴悉
變爲宿莽已遜周原歌麥秀不似苦塘賦草長農人輟耕成太
息農婦餉餽成虛往更有凄咽不商處年年無地有國帑

其十

我悲祁令紛紛心常銘愧作影與衾羸瘦欲類清獻鶴淒清已
似單父琴朝勤保甲珥冠盜暮勤膏雨憂黎黔更有隱憂常白
惕胥或舞文吏受金只此勞苦送迎處下吏敢辭供役任

祁邑八景總咏

何地不生佳山水何人不思誇靈傑八景之名始瀟湘後此紛
紛欲比繁昭餘縣亘百餘里披圖亦自矜奇絕高峰千仞璨銀
花縞衣白紵神仙列春泉屈曲無迴瀾垂綆擲戈同截鐵龍湫
風雨氣陰森雁碑苔蘚色清徹宛如貞女素袂懸儼然猛將霜

古處齋詩

卷之四

四十六

劒掣歸烏歷亂樵歌還返照一點噴山穿須臾明月清光繞夜
半龍舟倍清妍孤槐婆娑斧斤絕食德美蔭感昔賢古栢參差
覆雙井汲纓攜缶相回旋予來探奇令茲十簿書執掌逢迎苦
難從山水發奇情山水或者遲明府遙憶故鄉果孰多何日閒
情隨牧豎

贈同寅孝義陳見田 臨川人

海內傳名應已久中心仰佩如山斗何幸秋風棘闥中霜朝月
夜時攜手氣如芝蘭質如玉幽香溫潤靡不有使予一片襟誠
心得以時時達左右葩經於子詩專家千古風雅得不朽不意

校閱謬同司丙夜追隨慮恐後子欣所獲固瓊玖我信所收非
瓦缶各出霜聯長炯炯中夜歡呼無可否憶昔同叔曾持衡
臨川人范孔歐陽一時取君鄉素稱人倫宗得繼風流爲子壽臨
風想君靈谷山在臨川梗楠竹箭美無偶他鄉移植盈君門應與
茲川爭材數

乙卯秋東齋看菊志傷

去年三月春種菊東籬下吾兄珍護之庶以消長夏晨駟鳥雀
窺幕持盃瀉聊師古人意秋色來荒樹置酒作高會兄情洽
永夜今年誰灌植叢叢反盈含高雖不盈尺色香殊可藉但多
憔悴客似將手澤謝一杯莫兄重傷神去年高會茲重申落英
滿地誰同餐不獨茱萸少一人

戲伯索贈詩走筆爲賦

吾宗自昔稱才美龍駒千里得吾子予居越川子處邑盈盈相
隔一江水汝兄蜚聲三十年此時同予採蘭芷兄邁千爲予相
辛卯同舉逢偏在最高峯六橋煙柳快綦履從此予就祁陽道執手殷勤
惠素紙五載睽違鱗羽疎開吏傳刺呼令止論誼原屬舊雁行
易名知爲新博士剪燭西窓酒半醺爲君意氣更不羣雄談可
以起汾水任俠能無低晉雲予惻惻不平恨耳熱試一語紛

私一根當年卓魯輩時殊地異鄉垂名二恨鄧通藏金穴何不
二今試導城三恨柴桑不能忍偶遭首郵便不平君今卜里獨
間關脂牽何以壯子行種花彈琴吾何有清俸早已贈成兵有
財不必贈文士更兼區區第與兄有財畱以重交納不則豪胥
健僕殷勤執手話平生

祝同寅王台峙

春明三月光如練和風習習生芳甸是時值君攬初揆北亘長
天紫氣徧盈盈歌鳥添酒籌拂拂花枝照華宴與君同是南國
人吳山越水光一片年久同時歌鹿鳴讓君獨上承明殿至今
先後得分符晉陽之南稱鄰弄過君花封飲君酒十年素心遲
會面口碑噴噴使君賢幾幾驅虎入我縣疑難草草作文移商
確殷殷致筆硯摘奸一朝愧我能持平三月煩君謙此事曲折
難具陳此意感佩成縷縷處此冲疲六載餘周旋無力成羽倦
移秩原是掛冠心還朝因作歸田便勸君努力祝加餐商栢定
將循良春今日進君千年鵬明年西望徒留戀但持一片金石
心山川何能使情變

贈太谷杜實甫

鄰封忽聞有杜君遠邇藉藉稱不朽市義不沽俠邪名風流仍

令名教有吾曾比之至彥方能使里黨返罷厚多君更有嗜古癖胸包日星羅二酉聞名久已動相思值予幽閒解組綬策馬間取城東路和風習習吹新柳君之豕孫洵儒雅及門愧無奇字剖次公昔年荐鷹揚共掖爾翁迎馬首皓髮麗眉古仙人間年七十尚餘九談言娓娓快風生數古微今多臧否卽此已動飲醇思况復執卮進旨酒庭前一棗洵婆娑君言七齡植自手至今皤然蔭廣庭植棗之人洵黃耆自古剝棗美幽風君今歲歲堪哺取殷勤爲君卜大年何用安期誇如斗

賦別宋廣文

諱曰祺

古詩

本之目

卷之七

伊予生長在蕙水分符遠在鄆陽里渡黃河今陟太行孰謂天涯無知己絳帳風高有宋君卑比之席繼河汾廣平有賦同誰賞仲舉一榻定與分每念四載共事雅一片神情無虛假黯淡欲低簾洞雲無時常繫廣文馬憐予終日困風塵摧殘不止督郵嗔耿耿常困乞歸客依依先作問渡人此別黯黯堪歎息祇堪夢魂繞靈石別酒三卮徒盈淚驪歌一闕已無力長河雖斷鯉書述高天尚是道願君頻寄相思字落月屋梁慰我思

贈馬赤扶

我鄉定庵姜先生尺素遙遙遣寒溫之外無他及極推馬

予多令名登堂徑入于羽座拂衣初染京洛塵從此殷勤倦情素問字無酬虛短繁雅言如叶笙鏞公縱論亦如風雨生城北十里風光勝據鞍竟坐高人徑園林瀟灑花木幽一片閒情寄古磴佳茗旨酒先後陳夕陽荒荒照危磴自從雀角起瀛臺計名亦罹鄒陽災爰書一定臣罪白其中能無重徘徊排解自是吾令事君言越石洵豪哉我今謝事逾三月潦倒如同困塵埃未聞淵明解組綬猶作阮生窮途哀感子適館意良厚高樓應爲元龍開佳氣逢君桑弧日殷勤勸君屢舉杯四十生子未爲晚猶看他日舞衣萊

古詩

卷之七

五

贈鍾靜遠初得廣文值其四十初度

予昔秉鐸語水城君時十九稱年少龍文豹采正新鮮隋珠和璧相照耀憶子羈遲十五年情好庶幾得久要論古一到子雲亭徵今已並玄冥號尊聞一帙海內傳文章無乃據堂與子從太原返故都舊日講堂一重到聞君已置廣文瓊服官正值強壯年昨日爲我拂征塵蒙君已開玳瑁筵今日值君慶懸弧等添海屋酒流泉何以祝之報殷勤則曰首將樂育傳再廣日月升恒旬三誦鼎鼐鹽梅篇他日訪君并帳地首着盤中重溯舊

續編



ZW 21101000825221

贈王公聘郡侯

秦望之山山離奇遙隔四面烟雲垂運萊僊島非入境珠宮月
關相垂蛇山水之奇待奇人榮戟光生歌來遲我侯建節臨八
越齊雨追風五馬發霏霏玉屑耀春絲濯濯冰壺皎秋月非僅
摘伏稱神君履蔭咸稱得嘉樹昔有風流五右軍蘭亭遺跡千
年聞侯今來往山陰道玉山光映氣氤氳名賢名宦真堪敵金
古不獨姓平分茲山巖義亘永久茲亭遺芬垂不朽我侯德澤
在人心不獨輔理待黃耆吾其竊取升恒祝何以驗之仁者壽
維楊訪趙天朝戶部賦贈

七言古詩

卷之四

五十一

憶昔逢君各年少落落定交西陵道連城共試百里才事事讓
君臻神妙種花屈曲築亭臺安民之策先靖盜因之報最我獨
留千里嘗復荷清照踰年余復過君居亭臺寂寞塵滿除却波
湖畔蒔萊長蒿飭何處設理穩只有周行數十里垂柳盈堦影
扶疎暑以爲蓋寒則障行旅遠近尚歡呼我已歸田近三載君
承簡命來邗水僕君威若廣陵濤大奸小奸咸戢止使君靜若
廣陵散大商小商咸歡喜我從故里來訪君投刺蒙君亦倒屣
秋濤居畔酒肴陳非水榭中清談旨絕營卜築威君成恍惚置
身瀟川裡獨憐隋柳已無存君之垂蔭交柳比